


wĩn nìvìnì
tirlɛ



toussian du sud: wĩn nìvìnì tirlɛ New Testament

wĩn nìvùnì tirlɛ
toussian du sud: wĩn nìvùnì tirlɛ New Testament
Nouveau Testament en toussian

copyright © 2013 Wycliffe Bible Translators, Inc.

Language: Toussian, Southern

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022
aaf2875e-90b5-5c14-b910-61579d3da2c7

Contents

Matye	1
Markı	51
Likiyi	82
Nsyõ	135
Tyipínì	175
Wrome tãñ	229
Korẽnti tãñ	251
Korẽnti tãñ	274
Kalatu tãñ	287
Yefesı tãñ	296
Filipi	303
Kolosu	309
1 Tesaloniki tãñ	314
2 Tesaloniki tãñ	319
1 Timote	322
2 Timote	328
Titi	332
Filemo	335
Nsyaku	337
1 Nsyõ	343
2 Nsyõ	349
3 Nsyõ	350

Matye-á nìvìnì tir nê wãrkı Yesu tyí sòkò

Yesu Krista duku wìl-nsahle

¹ Yesu Krista sùtó nàhkì yó ye lésò Davidile, Davidi sùtó nàhkì yó me Abrahmıne. Yesu Krista mèn nàh tãn nónó-á ku sòkò, pé yni we yò: ² Abrahmı mènne, Yisakı sù ye. Yisakıle, Nsyakòbı sù ye. Nsyakòbile, Nsyuda sù ye, ñmò nê-á n ñínpi sòkò yóle.* ³ Nsyudale, Peresı ànê Nsera sù ye, té Tamar me pé yúne. Peresıle, Yesronı sù ye. Yesronıne, Wramı sù ye. ⁴ Wramıne, Yaminadabı sù ye. Yaminadabile, Nasò sù ye. Nasòne, Salma sù ye. ⁵ Salmale, Bowası sù ye, té Bowası yú me Wrahbile. Bowasıle, Wobedı sù ye, té Wobedı yú me Wrutıle. Wobedıle, Nsyese sù ye. ⁶ Nsyesele, yòtê dí Davidi sù ye. Yòtê dí Davidile, Salomo sù ye, té Salomo yúne, Yuri lékókè kyı ye lésò. ⁷ Salomole, Wroboyam sù ye. Wroboyamne, Abya sù ye. Abyale, Asafı sù ye. ⁸ Asafıle, Nsyosafatı sù ye. Nsyosafatıle, Nsyoram sù ye. Nsyoramne, Wosyası sù ye. ⁹ Wosyasıle, Yotam sù ye. Yotamne, Asyası sù ye. Asyasıle, Yesekyası sù ye. ¹⁰ Yesekyasıle, Manası sù ye. Manasıle, Amo sù ye. Amole, Nsyosyası sù ye. ¹¹ Nsyosyasıle, Yekonya sù ye, ñmò nê-á n ñínpi sòkò yóle. Té légbı ye sò pé me Yisrayel no kyı mò à pé tẽ sòkò Babilonı yamana sòkò.† ¹² Képah nàh, Salatyelı dubi, ñmò nê-á Yekonya pídıne. Salatyelıle, Nsorobabelı sù ye. ¹³ Nsorobabelıle, Abiyudi sù ye. Abiyudile, Yelyakimi sù ye. Yelyakimine, Asorı sù ye. ¹⁴ Asorıle, Sadokı sù ye. Sadokıle, Asyimi sù ye. Asyimine, Yeliyudi sù ye. ¹⁵ Yeliyudile, Yeleyasar sù ye. Yeleyasarle, Matã sù ye. Matãne, Nsyakòbı sù ye. ¹⁶ Nsyakòbile, Nsyosefu sù ye, nê-á Mari pèle. Mari mèn ye sò dubi Yesule, nê-á pé n ye Kristale, Liyel ney yáhtòkòne.

¹⁷ Kno kno nónó pól-á we sòkò, sè we yò: A tókò Abrahmı gbı tyı, pópó à pò syı Davidi gbı tyı, kno knòno gbõnyáh ye we sòkò. A tókò Davidi gbı tyı, à pò syı Yisrayel no tẽnsòkòno tyı Babilonı yamana sòkò, kno knòno gbõnyáh ye tõ we sòkò. Té à tõ tókò Yisrayel no tẽnsòkòno tyı Babilonı yamana sòkò à pò syı Krista gbı tyı, kno knòno gbõnyáh ye we sòkò.

Yesu Krista dubi òkùle

¹⁸ Yesu Krista dubi òkùle we yò: N yú Mari sò me gbínóle Nsyosefu tyı. Nte pèkì nàh sò we yah pé wró, té kè pò we Mari me kúrkıle Liyel Mirki gbò yò. ¹⁹ Té n pe Nsyosefule, négbı ye sò ñne. A nàh sò me ké tyı ne pé Mari yın yıkı névyé yı yah. Képah ye à kè yah tókò ne, páh kı à yahle sètın sò sòkò. ²⁰ Wáh me képah sòno sòkò, Tẽ ñgbẽ Liyel yınyò tònpi yó pò wil n yah dékí sòkò, té yo n tyı ne: «Davidi pídı Nsyosefu, káh tíkí pı á kyı Mari fúrnóle. A nàh we di, Liyel Mirki gbò yò ye à tókò kúrkı mènne. ²¹ A kı pídı dubi nê-á kı n no pwah n mò n pi pé tyípél sòkò. Képah ye, á kı n yın sah Yesule.»‡ ²² Tẽ ñgbẽ Liyel-á lésò n tẽntò syınyo-ò kò à tyı nónó yo sah, sépi wil yın ye tyı nópi pól kò sè pı. A lésò ne nkẽ: ²³ «Yah, dí pí-ńkẽ sê kı kúrkı

* **1:2** 1.2 - Nsyakòbı ñínpi ye Yisrayel no yikini gbõninó súbıle. Yah n te Yenesi 46.8-21. † **1:11** 1.11 - Yah n te 2 Yótám 24.12-16. ‡ **1:21** 1.21 - Wáh noh pàh ne Yesu-á, ké kór ye pwáhnmo-òle.

tɔkɔ. A kɪ dɪnpir yó dubi, té n̄ yĩn kɪ sah Yemanuwelɪle, nê kór-á: Liyel me ápile.»^{§ 24} Nsyosefu-á pɔ dɔ yuku, Tě ñgbě Liyel yĩnyõ tɔnpi-á tyi nónó yo n̄ tyí, à sè pi. A n̄ kyɪ Mari fur. ²⁵ Nte pèkì náh we yah pé wró, fóó Mari syi pɔ pídí mè dubi, té Nsyosefu me n̄ yĩn sah Yesule.

2

Nwɔ̀ kèpye sɔkɔ tyi pnèpu kyínyahnɔle Yesu tyí

¹ Yesu dubi Betlemɪ kwil sɔkɔ, Nsyude sétáh yõ, gbí nê-á lésõ yòtõrí me yòtẽ dí Yerɔdɪ gbõ. Yesu-á dubi sě, ñwɔ̀ kèpye sɔkɔ tyi pnèpu me wil gbɛngbokele, à pɔ Yerusalemɪ kwil sɔkɔ, ² té me pikínyahnɔ pi ne ñkě: «Nsyifunɔ yòtẽ dí nê-á dubi, à me ñyãh sɔkɔ? Api me gbɛngbokele té n̄ ñwɔ̀ kèpil we kè wil. Képah ye á ne á pɔ gbílkínó sah n̄ yõ.» ³ Yòtẽ dí Yerɔdɪ-á képah tẽ noh sě, kè n̄ fɔkɔ fěki ànê Yerusalemɪ tãn pólle. ⁴ Kãh pi sě, à me sárká syínwìlkipu yòtãm ànê Liyel tyi kònsàhnó kwópú pól ye tuke, té pè piki yah ne ñkě, ñyãh sɔkɔ se Liyel ney yáhntɔkɔnɔ yĩne à pɔ dubi ni? ⁵ Pè me yo n̄ tyí ne: «Betlemɪ sɔkɔ ye, Nsyude sétáh yõ. Á náh we di, Liyel lésõ n̄ tẽntõ syínyo-ò kɔ à kè wãrkɪ sah ne ñkě: ⁶ «Áwɔ Betlemɪ kwil nê-á Nsyude sétáh yõ, á náh me fórcɔ Nsyude sétáh yõ kwlo ñgbnɔ sɔkɔ dé. Yah, névyè yah tẽ-ò yó kɪ pɔ n̄ dubi n̄ pi á sɔkɔ, nê-á kɪ ñmɔ no Yisrayel tẽnó ple n̄ pi.»*

⁷ Képah tẽne, Yerɔdɪ me ñwɔ̀ kèpye sɔkɔ tyi pnèpu wõbɪ ye à pɔ pè piki yah pĩ, gbí nê tótó-á pè we ñwɔ̀ kèpil mènne. ⁸ Képah náh, à pè tekɪ mɔ Betlemɪ sɔkɔ, té yo pé tyí ne, pàh kɪ kyɪ, pè pikínyahnɔ pi palle piri mè tyí sɔkɔ, pàh kɪ à we, pè pɔ kè yo pé tyí, péwɔ tɔ kɔ pé kyɪ gbílkínó sah n̄ yõ. ⁹ Yòtẽ dí Yerɔdɪ-á welɔ nópi yo te pé tyí, pè me wěkì tẽ. Pãh wěkì tẽ, ñwɔ̀ kèpil nê-á sò pè we té me gbɛngbokele, pè tɔ kè we pé yah tĩnne kè n̄ yuku péle, pópó à kyɪ yĩn piri mé-ńsah yòtah sírr sɔkɔ. ¹⁰ Nwɔ̀ kèpil mè tɔnwɛnɔle, kè pé ni kah vi. ¹¹ Pè me de gbô, té piri we ànê n̄ yú Marile. Képah tẽne, pè pé gbètukunɔ di piri mè yah à gbílkínó sah n̄ yõ, té pé vyó yey yɪkɪ mɔ à sãn, ànê wòkò yõ yõ kwãh pãn pènèkì yó, ànê làsekwl̄ pãn pènèkì yó wilki sé sɔkɔ, à pèpɔri pi piri tyí. ¹² Képah náh, Liyel gbáhdýãh yó di pé tyí dékí sɔkɔ ne, pè káh pé syɪ yuku Yerɔdɪ tĩnne. Kãh pi sě, pè me wěkì káhkí yó tẽ, à pé syɪ sɔkɔ pé kwil sɔkɔ.

Nsyosefu ànê n̄ no tónsɔkɔnɔle Yesyipti yamana sɔkɔ

¹³ Nwɔ̀ kèpye sɔkɔ tyi pnèpu-á pé syɪ sɔkɔ, Tě ñgbě Liyel yĩnyõ tɔnpi yó me wil Nsyosefu yah dékí sɔkɔ, té yo n̄ tyí ne: «Yòtẽ dí Yerɔdɪ kɪ piri mè soh n̄ kɔ n̄ pi núkúnúkú n̄ ko n̄ mɔ n̄ yĩnne. Képah ye, yuku piri mè tẽ ànê n̄ yúne, n̄ to n̄ sɔkɔ péle Yesyipti yamana sɔkɔ, n̄ kyɪ n̄ tẽ nénpó, pópó kɪ pɔ n̄ nɔ n̄ yónmɔnɔ tyí á tyí.» ¹⁴ Képah tẽne, Nsyosefu me yuku kéné lékãhne, à piri ànê n̄ yú tẽ pè sɔkɔ Yesyipti yamana sɔkɔ. ¹⁵ Pè kyɪ tẽ nénpó, pópó Yerɔdɪ syi pɔ ku. Kãh pi sě, Tě ñgbě Liyel-á lésõ n̄ tẽntõ syínyo-ò kɔ à nê yo sah ne: «Mé n̄ Pídí ye yal Yesyipti yamana sɔkɔ.»† kè kɪ wil.

Betlemɪ wẽnpì yrɔ̀ kònmonɔle

§ 1:23 1.23 - Yah n̄ te Yesayi 7.14. * 2:6 2.6 - Yah n̄ te Mise 5.1. † 2:15 2.15 - Yah n̄ te Wose 11.1.

¹⁶ Yerɔdɪ-á pɔ pĩ ne ńwɔ kèpye sɔkɔ tyi pnèpu-á pé vi tẽ, ò fɔkɔ kah vyãh. Té wãh lésɔ ńwɔ kèpil mè wil gbí we noh sɔkɔ te ńwɔ kèpye sɔkɔ tyi pnèpu tyí sɛ, à núkú ne pè kyɪ Betlemɪ kwil ànê ké gbòplo kwlo wɛnpĩ pól ko mɔ, nónó-á pè náh kah ye nínó nínóle. ¹⁷ Képah sɔkɔ, Liyel tɛntò syínyo-ò Nsyeremi-á lésɔ nê yo sah, kè wil. A lésɔ ne ńkɛ:

¹⁸ «Yĩnpɔ yó me n dɔkɔ Wrama kwil sɔkɔ, nê-á pò gbónó ànê yãm yãm tyi kàhnprinóle.

Arasyɪlɪ ye n gbo ò wɛnpĩ yĩnne.

Pè ye yah kwlo, képah ye à náh me fàlnó tyí.»‡

Nsyosefu ànê ò no kyíntɛnóle Nasaretɪ kwil

¹⁹ Yerɔdɪ kúntenɔ náh, Tɛ ògbɛ Liyel yĩnyò tɔnpɪ yó wil Nsyosefu yah dékí sɔkɔ Yesyipti yamana, ²⁰ té yo ò tyí ne: «Nónó-á sò n yah n kɔ piri mè kònmɔ-ńsahle, pè ku te. Képah ye, yuku piri ànê ò yú tẽ n sɔkɔ Yisrayel sétáh yó.» ²¹ Képah sɔkɔ, Nsyosefu me yuku piri ànê ò yú tẽ pè sɔkɔ Yisrayel sétáh yó. ²² Té wãh pɔ noh ne Arsyɪlawusi-á tɔkɔ Nsyude mara yòtòríle ò sú Yerɔdɪ swɔ, tíkí à tẽ kyínóle nɛnpó. Nte Tɛ ògbɛ me yo mɔ ò tyí dékí sɔkɔ. Képah sɔkɔ, à me sɔkɔ Kalile mara sɔkɔ, § ²³ à kyɪ tẽ ké kwil yó sɔkɔ, nê-á pè n ye Nasaretɪle. Tɛ ògbɛ Liyel-á lésɔ ò tɛntò syínyopu kɔ pè tir nê yo sah, képah wil yĩn ye tir mè kɔ kè pɪ. Pè lésɔ ne ńkɛ: «Á kɪ n ye Nasaretɪ neyne.»

3

Wɛlnwìlkì-ò Nsyɔ me Liyel wɛyne n yo

¹ Légbíne, Wɛlnwìlkì-ò Nsyɔ pɔ Nsyude mara gbɛnnɪ sɔkɔ, à pɔ tyah Liyel wɛyne n yo. ² A sò me yo tú ne: «Yé yé tyípèl pínó yal mɔ. Yé náh we di, Liyel tɔrí me yĩni tẽ te.» ³ Liyel tɛntò syínyo-ò Yesayi-á lésɔ nê yo sah ne ńkɛ: «Ñnî yó yĩnpɔ me n dɔkɔ gbɛnnɪ sɔkɔ ne ńkɛ: «Yé Tɛ ògbɛ wɛkì tɔ sah. Yé ò sókó-ńtân pɪ tómtóm.» Nsyɔ yĩnpɔ tyí ye lésɔ à n yo. ⁴ Yãhmíkì yè fwòmɔntɪ ye sò Nsyɔ wil, té à me ò syĩ tẽ sèl kòle. Sègblo ànê syĩrɪ ye sò ò yòkele. ⁵ Képah tɛne, Yerusalemɪ kwil tãn, ànê Nsyude mara pól névyè, ànê Nsyurdɛ yo gbɛnyah pól névyè sò me n wil n pɔ ò tyí. ⁶ Pè sò me pé tyípèl pínóle n yo n pɔ no pól yí yah, té Nsyɔ me péle n wel n wilkì Nsyurdɛ yo sɔkɔ. ⁷ Képah sɔkɔ, Nsyɔ-á kè we Farisi wɛkì kópú ànê Sadusi wɛkì kópú náhnáh me n pɔ n pɔ à kɔ à péle n wel n wilkì sɛ, à me yo pé tyí ne, wáhnmíró dùkù nópi! Nê se kwɔ péle ne pãh kɪ fɛ to pwah Liyel fòkòvyãhnì yah, nê-á n pi nɪ? ⁸ Pè tyíplɔle n pɪ, nónó-á n wɛkì n pi ne pãh pé tyípèl pínó yal mɔ. ⁹ Té pè káh we ne pãh kɪ n sò pé fòkɔntɪ sɔkɔ ne Abrahamɪ-á pé súle, képah-á kɪ yĩne dé. Páh kéle n yo pé tyí, dyèh nónó-á yò, Liyel-á kɪ fɛ sè vi mɔ pɪ Abrahamɪ pyele. ¹⁰ Té man ńtɛ-á me yáhnshntɛnɔle sésân fɛ yĩnne sé sémìn sɔkɔ. Séswò nê-à n syí-ńkɛne pye pèplɔle, kãh kɪ ko min dah mɔ nyàh sɔkɔ.

¹¹ Péwɔ tẽ wɔ-á péle n wel n wilkì ni sɔkɔ, nê-á kɪ kè wɛkɪ ne pãh pé tyípèl pínó yal mɔ. Nte névi nê-á kɪ n pɔ n pi péwɔ náhle, tẽ wɔ tɛnwɛnɔ-á kal péwɔ tyíle. Páh fórwɔ kah ò lékyèh ńtɛ dénóle. Tɛ wɔ-á kɪ pɔ pè wel

‡ 2:18 2.18 - Yah n te Nsyeremi 31.15. § 2:22 2.22 - Nsyude mara ànê Kalile mara sò me Yisrayel sétáh yó.

wilki Liyel Mirki ànê nyàh sòkò.* 12 N sèmukò fwo fwo kwâh-á me ò gbò. Wàh kɪ ò táh tǒ sah, kɪ ò sèmukò fwo, té kɪ ké pórí kwel mɔ dúkúrí sòkò. Nte sé yésyî wɔle, wàh kɪ sépi suke ní-ńkě nyàh sòkò.

Yesu wèlnwìlkinóle ni sòkò

13 Képah tɛne, Yesu wil Kalile mara sòkò à pɔ Nsyɔ tyí Nsyurdě yóngbali sòkò, ne pé pɔ à kǒ à pé wel wilki ni sòkò. 14 Nte Nsyɔ me yahle té ne, péwɔ-á yíne pé pɔ òmɔ kǒ à pé wel wilki ni sòkò, té òmɔ pyě pɔ péwɔ tyí nɪ? 15 Nte Yesu me yo ò tyí ne: «Ye kè pɪ sě àtre. Á náh we di, ké yah ye Liyel-á nê yah kǒ, ápi kè pɪ.» Wàh képah yo sě, Nsyɔ me fě syi. 16 Yesu wèlnwìlkinóle òsɔ, à wil ni sòkò. Nénpó swɔ yínyò yɪkɪ mɔ, té à me Liyel Mirki we kè me n tiki n pi kèpíkípíkí tyí kǒle, à pɔ tɛ ò yǒ. 17 Képah sòkò, yínpǔ yó núkú n wil yínyò ne ńkě: «Ñmɔ nìdè Pídí ye yò. Nmɔ ye ní nìvìnì yǒle.»

4

Sétàn yǒtɛ-á Yesu tǒ mɔ yah dùkù nêne

1 Képah náh, Liyel Mirki Yesu tɛ yuku gběnnɪ sòkò ne sétàn yǒtɛ à we tǒ mɔ yah nénpó. 2 Wàh sèpìn tikinini ànê lékâhlónó tikinini pɪ yǒke yǒ-ńkěne, kwekɪ à tɛ. 3 Képah sòkò, sétàn yǒtɛ nê-á tǒnmɔ-òle, òmɔ me nɔ de Yesule té yo ò tyí ne, òmɔ-à kɪ nê Liyel Pídíne, à yo dyèh nópi tyí sè vi mɔ pɪ yǒkele. 4 Yesu me yo ò tyí ne: «Kè me wárkínsàhnóle Liyel wey sébéy sòkò ne ńkě: «Yǒke ó náh n pu névile dé. Nte welɔ nónó-á n wil Liyel vyàh, sépi ye pyě n pu névile.»* 5 Képah náh, sétàn yǒtɛ yuku òne Yerusalemɪ kwil, à kyɪ à sah Liyel ní-ńsah gbô yǒtah† 6 té me yo ò tyí ne, òmɔ-à kɪ nê Liyel Pídíne, à yòkò n tiki sétáh. Á kó we nɪ, káh me wárkínsàhnóle Liyel wey sébéy sòkò ne ńkě, òmɔ yinne, Liyel-á kɪ ò yínyò tǒnpɪbɪ kǒ sè kɪ à swah syi sé gbàn sòkò, ò gbáhkɪ kǒ kè náh n mɪ n pi dáhkɪ tyí.‡ 7 Képah sòkò, Yesu me yo ò tyí ne: «Kè me wárkínsàhnó tǒle ne: «Káh á Tɛ ògbě Liyelle n mɔ n yah.»§ 8 Képah náh, sétàn yǒtɛ tǒ sòkò òne yǒlɪ kèyy yó yǒ, à kyɪ kèkǒyǒ tǒrí pǒlle à wěkɪ ànê ké tahrɔle, 9 té yo ò tyí ne, wàh kɪ ò gbètukunɔ di péwɔ yah à pé gbilki, páh kɪ sé pǒlle à kǒ. 10 Képah tɛne, Yesu yo ò tyí ne: «Yal ní tnô, sétàn yǒtɛ! Kè me wárkínsàhnóle Liyel wey sébéy sòkò ne: «Á Tɛ ògbě Liyelle n gbilki, ò té ne n sah òmɔ ó tyí yǒ.»* 11 Képah sòkò, sétàn yǒtɛ me yal ò tnô. Yínyò tǒnpɪbɪ me pɔ ò tnô, à pɔ n yah n dah n mɔ ò tyí sòkò.

Yesu tǒ tyàhnóle Kalile mara sòkò

12 Pè lésò Wèlnwìlki-ò Nsyɔ dah mɔ wòkònpèkè sòkò.† Yesu-á kè noh gbí nêne, à ò syɪ sòkò Kalile mara sòkò. 13 Té à náh tɛ Nasaretɪ kwil sòkò. Á sǒ me kyɪ tɛ Kalile yó-ògbě gbòpɔ kwil yó sòkò pè n ye Kapernayumine, Nsabalǒ yǐkɪ ànê Nefutali yǐkɪ névye sétáh yǒ. 14 Kè ye pɪ sě, nê-á kɪ Liyel tǛntǒ syínyo-ò Yesayi tir yónsàhnó mè kǒ kè kɪ wil. Á lésò ne ńkě:

* 3:11 3.11 - Yah n te Tyípínì 2.1-13. * 4:4 4.4 - Yah n te Tǒnyonɔ 8.3. † 4:5 4.5 - Liyel ní-ńsah gbô yǒtah nê tyí-á n yo ásò sòkò yò, ké kolo kah métérnò gbámne. ‡ 4:6 4.6 - Yah n te Gbálnó 91.11-12. § 4:7 4.7 - Yah n te Tǒnyonɔ 6.16. * 4:10 4.10 - Yah n te Tǒnyonɔ 6.13. † 4:12 4.12 - Yah n te Matye 14.1-12; Markɪ 6.17-18; Likyɪ 9.7-9.

15 «Nsabulõ yìkì ànê Nefutali yìkì névyé nónó-á me wěkì gbòpò nê-á sòkò yó-̀ngbě tnô, ànê pé nónó-á me Nsyurdě yónkahnine, à tahlí pé Kalile mara tãn tyí nónó-á pé túkù nãh pí Nsyifunole, 16 pépi nónó-á sò me fěntũ sòkò, pé kyòò ñgbě yó we. Pépi nónó-á sò me fěntũ sòkò kũ tíkile pé sòkò, kyòò yó me we pé tyí.»‡

17 Té à tókò gbí nê-á sò Yesu me Kapernayumi sòkò, à tyah Liyel weyne n yo, me yo tũ ne: «Yé yé tyípèl pínó yal mɔ. Yé nãh we di, Liyel tǒrí me yĩni tẽ te.»

Yesu tò sãhpú négbrole

18 Yesu sò me n kò Kalile yó-̀ngbě gbòpò sòkò, té díbí népí ními we. Simo nê-á pé yĩn dyi à kǒ Pyerule, ñmɔ ye sò ànê ñ gběndí Andrele. Pè sò me yěnkýò tẽ tẽ mnole n min yò sòkò. Yěnkýò tẽpú ye sò péle. 19 Yesu me yo pé tyí ne: «Yé ñ sò tẽ. Mé kɪ yé pí névyé tẽnpɔpule Liyel tyí.» 20 Nénpó swò, pé núkú pé yěnkýò tẽ tẽ mnò sah té ñ sò tẽ. 21 Wãh tǒ yuku yahle kwéy, à díbí népí ními yísýó we. Nsyakɪ ànê Nsyõ ye sò, pépi nónó-á Nsebede dínpìle. Pè sò me ànê pé sú Nsebedele krótókè sòkò, me pé yěnkýò tẽ tẽ mnole n tǒ n sah. Yesu me pé ye yah. 22 Nénpó swò, pé núkú yal krótókè ànê pé sú tnô, té ñ sò tẽ.

Yesu névyé kwónó ànê yámpú dénmonole

23 Yesu sò me Kalile mara pólle n kò n kǒ, me nolè n kwò Nsyifunò Liyel ní-̀ntãn vì sòkò, me Nìvìnì tirlè n yo Liyel tǒrí tyí yõ, té me yámpú pól ànê néfukuló pólle n de n mɔ. 24 Kãh pí sě, Yesu yĩn wil Siri yamana pól sòkò. No me tyah n pò n pò yámpú pólle ñ tyí, nónó-á sò me kwónó sòkò yam ànê yèvyãhrì duke duke pól sòkò, ànê sétãn-á sò me nónó sòkò, ànê ñdyìkìnpibule, ànê wil kúnó névyele, Yesu pé pól de mɔ. 25 Képah tẽne, tówú ñgbě Yesu sò tẽ. Pé túkù sò wil Kalile mara sòkò, túkù wil Dekapoli mara sòkò, túkù wil Yerusalemi kwil, túkù wil Nsyude mara sòkò, túkù me wil Nsyurdě yónkahnine.

5

Yesu-á kwónó nónó pí yǒli yõ.

1 Yesu-á tówú we sě, à dókò yuku yǒli yõ. Wãh kǒ tẽ, ñ tò sãhpú me no de ñ tnô. 2 Képah sòkò, à me tyah péle n kwò ne ñkě:

Névyé nónó-á me nolì sòkò

3 «Nónó-á pí ne Liyel yétô-á me pé tẽ, pépi tyí nɔ. Pè kɪ Liyel tǒrí nolì yõ n pí. 4 Nónó-á me gbní sòkò, pépi tyí nɔ. Liyel kɪ pé yéti kele n pí. 5 Gblóy tìkínmonò-á me nónó sòkò, pépi tyí nɔ. Sétáh kɪ pò n pí n pí pépi tyíle.* 6 Gbì wěkì kóló dékè-á me nónó sòkò, á kɪ ne kwékɪ ànê níkì sǒ tẽ péle, pépi tyí nɔ. Pãh nêne n yah n kǒ, pé kɪ kè we n dal n mɔ n pí. 7 Nónó-á névyé yãmne n yah, pépi tyí nɔ. Liyel kɪ pé tǒ yãm yah n pí. 8 Nónó nno-á me yályál Liyel yah, pépi tyí nɔ. Pè kɪ Liyel we n pí yĩne. 9 Nónó gbò yõ-á yèvinu n we, pépi tyí nɔ. Pè kɪ n ye n pí Liyel wěnpìle. 10 Nónó-á me fóhnóle n we pé négblo pínó yĩnne Liyel yah, pépi tyí nɔ. Pè kɪ Liyel tǒrí

‡ 4:16 4.16 Yah n te Yesayi 8.23 - 9.1 * 5:5 5.5 - Yah n te Gbálnó 37.11.

noli yõ n pi. ¹¹ Névyè-à yéle n gbyo gbí nêne, té yéle n fõh, té yé tyíle n yo n ko à mìnì duke duke pólle n sah yé yõ nmo yinne, yépi tyí no. ¹² Sě ye lésõ pè fõh Liyel tẽntò syinyopule nónó-á yé dyah tẽ pɔ sɔkɔ. Yé kɪ ké yõre ñgbě we n pi yinyõ sɔkɔ. Képah ye, yé ne n me nìvìnì ñgbě sɔkɔ yèsyìkì tẽne.

Yesu-á kwónó nêne ñ tò sáhpú kɔ pne ànê kyòo tyí yõ

¹³ Yépi ye n no kèkõyóle, sɔ-á pne pãne n no. Nte pne dëndên-à wal ké sɔkɔ, sɔ me kè kɪ tɔ fẽ pɪ dëndên? Kè náh tɔ fẽ tir yó pekɪ n pi, à wil mĩlkinó tyí sɔkɔ kégbó, té névyè kɪ n ko n sɔkɔ ké yõ. ¹⁴ Yépi ye kèkõyó kyòole. Kwil nê-à me mónóle yõli yõ, kè náh fẽ n wõbɪ n pi dò. ¹⁵ Pè náh fòtnòle n soh té dúle n kwĩnki n mo ké yah. Pě kè sah fòtnò sahki sɔkɔ, kè kɔ kè n pɪ kyòole wòkò sɔkɔ névyè pól tyí. ¹⁶ Sě ye yé yĩne yè pɪ kyòole névyè tyí, pè kɔ pè yé tyípéplɔ pínó we, pè mó yé Súle n gbilki, nê-á me yinyõ sɔkɔ.

Yesu-á kwónó nêne ñ tò sáhpú kɔ tyi kònsàhnó tyí yõ

¹⁷ Yé káh we ne nmo-á pɔ tyi kònsàhnó duku kò-ñsah, képah náh pɪ Liyel tẽntò syinyopu-á kwónó nónó kɔ, sépi duku kò-ñsah dé. Mé náh pɔ sé duku kò-ñsah, ñte mé pɔ sé tyi píndalnmɔ-ñsah. ¹⁸ Kègbɪ yõ mé kéle n yo yé tyí, yinyõ ànê sétáh tẽ-à fyò me, kwáh tyí yó, képah náh pɪ kwáhkýĩrí yó nte náh n wilki n pi tyi kònsàhnó sɔkɔ, fók kɪ pɔ syɪ ké sɔkɔ tyi pól pínteno tyí. ¹⁹ Képah ye, névi nê-à n sàh-ñkẽne tyi kònsàhnó sɔkɔ tir kyĩrí fyé yõ, té no téló tɔ yõ yikɪ mo sèntě pínó sɔkɔ, tẽ kɪ fóroɔ kal Liyel tórí noli yópú pólle. Nte névi nê wɔ-à n sah sé sɔkɔ tyiyónó yõ, té séle nole n kwɔ, tẽ wɔ kɪ yĩn-ñsah ñgbě we Liyel tórí noli yó-ñsah sɔkɔ. ²⁰ Mé kéle n yo yé tyí, yáh kɪ pí-ñkẽne gbɪ wèkì kópúle Liyel yah à kal Liyel tyi kònsàhnó kwópú ànê Farisi wèkì kópúle, yé náh Liyel tórí noli yõ n pi.

Yesu-á kwónó nêne ñ tò sáhpú kɔ fòkòvyàhni tyí yõ

²¹ Yé kè noh sɔkɔ ne káh yo á náh tãn tyí ne, ney káh nékókè mɔ. Névi nê-à nékókè mɔ, tẽ-á yĩne tükènole. ²² Nte nmo wɔ kéle n yo yé tyí ne, névi nê-à ñ fɔkɔ vyáh ñ ní-òle, tẽ-á yĩne tükènole. Nê-à ñ ní-ò ye Nèwòle, tẽ-á yĩne tükènole tukey tükèpu fĩnkì tyí. Té nê-à à ye Vĩnplɛ, tẽ wɔ-á yĩne dáhnmɔnole ní-ñkẽ nyàhnpèkè sɔkɔ. ²³ Wáh pɔ á yĩ n kɔ kɔ kwáhle Liyel kɔ-ñsah, té á dyo to kɔ nénpó sɔkɔ ne wáh pɪ de á ní-ò yó tyí, ²⁴ á yĩ n kɔ kɔ kwáh sah nénpó, ñ té n kyɪ á wró tɔ n sah á ní-ò mène, ñ té n pyè n pɔ kéle Liyel kɔ. ²⁵ Tir yó kénkɔ-à me yé wró ànê ñnì yóle, té à kyɪ ñ ye tukey tükè-ò tyí, gbah n tẽ ké yah wah yé yĩnintě-ñkẽ sɔkɔ nénpó. Képah-à pí-ñkẽne, à kɪ kyɪ ále tukey tükè-ò tyí ne à ké yah wah, tukey tükè-ò mè kɪ kyɪ ále sràsýíbì kɔ, té pépi kɪ mó ñ dah mɔ wòkònpèkè sɔkɔ. ²⁶ Kègbɪ yõ mé kéle n yo á tyí, á náh n wil n pi nénpó, né á náh kòli mè pól dyah te pnépné.

Yesu-á kwónó nêne ñ tò sáhpú kɔ fòfíkì tyí yõ

²⁷ Yé kè noh sɔkɔ ne káh me yónóle ne: «Káh fòfíkìle n pɪ.»† ²⁸ Nte nmo kéle n yo yé tyí ne, névi nê-à sé yó yah, té yí wil ñ tyí, tẽ-á fòfíkì pɪ te ñne

† 5:27 5.27 - Yah n te Yálnó 20.14; Tõnyonɔ 5.18.

̀̀ n nı sɔkɔ. ²⁹ A gbɔ̀yò sò yí-à kɪ nê n dah n mɔ n pi tyípékè pínó sɔkɔ, kè gbahlı n wilki n milki ále fıı. A tékínóle á wil gběnsê fı núkú sɔkɔ, képah kɪ fónfó kal á wil pól mínndahnmonɔ yò ní-ńkê nyàhnpèkè sɔkɔ. ³⁰ A gbɔ̀yò sò gbò-à kɪ nê n dah n mɔ n pi tyípékè pínó sɔkɔ, kè kām n milki ále fıı. A tékínóle á wil gběnsê fı núkú sɔkɔ, képah kɪ fónfó kal á wil pól kyíndeno yò ní-ńkê nyàhnpèkè sɔkɔ.

Yesu-á kwónó nêne ñ tò sáhpú kō fúr yíkínó tyí yò

³¹ Kè me yónó tɔle ne, névi nê-à ñ kyıle n fin n mɔ, tẽ-á yĩne à ñ fínnmonɔ tārɸyò sébéy pı à kō.† ³² Nte ńmɔ tẽ wɔ kéle n yo yé tyí ne, névi nê-à ñ kyı fin mɔ né fòfíkì tẽ tyí yò náh, tẽ-á me ñne n mɔ fòfíkì pínó wěkì yò. Névi nê tɔ-à mó sé fínnmonɔ tɔkɔ, fòfíkì-á tẽ n pı.

Yesu-á kwónó nêne ñ tò sáhpú kō gblɔy wónó tyí yò

³³ Yé kè noh sɔkɔ tɔle ne kǎh yo á náh tǎn tyí ne: «Káh ále n wo m̀̀nı tyı sɔkɔ. Wáh á wo tir nê sɔkɔ Tẽ ñgbě yah, á yĩne ñ kè pı.» ³⁴ Nte ńmɔ tẽ wɔ kéle n yo yé tyí ne, yé káh yéle n wo pólle. Yé káh yéle n wo yĩnyòle. Liyel tǔrí kǔ ye kéle, képah ye yé káh yéle n wo kéle. ³⁵ Yé káh yéle n wo sétáhle. Liyel gbyêh súnsh-ñsah kǔ ye kéle, képah ye yé káh yéle n wo kéle. Yé káh yéle n wo Yerusalemıne. Yòtẽ ñgbě Liyel kwil ye kéle, képah ye yé káh yéle n wo kéle. ³⁶ Káh ále n wo á yòle. A náh fẽ á yòyén pó núkú ńtẽ fyé piki, képah náh pı à kè silki n pi, képah ye káh ále n wo kéle. ³⁷ Káh àwele, yo ne àwe-á. Káh ǔòle, yo ne ǔò-á. Té wáh nê yo dohnı sépi yò, pèkè pí-ò tò vyáh ye.

Yesu-á kwónó nêne ñ tò sáhpú kō pèkè dyáhnó tyí yò

³⁸ Yé kè noh sɔkɔ ne kǎh me yónóle ne: «Wáh yí sɔ, á yí kɪ sɔ. Wáh yín dal, á yín kɪ dal.»§ ³⁹ Nte ńmɔ kéle n yo yé tyí ne, névi-à tyítúkù pı yé tyí, yé káh ne yáh ké wóle n de. Té névi-à á gbɔ̀yò sò létáh mı, ké ní-ò tɔ vi n mɔ à kō. ⁴⁰ Névi-à me ké tyí ne pé ñ ye tukey tükèpu tyí á fwòmònpír syı yĩnne, á fwòmò-ñgbě tɔle tẽ kō. ⁴¹ Névi-à ñ kyı mɔ ne á kíló núkú kɔ péle, kílónó nínó kɔ tẽne. ⁴² Névi nê-à ni á tyí, yí tẽ kō. Nê-à ne pé dekı syı á tyí, káh n yahle.

Yesu-á kwónó nêne ñ tò sáhpú kō à yuku sépébi tyí-á yĩne kè no pé tyí sǔ

⁴³ Yé kè noh sɔkɔ ne kǎh me yónóle ne, á ní-ò tyí-á yĩne kè no á tyí,* á mó á sépe dyɔle n yo. ⁴⁴ Nte ńmɔ kéle n yo yé tyí ne, yé ye yé sépébi tyí no yé tyí, yé mó Liyelle n ni yé fóhpú tyí. ⁴⁵ Yáh képahle n pı, yé Sú Liyel nê-á yĩnyò sɔkɔ, yé me kéle n wěkı ne ñmɔ wěnpı-á yéle. Nmɔ ye n se ñ gbıne népêl ànê népéplɔ tyí, té pũne n pı n mɔ négló ànê nétúkúnı tyí. ⁴⁶ Té yépi tyí-á no nóno tyí, pépi ó tyí-à no yé tyí, yòre nê me yé kɪ n we n pi képah sɔkɔ Liyel tyí? Móri syıpú ńtẽ tɔ náh me sěntẽne n pı di? ⁴⁷ Yáh n wéki n mɔ yé no ó tyí, gběndúnı tir nê me képahle? Liyel wěkì kó-ńkèpú ńtẽ tɔ náh me sěntẽne n pı di? ⁴⁸ Yépi tẽ wóle, yé tyípéplɔ ó kókóle n pı, sǔ-á yé Sú tyípéplɔ ó kókóle n pı, ñmɔ nê-á me yĩnyò sɔkɔ.

† 5:31 5.31 - Yah n te Tǔnyono 24.1. § 5:38 5.38 - Yah n te Yálnó 21.22-25. * 5:43 5.43 - Yah n te Levitiki 19.18.

6

Yesu-á kwónó nêne ò tò sáhpú kǒ yĩ n kǒ òúkù tyí yǒ

¹ Yé yé gblǒyne n tǔ gbɛ wěkì kólóle yínyáhkì sǒkǒ dé. Yâh képahle n pi, yé náh ké yǒre we n pi Sú Liyel tyí, òmǒ nê-á yínyǒ. ² Képah ye, wâh kwâhle n yĩ yâm neyne n kǒ, káh ké kwníne n kǒ sǒ-á névyé tókù n ne n pi kéle Liyel ní-ńtân vî sǒkǒ ànê wâh yey sǒkǒ, névyé kǒ pǔ péle n gbilki. Kègbɛ yǒ mé kéle n yo yé tyí, pè ye ké yǒre we te. ³ Nte áwǒ-à kwâhle n yĩ yâm neyne n kǒ, káh n ye ònî yó ńtǔ pĩ ké sǒkǒ. ⁴ Képah sǒkǒ, yínkǒnǒ nê-á á pi, kè kɛ tǔ sètìn sǒ sǒkǒ. Té Sú Liyel nê-á sètìn sǒ tyile n pne, òmǒ kɛ ò dyah ké yǒrele.

Yesu-á kwónó nêne ò tò sáhpú kǒ Liyel ni òúkù tyí yǒ

⁵ Yâh Liyelle n ni, yé káh névyé tókùle n yah n pi. Liyel ní-ńtân vî ànê wětlo yey sǒkǒ yúkúnyíntǔnǒ tyí ye nǒ pépi tyí pàh Liyelle n ni. Pé gblǒy wěkɛ yĩn ye pè n ne n pi képahle. Kègbɛ yǒ mé kéle n yo yé tyí, pè ye ké yǒre we te. ⁶ Nte áwǒ-à me ké tyí ne á Liyel ni, wâh pi ò de á wòkò sǒkǒ, ò té á yah vike, ò té á Sú Liyelle n ni. Té Sú Liyel nê-á sètìn sǒ tyile n pne, òmǒ kɛ ò dyah ké yǒrele. ⁷ Yâh níri le n pi, yé káh tyile n tǒ n yo tyé-ńkǔne Liyel pí-ńkǔpú tyí kǒle. Pépi tǔ sǒnǒ sǒkǒ, tyi tǒnyonǒ kwléyy níri ye Liyel n tǔ. ⁸ Nte yĩ nónó yétǒ-á me yépi tǔ, yé Sú Liyel sè pĩ te sé ní-ńkǔ gbí ńtǔne ò tyí. Képah ye, yé káh Liyel pí-ńkǔpúle n yah n pi.

⁹ Yâh yĩne ye Liyelle n ni òúkù nêne, kè we yò:

Ápi Sú Liyel nê-á yínyǒ,
á yĩn ne n gbilki.

¹⁰ Á yǒtǒrí wěkɛ.

Wâh me nê tyí,

képah ne n pi sétâh yǒ, sǒ-á kéle yínyǒ.

¹¹ Á kwey gbìyǐkì yǒkele á kǒ.

¹² Ápi-á pi de áwǒ tyí tyi nónó sǒkǒ, sè yǒ n mǒ á kǒ,
sǒ-á ápi tǒ yǒ mǒ névyé kǒ, nónó-á pi de á tyí.

¹³ Káh n ye à sétân yǒtǔ tǒnmǒnǒle n fǔ n syi.

Nte á pwah n mǒ ò gbǒ, òmǒ nê tyí-á pèkè pínó sǒ n wil.

[Yǒtǒrí, ànê tǔnwǔnǒ, ànê gbílkínóle, áwǒ tyí ye gbímǔgbí. Amiina!]

¹⁴ Névyé nónó-á n pi n de yé tyí, yâh n yǒ n mǒ péle n kǒ, yé Sú Liyel nê-á yínyǒ, à kɛ n yǒ n mǒ yé tǒle n kǒ. ¹⁵ Nte yépi-à névyé tyípǔlle n yǒ n mǒ péle n kǒ-ńkǔne, yé Sú Liyel náh yépi tǒ tyí yǒ n mǒ yé kǒ n pi.

Yesu-á kwónó nêne ò tò sáhpú kǒ níkì tǔ òúkù tyí yǒ

¹⁶ Yâh níkì tǔ, yé káh yé yey kwǒ n sah névyé tókù tyí kǒle. Pépi ńkǔne pé yey yǒre n sah ne névyé pĩ ne pâh me níkì tǔ. Kègbɛ yǒ mé kéle n yo yé tyí, pè ye ké yǒre we te. ¹⁷ Nte áwǒ-à níkì tǔ, á yah wu, té káh á yǒ pi n sah yákára, ¹⁸ névyé kǒ pè pĩ ne wâh me níkì tǔ. Té á Sú Liyel nê-á sètìn sǒ tyile n pne, òmǒ kɛ ò dyah ké yǒrele.

Yesu-á kwónó nêne ò tò sáhpú kǒ tahrí koh n sah òúkù tyí yǒ yínyǒ

¹⁹ Yé káh tahríle n yah n koh n sah kékǒyǒ mǔ sǒkǒ, képah nê sǒkǒ-á sóhrí ànê syímí kɛ fǔ séle n yǒ, képah náh pi yípú kɛ fǔ kye de vî sǒkǒ kɛ

sè yí tɔkɔ. ²⁰ Nte yé tahrɛ n yah n koh n sah yínyõ, képah nê sɔkɔ-á sóhrí ànê syímí náh me sé yõ yõ tẽne, yípú tɔ náh me kɪ fẽ kye de vì sɔkɔ, képah náh pɪ kɪ yĩbe yĩ. ²¹ Á náh we di, á tahrɛ-à me rýāh, á sɔnɔ tɔ kɪ me nɛnpó.

²² Wil kyòole, yí ye. Á yí-à me vyele, á wil pól kɪ me kyòo sɔkɔ. ²³ Nte á yí-à yɪkɪ, á wil pól kɪ me fěntũ sɔkɔ. Kyòo nê-á á sɔkɔ, kàh kɪ me fěntũne, á me yíi fěntũ pbèy sɔkɔ dé. ²⁴ Névi yó rítẽ náh fě tò kwɔ n pɪ n pi yõtām nɛpĩ nímí tyí. Á kɪ núkú dyòle n yɔ, té kɪ nɔ n ní-òle. Képah náh pɪ, à kɪ núkúle n tĩnki, té kɪ n ní-ò we mɔ. Sě ó ye, yé náh fě tò kwɔ n pɪ n pi Liyel ànê pó tyí.

²⁵ Képah ye ní kō mé kéle n yo yé tyí ne, yé káh yé fɔkɔle n sɔ yáh ne we n yõ [té we n wɔ] n pi sɔ, té kɪ me min sɔkɔ, ànê yáh ne yé wil flo we n mɔ n pi sɔ. Névi min tyí náh tah kal yòkele di? Wil tɔ tyí náh tah kal flole di?

²⁶ Yé yah kèpyele yínyõ sɔkɔ kè; sè náh sè mukɔle n duku, sè náh sè mukɔle n tɔkɔ; sè náh se mó tɔ sè mukɔle n koh n sah díké sɔkɔ; té yé Sú Liyel séle n pu. Nte yépi náh fónfó kal kèpye yõ nahnáh di? ²⁷ Yépi sɔkɔ nê tẽ kɪ fě kwéy rítẽ fyé dohnɪ n gblõy min yõ, n fókósɔnɔ gbõ yõ? ²⁸ Nte kwáh nê fɔkɔ sɔnɔ me yé tyí yé mɔ mɔ flo tyí sɔkɔ wé? Yé yah filkɪ fi pɪ dùkùle swèy sɔkɔ kè: Sè náh tòle n pɪ, sè náh se mó tɔ flole n tĩ. ²⁹ Nte mé kéle n yo yé tyí ne, yõtẽ dí Salomo tãh fyé yah yõ, à náh flo we mɔ yah nónó-á ple nɔ filfi nópi sɔkɔ yó rítẽne. ³⁰ Liyel yõ sɛnyĩ-nkèpú nópi. Filkɪ nê-á swáh sɔkɔ kweyne, té kɪ pɔ n suke n pi nsõne, Liyel-á képah fi pɪ palle sě à, yépi wɔ se pyé à kɪ ye kóhnmɔnɔle kal pléntnɔɔ? ³¹ Yé káh yé fɔkɔle n sɔ yé pɔ ne n yo ne, kwáh nê se yé kɪ we yõ ni? Kwáh nê se yé kɪ we wɔ ni? Kwáh nê se yé kɪ we mɔ yé wil sɔkɔ ni? ³² Yé náh we di, Liyel pí-nkèpú ye nkène ne n yah n kō sépi pólle tyétyéní kène. Nte yé Sú nê-á yínyõ, à pĩ ne yí nópi pól yétô-á me yé tẽ dò. ³³ Yé Liyel tɔrí ngbò yah n kō, ànê wáh me nê tyí. Képah sɔkɔ, à kɪ yí téló tɔ pól dohnɪ yé kō. ³⁴ Yé káh yé fɔkɔle n sɔ nsô tyí sɔkɔ. Yé nsô tyi sah nsô yah. Swõ swõ pól ànê sé yótyí ye.

7

Yesu-á kwónó nêne n tò sáhpú kō ne pè káh no télóle n tuke

¹ Yé káh nole n tuke. Képah sɔkɔ, Liyel náh yé tɔ tuke n pi. ² Yé náh we di, yáh no télóle n tuke sɔ, sě ye Liyel kɪ n tuke n pi yé tɔle. Yáh no téló tyíle n sãh dú nêne, yé tɔ tyí kɪ n sãh n pi kène dú óle. ³ Á pɪ sɔ té ndan we á yúnpi yí sɔkɔ, té dàhnpele áwɔ yí sɔkɔ, á náh me képah wɔ pĩ? ⁴ Á kɪ pɪ sɔ, té kɪ yo á yúnpi tyí ne, à ye á ndan wilki à kō n yí sɔkɔ, té dàhnpe mó tɔ me áwɔ yí sɔkɔ? ⁵ Fòkòpĩl névi. Á yí sɔkɔ dàhnpe ngbò wilki. Képah-à pɪ, á kɪ fě n yah palle kɪ á yúnpi yí sɔkɔ ndan wilki.

⁶ Yí nónó-á me Liyel tyí yõ, yé káh séle névyele n kō nónó-á me pãhlo tyí kòle, pè kō pè káh n pɔ pé yey vi yé tyí kèpékèyô. Yé káh mó tɔ yí kètárnɔle névyele n kɔ nónó-á me slo tyí kòle, pè kō pè káh n pɔ n suki n sɔkɔ sé yõ.

Yesu-á kwónó nêne n tò sáhpú kō ne pè ne n ni Liyel tyí

⁷ Yé ne n ni, yé kɪ n we n syi. Yé ne n yah n kō, yé kɪ n we. Yé wùkahle n mɪ, kè kɪ n yɪkɪ n mɔ yéle n kō. ⁸ Yé náh we di, nê-à ni Liyel tyí, tẽ n we n syi. Nê-à yah kō, tẽ n we. Nê-à wùkah mɪ, kè n yɪkɪ n mɔ tẽ kō. ⁹ Nê tẽ me yépi sɔkɔ, n pídí-à búrn ni n tyí à kɪ dáhkìle à kō? ¹⁰ Képah náh pɪ, wáh

yěnkô ni n̄ tyí, à kɪ wahyne à kô? ¹¹ Yépi nónó-á n̄pèlle, yé yé wēnpì kōnó yah we yípeplòle. Tòtò náh me ké sòkò, yé Sú Liyel nê-á me yínyò sòkò, ñmò kɪ yíle sé nípú kō nónó-á ple kal yépi tyíle dò.

¹² Yáh me ké tyí ne no tyi nónó pòlle n pi yé tyí, yépi to sēnknòle n pi pé tyí. Sē ye tyi kōnsàhnó ànê Liyel tēntò syínyopu sébéynó yo kéle.

Yesu-á kwónó n̄ne n̄ tò sáhpú kō dé-nsah wòkè ànê dé-nsah fíi tyí yò

¹³ Yé ne n de dé-nsah fíi. Yé náh we di, wèkì nê-á n yuku tyí yíkínó tē-nsah, ké kóló me fàhfàh, ké dé-nsah me wò. Képah sòkò dépi me dò.

¹⁴ Nte wèkì nê-á n yuku tyé-ńkē min tē-nsah, ké kóló me táhnòle, ké dé-nsah me fíi. Ké wéndepu náh me fwò.

Yesu-á kwónó n̄ne n̄ tò sáhpú kō Liyel yín yò mìnnyobe tyí yò

¹⁵ Yé yé gblòyne n kyomɪ Liyel yín yò mìnnyobele. Pàh n pi yé tyí, pè pé gblòy pi mámm képyénì tyí kòle, té ké kègbɪ tē yò sòkò, pè me pékénòle gbēnpàhlo s̄. ¹⁶ Yé kɪ pè p̄ n pi pé tyípínó sòkò. Yèresē náh fē n we n gbe kahri sòkò. Sènsóké pye to náh mó fē n we n gbe gbíyēkì sòkò. ¹⁷ Sésàn pèplo pól n syi pye pèplòle. Té séswóntùkù wò mó n syi pye tókúnìne. ¹⁸ Séswò pèpey náh fē n syi pye tókúnìne. Séswóntùkù to náh mó fē n syi pye pèplòle. ¹⁹ Séswò nê-à n syi-ńkēne pye pèplòle, kè n kām n̄ min n dah n mò nyàh sòkò. ²⁰ Sē ó ye yé kɪ n p̄ n pi Liyel yín yò mìnnyobele pé tyípínó sòkò.

Yesu-á kwónó n̄ne n̄ tò sáhpú kō tir yónó ànê ké pínó tyí yò

²¹ Kè náh pi ne nónó pól-á ñmòle n ye Tē ñgbē, Tē NGBENE pé pól s̄ kɪ Liyel t̄rì nòh yò n pi dé. N̄ Sú Liyel nê-á me yínyò, ñmò-á me nê tyí, képah pípú ó ye kɪ yò ké nòh. ²² Liyel tukey tuke sòle, névyé nahnáh kɪ n yo n pi ní tyí ne, Tē ñgbē, Tē ñgbē, ñmò yín yò kó lésò pé n syi n yo Liyel tēntònène ni? N̄mò yín yò kó lésò pé n ne n yini n wilki sétànne névyé sòkò ni? N̄mò yín yò kó lésò pé n ne n pi gbìlnó nahnáhle ni? ²³ Nte mé kɪ yo pé tyí ne, mé náh péle n pne pòlle. Pè gbe mò ñne, Liyel tyi kōnsàhnó dèl pípú nòpi.

Yesu-á kwónó n̄ne n̄ tò sáhpú kō vì duke n̄nó mónó tyí yò

²⁴ Képah ye, névi nê-á ní welo nòpi noh, té me sé tyíyónòle n pi, tē me á kɪ ne lékám névi yó s̄, nê-á n̄ wòkò mò légbí yò. ²⁵ Pù me pò pi, yrey yuku à kwòkɪ kyɪ syɪ kéne wòkò tyí, púnnyáhkí to me kō kyɪ mɪ ké sòkò, ñte káh sò s̄ légbí yò sē, képah ye kè náh syikɪ. ²⁶ Nte névi nê-á ní welo nòpi noh té à náh me sé tyíyónòle n pi, tē me á kɪ ne lékám kē névi yó s̄, nê-á n̄ wòkò mò sēmnyáhrí yò. ²⁷ Pù me pò pi, yrey yuku à kwòkɪ kyɪ syɪ kéne wòkò tyí, púnnyáhkí to me kō kyɪ mɪ ké sòkò, kè me syikɪ à pirkɪ kwe pnépné.

²⁸ Képah sòkò, Yesu-á kwónó nòpi kō te gbí n̄ne, tówù gbàn du n̄ névyé kwónó òkùle. ²⁹ Yé náh we di, n̄ névyé kwónó òkù náh sò me Liyel tyi kōnsàhnó kwópú tyí kòle dé, kè sò me yòt̄rì kwónòle képah ye.

8

Tótē ñi yó dēnmòle

1 Yesu-á wil yõlu yõ à tiki pɔ gbí nêne, tówû ñgbě ñ sò tẽ. 2 Tótẽ yó me no de à gbètukuno di ñ yah sɔko, té yo ñ tyí ne, pé Tẽ ñgbě, wáh me ké tyí wáh kɪ fẽ pé de mo pé kɔ pé pɪ yályál Liyel yah. 3 Wáh yo sě, Yesu me ñ gbò no à tú ñ tyí, té yo ñ tyí ne: «Mé me ké tyí, á kɪ de.» Nénpó swɔ, dí dú nyân núkú tyɛ. 4 Képah sɔko, Yesu me yo ñ tyí ne: «Káh yĩ mè yãh ney tyí dé. Té kyɪ á gblɔyne sárká syínwĩkĩ-ò wěkɪ. Moyisi-á sò sárká nê tyí yo sah tótã dɛnmɔno tyí sɔko, kyɪ képah wilki, nê-á kɪ kéle pé wěkɪ ne wáh de.»

Wrome sràsyíbi yòtẽ dí yó tònpi dɛnmɔnɔle

5 Té Yesu-á pɔ de Kapernayumi sɔko gbí nêne, Wrome sràsyíbi yòtẽ dí yó pɔ ñ tnô té à ni 6 ne, pé yòtẽ, pé tònpi dí-á me sɛnóle gbô sɔko wil kúnó nyânne ñ sɔko. Wáh me n kwɔ képékèyô. 7 Képah sɔko, Yesu me yo ñ tyí ne páh kɪ ñ sò tẽ kyɪ à de mo. 8 Nte kéne dí me yo Yesu tyí ne, pé yòtẽ, péwɔ-á fórow kah ñ dɛnóle pé gbô sɔko. Nkě à wey núkú ó yo, té pé tònpi-á kɪ de. 9 A kó we nɪ, yòtã-á me péwɔ tyí, té péwɔ to mó me sràsyíbi yísyó yòtẽne. Páh yo nê tyí ne, à sɔko! Tẽ n sɔko. Páh yo nê tyí ne, à pɔ! Tẽ n pɔ. Páh yo pé yõ tyí ne, à tir mè pɪ! Á kè pɪ. 10 Képah sɔko, Yesu-á kéne welo noh sě, sè ñ gbãh kah du. A me yo ñ sò tẽpú tyí ne: «Kègbɪ yõ mé kéle n yo yé tyí, mé náh Liyel yõ sɛnó ñgbě mè dukù névi we yah Yisrayel no ntẽ fyé sɔko. 11 Té mé kéle n yo yé tyí ne, névyé náhnáh-á kɪ wil ywõ ywõ pólle, kɪ pɔ yõke yõ wě tyí Abrahmine, ànê Yisakile, ànê Nsyakobile Liyel tórí tyah sɔko. 12 Nte Yisrayel no nónó-á sò yĩne dɛnóle Liyel tórí tyah sɔko, pépi kɪ wũ kégbó fěntũ sɔko, nyãh sɔko-á gbní ànê yní táhnó kɪ me.» 13 Képah tẽne, Yesu ñ syɪ yo sràsyíbi yòtẽ dí mè tyí ne: «Á syɪ ne n yuku á tĩnne. Wáh sě nimo yõ sě, wáh nê yah kɔ, kè kɪ pɪ á tyí.» Nénpó swɔ, ñ tònpi dí núkú de.

Yámpú náhnáh dɛnmɔnɔle

14 Képah náh, Yesu kyɪ Pyerɪ gbô, té kyɪ Pyerɪ dɛnsê we sɛnóle wílvýáhnìne. 15 Yesu me tú pi gbò tyí, wílvýáhnì núkú à fin mo. Képah tẽne, pi me yuku tyah n yah n dah n mo Yesu tyí sɔko.

16 Gbíyí-á de, no pɔ névyé náhnáhlɛ Yesu tyí sétã-á sò me dɛnóle nónó sɔko. A me ñ vyãh weyne sétã nópi yĩni wilki pé sɔko, té yámpú téló pól de mo. 17 A képah pɪ Liyel tẽntõ syinyo-ò Yesayi tir yónsàhnó mè kɔ kè wil. A lésó ne nkě: «À ye á yèvyãhrɔno pól tɔko to á yõ, té á yamno pól tyɛ.»

Nónó-á sò me ké tyí ne pé Yesu sò tẽ

18 Yesu-á tówû ñgbě we pé pɔ à mo gbĩ sě, à ne pé tò sáhpú àwɔ pé yuku yó-ñgbě kahnune. 19 Képah sɔko, Liyel tyi kònsàhnó kwó-ò yó no de ñ tnô té yo ñ tyí ne, kwó-ò dí, páh kɪ ñ sò tẽ n kɔ n kɔ ñne ñ yúkú-ntã pól sɔko. 20 Wáh yo sě, Yesu me yo ñ tyí ne: «Gběnpãhlɔ tyí pĩ me. Kèpye tyí syè me. Nte Névi Pídí tẽ tyí, wénsɛnmì-ñsah ntẽ náh me.» 21 Képah tẽne, ñ tò sáhpú sɔko yó tã à syah ne, kwó-ò dí, à ye páh pɔ pé sú lékó ñgbò yĩ tɛ. 22 Yesu me yo ñ tyí ne: «Ñmo sò tẽ, ñ té n ye nékyî kɔ pé pé lékyîle n yĩ.»

Yesu yáhpékè yó yĩn mo yó-ñgbě sɔko

²³ Képah sɔkɔ, Yesu de krótókè sɔkɔ ànê n tò sáhpúle pè sɔkɔ. ²⁴ Dǒ yáhpékè yó núkú kǒ yó-̀ngbě yǒ sɔkɔ, fǒó krótókè yǒ n tyah yínóle ni sɔkɔ. Nte Yesu wɔ sǒ me n dɔ. ²⁵ Képah sɔkɔ, n tò sáhpú nɔ de n tnô me kyɪ ñne n yilki n mɔ ne nkě, Tě ñgbě, à pé pwah mɔ oo! Yɔ-á me n tyah pé yónóle dé! ²⁶ Yesu me yo pé tyí ne: «Kwâh nê pɪ té tíkí yé tǐ? Liyel yǒ sěnyĩ-̀nkěpú nǒpi.» Képah tǎne, à yuku à dírí kǒ yáhkí ànê ni yǒ, tyah núkú pɪ súmm. ²⁷ Képah tǎne, kè kah pɪ gběndùnìne pé tyí. Pè me tyah yo tũ wě tyí ne, nédúkú nê se dí mène té yáhkí ànê yo to n sah n tyí yǒ nɪ?

Díbí nǐpí nímí dénmonɔle sètǎn-á sǒ me nónó sɔkɔ

²⁸ Képah sɔkɔ, Yesu-á kyɪ yǐni tǐ yó-̀ngbě kahnune Kadarɪ tǎn sètáh yǒ gbí nêne, díbí nǐpí nímí me wil léyǎl wró sɔkɔ à pɔ à yohnɪ sètǎnne pé sɔkɔ. Pé pékénkàhnó tǐ tyí, ney náh sǒ me fě n sɔkɔ nénpó wěkìle. ²⁹ Pǎh pɔ à yohnɪ, pè tyah n de n syi ne, Liyel Pídí, kwâh nê se à n yah n kǒ pé tyí nɪ? A se pɔ ásô pépi fǒh yǐnne kè gbí nǒ-̀nkě sɔkɔ nɪ? ³⁰ Té kè sǒ pɔ yǐne sel kwĩnki yísyó me n yah n yǒ n kǒ fí kwéy péle. ³¹ Sètǎn nǒpi me Yesu ni ne, wǎh kɪ sé yǐni wilki díbí nǒpi sɔkɔ, à ye sé kǒ sé kyɪ n de sel nǒpi sɔkɔ. ³² Yesu me ne, sè ne n yuku. Sè núkú wil díbí nǒpi sɔkɔ à kyɪ de sel nǒpi sɔkɔ. Sel nǒpi pól núkú wil yǒlu yǒtah, à to tiki tükütükü à kyɪ de yo sɔkɔ à ku. ³³ Képah tǎne, sel nǒpi fěpu me to de kwil sɔkɔ, à kyɪ tyi nǒpi pól yǎh no tyí, à tahlɪ tir nê-á pɪ díbí nǐpí nímí nǒpi tyí sètǎn-á sǒ nónó sɔkɔ. ³⁴ Képah sɔkɔ, kwil tǎn pól wil kyɪ Yesu yohnɪ. Pǎh fyò à we, pè à ni ne à yal pépi sètáh yǒ.

9

Sèkùkù dí yó dénmonɔle

¹ Képah sɔkɔ, Yesu de krótókè sɔkɔ à n syi yó-̀ngbě kah à sɔkɔ n kwil sɔkɔ.* ² Nósyó me sèkùkù dí yó twah sě sě kwâh yó yǒ à pɔ n tyí. Wǎh kè we pè sě n yǒ sě, à yo sèkùkù dí mè tyí ne: «Káh n ye á yáh-̀nsah tye ní pídí. A tyípél pínó ye yǒ mɔ n kǒ.» ³ Képah tǎne, Liyel tyi kǒnsàhnó kwópú yísyó tyah n sǒ ne, dí mè-á me n yo n de Liyel tyí dé. ⁴ Nte Yesu-á pé sǒno pǐ sě, à yo pé tyí ne: «Kwâh nê pɪ té sǒno tükúnìne yé sɔkɔ sě? ⁵ Mǎh yo sèkùkù dí mè tyí ne: «Á tyípél ye yǒ mɔ.» Képah náh pɪ, mǎh yo n tyí ne: «Yuku ne n kɔ.» Dlo me nê tǐ yónó sɔkɔ kal? ⁶ Nte mé kɪ tir yó pɪ yé kǒ yé kɪ pǐ ne, tǎnwɛnɔ-á me Névi Pídí tyí sètáh yǒ kɪ fě tyípél yǒ mɔ.» Té n syi yo sèkùkù mè tyí ne: «Yuku, á sě sě kwâh tɔkɔ n ne n yuku á gbô.» ⁷ Dí me yuku à sɔkɔ n gbô. ⁸ Tówú-á képah tǐ we sě, tíkí pè tǐ. Pè tyah Liyel yǐnne n gbilki wǎh sǒnpíle tǎnwɛnɔ mè dükùle névyé kǒ.

Yesu Matye ye pɪ n tò sǎh-òle

⁹ Yesu-á yal nénpó té n sɔkɔ, à dí yó we à me kǒ tǐ mórúle n syi mórí syí-̀nsah sɔkɔ, pè n ye Matyele. Yesu me yo n tyí ne: «N sǒ tǐ.» A me yuku n sǒ tǐ. ¹⁰ Képah náh, Yesu-á sǒ me yǒke yónó sɔkɔ Matye gbô, mórí syípú náhnáh ànê Liyel wěkì kó-̀nkěpú to pɔ n yǒ ñne wě tyí ànê n tò sáhpúle. ¹¹ Farisi wěkì kópú-á képah we sě, pè yo Yesu tò sáhpú tyí ne, kwâh nê se

* 9:1 9.1 - Yesu kwil nê tyí-á n yo ásô sɔkɔ yò, Kapernayumi ye.

pi té pé kwó-ò dí n yô mórí syípú ànê Liyel wěkì kó-ńkěpúle wě tyí nì? ¹² Nte Yesu-á pé wey noh, à yo pé tyí ne: «Névye nónó-á me lènole, sènpì yétô se me pé tyí? Yámpú tyí náh n̄ yétôle di? ¹³ Liyel-á nê yo ne ńkě: «Yáh wě yámne n yah, képah tyí n̄ n̄m̄o tyí kal yáh sárká nêne n suke ńne n kô.» Yé kyí yé fòkoni m̄o yah képah tyí soko, yè ké kór pĩ. Yé náh we di, névye nónó-á me n s̄o ne négló-á péle Liyel yah, mé náh p̄o pépi yé-ńsah dé. Nte nónó-á pĩ ne tyípèl pípú-á péle, pépi yé-ńsah ye mé p̄o.»

N̄vini tir náh me nùkúle Nsyifun̄o tyídile

¹⁴ Képah soko, Wèlnwĩkì-ò Nsyô tò sáhpú n̄o de Yesu tnô té à syah ne, kè se pi s̄o té pépi ànê Farisi wěkì kópú níkile n t̄e té n̄m̄o tò sáhpú náh me níkile n t̄e nì? ¹⁵ Yesu me yo pé tyí ne: «Páh nónó ye fúr yòke yô yinne, pépi se k̄i f̄e pé yey kwó sah pe me gbíne pé niyó? Nte sèp̄in̄ yísyó me n pi, pe mè k̄i p̄o n t̄e n wilki n pi pé niyó. Légbíne, pè k̄i níkile n t̄e.

¹⁶ Nn̄i yó ńt̄e náh yĩne à fwòsān kām à fwòdyàh min. Yé náh we di, fwòsān mè k̄i fwòdyàh mè yoru t̄o, wān ó k̄o kè k̄i t̄o m̄o ké tónó yô. ¹⁷ Div̄e sán t̄o náh yĩne mónóle pley dí soko. Wáh képah pi, div̄e mè-à fū, kè k̄i pley n̄opi soki, div̄e k̄i kwe, pley t̄o tyí k̄i yiki. Nte kàh div̄e s̄anne, pley snó soko ye kè n m̄o. Képah soko, kèyāh ńt̄e náh n yiki.»

Pi yó dénm̄on̄o ànê sēnpir yó lékó yilk̄inm̄on̄ole

¹⁸ Yesu-á me kéne welole n yo pé tyí gbí n̄ene, Nsyifun̄o yòt̄e dí yó n̄o de n̄ tnô, té gbètukun̄o di n̄ yah, té yo n̄ tyí ne pé písê-á yah kwlo nùkúnúku s̄e yò. Nte à p̄o kyí n̄ gbò sah n̄ yô, wāh k̄i min we. ¹⁹ Képah soko, Yesu ànê n̄ tò sáhpú me yuku dí s̄o t̄e.

²⁰ Té kè p̄o yĩne s̄e yó s̄o me náhle n yo tyé-ńk̄ene ye gbōninó. Pi mè me n̄o de Yesule n̄ náh finne, à p̄o t̄u n̄ fwòm̄on̄i vyāh tyí. ²¹ Yé náh we di, à s̄o me n s̄o n̄ foko soko ne páh k̄i t̄e we t̄u n̄ fwòm̄on̄i ńt̄e ó tyí, páh k̄i de. ²² Yesu-á n̄ yah vi té à we, à yo n̄ tyí ne: «Káh n ye á yáh-ńsah tye, n̄ písê. A Liyel yô s̄enó ye n̄ de m̄o.» Nénpó sw̄o, pi nùkú de.

²³ Té Yesu-á p̄o yĩni t̄e Nsyifun̄o yòt̄e dí gbô, à yiko f̄íbípú we té tówú we pè me n pi wrōwrō. Képah soko, à me yo pé tyí ne: ²⁴ «Yé wil ásô. Pípír náh ku, d̄oy† soko ye n̄ne.» Nte pè s̄o me kóle Yesule n ko. ²⁵ Páh tówú wilki m̄o te kégbó soko, Yesu me de yuku wòkò soko, té pípír gbò soko t̄e, pípír yuku. ²⁶ Yí mè pínó tyí tyah n yāh kéne mara ywō ywō pól soko.

Yítūbi nēp̄i n̄im̄i yísyó yí yilk̄inm̄on̄ole

²⁷ Yesu-á yal n̄enpó à n soko gbí n̄ene, yítūbi nēp̄i n̄im̄i yuku n̄ s̄o t̄e té me yo t̄u léyy ne, Davidi Pídí, à pé yām yah. ²⁸ Yesu-á p̄o yĩni t̄e gbô soko, yítūbi n̄opi me n̄o de n̄ tnô. A me pè piki yah ne, pè se s̄e ké yô ne péw̄o-á k̄i f̄e pé yí yiki m̄o nì? Pè me ne, àwe-á, T̄e n̄gb̄e. ²⁹ Képah soko, Yesu t̄u pé yí tyí té ne: «Yáh s̄e n̄m̄o yô s̄o, té nê yah k̄o n̄ tyí, Liyel kè pi yé tyí s̄e.» ³⁰ Képah t̄ene, pé yí yiki m̄o. Yesu me pè gbah sni ne, pè pé gbl̄oy t̄e, pè káh n ye ney p̄i ké soko dé! ³¹ Nte pé wilnt̄en̄o n̄s̄o, pè kyí tyah Yesu yíngb̄ile n yo n k̄o kéne mara pól soko.

† 9:24 - D̄oy n̄e tyí-á Yesu n yo ásô yò, d̄oy gb̄oy náh s̄o dé. Pípír s̄o ku kègb̄i yô. Nte Yesu-á s̄o p̄i ne páh k̄i f̄e n̄ lékó yilki m̄o s̄e, képah ye à ne d̄oy soko-á n̄ne.

Dí yó dénməɔle nê vyãh-á sò me gbínóle

³² No nópi-á wil n sɔkɔ gbí nêne, nósyó pɔ dí yóle Yesu tyí, nê-á sétó yó me n sɔkɔ à kɔ̀ à pɪ kèdòkìle. ³³ Yesu-á núkú sétó mè yĩni wilki dí mè sɔkɔ, dí tyah n wɛkɪ. Kè pɪ gbèndùnìne tówú pól tyí, pè me yo tũ ne ñkě, pépi náh ñsòntě dùkù we yah Yisrayel sɔkɔ pólle. ³⁴ Nte Farisi wěkì kópú wɔ sò me yo tũ ne, sétàn yòtě gbò yò-á à n yĩni sétànne.

Tówú yãm me Yesu tẽ

³⁵ Yesu lésò me kwló-̀ngbɔ̀ ànê kwlópɪ pólle n kɔ̀ n kɔ̀, me nolɛ n kwɔ̀ Liyel ní-̀rítàn vɪ sɔkɔ, me Nìvìnì tirlɛ n yo Liyel tǒrí tyí yò, té me yámpú pól ànê néfukuló pólle n de n mɔ̀. ³⁶ Yesu-á tówú nónó we kwlónó sɔkɔ, té pé yáh-̀ńsah me tyɛ á kɪ ne yípɛy sǒ fě-̀ò kěne sé tyí, pé yãm à tẽ. ³⁷ Képah sɔkɔ, à yo n tò sáhpú tyí ne: «Sèmuɔ̀ tɔkɔ tɔkɔ tẽ me dò, té ké tǔnpɪbɪle kwéy. ³⁸ Káh pɪ sě, Tě ñgbě Liyel nê-á sèmuɔ̀ nètɛne, yé à ni à tǔnpɪbɪ tɛkɪ n mɔ̀ sèmuɔ̀ tɔkɔ yĩnne.»

10

Yesu tǔntò névyɛ népɪ gbõnimìne

¹ Sò yóle, Yesu n tò sáhpú népɪ gbõnimì ye pɔ, té tǔnwɛɔle pè kɔ̀ ne pè sétànne n yĩni, pè mó yámpú pólle n de mɔ̀, ànê néfukuló pólle. ² Kéne népɪ gbõnimì nópi ye à pɪ n tǔntò névyɛle. Pé yni we yò: Kè tyah Simo tyí, nê-á pè yĩn dyɪ à kɔ̀ Pɛrɪle, ànê ñ gbèndí Andrele, à tahlɪ Nsyakɪ ànê ñ gbèndí Nsyɔ́ tyí, pépi nónó-á Nsebede dǐnpìle, ³ à tahlɪ Filipi ànê Bartelemi tyí. Toma sò me pé sɔkɔ ànê Matyele, nê-á sò mórí syí-òle, à tahlɪ Alfe pídí Nsyakɪ tyí ànê Tadɪle, ⁴ ànê Simole, nê-á sò sú fǒ vyãh syípú sɔkɔ yóle, à tahlɪ Nsyudasɪ Yisikariyɔ̀tɪ tyí nê-á pɔ pɪ pè kɔ̀ pè Yesu tẽ.

Yesu tǔntò névyɛ népɪ gbõnimì tékɪnməɔle Nìvìnì tir yó-̀ńsah

⁵ Népɪ gbõnimì nópi ye Yesu tǒ té kè gbah yo pé tyí ne: «Yé káh kyɪ névyɛ tǔnne nónó náh pɪ Nsyifunɔle, ànê yé káh de Samari tãn kwil yó ñtẽ sɔkɔ. ⁶ Yé ne n yuku Yisrayel no wɔ̀ tǔnne, pépi nónó-á me képyèni mǔnpunɔ tyí kǔle. ⁷ Yáh kɪ n yuku wěkì yò, yé ne n yo n yuku ne, Liyel tǒrí-á me yĩni tẽ tɛ. ⁸ Yé yámpúle n de n mɔ̀. Yé lékyíle n yilki n mɔ̀. Yé tótámne n de n mɔ̀ pé dú nyân sɔkɔ, yè mó sétànne n yĩni n wilki névyɛ sɔkɔ. Yáh we syi nònóle sǒ, yé tɔ ne n kɔ̀ nònóle sě.

⁹ Yé káh pó tɔkɔ dah mɔ̀ yé yò. ¹⁰ Yé káh pley, ànê fwòmɔ̀lɔ ní-òno, ànê lékyèh, ànê lépló tɔkɔ kóló yĩnne. Yé náh we di, tǔnpɪ yĩne n tò pínó yòke yónóle.*

¹¹ Yáh kyɪ de kwil-̀ngbě képah náh pɪ kwilpír nê sɔkɔ, yé négbí yah kɔ̀ yé twah tẽ tyí. Yé mó tẽ tẽ tyí, fǒ kè pɔ no yé yálnó tyí kéne kwil sɔkɔ. ¹² Té yáh kyɪ n de kéte nê sɔkɔ, yé yo pé tyí ne yèvɪnɪ ne me pé yò. ¹³ Kéne kéte tãn-à fě syi yé twah pé tyí, yèvɪnɪ mè kɪ me pé yò. Nte pàh yahle, yèvɪnɪ mè kɪ ké syɪ pɪ yé tyíle. ¹⁴ Yáh de gbò nê sɔkɔ képah náh pɪ kwil nê sɔkɔ, té pè yahle ne yé káh twah pé tyí, té yahle yé wey nóhnóle, yáh n yal, yé yé gbyèh nèngbò kwer n kwe nénpó. ¹⁵ Kègbɪ yò mé kéle n yo yé tyí, Liyel

* **10:10** 10.10 - Yah n tɛ 1 Korènti tãn 9.14 ; 1 Timote 5.18.

tukey tuke sòle, Sodomɩ kwil ànê Gbomɔɩ kwil fóhnó ntě náh n peke n no n pi kéne kwil tyíle.»

Yèvyährɩ nê-á kɩ n pɔ n pi

¹⁶ «Yé yah, yé me á kɩ ne képyénì sǒ nímɔ n tekɩ n mɔ gběnpāhlɔ nɩyó. Yé ne me lékám névyele áswǒ pléy tyí kǒle, yé fɔkɔ mó ne me pépér títì sǒ. ¹⁷ Yé yé gblǒyne n kyomɩ névyele dé. Pè kɩ yéle n tẽ n tuke n pɔ tukey tükè-ntàn sɔkɔ, té kɩ yéle n ko yèfòhle Liyel ní-ntàn vɩ sɔkɔ. ¹⁸ Pè kɩ yéle n tẽ n kyɩ n pɔ kwiltām yòtām ànê yòtām tyí nímɔ yinne. Képah sɔkɔ, yé kɩ nímɔ tyíle n we n yo pé tyí, à tahlɩ névyé tyí nónó náh pɩ Nsyifunɔle. ¹⁹ Nte pàh yé tẽ n yuku tükè-nsah, yé káh ye yé yáh-nsah tyé yáh ne n yo n wil n pi sǒ, ànê yáh ne nê yo n pi. Yáh ne nê yo n pi, ké sǒnɔ kɩ de yé sɔkɔ nénpó swɔ. ²⁰ Yé náh we di, yé yah yí welo náh yé kɩ n wekɩ dé, Sú Liyel Mirki ye kɩ tẽ yé yahle yé kɩ n wekɩ. ²¹ Névyé kɩ pè kǒ pè kɩ pé yúnpyéle n tẽ n ko n mɔ. Súbí tɔ kɩ sěntěne n pɩ pé wěnpì tyí. Wěnpì tɔ kɩ pé dúbípú tyí yahle, té kɩ pè kǒ pè kɩ péle n ko n mɔ. ²² Névyé pól kɩ yé we mɔ nímɔ yinne. Nte nê-à ñ tah sah à pɔ nɔ ké tyénó tyí, tẽ kɩ pwáhnmɔnɔ we. ²³ Pàh yéle n fòh kwil yó sɔkɔ, yé sɔkɔ kèyáh sɔkɔ. Kègbɩ yó mé kéle n yo yé tyí, nímɔ nê-á Névi Pídine, yé náh tǒnì Yisrayel kwlo pól kɔ n kǒ n te n pi té mé kɩ pɔ.

²⁴ Tir sáh-ò náh n kal n pne ñ kwó-òle. Tǒnpɩ tɔ náh n kal n pne ñ yòtěne. ²⁵ Tir sáh-ò-à pɩ ñ kwó-ò tyí kǒle, kè kɩ yine. Tǒnpɩ tɔ-à pɩ ñ yòtě tyí kǒle, kè kɩ yine. Névyé-á fyò me kéte tẽ dí ntěne n gbyɔ Belsebulile, (nê kór-á sètàn yòtěne), ñ kéte tǎn wɔ se pyè pè kɩ ye gbyɔnpekenɔle? ²⁶ Kǎh pɩ sě, yé káh névyé yah tíkile n pɩ. Yé náh we di, tyípìl yó ntě náh n wũ n pi wìlkɩnmɔ-ńkěne. Sètɩn sò tir yó ntě náh n wũ n pi pí-ńkěne. ²⁷ Máh tyi nónóne n yo yé tyí fěntú sɔkɔ, yé séle n yo n wilki n mɔ tyah kyòo yah. Tyi nónó-á n plɔ n yo yé tyí yé níkiló yey, yé sé kwnine n kǒ gběntɩn yó. ²⁸ Yé káh névyé yah tíkile n pɩ, nónó-á névyele n ko mɔ n pne, té pè náh fě ñ min ko mɔ n pi. Nte Liyel nê-á kɩ fě névi wil gběnsê ànê ñ min tɔ min dah mɔ ní-ńkě nyàhnpèkè sɔkɔ, yé nímɔ wɔ tíkile ne n pɩ. ²⁹ Ntēnpínó nínó n yām pópíkí pó núkú óle. Nte sé sɔkɔ yó ntě náh n sykɩ sètáh, né yé Sú Liyel náh ké wěkì kǒ. ³⁰ Nte yépi tẽ wɔle, yé yòyén ntě pól dan me pínóle Liyel tyí. ³¹ Kǎh pɩ sě, yé káh tíkile n pɩ, yépi tyí náh tah kal ntēnpì kwínkɩ tyíle di?

³² Névi nê-à kè yo dal mɔ névyé yí yah ne páh me nímɔ tyí yó, nímɔ tɔ kɩ kè yo dal mɔ ní Sú yí yah nê-á me yínyó, ne tẽ-á me nímɔ tyí yó. ³³ Nte nê-à yahle névyé yí yah ne pé náh me nímɔ tyí yó, nímɔ tɔ kɩ yahle ní Sú yí yah nê-á me yínyó, ne tẽ náh me nímɔ tyí yó.»

Yesu tyí-á gbékínó nê dahbɩ kèkōyó

³⁴ «Yé káh we ne yèvinɩ-á mé pɔ mó-nsah sètáh yó dé. Yèvinɩ náh mé pɔ mó-nsah sètáh yó, gbékínó wɔ ye pyè. ³⁵ Mé pɔ dí ànê ñ sú wró gbékí-nsah; sēnpir ànê ñ yú wró gbékí-nsah; sê ànê ñ pe yú wró gbékí-nsah. ³⁶ Névi gbò tǎn ye kɩ pɩ ñ sèpébíle.

A á gblǒy dyɔ yí tyi we ye, té Yesu sò tẽ

³⁷ Névi nê sú, képah nâh pi n yú tyí-à nɔ n tyí à kal nímɔɛ, tẽ nâh yĩne à ne n me nímɔ tyí yõ. Névi nê pídí, képah nâh pi n písê tyí-à nɔ n tyí à kal nímɔɛ, tẽ nâh yĩne à ne n me nímɔ tyí yõ. ³⁸ Névi nê-à n syi syi dahni twah ní sò tẽ-ńkẽne, tẽ nâh yĩne à ne n me nímɔ tyí yõ. ³⁹ Névi nê-á ne páh pé minne n koh n sah, tẽ ki tekí tyé-ńkẽ min sɔkɔ. Té nê-á tekí n min sɔkɔ nímɔ yĩnne, tẽ wɔ ki tyé-ńkẽ min we.»

Yõre nê-á n we Liyel nípú tǔnsàhntẽno sɔkɔ

⁴⁰ «Névi nê-à yé tẽ ple, nímɔ ye tẽ tẽ ple. Nê tɔ-à nímɔ tẽ ple, Sú Liyel nê-á tekí mɔ nne, nímɔ ye tẽ tẽ ple. ⁴¹ Névi nê-à Liyel tẽntò syínyo-ò tẽ ple n pínó yĩnne Liyel tẽntò syínyo-òɛ, Liyel tẽntò syínyo-ò dyah dyah kwâh kénkõ ye ki dyah tẽne. Névi nê tɔ-à négbí tẽ ple n pínó yĩnne négbíɛ, négbí dyah dyah kwâh kénkõ ye ki dyah tẽne. ⁴² Kègbí yõ mé kéle n yo yé tyí ne, névi nê-à nívíno nígbiyĩne nímɔ tò sáhpú sɔkɔ yó n tẽ fyé kò à wɔ n pínó yĩnne nímɔ tò sáh-òɛ, tẽ nâh n tekí n pi ké lédyáhní sɔkɔ póllɛ.»

11

¹ Képah sɔkɔ, Yesu-á tyi kwâh sah n tò sáhpú népí gbõnimí kò te gbí nêne, à yal nénpó à yuku gbòplo kwlo sɔkɔ, à kyí kwónóɛ n pi té Nìvìnì tirlɛ n yo.

Wèlnwìlkì-ò Nsyõ-á píkinyahno nê pi Yesu Krista tyí sɔkɔ

² Wèlnwìlkì-ò Nsyõ sò me wòkònpèkè sɔkɔ té Krista tyípínó tyí yónó noh. A me n tò sáhpú yísyó tò pè kyí à piki yah ne, ³ nímɔ se Liyel ney yáhtòkònoɛ nê-á ki sò n pɔ n pi, tĩ pé se yĩne pé n nĩne n syiki ni? ⁴ Yesu me yo pé tyí ne: «Tyi nóno-á yé n nohni té séle n yah yò, yé kyí sè yãh Nsyõ tyí ne, ⁵ yítũbi yí-á me n yiki n mɔ, sèkukubi me n kò tómtóm, tótã me n de n mɔ, níkitũbi me n nohni, lékyí me n yilki n mɔ, ànê Nìvìnì tir me n yo n kò yãm tãn tyí. ⁶ Nte nímɔ tyí-à ki névi nê kò à ní yõ sɛno yáhle-ńkẽne, tẽ wɔ tyí nɔ.»

⁷ Nsyõ tò sáhpú-á pé syi sɔkɔ te gbí nêne, Yesu tyah Nsyõ tyíɛ n yãh tówú tyí ne n kè: «Kwâh nê me yé kyí yah gbẽnni sɔkɔ? Fílkí yó se yáhkí me n fi n kò? ⁸ Nte kwâh nê me yé kyí yah wé? Dí yó se nê-á me fwòtãhnì mɔ? Té nóno-á mó tò fwòtãhnìne n mɔ, pépi me yòtã fné sɔkɔ dò. ⁹ Nte kwâh nê me yé kyí yah wé? Liyel tẽntò syínyo-ò yó se? Mé kéle n yo yé tyí ne sɛ-á. Té nímɔ n tẽ-á kal Liyel tẽntò syínyo-òɛ. ¹⁰ Yé nâh we di, Nsyõ tyí ye wárkínsàhnóɛ Liyel wey sébéy sɔkɔ ne Liyel-á ne: «Yah, nímɔ Liyel ki n tẽntò névi tekí mɔ á yahle, à ki pɔ á wèkì tã sah.»* ¹¹ Kègbí yõ mé kéle n yo yé tyí ne, sè fòkò táh pi yó n tẽ nâh me nê-á kal Wèlnwìlkì-ò Nsyõne. Nte nê-á tyí kal Liyel tǔrí nolì yópú sɔkɔ, nímɔ n tẽ kal nne. ¹² Té à tɔkò Wèlnwìlkì-ò Nsyõ gbí tyí, pópó à pɔ syi núkúnúkú tyí, Liyel tǔrí nolì me n we n yõ táhnsàhnó ó sɔkɔ. Táhnsàhpu ye n we kéle. ¹³ Liyel tẽntò syínyopu pól ànê Moyisi tyi kònsàhnó sò me Liyel tǔrí tyíɛ n yo, pópó à pɔ syi Nsyõ gbí tyí. ¹⁴ Yáh ki fẽ n sè n pi ké yõ, Nsyõ ye Yeli mène, nê pónó tyí-á sò yónsàhnóɛ.† ¹⁵ Nê-à ki me kè noh, tẽ kè tẽ yĩn.

* **11:10** 11.10 - Yah n te Malaki 3.1. † **11:14** 11.14 - Yah n te Malaki 3.23.

¹⁶ Mé kɪ kwey gbɪ névyɛ tɔkɔ sãh nêne wé? Pè me á kɪ ne wěnpɪ sɔ kɔ tẽ tówú tükè-ntàn sɔkɔ, té me n yo n mɔ pé no tyí ne, ¹⁷ pépi-á yɪkɪ fɪbɪ pé tyí, té pè náh yi. Pé tɔ kũ yìkì gbɪ mɔ, pè náh se tɔ gbo. ¹⁸ Sě ye kwey gbɪ névyɛ tɔ me n pi. Yé náh we di, Nsyɔ-á lésɔ pɔ, à náh me yòke yèsyìkùle n yò, à náh me òwěne n wɔ. Képah tẽne, pè ne sétɔ-á me ò sɔkɔ. ¹⁹ Nte Névi Pídí wɔ-á pɔ, òmɔ n yò palle té n wɔ palle. Pè me tɔ ne, pè yah yèwònpɪ ànê sètɛ-á òne, mórí syípú ànê tyípèl pípú kódí-á òne. Nte Liyel lékám-á n tɔkɔ à tyi nónóne n pi, sé pal n pne sé tɔ n sah n pi òkù sɔkɔ.

Yesu kàhnwɛkɪnɔlɛ Kalile mara kwlo yísyó yò

²⁰ Képah náh, Yesu-á sò ò gbɪlɔ kan pi kwlo nónó sɔkɔ, à tyah n kah n wɛkɪ sé névyɛ yò, pãh sɔnpɪle yahle pé tyípèl pínó yálnmɔnɔlɛ. A ne: ²¹ «Pèkè me yé yò, Korasini tã. Pèkè me yé yò, Betisayida tã. Ngbɔ gbɪl tyi nónó-á pi yé tinnɛ, sɛnkɔ-à sò me pi Tiri ànê Sidò tã tinnɛ, pè nãhki me yèkwɔrɪ flo mɔ, té nãhki me pé piki syìle à pé tyípèl pínó yal mɔ di mónóle. ²² Képah ye mé kéle n yo yé tyí, Liyel tukey tuke sòle, Tiri ànê Sidò tã‡ fòhnó nítɛ náh n peke n nɔ n pi yépi tyìle. ²³ Té yépi-á ò Kapernayumi tã, yé se me n sò ne yáh kɪ òkɔ mɔ yínyò? Pòlle, yé kɪ tiki mɔ yuku fòó lékókwił nyàh tẽ-nsah. Yé yah, gbɪl nónó-á pi yé tinnɛ, sɛnkɔ-à sò me pi Sodòmɪ tã tyí, Sodòmɪ kwil nãhki me sě kwey mè sɔkɔ. ²⁴ Képah ye mé kéle n yo yé tyí, Liyel tukey tuke sòle, Sodòmɪ kwil tã fòhnó nítɛ náh n peke n nɔ n pi yépi tyìle.

Wékínóle Sú Liyel tyí

²⁵ Légbíne, Yesu ne níké: «Bò, áwɔ nê-á yínyò ànê sétáh nétɛne, mé n wɛkɪ á tyí wáh sɔnpɪle tyi nɔpi wɔbɪ yí pípú ànê lékám névyɛ yah, té séle névyɛ wɔ wɛkɪ nónó-á me wěnpɪ sɔ. ²⁶ Bò, kè ye áwɔ dyɔ á kè pi sě.» ²⁷ Yesu tɔ ne: «N Sú ye tyi pòlle ní gbò dahbɪ. Nmɔ nê-á Pídíne, ònî yó nítɛ náh òne n pne né Sú ó náh. Nnî yó nítɛ tɔ náh mó Súle n pne né Pídí ó náh, à tahl Pídí-à me ké tyí ne pé òne nê wɛkɪ.

Yesu-á yèvinɪ nêne névyɛle n kɔ

²⁸ Yépi nónó pól-á me kwlónó sɔkɔ tókópèlle yé yò, yé pɔ òmɔ tyí, mé kɪ yé kɔ yé kɪ n mɪ. ²⁹ Népir névi ànê gblɔy tíkínmɔ-ò ye òmɔle. Képah ye, máh yéle n mɔ tò nê sɔkɔ, yé kè fě syi yé mó pi ní tò sáhpule. Képah sɔkɔ, yé kɪ n we n mɪ. ³⁰ Yé yah, òmɔ tò náh tah, ní tókóbí me fáhah fáhah.»

12

Yesu-á nê yo mɪ mɪ yòh tyí sɔkɔ

¹ Légbí mè ó sɔkɔ, mɪ mɪ yòh sò yóle Yesu ànê ò tò sáhpu sò me n kah sèmuco swěy yísyó sɔkɔ. Té kwɛkɪ sò me ò tò sáhpu tẽ. Kãh pi sě, pè mɪ de sèmuco ywɔ kòlìntahno sɔkɔ. ² Farisi wɛkɪ kópú-á képah we sě, pè me yo Yesu tyí ne, tir nê pínó wɛkɪ náh me kòhnóle mɪ mɪ yòh sòle, à ne n yah ò tò sáhpu kéle n pi lé. ³ Nte Yesu me yo pé tyí ne: «Kwɛkɪ-á lésɔ yòtɛ dí Davidi ànê ò náh névyɛ tẽ, wãh nê pi, yé náh kè kar yah di? ⁴ Búrn nónó-á lésɔ me sãhnóle Liyel tyí yò Liyel wòkò sɔkɔ, à náh lésɔ de ké sɔkɔ à sè

‡ **11:22** 11.22 - Tiri ànê Sidò tã-á sò pi Nsyifunɔ náh péle sě, Nsyifunɔ sò me péle n mɔ n kò tyípèl kãhnɪpule. Yah n te Yesayi 23.

toko tah ànê ò náh névyele di? Té à wil sárká syínwilkìpu tyí soko, ney náh lésò yíne sé táhnóle.* 5 Yé se kí ne yé náh kè kar yah tóle ne, sárká syínwilkìpu-á níkéne mí mí yòh dèlle n pí Liyel ní-nsah gbò soko mí mí yòh sònóle, té lékàh náh me pé tyí?† 6 Nte mé kéle n yo yé tyí, névi me ásò nê-á kal Liyel ní-nsah gbòle. 7 Liyel kè yo ne níké: «Sárká súkénkòno náh mé n yah n kò dé, wě yám yáhnó ye mé n yah n kò.» Yáh sò me képah kórle n pne, yé náh náhkì lékàhle lékàh ké névye kò n pí. 8 Yé náh we di, Névi Pídí ye mí mí yòh yòtène dò.»

9 Yesu-á yal nénpó, à soko pé Liyel ní-nsah wòkò yó soko. 10 Gbònkù dí yó sò me nénpó. Té pè sò me ké tyí ne pé lékàh we Yesu kò. Káh pí sě, pè Yesu piki yah ne níké, yónwó dénmòno wèkì se me kónóle mí mí yòh sòle ní? 11 Nte à me yo pé tyí ne: «Yé soko yó tyí kópó núkú ó-à me, té à soko de pwàhsükù yó soko mí mí yòh sòle, tě se kí ye ò kyínwilkìnóle lésòle? 12 Nte névi náh fónfó kal náhnáh kópó yò di? Káh pí sě, pèpòri pínó wèkì me kónóle mí mí yòh sòle.» 13 Képah tène, té yo gbònkù dí mè tyí ne: «Á gbò tó.» A me kè tó, kè núkú pí vile ké ní-ò mè sò. 14 Nte Farisi wèkì kópú-á fyò wil Liyel ní-nsah wòkò soko, pè kyí wě we à vî-nsah yah Yesu we n ko n mò yinne.

Liyel-á nê yah wilki ne à pé tòle n pí

15 Yesu-á pò pí ne Farisi wèkì kópú-á me pé kònmò-nsahle n yah n kò, à yal nénpó. Névye náhnáh me ò sò tě. A me pé soko yámpú pól de mò, 16 té pè gbah sni ne pè káh pé tyí yáh ney tyí. 17 Yesu-á kèpah pí, Liyel-á lésò nê yo sah ò téntò syínyo-ò Yesayi tyí, kè wil. A lésò ne níké:

18 «Máh nê yah wilki ne à ní tòle n pí, à we yò.

Ní nìdè ney ye òne. Nmò ye ní nìvìnì yòle.

Mé kí ní Mirki tiki mò ò yò,

à kò à kí gbì wèkì tyí yo yìkìni pól névye tyí.

19 A náh yékâb pí n pí neyne, à náh n gbo n mò n tũ n pí,

ney náh ò yínpò noh n pí tówú tükè-ntàn soko.

20 Fìlkì nê-á me kwónmòntènóle, à náh ké téy kwò n pí.

Fòtnò nê-á me n tyah nínóle, à náh ké téy ní n mò n pí.

Sě ye à kí n pí, pópó kí pò nò gbí nê-á gbì wèkì kí yah syi.

21 Té yìkìni pól névye gbò sàhnó kí me òmò yò.»‡

Yesu tě we sétàn yòtè tyí

22 Képah náh, nósýó dí yó tě pò Yesu tyí. Sétò sò me ò soko à kò à pí yítú ànê kèdòkìle. Yesu me à de mò, à kò tě we n wekì, té fě n yah. 23 Képah tène, kè pí gbèndùnìne tówú pól tyí, pè me tyah n yo wě tyí ne: «Té Davidi Pídí náh yò lé?» 24 Nte Farisi wèkì kópú-á kèpah tě noh sě, pè ne sétàn yòtè Belsebuli ó gbò yò-á à n yìni sétànne. 25 Té Yesu-á pé fòkò sòno we sě, à yo pé tyí ne: «Yòtòrí nê tě névye-à fyò yuku wène n fwo, kéne yòtòrí kí yìkì. Kwil nê névye-à yuku wène n fwo, kè náh n wũ n pí. Sě ó ye, kéte nê névye-à yuku wène n fwo, ké tó náh n wũ n pí. 26 Té sétàn yòtè-à tyah ò nole n yìni, ò gblòy náh à n fwo di? N yòtòrí se kí wũ? 27 Té ní-mò-à me

* 12:4 12.4 - Yah n te 1 Samuyel 21. † 12:5 12.5 - Yah n te Yáhnó 28.9-10. ‡ 12:21 12.18-21 - Yah n te Yesayi 42.1-4.

sétãñne n yĩni Belsebuli gbõ yõ yé yo à; yépi tĩnkĩ névyé wɔ-á dò, nê gbõ yõ me pépi n yĩni séle wé? Pépi ntě ye kɪ lékàhle yé kõ. ²⁸ Liyel Mirki gbõ yõ-à mé n yĩni séle, képah n wěkɪ ne nkě, Liyel tǒrí-á yĩni tě yé tyí. ²⁹ Tãhkĩ-á me díš nê sɔkɔ, nê kɪ fě ñ púkúbí-ńkě sɔkɔ, kɪ de ñ wòkò sɔkɔ kɪ ñ gbãñ yí kwel? Máhah wãh kɪ à pukubi té kɪ pyě de ñ wòkò yí kwel. ³⁰ Névi nê-à mó-ńkěne ńmɔle, tě me ńne n fwo. Névi nê náh me ńne n yohnɪ n mo tũkẽnmonɔ sɔkɔ, tě me kárkínóle n pɪ.

³¹ Képah ye, mé kéle n yo yé tyí ne: «Névyé tyípêl pól ànê pé Liyel gbyòndó pól kɪ fě yõ mo pè kõ. Nte Liyel Mirki gbyòndó tě wɔ náh n yõ mo n pi pé tyí pólle. ³² Névi nê-à yo de Névi Pídí tyí, kè kɪ fě yõ mo tě kõ. Nte névi nê-à yo de Liyel Mirki tě wɔ tyí, kè náh yõ mo tě kõ n pi kweyne, kè náh yõ mo tě kõ n pi ńsô tɔle.»

³³ Yé yah, séswô n pne ké pye dùkù sɔkɔ. Yãh ne séswô nê-á me ple, yé ne ké pye tɔ-á me ple. Yãh ne séswô nê náh me ple, yé ne ké pye tɔ-á me kétúkúyô. ³⁴ Wáhnmíró nópi, tyípéplɔ se kɪ fě n wil yé vyěy sɔkɔ té yé nno mó tǔ me yúkúnóle pèkèle? Névi nɪ-á me yúkúnóle tyi nónóne, sépi ye n wil tě vyãh sɔkɔ dò. ³⁵ Népépěy tyípéplɔ n wil ñ nɪ sɔkɔ. Nétúkù tyítúkúñ tɔ mó n wil ñ nɪ sɔkɔ. ³⁶ Nte mé kéle n yo yé tyí, yah kě welo nónó pól-á névyé n wɛkɪ, sé ywõ kɪ piki n yah n pi pé tyí Liyel tukey tuke sòle. ³⁷ Tukey kɪ tuke á yõ à yĩne á vyãh weyne kɪ gbɪle ñ kõ, képah náh pɪ kɪ lékàhle ñ kõ.

Névyé me kéle n yah n kõ Yesu tyí ne à gbɪl yó pɪ, nê-á n wěkɪ ne wãh n wil Liyel tyí

³⁸ Képah sɔkɔ, Liyel tyi kònsàhnó kwópú ànê Farisi wěkĩ kópú yísyó me Yesu syah ne, pé kwó-ò dí, páh me ké tyí ne à gbɪl yó pɪ pé yah, nê-á n wěkɪ ne wãh n wil Liyel tyí. ³⁹ A me yo pé tyí ne: «Kwey gbĩ névyé náh ple. Pè náh me tě Liyel ó tyí yõ. Pè me ké tyí ne mé gbɪl yó pɪ pé yah. Nte kèyãh ntě náh pɪ pè wěkɪ n pi, à wil Liyel tẽntò syínyo-ò Nsyonasɪ tyí sɔkɔ. ⁴⁰ Yé yah, sǔ-á lésò Nsyonasɪ sèpĩn tǔnì pɪ yěnkô-ńgběkĩ yó fɔkɔ sɔkɔ,* sě ye Névi Pídí tɔ kɪ sèpĩn tǔnì pɪ sétáh sōwãh. ⁴¹ Nsyonasɪ-á lésò Liyel tẽntò yo Ninivi kwil tãñ tyí, pè fě syi pé tyípêl pínó yal mo. Nte ney me ásô nê-á kal Nsyonasɪle. Kãh pɪ sě, Liyel tukey tuke sòle, Ninivi kwil tãñ kɪ yuku kwey gbĩ névyé yõ, kɪ lékàhle pè kõ. ⁴² Pi nê-á lésò yõtěne Saba sétáh yõ, à lésò wil fíú sétáh yĩn tyí, à pɔ yõtě dí Salomo lékãm welo noh.† Nte ney me ásô, nê-á kal Salomole. Kãh pɪ sě, Liyel tukey tuke sòle, kène pi kɪ yuku kwey gbĩ névyé yõ, kɪ lékàhle pè kõ.

Sétò syínɔndenɔle névi sɔkɔ

⁴³ Sétò-à wil névi sɔkɔ, à n kyɪ gběnnɪ kɔ n kõ, ñ mĩ-ńsah yah n kõ. Nte wãh wé-ńkěne, ⁴⁴ à n yo ñ gblǔy tyí ne, páh sò wil ńyãh sɔkɔ, páh kɪ pé syɪ yuku nénpó. Wãh ñ syɪ, té kyɪ ñ tẽ-ńsah dyàh we ké kókóle yãlntǔnsàhnóle, ⁴⁵ à n kyɪ sé no sétãnnó kwãrninɔ syah, nónó-á peke kal ñmɔle. Sé tóó n kyɪ n de n tě tě sɔkɔ. Kãh pɪ sě, tě mè dùkù ké syɪ n peke n kal ñ gben těne. Sě ye kwey gbĩ népêl tɔ tyí kɪ n pɪ n pi.

Nónó me Yesu yú ànê ñ yúnpyéle?

§ 12:29 12.29 - Dí nê tyí-á yo ásô sɔkɔ yò, sétãñ yõtě ye pè n ye. * 12:40 12.40 - Yah n te Nsyonasɪ 1.17. † 12:42 12.42 - Yah n te 1 Yõtãm 10.1-13.

⁴⁶ Yesu-á me képah yónó sɔkɔ tówú tyí, n̄ yú ànê n̄ yúnpyé pɔ yĩn kégbó té me ké tyí ne pé yo mɔ n̄ tyí. ⁴⁷ Nn̄i me yo n̄ tyí ne à noh yò, n̄ yú ànê n̄ yúnpyé-á me yíntěńóle kégbó. Páh me ké tyí ne pé yo mɔ n̄ tyí. ⁴⁸ Yesu me yo tẽ tyí ne: «Nê me n̄mɔ n̄ôle, ànê nónó me n̄ yúnpyéle?» ⁴⁹ Té n̄ gbò nɔ mɔ n̄ tò sáhpú tyí té ne n̄kẽ: «N̄mɔ n̄ ànê n̄ yúnpyé we yò. ⁵⁰ Yé yah, n̄mɔ Sú nê-á yĩnyò, wáh me nê tyí, névi nê-à képahle n̄ pɪ, tẽ wɔ ye n̄mɔ yúnpile, képah náh pɪ n̄ n̄ôle.»

13

Sèmirkì nê-á yāh sèmuƙo m̄r-ò tyí yò

¹ Lésò mè óle, Yesu wil gbô sɔkɔ à kyɪ kɔ tẽ yó-ńgbě gbòpɔ. ² Tówú ńgbě yó me pɔ à mɔ gbĩ. Pé tnónkàhnó tẽ tyí, à de kɔ tẽ krótókè yó sɔkɔ. Tówú pól sò me yíntěńóle yóngbalɪ sɔkɔ. ³ A sò me tyi náhnáhle n̄ yāh pé tyí sèmìrn sɔkɔ, me n̄ yo pé tyí ne: «Sò yóle, dí yó lésò kyɪ sèmuƙo m̄r-ńsah n̄ swāh sɔkɔ. ⁴ Wáh me m̄rnó sɔkɔ, yísyó sykɪlɪ wěgbalɪ sɔkɔ, kèpye me pɔ sépi yò. ⁵ Yísyó me sykɪlɪ yen kwéy tẽ-ńsah légbí yò. Té káh pɪ yen gbɪ náh sò me nénpó sě, sè núkú fi súú. ⁶ Té sè náh tẽ we yāhni gbɪ mɔ. Káh pɪ sě, gbĩ-á pɔ vyāh sè tẽ, sè kɔkɔ. ⁷ Yísyó me sykɪlɪ de pàn n̄iyó, pàn me yuku fyāh sé yò. ⁸ Nte yísyó me sykɪlɪ sétáh pèpɛy sɔkɔ à pɔ ywò pɪ. Túkù pyenɔ lèkwěkwɛ pɪ, túkù tikitónítɔnɪ pɪ, túkù yògbāngbām pɪ. ⁹ Nê-à kɪ me kè noh, tẽ kè tẽ yĩn.»

Tir nê yĩn me Yesu n̄ yāh névye tyí sèmìrn sɔkɔ?

¹⁰ Képah sɔkɔ, n̄ tò sáhpú me nɔ de n̄ tnô té à piki yah ne, kwāh nê se pɪ té à n̄ yāh no n̄opi tyí sèmìrn sɔkɔ nɪ? ¹¹ A me yo pé tyí ne: «Liyel t̄rɪ tyi nónó-á sò me wòbìnsàhnóle, sé pn̄enó ye yépi kɔ. Nte kè náh pépi wɔ kɔ. ¹² Névi nê tyí kwāh-á me, dòhn̄nó kɪ n̄ pɪ n̄mɔ tyí yò yr̄oyr̄ò. Té névi nê tyí kwāh náh me, kwéy nê n̄tẽ-á me n̄ tyí, kè kɪ tẽ syi n̄ tyí. ¹³ No n̄opi me n̄ yah, té pè náh me kwāh yóle n̄ we, képah n̄ wěkɪ ne pè náh me ké tyí yahle n̄ we. Pè me pé níne n̄ kwɔ, té pè náh me kwāh yóle n̄ nohnɪ, képah n̄ wěkɪ ne pè náh me ké tyí yahle n̄ we. Képah ye n̄ kɔ mé n̄ yāh pé tyí sèmìrn sɔkɔ. ¹⁴ Liyel t̄ntò syínyo-ò Yesayi-á lésò nê yo sah, képah ye n̄ no péle yò. A lésò ne n̄kẽ:

<Yé kɪ yé níne n̄ kwɔ n̄ nohnɪ, té yé náh ké tyí yah we n̄ pɪ.

Yé kɪ n̄ yah, té yé náh kwāh yó we n̄ pɪ, képah n̄ wěkɪ ne yé náh me ké tyí yahle n̄ we.

¹⁵ Nikisekókó névye ye no n̄opile.

Pè me pé ní tah tũ,

té pé yí vike sah

ne sè káh kwāh yó n̄tẽ we,

pé ní káh tir yó n̄tẽ noh

pé kɔ pé káh f̄ẽ ké tyí yah we,

pé mó vi mɔ Liyel wěkɪ yò

n̄ kɔ mé pè we n̄ de n̄ mɔ.>

¹⁶ Welɔ n̄opi yóntɛnɔ náh, Yesu t̄o yo pé tyí ne: «N̄te yépi tẽ wɔ tyí nɔ, yé yí me n̄ yah, yé ní me n̄ nohnɪ. ¹⁷ Kégbɪ yò mé kéle n̄ yo yé tyí, yáh tyi nónó we, Liyel t̄ntò syínyopu ànê névye nónó-á négbólóle Liyel yah, pé

náhnáh sò me ké tyí ne pé sè we, té pè náh sè we. Yáh tyi nónó noh, pè sò me ké tyí ne pé sé to noh, té pè náh sè we noh.»

Sèmìrkì kórle, nê-á yāh sèmuco mir-ò tyí yō

¹⁸ «Sèmuco mir-ò sèmìrkì yō-á nêne, yé yé ní sah kè noh: ¹⁹ Névyé nónó-à Liyel tǒrí tyí yónó noh té pè náh ké òkù pī, sétàn yòtē n pò wey mè wilki pé fòkòni sòko. Pè me wēgbali tyí kòle nýāh sòko-á sèmuco syikili. ²⁰ Tùkù me légbí yō tyí kòle, nýāh sòko-á sèmuco mir mɔ. Pépi-à wey mè noh, nénpó swò pè kè fē n syi nìvìnì sòko. ²¹ Té pè náh n ye kè yāhnìne n mɔ pé sòko. Pè kè fē n syi nénpó swò ó sòko. Té yèvyāhri, képah náh pī fòhnó-à núkú pè yīni tē kéne wey yinne, pè pé náh vi kè kò súú. ²² Tùkù me pān tē-nsah tyí kòle, pāh wey mè noh, kèkōyó tyi fòkò sòno ànê tahrì dékè n pò ké yah kò, kè náh n tē n we tirlé n pekì pé tyí. ²³ Tùkù wò mó me sétáh pèpey tyí kòle, pépi-à wey mè noh, pè ké òkù pī, yōre n we ké tyí sèmuco tyí kòle, nónó-á pyeno lèkwèkwe pī, ànê nónó-á tikitǒnítǒni pī, ànê nónó-á yōgbāmbām pī.»

Sèmìrkì nê-á yāh filkì tyí yō

²⁴ Yesu tǒ sèmìrkì yó yāh pé tyí ne níké: «Yé yah, Liyel tǒrí-á kī fē tòko sāh sèmìrkì nêne, kè we yò: Dí yó lésò sèmuco duku pèpey mir mɔ n swāh sòko. ²⁵ Té névyé-á pò dɔ gbí nêne, n sépe kyì filpyé mir dah mɔ kò ké sòko nê-á me ké kètòle, té n náh vi sòko. ²⁶ Kāh pò kyāh té n dubi gbí nêne, filkì tò ké yō wilki mɔ kwèy. ²⁷ Sètē dí tǒnpi-á kè kyomì we sē, pè me kyì kè yo pé yòtē dí tyí ne níké, pé yòtē, sèmuco duku pèpey-á se sò à mir mɔ n swāh sòko; té kè se pī sǒ té filkì tò pò n we ké sòko nì? ²⁸ A me yo pé tyí ne, sépe yó tò vyāh-á képahle. Pè me ne, à se me ké tyí ne pé kyì sè viki nì? ²⁹ A me ne ò-á. Nkē pāh kī ne pāh séle n viki, sèmuco tò-á kī syah n kwò n mɔ n viki séle. ³⁰ Pè ye sé yō sè ne n kyāh wē tyí kè syi pò n nò sèmuco tòko gbí tyí. Té sèmuco tòko gbí-à kī pò nò, pāh kī yo sèmuco tókópú tyí ne pé filkì nḡbò kò, pè mó sè pukubi pò pòle pé kyì n suke. Té sèmuco wòle, pè képah tòko n mɔ pé dúkúrí sòko.»

Sèmìrn nónó-á yāh mútárdì pī ànê kókónó tyí yō

³¹ Yesu tǒ sèmìrkì yó yāh pé tyí ne: «Yé yah, Liyel tǒrí-á kī fē tòko sāh sèmìrkì nêne, kè we yò: Dí yó lésò mútárdì pī tòko duku mɔ n swāh sòko. ³² Képah yilo kal yípyé pòlle. Té kàh fi, kè n pī gblò kal sèmuco duke pòlle. Kè n pī séswò sǒ, kèpye n pò syè pī ké yīngbàn tyí.»

³³ Képah náh Yesu tǒ sèmìrkì yó yāh pé tyí ne: «Yé yah, Liyel tǒrí-á kī fē tòko sāh sèmìrkì nêne, kè we yò: Sê yó lésò kókónó tòko mɔ tòko yí tǒnó mífáhkì sòko, ké pól kò kè doko.»

Yesu sèmìrn yáhnó yòle

³⁴ Yesu sò me tyi nòpi pòlle n yāh tówù tyí sèmìrn ó sòko. A náh sò me tir yó ntēne n yo pé tyí né sèmìrn sòko náh. ³⁵ A képah pī Liyel tēntò syinyo-ò tir yónsàhnó kò kè wil. A lésò ne níké: «Mé kī tyile n yo sèmìrn sòko. Tyi nónó-á sò me wòbìnsàhnóle kèkōyó mɔ gbí òkùle, mé kī névyé níki ykì séle.»*

* 13:35 13.35 - Yah n te Gbálnó 78.2.

Sèmìrkì kórle, nê-á yāh filkì tyí yō

³⁶ Képah tēne, Yesu yal tówû tnô à soko gbô. N tō sáhpú me no de n tnô té yo n tyí ne, swāh soko filkì sèmìrkì nê-á sò à yāh, à ké yō yo pé syah. ³⁷ A me yo pé tyí ne: «Sèmuko duku pèpey mīrnmò-òle, Névi Pídí ye. ³⁸ Swāhle, kèkōyó ye. Sèmuko duku pèpeyne, Liyel yòtōrí soko wēnpì ye. Fílkìle, sétàn yòtē nāh névyé ye. ³⁹ Sépe nê-á mir dah mō filpyéle, sétàn yòtē ye. Sèmuko tókónóle, kèkōyó tyénó ye. Sèmuko tókópúle, yīnyō tōnpìbì ye. ⁴⁰ Sô-á pē filkì viki n suke nyāh soko, sēnkō ye kɪ n pɪ n pi kèkōyó tyénó to soko. ⁴¹ Névyé nónó pól-á névyé yōle n yɪkɪ n mō pèkè pínó soko, ànê nónó pól-á tyítúkúnì pípúle, Névi Pídí kɪ n yīnyō tōnpìbì tekɪ n mō n pi, pè kɪ pō pè wilkì n tōrí tyah soko. ⁴² Té kɪ pè min dah mō sīnki nyāh soko, nýāh soko-á gbní ànê yní táhnó kɪ me. ⁴³ Nte névyé nónó-á me néglblóle Liyel yah, pépi wɔ kɪ n tē pé Sú Liyel tōrí soko, gbì tyí kōle. Nê-à kɪ me kè noh, tē kè tē yīn.»

Sèmìrn nónó-á yāh tahrì wōbìnsàhnó ànê pérlì tyí yō

⁴⁴ Képah nāh, Yesu tō yo pé tyí ne: «Yé yah, Liyel tōrí-á kɪ fē toko sāh sèmìrkì nēne, kè we yò: Dí yó lésò kyɪ wil mō tahrì wōbìnsàhnó yó yō swāh yó soko, té kè toko tō wōbì. Ké wénó nìvìnì tē tyí, à soko à kyɪ n gbàn yì pól yām à pō swāh mè dwe.

⁴⁵ Yé yah, Liyel tōrí-á kɪ tō fē toko sāh sèmìrkì nēne, kè we yò: Gbò yí-ò yó lésò me, nê-á yì kètárnó yísyóle n yah n kō, pè n ye pérlínóle. ⁴⁶ Wāh pō ké dénkókò yó we, à kyɪ n gbàn yì pól yām à pō kè dwe.»

Sèmìrkì nê-á yāh yēnkɔ tē tē mno tyí yō

⁴⁷ «Yé yah, Liyel tōrí-á kɪ fē toko sāh sèmìrkì nēne, kè we yò: Nósyó lésò yēnkɔ tē tē mno min dah mō yo soko, à yēnkɔ duke pól tē. ⁴⁸ Kāh yuku, pè kè yorɪ wilkì pō kènkwāh yō, té kō tē à yēnkɔ gblo wah mō dú soko, té sé téló milki. ⁴⁹ Sē ye kɪ n pɪ n pi kèkōyó tyénó to soko. Yīnyō tōnpìbì kɪ pō nétúkúnì wah wilkì néglbló soko, ⁵⁰ kɪ kyɪ pè min dah mō sīnki nyāh soko, nýāh soko-á gbní ànê yní táhnó kɪ me.»

Kwónó kedyāh ànê kwónó késānne

⁵¹ Képah nāh Yesu tō yo n tō sáhpú tyí ne: «Yé se tyi nópi pól noh wah?» Pè me ne àwe-á.

⁵² Képah soko, à me yo pé tyí ne: «Liyel tyi kōnsàhnó kwópú nónó-á sò kwónó we soko Liyel tyi kōnsàhnó tyí yō ngbòle, té tō pō kwónó we Liyel tōrí tyí yō núkúnúkú, té névyele n kwō séle, pépi me kéte tē yó sō, nê-á yídí sò me n tyí n dúkúrí soko, té à tō pō snó we dohnì sé yō, té me séle névyele n kō.»

Nasaretì tān yahle sēnóle Yesu yō

⁵³ Té Yesu-á sèmìrn nópi yāh te pé tyí gbì nēne, à yal nēnpó ⁵⁴ té soko n kwil soko. Wāh kyɪ nēnpó, à kyɪ kwónóle n pɪ pé Liyel ní-nsah wòkò soko, fókò no pól gbàn du n tyíle. Pè sò me yo tú ne, à se we nýāh lékām ànê tēnweno mēne, à fē gbìl nópìle n pɪ nɪ? ⁵⁵ Nmo kó sésár sé-ò pídìne nɪ? N yú yīn kó Marile, té n gbēndìpi me Nsyakɪ, ànê Nsyosefu, ànê Simo, ànê Nsyudele nɪ? ⁵⁶ Té n dósýó pól kó me pépile ásò yò nɪ? Nte nýāh tē ó

se ñmɔ we lékám ànê tɛnwɛnɔ mènɛ ni? ⁵⁷ Képah sɔnɔ sò me pé yõ yiki pé kɔ pé tɛ sɛ kwlo Yesu yõ. Képah sɔkɔ, Yesu me yo pé tyí ne: «Liyel tɛntò syínyo-ò kwil ànê ñ kéte sɔkɔ ó ye pé náh ñne n mɔ n kɔ Liyel tɛntò syínyo-òle.» ⁵⁸ Páh yahle sɛnóle Yesu yõ sɛ, à náh mó gbílnó náhnáh pi nɛnpó.

14

Wèlnwìlkì-ò Nsyõ kúnóle

¹ Légbíne, Kalile mara yòtɛ dí Yerɔɔ Yesu tyí yónó noh, ² té yo ñ tɔnpɔbi tyí ne, Wèlnwìlkì-ò Nsyõ-á yò tótó. N lékó-á yilki mɔ. Képah-á tɛnwɛnɔle ñ tyí à fɛ gbílnóle n pi. ³⁻⁴ Yé náh we di, ñgbòle, Yerɔɔ lésò ñ gbɛndí Filipi kyí Yerɔɔyadɔ tɛ syi. Nsyõ me kè yo ñ tyí ne, ké yah náh à à tɔkɔ. Pi mè yinne, Yerɔɔ me pé kɔ pé Nsyõ tɛ à kárn mɔ ñ tyí, té à dah mɔ sah wòkɔnpèkè sɔkɔ. ⁵ A lésò me ké tyí ne pé Nsyõ ko mɔ. Nte tówù-á lésò me Nsyõne n mɔ n kɔ Liyel tɛntò syínyo-òle sɛ, pépi yah tiki me à tɛ.

⁶ Nte Yerɔɔ dúbínó yòh vɛnpɔnɔ syáh syah sòle, Yerɔɔyadɔ písê yõ yi néyénó yah sɔkɔ. Kè me nɔ Yerɔɔ tyí, ⁷ fókó à ñ vyähle à kɔ, té ñ wo ñ tyí ne wàh ki sò kwáhdúkú ñe yah kɔ pé tyí, páh ki kéle à kɔ. ⁸ Képah sɔkɔ, pípir yú me à kurki mɔ à kɔ à yo Yerɔɔ tyí ne, à Wèlnwìlkì-ò Nsyõ yòle pé kɔ ásò dú pyahrɔ yó sɔkɔ. ⁹ Képah tɛne, kè yòtɛ dí yah kwɔ. Nte ñ wónó mè yinne ñ néyénó yí yah, à ne pé pɔ kéle à kɔ. ¹⁰ Té pé kɔ pé kyí Wèlnwìlkì-ò Nsyõ yò kám wòkɔnpèkè sɔkɔ. ¹¹ Páh kè kám, pé kè dah mɔ dú pyahrɔ yó sɔkɔ à pɔ pípir kɔ, à me kè syi kyí ñ yú kɔ. ¹² Nsyõ tò sáhpú me pɔ ñ lékó tɔkɔ kyí yí, té kyí ké yah yo Yesu syah.

Népi kèyò nínó kyegbām (5 000) kénkõ púnóle Yesu tyí

¹³ Yesu-á yí mè noh sɛ, à de krótókè yó sɔkɔ ànê ñ tò sáhpúle pé yal nɛnpó, à yuku gbɛnnɔ tyah yó sɔkɔ à kyí tɛ pé yahle. Tówù-á pé sókónó tyí noh nyáh sɔkɔ, pé wil kwlo kwlo sɔkɔ à pé nyáh sò gbáhkì yõ. ¹⁴ Yesu-á wil krótókè sɔkɔ té tówù ñgbɛ we sɛ, pé yám à tɛ. A me pé yámpú de mɔ.

¹⁵ Nví-á pɔ nɔ, ñ tò sáhpú nɔ de ñ tnô té yo ñ tyí ne, gbɛnnɔ tyah sɔkɔ-á péle yò. Té lékâh-á me n tyah mónóle, à kó tówùle n fin n mɔ pé kyí yõ yõ yíle n yah n dwe kwlo sɔkɔ ni? ¹⁶ Yesu me yo pé tyí ne, yõ náh me ké tyí pé sɔkɔ. Pépi yòke yah pé gblɔy pé kɔ pé yõ. ¹⁷ Képah sɔkɔ, pé me yo ñ tyí ne, búrn pló kwló ànê yɛnkyɔ pló nínó ó-á me pépi tyí ásò dò. ¹⁸ Yesu me yo pé tyí ne, pé sè tɔkɔ n pɔ pé kɔ ásò. ¹⁹ Té me tówù kɔ pé kɔ tɛ filkì yõ, té búrn pló kwló ànê yɛnkyɔ pló nínó nópi tɔkɔ, té ñ yah yõ yinyò à weki Liyel tyí, té sè kwɔki mɔ ñ tò sáhpú kɔ pé syi tówù kɔ. ²⁰ Pé pól me yõ tɔ, té pé me pé yónkwlonɔ téló tuke mɔ vyó gbɔninó yíine. ²¹ Té nónó-á sò yõ yòke mènɛ, pé sò me díbí népi kèyò nínó kyegbām (5 000) kénkõle syó ànê wɛnpì vyáh kɛne.

Yesu kónóle Kalile yó-ñgbɛ yõ

²² Képah náh, Yesu núkú ñ tò sáhpú gbah tɛ ne pé de krótókè sɔkɔ, pé mɔ pé yahle yó-ñgbɛ kahnune, péwɔ mó tówù fin mɔ. ²³ Wáh pé fin mɔ te, à dɔkɔ yuku yòli yõ à kyí tɛ ñ tyíle à Liyelle n ni. Lékh mɔ pɔ à we ñ gblɔy nɛnpó. ²⁴ Té légbíne, krótókè sò me gbe mɔ te yo vyähle náhnáh.

Té yáhkí sò me péle n yohni. Káh pi sě, ni sò me krótókèle n kah n fwo. ²⁵ Tyah dal gbíne, Yesu tyah n kò n yuku pé tnô yò yò. ²⁶ Páh à we à n kò n pi yò yò sě, pé sām yòkò. Pè tyah n yo ne lékó mírki yó-á. Té tyah n de n syi tíki tē tyí. ²⁷ Nte nénpó swò, Yesu me yo mò pé tyí ne, pè pé ni syāh. Péwò-á, pè káh tíki pi. ²⁸ Képah sòkò, Pɣerɪ me yo n tyí ne, Tě ñgbě, ñmò-à kɪ nê ntyínò, à péwò kò pé wil kò pò n tnô yò yò. ²⁹ Yesu me yo n tyí: «Pò!» Pɣerɪ me wil krótókè sòkò à tyah n kò n yuku Yesu tnô yò yò. ³⁰ Nte wāh pò kè kyomɪ we ne yáhkí-á me n kah n pi, tíki à tē. Képah sòkò, à tyah n tiki n de ni sòkò té de syi ne, Tě ñgbě, à pé pwah mò oo! ³¹ Nénpó swò Yesu núkú n gbò nò à à tē té yo n tyí ne, à nāh sě péwò yò fwòó ló. Sǒ se pi té à n sǒ tǎtò ni? ³² Té pè me de krótókè sòkò, yáhkí núkú yīn. ³³ Nónó-á sò me krótókè mè sòkò, pè gbètukunò di Yesu yah té yo n tyí ne, kègbɪ yò, ñmò-á Liyel Píđine.

Yámpú dénmòwòle Yenesaretɪ sétáh yò

³⁴ Yesupi-á yó-ñgbě kah te, pè de Yenesaretɪ sétáh yò. ³⁵ Nénpó tǎn me à yah pĩ, té núkú n pónó yo soh mò nénpó tǐn tǎn pól tyí. Pè me pò pé yámpú pólle n tyí. ³⁶ Té ñne n ni ne, à ye pé kò pé tũ n fwòmòni vyāh nte ó tyí. Té nónó pól-á fyò tũ ké tyí, pè de.

15

Tyi nónó-á kɪ fě névi silki Liyel yah

¹ Képah sòkò, Farisi wěkì kópú ànê Liyel tyi kònsàhnó kwópú wil Yerusalemɪ kwil sòkò à pò Yesu tnô, té à syah ne ñkě, ² sǒ se pi té n tǒ sáhpú nāh me n kò lékǒló wǎldi yò ni? A ne n yah pè yǎrle n yò, té pè nāh se mó tǒ pé gbǎn wu à yīne pé wǎldile lé. ³ A me yo pé tyí ne: «Té yépi wò-á dò, sǒ pi té yé wǎldi yīnne, yé nāh me n kò Liyel tyi kònsàhnó wǎl yò? ⁴ Yé yah, Liyel kè yo ne ñkě: <Yòyénne n sah á sú ànê á yú yò.>* Té tǒ kè yo ne ñkě: <Névi nê-à wèntùkù wèkɪ n sú tyí, képah nāh pi n yú tyí, tē yīne kònmòwòle.>† ⁵ Nte yépi wò n mó ne, névi nê-à yo n sú képah nāh pi n yú tyí ne, kwāh nê-á sò me pé tyí n yohni n mò mò tēne, páh képahle Liyel kò te, ⁶ n dúbí-ò mè yòhnìnmòwò kòlɪ nāh tǒ me n yò. Káh pi sě à, Liyel tyi kònsàhnó nāh yé yɪkɪ yé wǎldi yīnne di? ⁷ Vyáhsesyírí névye nópi, Liyel-á lésò Yesayi kò à nê yo sah, képah ye yépi n pi yò. A lésò ne ñkě:

⁸ «No nópìle, vyāh ó sòkò ye pè n gbilki ñmòle.

Nte pé nno me fíí ñne.

⁹ Páh kwónóle n pi tyi nónó yò,

névye yah yíi tyi kònsàhnó ye séle.

Képah ye, gbílkínó nê-á pè n gbilki n pò ñne pè yo,

nónó ye kéle.»‡

¹⁰ Képah sòkò, Yesu tówù mè ye tuke té yo pé tyí ne: «Yé yé ní kwò n noh palle, yè welo nópi syíkí-ńsah pĩ. ¹¹ Yi nónó-á n de névi vyāh sòkò, sépi nāh n silki ñne Liyel yah dé. Welo nónó-á n wil n vyāh sòkò, sépi ye n silki ñne.» ¹² Képah tēne, n tǒ sáhpú me nò de n tnô té yo n tyí ne, à kó pĩ ne n welo nónó-á sǒ sé yey mò Farisi wěkì kópú tǐnne, sǎh pè kah yò ni?

* **15:4** 15.4 - Yah n te Yálnó 20.12. † **15:4** 15.4 - Yah n te Yálnó 21.17. ‡ **15:9** 15.9 - Yah n te Yesayi 29.13.

13 A me yo pé tyí ne: «Yèh nónó pól tẽ-á fyò me, té n Sù nê-á yĩnyõ ñmo sónó náh séle, sè kɪ viki to. 14 Yé ye pé yõ. Yítũbi ye péle, nónó-á me pé no yítũbi yahle n tẽ. Té yítũ-à mó tõ ñ ní-ò yítũ yah tẽ, pé ními kɪ sykɪ de pwãh yó sɔkɔ.» 15 Képah sɔkɔ, Pyeri me yo ñ tyí ne, wãh sò ne pé pé ní kwɔ welo nónó noh palle, à sé kór yo pé syah. 16 A me pé syah ne: «Lékám kě névye se yépi tɔle? 17 Yé náh pĩ ne yí nónó pól-á n de vyãh sɔkɔ, sãh nkẽne n syõ kèkùrkɪ sɔkɔ, ñ té n pyè n pɔ n wilki n kwe kèdúkúdahkɪ sɔkɔ di? 18 Nte welo nónó-á n wil vyãh sɔkɔ, sé sò n wil sònɔ sɔkɔ. Sépi ye n silki névile Liyel yah. 19 Névi lékám sɔkɔ ye sònɔ túkùnì n wil, ànê nékókè mónóle, ànê fɔfíkɪ pínóle, ànê pròprò pínóle, ànê yĩbele, ànê mìnì yónóle, ànê gbyɔle. 20 Kéne tyi wɔ ye n silki névile Liyel yah. Nte névi-à ñ gbàn wú-ńkẽne à yĩne wãldi-á kè yo sɔ té yòke yõ, képah náh n silki tẽne.»

Sè yó písê dénmɔnɔle nê náh pi Nsyifulé

21 Képah náh, Yesu yal nénpó té sɔkɔ Tiri ànê Sidõ sétáh yõ. 22 Té pi yó sò me nénpó nê-á Kanah neyne. Ñmo me pɔ Yesule yúkey té me n de n syi, me yo tũ ñ tyí ne pé Tẽ ñgbě, ñmo nê-á Davidi Pídine, à pé yãm yah. Nkě sétó yó-á me pé písê sɔkɔ me ñne n kwlo kèpékèyô. 23 Nte Yesu náh dahbi wilki ñ tyí. N tò sãhpú me no de ñne té kè yah kò ñ tyí ne, à pi mè kò à ñ syi pé náh, à káh pé sò tẽ ne n de n syi n yuku sã. 24 Yesu me ne, Liyel-á pé tekɪ mɔ Yisrayel no ó yinne, pépi nónó-á me képyénì mɔnpuno sò. 25 Nte pi me no pɔ ñ gbètukuno di ñ yah, té yo ñ tyí ne pé Tẽ ñgbě, à pé yohnɪ n mɔ. 26 Yesu me à syah ne, ké yah náh pè wẽnpì yòke tɔkɔ n mɔ pãhnpye kò. 27 Pi me yo ñ tyí ne, gbɪ-á à yo pé yõtẽ. Nte pãhnpye wɔ-á n yõ sé nátãm yẽnmirn yónkwenɔle. 28 Képah sɔkɔ, Yesu me yo ñ tyí ne: «Pi, á sã yĩ ñmo yõ dé. Wáh nê yah kò, Liyel kɪ kè pi á tyí.» Légbí mè ó sɔkɔ, pi písê núkú de.

Yámpú náhnáh dénmɔnɔle

29 Képah náh, Yesu yal nénpó à yuku Kalile yó-ñgbě gbòpɔ. Té dɔkɔ yuku yõh yõ à kyɪ kò tẽ. 30 Képah tẽne, nékwínkí pé yámpú tẽ pɔ ñ tyí à pɔ pé sah ñ yah sɔkɔ. Túkù sò me gbáhkɪ núkú névyele, túkù me yítũbile, túkù me nédónène, túkù me kèdyònnène, à tahlɪ yámpú túkù tyí. Té Yesu me pé de mɔ. 31 Kè pi gbẽndùnìne tówú tyí, pãh kèdyònnè we pé me fẽ n wekɪ, nédónè dónónɔ me tye, gbáhkɪ núkú névye me fẽ n kɔ tómtóm, té yítũbi me fẽ n yah. Képah tẽne, pè gbílkínó sah Yisrayel Liyel yõ.

Yesu tõ tówú ñgbě pu

32 Yesu ñ tò sãhpú ye, té yo pé tyí ne, tówú mè yãm-á me péwɔ tẽ. Pé sèpìn tõnì-á péwɔ náh sɔkɔ kweyne yò, té yõ yõ kwãh náh se pé tyí. Pé náh me ké tyí ne pé pè fin n mɔ pé sɔkɔ kwekɪle. Pé túkù-á kɪ kyɪ n syah n tẽ n kwlo wèkɪ yah. 33 Képah tẽne, ñ tò sãhpú à syah ne, pé se kɪ we nyãh yòkele gbẽnnɪ mè sɔkɔ, kɪ fẽ tówú mè dùkù kò pé kɪ yõ tõ nɪ? 34 Yesu me pé piki yah ne, búrn pló sɔ se me pé tyí nɪ? Pè me ne kwãrninɔ-á, à tahlɪ yẽnképi yísý tyí. 35 Képah sɔkɔ, à tówú kò pé kò tẽ sétáh. 36 Té búrn pló kwãrninɔ ànê yẽnkyɔ nòpi tɔkɔ, té wekɪ Liyel tyí, té sè kwɔkɪ à ñ tò sãhpú kò pé syi tówú kò. 37 Pé pól me yõ tõ, té pè me pé yónkwlonɔ tuke mɔ tɔkɔ yí kwãrninɔle. 38 Té nónó-á sò yõ yòke mène, pé sò me díbí népi

kèyõ nínóle (4 000), syò ànê wěnpì vyāh kěne. ³⁹ Képah náh, Yesu tówú fin mo pé soko, té me de krótókè soko à soko Makadã sétáh yõ.

16

Névyé me kéle n yah n kō Yesu tyí ne à gbìl yó pi, nê-á n wěki ne wāh n wil Liyel tyí

¹ Farisi wěki kópú yísyó ànê Sadusi wěki kópú yísyó no de Yesu tnô ne pé à mo yah. Té à syah ne à gbìl yó pi pé yah, nê-á n wěki ne wāh n wil Liyel tyí. ² Képah soko, Yesu me yo pé tyí ne: «Gbìyí de gbíne, yínyõ-à me gbõlì, yè n ne tyah yah-á kɪ yɪkɪ mo. ³ Té séngbõle, yínyõ-à me fɪnmòò, yè n ne kweyne tyah yah náh n yɪkɪ n mo n pi. Yé me fɛ tyah dùkù wɔle n pne, té tyí nónó wɔ-á me n pi kwey gbì soko, sáh me tyí nónóne n wěki, yé tɛ sépi wɔ dùkù pɪ kwɔ kè? ⁴ Kwey gbì névyé náh ple. Pé náh me tɛ Liyel ó tyí yõ. Pé me ké tyí ne mé gbìl yó pi pé yah. Nte kèyāh n̄tɛ náh pi pé wěki n pi, à wil Liyel tɛntò syínyo-ò Nsyonasɪ tyí soko.» Képah yónteno náh, à pé sah nénpó té soko.

⁵ Képah náh, Yesu ànê n tò sáhpú-á n soko yónkahnne, n tò sáhpú dyo sò fwo búrn tókónsokónle. ⁶ Yesu me yo pé tyí ne: «Yé kyòmìnó pi. Yé yé gblõyne n tɛ Farisi wěki kópú ànê Sadusi wěki kópú kókónóle.» ⁷ Képah soko, n tò sáhpú tyah n sò ne pépi-á po búrn kěne, képah-á à kō à n yo sɛ yò. ⁸ Nte Yesu me pé sōno pɪ té yo pé tyí ne: «Liyel yõ sɛnyĩ-ńkêpú nópi. Sõ pi té yé n sō sɛ ne, yé náh po búrnne képah-á? ⁹ Yé náh tōnì me sé dùkù pɪ sɛ nɪ? Yé dyo náh me n kwne tɔle máh búrn pló kwɔle díbí nɛpɪ kèyõ nínó kyegbām (5 000) pu, ànê yáh yónkwɔnɔ tɛlɔ tuke mo vyó yí dan nêne di? ¹⁰ A tahlɪ máh búrn pló kwārnɔle díbí nɛpɪ kèyõ nínó (4 000) pu, té yáh yónkwɔnɔ tɛlɔ tuke mo tɔko yí dan nêne, yé dyo náh me n kwne kéle di? ¹¹ Té sō pi té yé náh tɛ we pɪ ne búrn tyí náh mé n yo yé tyí, máh sò n yo yé tyí ne: «Yé yé gblõyne n tɛ Farisi wěki kópú ànê Sadusi wěki kópú kókónóle?» ¹² Képah soko, pé pyè pɪ ne mífáhkɪ soko mo mo kókónó tyí náh sò Yesu n yo pé tyí ne pé pé gblõyne n tɛ kéle. Nte Farisi wěki kópú ànê Sadusi wěki kópú-á kwónó nêne n kō, képah tyí-á sò à n yo pé tyí ne pé pé gblõyne n tɛ kéle.

Pyeri-á nê yo Yesu tyí soko

¹³ Yesu-á kyɪ yĩni tɛ Filipi-Sesarɪ gběnyah tɪnne, à n tò sáhpú piki yah ne: «Névyé tɛ tyí nê me n̄mɔle, n̄mo nê-á Névi Pídíne?» ¹⁴ Pé me ne, tókù-á ne Welnwilkì-ò Nsyõ-á nne. Tókù ne Liyel tɛntò syínyo-ò Yeli-á nne. Tókù mó ne Liyel tɛntò syínyo-ò Nsyeremi-á, képah náh pi Liyel tɛntò syínyo-ò yó-á nne. ¹⁵ Képah soko, à tɔ ne: «Nte yépi-á dò, yépi tɛ tyí nê me n̄mɔle?» ¹⁶ Simo Pyeri me yo n tyí ne: «Áwɔ ye Liyel ney yáhntokónle. Liyel nê-á min nɛtɛne, n̄mo Pídí ye ále.» ¹⁷ Képah soko, Yesu yo n tyí ne: «Áwɔ tyí nɔ, Nsyonasɪ pídí Simo. Á náh we di, névi náh wěki ále tyi nópile dé, n Sú Liyel nê-á me yínyõ soko, n̄mo ye wěki ále séle. ¹⁸ Nte n̄mo kɪ yo á tyí ne: «Pyeri ye ále, (nê kór-á légbíle). Té kéne légbí yõ soko ye mé kɪ n̄ yõ sɛpú tɪnkɪ sah. Té kũ tǎhkɪ n̄tɛ fyé náh tɛ we tir yó pi n pi pé soko. ¹⁹ Mé kɪ Liyel tǔrí tyah yah gbíní kénikópýele n kō. Wāh tir nê yahle sétáh mè

yõ sɔkɔ, Liyel nê-á yĩnyõ sɔkɔ, ñ tɔ kɪ sah ké yõ sɔkɔ. Té wâh nê wěkì kō sètáh mè yõ sɔkɔ, Liyel nê-á yĩnyõ sɔkɔ, ñ tɔ kɪ sah ké yõ sɔkɔ.» Mé kɪ áwɔ kō á kɪ fě Liyel tǔrí nɔlɪ yónó wěkìlɛ n kō. Wâh tir nê yahle sètáh mè yõ sɔkɔ, Liyel nê-á yĩnyõ sɔkɔ, ñ tɔ kɪ sah ké yõ sɔkɔ. Té wâh nê wěkì kō sètáh mè yõ sɔkɔ, Liyel nê-á yĩnyõ sɔkɔ, ñ tɔ kɪ sah ké yõ sɔkɔ.» ²⁰ Képah náh, Yesu ñ tò sáhpú gbah sni ne, pè káh kè yâh névi syah ne péwɔ-á Liyel ney yáhtɔkɔnɔlɛ dé.

Yesu me ñ kúnó ànê ñ lékó yílkínmɔnɔ tyíle n yo

²¹ A tɔkɔ légbí tyí, Yesu tyah ké yahle n yo ñ tò sáhpú tyí ne, páh yĩne pé yuku Yerusalemɪ kwil sɔkɔ. Yèwàhnì, ànê sárká syínwìlkìpu yòtám, ànê Liyel tyi kònsàhnó kwópú-á kɪ yèvyâhrɪ náhnáh sah n pi péwɔ yõ. Páh kɪ pé ko mɔ, té ké sèpìn tǔ-ò sòlɛ, pé lékó-á kɪ yilki mɔ. ²² Képah tēne, Pyeri me à ye kěkɪ té tyah n wekɪ ñ yõ ne níkě, pólle pé Tě ñgbě, képah náh à yĩni n tē n pi. Liyel-á kɪ n tũ n mɔ ñ yõ. ²³ Nte Yesu me ñ yah vi té yo ñ tyí ne: «To ñ yah sètán yòtě mè. Nmɔ fěkì-ñsah ye á n yah n kō. Yah, á sònɔ náh me núkúle Liyel tyíle. Á sònɔ me núkúle névi tyíle.»

Yesu sò tē òkùlɛ

²⁴ Képah náh, Yesu yo ñ tò sáhpú tyí ne: «Névi nê-à me ké tyí ne pé ñmɔ sò tē, tē yĩne à ñ gblǔy tyi we n ye, à mó ñ syɪ syɪ dahnɪ twah ñmɔ sò tē. ²⁵ Névi nê-à ne páh n to n pwah kũ yah, tē náh tyé-ńkě min we n pi. Té nê-á tekɪ ñ min sɔkɔ ñmɔ yĩnne, tē wɔ kɪ tyé-ńkě min we. ²⁶ Névi-à ne kèkòyó yí pól we n pi, té ne n tekɪ n pi ñ min sɔkɔ, yõ se me ké tyí? Képah náh pi, kwâh se kɪ fě we névi tyí à kɪ tɔkɔ kō, ñ min sònɛ? ²⁷ Yé yah, Névi Pídí kɪ ñ syɪ n pɔ n pi ànê ñ yĩnyõ tònpiɔlɛ ñ Sú Liyel tǔríle ñ sɔkɔ. A kɪ pɔ nénúkù núkú pól dyah à yĩne pé tyípínìne. ²⁸ Kègbɪ yõ mé kéle n yo yé tyí, névye nónó-á ásò, pé túkù náh tǔnì me n ku n pi, té kɪ Névi Pídí we à kɪ me n pi ñ yòtǔrí sɔkɔ.»

17

Yesu òkùlɛ vìnɔnɔlɛ

¹ Sèpìn kénúkò sókóntɛnɔ náh, Yesu me Pyeri, ànê Nsyakɪ, ànê Nsyakɪ gběndí Nsyɔ tē pè yuku yǔlɪ kèyy yó yõ, à kyɪ tē pé tyíle. ² Dǔ, Yesu òkùlɛ vi mɔ pé yí yah. Ñ yèpɔ tyah n tē gbí sǔ, té ñ flɔ me piki préyy. ³ Moyisi ànê Yeli núkú wil mɔ pé yah, té me n yâh ànê Yesule. ⁴ Képah sɔkɔ, Pyeri me yo Yesu tyí ne, Tě ñgbě, pé pól tēnó-á me ple ásò dé! Wâh kɪ me ké tyí, páh kɪ yèpyenɔ tǔnó pi: Núkú-á kɪ pi ñmɔ tyíle, núkú kɪ pi Moyisi tyíle, núkú mó pi Yeli tyíle. ⁵ Wâh me képah yónó sɔkɔ, ñyírki yó núkú wil ñvyǔǔ à fob mɔ pé yõ. Té yĩnpǔ yó me wil ñyírki mè sɔkɔ ne: «Nê-á yò, ñmɔ nìdè Pídí ye. Nmɔ ye ñ nìvìnì yòlɛ. Yé ne n nohnɪ ñ tyí.» ⁶ Yesu tò sáhpú nópi-á képah tē noh ñyâh sɔkɔ, pè syɪkɪlɪ pé yah di sètáh tíkì tē tyí. ⁷ Képah sɔkɔ, Yesu me nɔ de pé tnô à tũ pé tyí, té yo pé tyí ne: «Yé yuku, yé káh n ye tíkì yé tē.» ⁸ Páh pé yey yõ, pè Yesu ó we ñ gblǔy núkúnine. ⁹ Páh pé syɪ yǔlɪle n tiki, Yesu me pè sni ne: «Yáh nê we, yé káh kè yâh ney tyí, fóó kè syɪ n pɔ n nɔ Névi Pídí lékó yílkínmɔnɔ tyí.»

¹⁰ Képah sɔkɔ, n̄ tò sáhpú me à piki yah ne, n̄te sɔ se pi té Liyel tyi kònsàhnó kwópú wɔ ne nkě Yeli ñgbò-á yĩne à pɔ Liyel ney yáhtɔkɔnɔ yah ni? ¹¹ A me yo pé tyí ne: «Gbɪ ye Yeli ye yĩne à pɔ tyi pól tɔ sah. ¹² Nte mé kéle n yo yé tyí, Yeli pɔ te té pè náh à yah pĩ. Pè pé dya pi n̄ sɔkɔ. Sě ye Névi Pídí tɔ kɪ fóhnó we n pi pé gbò.» ¹³ Képah sɔkɔ, n̄ tò sáhpú núkú pĩ ne Wèlnwìlki-ò Nsyɔ-á à n ye.

Ndyìkìnpɪ yó dénmɔnɔle

¹⁴ Yesu ànê n̄ tò sáhpú nópi-á pɔ yĩni tẽ tówú sɔkɔ gbí n̄ne, dí yó nɔ de Yesule à gbètukunɔ di n̄ yah, té yo n̄ tyí ne, ¹⁵ pé Tě ñgbě, à pé pídí yãh yah. Ndyìkìnpɪ-á ñne, wáh me n kwɔ kégbɪle. Kèyáhle à n syɪki n de nyàh sɔkɔ, képah náh pi ni sɔkɔ. ¹⁶ Páh pɔ ñne n̄ tò sáhpú tyí, té pè náh tẽ we à de mɔ. ¹⁷ Képah tẽne, Yesu wekɪ pé yò ne: «Népèl yísyóle n yah dé, Liyel yò sě-ńkěpú nópi. Mé kɪ tẽ yéle, pópó kɪ pɔ syɪ gbí nê tẽ tyí? Mé kɪ yé sómnóle n pi, pópó kɪ pɔ syɪ gbí nê tẽ tyí? Yé pɔ ñne ní kɔ ásò.» ¹⁸ Páh pɔ ñne, Yesu dírí kò sètò yò nê-á mɔ n̄ sɔkɔ ñdyìkìn̄ne, à me wil dípir sɔkɔ. Nénpó swɔ, dípir núkú de. ¹⁹ Képah tẽne, Yesu tò sáhpú nɔ de Yesu tñ pé yahle té à piki yah ne, sɔ se pi té pépi wɔ sò tẽ sètò m̄ yĩni wilki kwɔ dípir m̄ sɔkɔ ni? ²⁰ A me yo pé tyí ne: «Yé Liyel yò sěno yilo kah mɔ képah ye. Kègbɪ yò mé kéle n yo yé tyí, yé Liyel yò sěno-à me nɔ mútárdì pi* fyéle, yé náhki fẽ yo yòli m̄ tyí ne kè yal ásò kè kyɪ n tẽ yàhàh, té kè náhki mó tɔ kè pi. Yé náh náhki tir yó n̄tẽ pi n kwɔ n pi dò. [²¹ Nte sètò m̄ dukùle, né níri pínó ànê níki těno ó sɔkɔ náh, à náh fẽ n yĩni.]»

Yesu me n̄ kúnó ànê n̄ lékó yìlkinmɔnɔ tyíle n tɔ n yo

²² Sò yóle, Yesu ànê n̄ tò sáhpú sò me tükènmɔnɔle Kalile mara sɔkɔ. A me yo pé tyí ne: «Pè kɪ Névi Pídí tẽ dahbɪ névyé gbò, ²³ pè kɪ à ko mɔ. Nte ké sèp̄in tɔ-ò sòle, n̄ lékó kɪ yilki mɔ.» Welɔ nópi nóhnó n̄ tò sáhpú yah kwɔ kègbɪle.

Yesu ànê Pɛrɪ mórí mónóle Liyel ní-ńsah gbô

²⁴ Yesupi-á kyɪ yĩni tẽ Kapernayumi kwil sɔkɔ, Liyel ní-ńsah gbô mórí syípú nɔ de Pɛrɪle té à piki yah ne, pé kwó-ò dí kó me Liyel ní-ńsah gbô mórúle n mɔ ni? ²⁵ A me ne àwe-á, wáh me kéle n mɔ kè. Pɛrɪ-á kyɪ yĩni tẽ gbô, Yesu ñgbò à piki yah ne: «Simo-Pɛrɪ, áwɔ sɔnɔ tẽ n̄ne à yuku mórí mónó tyí sɔkɔ? Káh me mórúle nê-á kɪ kèkòyó yòtãmne n kɔ, kwil wěnp̄i se kɪ n mɔ kéle, tĩ, népân se?» ²⁶ Pɛrɪ me ne népân-á. Yesu me ne: «Káh pi sě, kwil wěnp̄i wɔ vyáh náh mó me ké mónó sɔkɔ kè. ²⁷ Nte mé náh me ké tyí ne nɔ nópi kéle ne n sò kètúkùyô. Képah ye, kyɪ dlóy mɔ Kalile yó-ñgbě sɔkɔ, yěnkô nê-á kɪ pɔ tẽ gbenne, n̄ vyáh yɪki n mɔ n yah, á kɪ pó we ké sɔkɔ. Kè wilki n kyɪ mórí mɔ pé tyí, ní mɔ ànê áwɔ tyíle.»

18

Névi nê-á kɪ pi né-ñgběne kal Liyel tɔrí nɔli yónó sɔkɔ

¹ Légbíne, Yesu tò sáhpú nɔ de ñne, té à piki yah ne, nê se né-ñgběne kal Liyel tɔrí nɔli yónó sɔkɔ ni? ² Képah tẽne, Yesu me wěnp̄ir tyí yó ye pɔ sah pé nyó, té yo pé tyí ne: ³ «Kègbɪ yò mé kéle n yo yé tyí, né yé náh yé

* **17:20** 17.20 - Mútárdì pi yilo kal yípyé pólle. Yah n te Matye 13.31b-32a.

nno vi mo à pi wěnpì tyí kòle, yé náh Liyel tǒrí noli yò n pi. ⁴ Névi nê-à kɪ n̄ gblǒy tiki mo pi tyí wěnpir mè sǒ, tẽ wo ye kɪ pi né-ngbẽne kal Liyel tǒrí noli yónó soko. ⁵ Névi nê-à wěnpir mè kénkǒ tẽnó ple ímo yinne, ímo ye tẽ tẽ ple.»

Gbáhdýâh gbáhdinsàhnóle

⁶ «Nte wěnpì* nónó-á sě ímo yò, névi nê-à pé soko yó yò yɪkɪ mo tyípékè pínó soko, pàh yínónan ngbèkì yó toh tẽ yègbɪ té à tu dah mo pne yo tì tẽ-n̄sah soko kè kǒ kè à yò, képah kɪ fónfó kal tẽne. ⁷ Pèkè me kèkǒyó névyè yò névyè yò yíkinmɔno yinne tyípékè pínó soko. Névyè yò tẽ wo náh fě n ye yíkinóle ó, nte névi nê gbò yò sěnkǒ-à we, pèkè kɪ tẽ no. ⁸ Á gbò, képah náh pi á gbáhkì-à kɪ nê n dah n mo ále tyípékè soko, kè kām milki fíí ále. Wàh tekɪ á gbò, képah náh pi á gbáhkì soko té tyé-ńkě min we, képah kɪ fónfó kal ále á mínndahnmɔno yò ní-ńkě nyàhnpékè soko gbàn níñi ànê gbyèh níñine á tyí. ⁹ Á yí-à kɪ nê n dah n mo ále tyípékè soko, kè gbahlɪ n wilki n milki fíí ále. Wàh tekɪ á yí soko té tyé-ńkě min we, képah kɪ fónfó kal ále á mínndahnmɔno yò ní-ńkě nyàhnpékè soko yí níñóle á tyí.»

Képo mónpuno wéntěnole

¹⁰ «Yé yé gblǒy tẽ wěnpì† nópi soko yó yílónóle. Ngbǒ yínyò tǔnpɪbɪ nónó-á n yah pé yò, pé me gbímegbí ní Sú Liyel yah soko yínyò dé. [¹¹ Yé náh we di, névyè nónó-á me mónpuno, pépi pwah n mo yin ye Névi Pídí pɔ.]

¹² Yépi tẽ tyí à; sǒ kénkǒ-á képyèni lèkwě-à me dí yó tyí à me n fě yǒli yò, té núkú mo pu sé soko, à náh tikiyèh pò gbām pò kwaryāh nópi téló sah n pi nénpó, té kyɪ mónpuno mè yah n kǒ n pi di? ¹³ Té gbɪ yò mé kéle n yo yé tyí, wàh à we tẽ, n̄ n̄ n̄ vi ñmole à kal tikiyèh pò gbām pò kwaryāh nópi télóle, nónó náh mo pu. ¹⁴ Sě ye yé Sú Liyel nê-á me yínyò, n̄ to náh me ké tyí ne wěnpì nópi soko yó n̄tè mo n pu.»

Tyípékè pí-ò tẽ n pɔ dùkùle gbɪ wěkì yò

¹⁵ Yesu tǒ ne: «Á yúnpì yó-à tyípékè pi [á tyí], kyɪ n wil n̄ tyí, n̄ n̄ yah yo yé ními wró ó soko. Wàh sah á tyí yò, yé yúnpikì kɪ yuku yahle. ¹⁶ Wàh yahle, kyɪ nénúkù képah náh pi ními yah n dohnɪ á gblǒy yò n̄tǒ, yè kyɪ ké yah wah. Sě ye Liyel wey yo kéle ne, ké yah-á yĩne kè wah taryfò népì ními, képah náh pi tǔmí yí yah. ¹⁷ Té wàh yahle sàhnóle pépi to tyí yò, kyɪ ké yah yo ímo yò sěpú t̄nkì tyí. Wàh se tǒ yahle sàhnóle pépi to tyí yò, ñne ne n mo n kǒ Liyel wěkì kó-ńkěpú soko, képah náh pi mórí syípú soko.

¹⁸ Kègbɪ yò mé kéle n yo yé tyí, yàh tir nê yahle sétáh mè yò soko, Liyel nê-á yínyò soko, n̄ to kɪ sah ké yò soko. Té yàh nê wěkì kǒ sétáh mè yò soko, Liyel nê-á yínyò soko, n̄ to kɪ sah ké yò soko.

¹⁹ Mé kéle n yo yé tyí tole, yé soko népì ními tẽ-à fyò pé yégbékè pi núkùle sétáh mè yò, té kwáhdúkú nê ni ní Sú Liyel tyí, à kɪ kéle pé kǒ. ²⁰ Yé náh we di, népì ními képah náh pi tǔmí-à wě tuke mo n̄yāh soko ímo yin yò, mè n ne me pé nyó.»

* **18:6** 18.6 - Wěnpì nónó tyí-á n yo ásò soko yò, kè kɪ fě pi Yesu yò sěpú ye pé n ye. † **18:10** 18.10 - Yah n te Matye 18.6 yah yónó soko.

Névyé-á yĩne pè ne n yõ n mo wẽne n kõ dùkù nêne

²¹ Képah soko, Pyerɪ me no de Yesu tnô té yo n tyí ne, pé Tě ñgbě, pé yúnpɪ yó-à n pɪ n de pé tyí, gbáhyí sɔ se pé yĩne pé yõ mo à kõ nɪ? Fóó gbáhyí kwárnino se nɪ? ²² Yesu me yo n tyí ne: «ŌŌ, mé náh n yo n pi á tyí ne gbáhyí kwárnino-á dé, ñte fóó gbáhyí kwárnino sàh-ñtännó tikitõní pó gbãm ye.

²³ Yé yah, Liyel tǒrí-á kɪ fě toko sãh sèmirkì nêne, kè we yò: Yòtě dí yó lésò me ké tyí ne pé pé pó tyí yah wah ànê pé tǒnpɪbɪle. ²⁴ Pãh tyah pó yáhnóle, pè n tǒnpɪ yó tẽ pɔ n tyí, n kǒlɪ ñgbě-á sò me nê yõ, fóó talã‡ pó pló kèyõ kwlóle (10 000). ²⁵ Té kwáh náh sò me dí mè tyí ké dyah dyah tẽne. Kãh pɪ sě, yòtě dí ne, pè à tẽ yãm, ànê n kɪlɛ, ànê n wẽnpɪle, à tahlɪ n gbàn yí pól tyí, pè kǒlɪ mè dyah. ²⁶ Képah tẽne, tǒnpɪ mè me n gbètukuno di té n yah kwĩnki sétáh yòtě dí yah, té yo n tyí ne, à n gblóy ye à mó pé syɪkɪ n yah kwéy, páh kɪ pɔ ké pól dyah n tyí. ²⁷ Wãh képah yo sě, n yãm yòtě dí kah tẽ. A me à fin mo té kǒlɪ mè yõ mo à kõ. ²⁸ Kéne dí-á fyò wil, à n ní-ò tǒnpɪ yó yohnɪ ñmo kǒlɪ kwéy-á sò me nê yõ deniye\$ pó pló lèkwěle. A me à fyãh tẽ n yègbɪ tyí à ñne n fĩ kírr, té à syah ne ñkě, pé kǒlɪ nê-á me n yõ, à pé dyah kéle. ²⁹ N ní-ò mè me n gbètukuno di n yah té yo n tyí ne, à n gblóy ye à mó pé syɪkɪ n yah kwéy, páh kɪ pɔ kè dyah n tyí. ³⁰ Nte à yahle, té se tǒ à tẽ kyɪ dah mo wòkònpèkè soko, fóó kɪ pɔ no gbí nê-á à kɪ kǒlɪ mè dyah. ³¹ Pé no tǒnpɪbɪ-á képah tẽ we sě, kè pé yah kwò kègbɪle. Pè me kyɪ sé pól yo pé yòtě dí syah. ³² Képah soko, yòtě dí me pè kõ pè à ye pɔ, té yo n tyí ne: <Tǒnpɪ népo. Wáh lésò ní ni, képah ye mé á kǒlɪ yõ mo n kõ. ³³ Nte áwo tɔ náh sò yĩne n á ní-ò yãm yah, ñmo-á á yãm yah sɔ di?> ³⁴ Té fòkòvyãhnì kèpèkè tẽ tyí, yòtě dí à dahbɪ wòkònpèkè névyé fòhpúpèl gbò, fóó kɪ syɪ pɔ no gbí nê-á à kɪ yòtě dí pó pólle à dyah. ³⁵ Sě ye ní Sú Liyel kɪ n pɪ n pi yé tole, yãh n yõnmo-ñkẽne wẽne n kõ yé nno pólle.»

19

Yesu-á kwónó nê kõ fúr yíkinó tyí yõ

¹ Yesu-á tye n weyne gbí nêne, à yal Kalile mara soko à yuku Nsyude mara tyah yó soko, nê-á me Nsyurdě yónkahnune. ² Tówú ñgbě yó me n sò tẽ yuku, té à me pé yámpú de mo nénpó. ³ Képah soko, Farisi wěkì kópú yísyó no de n tnô ne pé à mo yah, té à piki yah ne, ké wěkì se me dí tyí à kɪ n kyɪ fin mo, kãh sɔ me tyídúkú nê yõ nɪ? ⁴ Yesu me yo pé tyí ne: «Yé náh kè kar yah Liyel wey sébéy soko ne, kèkõyó mo gbíne, Kèkõyó mó-ò-á pè mo dí ànê sèle di? ⁵ Wãh ne, képah-á dí-á kɪ yal n sú ànê n yú tnô, té kɪ kwro mo n kyɪle, pé ními kɪ pɪ wil gběnsé núkúle. ⁶ Kãh pɪ sě, ními náh tǒ péle dé, núkú-á péle. Liyel-á nónó kwro mo, ney káh pè gbekɪ.» ⁷ Képah tẽne, Farisi wěkì kópú à syah ne, ñte sɔ se pɪ té Moyisi kè kõ sah ne, névi nê-à n kyɪle n fin mo, tẽ n fin mo mo tãrfyò sébéy pɪ à kõ à mó pyé à fin mo nɪ? ⁸ A me yo pé tyí ne: «Yépi nòhnì-ñkẽ yĩn ye Moyisi kõ à képah wěkùle yé kõ kè. Nkě sě náh se lésò kéle ké tyàh-ñsah soko té. ⁹ Té ñmo kéle n yo

‡ **18:24** 18.24 - Légbĩne, talã pó pó núkú kɪ sò fě no nénúkú ye gbònkwló tò pínó danne. § **18:28** 18.28 - Légbĩne, deniye pó pó núkú kɪ sò fě no nénúkú gbìyìkì núkú tò pínó danne. * **19:7** 19.7 - Yah n te Tǒnyono 24.1.

yé tyí ne, névi nê-à n kyi fin mo né fòfikì tẽ tyí yõ náh, té sékáhki tɔko, fòfikì-á tẽ n pi.»

¹⁰ Képah sɔko, Yesu tò sáhpú yo n tyí ne, dí yín-nsah-à mó me po sah képah yõ à yuku n kyi tyí tinnε, sê tókó-ńkē-á fónfó dò. ¹¹ Yesu me yo pé tyí ne: «Wey nê-á mé ki n yo n pi yé tyí yò, no pól náh fẽ ké syíkí-nsah we n pi. Nte Liyel-á ké fēnpĩno lékámne nónó kō, pépi wo ki fẽ ké syíkí-nsah we. ¹² Yé náh we di, tyi yísyó me nónó-á díbí kō pé náh syóle n tɔko: Túkù me pé dúbí-nsah dukù sɔko, pé náh me díbí sɔko. Túkù me névye ye mi péle pé kō pé náh me díbí sɔko. Túkù mó sétókókì yahle Liyel yõtõrí yah yúkúnó yinne. Nê-à ki fẽ wey mē syíkí-nsah we n pi, tẽ ki ké syíkí-nsah we.»

Yesu sãm mónóle wēnpì sɔko

¹³ Képah tēne, névye po wēnpì yrõle Yesu tyí ne à n gbàn sah pé yõ à Liyel ni pé tyí. Nte n tò sáhpú me tyah dirile n kō pé yõ. ¹⁴ Képah sɔko, Yesu me yo pé tyí ne: «Yé ye wēnpì kō pé ne n po n po nmo tyí. Yé káh pé yahle n kō. Yé náh we di, névye nónó dukù-á me wēnpì nópi tyí kōle, pé ki Liyel tõrí nolì yõ n pi.» ¹⁵ Képah tēne, wãh n gbàn sah te pé yõ, à yal nēnpó.

Tahrì tyí yónóle

¹⁶ Képah tēne, kètēnpìkì yó no de Yesule té à piki yah ne, kwó-ò dí, tir nê sé pé yīne pé pi tyípépēyne pé mó tyé-ńkē min we ni? ¹⁷ Yesu me yo n tyí ne: «Sõ pi té á nne n piki n yah pēpey tyí yõ? Pēpey núkú ó me. Wáh ki me ké tyí ne á min we, Liyel tyi kōnsàhnó wãlle n ko.» ¹⁸ A me ne Liyel tyi kōnsàhnó nónó tãn se ni? Yesu me yo n tyí ne: «Káh nékókè mo, káh fòfikì pi, káh yībe yī, káh mìnì sah ney yõ. ¹⁹ Yõyenne n sah á sú ànê á yú yõ. Ye á ní-ò tyí no á tyí á gblõy tyí kōle.» ²⁰ Képah tēne, kéne kètēnpìkì me yo n tyí ne, páh me sépi tẽ pólle n pi dò, kèyãh se tõ me wũ pé tyí pi pi tēne ni? ²¹ Yesu me yo n tyí ne: «Wáh ki me ké tyí ne á tyi pól tũ, gbàn yī nónó-á me á tyí, kyi sè yãm n té sé pó dibi yãm tãn kō. Képah sɔko, á ki tahrì we Liyel fõ sɔko. Képah-à pi, n po nmo sò tẽ.» ²² Wãh képah tẽ noh sē, à sɔko yahle yíkínsàhnóle. Kwáh nétē ngbē ye sò nne képah ye.

²³ Képah sɔko, Yesu me yo n tò sáhpú tyí ne: «Kègbì yõ mé kéle n yo yé tyí, tàh Liyel tõrí nolì wényõnole, kè ki tah dé. ²⁴ Mé kéle n tõ n yo yé tyí, yãhmìkì dénwĩnóle sèndi pwãh sɔko, képah nte ki dòdò kal tàh Liyel tõrí nolì wényõnole.» ²⁵ Yesu tò sáhpú-á képah noh sē, pé gbàn kah du. Pé me ne, nte nê wo se ki mó fẽ pwah ni? ²⁶ Yesu me yõ pé yah, té yo pé tyí ne: «Névye tẽ wole, pé náh fẽ kè pi n pi. Nte Liyel ki fẽ tyi pól pi.»

²⁷ Képah sɔko, Pyeri me yo n tyí ne, à yah, pépi-á pé tyi pól sah té nmo sò tẽ. Pépi tyí se ki n pi n pi sõ ni? ²⁸ A me yo pé tyí ne: «Kègbì yõ mé kéle n yo yé tyí, Névi Pídì-à po kō tẽ n tõrí kō yõ kèkõyó késán sɔko gbí nēne, yépi nónó-á nmo sò tẽ, yé to ki kō tẽ tõrí klõ gbõninó yõ ki Yisrayel no yìkìnínó gbõninó yah tẽ n pi. ²⁹ Nmo yīn yõ, névi nê tẽ-à fyò me yal n gbô sɔko ò, n yūnpyé tnô ò, n dósyó tnô ò, n sú tnô ò, n yú tnô ò, n wēnpì tnô ò, n swēy tnô ò, tẽ ki sēnknɔno lèkwě we, té ki se tõ tyé-ńkē min we. ³⁰ Nte négbro náhnáh ki n pi n pi nétélóle, té nétélóle náhnáh ki n pi n pi négbrole.»

20

Sèmirkì nê-á yāh sètē yó ànê ò tònpiḃi sar òkù tyí yō

¹ «Yé yah, Liyel tōrí-á kɪ fě tɔkɔ sãh sèmirkì nêne, kè we yò: Sètē dí yó lésò wil séngbɔ́ púpúle ne pé tònpiḃi yah n tɔkɔ n tekɪ mɔ pé yèresē swāh sɔkɔ. ² Wāh nónó we, à yo sah núkú yō péle ne, nénúkú gbìyìkì núkú tò pínó sārle, deniye* pó pó núkú-á. Képah sɔkɔ, té pè tekɪ mɔ ò swāh sɔkɔ. ³ Pōy tō gbíne, à tō wil té kyɪ nósýó we tēnóle tówú tükè-nsah sɔkɔ tò kēne pé tyí. ⁴ A me yo pé tyí ne, pépi tɔ sɔkɔ péwɔ swāh sɔkɔ, pāh kɪ pè sar ké yah yō. ⁵ Pè me sɔkɔ. Gbì-á me yòtah sírr sɔkɔ, à tō wil à sētē pi. Gbèkām gbì-á nɔ, à tō wil à képah núkú ó pi. ⁶ Nv́ lésýile, à tō wil té kyɪ nósýó we n tō kēne tówú tükè-nsah sɔkɔ. A me pè piki yah ne, sɔ se pi té péle ásò gbìyìkile tótó tò pí-ńkēne ni? ⁷ Pè me yo ò tyí ne, ney nāh pé tɔkɔ képah-á. A me ne pépi tɔ sɔkɔ péwɔ swāh sɔkɔ. ⁸ Tò-á tiki nívine, sètē dí yo ò pó yah wāh-ò dí tyí ne, à tònpiḃi nòpi ye n pɔ pè dyah pé póle. Nkē nónó-á kyɪ swāh sɔkɔ nétélóle, à kè tyah pépi tyí à pɔ n dal n mɔ négbro tyí. ⁹ Nónó-á télóle, pāh pɔ, à pè kō deniye pó pó núkú núkúle. ¹⁰ Kāh syɪ négbro tyí, pépi tē sò me n sò ne wān-á kɪ we pépi tyí yō. Nte deniye pó pó núkú núkú ye pépi tɔ we. ¹¹ Pāh pó nópilè n syɪ gbí nêne, pè tyah sètē dí sèyòkèle n yo ¹² ne nkē, nónó-á à tɔkɔ pɔ télóle, lérí núkú ó sɔkɔ-á pè we pi tòle. Nte kè se pi sɔ té à pɔ péle n sar núkúle pépile, pépi nónó-á kwíónó fě syɪ à tò pi kwí gbìyìkile tótó gbì syòkì yah sɔkɔ ni? ¹³ Sètē dí me yo pé sɔkɔ yó tyí ne: «N kódí, mé nāh sykɪ á yō sɔkɔ dé. Nmɔ ànê áwɔ nāh sò wekɪ sah núkú yō ne, á gbìyìkì núkú tò pínó sār-á kɪ pi deniye pó pó núkúle di? ¹⁴ Ne n yuku á póle. Mé kɪ nétéy mè kō dan núkúle áwɔle n dyɔ ó. ¹⁵ Ké wēkì nāh me n mɔ tyí, kɪ fě n dyɔ dyɔ tyi pi n póle di? Tí, n ni nónó se n yo ále?» ¹⁶ Képah yáhntenɔ nāh, Yesu tō yo pé tyí ne: «Sē ó ye, nétéló kɪ pi négbrole, té négbro kɪ pi nétélóle.»

Yesu me ò kúnó ànê ò lékó yílkinmɔnɔ tyíle n yo ke tō-òle

¹⁷ Yesupi-á n sɔkɔ Yerusalemɪ kwil, pāh me wēkì yō sɔkɔ, à ò tò sáhpú ye pé yahle, té yo pé tyí ne: ¹⁸ «Á we wēkì yō à n dɔkɔ n yuku Yerusalemɪ sɔkɔ yò. Névi Pídí kɪ tē n dahbi n pi sárká syínwilkipu yòtām ànê Liyel tyi kònsàhnó kwópú gbò nénpó. Pè kɪ kè yah tɔkɔ ne wāh yīne kòn mɔnɔle, ¹⁹ té kɪ à dahbi névye gbò nónó nāh pi Nsyifunɔle, pè kɪ kóle à ko, té kɪ à ko yèfòhle, té kɪ à syɪ dahni yō. Nte ké sèpìn tō-ò sòle, ò lékó kɪ yilki mɔ.»

Nsyakɪ ànê Nsyō yú-á nê yah kō Yesu tyí

²⁰ Képah sɔkɔ, Nsebede kyɪ me ò dínpì tē nɔ de Yesule, té kɔ kwí nki ò yah ne pé yáhnkōnɔ yó pi ò tyí. ²¹ Yesu me à piki yah ne, à se me kwāh nê tyí ni? Pi me yo ò tyí ne, pé dínpì nónó-á yò, à ò vyāhle péwɔ kō ne wāh pɔ dɔkɔ ò yòtōrí yō, pé sɔkɔ núkú kō tē ò gbòyò sòle, ní-ò mó kō tē ò gbèyìnè sòle. ²² Yesu me yo ò tyí ne: «Npì-ńkē sɔkɔ ye yé n ni kéle. Māh kɪ n de n pi yèvyāhrɪ nê sɔkɔ, yé tɔ se kɪ fě de ké sɔkɔ?» Pè me à syah ne pāh kɪ fě de ké sɔkɔ. ²³ Yesu me yo pé tyí ne: «Māh kɪ n de n pi yèvyāhrɪ

* **20:2** 12.5 - Légbine sò, wāh gbìyìkì núkú tò pi névi tyí, deniye pó pó núkú ye tē n sar ále.

nê sɔkɔ, yé tɔ kɪ de képah wɔ sɔkɔ ó, ñte ní gbòyò sò ànê ní gběyìnè sò tẽnó tẽ wɔle, ñmɔ tyí náh képah wěkì kǝnóle. N̄ Sú Liyel-á kè yah sah nónó yĩnne, pépi ye à kɪ kǝ kéle.» ²⁴ Yesu tò sáhpú nɛp̄i gbām nóp̄i téló-á képah noh sě, pé fɔkɔ vyāh nímí nóp̄ile. ²⁵ Képah sɔkɔ, Yesu me pé pól ye yah té yo pé tyí ne: «Tir nê-á me n pi kwlo kwlo sɔkɔ, yé kè p̄i ó. Yòtām náh ñkěne pé kwlo névyele ne n fne, té né-ñgbnɔ tɔ n mó ne n fyāh pé yò pé tẽnwenɔ yĩnne di? ²⁶ Nte kè náh yĩne kè ne n pi sě yépi wró. Gbɛntɛnāhle, yépi sɔkɔ nê-à me ké tyí ne pé yĩn-nsah ñgbě we, tẽ yĩne à pi tǝnp̄ile téló tyí. ²⁷ Té nê-à me ké tyí ne pé pi yah névile yé sɔkɔ, tẽ yĩne à pi yé yǝle. ²⁸ Sě ó ye, Névi Pídí náh pɔ ne névyé tǝle n pi péwɔ tyí dé. Ñmɔ ye pɔ tò pi yĩnne névyé tyí, té kɪ ñ min kǝ névyé nāhnáh yò dwe yĩnne.

Nsyeriko kwil yítūbi nɛp̄i nímí yí yíkinmɔnɔle

²⁹ Yesu ànê ñ tò sáhpú-á n wil Nsyeriko kwil sɔkɔ gbí nêne, tówú ñgbě yó me ñ sò tẽ. ³⁰ Té yítūbi nɛp̄i nímí yísyó sò me tẽnóle wěgbalɪ sɔkɔ. Pāh noh ne Yesu-á pɔ n sɔkɔ, pé tyah n yo n mɔ yĩnp̄ɔ ñgběne ne, pé Tě ñgbě, ñmɔ nê-á Davidi Pídine, ñkě à pé yām yah. ³¹ Képah tẽne, tówú díri kǝ pé yò ne pé pé vyěy vike. Nte pé tǝ wān mɔ pé yónmɔnɔ yò ne ñkě, pé Tě ñgbě, ñmɔ nê-á Davidi Pídine, ñkě à pé yām yah. ³² Yesu me yĩn té pé ye yah, té yo pé tyí ne: «Kwāh nê me yé me ké tyí ne mé pi yé tyí?» ³³ Pé me yo ñ tyí ne, pé Tě ñgbě, à pé yí yikɪ mɔ. ³⁴ Képah tẽne, pé yām Yesu tẽ. A me tū pé yí tyí. Nénpó swɔ, pé yí núkú yikɪ mɔ. Pé me ñ sò tẽ.

21

Yesu dénóle Yerusalemɪ kwil sɔkɔ

¹ Yesu ànê ñ tò sáhpú sò me fíi kwéy Yerusalemɪ kwille. Pé sò me yúkey Betifasyɪ kwille, képah nê-á me Wólívyè yèh yǝli yǝ. Képah sɔkɔ, à me ñ tò sáhpú nɛp̄i nímí tǝ ² ne ñkě: «Kwil nê-á yé yah tĩnne yò, yé kyɪ ké sɔkɔ. Yé kɪ núkú ñkwěndyíyũkì yó we tóhnmɔnsàhnóle ñkwěndyípikì yóle ñ tnǝ. Yé à de, yé pɔ séle ní kǝ. ³ Nê-à kɪ ne pé yo, yé yo tẽ tyí ne, sé yétô-á me Tě ñgbě tyí. Képah sɔkɔ, tẽ kɪ ye yé kǝ yé kɪ sɔkɔ séle nénpó swɔ.» ⁴ Yesu képah yo sě, Liyel tǝntǝ syínyo-ò wey yónsàhnó mè wil yĩnne. Liyel tǝntǝ syínyo-ò lésó ne ñkě: ⁵ «Yé yo Yerusalemɪ * kwil tǝn tyí ne, pé yah, pé yòtẽ-á me n pi pé tĩnne. Gblǝy tíkínmɔnɔ-á me ñ sɔkɔ. Wāh me dókónkǝntɛnóle ñkwěndyíkì yǝ, nê-á ñkwěndyípikìle.»† ⁶ Képah sɔkɔ, Yesu tò sáhpú me kyɪ tyi nóp̄i pi ñ yóré yǝ. ⁷ Pé ñkwěndyíyũkì ànê ñkwěndyípikì mè tẽ pɔ, té pé flo sé yǝ Yesu kǝ à dɔkɔ kǝ tẽ. ⁸ Nékwínkì sò me pé flole n mɔ n yuku wěkì yǝ, tókù mó me pǝm̄ile n kwɔkɪ n mɔ n yuku. ⁹ Tówú nê-á sò me mɔ ñ yah tĩnne pé n yuku, ànê nónó-á sò me ñ sò tẽ, pé pól sò me yo tū yĩnp̄ɔ ñgběne ne: «Gbilkínó ne n sah Davidi Pídí yǝ. Névi nê-á n pi Tě ñgbě yĩn yǝ, Liyel sām mɔ ñ sɔkɔ. Gbilkínó ne n sah Liyel yǝ, ñmɔ nê-á me yĩnyǝ.» ¹⁰ Yesu-á pɔ n de Yerusalemɪ kwil sɔkɔ, nénpó tǝn pól yuku kwille n yike wùù. Pé sò me piki yah tū ne, nê se dí mènne ni? ¹¹ Tówú me yo pé tyí ne, Liyel tǝntǝ syínyo-ò Yesu-á, nê-á n wil Nasaretɪ kwil sɔkɔ, Kalile sétáh yǝ.

* **21:5** 21.5 - Yerusalemɪ yĩn yó ye sò Siyǝne. † **21:5** 21.5 - Yah n tɛ Nsakarɪ 9.9.

Gbòyìbí yínwìlkinóle Liyel ní-ńsah gbô sòkò

¹² Yesu-á de Liyel ní-ńsah gbô sòkò, à yíyám yàmpu ànê yídwenè dwépu pól yíni wilki ké sòkò. A pò sàhntùpu tàbálnó tu wilki mò, ànê kèpíkípíkíno yàmpu klòle. ¹³ Té yo pé tyí ne: «Kè me wárkínsàhnóle Liyel wey sébéy sòkò ne: <N gbô kú n ye nírí pí-ńsah gbòle.>‡ Nte yépi kè tòkò pí yípu wòbìntě-ńsahle kè?»§

¹⁴ Képah náh, yítùbi ànê gbáhkì nùkú névyé me nò de Yesule Liyel ní-ńsah gbô sòkò. A me pè de mò. ¹⁵ Sárká syínwìlkìpu yòtām ànê Liyel tyi kònsàhnó kwópú-á gbìl nòpi pínó we sě, té wěnpì tǒ me gbo mò tǔ ne níkě, gbìlkinó ne n sah Davidi Pídí yò, pé fòkò vyāh. ¹⁶ Képah tēne, pè me yo Yesu tyí ne, wěnpì nòpi-á me nēne n yo, à kó me kéle n nohnì nì? A me yo pé tyí ne: «Àwe mé me kéle n nohnì. Té wey nê-á wárkínsàhnóle Liyel wey sébéy sòkò ne: <Á kè pí á gbilki gbilki welò n nohnì wěnpì ànê wěnpì yrǒ vyěy sòkò.>* Yé se kú ne yé náh kè kar yah? ¹⁷ Képah yóntenò náh, à yal pé tnô, té wil kwil sòkò à kyí sǒ Betani kwil sòkò.

Yesu vyāh yénmònwòle sènsóké séswô yò

¹⁸ Dìndal séngbǒle, Yesu-á n syi n pí Yerusalemí kwil sòkò, kwèkú à tě. ¹⁹ Wāh sènsóké séswô yó we yúkey wěkùle, à me nò de ké tnô. Nte à náh kwāh yó we ké sòkò. Kè sǒ me mırı ó kókóle. Kǎh pí sě, à me yo ké tyí ne, tǒ-á sě yò, képah tě náh tǒ n syi n yah n pí pólle. Nénpó swò, séswô mè nùkú kòkò. ²⁰ N tǒ sǎhpú-á képah we sě, pé gbàn du. Pè me Yesu piki yah ne níkě, kè se pí sǒ té sènsóké mè nùkú kòkò nénpó swò nì? ²¹ A me yo pé tyí ne: «Kègbì yò mé kéle n yo yé tyí, Liyel yò sěno-à me yé sòkò, té yé náh me n sǒ tǒtò, mǎh nê pí sènsóké séswô mè sòkò, yé tǒ kú fě sěnkǒ pí. Té kè náh n yín n pí képah ó tyí dé, yé kú tǒ fě yo yǒlì mè tyí ne, kè yuku n yal ásò kè kyí n syíkú n de pne yo sòkò, té kè kú mó tǒ pí. ²² Liyel yò sěno-à me yé sòkò, té yé kwáhdúkú nê yah kǒ Liyel tyí nírí sòkò, yé kú kè we.

Pè me Yesule n piki n yah n tēnweno wìl-ńsah tyíle

²³ Yesu kyí Liyel ní-ńsah gbô sòkò. Wāh me névyele n kwò gbí nēne, sárká syínwìlkìpu yòtām ànê kwil yèwàhnì nò de n tnô té à syah ne, nê gbò yò se à n pí tyi nópìle, ànê nê se kǒ nne kéné tēnweno nì? ²⁴ A me yo pé tyí ne, péwò tǒ-á kú pè piki yah tir nùkú ó kókóle. Pǎh kú ké yah yo pé syah, pé tǒ-á kú mó yo pè syah nê gbò yò-á pé n pí tyi nópìle. ²⁵ Pépi tě tyí à; nê se tǒ Nsyǒne à pò wèlnwìlkinóle n pí nì? Liyel se, tǔ névyé se nì?» Képah sòkò, pè tyah n yo wě tyí ne, páh kú ne Liyel-á tǒ nne, wāh kú pé syah ne, té kwāh nê se pí té pé náh sě n yò nì? ²⁶ Nte páh kú se mó tǒ ne névyé-á tǒ nne, tówù tíkí-á me pé tě pé pól-á sǒnpíle me Nsyǒne n tǒkò n pí Liyel tēntǒ syíno-òle. ²⁷ Kǎh pí sě, pè Yesu syah ne pé náh pǐ. N tǒ mó yo pé tyí ne, pé tǒ náh kè yo pè syah n pí, nê gbò yò-á pé n pí tyi nópìle.

Sèmìrkì nê-á yāh dínpi nēpì nímí yísyó tyí yò

²⁸ Képah sòkò, Yesu tǒ yo pé tyí ne: «Mé kú sèmìrkì yó yāh yé tyí, yé mó yé sǒno yo n tyí ké tyí sòkò. Dínpi nēpì nímí lésò me dí yó tyí. A me nò de gben tēne, té yo n tyí ne, pé pídí, níkě à kyí tǒ pí pé tyí yèresě swāh sòkò

‡ **21:13** 21.13 - Yah n te Yesayi 56.7. § **21:13** 21.13 - Yah n te Nsyeremi 7.11. * **21:16** 21.16 - Yah n te Gbálnó 8.3.

kweyne. ²⁹ A me ñ sú syah ne kyɔ dékè náh me pé tẽ. Té dô kwéy, à kè we ké yah náh. A me yuku sɔkɔ swāh sɔkɔ. ³⁰ Sú mè me tɔ no de ñ pídí ní-òle, à wey núkú mè ó yo ñ tɔ tyí. Nmɔ me yo ñ tyí ne, páh kɪ kyɪ, pé bõ. Té à náh pɔ kyɪ. ³¹ Népi ními nópi sɔkɔ, nê tẽ pé sú ñvìñi pi?» Sárká syínwilkipu yõtām ànê kwil yèwàhnì nópi me ne gben tẽ-á. Képah sɔkɔ, Yesu me yo pé tyí ne: «Kègbɪ yõ mé kéle n yo yé tyí, mórí syípú ànê syó fòfínpiɔ kɪ yé dyàh tẽ Liyel tǒrí nɔli yõ. ³² Yé náh we di, Nsyõ pɔ yé tyí à pɔ gbɪ wěkìle yé wěkì, té yé náh sê ñ yõ. Nte mórí syípú ànê syó fòfínpiɔ wɔ pyě sê ñ yõ. Yé mó tɔ kè we yíne, té képah fyé yõ, yé náh yé nno vi mo à sê ñ yõ.»

Sèmirkì nê-á yāh yèrēsē swāh tópu nēpèl tyí yõ

³³ Yesu tɔ yo pé tyí ne: «Yé yé ní sah noh í tyí sèmirkì yóle ñtõ yò: Sètè dí yó lésõ yèrēsē swāh kō, té kēkɪ mo kè kore vi, té swɔ yó tũ tédáhkì yõ ké sɔkɔ, à pi yèrēsē pye yíki-ńsahle. Té ké syíkípú dókóntē-ńsah mo kèyy ké sɔkɔ. Képah náh, à yèrēsē swāh tópu yísyó tɔkɔ pɔ sah ké yõ, píndibino yõ, té sɔkɔ kóló sɔkɔ. ³⁴ Sé pye gbɛ gbí-á pɔ n nɔ, sètè dí ñ tǔnpɪɔ tɔ yèrēsē swāh tópu nópi tyí ne, pé pé we we tēne pé kō pé pɔ pé kō. ³⁵ Nte yèrēsē swāh tópu nópi yuku pé tẽ, té núkú ko kèpékèyô, té kèyāh ko mo, té kèyāh minki ko dyēhle. ³⁶ Sètè dí tɔ ñ tǔnpɪɔ yísyó tɛkɪ mo, nónó-á dò kal gbɔro tǎnne. Pé tɔ pépi tɔ pi sētē óle. ³⁷ Kǎh pi sê, à tɔ ñ pídí tɔ pé tyí téyne, té me n sō ne, páh kɪ ñmɔ wɔ yah sen ku. ³⁸ Nte yèrēsē swāh tópu nópi-á fyò ñ pídí we, pé núkú yo wě tyí ne, ñ gběyô-á yò. Pé pɔ pé à ko mo, gběkɪ mó pi pépi tyíle. ³⁹ Képah tēne, pé núkú à fyāh tẽ, té à wilki mo swāh kahnne, té à ko mo. ⁴⁰ Yé tɔkɔ ne n yah kè; sètè dí-à pɔ pɔ, sõ me à kɪ pi péle?» ⁴¹ Pé me ne, wǎh kɪ kène nēpèl ko mo pélpèl, té kɪ yèrēsē swāh tópu yísyó tɔkɔ pɔ sah ñ swāh mè yõ, píndibino yõ. Pépi wɔ-á kɪ ñ we we tēne ñne n kō ké gbí sɔkɔ. ⁴² Képah sɔkɔ, Yesu me yo pé tyí ne: «Yé se kɪ ne yé náh wey mè kar yah pólle, nê-á yo Liyel wey sébéy sɔkɔ ne ñkê: <Wòkò mópú-á dáhkì nê yahle,

képah yétô pɔ kal.

Tẽ ñgbě tǔ vyāh ye képahle.

Gběndùnì tir ye kéle ápi yah sɔkɔ yò dé!»†

⁴³ Képah yóntɛnɔ náh, Yesu tɔ yo pé tyí ne: «Mé kéle n yo yé tyí tɔle ne, Liyel tǒrí sɔkɔ tēnó kɪ syi yépi Nsyifunɔ tyí kɪ yíkì yó névye kō, nónó-á kɪ tyípeplɔle n pi ké sɔkɔ Liyel-á me nónó tyí. [⁴⁴ Wòkò mópú-á dáhkì nê yahle, névi nê-à wil syikɪ képah yõ, tẽ kɪ kwɔkɪ. Té kǎh se mó tɔ syikɪ nê yõ, kè kɪ tẽ pyāhrɪ.]» ⁴⁵ Sárká syínwilkipu yõtām ànê Farisi wěkì kópú-á fyò sèmirn nópi noh, pé pĩ ne pépi yõ-á Yesu mɪ séle. ⁴⁶ Képah tēne, pé sõ me ké tyí ne pé à tẽ, té tówú tíkì pé tẽ. Tówú sõ me Yesule n tɔkɔ n pi Liyel tētntǔ syínyo-òle képah ye.

22

Sèmirkì nê-á yāh fúr yōke yónó tyí yõ

† 21:42 21.42 - Yah n tɛ Gbálnó 118.22-23; Tyípínì 4.11.

1 Yesu tō tyah sēmirkī yóle n yāh pé tyí ne: 2 «Liyel tōrí-á kī fě tōkō sāh sēmirkī nēne, kè we yò: Yòtē dí yó lésō n pídí fúr fèn pí. 3 Té me n tōnpıbı wilki tō ne, pé kyı néyénó ye n pō fúr yōke yó-nsah. Nte néyénó nópi nāh sō me ké tyí ne pé pō. 4 Képah tēne, à tō tōnpıbı yısyó wilki tō pé tyí ne, pın-á pí te. Pāh nyéhpyéni ànê yípêy ko te nıri-á me nónó sōkō. Tyi pól-á pí te, pé pō fúr sōkō. 5 Nte néyénó nópi nāh kè mō kō pólle. Nyō-à yuku à n sōkō n swāh, nyō-à yuku à n sōkō n gbò yí-nsah. 6 Pé tükù me yuku mı yòtē dí tōnpıbı sōkō, à pé fōh pélpèl, té pé ko mō. 7 Képah sōkō, yòtē dí fōkō kah vyāh. A me n srāsıbí tekı mō pé kyı kéne nékókè mópú ko mō, té pé kwil suke. 8 Képah nāh, té yo n tōnpıbı tyí ne, fúr yōke-á pí te. Nte néyénó nópi nāh sō yīne yōke mè yónóle. 9 Nkē pé kyı wētlo yey sōkō, pāh kī fyò névye nónó we, pé pé pól ye n pō fúr yōke yó-nsah. 10 Tōnpıbı nópi me sōkō wāl yey sōkō. Pāh kyı té névye nónó we, nétúkını tōkō dohnı népéplō yō, pé pé pól ye pō tuke mō, fós fúr pí-nsah wòkò pól yuku yōke yópúle. 11 Yòtē dí-á de yuku yāh-nsah pé tyí, à kyı dí yó we pé sōkō nê nāh sō me fúr flo mō. 12 A me yo kéne dí tyí ne, pé kódí, ñmō se de sō ásô sōkō fúr flo kéne n wil sōkō nı? Nte yó-nsah nāh we dí tyí. 13 Képah sōkō, yòtē dí yo tōnpıbı tyí ne pé n gbyêh ànê n gbān pukubi, pé mó à min mō kégbó fěntú sōkō, nyāh sōkō-á gbnı ànê ynı táhnó kī me. 14 Yé nāh we di, névye nāhnāh me yénóle. Nte nónó-á yah wilki pé sōkō, pé nāh me fwó.»

Pó mórı mónóle Wrome kwiltām yòtē ñgbē Sesar tyı

15 Képah sōkō, Farisi wēkì kópú kyı wē we à yo sah núkú yō, sō-á pé kī pí té kī Yesu we n tē n pí n vyāh wey sōkō. 16 Té me pé tō sáhpú yısyó ànê yòtē dí Yerōdı nāh névye tükù wilki tō Yesu tyí ne pé kyı yo n tyí ne, pé kwó-ò dí, pāh pı ne gbı yó-ò-á ñne, ànê wāh Liyel wēkile névyele n kwō gbı wēkì yō. A nāh névye yah tükile n pí. A nāh névyele n wah. 17 Nte à n sōnō yo pé syah. Nkē ké wēkì se me kōnóle ne pé mórıle n mō Wrome kwiltām yòtē ñgbē Sesar tyı, tı ké wēkì nāh me kōnóle? 18 Nte Yesu-á pé fōkō sōnō tükını pı sē, à me yo pé tyí ne, fòkòpıl ànê vyāhsesyırı névye nópi, sō se pí té pé pé pılkıntē-nsahle n yah n kō nı? 19 Pé pō mórı mō mō pō pō núkúle pé yah ātre. Pé me pō ké núkúle à kō. 20 Yesu me pé piki yah ne, nê yah mırkı ànê n yın se wárkınmōnole ké yō yò nı? 21 Pé me yo n tyí ne, Sesar tyı-á. Képah sōkō, Yesu me yo pé tyí ne, pé Sesar tyıle Sesarle n kō, pé mó Liyel tyıle Liyelle n kō. 22 Pāh képah tē noh sē, pé gbān du. Pé me yal n tnô à sōkō.

Lékyı yılkınmōnō tyı yónóle

23 Lésō mè óle, Sadusi wēkì kópú nónó-á nıkēne ne n yo ne lékyı yılkınmōnō nāh me, pé tükù nō de Yesu tnô té à piki yah ne, 24 kwó-ò dí, Moyisi-á kè yo n tyı kōnsāhnó sōkō ne, dí nê-à ku pí kéne n tyı, n gbēndı-á yīne à n kyı pékúsè mè tōkō, à pí dubi à kō, nê-á kī pō n pí n pí n nénkyı dí lékókè nāhne.* 25 Nte sú núkú dınpı népı kwárnımi yısyó-á lésō me pépi wró sōkō. Gben tē me pō sē tōkō, té pō ku pí wé-ńkēne té n kyı sah n sō syı kō. 26 Nte ñmō tō tyı tō pō pí sē, tō-ò tō tyı pō pí képah núkú óle,

* 22:24 22.24 - Nsyifunō tyı sō, pékúsè yīne à de n pe tyı névi yó tyı. Yah n te Tōnyonō 25.5-6; Yenesı 38; Wruti 1-4.

fóó à pɔ syi kwární-ò tyí. ²⁷ Pépi pól tyí náh, pi mè tɔ-á pɔ ku. ²⁸ Nte pi mè-á de yah pé pól tyí sɛ̀ à, lékyí yilki n mɔ sòle, à se ki n pi n pi pé népí kwárnimi nópi sɔkɔ nê tɛ̀ tyíle ni? ²⁹ Képah sɔkɔ, Yesu yo pé tyí ne: «Liyel wey sɛ̀béy pí-ńkɛ̀ ànê Liyel tɛ̀nwɛnɔ pí-ńkɛ̀ ye mɔ sah yéle pílkínó sɔkɔ. ³⁰ Yé yah, lékyí-à pɔ yilki mɔ, pédékè náh ki n me n pi, sétókókí tɔ náh ki n me n pi. Nte névyɛ ki me yínyò tɔ̀npɔbɔ tyí kòle yínyò. ³¹ Té à yuku lékyí yílkínmɔnɔ wɔ tyí sɔkɔ, Liyel-á nê yo yé tyí, yé náh kè kar yah di? A lésò ne: ³² <Nmɔ ye Abrahami Liyelle, ànê Yisaki Liyelle, ànê Nsyakɔbi Liyelle.>† Liyelle, lékyí Liyel náh nne dò, vye Liyel ye. Képah n wɛ̀ki ne á náh tã Abrahamipi lékyí-á yilki mɔ.» ³³ Képah tɛ̀ne, tówú nê-á sò me n weyne n nohnɔ, pé gbã du n névyɛ kwɔ̀ dukù tyíle.

Liyel tir kònsàhnó nê tyí-á tah kal

³⁴ Farisi wɛ̀kí kópú-á noh ne Yesu-á weyne Sadusi wɛ̀kí kópú tɛ̀, pè wɛ̀ ye tuke mɔ. ³⁵ Té pé Liyel tyi kònsàhnó pípú sɔkɔ yó me píkinyahno yó pi Yesu tyí n pilki n tɛ̀ yinne ne, ³⁶ kwó-ò dí, Liyel tir kònsàhnó nê tɛ̀ tyí se tah kal sé télóle ni? ³⁷ Yesu me yo n tyí ne: «Á Tɛ̀ ngbɛ̀ Liyel tyí yíne ki nɔ á tyí á ni pólle, ànê á min pólle, ànê á sɔno pólle.»‡ ³⁸ Képah ye tir kònsàhnó gbenne, ànê nê tyí-á tah kal. ³⁹ Ké ní-ò nê-á tɔ̀ me ké tyí kòle, képah ye yò ne: <Ye á ní-ò tyí nɔ á tyí á gblɔ̀y tyí kòle.>§ ⁴⁰ Moyisi tyi kònsàhnó ànê Liyel tɛ̀ntò syínyopu sɛ̀béynó sɔkɔ tyi pól me tyi kònsàhnónɔ nínó nópi sɔkɔ.»

Krista ye Davidi Tɛ̀ ngbɛ̀ne té tɔ̀ pi n Pídíne

⁴¹ Farisi wɛ̀kí kópú-á sò me tükènmɔnɔle, Yesu me píkinyahno yó pi pé tyí ne: ⁴² «Yépi tɛ̀ sɔno nêne Krista tyí sɔkɔ, nê-á Liyel ney yáhntɔkɔnɔle? Nê pídí me nne?» Pè me yo n tyí ne, Davidi Pídí-á. ⁴³ Képah sɔkɔ, à me yo pé tyí ne: «Nte kwáh nê pi té Liyel Mirki-á Davidi yah tɛ̀, Davidi me Krista ye Tɛ̀ ngbɛ̀ne? Yé náh we di, à lésò ne ńkɛ̀,

⁴⁴ nê-á péwɔ TÈ NGBÈNE
Tɛ̀ ngbɛ̀ Liyel-á kè yo n tyí ne ńkɛ̀,
à pɔ n kɔ̀ n tɛ̀ pé gbòyò sòle,
fóó kè pɔ nɔ gbí nê-á
pé ki n sɛ̀pɛ̀bí pi n gbáhkí súnsàh-nsahle.*

⁴⁵ Nte Davidi-á Krista ye TÈ NGBÈNE à ki tɔ̀ pi sɔ̀ té ki pɔ n pi n Pídíne?»
⁴⁶ Yesu-á sépi yo, tyíyóné náh tɔ̀ fɛ̀ we pé sɔkɔ yó ntɛ̀ tyí. Té à tɔkɔ lésò tyí, nni yó ntɛ̀ náh tɔ̀ n ni syáh à piki yah yah tir yó ntɛ̀ne.

23

Yesu-á nê yo à yuku Liyel tyi kònsàhnó kwópú ànê Farisi wɛ̀kí kópú tyi tɛ̀nne

¹ Yesu yo n tò sáhpú ànê tówú tyí ne: ² «Liyel tyi kònsàhnó kwópú ànê Farisi wɛ̀kí kópú ye n kwɔ̀ névyɛle Moyisi tyi kònsàhnóle. ³ Yé ne n nohnɔ pé tyí, yé mó ne n kɔ̀ pé yóré yò. Nte páh kwónó nónónɛ n pi, pè náh me n kɔ̀ sé wál yò. Képah ye, yé káh pé pi dukù tɛ̀ wɔle n yah n pi. ⁴ Páh ńkɛ̀ne

† 22:32 22.32 - Yah n te Yálnó 3.6. ‡ 22:37 22.37 - Yah n te Tɔ̀nyonɔ 6.5. § 22:39 22.39 - Yah n te Levitiki 19.18. * 22:44 22.44 - Yah n te Gbálnó 110.1.

névyele n kwɔ tyi nónónɛ, sè me á kɪ ne tókópèl sɔ̀ pè pukubi pè twah mɔ, té pè náh n fẽ n syi n so n mɔ pé tyí kèngbɔ núkú fyéle. ⁵ Pè pé gblɔyne n wẽkɪ pé tyípínì pól sɔkɔ. Képah ye, kyésúpí nónó-á Liyel weyne sé sɔkɔ yèwetyèh yey toh n mɔ mɔ tẽne, képah náh pɪ gbàn tyí toh n mɔ mɔ tẽne, pépi pé tyínɔ pɪ gblò gblò, ò té pé flo vyẽy dro pɪ flèyflèy. ⁶ Tẽ-ntàn gbroy tyí nɔ pé tyí yéno yó-ntàn sɔkɔ ànê Liyel ní-ntàn vì sɔkɔ. ⁷ Pè n ne n me ké tyí ne, névyé ne n tɔ n sah n wèkɪ n pɔ pé tyí tówú tükè-ntàn sɔkɔ, pè mó péle n ye Kwópúle. ⁸ Nte yépi tyí kwó-ò núkú ó ye me, té yé téló pólle núkú ye. Képah ye, yépi tẽ wɔ káh ne pè yéle n ye Kwópúle. ⁹ Sú núkú ó ye me yé tyí, nê-á me yínyò. Képah ye, yé káh ònî yó ntẽne n ye Súle sétáh mè yò sɔkɔ ò Liyel wèkì kóló yinne. ¹⁰ Yah tẽ-ò núkú ó ye me yé tyí. Krista ye, nê-á Liyel ney yáhtɔkonɔle. Képah ye, yé káh ne pè yéle n ye Yah tẽpúle. ¹¹ Yín-nsah ògbẽ-á me névi nê tyí yé sɔkɔ, tẽ wɔ yĩne à pɪ yé tònpiɔle. ¹² Névi nê-à ò gblɔy dɔkɔ sah, tẽ kɪ tiki mɔ. Té nê-à ò gblɔy tiki mɔ, tẽ kɪ dɔkɔ mɔ.

¹³ Yépi Liyel tyi kònsàhnó kwópú ànê Farisi wèkì kópúle, pèkè me yé yò. Vyènnínì wékípú ye yéle. Yè Liyel tɔ́rí nɔlɪ yónó yah kò névyé tyí. Yé náh me ké tyí ne yé ké nɔlɪ yò, té nónó-à se mó tɔ ne pé ké nɔlɪ yò, yè pé yah kò. [¹⁴ Yépi Liyel tyi kònsàhnó kwópú ànê Farisi wèkì kópúle, pèkè me yé yò. Vyènnínì wékípú ye yéle. Yè pékúsyɔle n vi n tẽ pé gbàn yile n syi pé tyí, ò té nírilé n pɪ yòšèkìle ne névyé pé we. Káh pɪ sɛ, yé tukey kɪ n pɪ n pi képékèyò kal no téló tyíle.] ¹⁵ Yépi Liyel tyi kònsàhnó kwópú ànê Farisi wèkì kópúle, pèkè me yé yò. Vyènnínì wékípú ye yéle. Yè yrey ànê sétáh yò pól kɔ n kò nénúkú fyé yáhnkɔnɔ sɔkɔ Nsyifunɔ wèkì tẽ yinne. Té nê-à se we fẽ syi, yè n tɔ òmɔ pɪ à kò à n yĩne dénóle ní-ńkè nyàhnpekè sɔkɔ à kal yépile ke nínó. ¹⁶ Pèkè me yé yò, yépi nónó-á yah tẽpú yítùbile. Yè n ne n yo ne ńkè, névi-à n wo Liyel ní-nsah wòkò kètárle, képah náh n mɔ n kò n pi. Té nê-à n wo Liyel ní-nsah wòkò kètár sɔkɔ sánnɛ, képah-á kɪ mɔ kò. ¹⁷ Lékám kè névyé, yítùbi nópi, sán wɔ se fónfó Liyel ní-nsah wòkò kètár yò sɔkɔ, képah nê gbò yò-á sán n mɔ n kò Liyel tyí yò? ¹⁸ Yè n ne n yo tɔle ne ńkè, névi-à n wo sárká súkénkò-nsahle, képah náh n mɔ n kò n pi. Té nê-à n wo sárká kwáhle, nê-á me sárká súkénkò-nsah yò sɔkɔ, képah-á kɪ mɔ kò. ¹⁹ Yítùbi nópi, sárká wilki wilki kwáh wɔ se fónfó sárká súkénkò-nsah yò, képah nê gbò yò-á sárká n mɔ n kò Liyel tyí yò? ²⁰ Névi nê-à fyò n wo sárká súkénkò-nsahle, tẽ ye ò wo te ké yò sárká yí tɔle. ²¹ Névi nê-à fyò n wo Liyel ní-nsah wòkò kètárle, tẽ ye ò wo te Liyel tɔle, òmɔ nê-á me ké sɔkɔ. ²² Névi nê-à fyò n wo yínyòle, tẽ ye ò wo te Liyel tɔ́rí kò tɔle ànê ké yò kòntè-òle. ²³ Yépi Liyel tyi kònsàhnó kwópú ànê Farisi wèkì kópúle, pèkè me yé yò. Vyènnínì wékípú ye yéle. Yè nànyè ànê pènfènè pól gbàm-ònole Liyelle n kò. Nte gbɪ wèkì kóló, ànê névyé yám yáhnó, ànê tyi pínóle sé wál yò, sépi nónó tyí-á tah kal Liyel tyi kònsàhnó sɔkɔ, yè n pyè sépi wɔ yahle; sépi nónó-á yé yĩne yè ne n pɪ gbònwòkò kène, à tahlɪ yáh me nónónɛ n pɪ. ²⁴ Névyé yah tẽpú yítùbi nópi. Yáh nène n pɪ yò, kè me á kɪ ne yé wɔ wɔ ni sɔ̀ yé n syi à sèswòle n wilki ké sɔkɔ, té pyè yáhmínì wòle n wɔ n mɔ n yo sɔ̀. ²⁵ Yépi Liyel tyi kònsàhnó kwópú ànê Farisi wèkì kópúle, pèkè me yé

yõ. Vyënníni wékípú ye yéle. Yë wóhλό ànê yëyóvyo náhló wu n tõ n sah, té sé soko táhló n ne me yúkúnóle yé yíbe yíle ànê yí nónó dékè kèpèkè-á me yé soko. ²⁶ Farisi wëkì kópú yítūbi nópi. Yé vyó soko táhló ñgbò tõ n sah. Képah soko, sé náhló tó kú pí yáyal. ²⁷ Yépi Liyel tyi kònsàhnó kwópú ànê Farisi wëkì kópúle, pèkè me yé yõ. Vyënníni wékípú ye yéle. Yé me á kú ne léyâl pikínsàhnó sõ. Sé kégbó n ne n me palle, té sé soko táhló n ne n me lékyî kègbèl ó ànê yípyáhnì duke duke pólle. ²⁸ Së ye yépi tole. Kégbó soko, yè n pí n tē néglóle, té yé foko táhló mó tõ me yúkúnóle fòkòpìl tyi ànê tyítúkúnìne. ²⁹ Yépi Liyel tyi kònsàhnó kwópú ànê Farisi wëkì kópúle, pèkè me yé yõ. Vyënníni wékípú ye yéle. Yë Liyel tēntò syínyopu léyâlle n tõ n sah n mō. Névyé nónó-á pí soko néglóle Liyel yah, yë pépi tyínóle n koh n mō yípeplòle, ³⁰ ñ té ne n yo ne, yé tō-à sò me yé súbí me gbíne, yé náh náhkú n so n mō n pí pé tyí Liyel tēntò syínyopu kònmōno soko. ³¹ Nte yah, yé me kéle n wëkú yé gblöy ne, Liyel tēntò syínyopu kònmōpu pye-á yéle. ³² Ìõ, yé súbí-á nê tyah mō sah, yé gbah n tē kè syi kè. ³³ Vye nópí, wáhnmiró yísyóle n yah dé. Yé n to n pwah sõ ní-ńkë nyáhnpekè yah soko? ³⁴ Képah ye, ñmō kú Liyel tēntò syínyopu, ànê yí pípú, ànê kwópú kègblò tekú mō yé kō. Nte yé kú pé tókú ko mō, té kú tókú syi dahlo yõ, té kú tókú ko yèföhle yé Liyel ní-ńtân vù soko, té kú kō pé náh péle n yini n kō kwlo kwlo soko. ³⁵ Képah soko ye lékàh kèpú pól kònmōno plo kú we syikú yé yõ, pépi nónó-á ko mō à tókò Abeli kònmōno tyí, ñmō nê-á négbúle Liyel yah, pópó à pō syi Barakú pídí Nsakari tyí tyí, nê-á yé ko mō sárká súkénkō-ńsah ànê Liyel ní-ńsah wòkò kètär wró. ³⁶ Kègbí yõ mé kéle n yo yé tyí, nékókè mónó nópi pól plo kú n syikú n pí kwey gbí névyé yõ.»

Yesu yah kwónóle Yerusalem tyí soko

³⁷ Yesu tõ yo ne ńkë: «Yerusalem tãn, Yerusalem tãn, yépi nónó-á Liyel tēntò syínyopule n ko n mō, té Liyel-á nónó tekú mō yé kō, yé pépile n minkí n ko dyèhle, gbáhyí sõ pól me mé kè yah kō ne, mé yé tuke n mō sõ-á šin n tuke n mō ñ pyele ñ kām sò soko, té yé náh fë syi? ³⁸ Kãh pí së, Liyel kú ñ náh vi yé kwil kō pnépné, kè kō kè kú pí kèntíkínìne. ³⁹ Té mé kéle n yo yé tyí, yé náh tõ ñmō we n yah n pí, fókú kú pō nō gbí nê-á yé kú n yo ne ńkë, névi nê-á n pí Të ñgbë yin yõ, Liyel sãm mō ñ soko.»

24

Yesu me Liyel ní-ńsah gbô sónó ànê kèkōyó tyénó tyíle n yo n sah

¹ Yesu-á wil Liyel ní-ńsah gbô soko té n soko gbí nêne, ñ tò sáhpú me nō de ñ tnô à Liyel ní-ńsah gbô mō dùkùle n sō ñ tyí. ² Nte à me pè syah ne, kãh pè n yah yò kè; kègbí yõ páh kéle n yo pé tyí, ké pól-á kú pō sō. Dáhkì núkú yó ñtē náh tõ n wũ n pí ké ní-ò yõ.

³ Wãh kyí kō tē gbí nêne Wólívyê yèh yõlú yõ, ñ tò sáhpú me nō de ñne pé yahle, té à píki yah ne, à yo pé syah, gbí nê se képah kú n pí n pí nı? Tir nê pínó se kú ñ syínpono ànê kèkōyó tyénó wëkú n pí nı?

⁴⁻⁵ A me yo pé tyí ne: «Yé yah, névyé náhnáh kú pō ñmō yin tókò n pí pé yah yíne, té kú ne pépi-á ñmole, nê-á Liyel ney yáhtókònole. Pè kú névyé náhnáh mō n pí pílkínó soko. Nte yépi tē wō yé gblöyne n kyomı, ney káh n fë yé pilki. ⁶ Yé kú mál pínó tyí yónó noh n pí, ànê mál tyí dírí wónsàhnóle.

Nte yé káh n ye tíkí yé tẽ. Kè yĩne kè pi sě. Nte képah náh tǔnì n pi n pi kèkǔyó tyénóle. ⁷ Yé náh we di, kwil yó kɪ pɔ yuku kwil yóle n fwo, tǔrí yó kɪ pɔ yuku tǔrí yóle n fwo. Té kwekɪ ànê sétáh syahrɪ kɪ n we n pi tǎntǎn náhnáh sɔkɔ. ⁸ Nte sépi pól kɪ me á kɪ ne kúrki tẽ gbí yónó sǒ tyàhnó sǒ.

⁹ Pè kɪ yéle n tẽ pè kǒ pè kɪ n fǒh, té kɪ yéle n ko mɔ. Kèkǔyó névyé pól kɪ yé we mɔ ímɔ yĩnne. ¹⁰ Képah tẽ sɔkɔ, névyé náhnáh kɪ Liyel wěkì fin mɔ. Pè kɪ n wil wě náh, té kɪ wě dyɔle n yɔ. ¹¹ Té Liyel yĩn yǒ m̀nyobe kɪ wil mɔ pí, kɪ névyé náhnáh mɔ pílkinó sɔkɔ. ¹² Pèkè pínó kɪ yah syi, fǒó tyínɔnɔ náh tǒ n we n pi fwóó névyé náhnáh sɔkɔ. ¹³ Nte nê-à n tah sah à pɔ nɔ ké tyénó tyí, tẽ kɪ pwáhnɔnɔ we. ¹⁴ Képah sɔkɔ, Nìv̀nì tir kɪ yo Liyel tǔrí tyí yǒ kèkǔyó pól sɔkɔ, névyé pól kǒ pè kɪ noh. Képah náh, kèkǔyó kɪ pyě tyɛ.»

Yèvyǎhrɪ nê-á kɪ pɔ n we n pi kèkǔyó

¹⁵ Képah sɔkɔ, Yesu tǒ ne: «Liyel tǔntǒ syínyo-ò Danyel-á lésǒ yíkínó pi pi kwáh képékè nê tyí yo sah,* yé kɪ kè we n pi Liyel ní-ńsah gbò tyah kètǎr sɔkɔ.» — Nónó-à kɪ wey m̀ene n kar, pè gbah n tẽ ké d̀kù pĩ. —

¹⁶ Yesu tǒ yǒ sɔkɔ n weyne ne íkě: «Yáh képah we gbí nêne, nónó-à kɪ me Nsyude mara sɔkɔ, pè to sɔkɔ ymɔ yǒ. ¹⁷ Névi nê-à kɪ me gběntin yǒ, tẽ káh ne páh n tiki pé vyóle n tɔkɔ pé wòkò sɔkɔ. ¹⁸ Nê-à kɪ se mó me n swáh sɔkɔ, tẽ káh ne páh péle n syi n yuku pé fwòmò-ńgbě tókó-ńsah. ¹⁹ Kéne sèp̀in-à pɔ syó nónó we k̀urn nátǎnne, ànê nónó-à me yǒkɪ syóle, kè kɪ pi yèwàhtǎhpole pé tyí. ²⁰ Képah ye, yé yĩne yé Liyelle n ni ne tóló mè káh n pi vurɪ gbíne, képah náh pi mɪ mɪ yòh sǒle. ²¹ Kè kɪ pi yèvyǎhrɪ ńgběne, nê kénkǒ náh we yah kèkǔyó mómónì à pɔ syi kwey tyí, ànê nê kénkǒ náh tǒ n we n yah n pi pólle. ²² Liyel-à náhkɪ sǒ wílkinó pí-ńkěne kéne sèp̀in sɔkɔ, ńn̄n̄ yó ńtẽ yǒ náh náhkɪ pɔ n wil n pi ké sɔkɔ. Nte wǎh nónó yah wilki pi n tyile, pépi yĩnne, à wílkinó pi sé sɔkɔ. ²³ Névi nê-à yé syah ne, Liyel ney yáhtɔkɔnɔ-á me ásô, képah náh pi wǎh me yàhàh, yé káh sě tẽ yǒ. ²⁴ Yé yah, m̀nyobe kɪ pɔ wil mɔ pí. Pé túkù kɪ ne Liyel ney yáhtɔkɔnɔ-á pépile, túkù kɪ mó ne Liyel tǔntǒ syínyopu-á pépile. Pè kɪ gbìlgbìl tyi ńgbnɔle n pi, fǒó kɪ n yah n kǒ Liyel névyé yáhnwílkinó ńtẽ to yǒ yíkí-ńsahle káh sǒ fě n pi n pi. ²⁵ Tyi nópi ye mé kwáh tẽ yo sah yé tyí yǒ.

²⁶ Képah sɔkɔ, névi nê-à yé syah ne Névi Pídí-á me gběnnɪ sɔkɔ, yé káh ne yáh n nyáhle n sǒ. Nê-à se ne wǎh me wǒb̀ntěnóle, yé káh sě tẽ yǒ. ²⁷ Sǒ-á p̀n̄ n yíkiri yǎl yè n we, à tɔkɔ gb̀ngboke tyí, fǒó n kyɪ n dal n mɔ gb̀nyiki tyí, sě ye Névi Pídí syínɔnɔ tɔ kɪ n we n pi. ²⁸ Kwáhkókè se kɪ fě wǒb̀ ńkyònk̀yòn̄n̄ yah?»

Névi Pídí pónóle

²⁹ «Kéne sèp̀in nópi yèvyǎhrɪ-à fyò sɔkɔ n te ńsǒ, gbí kɪ pi syĩ, ńwǒ náh tǒ n piki n pi, ńwǒ kèpye kɪ wil yĩnyǒ kɪ kwe, té yĩnyǒ yiyin pól kɪ yike. ³⁰ Légbíne, Névi Pídí syínɔnɔ kwní kɪ yǒ mɔ yĩnyǒ. Képah tẽne, sétáh yǒ yíkini pól névyé kɪ n gbo kɪ yǎm yǎm tyile n pi. Té pè kɪ Névi Pídí we à

* **24:15** 24.15 Yah n te Danyel 9.27 ; 11.31 ; 12.11.

ki me n pi n̄yîrn sɔkɔ, tãhkì ó ò n̄ t̄ó ànê t̄órl̄e. ³¹ Kèp̄õ òngb̄e yó ki f̄ibi, té à ki ò ȳinyõ t̄õnp̄ibi tek̄i m̄o yw̄õ yw̄õ pól sɔkɔ, à t̄okɔ kèk̄oȳó yah mè tyí, à kyí sah ké yah mè tyí. Pè ki kyí névyè t̄uke m̄o, Liyel-á n̄ónó yah wilki.

³² Yé yah sènsóké kèdùkù-á n̄n̄e ále n w̄èki. Yâh fyò ké ȳingb̄àn wè sè n gboke n wil à m̄isn̄ole n pi gbí n̄n̄e, yè n p̄i n̄e ki de gbí-á me yúkey.

³³ S̄e ó ye, yépi t̄o-à pópó kéne tyi wè sè tyah n pi gbí n̄n̄e, yé p̄i n̄e Névi Pídí syín̄p̄on̄o-á me yúkey. Wãh ki p̄o s̄e yò s̄e yò. ³⁴ Kègb̄i yõ mé kéle n yo yé tyí, kwey gbí névyè pól n̄áh n ku n t̄e n pi, té kéne tyi n̄ópi ki me n pi.

³⁵ Ȳinyõ ànê s̄etáh ki p̄o tyè, n̄te n̄m̄o welo t̄e w̄o n̄áh n tyè n yah n pi pólle.

³⁶ N̄te ké lésõ ànê ké gbí t̄e w̄ole, n̄n̄i yó n̄t̄e n̄áh s̄ép̄ile n p̄n̄e. Ȳinyõ t̄õnp̄ibi n̄áh s̄éle n p̄n̄e, Liyel Pídí t̄o n̄áh s̄éle n p̄n̄e. N̄n̄i yó n̄t̄e n̄áh s̄éle n p̄n̄e à wil Sú Liyel tyí sɔkɔ. N̄m̄o ó ye n p̄n̄e s̄éle. ³⁷ Nê-á pi sɔkɔ Nowe gbí sɔkɔ, s̄enk̄õ ye ki n pi n pi Névi Pídí syín̄p̄on̄o sɔkɔ. ³⁸ Yé n̄áh wè di, gbí nê-á lésõ p̄únp̄áhk̄i n̄áh t̄õn̄i me pi à n̄in̄e kèk̄oȳó pól yõ, névyè lésõ me n yõ, té me n w̄o, té me syóle n t̄okɔ, k̄epah n̄áh pi me pé pyele p̄ebile n k̄õ, pópó à p̄o syi Nowe de s̄o tyí krótó-òngb̄e sɔkɔ. ³⁹ Pè n̄áh s̄ò me n s̄o tir yó n̄t̄e tyí sɔkɔ, f̄óó à p̄o n̄o p̄únp̄áhk̄i pi s̄o tyí, ni k̄õ kè p̄o pé pól yõ. S̄enk̄õ ye ki n pi n pi Névi Pídí syín̄p̄on̄o sɔkɔ. ⁴⁰ D̄ibí n̄ép̄i n̄ímí ki me swãh sɔkɔ, n̄úkú ki t̄e sɔkɔ, té ò n̄i-ò ki w̄ũ. ⁴¹ Syó n̄ép̄i n̄ímí ki me n̄ann̄e n n̄o, n̄úkú ki t̄e sɔkɔ, té ò n̄i-ò ki w̄ũ. ⁴² Yé T̄e òngb̄e-á ò syi n p̄o n pi s̄o n̄n̄e, yé n̄áh me kè p̄i. K̄epah ye, yé káh yé dyo m̄o n f̄w̄o n t̄e. ⁴³ Yépi n̄t̄e p̄i n̄e, gb̄ont̄e dí-à me p̄i gbí nê-á ȳenw̄o ki n p̄o n pi lék̄áhne, à ki yah s̄o, à n̄áh ye à k̄õ à wè kw̄o n de n pi ò gb̄o sɔkɔ. ⁴⁴ K̄epah ye, yépi t̄o n̄e me yé vi sah. Ngb̄õ yé n̄áh me gbí nê tyíle n s̄o, légb̄i ye Névi Pídí ki ò syi n p̄o n pi dé.»

T̄õnp̄i-á ȳine à n̄e me s̄o

⁴⁵ «T̄õnp̄i n̄égb̄i ànê lék̄ám névi nê me yòt̄e dí ki t̄okɔ sah ò t̄õnp̄ibi t̄éló yõ, à k̄õ à ki yòkele péle n k̄õ ké gbí p̄ep̄ey sɔkɔ, té ki sɔkɔ kóló sɔkɔ? ⁴⁶ Yòt̄e dí-à ò syi p̄o à wè à me kéne t̄òle n pi ké yah yõ, t̄õnp̄i mè tyí n̄o. ⁴⁷ Kègb̄i yõ mé kéle n yo yé tyí, yòt̄e dí ki à pi ò gb̄àn ȳi pól kyòm̄i-òle. ⁴⁸ N̄te kàh pi t̄õnp̄i t̄úkule, té à tyah n s̄o n̄e pé yòt̄e dí-á me mo ò syín̄p̄o-nsah, ⁴⁹ té tyah pé no t̄õnp̄ibi t̄élóle n ko, té n yõ té n w̄o s̄et̄en̄i p̄íp̄ule w̄e tyí, ⁵⁰ ò yòt̄e dí ki ò syi p̄o ò yõ d̄okɔ s̄o yóle, ànê w̄o yó sɔkɔ, à n̄áh me nê tyíle n s̄o. ⁵¹ A ki t̄õnp̄i mè ȳini, té ki à tek̄i m̄o ȳin̄v̄in̄p̄ibi mé-nsah sɔkɔ, n̄yãh sɔkɔ-á gb̄n̄i ànê ȳn̄i t̄áhn̄ó ki me.»

25

Sèm̄irk̄i nê-á yãh syón̄p̄i n̄ép̄i gbãm tyí yõ

¹ Yesu t̄õ yo ò t̄ò sãhp̄ú tyí n̄e: «Névi Pídí syi n p̄o gb̄ine, Liyel t̄óri ki f̄e t̄okɔ sãh syón̄p̄i n̄ép̄i gbãm ȳisyó sèm̄irk̄ile, n̄ónó-á pé f̄òtn̄on̄ó t̄okɔ sɔkɔ p̄e yòhn̄i-nsah. ² Syón̄p̄i n̄ópi sɔkɔ, n̄ép̄i kwâl s̄ò me lék̄ám k̄ép̄ule, té kw̄ló mó me lék̄amp̄ule. ³ Nónó-á lék̄ám k̄ép̄ule, pépi-á s̄ò pé f̄òtn̄on̄ó t̄okɔ n sɔkɔ, pé n̄áh n̄iri wãn t̄okɔ. ⁴ N̄te lék̄amp̄u n̄ópi w̄o mó pé f̄òtn̄on̄ó t̄okɔ, té n̄iri m̄o sɔkɔ sonó sɔkɔ. ⁵ P̄e-á mo p̄ó-nsah, d̄oy mi pé sɔkɔ, pé d̄o sɔkɔ. ⁶ L̄en̄i w̄err̄le, ȳin̄p̄õ yó n d̄okɔ n̄e n̄k̄e, p̄e-á oo, pé wil à yohn̄i. ⁷ K̄epah

tɛnɛ, syónpì nópì pól dɔ yuku, té yah dah mɔ pé fòtnònó tyí sɔkɔ. ⁸ Nónó-á lékám kěpúle, pépi me lékámputu nópì syah ne, pé yĩ pé kɔ nɪrɪle, níkě pé fòtnònó-á me tɛ syi n ni pé tyí. ⁹ Pé me yo pé tyí ne, sè náh fɛ n yĩne n pi pépi tyínɔle té pé tɔ n yĩ n kɔ n pi. Nkě pé kyɪ n yah dwe yàmputu tyí pé mɔ pé tyínɔ sɔkɔ. ¹⁰ Páh sɔkɔ yáhndwe-ńsah, pe pɔ de. Syónpì nónó-á sò me pé vi sah, pépi me de ñne fúr yòke yó-ńsah wòkò sɔkɔ, té pé me wùkah vike. ¹¹ Syónpì nópì téló-á pópó pé syɪ pɔ, pé pɔ wùkahle n mɪ té me yo mɔ tũ ne níkě, pé yòtɛ, pé yòtɛ, à yíkɪ mɔ pé kɔ. ¹² Nte à me yo pé tyí ne, kègbɪ yò páh kéle n yo pé tyí, pé náh péle n pne. ¹³ Képah ye, yépi káh yé dɔ mɔ n fwɔ n tɛ dé. Yé náh se yó lésò ànê ké gbíne n pne té.»

Sèmìrkì nê-á yãh tònpiɓi nêpî tòmí yísyó tyí yõ

¹⁴ «Liyel tórí-á me sèmìrkì nê kètòle, kè we yò: Dí yó lésò n sɔkɔ kóló sɔkɔ, té ñ tònpiɓi ye pɔ ñ tahrɪle pé kɔ sah, ¹⁵ à yĩne pé nénúkù núkú pól-á fɛ nê pɪ n pi. A talã* pó pló kwlólɛ ñnî kɔ, té nínóle ñnî kɔ, té me núkúle ñnî kɔ. Képah náh, té sɔkɔ ñ kóló sɔkɔ. ¹⁶ Nê-á we talã pó pló kwlólɛ, ñmɔ núkú kyɪ ñ gbò vi ñ tyíle à kwló yísyó we dohnɪ sé yõ. ¹⁷ Sɛ-ó ye nê-á we talã pó pló nínóle, ñ tɔ me nínó we dohnɪ sé yõ. ¹⁸ Nte nê-á we talã pó pó núkúle, ñmɔ me sɔkɔ kyɪ swɔ tũ à ñ yòtɛ dí pó wɔbɪ. ¹⁹ Ké di-á mo náhnáh, pé yòtɛ dí ñ syɪ pɔ. Wáh pɔ, à pé ye ne pé pɔ pé tahrɪ tyí dùkù yo pé noh. ²⁰ Képah tɛnɛ, nê-á sò we talã pó pló kwlólɛ, ñmɔ me ñ tyí tɔkɔ nɔ de ñ yòtɛ díne té kwló yísyó tóle à wèkɪ, té yo ñ tyí ne, pé yòtɛ, talã pó pló kwló-á sò à pé kɔ sah, ñte à yah, páh kwló yísyó we dohnɪ sé yõ ñ tyí. ²¹ N yòtɛ dí me yo ñ tyí ne, káh ple, tònpi pèpey ànê négbí-á ñne. Wáh fyò pɪ négbíle tir tyí sɔkɔ, páh kɪ tyí-ñgbnɔ dahbɪ ñ gbò. A pɔ pé nìvìnìne n pɪ wɛ tyí. / N yòtɛ dí me yo ñ tyí ne, káh ple, tònpi pèpey-á ñne nê-á tyile n pɪ sé wál yõ. Wáh fyò tir tyí pɪ ké wèkì yõ, páh kɪ tyí-ñgbnɔ dahbɪ ñ gbò. A pɔ pé nìvìnìne n pɪ wɛ tyí. ²² Nê-á sò we talã pó pló nínóle, ñmɔ tɔ me ñ tyí tɔkɔ nɔ de ñ yòtɛ díne té yo ñ tyí ne, pé yòtɛ, talã pó pló nínó-á sò à pé kɔ sah, ñte à yah, páh nínó yísyó we dohnɪ sé yõ ñ tyí. ²³ N yòtɛ dí me yo ñ tyí ne, káh ple, tònpi pèpey ànê négbí-á ñne. Wáh fyò pɪ négbíle tir tyí sɔkɔ, páh kɪ tyí-ñgbnɔ dahbɪ ñ gbò. A pɔ pé nìvìnìne n pɪ wɛ tyí. ²⁴ Képah náh, nê-á sò we talã pó pó núkúle, ñmɔ-á nɔ de, à ñ yòtɛ dí syah ne níkě, pé yòtɛ, páh pɪ ne níkě ñ tɔ-á tah. A náh sèmukɔ nê duku mɔ, ǎ kè tɔkɔ. A náh nê mir mɔ, ǎ kè kɔ. ²⁵ Képah-á tíkí pé tɛ, pé me kyɪ ñ pó wɔbɪ sétáh sɔkɔ. Káh yò, à tɔkɔ ñ pólɛ. ²⁶ N yòtɛ dí me yo ñ tyí ne, tònpi nétúkù, gbãndal névi-á ñne. Wáh sò pɪ ne níkě, pé náh sèmukɔ nê duku mɔ, pè kè tɔkɔ, pé náh nê mir mɔ, pè kè kɔ. ²⁷ Káh pɪ sɛ, wáh náhkɪ mó sò me kyɪ pé pó dah mɔ sah pó sáh-ńsah wòkò sɔkɔ kè. Páh pé syɪ pɔ sɔ yò, páh náhkɪ mó sè we wilki dòhnìnóle sé yõ kè. ²⁸ Nkě pé ñ tyí mè tɛ syi ñ tyí, pé kéle talã pó pló gbãm nètɛ kɔ. ²⁹ Pé kó we nɪ, névi nê tyí kwáh-á me, dòhnìnó-á kɪ n pɪ ñmɔ tyí yò yròyrò. Té névi nê tyí kwáh náh me, kwéy nê nítɛ-á me ñ tyí, káh kɪ tɛ syi ñ tyí. ³⁰ Yõre kɛ tònpi mè tɛ wòle, níkě pé à wilki mɔ kégbó fɛntũ sɔkɔ, nýáh sɔkɔ-á gbɪ ñnê yní táhnó kɪ me.»

* 25:15 25.15 - Yah n te Matye 18.24 yah yónó sɔkɔ.

Tukey nê-á kɪ n pɪ n pi Névi Pídí syínwɪkɪpɔ sɔkɔ

³¹ «Névi Pídí-à n syɪ pɔ n tɔ́rí sɔkɔ ànê yínyò tɔ́npɪbɪ pólle gbí nêne, à kɪ kɔ tɛ n tɔ́rí kɔ yò. ³² Kwlo kwlo pól névyɛ kɪ pɔ tuke mɔ n yah sɔkɔ. Té à kɪ névyɛ wah wilki wɛ sɔkɔ, sɔ́-á yípénfɛ n wah n wilki képyénì ànê perle wɛ sɔkɔ. ³³ A kɪ néglɔ́ sah n gbòyò sòle, té kɪ nɛpɛl sah n gbɛyìnè sòle. ³⁴ Képah sɔkɔ, nónó-à kɪ mɛ n gbòyò sòle, à kɪ yo pé tyí nɛ: <N Sú Liyel-á sã mɔ yépi nónó sɔkɔ, té tɔ́rí nê yah sah yé kɔ kèkòyó mɔ gbí dùkùle, yé pɔ ké nɔlɛ n yò. ³⁵ Yé nãh wɛ di, kwɛkɪ-á sò n tɛ, yé yòkelɛ n kɔ mé yò. Níkì-à sò n tɛ, yé ninɛ n kɔ mé wɔ. Mãh sò mɛ nɛpòle, yé n kɔ mé twah yé tyí. ³⁶ Mãh sò mɛ flo kɛnɛ, yé flɔle n kɔ mé mɔ. Mãh sò mɛ n yɔ, yé yah dah mɔ n tyí sɔkɔ. Mãh sò mɛ wòkònpèkè sɔkɔ, yé pɔ yah n tyí.> ³⁷ Képah sɔkɔ, néglɔ́ nɔpi kɪ à piki yah nɛ, Tɛ̀ ngebɛ, gbí nê se pé wɛ nne kwɛkɪ sɔkɔ, té à kɔ à yò nɪ? Anê gbí nê se pé wɛ nne níkì sɔkɔ, té à kɔ à wɔ nɪ? ³⁸ Gbí nê se pé wɛ nne nɛpòle, té à kɔ à twah pé tyí nɪ? Anê gbí nê se pé wɛ nne flo kɛnɛ, té flɔle à kɔ à mɔ nɪ? ³⁹ Gbí nê se pé wɛ nne à mɛ n yɔ, képah nãh pɪ à mɛ wòkònpèkè sɔkɔ, té pɔ yah n tyí nɪ? ⁴⁰ Képah sɔkɔ, yòtɛ dí kɪ yo pé tyí nɛ: <Kègbɪ yò mé kéle n yo yé tyí, n yúnpyé nónó-á yò kè, yãh níkɛnɛ sɛnknɔle n pɪ pé sɔkɔ tyítɪ nónó fyé tyí, n mɔ tyí ye níkɛnɛ yè n nɛ n pɪ séle.> ⁴¹ Képah nãh, nónó-à kɪ mɛ n gbɛyìnè sòle à kɪ yo pépi tyí nɛ: <Yé to n tɔ́, yépi nónó tyí-á ykɪ. Yé nɛ n yuku ní-nkɛ nyàhnɛpèkè sɔkɔ, képah nê-á mɛ mónsàhnóle sétãn ànê sé yòtɛ yinne. ⁴² Yé nãh wɛ di, kwɛkɪ-á sò n tɛ, yé nãh n kɔ mé yò. Níkì-á sò n tɛ, yé nãh n kɔ mé wɔ. ⁴³ Mé sò mɛ nɛpòle, té yé nãh fɛ syi n kɔ mé twah yé tyí. Mé sò mɛ flo kɛnɛ, té yé nãh flɔle n kɔ mé mɔ. Mé sò mɛ n yɔ, té mɛ wòkònpèkè sɔkɔ, té yé nãh pɔ yah n tyí.> ⁴⁴ Pépi tɔ kɪ à piki yah nɛ, Tɛ̀ ngebɛ, gbí nê se pé wɛ nne kwɛkɪ sɔkɔ, képah nãh pɪ níkì sɔkɔ, képah nãh pɪ nɛpòle, képah nãh pɪ flo kɛnɛ, képah nãh pɪ mɛ n yɔ, képah nãh pɪ mɛ wòkònpèkè sɔkɔ, té pé nãh à yohnɪ mɔ nɪ? ⁴⁵ Képah sɔkɔ, à kɪ yo pé tyí nɛ: <Kègbɪ yò mé kéle n yo yé tyí, n yúnpyé nónó-á yò kè, yãh níkɛnɛ n yahle sɛnknɔ pínóle pé sɔkɔ tyítɪ nónó fyé tyí, n mɔ tyí ye níkɛnɛ yè n yahle pínóle séle.> ⁴⁶ Tyé-nkɛ yèvyãhrɪ sɔkɔ ye nètúkúnì nɔpi kɪ kyɪ n de n pi, té néglɔ́ nɔpi wɔ kɪ kyɪ tyé-nkɛ min wɛ.

26

Pè mɛ Yesu tɛ̀-nsahle n yah n kɔ lékãmkãm sɔkɔ

¹ Yesu-á tyi nɔpi pól yah yo tɛ gbí nêne, à yo n tò sãhpú tyí nɛ: ² «Yé pɪ nɛ níkɛ sèpìn níni-á wũ, té Pakɪ syáh kɪ syah. Névi Pídí kɪ tɛ pè kɔ pè kɪ à syɪ dahni yò.» ³ Légbíne, sárká syínwɪkɪpɔ yòtã ànê kwil yèwãhnì wɛ tuke mɔ sárká syínwɪkɪpɔ yòtɛ ngebɛ tinnɛ, nê-á pè n ye Kayifile. ⁴ Té yo sah núkú yò nɛ pé ye Yesu tɛ̀ lékãmkãm sɔkɔ, pé mó à ko mɔ. ⁵ Pè sò mɛ yo tũ wɛ tyí tɔle nɛ, tir mè nãh yíne kè pɪ syáh syáhnó sèpìn sɔkɔ dé. Páh kɪ képah pɪ, névyɛ-á kɪ tyah fɛkɪ.

Sè yó pèpɔrɪ pɪ Yesu tyí

⁶ Sõ yóle, Yesu lésõ me tótě dí Simo gbô, Betani kwil soko. ⁷ Wǎh me yôke yónó soko gbí nêne, sê yó me no de n tnô niri so pèpey yóle n tyí làsèkwél dènkókòle ké soko. Képah tēne, té làsèkwél mē mo Yesu yō yō. ⁸ Yesu tō sáhpú-á képah tē we sē, pé foko vyāh. Pè ne kwāh nê se pi té à làsèkwél mē yiki sē yò ni? ⁹ Kǎh náhki sō fē yām dántǎhle, à ké pó dibi yām tǎn kō. ¹⁰ Yesu-á képah we sē, à me yo pé tyí ne: «Sō pi té yé pi mē yahle n vyāh sē? Tyípépěy ye à pi nmo tyí. ¹¹ Yé yah, yām tǎn ki me yé wró soko gbímegbí. Nte nmo wo náh ki me n pi yé wró soko gbímegbí. ¹² Nê-á pi mē pi yò, nmo lékó yī sō yīn ye à pi sah kéle. ¹³ Kègbi yō mé kéle n yo yé tyí, kèkoyó pól soko, Nìvìnì tir mē-à n yo fí nê soko, pi mē tyípíkì mē to ki yo, névye dyo kō kè ki n kwne n tyíle.»

Nsyudası me ké tyí ne pé Yesule n tēpú wēki

¹⁴ Yesu tō sáhpú népì gbōnimí soko, nê-á pè n ye Nsyudası Yisikariyotile, nmo me kyı wil sárká syínwilkipu yótām tyí, ¹⁵ té pè syah ne, pè se ki pé kō kwāh nêne pé mó kè pi pè kō pè Yesu we tē ni? Pè me pó pló yōgbāmne à kō. ¹⁶ A toko légbí tyí, à tyah n yah n kō wǎh ne pi sō té pè Yesu we n tē n pi.

Paki syáh yôke pínóle

¹⁷ Kókónó kǎn búrn syáh tyah sôle, Yesu tō sáhpú pò à piki yah ne, nýāh soko se à me ké tyí ne pé kyı Pakı syáh yôke pi n tyí ni? ¹⁸ A me yo pé tyí ne: «Yé kyı n yo yǎhnikō tyí kwil soko ne, kwó-ò dí-á yo ne nkē pé gbí-á me se n te, nkē nmo tǎn-á péwo ànê pé tō sáhpú ki pò n yō n pi Pakı syáh yôkele.» ¹⁹ Wǎh kè yo sō n tō sáhpú tyí, pè me soko n yóré yō, à kyı yôke mē pi.

²⁰ Lékâh-á pò mo, nmo ànê n tō sáhpú népì gbōnimí me kō tē yôke sō. ²¹ Té pǎh me yónó soko, à yo pé tyí ne: «Kègbi yō mé kéle n yo yé tyí, yé soko yó ki pi pè kō pè ki ní tē n pi.» ²² N tō sáhpú-á képah noh, pé yey kwó kègbile. Képah tēne, nê mē nê mē, tē à piki n yah ne, Tē ngebē, péwo se à n ye ni? ²³ A me yo pé tyí ne: «Nê-á me n di nmole dú núkú soko yò, tē wo ye ki pi pè kō pè ki ní tē n pi. ²⁴ Névi Pídí ki n ku n pi à yīne kǎh wǎrki sah Liyel wey sébéy soko sō n tyí soko. Nte névi nê-á ki pi pè kō pè ki à tē n pi, pèkè ki pi tē tyíle. Tē-à sō me dúbí-nkēne, képah náhki fónfó nne.» ²⁵ Nsyudası nê-á sō me ké tyí ne pé pi pè kō pè à tē, n to me à syah ne, kwó-ò dí, péwo se à n ye ni? A me yo n tyí ne: «Áwo ye yo kéle.»

²⁶ Té pǎh me yónó soko, Yesu búrn toko té weki Liyel tyí, té kè kwoki à n tō sáhpúle n kō, té yo pé tyí ne: «Yé syi n tah kéle. Nyole, nmo wil ye.» ²⁷ Képah náh, à tō wóh toko ñvène ké soko té weki Liyel tyí, té kéle pè kō té yo pé tyí ne: «Yé pólle, yé kè wo. ²⁸ Yé náh we di, nýole, nmo tó ye, nê-á ki névye yégbékè kwro mo ànê Liyelle. Kè ki n kwe n pi nékwínkí yīnne, ki pé tyípèl yō mo. ²⁹ Mé kéle n yo yé tyí, à toko núkúnúkú tyí, mé náh tō ñvè wo n yah n pi, pópó ki pò no sō nê-á mé ki tō ñvè sán yó wo yéle ní Sú Liyel tǎrí soko.»

³⁰ Képah náh, pè syáh yì gbi, té wil à n yuku Wólívyé yèh yòh yō.

Yesu ne Pyeri-á ki n vyāh kōli ne pé náh pé pī

³¹ Képah sɔkɔ, Yesu yo n̄ tò sáhpú tyí ne: «Kwey lékâh m̄ n̄t̄é òle, n̄mɔ tyí kɪ yé pól k̄ɔ yé kɪ yal mɔ n̄ s̄ò t̄énòle. Yé náh we di, kè me wárkínsàhnòle Liyel wey sébéy sɔkɔ ne: «Mé kɪ yípénf̄é ko mɔ, té képyénì t̄ú pól kɪ karkɪ.»*
³² Yesu t̄ò ne: «N̄te n̄ lékó yilkínm̄ontenɔ náh, mé kɪ mɔ yé yahle Kalile mara sɔkɔ.»
³³ Képah t̄ēne, Pyeri me yo n̄ tyí ne, no téló pól-à kɪ s̄ò yal mɔ n̄ s̄ò t̄énòle, péwɔ t̄ē wɔ náh n yal n mɔ n pi pólle.
³⁴ Yesu me yo n̄ tyí ne: «Kègbɪ ȳò mé kéle n yo á tyí, kwey lékâh m̄ n̄t̄é sɔkɔ, sénpe-à kɪ pópó n gbo, á kɪ me á vyāh k̄òlɪ te ke t̄ónó ne á náh n̄mɔ p̄i.»
³⁵ Pyeri me yo n̄ tyí ne, kàh kɪ s̄ò nɔ pé kúnó tyí n̄ne w̄é tyí, pé náh pé vyāh k̄òlɪ yah n pi pólle ne pé náh à p̄i. Yesu tò sáhpú téló tɔ me képah ó yo.

Yesu Liyel n̄nòle Ketisemanɪ sɔkɔ

³⁶ Képah sɔkɔ, Yesu àn̄ê n̄ tò sáhpú kyɪ ȳini t̄ē f̄í yó sɔkɔ, pè n ye Ketisemanɪne. A me yo n̄ tò sáhpú tyí ne, pè k̄ɔ t̄ē ásò pé kyɪ Liyel ni n pɔ yàhàh.
³⁷ Wāh n sɔkɔ, à Pyeri àn̄ê Nsebede d̄ínpi n̄ép̄i n̄ímí t̄ē sɔkɔ. Yèkwɔrɪ àn̄ê tíkí k̄épékè s̄ò me tyah n mɪ n̄ sɔkɔ.
³⁸ Kāh pi s̄ē, à me yo pé tyí ne: «Yèkwɔrɪ me n̄ sɔkɔ, me n pi n̄ ko ko t̄ēne. Yé t̄ē ásò, yépi tɔ káh yé dyɔ mɔ n fwɔ n t̄ē, s̄ò-á n̄mɔ náh me n̄ dyɔ mɔ fwɔ t̄ē.»
³⁹ Té me yuku yahle kwéy à kyɪ kɔ kw̄ínki n̄ yah di sétáh, à Liyelle n ni ne n̄k̄ē: «N̄mɔ Sú, kàh kɪ f̄ē n pi n pi, yèvyāhrɪ m̄e gb̄e mɔ n̄m̄ole. N̄te mé náh ne á kè pi n̄mɔ-á me ké tyí s̄ò dé, kè pi áwɔ-á me ké tyí s̄ò.»
⁴⁰ Wāh n̄ syɪ pɔ n̄ tò sáhpú n̄ép̄i t̄ómí n̄ópi t̄n̄ò, à pɔ pè we pè me n dɔ. A me yo Pyeri tyí ne: «Yé kègbɪ ȳò, yé náh t̄ē we l̄érí n̄úkú n̄t̄é fyé pi yáhnó sɔkɔ n̄m̄ole kè?
⁴¹ Yé káh yé dyɔ mɔ n fwɔ n t̄ē. Yé n̄írile n pi yé káh n pɔ t̄ónm̄onɔ f̄ē n syi. Tyípéplɔ s̄onɔ n ne n me névi sɔkɔ, té sé t̄ēnw̄enpɪnɔ t̄āhk̄ì náh n we n̄ sɔkɔ.»
⁴² Wāh képah yo, à t̄ò gb̄e mɔ péle ke ní-òle à kyɪ Liyelle n ni ne n̄k̄ē: «N̄mɔ Sú, n̄ ȳò-à kɪ f̄ē n wil n pi n̄k̄ēne yèvyāhrɪ m̄e sɔkɔ, áwɔ-á me n̄ê tyí, képah pi.»
⁴³ Wāh t̄ò n̄ syɪ pɔ, à pɔ pè we pè t̄ò me n dɔ. Doy s̄ò me t̄ē we pé tyí.
⁴⁴ A t̄ò yal pé t̄n̄ò à gb̄e mɔ kyɪ Liyel ni ke t̄ò-òle gb̄ro t̄ān tyí k̄òle.
⁴⁵ Képah náh, à n̄ syɪ pɔ pé t̄n̄ò, té yo pé tyí ne: «Yé me d̄oy sɔkɔ s̄ē me yéle n mɪ kè? Névi Pídí t̄ē n dahbɪ gb̄í we nɔ tyíp̄el p̄ípú gb̄ò yò.
⁴⁶ Yé yuku à sɔkɔ. Névi n̄ê-á kɪ n̄ dahbɪ n pi pé gb̄ò, à we n de yò.»

Yesu t̄énòle

⁴⁷ Yesu me képah yónó sɔkɔ, té Nsyudasɪ n̄ê-á n̄ tò sáhpú n̄ép̄i gb̄õnimí sɔkɔ yóle, n̄mɔ ȳin n̄ékw̄ínkí ȳisyó yah pè pɔ de k̄èk̄irn̄ àn̄ê n̄snine pé tyí. Sárká syínw̄ilk̄ipu yòt̄ām àn̄ê kw̄il yèwàhn̄i ye s̄ò tekɪ mɔ péle.
⁴⁸ Té Nsyudasɪ n̄ê-á s̄ò n dahbɪ n pi Yesule pé gb̄ò, à s̄ò me pi dùkù yóle pè w̄éki sah. A ne páh kɪ wekɪ névi n̄ê tyí té à p̄orɪ t̄ē, n̄mɔ-á. N̄k̄ē pè à t̄ē.
⁴⁹ Té n̄úkú nɔ de Yesule té ne, kw̄ó-ò d̄í, páh n wekɪ n̄ tyí! Té à p̄orɪ t̄ē.
⁵⁰ Yesu me yo n̄ tyí ne: «N̄ kódí, wáh pɔ n̄ê pí-nsah, kè pi.» Képah sɔkɔ, no n̄ópi n̄úkú nɔ de Yesule à à t̄ē.
⁵¹ Képah t̄ēne, nónó-á s̄ò me Yesule, pé sɔkɔ yó n̄úkú n̄ k̄èk̄irk̄i yorɪ de à sárká syínw̄ilk̄ipu yòt̄ē n̄gb̄ē t̄õnp̄i níkí k̄ò kām.
⁵² N̄te Yesu me yo n̄ tyí ne: «Á k̄èk̄irk̄i dyɪ ké gb̄ò sɔkɔ. Yah, nónó pól-á m̄alle n pi k̄èk̄irn̄ne, k̄èk̄irn̄ ye kɪ ko mɔ péle.
⁵³ Á náh p̄i ne n̄mɔ-á kɪ s̄ò f̄ē yo mɔ n̄ Sú tyí, à kɪ ȳinȳò t̄õnp̄ibɪ k̄eȳò n̄áhn̄áh tekɪ mɔ n̄ k̄ò n̄énp̄ó swɔ, sè kɪ pɔ n̄

* 26:31 26.31 - Yah n te Nsakari 13.7.

yohni mɔ di? ⁵⁴ Nte kàh pi sɛ, Liyel wey sébéy sɔkɔ tyi wárkínsàhnó kɪ wil dùkù nêne? Kè mó tɔ me kè yo sah ne sɛ-á kè yĩne kè pi.» ⁵⁵ Képah náh, té yo nékwínkí nópi tyí ne: «Yé pɔ nímɔ tɛ-nsah kèkírɔn ànê nsnine yé tyí, á kɪ ne kèlékɛ névi sɔ nne. Nte swɔ swɔ pólle, mé sɔ nkɛne ne n me kɔntɛnóle Liyel ní-nsah gbô sɔkɔ n kwónóle n pi, té yé náh n tɛ. ⁵⁶ Nte Liyel tɛntɔ syínyopu tyi wárkínsàhnó wil yĩn ye tyi nópi pól kɔ sè pi.» Wáh képah yo, n tɔ sáhpú pól to karkɪ té à sah.

Yesu tɛnkɪnɔle Nsyifunɔ tukey tükèpu tĩnkì tyí

⁵⁷ Nónó-á tɛ Yesule, pè yuku nne sárká syínwìlkìpu yòtɛ ñgbɛ Kayifi tĩnne, ñyáh sɔkɔ-á Liyel tyi kònsàhnó kwópú ànê yèwàhnì sɔ me wɛ tuke mɔ. ⁵⁸ Pyeri sɔ me Yesu sɔ tɛ n kɔ fí nne, pópó à kyɪ yĩni tɛ sárká syínwìlkìpu yòtɛ ñgbɛ gbô tyí. Té de yuku à kyɪ kɔ tɛ tɔnpɪbɪ tnô, té n yah yĩ mè-á kɪ pɔ n syi n pi dùkù nêne. ⁵⁹ Sárká syínwìlkìpu yòtɛm ànê pé no tukey tükèpu tĩnkì pól sɔ me n yah n kɔ ne, tàrfyónó yísyó we, nónó-á kɪ mìnì we n yo n sah Yesu yò, pé mó à we n ko n mɔ. ⁶⁰ Tàrfyò m̀nyobe náhnáh sénsɔ pɔ mìnì yo sah n yò, nte pè náh tir yó we wáh yĩne à ko mɔ nê yĩnne. Ké tyé-nsah sɔkɔ, díbí népí ními wil yĩn ⁶¹ té ne nkɛ, dí mè-á yo ne páh kɪ fɛ Liyel ní-nsah wòkò kètär sɔ té kɪ kè tɔ mɔ sèpìn tɔnì wró. ⁶² Képah sɔkɔ, sárká syínwìlkìpu yòtɛ ñgbɛ yuku yĩn té yo Yesu tyí ne, no nópi-á tyi nónónne n yo n tyí sɔkɔ, tyíyóné kó me ñmɔ tyí sépi tyí sɔkɔ nɪ? ⁶³ Nte Yesu náh dahbɪ wilki. Képah tɛne, sárká syínwìlkìpu yòtɛ ñgbɛ me yo n tyí ne, min nétɛ Liyel yĩn yò, à yo pé syah ñmɔ-à kɪ nê Liyel ney yáhtɔkɔnɔle, nê-á n Pídine. ⁶⁴ Yesu me yo n tyí ne: «Áwɔ ye yo kéle. Té mé kéle n yo yé tyí, à tokɔ núkúnúkú tyí, yé kɪ Névi Pídí we kɔntɛnóle tyi pól tyí tɛnwe-ò Liyel gbòyò sòle. Yé kɪ à we tɔle à kɪ me n pi ñyírn sɔkɔ.» ⁶⁵ Képah tɛne, sárká syínwìlkìpu yòtɛ ñgbɛ n gblɔy flo yɔrɪ tokɪ té ne, wáh yo de Liyel tyí. Tàrfyò nê tɛ se tɔ pé kɪ n yah n kɔ nɪ? Pè kó n Liyel tyí yóndenɔ noh nɪ? ⁶⁶ Pépi se me n sɔ sɔ nɪ? Pè me yo n tyí ne, wáh yĩne kònmɔnɔle. ⁶⁷ Képah tɛne, té tyah n sɪn n mɔ n yah sɔkɔ, té ñne n syɪkɪ gbònkukele, té túkú mó me n létáhlóle n kɔlɪ ⁶⁸ té me n yo n tyí ne, ñmɔ-à kɪ nê Liyel ney yáhtɔkɔnɔle, à sáh pĩ yo pé syah nê-á n ko nne.

Pyeri-á n vyáh kɔlɪ sɔ ne pé náh Yesu pĩ

⁶⁹ Pyeri sɔ me kɔntɛnóle gbô táh. Tɔnpɪ pi yó me nɔ de n tnô té yo n tyí ne, ñmɔ tɔ-á sɔ me Yesule, nê-á Kalile neyne. ⁷⁰ Nte à me kè kɔlɪ no pól yí yah ne, pé náh me n wey mè tyí yah we yò dé. ⁷¹ Képah náh, Pyeri sɔkɔ gbô yah tĩnne. Tɔnpɪ pi yó-á tɔ à we, nónó-á sɔ me nénpó, à yo pé tyí ne, dí mè tɔ-á sɔ me Yesule, nê-á Nasaretɪ neyne. ⁷² Pyeri tɔ kè kɔlɪ à n wo ne, pé náh dí mène n pne dé. ⁷³ Dò kwéy, nónó-á sɔ me nénpó pépi nɔ de Pyerɪle té yo n tyí ne, kègbɪ yò, no nópi sɔkɔ yó-á n tɔle. N wey dùkù-á me kéle n wɛkɪ dò. ⁷⁴ Képah sɔkɔ Pyeri tyah n gblɔyne n wo pélpèl ne, pé náh dí mè pĩ. Nénpó swɔ sénpe yó núkú gbo. ⁷⁵ Légbine, Pyeri dyɔ to kɔ Yesu wey mène, wáh sɔ nê yo ne nkɛ: «Sénpe-à kɪ pópó n gbo, á kɪ me á vyáh kɔlɪ tɛ ke tɔnó ne á náh nímɔ pĩ.» Képah sɔkɔ, Pyeri wil kégbó à kyɪ kah gbo.

27

Yesu tēnyukunɔle Pilati tinnε

¹ Séngbɔ́ púpúle, sárká syínwilkǐpu yòtām pól ànê kwil yèwàhnì pól yo sah núkú yò ne Yesu-á yīne à ko mɔ. ² Té me à tē pukubi, té kyɪ nne kwiltām yòtē Pilati gbò dahbɪ.

Nsyudasɪ kúnóle

³ Képah sɔkɔ, Nsyudasɪ nê-á sò pɪ pè kɔ pè Yesu we tē, wǎh pɔ n kònmonɔ tyí we kè yī tē, kè à kah fyāh. A me pó pló yōgbām nɔpi tɔkɔ kyɪ ne pé sárká syínwilkǐpu yòtām ànê kwil yèwàhnì kɔ. ⁴ Té yo pé tyí ne, páh tyípékè pɪ lékàh kē névi mónóle kũ sɔkɔ. Nte pè me à syah ne, pépi tir nê se me képah sɔkɔ nɪ? Képah-á me ñmɔle n yah kè. ⁵ Képah sɔkɔ, Nsyudasɪ pó mè milki Liyel ní-nsah wòkò kètār sɔkɔ, té wil sɔkɔ à kyɪ n gblōy gbel. ⁶ Sárká syínwilkǐpu yòtām me pó mè tɔkɔ té ne ñkē, kè náh yīne dáhnmonɔle Liyel ní-nsah gbô pó sɔkɔ. Névi tó-á kɪ n kwe n pi ké tyí sɔkɔ. ⁷ Képah tēne, pè yo sah núkú yò, té pó mēne pní mó-ò dí yó swāh dwe à pɪ nɛpân lékyî yí-nsahle. ⁸ Képah ye, fóó à pɔ syɪ kwey mè tyí, swāh mè me n ye tó swāhle. ⁹ Képah sɔkɔ, Liyel tēntò syínyo-ò Nsyeremi-á lésò nê yo sah, kè wil. A lésò ne ñkē: «Pè ye pó pló yōgbām tɔkɔ, Yisrayel no-á ne dan nê-á yīne kónóle n tyí sɔkɔ. ¹⁰ Té kyɪ séle pní mó-ò dí swāh dwe, à yīne Tē ñgbē Liyel-á kè yo sɔ n tyí.»*

Pilati me Yesule n piki n yah

¹¹ Pǎh Yesu tē kyɪ kwiltām yòtē dí Pilati tyí, à me Yesu piki yah ne ñmo se Nsyifunɔ yòtēne díne nɪ? Yesu me yo n tyí ne: «Áwɔ ye yo kéle.» ¹² Nte sárká syínwilkǐpu yòtām ànê kwil yèwàhnì sò me tyile n yo n sah n yò. Nte à náh dahbɪ wilki pé tyí sépi tyí sɔkɔ. ¹³ Képah sɔkɔ, Pilati me yo n tyí ne, pǎh tyi nónó pólle n yo n sah n yò, à kó me séle n nohnɪ nɪ? ¹⁴ Nte Yesu náh dahbɪ wilki n tyí pólle. Kǎh pɪ sē, kè n gbǎn kah du.

Pilati Yesu kònmonɔ wěkì kɔ

¹⁵ Yimeyí Pakɪ syáh sɔkɔ, kwiltām yòtē ñkēne wòkònpèkè sɔkɔ nénúkù yó fin n mɔ, tówú-à nê yah wilki. ¹⁶ Té légbíne dí yó sò me wòkònpèkè sɔkɔ, nê yínpékè-á wil yí náhánh. N yīn ye sò Barabasɪle. ¹⁷ Képah tēne, tówú nê-á sò me tükènmɔnɔle, kwiltām yòtē dí Pilati me pépi piki yah ne, pè se me ké tyí ne pé nê fin mɔ pè kɔ nɪ? Barabasɪ se, tɪ Yesu nê-á pè n ye Liyel ney yáhntokɔnɔle, ñmɔ se? ¹⁸ Yé náh we di, Pilati sò pɪ ne Yesu yíngbí wílnó-á n yo péle pè kɔ pè à dahbɪ péwɔ gbò sɔkɔ. ¹⁹ Té wǎh me tēnóle tukey tükè-nsah sɔkɔ, n kyɪ tēntò mɔ n tyí ne, lékàh kē dí mè tyí dlénpêl-á pé kwɔ kwey lékáhne. A káh n vyāh dahbɪ n tyí sɔkɔ dé. ²⁰ Nte sárká syínwilkǐpu yòtām ànê kwil yèwàhnì me tówú kurki mɔ ne, pè yo Pilati tyí à Barabasɪ fin mɔ, à mó Yesu ko mɔ. ²¹ Kwiltām yòtē dí Pilati me tɔ pè piki yah ne, pè se me ké tyí ne pé nê tē fin mɔ pè kɔ nɛpɪ ními nɔpi sɔkɔ nɪ? Pè me ne Barabasɪ-á. ²² Pilati me ne, nte Yesu nê-á pè n ye Liyel ney yáhntokɔnɔle, pé se kɪ pɪ sɔ ñmɔle nɪ? Pé pól me ne wǎh yīne à syɪ

* 27:10 27.9 Yah n te Nsakari 11.12-13 ànê Nsyeremi 18.2-3 ; 19.1-2 ; 32.6-15.

dahnı yõ. ²³ A me pè piki yah ne, nte tyítúkù nê ó se à pı nı? Nte pè tã kah yo mɔ wòhòh ne, wãh yĩne à syı dahnı yõ. ²⁴ Pilati-á pɔ kè pĩ ne pé náh me fẽ tir yóle n pekı ké sɔkɔ, té névye-á mó tã me n tyah tyah fẽkínóle, à ni tɔkɔ à ñ gbàn wu tówù yí yah té ne, péwɔ vyãh náh me dí mè kònmonɔ tyí sɔkɔ. Kãh pé tyí kè. ²⁵ No pól me ne, ñ kònmonɔ plo pı pépi ànê pé wẽnpı tyíle wé! ²⁶ Képah sɔkɔ, Pilati me Barabası fin mɔ pè kã. Té sràsyíbı kã pè Yesu ko yèfòhle, té ñ gbàh de mɔ pè kã ne pè à syı dahnı yõ.

Sràsyíbı-á kóle Yesu ko òkù nêne

²⁷ Képah tẽne, kwiltãm yòtẽ dí Pilati sràsyíbı me Yesu tẽ de tãrí gbò sɔkɔ, té pé no sràsyíbı pól ye pɔ à mɔ gbĩ. ²⁸ Pè me ñ flo de ñ wil sɔkɔ, té fwòmònsãh ñgbẽ yó mɔ à kã. ²⁹ Té pãh yòkã pı dyı à kã tãrí yókúrí swɔ, té lépéy yóle à kã à tẽ yĩn ñ gbòyò sɔkɔ. Té gbètukunɔ di ñ yah sɔkɔ à kóle ñne n ko me yo tũ ne, Nsyifunɔ yòtẽ dí, páh n wekı ñ tyí. ³⁰ Té n sɪn n mɔ ñ yõ, té lépéy mè syı à ñne n mukı ñ yõ sɔkɔ. ³¹ Pãh kóle à ko te, pè fwòmò-ñgbẽ mè de ñ tyí té ñ flo tã mɔ à kã, té à tẽ n yuku syı-ńsah dahnı yõ.

Yesu syínóle dahnı yõ

³² Pãh kyı n wil kwil sɔkɔ, pè Sireni kwil dí yó yohnı pè n ye Simole. Sràsyíbı me ñmɔ kyı mɔ à kã à Yesu syı syı dahnı twah. ³³ Pãh kyı yĩni tẽ tyah yó sɔkɔ, pè n ye Kolkotale, nê kór-á Yògbèkè tyahle, ³⁴ pè wil yónó kèkò kwãh yó fẽkı mɔ ñvẽ sɔkɔ Yesu kã ne à wɔ. Wãh kè wɔ yah, à kè yahle. ³⁵ Képah náh, pè à syı dahnı yõ. Pãh à syı te, pè ñdan mɔ à ñ flo ñibi pé wẽ wró. ³⁶ Té me kã tẽ nénpó à ñne n syıki ne ney káh pɔ à pwah mɔ. ³⁷ Yõ nê yõ-á pè syı ñne, pè sò me kè wãrkı syı sah ñ yòtah sɔkɔ ne ñkẽ: «Yesu ye yò, nê-á Nsyifunɔ yòtẽne.» ³⁸ Kèlékè pípú népı ními yısyó to sò me syínóle dahlo yõ ñ tnô. Núkú sò me ñ gbòyò sòle, ní-ò me ñ gbeyĩnè sòle. ³⁹ Wèkɔbı nónó-à kɔ pɔ n sɔkɔ, pé pé ywòle n mɔ ñ té ñne n gbyɔ ⁴⁰ ne ñkẽ, ñmɔ nê-á sò ne páh kı Liyel ní-ńsah wòkò kètãr sɔ, té kı fẽ kè tã mɔ sèpĩn tãni wró, ñkẽ Liyel Pídı-à kı nê ñne, à ñ gblóy pwah mɔ. A tiki n to dahnı yõ kè. ⁴¹ Sè ye, sárká syınwilkıpu yòtãm ànê Moyisi tyi kònsàhnó kwópú, ànê kwil yèwàhni to sò me kóle ñne n ko me yo tũ ne, ⁴² wãh túkù pwah mɔ, té kı tẽ ñ gblóy wɔ pwah mɔ kwlo nı? Yisrayel yòtẽ tẽ-à kı nê ñne, à tiki n to dahnı yõ núkúnúkú, pé mó sè ñ yõ kè. ⁴³ A kó ñ sònɔ sah Liyel yõ, té kè yo ñtẽne ne ñ Pídı-á péle nı? N tyı-à kı me no Liyel tyı, à à pwah mɔ núkúnúkú wé. ⁴⁴ Kèlékè pípú nónó tɔ-á sò syínóle ñ tnô, pépi to sò me ñne n gbyɔ sèntẽ óle.

Yesu kúnóle

⁴⁵ Gbı-á me yòtah sırr sɔkɔ, fẽntú mɔ kèkòyó pól sɔkɔ, pópó à pɔ no lérínó tónó tyı. ⁴⁶ Lérínó tónó nópi-á sɔkɔ, Yesu kah yo yĩnpõ ñgbẽne ne: «Yeli, Yeli, lama sabakitani?» Nê kór-á: Nmɔ Liyel, ñmɔ Liyel, kwãh nê pı té á ní fin mɔ? ⁴⁷ Nónó-á sò me nénpó, pé túkù-á ñ yónmonɔ mè noh, pè ne ñkẽ, wãh me Yelile n ye n yah oo! ⁴⁸ Nénpó swɔ, pé sɔkɔ yó to kyı sènsúkúrí tɔkɔ fõ yòyòkè ni sɔkɔ, à dyı mɔ gbey yó vyãh tyı, té kè no ñ tyı ne à wɔ. ⁴⁹ Pé téló mó me yo tũ ne ñkẽ, pé ye yĩn sò, Yeli mó pɔ à pwah mɔ pé yah àtre. ⁵⁰ Nte Yesu me tã kah de syı té yah kwlo. ⁵¹ Képah tẽne, fwɔ nê-á

dyínmɔnkàhsàhnóle Liyel ní-ńsah wòkò kètär sɔkɔ, kè tɔ tóló nínó à tɔkɔ ké yòtah tyí, à kyɪ dal mɔ ké sètàhkì sò tyí. Té sétáh me syah, légbýǝ gboke, ⁵² léyâl yɪkɪ mɔ, Liyel yò sěpú nónó-á sò ku sɔkɔ te, pé náhnáh lékyí me yilki mɔ. ⁵³ Képah náh, té me wil léyâl sɔkɔ Yesu lékó yilkinmɔntenɔ náh, té de Yerusalemɪ kwil sɔkɔ Liyel-á képah nê yah tɔkɔ. Névyé náhnáh yí tē pé yò. ⁵⁴ Sràsyíbi yòtē dí ànê nónó tɔ-á sò me Yesule n syɪkɪ ñne, pépi-á sétáh syahrɪ mè wɛ à tahlɪ tyi nónó tɔ-á pɪ, tíkí pè kah tē. Pè me ne ñkē: «Kègbɪ yò, dí mènɛ, Liyel Pídí ye sò ñne.» ⁵⁵ Té syó náhnáh tɔ sò me yīn tē fí té me n yah. Kalile duku sɔkɔ ye kéne syó Yesu sò tē, à n yah n dah n mɔ ñ tyí sɔkɔ. ⁵⁶ Makadala kwil Mari sò me pé sɔkɔ, à tahlɪ Nsyakɪ ànê Nsyosefu yú Mari tyí, ànê Nsebede dínpì yúne.

Yesu lékó yínóle

⁵⁷ Nví-á pɔ nɔ, tàm dí yó pɔ de, nê-á sò n wil Arimatɪ kwil sɔkɔ. Kéne dí yīn ye Nsyosefule. Yesu tò sáh-ò ye sò ñ tɔle. ⁵⁸ Nmɔ me kyɪ wil Pilati tyí, à Yesu lékó ni ñ tyí. A me ne pè ñne à kō. ⁵⁹ Páh ké wěkìle à kō, à me ñ lékó tɔkɔ té à plo fwo gbró snóle. ⁶⁰ Nsyosefu-á sò pè kō pè diki sán nê tū sah ñ yěngbě tyíle tekɪ sɔkɔ, à kyɪ à dah mɔ képah sɔkɔ. Képah sɔkɔ, té dáh-ñgbě yó pil pɔ ké yah vike té sɔkɔ. ⁶¹ Té légbíne, Makadala kwil Mari ànê ñ ní-ò Mari sò me kǝntěhnóle nénpó sɔkɔ diki yah yèsreynɛ.

⁶² Té kéne yòh sònó ye ñkēne pè péle n vi n sah pé mɪ mɪ yòh sò yīnne. Ké dīndalle, sárká syínwilkɪpu yòtām ànê Farisi wěkì kópú me wě sò tē kyɪ wil Pilati tyí, ⁶³ té yo ñ tyí ne, pé yòtē, pé dyɔ-á to kō ne, kéne névyé pílkí-ò-á lésò me kè yo sah ñ kú-ńkē sɔkɔ ne, páh pɔ ku, ké sèpìn tǝ-ò sòle, pé lékó-á kɪ yilki mɔ. ⁶⁴ Képah yīnne, ñkē à sràsyíbi kō pè diki syɪkɪ pɔ nɔ sèpìn tǝnì tyí. Képah-à pí-ńkēne, ñ tò sáhpú-á kɪ n syah n pɔ ñ lékóle n yí n wilki, té kɪ névyé syah ne ñ lékó-á yilki mɔ. Képah tē-á kɪ tǝ névyé pilki kal ghen tēne. ⁶⁵ Pilati me yo pé tyí ne, tyah syíkípú-á yò. Nkē pè kyɪ diki mènɛ n syɪkɪ páh me ké tyí sǝ. ⁶⁶ Pè me sɔkɔ à kyɪ diki yah dáhkì mè pɔkɔ mɔ, té tyah syíkípú kō pè kéle n syɪkɪ.

28

Yesu lékó yilkinmɔnɔle

¹ Mɪ mɪ yòh-á sɔkɔ, dimansyi sò séngbǝ púsóle, Makadala kwil Mari ànê ñ ní-ò Mari kyɪ diki yò. ² Nénpó swɔ, sétáh syahrɪ ñgbě pɪ. Tē ñgbě Liyel yīnyò tǝnpɪ yó me tiki pɔ dáh-ñgbě mè pil to diki yah, té kō tē ké yò. ³ A sò me n kō kyòo pù sǝ yíkiri, té ñ flo me píkinóle préyy. ⁴ Tíkí ànê wílsyahrɪ tē tyí, tyah syíkípú markɪ. ⁵ Képah sɔkɔ, yīnyò tǝnpɪ me yo syó tyí ne: «Yé káh tíkí pɪ. Mé pǝ ne Yesu-á yé n yah n kō, páh nê syɪ dahni yò. ⁶ A náh me ásô, ñ lékó yilki mɔ à yīne wáh lésò kè yo sah sǝ. Yé pɔ n yah ñ snékínmɔ-ńsahle, ⁷ yè mó n kyɪ kè yo súú ñ tò sáhpú tyí ne, ñ lékó-á yilki mɔ. Té wáh mɔ pé yahle Kalile mara sɔkɔ. Páh kɪ kyɪ à wɛ nénpó. Nê-á sò me ní tyí yo yo tēne yé tyí, képah ye yò.» ⁸ Pè me yal súú nénpó sɔkɔ, tíkìle pé sɔkɔ ñìvìnì ñgbě tɔle fěkìnmonɔle ké sɔkɔ, à n to n yuku yí mè yáh-ńsah Yesu tò sáhpú tyí. ⁹ Nénpó swɔ, Yesu núkú pè yohnɪ té ne: «Mé n wɛkɪ yé tyí.» Syó nópi me nɔ de ñne, té ñ gbyěh tē à gbílkínó sah ñ yò.

¹⁰ Képah sɔkɔ, Yesu me yo pé tyí ne: «Yé káh tíkíle n pi. Yé kyɪ n yo ní yúnpyé tyí ne, pè yuku Kalile mara sɔkɔ. Nénpó sɔkɔ ye pè kɪ wɛ nne.»

Tyah syíkípu tyípínne

¹¹ Syó nópi-á me wěkì yõ gbí nêne, tyi nóno pól-á pi, sràsyíbi nóno-á sò n syɪkɪ diki mène, pé tókù pɔ kwil sɔkɔ, à pɔ sè yo sárká syínwìkɪpu yõtãm syah. ¹² Képah sɔkɔ, sárká syínwìkɪpu yõtãm nópi ànê kwil yèwàhni wě tuke mɔ à yo sah núkú yõ, té pò-ngbě yóle sràsyíbi kɔ, ¹³ té pè syah ne pàh kɪ pi pè yo ne, ò tò sáhpú-á pɔ ò lékó yĩ wilki lékâhne té pé sah dɔy sɔkɔ. ¹⁴ Kwiltã yõtě dí-à kɪ sɔ kè noh, pépi-á kɪ kè niri pè kɔ pè náh yótír wɛ n pi ké sɔkɔ pólle. ¹⁵ Tyah syíkípu mó pó mè syi té kè pi pé yóre yõ. Képah tñe, yĩ mè tò mɔ Nsyifunɔ niyó, fóó à pɔ syɪ kwey mè tyí.

Yesu wénóle ò tò sáhpú tyí ò lékó yilkinmɔntɛnɔ náh

¹⁶ Yesu tò sáhpú népí gbõnúkú me sɔkɔ Kalile mara yõlɪ yõ, wãh lésõ nyãh tyí yo sah pé tyí. ¹⁷ Pãh kyɪ à wɛ, pè à gbilki, òte pé tókù sò me tètòle n pi ò tyí sɔkɔ. ¹⁸ Yesu me nɔ de pé tnô té yo pé tyí ne: «Yõtõrí pól ye nmo gbò dahbi yinyõ ànê sétáh yõ sɔkɔ. ¹⁹ Yé kyɪ kwlo kwlo pól névye pi nmo tò sáhpúle, yè mó pè wel n wilki ni sɔkɔ Sú Liyel, ànê Pídí, ànê Liyel Mirki yĩn yõ. ²⁰ Máh tyi nóno kɔ sah yé kɔ, yè mó pè kwɔ séle pè kɔ pè séle n pi. Té nmo kɪ me yéle sòmésó, fóó kɪ kyɪ syɪ kèkõyó tyénó tyí.»

Marki-á nìvìnì tir nê wãrkı Yesu tyí soko

N yúpyé, yépi nónó-á sébē mène n kar,

«Nê me Yesule?» Píkinyahno yó ye, no pól yĩne pè pé gblöy piki yah kéle. Wáh sǒ me Yesu pĩ di mónóle, képah náh pi, á náh ò tyí noh yah pólle: No pól ki fě gbah tē à pĩ palle.- Sébē nê-á á tē yĩn á gbò, képah ki píkinyahno mē yah yo ò syah, ki Yesu dukùle ò wēki. Dí yó ye wãrkı kéle di mónóle. Kéne dí yĩn ye sǒ Markule. Kè Yesu min pi dukù tyíle n yo, ànê ò tyípínne, ànê ò welole. Sépi n tyah ò tyípínì tyí, à pò nò ò kúnó ànê ò yúkúnó tyí. Képah n wēki ne, Yesu-á pò Liyel tǒrile, té wáh fě syi ò gblöy tíkínmòno yǒ, névye pwáhnmo yinne.

Kéne sébēne, Bibili tyah yó ye nê-á Liyel wey sébē ngbēne. Képah fí yó ye.

Yé ki fě kyı welo yísyó we, sé pínó ki me tah. Té pókónmòno me dukù-à me, ké tyàh-nsah, kè ále n wēki ne, wáh ki fě wey mē yah yónó we sébē mē tyé-nsah soko.

Nte, wáh tē yĩn nê kar kwlo, á ki yah te sébē tyé-nsah soko. Ké kèpiki wey wãrkı dukù to me nénpó, ànê ké wĩn weyne.

Yé pól pĩ ne nkē, nê-á tükù n ye «Lékám Pèpeyne», tükù òne n ye «Liyel Mirkile». Té, Liyel wey vinnmòno soko, yĩn nukú ó ye ki fě yah tǒko képah yinne. Nte, áyáh «Liyel Mirkí» yah tǒko, kè náh pi ne, képah sǒ á tǒko kúmm yǒ dé! Á me ké tyí ne, yépi to lékámne á kǒ ké tyí yǒ. Ké ye dukù yó lékám se me yé tyí, yé ki fě á kǒ?

Á wil yĩn mē tyí soko, wáh tir yó we sébē mē soko, té ké yo dukù náh ple wĩn wey soko áwo yah, gbah n tē kè yo á syah.

Liyel pèpòri pi á tyí ké kárnó soko.

Wèlnwìlkì-ò Nsyǒ wey yónsàhnóle

¹ Liyel pi Yesu *Krista nìvìnì wey sán tyàh-nsah ye yò. ² Sǒ-á kéle wárkínsàhnóle *Liyel tēntò syínyo-ò *Yesayi sébē soko ne:

«Yah, nímò Liyel ki ò tēntò névi tekı mǒ á yahle, à ki pò á wēkì tǒ sah á tyí.»

³ Nnì yó yĩnpǒ ye n dǒko gbēnnı soko ne nkē:

«Yé Tē-ngbē wēkì tǒ sah, yé kè pi tómm!»*

⁴ Káh wãrkı sah sǒ, sē ye *Wèlnwìlkì-ò Nsyǒ pò wil mǒ gbēnnı soko. Á tyah n yo n kǒ névye tyí ne, pè pé nno vi mǒ, pè mó *wèlnwìlkínó we. Képah soko, Liyel-á ki pé tyípél yǒ mǒ pè kǒ.

⁵ Képah tēne, Yude kwlo névye pól, ànê tǒ Yerusalemı névye pól sǒ me n pò n pò ò tyí, n pò pé tyípél yo névye pól yí yah, té á pè wel n wilki Yurdē yo soko. ⁶ Té, Nsyǒ sǒ me yáhmíkì yè fwòmòno mǒ, té ò syi tē sél kǒle. N yǒkele sǒ sègblo ànê syĩri ye. ⁷ Á sǒ me n yo tówù tyí: «Névi nê-á ki n pò n pi nímò náh, nímò ye gblo kal nímole. Nmò tē náh yĩne mé kǒ yĩn, ò gbáhkì lékyéh sro de. ⁸ Nmò ye yéle n wel n wilki ni soko, nte nímò ki pò yé wel n wilki n pi *Liyel Mirkí soko.»

* 1:3 1.3 - Yah n te Yesayi 40.3 soko.

Yesu wèlnwìlkinó ànê ò tǝnmǝnǝle

⁹ Légbíne, Yesu wil Nasareti kwil, Kalile sétáh yǝ, à pǝ Nsyǝ kǝ à à *wel wilki Yurdě yǝ sǝkǝ. ¹⁰ Té, wǎh n wil ni sǝkǝ gbí nêne, à yínyǝ we kè n yiki n mǝ, té *Liyel Mírki tiki ò yǝ, dàhyǝkèpil sǝ. ¹¹ Légbíne, yínpǝ yó n wil Liyel sǝkǝ ne níkě: «Áwǝ ye nímǝ nìdè Pi núkúnine. Á tyí nǝ yíí ní tyí kègbile.»

¹² Ké nénpǝ swǝ, Liyel Mírki à tǝ yuku gběnni sǝkǝ. ¹³ A sèpìn tikiíní pi nénpǝ sǝkǝ. Té *sétàn yǝtǝ pǝ òne n tǝ n mǝ. A sǝ me gběnkya niyó sǝkǝ, té *yínyǝ tǝntǝbe me ò tǝ-nsahle n yah.

Yesu yěnkya tǝpú népí nyêh ye

¹⁴ Képah náh, pè pǝ *Wèlnwìlki-ò Nsyǝ dah mǝ wǝkǝnpèkè sǝkǝ.† N déntenǝ náh wǝkǝnpèkè, Yesu yuku Kalile sǝkǝ, à kyi tyah nìvìni wey sǝnne n yo n kǝ, nê-á wil Liyel tyí. ¹⁵ A ne: «Gbí nê tyí-á sǝ yo sah, kè me de te. *Liyel tǝrí me yíni tǝ te. Yé yé nǝ vi mǝ, yé mó sǝ nìvìni wey sǝn yǝ!»

¹⁶ Wǎh sǝ me n kǝ Kalile yó-ngbě gbǝpǝ gbí nêne, à yěnkya tǝpú népí ními we, Simo, ànê ò gběndí Andrele. Pè sǝ me yěnkya tǝ tǝ mnǝle n min yěnkya n tǝ yǝ sǝkǝ. ¹⁷ A yo pé tyí ne: «Yé pǝ nímǝ náh. Mé ki yé pi névyé tǝpúle Liyel tyí.» ¹⁸ Nénpǝ swǝ, pè núkú pé yěnkya tǝ tǝ mnǝ sah, té ò sǝ tǝ. ¹⁹ Wǎh tǝ kǝ yuku yahle kwéy, à kyi Sebede wěnpí we, Nsyaki ànê Nsyǝne. Pè sǝ me pé krótókè sǝkǝ, me yěnkya tǝ tǝ mnǝle n tǝ n sah. ²⁰ Ké nénpǝ swǝ, à pépi tǝ ye yah. Pè núkú yal pé sú ànê ò tǝnpibi tǝn krótókè sǝkǝ, té ò sǝ tǝ.

Yesu tǝnwenǝle sétàn yǝ

²¹ Képah náh, wǎh nóno ye, à yuku péle Kapernayim kwil sǝkǝ. *Mí mi yǝh sóle, à kyi de *Liyel ní-nsah wǝkǝ, à tyah névyele n kwǝ. ²² Nóno-á sǝ me ò weyne n nohi, pé gbǝn du ò névyé kwónó dùkùle. Tir yó náh, kè náh sǝ me núkùle ànê *Liyel ògbò wěkì kwópú tyíle. Nǝ kwǝ dùkù sǝ me yǝtǝrí kwónóle, képah ye.

²³ Ké légbíne, kè pǝ yíne, dí yó sǝ me Liyel ní-nsah wǝkǝ, *sétǝle ò sǝkǝ. A me yuku gbo mǝ ne, ²⁴ kwáh nê se à n yah n kǝ pépi tyí ni, Nasareti Yesu? A se pǝ pépi yíki-nsah ni? Páh pǝ ne, pi kě-á òne, òmǝ nê-á wil Liyel tyí. ²⁵ Képah tǝne, Yesu díri kǝ sétǝ mè yǝ, té yo ò tyí: «Á vyǎh vike, ò té n wil dí mè sǝkǝ!» ²⁶ Képah sǝkǝ, sétǝ dí mè yike kègbile, té de syi náhnáh, té wil ò sǝkǝ. ²⁷ Képah névyé gbǝn du. Pè tyah wěne n piki n yah ne, kwáh nê se sǝ ni? Kwónó késǝn yóle à n pi yǝtǝrí sǝkǝ. A fǝ n wèki sétàn tǝ yǝ, té sè n sah ò tyí yǝ. ²⁸ Kéne ní yǝ, Yesu yín gbílkínó tǝ mǝ Kalile kwlo pól sǝkǝ.

Yesu yámpú náhnáh de mǝ

²⁹ Pǎh yal *Liyel ní-nsah wǝkǝ, pè núkú yǝ sǝkǝ de Simo ànê Andrepi gbó. Nsyaki ànê Nsyǝ tǝ sǝ me péle. ³⁰ Té Simo déysé sǝ me sǝnóle wílvýáhnine. Nénpǝ swǝ, pè me kè yo Yesu syah. ³¹ Wǎh kè noh sǝ, à nǝ de pi mè tǝn, té

† 1:14 1.14 - Képah yah ki n yo n pi Marki 6.17 ànê 18 sǝkǝ.

̀n gbò tẽ à yilki sah. N wílvyáhnì nùkú tyε, à me yuku tyah pínne n pi pé tyí.

³² Gbíyí-á de, névye pé yámpúnɔ pól twah pɔ Yesu tyí, ànê *sétàn-á me dénóle nónó sɔkɔ. ³³ Kwil névye pól pɔ tuke mɔ kéne gbô yah sɔkɔ. ³⁴ A me yámpú duke duke náhnáh de mɔ, té sétàn náhnáh yíni wilki, sáh me de nónó sɔkɔ. Sè sò ònne n pne, ne dùkù nê-á ònne. Képah ye, à yahle ne, sè káh ne n wɛkɔ.

Yesu Kalile kwlo pól kɔ kɔ

³⁵ Séngbɔ púsó, tyah syí syí sɔkɔ, Yesu yuku wil wòkò. A yuku gběnni sɔkɔ, à kyí tyah Liyelle n ni. ³⁶ Képah sɔkɔ, Simopi yuku tyah ònne n yah n kɔ. ³⁷ Páh kyí à we, pè à syah ne, névye pól-á me ònne n yah n kɔ. ³⁸ A me yo pé tyí: «Á ye yuku gbòplo kwlo sɔkɔ. Mé yíne mé nìvìnì wey sán yo nénpó tɔ sɔkɔ. N pónó yò ye képahle.» ³⁹ Képah sɔkɔ, à kyí Kalile tàntàn pól sɔkɔ, me Liyel weyne n yo n kɔ pé *Liyel ní-ńtàn vì sɔkɔ, té me *sétanne n yíni n wilki névye sɔkɔ.

Yesu tótẽ yó de mɔ

⁴⁰ Só yóle, *tótẽ yó nɔ de Yesu tnô, à gbètukunɔ di ò yah, té à ni ne, wáh me ké tyí, wáh kɔ fě pé de mɔ. ⁴¹ Wáh yo sɛ, ò yám Yesu tẽ. A me ò gbò tɔ ò yò, à tũ ò tyí, té ne: «Mé me ké tyí, á kɔ de!» ⁴² Nénpó swɔ, *dú nùkú à fin mɔ, à me de. ⁴³ Képah sɔkɔ, Yesu nùkú à tekɔ mɔ, té kè gbah yo ò tyí ne, ⁴⁴ à noh yò, à káh kè yáh ne tyí dé! A kyí ò gblòyne *sárká wìlkìpu yòtẽ wɛkɔ. Nkɛ, *Moyisi-á sò *sárká nê tyí yo, tótám dénmonɔ tyí sɔkɔ, à mó képah wilki, nê-á kɔ no pól wɛkɔ n pi ne, wáh de. ⁴⁵ Nte, dí-á yal ò tnô, tir nê-á pi ò tyí, à kyí tyah kéle n yáh n kɔ no pól tyí. Káh pi sɛ, Yesu náh tɔ sò fě ò gblóy wɛkɔ n pi kwil yó ńtẽ sɔkɔ. A sò me gbɛ mɔ tẽ kwlole, kégbó sɔkɔ, té névye n wil tàntàn pól sɔkɔ, à n pɔ n pɔ ò tyí.

2

Yesu sèkùkù dí yó de mɔ

¹ Sèpìn yísyó sókóntenɔ náh, Yesu ò syí pɔ Kapernayim sɔkɔ. Névyè-á kè noh ne, wáh me gbô, ² tówú yó tuke pɔ tyah fyáh. Tẽ-nsah ńtẽ náh sò me kélé yah tɔ sɔkɔ. Képah sɔkɔ, à tyah ò weyne péle n kwɔ.

³ Légbíne, nósýó pɔ ò tyí sèkùkù yóle. Népi ònyêh sò me à twah. ⁴ Té névye tnónkàhnó tẽ tyí, pè náh sò fě nɔ n de n pi ò tnô. Pè dɔkɔ gběntin yò, kye ò mé-ńsah tírrle, té sèkùkù mè tiki mɔ kéne pwáhle ò sɛ sɛ kwáh yò ò yah sɔkɔ. ⁵ Wáh kè we, pè sɛ ò yò sɛ, à yo sèkùkù mè tyí ne: «Ní pídí, á tyípél ye yò mɔ ò kɔ.»

⁶ Képah tɛne, *Liyel ògbò wɛkɔ kwópú nónó-á sò me tɛnóle nénpó sɔkɔ, pè tyah n sò ne, ⁷ sò se pi, té dí mè n wɛkɔ sɛ ni? Liyel yín-á à n yikɔ. Ké névi se me kɔ fě tyípél yò mɔ névi kɔ, né Liyel náh ni? ⁸ Képah sɔkɔ, wáh nùkú pé fɔkɔ sònɔ we sɛ, à yo pé tyí ne: «Sò pi, té yé fɔkɔ sònɔle sɛ? ⁹ Nê tẽ dòdò kal, à yo sèkùkù mè tyí ne, ò tyípél-á yò mɔ à kɔ, képah náh pi, à yuku, ò sɛ sɛ kwáh tɔkɔ ne n kɔ? ¹⁰ Nte, yé pi ne, tɛnwɛnɔ-á me *Névi Pi tyí, kɔ fě tyípél yò mɔ névye kɔ, té à sah sétáh yò.» ¹¹ Képah ye, à yo sèkùkù mè tyí: «Mé kéle n yo á tyí, yuku, á sɛ sɛ kwáh tɔkɔ, ò ne n yuku á gbô.»

¹² Nénpó swɔ, dí núkú yuku ò sě sě kwâh tɔkɔ sɔkɔ no pól yí yah. Kè pé pól gbàñ du. Pè tyah Liyel yinne n gbilki, té me n yo ne, pé nâh sěnkɔ we yah.

Yesu Levi ye

¹³ Képah nâh, Yesu tɔ n syi yuku Kalile yó-̀ngbě gbòpɔ. Tówù pól sò me n pɔ n pɔ ò tyí, à péle n kwɔ. ¹⁴ Wâh pɔ n sɔkɔ, à Alfe pídí Levi we tẽnóle mórí syí-̀nsah wòkò. A me yo ò tyí ne, à yuku pé sò tě. Levi mó yuku ò sò tě.

¹⁵ Pâh kyi tyah yòkele n yò Levi tinnε gbí nêne, mórí syípú, ànê Liyel wěkì kó-̀nkěpú nâhnâh sò me n yò nne, ànê ò *tò sâhpúle. Kéne névyε dukù nâhnâh ye sò me ò sò tě, képah ye. ¹⁶ Képah sɔkɔ, *Liyel ògbò wěkì kwópú nónó-à sò *Farisiyěncɔle, pépi-à à we à me n yò ànê kéne névyε dukùle, pé yo ò tò sâhpú tyí ne, kù se pi, té à n yò mórí syípú, ànê Liyel wěkì kó-̀nkěpúle fí núkú ni? ¹⁷ Yesu-à kéne wey noh sě, à yo pé tyí: «Névyε nónó-à me lencɔle, sènpɔ yétò se me pé tyí? Yámpú tyí nâh sènpɔ yétòle di? Névyε nónó-à n sò ne, névyε tír tír-à péle, mé nâh pɔ pépi ye yinne. Nte, nónó-à pì ne, tyípél pípi-à péle, pépi yé-̀nsah ye mé pɔ.»

Yesu-à nê yo níki tẽnó tyí sɔkɔ

¹⁸ Só yóle, *Wèlnwìlkì-ò Nsyɔ tò sâhpú ànê *Farisiyěncɔ sò me níki tě. Névyε me kyi Yesu piki yah ne, kù se pi, té Nsyɔ tò sâhpú ànê Farisiyěncɔ tò sâhpú me níki tě, té òmɔ *tò sâhpú nâh me sěntěne n pi ni? ¹⁹ Wâh képah noh sě, à yo pé tyí: «Yépi tě sòncɔ sɔkɔ, fúr pí-ò-à nónó ye, pé se kɔ fě fúr yòke yahle, té kɔ fúr pí-ò sah pé niyó? Pε tě-à fyò me pé niyó, pé nâh fě yòke yahle n pi. ²⁰ Nte, gbí me n pi, pé kɔ pɔ pε mè wilki pé niyó. Ké lésòle, pé kɔ pyě níki tě.

²¹ Névi yó ntě nâh fě fwɔ sán tɔkɔ, à kɔ fwɔ dyàh min n pi. Wâh képah pi, fwɔ sán kɔ fwɔ dyàh kú-̀nsah téy yɔri yiki ntò, ké pwâh kɔ gbε mɔ. ²² Anê tɔ, névi nâh fě òwě sán mɔ n pi pley di sɔkɔ. Òwě sán-à fũ, kè kɔ pley nópi sekɔ. Òwě kɔ kwe, pley tɔ kɔ yiki. Képah ye, òwě sán ye yine mónóle pley snó sɔkɔ.»*

Yesu-à nê yo mi mi yòh tyí sɔkɔ

²³ *Mɔ mi yòh só yóle, Yesu ànê ò *tò sâhpú sò me n kɔ n kah sémuko swěy yísyó sɔkɔ. Képah sɔkɔ, ò tò sâhpú tyah sémuko ywòle n kòli n yuku wěkì yah. ²⁴ *Farisiyěncɔ-à képah we sě, pé tyah Yesule n piki n yah ne, à yah, kù se pi, té tir nê nâh yine pínóle mi mi yòh sóle, ò tò sâhpú kéle n pi ni? ²⁵ A me yo pé tyí: «Kwɛkɔ-à lésò *Davidi ànê ò nâh névyε kah tě só nêne, té yòke wé-̀nsah nâh me pé tyí, pâh nê pi, yé nâh kè kar yah di? ²⁶ A nâh sò de Liyel wòkò sɔkɔ di? Búrn nónó-à sò sâhnóle Liyel tyí yò, à nâh sè tɔkɔ tah, té ò náhtàn tɔ kò pé tah di? Ké légbine, Abyatar ye sò *sárcá wìlkipu yòtě ògběne. Té névi yó ntě nâh sò yine búrn nópi táhnóle, né sárcá wìlkipu yòtām nâh.»† ²⁷ Képah nâh, Yesu tɔ yo pé tyí: «Mɔ mi yòh

* 2:22 2.22 - Pè sò ni ànê wɔ wɔ yile n mɔ pilki sɔkɔ ògbòle. † 2:26 2.26 - Yah n te 1 Samuwel 21.2-7 sɔkɔ.

ye sah névi yinne, òte névi nàh mɔ mɔ mɔ yòh yinne. ²⁸ Képah ye, *Névi Pi pi mɔ mɔ yòh òtẽ yòtẽne.»

3

Yesu dí yó de mɔ mɔ yòh sóle

¹ Képah nàh, Yesu ò syi de *Liyel ní-nsah wòkò yó sɔkɔ. Ké nénpó sɔkɔ, dí yó sò me gbòle kúnóle. ² *Farisiyẽno mó tyah Yesule n yah, wàh kɪ rítýĩno à de mɔ n pi *mɔ mɔ yòh sóle, pè mó lékàh we à kɔ. ³ Képah sɔkɔ, Yesu me yo gbònkù dí mè tyí ne, à yuku n pɔ yĩn névyé nyó. ⁴ Té no piki yah: «Tir nê wěkì me kónóle mɔ mɔ yòh sóle: Pèpɔri se yĩne pínóle, tĩ pèkè se? A névi wilki kũ sɔkɔ, tĩ à tẽ ko mɔ?» Nte, pè nàh tir yó yo. ⁵ Képah sɔkɔ, wàh pè yah yah yésyêhle fòkòvyàhnì sɔkɔ, ò yah kwɔ pé kùkùtáhkì tẽ tyí. A me yo dí mè tyí: «Á gbò tɔ!» A me ò gbò tɔ, kè núkú pi ké vile. ⁶ Farisiyẽno-á képah we sɛ, pè yuku wil kéne Liyel ní-nsah wòkò sɔkɔ, à núkú kyɪ wě take mɔ ànê yòtẽ dí *Yerɔdi nàh névyele Yesu tyí sɔkɔ, pàh kɪ pi sɔ, té à we n ko n mɔ n pi.

Tówú ògbě yó pɔ Yesu tyí

⁷ Képah nàh, Yesu ànê ò *tò sáhpú yuku Kalile yó-ògbě gbòpɔ, té tówú ògbě yó sò me ò sò tẽ. Pé tókù n wil Kalile, tókù mó n wil Yude, ⁸ ànê Yerusalemɪ. Tókù n wil Yidume, tókù n wil Yurdě yónkahnune. Tókù mó n wil Tiri ànê Sidò gbòplo kwlo sɔkɔ. Kéne tówú ògbě ye kyɪ wil ò tyí. Pè sò ò tyípínó noh, képah yĩn ye. ⁹ Kàh pi sɛ, Yesu yo ò tò sáhpú tyí ne, pè krótókè yó tɔ sah pé kɔ, tówú kàh pɔ pé fyàh. ¹⁰ Wàh sò me névyé náhnáhle n de n mɔ, yámpú pól sò me n to n take ò yò ne, pé we tũ ò tyí. ¹¹ Té *sétàn-á sò me nónó sɔkɔ, pàh à we, pè pé gbètukunóle n di n pɔ ò yah, té n yo ò tyí dénsyinɔ sɔkɔ ne, Liyel pi-á òne. ¹² Képah sɔkɔ, à díri kò pé yò, té ne, pè kàh pé dùkùle n yo.

Yesu népì gbònimí yah wilki pi ò tò sáhpúle

¹³ Só yóle, Yesu dɔkɔ yòli yó yò, té wàh sò me nónó tyí, à pè ye. Pè pɔ ò tyí. ¹⁴ Sɛ ye sò, à yah wilki kène népì gbònimíne, à pi ò tònpiùle. Ne, pè ne n me pé tnò, pé ne n we n tɔ pé wey pèpey yo n kɔ yinne. ¹⁵ Té tẽnwenole pè kɔ nê-á kɪ fě *sétàn yĩni n wilki n pi. ¹⁶ Népì gbònimí nópi yĩni we yò: Simole, Yesu òmɔ yĩn sah Pyerle. ¹⁷ Nsyakɪ ànê ò gběndí Nsyõne, pépile, Sebede wěnpì ye sò. A pépi yĩn sah Gbanersyēsile, ké yò ye «nónó-á gběséntáhkì sɔ». ¹⁸ Andre tɔ sò me, ànê Filipe, ànê Bartelemi, ànê Matye, ànê Toma, ànê Nsyakɪ, nê-á Alfe pídíne. A tahlɪ Tade, ànê Simole, nê-á sò ò sú fò yò yòpu sɔkɔ yóle, ¹⁹ ànê tɔ Yisikaryɔti Yudasile, nê-á pɔ vi Yesu nàh.

Yesu gbòtàn pɔ ne, páh òne n tẽ n sɔkɔ

²⁰ Képah nàh, Yesu de gbò. Tówú tɔ take ò yò. Wró òtẽ nàh sò me òmɔ ànê ò *tò sáhpú tyí yòke yò yò tẽne. ²¹ N gbòtàn-á képah noh sɛ, pè yuku wěkì tẽ ne, páh kɪ kyɪ à tẽ, té n yo wě tyí ne, ò lékám-á fěkɪ, wàh kah mɔ.

Yesu ò tyí kàhnó yáhnkõpu yahle n yo

²² Légbíne, *Liyel ñgbò wěkì kwópú nónó-á wil Yerusalemı soko, pépi ne nkě, *sétàn yòtě Belsebul-á me Yesu soko. Nmọ tǎhkì-á à kǒ, à tě we *sétànne n yīni n wilki névye soko. ²³ Képah těne, à pé ye, té tyah n weki pé tyí sèmìrn soko: «Sǒ me sétàn yòtě kǐ fě ñ gblǒy yīni wilki névi soko? ²⁴ Yòtǒrí núkú névye-à tyah wěne n fwo, kéne yòtǒrí nǎh n mo n pi. ²⁵ Kéte nê névye-à tyah wěne n fwo, kéne kéte to nǎh n mo n pi. ²⁶ Sěntě ó ye, sétàn yòtě-à yuku, à ñ tǎhkì tǒkǐ, à tyah wěne n fwo, ñ yòtǒrí kǐ yǐkǐ, kè nǎh n mo n pi. ²⁷ Névi yó ntě nǎh fě de n pi kètēnpe tǎhkì wòkò, kǐ ñ gbǎn yí tǒkò, né à nǎh à tě pukubi. Wǎh à tě pukubi te gbí nēne, à kǐ pyě ñ wòkò yí kwel. ²⁸ Mé kéne n yo yé tyí kègbǐ yǒ: Névyé-á tyípèl nónó pólle n pi, ànê Liyel gbyónó pólle, sè kǐ fě yǒ mọ pè kǒ. ²⁹ Nte, névi nê-à *Liyel Mírki gbyo, kè nǎh n yǒ n mọ n pi ñ tyí pólle. A kǐ wǐ ké soko.» ³⁰ A képah yo sě pé tyí, pǎh sǒnpí yo ne, sétǒ-á me ñ soko.

Nónó me Yesu pi ñ yú ànê ñ yúpyéle

³¹ Képah nǎh, Yesu-á sò me nǎh, ñ yúpyé ànê ñ yú pọ yīni tě kéne gbô yah, té ne tekǐ mọ à kyǐ à ye. ³² Tówú sò me kǒ tě Yesu mọ gbí, té pè yo ñ tyí ne, à noh yò, ñ yú, ànê ñ yúpyé-á me kègbó. Pǎh me ké tyí ne, pé à we. ³³ A me yo pé tyí: «Nê me nímọ yúne, ànê nónó me ní yúpyéle?» ³⁴ Képah nǎh, névyé nónó-á sò me tě à mọ gbí, à yǒ pè yah kore vi, té yo: «Yé yah, nímọ yú, ànê ní yúpyé me ásò. ³⁵ Névi nê-á Liyel ñìvìle n pi, ñmọ ye nímọ yúpi, ànê ní yúne.»

4

Sèmuco mír-ò sèmirkìle

¹ Sǒ yóle, Yesu tǒ me tyah névyéle n kwọ Kalile yó-ñgbě gbòpọ soko. Tówú ñgbě yó pọ à mọ gbí. Pè tnónkàhnó tě tyí, à de kǒ tě krótókè yó soko. Krótókè mè sò me yo soko, té tówú pól me tēnóle yóngbalı. ² A sò me péle n kwọ tyi nǎhnǎhle sèmìrn soko, me n yo pé tyí ñ kwónó soko ne: ³ «Yé noh! Sǒ yóle, dí yó sò kyǐ ñ swǎh, sèmuco mír-ńsah. ⁴ Wǎh me mírno soko, yísyó syıkılı wěgbalı soko, kèpye pọ sè yo. ⁵ Yísyó me syıkılı yen kwéy tě-ńsah légbí yǒ, té fi súú. Yen gbǐ nǎh sò me nénpó, képah ye. ⁶ Gbǐ-á pọ vyǎh sè tě, sè kǒkò. Yǎhnì gbǐ nǎh sò me sé tyí, képah ye. ⁷ Yísyó me kyǐ syıkılı pǎn nıyó. Pǎn nópi me yuku fyǎh sé yǒ, sè nǎh tě we pye pi. ⁸ Nte, yísyó kyǐ syıkılı sétáh pèpey soko. Sépi me fi, à kyǎh palle. Túkù pyeno yǒgbǎm pi, túkù tikitónı pi, sé túkù mó lèkwě pi.» ⁹ Képah nǎh, à tǒ yo pé tyí: «Níkí-á kǐ me nê tyí noh noh těne, tě ñ níkí sah noh.»

Yesu sèmìrn yáhnó yóle

¹⁰ Yesu-á yal tówú tnô gbí nēne, nónó-á nkěne ne me ñne, pépi ànê ñ *tò sáhpú népı gbōnimı me ñne n piki n yah sèmirkı mè yóle. ¹¹ A mó yo pé tyí: «*Liyel tǒrí tyi nónó-á wǒbìnóle, sé pnènó ye yépi tě wọ kǒ, ñte kègbó névyé tyí, tyi pól n yo sèmìrn ó soko.

¹² Képah soko, pè kǐ n yah díkídíkí, té pè nǎh kwǎh yó we n pi. Pè kǐ n nohnı, té pè nǎh tir yó pı n pi.

Né képah nâh pi, pè nâhki pé pi òkù vi mɔ, à pé gblɔyɛ Liyel kɔ, té nâhki pé tyípêl yɔnmɔnɔ wɛ.»*

Yesu sɛmukɔ mîr-ò sɛmîrkî yɔ yo

¹³ Yesu tɔ yɔ sɔkɔ yo pé tyí: «Yé nâh sɛmîrkî mɛ yɔ pî di? Ntɛ, yé ki sɛmîrn tɛlɔ yɔ pî sɔ? ¹⁴ Sɛmukɔ mîr-òlɛ, Liyel wɛy ye à n mir. ¹⁵ Té névyɛ tókù mɛ, á ki nɛ wɛgbalɔ sɔ, wɛy-á mir mɔ nýâh sɔkɔ: Pépi-à wɛy mɛ noh, nénpó swɔ, *sɛtân yòtɛ n pɔ wɛy mɛ wilki pé fɔkɔ. ¹⁶ Tókù tɔ mɛ légbí tɛ-nsah sɔ. Pâh wɛy mɛ noh, pè kè fɛ n syi nìvìnìnɛ. ¹⁷ Té pè nâh n ye wɛy mɛ yâhnìnɛ n mɔ pé sɔkɔ. Nénpó swɔ névyɛ ye pélɛ. Képah ye, kwlónó-à pè yîni tɛ, képah nâh pi, névi-à pè fòh Liyel wɛy yînnɛ, pè pé nâh vi súú Liyel wɛy kɔ. ¹⁸ Tókù mó tɔ mɛ, á ki nɛ pân tɛ-nsah sɔ. Pâh wɛy mɛ noh, ¹⁹ kèkɔyɔ tyi fɔkɔ sɔnɔ, ànê tahrɔ ànê tyi nâhnâh dékè n de pé sɔkɔ. Sépi n pɔ wɛy mɛ fyâh, kè nâh n tɛ n wɛ pyɛlɛ n pi. ²⁰ Névyɛ tókù mó mɛ, á ki nɛ sɛtâh pɛpɛy sɔ: Pépi-à wɛy mɛ noh, pè kè fɛ n syi, n té pye pi. Tókù pyenɔ yɔgbâm pi, tókù tikitóni pi, tókù n mó lèkwɛ pi.»

Fòtnò ànê sâh sâh dú sɛmîrkîlɛ

²¹ Képah nâh, à tɔ yo pé tyí: «Névi se ki fɛ fòtnò soh, té ki dú kwînkɔ mɔ ké yah, képah nâh pi, ki kè dah mɔ sɛ sɛ kwâh sètâhkî sò? A nâh kè òkɔ n mɔ n pi ké sâh-nsah di? ²² Tir yó ntɛ nâh mɛ wɔbìnólɛ, nê nâh n wilki n mɔ n pi kégbó. Sèfîn sò tir yó ntɛ nâh n wú n pi wɛkí-nkɛnɛ. ²³ Níkí-à mɛ nê tyí noh noh tɛnɛ, tɛ n níkí sah noh!»

²⁴ Té tɔ n syi yo pé tyí: «Yâh tyi nónónɛ n nohnɔ, yé sélɛ n kyomɔ palle. Yâh no tɛlɔ tyílɛ n sâh dú nêne, Liyel ki yépi tɔ tyí sâh n pi kéne dú núkúle, té dòhnínó ntɛ ki wɛ yépi tyí yɔ. ²⁵ Kwâh-á mɛ névi nê tyí, dòhnínó ki pi n tyí yɔ ntɔ. Té, névi nê tyí kwâh nâh mɛ, kwéy nê-á mɛ tɛ tyí, képah tɔ ki tɛ syi n tyí.»

Sɛmîrkî nê-á yâh sɛmukɔ fínó tyí yɔ

²⁶ Képah nâh, à tɔ yo pé tyí: «Yé yah, kwâh nê-á *Liyel tɔrí kètòlɛ: Kè mɛ, á ki nɛ dí yó sɔ nê-á sɛmukɔ mir n swâh sɔkɔ. ²⁷ A mɛ n ò, à mɛ n yah ò, lékâh ànê ké gbîntɔ, sɛmukɔ n nɛ mɛ fi, n nɛ n kyâh, à nâh ké òkùlɛ n pnɛ. ²⁸ Sɛtâh ye sɛmukɔ mɛ kɔ kè fi ké gblɔy. Sè kètuke wil à pɔ dubi pi ywɔlɛ, à yí pi. ²⁹ Sâh fyò ko tɛ, sɛmukɔ tɔkɔ gbí-á nɔ, à yɛnkwɛkî tɔkɔ kyɔ tyah sélɛ n kɔ.»

Mútárdi pi sɛmîrkîlɛ

³⁰ A tɔ yo pé tyí: «Á ki fɛ kwâh nê tɔkɔ ki *Liyel tɔrí òkù wɛkɔ? Képah nâh pi, sɛmîrkî nê mɛ mé ki yâh ki yîne kéle?»

³¹ Kè mɛ, á ki nɛ mútárdi pi sɔ tyí. Kè yilɔ kal sɛmukɔ duke pólle. ³² Té, pâh kè duku, kè n yuku n pɔ n pi yòhkî ògbɛnɛ n kal sɛmukɔ duke pólle swâh sɔkɔ. Ntɛ, yìngbân gbekɔ ò, kèpye ki fɛ pɔ syè pi ké sɔkɔ.»

³³ Sɛ ye Yesu n kwɔ névyɛlɛ sɛmîrkî mɛ duke nâhnâh sɔkɔ. A sò mɛ sélɛ n yâh n yîne sé nòhnìpu pî pî tɛnɛ. ³⁴ A nâh sò n yâh pé tyí sɛmîrn mí-nkɛnɛ. Té, pâh mɛ pé yahle, òmɔ ànê n *tò sâhpúlɛ, á sé pól yah yo n dal n mɔ pé tyí.

Yesu yâhpékè yó yîn mɔ yó-ògbɛ sɔkɔ

* 4:12 4.12 - Yah n tɛ Yesayi 6.9 ànê 10 sɔkɔ.

³⁵ Ké lésõ nívĩne, Yesu yo ò *tò sáhpú tyí ne, pè ye, pé yuku yó-̀ngbẽ kahnĩne. ³⁶ Képah sɔkɔ, pè me yal tówú tnô. Wăh sò me krótókè nê, ò tò sáhpú sɔkɔ òne képah sɔkɔ. Té krótónenó yísyó to sò me òne. ³⁷ Dõ, yáhpékè yó kô, à nine n tɔkɔ n mɔ krótókè sɔkɔ pópó, kè pɔ n tyah yúkúnóle nine. ³⁸ Té légbĩne, Yesu sò me sê tẽ n dɔ krótókè sɔkɔ náh tĩne, té me ò yõ sah yõsah yõ. Képah sɔkɔ, ò tò sáhpú kyɪ à yilki mɔ, té yo ò tyí ne, kwó-ò dí, yo-á n tyah pé yónóle, kè kó me tirlè òmɔ tyí ni? ³⁹ Wăh dɔ yuku, à díri kô yáhkí yõ, té yo yo tyí: «Yĩn! Tẽ syísyí!» Yáhkí núkú yĩn, tyah pi súmm. ⁴⁰ A me yo pé tyí: «Kú pi, té tíkí yé tẽ sê? Yé náh tɔnì sê ní yõ di?» ⁴¹ Képah tẽne, tíkí me pè kah tẽ. Pè tyah wẽne n piki n yah ne, ne dùkú nê se dí mène, té yáhkí ànê yo to n sah ò tyí yõ ni?

5

Yesu sétàn yĩni wilki dí yó sɔkɔ

¹ Képah náh, pè kyɪ yĩni tẽ Kalile yó-̀ngbẽ kahnĩne, Yerasa tãn sétáh yõ. ² Yesu-á fyò n tiki krótókè sɔkɔ, nénpó swɔ, dí yó wil léyâl wró, à pɔ à yohni. *Sétõ sò me kéne dí sɔkɔ. ³ A sò me tẽnóle léyâl wró. Névi náh sò fẽ à pukubi n sah n pi kěy fyéle pólle. ⁴ Kèyáhlè, pè nkẽne kárn mɔ ò gbyêh tyí, ò té kěló mɔ ò gbân tyí, té à kárn kwɔki, ò té kěló kôli. Kăh pi sê, ké tãhkì náh sò me ònî yó ntẽ sɔkɔ, kɪ fẽ à tẽ sah. ⁵ Ké lékâh, ké gbĩntõ, à sò nkẽne n ne n kɔ n kô léyâl wró ànê ymɔ sɔkɔ, n ne n de n syi, ò gblõyne n pi n yo n kô dyêhle.

⁶ Té, wăh Yesu we fíi sɔkɔ, à to pɔ gbètukunɔ di ò yah. ⁷ Té de syi yĩnpõ òngbẽne ne, Yesu, pé yõtah Liyel pi, kwáh nê se à n yah n kô pé tyí ni? Páh òne n ni Liyel yĩn yõ, à káh pé fõh. ⁸ Yesu sò me n yo sétõ mè tyí ne, à wil dí mè sɔkɔ, képah ye. ⁹ Té me à piki yah ne, ò yĩn se sõ? A me ne, pé yĩn-á Méfwóbé Kwĩnkile. Páh me dò, képah-á. ¹⁰ Té me à gbah ni ne, à káh pé yĩni wilki kwil mè sɔkɔ.

¹¹ Ké nénpó sɔkɔ, sel kwĩnki yísyó sò me n yah n yõ n kô yõli yõ. ¹² Sétàn nópi Yesu ni ne, páh kɪ wil dí mè sɔkɔ, à ye pé kô, pé de sel nópi sɔkɔ. ¹³ A me ké wěkile sè kô. Légbĩne, sè me wil dí mè sɔkɔ, té kyɪ de sel nópi sɔkɔ. Sel kwĩnki ye sò séle, sè kɪ fẽ nɔ sel kèyõ kénkõle, té me téyõ. Sè núkú to tiki tükütükù, à kyɪ de yó-̀ngbẽ sɔkɔ, kè kô kè sè yõ.

¹⁴ Kăh pi sê, sel nópi fẽpu to sɔkɔ kwil niyó, ànê gbɔɔ sɔkɔ, à kyɪ ké dùkú yo kô no tyí. Képah tẽne, névyè pɔ ké nénpó, à pɔ ké dùkú yah, sõ-á kè pi. ¹⁵ Pè kyɪ Yesu tnô, té kyɪ dí mè we, nê-á sò sétàn kwĩnkile déntẽnóle ò sɔkɔ. A sò me flo mɔ kô tẽ, té me tírr névyè tyí kòle. Kăh pi sê, tíkí pè tẽ. ¹⁶ Tir nê-á pi sétàn nédéné sɔkɔ ànê sel tyí, sé wépú tyah séle n yãh pé tyí. ¹⁷ Képah sɔkɔ, kwil tãn tyah Yesule n ni ne, à yal pé kwil sɔkɔ.

¹⁸ Kăh pi sê, Yesu-á n dɔkɔ krótókè sɔkɔ gbí nêne, sétàn-á wil dí nê sɔkɔ, à tyah òne n ni ne, à ye pé kô pé ò sò tẽ. ¹⁹ Nte, à náh ké wěkile à kô, té me yo ò tyí: «Á syi n kyɪ gbô! Tẽ-̀ngbẽ-á ò nìgbèkì sɔkɔ pèpɔri òngbẽ nê pi á tyí, ò kyɪ ké yah yo pé tyí!» ²⁰ Dí mó ntyĩnɔ ò syi kyɪ kéle n yo n kô

Kwlogbãm kwil sétáh yõ, tir nê-á Yesu pɪ n̄ tyí. Nónó pól-á kéle n nohnɪ n̄ tyí, pé gb̃an du.

Yayirusi písê yìlkínmɔɔ, ànê pi nê-á tũ Yesu fwòmɔɔn tyí

²¹ Képah sɔkɔ, Yesu-á yīni tē yó-̀ngbē kahnɛ krótókè sɔkɔ, à sò me yóngbalɪ sɔkɔ, té tówú ngbē yó pɔ à mɔ gbĩ. ²² Légbíne, *Liyel ní-̀nsah wòkò yòtē yó yīni tē nénpó, nê yīn-á Yayirusile. Wǎh Yesu wɛ, à gbètukuno di n̄ yah, ²³ té à gbah ni nɛ, pé písê lépír-á me n tyah kúnóle. Páh ònɛ n ni, à pɔ kyɪ n̄ gb̃an sah n̄ yõ. Képah-à pɪ, wǎh kɪ dɛ, té kɪ min wɛ. ²⁴ Képah sɔkɔ, Yesu me yuku ònɛ. Té tówú ngbē sò me n̄ sò tē, me à fyǎh sah ywõ ywõ pólle.

²⁵ Nénpó sɔkɔ, sê yó sò me náhle n yo tyé-̀nkēne ye gbõninó. ²⁶ A sò kah kwlɔ kègbule n̄ gblɔy mónó sɔkɔ sènpɪbɪ náhnáh tyí. N gb̃an yī pól sò tyɛ, té kè náh kwáh wilki n̄ yam sɔkɔ. Kè pyē me gbɛ óle n gbɛ mɔ. ²⁷ Pi mè-á Yesu tyí noh nýǎh sɔkɔ, à de tówú niyó n̄ náh t̃inne, à kyɪ tũ n̄ fwòmɔɔn tyí. ²⁸ A sò me n sò n̄ fɔkɔ sɔkɔ nɛ, páh náhkɪ wɛ tũ n̄ fwòmɔɔn ó tyí, pé nýân-á náhkɪ tyɛ. ²⁹ Wǎh mó núkú tũ n̄ fwòmɔɔn tyí, nénpó swɔ, n̄ náh yónó tyɛ. A kè kyɔmɪ wɛ n̄ wil sɔkɔ nɛ, páh dɛ. ³⁰ Nénpó swɔ, Yesu pĩ nɛ, tǎhkɪ yó-á wil pé sɔkɔ. A me n̄ yah vi tówú niyó, té piki yah nɛ, nê se tũ pé fwòmɔɔn tyí nɪ? ³¹ N̄ *tò sǎhpú me yo n̄ tyí nɛ, à kó me n yah tówú à mɔ gbĩ, me à fyǎh sah ywõ ywõ pólle, té à t̃ɔ me n piki n yah nɛ, nê se tũ pé tyí nɪ? ³² Ntɛ, Yesu me vi n̄ gbòplɔ névyɛ yah. A sò me ké tyí nɛ, pé ké pí-ò wɛ. ³³ Képah t̃ɛnɛ, pi mè wil n syah tíkí tyí. N̄mɔ sò pĩ tir nê-á pɪ n̄ sɔkɔ. A yuku kyɪ gbètukuno di Yesu yah, té ké gbɪ yo dal mɔ à syah. ³⁴ A mó yo pi mè tyí: «N̄ písê, n̄mɔ yõ s̃énó ye n̄ dɛ mɔ. Nɛ n̄ yuku yèvɪnɪ sɔkɔ, á nýân tyɛ.»

³⁵ Wǎh me képah yónó sɔkɔ s̃ɛ, t̃ɛntò yó wil Liyel ní-̀nsah wòkò yòtē dí gbô, me pɔ n yo kéne dí tyí nɛ, n̄ písê-á ku. Nkē, yõ se t̃ɔ me ké tyí, à t̃ɔ kwó-ò díne n kwlɔ nɪ? ³⁶ Té Yesu náh n̄ níkí sah képah t̃ɛ noh pé tyí, té me yo Yayirusi tyí: «Káh tíkí pɪ, s̃ɛ ó s̃ɛ n̄ yõ!» ³⁷ Képah t̃ɛnɛ, pǎh n sɔkɔ, à náh f̃ɛ syi nɛ n̄ sò tē, à wil Pyɛrɪ ànê Nsyakɪ ànê n̄ gb̃ɛndí Nsyõ tyí sɔkɔ. ³⁸ Pǎh kyɪ de Liyel ní-̀nsah wòkò yòtē dí gbô, Yesu kyɪ névyɛ wɛ, pé me n gbo n mir n k̃ɔ, me n de n syi. ³⁹ A me de wòkò, té yo pé tyí: «Kú pɪ, té yé n gbo n mir n k̃ɔ s̃ɛ? Piri náh ku. Dónó ó ye à n dɔ.» ⁴⁰ Névyɛ-á képah noh, pé tyah kóle ònɛ n ko. Képah sɔkɔ, à pé pól wilki wòkò sɔkɔ. Té piri sú, ànê n̄ yú, ànê n̄ tò sǎhpú népĩ t̃ómí ó de ònɛ piri mé-̀nsah wòkò. ⁴¹ A me piri gbò t̃ɛ, té yo n̄ tyí pé kwil wɛy sɔkɔ: «Talita kumi!», nê-á pè n ye: «Pípír, mé kéle n yo á tyí, yuku!» ⁴² Ké nénpó swɔ, piri yuku tyah n ko. Kǎh pɪ s̃ɛ, kè névyɛ pól gb̃an kah du. Légbíne, n̄ ye gbõninó ye sò. ⁴³ Té Yesu me ké gbah yo pé tyí nɛ, pé káh ye névyɛ pĩ ké sɔkɔ, nkē, pè mó yòkelɛ à k̃ɔ à yõ.

6

Nasarɛti kwil névyɛ náh s̃ɛ Yesu yõ

¹ Yesu-á yal ké nénpó, à kyɪ ànê n̄ *tò sǎhpúle, wǎh sò kyǎh kwil nê sɔkɔ. ² *Mɪ mɪ yòh só-á nɔ, à kyɪ de *Liyel ní-̀nsah wòkò, à tyah névyɛle n kwɔ. Nónó-á sò me n nohnɪ n̄ tyí, pé náhnáh gb̃an du. Pè tyah n yo w̃ɛ tyí

ne, ñyãh se à we kéle, nê se à kô kéne lékám ànê tẽnwenole, à fẽ gbìl m̀e dùkùle n pi nı? ³ Nkẽ, ñm̀o kó sésân sé-ò m̀ene, Mari píđine nı? N yúpyé kó Nsyakı, ànê Yose, ànê Yude, ànê Simole nı? Ñm̀o dósyo kó pé pól wró soko ásô nı? Képah sônɔ ye pé kô, pé náh sê ñ yô. ⁴ Képah soko, à me yo pé tyí: «*Liyel tẽntò syıno-ò me gbilkínole névyé pól tyí, à wil ñ súfó, ànê ñ no, ànê ñ kėtetãn tyí soko. Pépi ye ñne n yilo.» ⁵ Képah ye Yesu kô, à náh fẽ gbìl yó ñtẽ pi pé tyí, né yámpú yısyó ó yô náh. A ñ gbò sah pé yô pé kô pé de. ⁶ Té, ñ kwil névyé-á yahle sẽnole ñ yô sê, kè ñ gbãn du.

Yesu ñ tò sáhpú népı gbõnimı tã

Képah náh, à yuku gbòplo kwlo soko, à kyı névyele n kwɔ n kô. ⁷ Képah soko, à ñ *tò sáhpú népı gbõnimı ye, té tyah péle n tò nímı nímıne. Té tẽnwenole pé kô *sétãn yô. ⁸ Té me kè gbah yo pé tyí ne, pãh n soko pé kóló soko, pé káh kwãh yó ñtẽ tãkɔ, à wil pé kɔ kɔ lépló tyí soko. Pé káh yôke tãkɔ, pé káh pilki tãkɔ, pé káh pó tãkɔ dah m̀o pé yô. ⁹ Pé lékyêh wo dyı, té pé káh fwòmɔlɔnɔ nínó nínó m̀o. ¹⁰ Té tã yo pé tyí: «Yãh kyı kwil yó soko, té twah nê tyí, yé tẽ nénpó, kè pɔ nɔ yé yálnó tyí. ¹¹ Kwil nê névyé-á kyı yahle ne, yé káh twah pé tyí, té yahle yé wey nóhnóle, yãh n wil kéne kwil soko, yé yé gbyêh nengbõ kwer n kwɛ nénpó. Képah kı pi gbáhyãh dınsãhnóle pé tyí.» ¹² Képah soko, ñ tò sáhpú me soko, à kyı tyah n yo n kô no tyí ne, pé pé nno vi m̀o. ¹³ Pé sò me sétãn náhnãhle n yĩni n wilki névyé soko, té me yámpú náhnãhle n de n m̀o, pãh nıru tuke te tẽ tyí.

Wèlnwilkı-ò Nsyõ ku dùkùle

¹⁴ Légbıne, yõtẽ dí *Yerodi sò me Yesu tyıpınóle n nohnı, tir yó náh, ñ yĩn sò me n gbilki ywõ ywõ pól soko. Túkù ne ñkẽ, *Wèlnwilkı-ò Nsyõ-á ñne, wãh ñ syı wil lékyı wró, à pɔ. Képah-á à kô, à tẽ we gbılınóle n pi. ¹⁵ Té, túkù mó ne, *Yeli-á. Túkù tã ne, *Liyel tẽntò syıno-ò yó-á, ñgbò Liyel tẽntò syıno-ò sò. ¹⁶ Yerodi-á sépi pól yónó noh sê, à ne, Nsyõ-á, pãh sò pé kô pé ñ yô kãm, té wãh ñ syı yuku gbáh!

¹⁷ Kègbı yô, Yerodi sò pé kô ne, pé Nsyõ tẽ pukubi dah m̀o wòkònpèkè soko. Yerodyadi yĩn ye à kô, à képah pi. Yerodi sò pi m̀e tãkɔ kyıle. Té ñ gbẽndı Filipe kyı ye lésò ñne. ¹⁸ Nte, Nsyõ ye sò ké gbıle n yo Yerodi tyí ne, à náh yĩne à ñ gbẽndı kyı tãkɔ. ¹⁹ Kãh pi sê, Yerodyadi sò me Nsyõ dyole n yo, me ñ kònmo-ńsahle n yah n kô. Nte, à náh me ké syõ-ńsah we. ²⁰ Yerodi sò me Nsyõ yõle n syıki, képah ye. A sò me ñ tíkile n pi. A pı ne, wãh me tírr pi kéne Liyel yah. Wãh sò ñ welole n nohnı, ké ñ fãkɔ fẽkı. Té, ñ welo tyí sò kah nɔ ñ tyí.

²¹ Képah soko, Yerodyadi pɔ syõ-ńsah yó we, Yerodi dúbınó yòh vınpɔno syáh syah sóle. A sò ñ tõrı soko né-ñgbnɔ ye, ànê ñ méfwóbé yõtãmne, à tahlı Kalile yõtãm pól tyí, té yôke ñgbẽ pi pé tyí. ²² Képah soko, Yerodyadi písé de kyı yô yi pé mé-ńsah wòkò. Kãh pi sê, ñ tyí nɔ Yerodi ànê ñ náh névyé tyí. A me yo pípir tyí ne, wãh kı me kwáhdúkú nê tyí, à kè yo, pãh kı kéle à kô. ²³ Té ñ wo ñ tyí ne, wãh kı kwáhdúkú nê tyí yo, pãh kı kéle à kô, kãh kı sò pi pé yõtõrı tónıne. ²⁴ Wãh yo sê, pípir me wil kyı ñ yú piki yah ne, pé se yĩne pé kwãh nê tyí yo nı? N yú mó núkú à syah ne, à kyı yo ñ tyí ne, à Wèlnwilkı-ò Nsyõ yõle pé kô.

²⁵ Képah tēne, pípír núkú ò syi súú, à pɔ yo yòtē dí tyí ne, à pɔ pé kɔ Welnwĩkĩ-ò Nsyɔ̃ yòle yěvíkĩ sɔkɔ núkúnúkú yò. ²⁶ Wǎh yo sě, kè pɪ yèkwɔrɪle yòtē dí Yerɔdi tyí kègbule. Té, à náh sò me ké tyí ne, pé pé vyāh vi pé wónó yīnne pé náh névye yí yah. ²⁷ Nénpó swɔ, yòtē dí núkú ò tyah syíkípú sɔkɔ ne yó tekɪ mɔ ne, à kyɪ Nsyɔ̃ yò kām pɔ. Kéne dí mó kyɪ Nsyɔ̃ yò kām wòkònpèkè sɔkɔ, ²⁸ té pɔ kéle pípír kɔ yěvíkĩ sɔkɔ. A mó kyɪ kéle ò yú kɔ. ²⁹ Nsyɔ̃ *tò sáhpú-á képah noh sě, pé pɔ ò lékó tɔkɔ, à kyɪ yí léyěkĩ sɔkɔ.

Yesu népĩ kèyò nínó kyegbām kɔ yòkele

³⁰ Képah náh, Yesu tònɔɔbɪ pé syi pɔ ò tnô, à pɔ pé tyípínì ànê pé névye kwɔ òkú pól yo à wěkɪ. ³¹ Té légbíne, pópú ànê sókópú sò me dò. Yòke yò yò wró ntē náh sò me Yesu ànê ò *tò sáhpú tyí. Kǎh pɪ sě, à yo pé tyí ne: «Yé pɔ, á yuku gbòpɔle, yé kyɪ mɪ yah kwéy.» ³² Pé me de pé yahle krótókè yó sɔkɔ, à gbe mɔ névyele. ³³ Té névye náhnáh-á pé we sókó-ńsah, pé n gbe n mɔ sě, pé me pĩ, fí nê-á pé n yuku. Pé núkú wil ywɔ ywɔ pól sɔkɔ tólóle gbáhkĩ yò, à Yesupi dyàh tē kyɪ de nénpó. ³⁴ Yesu-á wil krótókè sɔkɔ, té tówú ògbě mè we sě, pé yām à tē. Tir yó náh, pé sò me, á kɪ ne yípě sɔ, fě-ò kēne sé tyí. Képah sɔkɔ, à tyah péle ò kwɔ tyi náhnáhle.

³⁵ Nví-á pɔ nɔ, ò tò sáhpú nɔ de ò tnô, té yo ò tyí ne, nví-á syi pɔ nɔ, té tyah mè-á gbènmɔnɔle. ³⁶ Wǎh náh ké wěkɪle névye kɔ, pé kyɪ yòke yah dwe gbòplo gbno ànê kwlo sɔkɔ. ³⁷ A me yo pé tyí ne, pépi yòkele pé kɔ, pé yò. Pé me à piki yah ne, à se ne, pépi yòke dwe pé kɔ pól lègbāmne nɪ? ³⁸ A me pé piki yah ne, búrn pló sɔ se me pé tyí nɪ? Nkē, pé kyɪ yah te. Pǎh kyɪ piki yah, pé pɔ yo ò tyí ne, búrn pló kwló-á me pé tyí, ànê yěnkɔ pló nínóle. ³⁹ Képah tēne, Yesu ne, pé névye pól kɔ pé kɔ tē fɪn fɪnne filkĩ yò. ⁴⁰ Névyé mó kɔ tē fɪn fɪnne, lèkwěkwé ànê tíkíníní pó gbām gbāmne. ⁴¹ Pǎh kɔ tē te, Yesu búrn pló kwló ànê yěnkɔ pló nínó nópí tɔkɔ, à ò yah yò yinyò, té wɛkɪ Liyel tyí, té búrn kwɔkɪ pé kɔ ne, pé dibi névye kɔ. Té yěnkɔ nópí tɔ dibi névye pól kɔ. ⁴² Képah tēne, pé pól yò tɔ, ⁴³ té pé tɔ pé búrn ànê yěnkɔ yónkwɔnɔ téló tuke mɔ gbétóló yí gbōninóle. ⁴⁴ Té nónó-á sò yòke mè yò, pé sò me díbí népĩ kèyò nínó kyegbāmne.

Yesu kɔ yó-ògbě yò

⁴⁵ Nénpó swɔ, Yesu ò *tò sáhpú kyí mɔ, pé de krótókè sɔkɔ ne, pé yuku pé yahle yó-ògbě kahnɪne, Besayida kwil sɔkɔ. Péwɔ mó tówú fin mɔ. ⁴⁶ Wǎh pé fin mɔ te, à yuku yòh yó yò, à kyɪ Liyelle n ni. ⁴⁷ Lékâh-á mɔ, krótókè sò me yo niyó, té òmɔ ó me kènkwǎh yò. ⁴⁸ Dò, à ò tò sáhpú we, yáhkĩ me péle n yohnɪ, pé me n kwlo krótókè vyónmɔnto-ńsah. Tyah dal gbíne, à tyah n kɔ n yuku pé tírrle yo yòtah, à n yuku pé kál-ńsah. ⁴⁹ Pǎh à we, à n kɔ sě yo yòtah, pé we ne, lékó mírkí yó-á, té tyah n de n syi. ⁵⁰ Pé pól-á à we sě, pé sām yɔkɔ. Nte, nénpó swɔ, à yo mɔ pé tyí ne: «Yé yé nɪ syāh, ńmɔ ye. Yé káh tíkí pɪ.» ⁵¹ Té de krótókè sɔkɔ pé tnô, yáhkĩ mó yīn. Kè pɪ gbèndùnɪne náhnáh pé tyí. ⁵² Wǎh búrn pɪ dò gbɪl nê sɔkɔ, pé náh sò ké òkú pĩ, képah ye. Pé lékám sò kah tekɪ ké pínóle.

Yesu yámpú dénmɔnɔle Yenesareti sétáh yò

⁵³ Pãh yó-̀ngbẽ kah, pè yĩni tẽ Yenesareti sétáh yõ, té pé krótókè yĩn mo yo vyãh tyí. ⁵⁴ Pãh fyò n tiki krótókè sòkò, névyè núkú Yesu yah pĩ. ⁵⁵ Pàh noh ne, wãh me nyãh sòkò, pè n tyah pé yámpúle n twah pé sã sã yĩ sòkò ywõ ywõ pólle, ne n pò n pò ò tyí. ⁵⁶ Yesu-à de nyãh òkù nê sòkò, kwil ògbno ànê kwilpyé ànê gbno, névyè pé yámpúnòle n twah n pò ò tyí pé tówú tükè-̀ntàn sòkò. Pè n pò n tyah òne n fal ne, à ye pé kò, pé we tũ ò fwòmòn vyãh ó tyí. Nónó pól-à fyò we tũ ò fwòmòn vyãh tyí, pè n mó n de.

7

Farisiyẽno ògbò wãl kólóle

¹ Só yóle, *Farisiyẽno ànê *Liyel ògbò wẽkì kwópú tükù wil Yerusalem, à tuke mo pò Yesu tnô. ² Pè pò kè kyòm we ne, ò *tò sãhpú tükù-à me n yõ gbẽnsille. Pè nãh me pé gbãne n kãm n wu pé ògbòtãn tyí kòle. ³ Té, Farisiyẽno ànê *Nsyifuno téló pól sò ògbòtãn wẽkì mè sàhnóle n kò. Pè nãh sò yòkele n yõ, né pè nãh pé gbã kãm wu palle. ⁴ Pàh wil pò yòh sòkò, pè nãh yòkele n yõ pé kãnwèl-̀nkẽne. Pè sò pé ògbòtãn pì òkùnó nãhnãh yisyó to tẽ yĩ kègbile, sò-à wòhno, ànê pni, ànê kèsên [ànê sã sã yinò] wúnó òkù pèpeyne. ⁵ Kèpah ye, Farisiyẽno ànê Liyel ògbò wẽkì kwópú me Yesu piki yah ne, kù se pì, té ò tò sãhpú nãh me ògbòtãn tyi sàhnóle n pì, té n yõ pé gbã kãnwu-̀nkẽne ni? ⁶ Kèpah sòkò, à me yo pé tyí: «Gbì lésò me *Yesayi tyí, wãh Liyel wey nê yo yépi vyẽy nini wékípú tyí sòkò. Sã ye sò à wãrkì sah kéle:

«Kéne névyè, pè òne n gbilki vyãh ó sòkò,
té pé ni me fíí òne.

⁷ Nírì nê-à pè n ne n pì òmò tyí, ònò ye kéle.

Tir yó nãh, kwónó nê-à pè n ne n kò,
névyè sàhnó ye kéle, òmò tyí nãh.»*

⁸ Yesu tã yõ sòkò yo pé tyí: «Yépi Liyel tyi kònsàhnóle n milki, ò té névyè tyí sàhnóle n pì. ⁹ Yè n gbah n tẽ Liyel tyi kònsàhnó yahle, ò té yé ògbò wãlle n kò! ¹⁰ Sò-à sò *Moyisi yo ne, névi-à yĩne à ò sú ànê ò yũne n gbilki. Kèpah nãh pì, névi nê-à ò sú ànê ò yú yilo, tẽ-à yĩne kònmònòle. ¹¹ Nte, yépi névyèle n kwò ne, névi-à yo ò sú tyí, kèpah nãh pì, ò yú tyí ne, pãh sò ne, pé kwãh nêne à kò, pãh kéle Liyel kò te. ¹² Yè ké gbì syi tẽ kò ne, à nãh tã yĩne à tir yó pì ò sú tyí, kèpah nãh pì ò yú tyí. ¹³ Kéne pì òkù sòkò ye, yè Liyel wey pì ònò tirlè yé ògbò wãl kwónó sòkò. Anê yè n tã sènkno nãhnãhle n pì.»

Tyi nóno-à névile n silki Liyel yah

¹⁴ Kèpah nãh, Yesu ò syi tówú ye tuke, té yo pé tyí: «Yé pólle, yé noh ò tyí, yé mó pĩ ne, ¹⁵ kwãh yó ntẽ nãh n wil kégbó, à n de névi sòkò, té kù fẽ tẽ silki. Té, tyi nóno-à n wil névi sòkò, sépi-à n silki òne. [¹⁶ Níkì-à me nê tyí noh noh tẽne, tẽ ò níki sah noh!]

¹⁷ Yesu-à yal tówú tnô, té kyì de gbò gbí nêne, ò *tò sãhpú òne n piki n yah sèmirkì mè yõle. ¹⁸ A me pè syah ne, lékãm kè névyè se pépi tòle ni? Pè kó pĩ ne, névi-à kwãh nêne n dah n mo ò vyãh, kèpah nãh fẽ tẽ silki n

* 7:7 7.6 ànê 7 - Yah n te Yesayi 29.13 sòkò.

pi ni? ¹⁹ Kè nàh n de n ni sòkò. Kǎh níkěne n de n kèkùrkì sòkò, à kǒ à n kyi n wilki n kwε, wàh de filkì. Kéne wey sòkò ye à yo pé tyí ne, yǒkeno pól-á kɪ fě yǒ. ²⁰ Tě tǒ yo pé tyí: «Tyi nónó-á n wil névi fòkò, sépi ye òne n silki Liyel yah. ²¹ Fòkò sǒnò tókúnì nónó-á n wil névi sòkò, sépi ye à kǒ, à n minne n pɪ fòfíkì sòkò, ànê yǐbe, ànê kònmònò, ²² ànê syó yǒ yíkínó, ànê yí yúkú-ńkě sòkò, ànê népékè, ànê yívì, ànê sen kú-ńkě sòkò, ànê dyó yónó, ànê névye yǐn yíkínó, ànê gblǒy gbílkinó, ànê tǒ lékám kě sòkò. ²³ Kéne tyítúkúnì pól n wil névi sòkò, à òne n silki Liyel yah.»

Yesu sétò yǐni wilki népô sê yó písê sòkò

²⁴ Képah nàh, Yesu yal nénpó, à yuku Tiri sétáh yǒ. A kyi wǒbɪ twah gbô yó sòkò. A nàh sǒ me ké tyí ne, ne pǐ ne, páh me nénpó. Tě, à nàh tě we wǒbɪ. ²⁵ Nénpó swò, pi yó sǒ me, *sétòle n písê sòkò. Wǎh Yesu tyí noh sě, à núkú pò gbètukunò di n yah. ²⁶ Pi mènne, *Nsyifu ne nàh sǒ òne. A sǒ dubi Siri sétáh yǒ, Fenisi sòkò. Wǎh pò, à sǒ me Yesule n ni ne, à sétò yǐni wilki pé písê sòkò. ²⁷ Képah tǎne, Yesu me yo n tyí ne, à ye wěnpì ngbò kǒ, pè yǒ tǒ. Wěnpì yǒke nàh yǐne kè tókò mò pǎhnpye kǒ. ²⁸ Pi mè mó yo n tyí ne, gbɪ-á, pé Tě-ngbě. Nte, wěnpì-á yǒkele n yǒ, yěnmìr nónó-à n syíkɪlɪ sétáh, pǎhnpye kó níkěne sépile n tǒ n yǒ ni? ²⁹ Képah sòkò, à yo pi mè tyí: «Á wey mè yǐnne, á syi n to n yuku. Sétò ye wil á písê sòkò.» ³⁰ Kǎh pɪ sě, à me n syi to yuku gbô, à kyi n písê we sǎnóle sě sě kwáh yǒ. Sétò sǒ wil te n sòkò.

Yesu níkítú màhmàhkì wékí-ò yó de mò

³¹ Képah nàh, Yesu yal Tiri sétáh yǒ, à kyi sòkò Sidò kwille, té pyě Kwlogbām kwil sétáh kah, à yuku Kalile yò ònne. ³² Nósyó me níkítú yó tě pò n tyí, màhmàhkì wékí-òle, té me à ni ne, à n gbò sah n yǒ. ³³ Képah sòkò, à dí mè tě wil, à gbε mò tówùle, à kyi n kèngblò dah mò dí ní sòkò, té sǐn mò, à tuke n nénpórí tyí. ³⁴ Tě n yah yǒ yǐnyǒ, à mɪ dókò, té yo dí tyí pé kwil wey sòkò: «Efata», nê-á pè n ye: «Yíkɪ n mò.» ³⁵ Nénpó swò, dí ní yíkɪ mò, n nénpórí de mò, à tyah n wɛkɪ tírr. ³⁶ Tě, Yesu me pè sni ne, pè káh kéle n yo n kǒ névye tyí. Tě, wǎh péle n sni sǒ, pè pyě wǎnne n mò ké yónkǒnò yǒ. ³⁷ Pé gbǎn kàhdunò tě tyí, pè tyah n yo wě tyí ne, gbɪ yǒ, n tyípínó pól-á me kah ple! Wǎh níkítúbi níne n yíkɪ, té kedyòni nénpóríle n de n mò.

8

Yesu népî kèyò nínó kǒ yǒkele

¹ Kéne sèpìn sòkò, tówù ngbě yó tǒ sǒ me tükènmònòle Yesu tnô. Tě yǒ yǒ kwáh nàh sǒ me pé tyí sě, à n *tǒ sǎhpú ye, té me yo pé tyí ne, ² tówù mè yám-á me pé tě. Pé sèpìn tǒnì-á ànê péwòle yò, té yǒ yǒ kwáh nàh me pé tyí. ³ Páh kɪ pè fin mò, pè sòkò kwékɪle, pǎh kɪ kah kwlò wěkì yah. Pé tókù-á n wil fíí sòkò. ⁴ Képah tě sòkò, n tǒ sǎhpú yo n tyí ne, pé se kɪ fě we nýǎh yǒkele gběnnɪ mè sòkò, kɪ pè kǒ, pè kɪ yǒ tǒ ni? ⁵ A me pè piki yah ne, búrn pló sǒ se me pé tyí ni? Pè me ne, kwǎrnínó-á. ⁶ Képah sòkò, à tówù kǒ pè kǒ tě sétáh, té búrn pló kwǎrninò nópi tókò, à weyne Liyel kǒ, té sè kwòkɪ n tǒ sǎhpú kǒ ne, pè syi dibi névye kǒ. Pè mó sè syi dibi pè

kõ. ⁷ Yěnkýòpì yísyó tɔ sò me pé tyí. A wekì Liyel tyí sé tyí yõ, té ne, pé sé tɔ tɔkɔ dibi pé kã. ⁸ Képah tẽne, pé pól yõ tã, té ò tò sáhpú yónkwlɔnɔ téló tuke mɔ tɔkɔ yí kwárninɔ. ⁹ Té nónó-á sò me nénpó, pé nɔ nɛpí kèyõ nínó kénkõle. Képah náh, à pé fin mɔ, ¹⁰ té mó núkú de krótókè sɔkɔ ànê ò tò sáhpúle, à yuku Dalmanuta kwil sétáh yõ.

Farisiyẽnɔ gbìl yah kã Yesu tyí

¹¹ Képah tẽ sɔkɔ, *Farisiyẽnɔ pɔ tyah yékâble n pɪ Yesule, té ò sòle n mɔ n yah ne, à gbìl yó pɪ pé yah, nê-á kè wěkɪ n pɪ ne, wáh n wil Liyel tyí. ¹² Képah sɔkɔ, Yesu mɪ dɔkɔ náhnáh, té yo pé tyí: «Kù pɪ, té kwey gbì névyè gbìlne n yah n kã? Kègbɪ yõ, mé kéle n yo yé tyí, gbìl yó ntẽ náh pé wěkɪ n pɪ!» ¹³ Té yal pé tnô, à de krótókè, à yuku yó-̀ngbẽ kahnne.

Yesu tò sáhpú lékám tékínóle

¹⁴ Légbíne, Yesu *tò sáhpú sò pé dyɔ fwo yõke tókónóle. Búrn pó núkú ó sò me pé tyí krótókè sɔkɔ. ¹⁵ Képah sɔkɔ, Yesu me kè gbah yo pé tyí: «Yé yé gblõyne n kyomɪ *Farisiyẽnɔ ànê *Yerodi búrn dɔkɔ dɔkɔ kwáhle.» ¹⁶ Wáh yo sɛ, ò tò sáhpú yékâb mɔ ne, búrn kɛ yín-á à kã, à képah yo. ¹⁷ Wáh pé kyomɪ we, à pé piki yah ne, kù se pɪ, té pé yékâble n pɪ búrn kɛ yinne nɪ? Pé kó tǒnì me ké tyí yah we sɛ nɪ? Pé kó kè pĩ nɪ? Pé lékám se me víkéntũnɔle nɪ? ¹⁸ Yí-á me pé tyí, pé kó me n yah nɪ? Ní me pé tyí, pé kó me n nohnɪ nɪ? Pé dyɔ kó me n kwne nɪ? ¹⁹ Páh lésõ búrn pló kwló kwɔkɪ dibi nɛpí kèyõ nínó kyegbãm kã, gbétóló yí sɔ se pé kwel yónkwlɔnɔle nɪ? Pé me ne, gbõninó-á. ²⁰ A tã pé piki yah ne, té páh lésõ búrn pló kwárninɔ kwɔkɪ dibi nɛpí kèyõ nínó kã, tɔkɔ yí sɔ se pé kwel yónkwlɔnɔle nɪ? Pé me ne, kwárninɔ-á. ²¹ Képah sɔkɔ, à yo pé tyí ne, té, pé náh tǒnì me ké tyí yah we sɛ nɪ?

Yesu yítũ yó yí yíkɪ mɔ Besayida kwil sɔkɔ

²² Yesu ànê ò *tò sáhpú-á kyɪ yíni tẽ Besayida kwil, nósýó pɔ yítũ yóle ò tyí, té à ni ne, à tũ ò tyí. ²³ Yesu me yítũ mè gbò sɔkɔ tẽ, à wil òne kwil gbòpɔ, té sɪn mɔ ò yí sɔkɔ, té ò gbàn sah ò yõ, té à piki yah ne, à se me n yah nɪ? ²⁴ Yítũ dí ò yah yõ, té ne, páh me névyele n yah yirkòò, sésân sɔ. Té, páh me n kɔ. ²⁵ Yesu tã ò syɪ ò gbàn sah dí yí yah. Káh pɪ sɛ, à fɛ n yah pɛpɛne, à de. A yíyìn pólle n wah n pɛne wẽ sɔkɔ. ²⁶ Képah sɔkɔ, Yesu yo dí mè tyí ne, à sɔkɔ ò gbô, té à káh syõ kwil sɔkɔ.

Pyeri kè yo ne, Yesu-á Liyel ne tékínmɔnɔle

²⁷ Képah náh, Yesu ànê ò *tò sáhpú yuku Filipe Sesarɪ gbòplo kwlo tĩnne. Páh me wěkɪ yõ gbí nêne, à pé piki yah: «Névyè tẽ tyí, nímɔle, nê me?» ²⁸ Ò tò sáhpú ne, tókù-á ne, *Wèlnwìkì-ò Nsyõ-á òne. Tókù mó ne, *Yeli-á. Tókù tã ne, *Liyel tẽntò syínyo-ò yó-á òne. ²⁹ A me tã pé piki yah: «Té yépi tẽ tyí, nímɔle, nê me?» Képah tẽne, Pyeri yo ò tyí ne: «*Krista ye ále, Liyel-á ne, páh kɪ nê tekɪ mɔ.» ³⁰ Képah sɔkɔ, Yesu pé sni ne, pé káh kè yo ne syah.

Yesu ò kúnó ànê ò yúkúnó tyí yo

³¹ Képah sɔkɔ, Yesu tyah n̄ *tò sáhpúle n kwɔ ne, *Névi Pi-á yĩne à de yèvyáhrɪ sɔkɔ náhnáh. Yèwàhnì, ànê *sárká wìlkìpu yòtám ògbnɔ, ànê *Liyel ògbò wěkì kwópú-á kɪ à yahle, té kɪ à ko n mɔ n pi. Té, sèpìn tǔ-ò sòle, wáh kɪ yuku. ³² Wáh kéne wey yo dal mɔ pè syah sě, Pyerɪ me à ye kěkɪ, à kyɪ tyah lékàhle òne n kǔ. ³³ Képah sɔkɔ, Yesu n̄ yah vi n̄ tò sáhpú yah, té lékàhle Pyerɪ kǔ, té yo n̄ tyí: «To ní tnô, *sétàn yòtě! A fɔkɔ sòno náh me núkúle Liyel tyíle. Névyé tyí kǔ ye áwɔ n sǔ.»

Yesu sǔ tě òkùle

³⁴ Képah náh, à me tówú ye pɔ ànê n̄ *tò sáhpúle, té yo pé tyí: «Névi nê-á me ké tyí ne, pé òmɔ sǔ tě, tě n̄ gblǔy dyóyí tyi ye, à mó n̄ *dahni twah, à mó òmɔ sǔ tě.* ³⁵ Sě ó ye: Névi nê-á ne, páh pé minne n pwah n mɔ, à kɪ tekɪ ké sɔkɔ. Té névi nê-á tekɪ n̄ min sɔkɔ òmɔ ànê n̄vìnì wey sán yinne, òmɔ min kɪ pwah. ³⁶ Kè kɪ tir nê pekɪ névi tyí, wáh kèkǔyó yí pól we, té kɪ n tekɪ n pi tyé-ńkě min sɔkɔ? ³⁷ Kwáh nê tě me névi kɪ fě kǔ, kɪ n̄ min dwe syi sah? ³⁸ Kwey gbí névyele, Liyel dél ànê tyípél pípu ye péle. Nte, névi nê-á sen ku òmɔ tyí, ànê ní wey tyí yónóle pépí wró, *Névi Pi tɔ kɪ sen ku tě yah, wáh sǔ nēne pɔ n̄ sú gblo sɔkɔ, ànê *yinyò tǔntǔbele.»

9

¹ Té tǔ n̄ syɪ yo pé tyí: «Mé kéle n yo n dal n mɔ yé tyí kègbɪ yǔ: Yépi nónó-á ásò, yé tókù náh n ku n pi, té kɪ *Liyel tǔrí we yĩne, pǔntenole. Kè kɪ n pi tǔnweno ògbēne.»

Yesu v̄inmɔnɔ òkùle

² Sèpìn kénúkò-ò sókónteno náh, Yesu me Pyerɪ ànê Nsyakɪ ànê Nsyǔ tě, à yuku péle yǔlɪ ògbě yó yǔ. Pépi ó ye sǔ pé yahle nénpó sɔkɔ. Té, n̄ òkù me vi mɔ pé yah sɔkɔ. ³ N flo piki, à n tě pépér. Ké névi náh me kèkǔyó kɪ fě kwáh yó ńtě piki n pi sǔntěne. ⁴ Képah sɔkɔ, *Yeli ànê *Moyisi wil pé yah, me n yáh ànê Yesule. ⁵ Képah tǔne, Pyerɪ me yo Yesu tyí ne, kwó-ò dí, káh yĩne pé tě ásò. Páh kɪ yèpyeno tǔnó pɪ ásò, núkúle òmɔ tyíle, núkúle Moyisi tyíle, núkú mó pɪ Yeli tyíle. ⁶ Pyerɪ náh sǔ pí, wáh nê yo n pi, képah ye. Tíkí sǔ òmɔ ànê n̄ kópú n̄pí ní mí kah tě. ⁷ Páh me képah sɔkɔ, n̄yírki yó pɔ fob mɔ pé yǔ. Kéne n̄yírki sɔkɔ, yǔnpǔ yó n wil pé n nohnɪ ne: «Òmɔ nê-á yò, òmɔ n̄dè Pídí ye òne. Yé ne n nohnɪ n̄ tyí!» ⁸ Kéne ní yǔ, *tò sáhpú-á yah kǔ pé gbòplo sɔkɔ, pé náh tǔ névi we. Yesu núkúní ó sǔ wǔ ànê péle.

⁹ Páh me yǔlɪle n tiki gbí nēne, Yesu pé sni ne, páh tir nê we, pé káh kè yáh névyé syah, kè pɔ nɔ *Névi Pi yúkúnwìlnó tyí lékyí wró. ¹⁰ Pé me snínó mè tě yǔn, té mó tǔ me wēne n piki n yah ne, kú se à n ye lékyí wró yúkúnwìlnóle nɪ?

¹¹ Képah tǔne, pé tyah òne n piki n yah ne, kú se pɪ, té *Liyel ògbò wěkì kwópú ne, Yeli ògbò-á yĩne à pɔ? ¹² A yo pé tyí: «Yeli ògbò ye yĩne à pɔ tyi pól tǔ sah. Nte, kú pɪ kè wārki sah *Liyel wey sébēnó sɔkɔ ne, Névi Pi-á kɪ yèvyáhrɪ pɪ náhnáh, té pé kɪ òne n yilo nɪ? ¹³ Nte, mé kéle n yo n dal n

* 8:34 8.34 - Dahni twáhnó n wěkɪ ne, á á vi sah á min kǔ kǔ tǔne Yesu tyí kǔle.

mɔ yé tyí nɛ, Yeli-á pɔ tɛ. Tɛ, névyɛ-á à pɪ pé dyɔ dyɔ tɛnɛ. Sɛ ye sò kéle wárkínsàhnóle Liyel wɛy sébɛnó sɔkɔ n tyí yõ.»

Yesu sétõ yĩni wilki wɛnpir yó sɔkɔ

¹⁴ Képah sɔkɔ, pãh yĩni tɛ *tò sáhpú téló tnô, pè tówú ñgbɛ yó wɛ, pè me pè kore vi, tɛ *Liyel ñgbò wɛkì kwópú mɛ yékâble n pɪ tò sáhpú nópilɛ.
¹⁵ Névyɛ-á núkú Yesu wɛ gbí nɛnɛ, kè pɪ pé tyí gbɛndùnɛ. Pè to kyɪ wekɪ n tyí.
¹⁶ Yesu mɛ n tò sáhpú piki yah nɛ, kwáh nê yékâb se pè n pɪ péle nɪ?
¹⁷ Ntɛ, dí yó sò mɛ tówú sɔkɔ, ñmɔ yo n tyí nɛ, kwó-ò dí, pãh pɔ pé pídɛnɛ n tyí. *Sétõ yó-á mɛ n sɔkɔ, mɛ à pɪ kèdòkùlɛ.
¹⁸ Kɛ ñnɛ n kwel n min n kɔ tãntãn pól sɔkɔ sétáh. Gbɛfòkòpíkínì n nɛ n wil n vyãh, tɛ ǎ n yínìlɛ n tah, ànê n wil n kòkɔ. Képah-á, pé pɔ ñnɛ n tò sáhpú tyí nɛ, pè sétõ mè yĩni wilki n sɔkɔ, tɛ pè nãh tɛ wɛ.
¹⁹ Képah tɛnɛ, Yesu mɛ yo pé tyí nɛ, Liyel yõ sɛ-ńkɛ névyɛ, pé se kɪ tɛ péle pópó, kɪ pɔ syɪ gbí nê tyí nɪ? Pé se kɪ pè so sah, kɪ pɔ syɪ gbí nê tyí nɪ? Nkɛ, pè pɔ ñnɛ pé kɔ.
²⁰ Pè mó pɔ ñnɛ à kɔ. Sétõ-á fyò Yesu wɛ, à piri yike kègbɪlɛ, à syɪkɪ sétáh, à n pil n kɔ gbɛfòkòpíkínɛnɛ n vyãh.
²¹ Képah sɔkɔ, Yesu mɛ piri sú piki yah nɛ, gbí nɛ se kè tyah n tyí nɪ? A mɛ yo n tyí nɛ, n wɛnpir gbí dùkù-á.
²² Kèyahle, sétõ-á ńkɛnɛ à tokɔ n min n dah n mɔ nyàh, képah nãh pɪ, ni sɔkɔ, n kò-nsahle n yah n kɔ. Ntɛ, wãh kɪ fɛ n tɛ n pi, à pé yãm yah, à mó pé yohnɪ mɔ.
²³ Képah sɔkɔ, à mɛ yo dí mè tyí: «Máh kɪ fɛ n tɛ n pi wò...! Tyi pól kɪ fɛ pɪ Liyel yõ sɛ-ò tyí.»
²⁴ Nénpó swɔ, piri sú gbo mɔ nɛ: «Mé sɛ ké yõ, tɛ kè mɛ tah ní tyí. N yohnɪ mɔ ké sɔkɔ.»
²⁵ Képah sɔkɔ, Yesu-á névyɛ wɛ, pè n to n tuke pé yõ sɛ, à dírí kɔ *sétõ mè yõ, tɛ yo n tyí nɛ, ñmɔ nê-á névilɛ n pɪ kèdòkù ànê níkítũnɛ, à wil piri mè sɔkɔ! Tɛ à káh tɔ de yah n sɔkɔ!
²⁶ Wãh yo sɛ, sétõ mɛ gbo mɔ, tɛ piri yike kègbɪlɛ, tɛ mó wil n sɔkɔ. Piri núkú pɪ tɛ kúnó sɔ, fókó névyɛ nãhnãh n yo nɛ, wãh ku.
²⁷ Ntɛ, Yesu mɛ à tɛ n gbò tyí, à yilki sah. Piri yuku yĩn.

²⁸ Yesu-á de wòkò gbí nɛnɛ, ñmɔ ànê n tò sáhpú ye sò wũ pé yahle, tɛ pè mɛ à piki yah nɛ, kú se pɪ, tɛ pépi nãh tɛ wɛ sétõ mè yĩni wilki piri sɔkɔ nɪ?
²⁹ A mɛ yo pé tyí: «Nírí ó sɔkɔ ye kéne sétãn dùkù kɪ fɛ yĩni.»

Yesu tɔ n kúnó ànê n yúkúnó tyí yo

³⁰ Pãh yal nénpó, pè mɛ Kalile kwlɔlɛ n kah, tɛ Yesu nãh sò mɛ ké tyí nɛ, pè pé mé-ńsah pĩ.
³¹ Tir yó nãh, à sò mɛ n *tò sáhpúle n kwɔ, tɛ mɛ n yo pé tyí: «*Névi Pi kɪ n dahbɪ n pi névyɛ gbò. Pè kɪ à ko mɔ, tɛ sèpĩn tɔ-ò sóle, à kɪ yuku.»
³² Ntɛ, n tò sáhpú nãh sò mɛ wɛy mè tyí yah wɛ, tɛ tíkí sò mɛ pè tɛ n píkinyahnɔlɛ.

Nê tɛ kal?

³³ Képah nãh, pè yĩni tɛ Kapernayim kwil sɔkɔ. Pãh mɛ wòkò sɔkɔ gbí nɛnɛ, Yesu n *tò sáhpú piki yah nɛ tir nê yékâb se sò pè n pɪ wɛkì yah nɪ?
³⁴ Ntɛ, pè nãh tir wɛ yo. Tir yó nãh, pè sò mɛ yékâble n pɪ wɛkì yah nɛ, pé pĩ pépi wró nê tɛ-á kal.
³⁵ Képah sɔkɔ, Yesu kɔ tɛ, tɛ n tò sáhpú népĩ gbõnimí ye, tɛ yo pé tyí: «Nê-à mɛ ké tyí nɛ, pé pɪ yah yétɛnɛ, ñmɔ yĩnɛ à pɪ pé no náhtũnɛ, à mó pɪ tònpule pé tyí.»
³⁶ Képah tɛnɛ, à wɛnpir yó tɛ pɔ pé nyó. Tɛ à tɛ kòhlɪ n nɪ yõ, tɛ yo n tò sáhpú tyí:
³⁷ «Névi nê-à wɛnpir

mè kénkõ tẽnó plé nímọ yĩn yõ, nímọ ye tẽ tẽ plé. Névi nê to-à nímọ tẽnó plé, nímọ ó náh tẽ tẽ plé: Nte nê-á tekı mo nímọle, nímọ ye à tẽ plé.»

A sépe náh nêne, á pèpey ne ye nne

³⁸ Képah sọkọ, Nsyõ me yo Yesu tyí ne, pé kwó-ò dí, pépi-á dí yó we, à me *sétanne n yĩni n wilki n yĩn yõ. Té, à náh sò me pépile. Képah-á pé kõ, pé ne pé à yĩni mo ké pínóle. ³⁹ Yesu me yo pé tyí: «Yé káh à yĩni mo. Névi náh fẽ gbil pi n pi nímọ yĩn yõ, té ki tõ nímọ yinne n yiki nénpó swọ. ⁴⁰ Tir yó náh, á sépe náh nêne, á pèpey ne ye nne. ⁴¹ Kègbı yõ, mé kéle n yo yé tyí: Yáh pi *Krista tyíle, névi nê-à ni nǵbíyíne yé kõ yé wọ képah yinne, ké pèpọri ki dyah óle à dyah.

Tyi nónó-á yo gblõy tẽnó tyí sọkọ

⁴² Wẽnpì nónó-á sẽ nímọ yõ, névi nê-à pé sọkọ ne yó yõ yiki dah mo tyípél sọkọ, kè ki sò fónfó pé dáh-nǵbẽ toh tẽ yègbı sọkọ, pé kyı min dah mo yóntí nǵbẽ sọkọ. ⁴³ Á gbò-à n dah n mo ále tyípekè sọkọ, kè kãm n milki, n té n kyı n de gbò núkúle tyé-ńkẽ min sọkọ. Képah ki fónfó kal á gbàn níni kyíndenọle ní-ńkẽ nyàhnpèkè sọkọ. [⁴⁴ Nénpó sọkọ, kèfyõ nónó-á wille n yõ, sè náh n ku, ànê ké nyàhnpèkè náh n ni.] ⁴⁵ Á gbáhkì-à n dah n mo ále tyípekè sọkọ, kè kãm n milki, n té n kyı n de gbáhkì núkúle tyé-ńkẽ min sọkọ. Képah ki fónfó kal á gbyêh níni mínndahnmọnọle nyàhnpèkè sọkọ. [⁴⁶ Nénpó sọkọ, kèfyõ nónó-á wille n yõ, sè náh n ku, ànê ké nyàhnpèkè náh n ni.] ⁴⁷ Á yí-à n dah n mo ále tyípekè sọkọ, kè wilki n milki, n té n kyı n de yí núkúle *Liyel yõtõrí sọkọ. Képah ki fónfó kal á mínndahnmọnọ yõ yí nínóle nyàhnpèkè sọkọ. ⁴⁸ Nénpó sọkọ, kèfyõ nónó-á wille n yõ, sè náh n ku, ànê ké nyàhnpèkè náh n ni.

⁴⁹ Képah ye, no pól ki tõ sah nyàhle, sã-á pne n pi kéle. ⁵⁰ Pnene, kwáh pèpey ye kéle. Té ké syínsyí-à wil ké sọkọ, sã me yé ki tõ fẽ pi kéle, té kè ki tõ nọ? Yé pne mo yé gblõy sọkọ, yé tẽ wẽ tyí yèvinı sọkọ.»

10

Yesu-á kwónó nê kõ fúr yíkínó tyí sọkọ

¹ Yesu-á yal nénpó, à kyı Yude sétáh yõ, té yuku Yurdẽ yónkahnıne. Képah sọkọ, tówú nǵbẽ yó tõ tuke mo n tnô. Á me tyah péle n kwọ nǵbò tyí kõle. ² Képah tẽne, *Farisiyẽno yísyó nọ de n tnô ne, pé kyı n sò mo yah. Té nne n piki n yah ne, ké wèkì se me dí tyí ki n kyı fin mo ni? ³ Á me yo pé tyí ne, tir nê se sò *Moyisi yo sah pé tyí ni? ⁴ Pè me ne ńkẽ, Moyisi-á ké wèkì kõ ne, wáh á kyıle n fin mo, á n fínnmọnọ táfıyò sébẽ pi à kõ. Á mó à fin mo. ⁵ Képah tẽ sọkọ, Yesu yo pé tyí: «Yépi kùkùtáhkì yĩn ye, Moyisi me ké wèkìle yé kõ sẽ. ⁶ Nte, kèkõyó mo gbíne, dí ànê sê ye Liyel mo. ⁷ Képah ye, dí ki n sú ànê n yú sah, té ki kyı yégbékè kwro mo ànê n kyıle, ⁸ té pé ními ki pi núkúle. Képah sọkọ, pé náh tõ n pi n pi nímine, pé ki pi núkúle. ⁹ Káh pi sẽ, Liyel-á nê kwro mo, névi káh kè gbekı.»

¹⁰ Páh de wòkò, n *tõ sáhpú tõ à piki yah wey mè yõle. ¹¹ Á me yo pé tyí: «Dí-à n kyı fin mo, té tõ sê yó tokọ, à tyípekè pi n kyı gben tẽ tyí fòfíkì sọkọ. ¹² Sẽ ó ye tõ, sê-à n pe yahle, té kyı de dí yó tyí, à tyípekè pi fòfíkì sọkọ n pe gben tẽ tyí.»

Yesu sām mɔ wɛ̃npì sɔkɔ

¹³ Képah tɛ̃ne, névye pɔ wɛ̃npìle Yesu tyí ne, à n gbàn sah pé yõ. Té n *tò sáhpú me tyah díríle n kō pé yõ. ¹⁴ Wǎh képah we sɛ̃, à yo n tò sáhpú tyí fòkòvyǎhnì sɔkɔ ne: «Yé ye wɛ̃npì kō, pè ne n pɔ n pɔ nímɔ tyí. Yé káh pé yahle n kō. Nónó dùkù-á me kéné wɛ̃npì sɔ̃, *Liyel yòtòríle pépi tyí ye. ¹⁵ Mé kéle n yo yé tyí kègbɪ yõ: Névi nê-à *Liyel tórí fɛ̃ syi níkéné wɛ̃npir sɔ̃, à náh kè we n de n pi pólle.» ¹⁶ Képah sɔkɔ, à wɛ̃npì tɛ̃, té n gbàn sah pé yõ, à sām mɔ pé sɔkɔ.

Tàhđí yó pɔ Yesu tyí

¹⁷ Képah náh, Yesu-á n yuku wɛ̃kì yah, dí yó to pɔ gbètukunɔ di n yah, té à piki yah ne, kwó-ò pèpey, pé se kɪ pɪ sɔ̃, té kɪ tyé-ńkɛ̃ min we nɪ? ¹⁸ Yesu me yo n tyí: «Sɔ̃ me, té á ń ye pèpeyne? Ne pèpey yó ńtɛ̃ náh me. Liyel ó ye pèpeyne. ¹⁹ A Liyel tyi kònsàhnó pĩ kè, nê-á n yo ne, káh nékókè mɔ, káh fòfíkì pɪ, káh yĩbe yĩ, káh mìnì sah á ní-ò yõ, káh ne n syɪkɪ ne yõ, á sú ànê á yúne n tɛ̃ ple.»* ²⁰ Wǎh yo sɛ̃, dí me à syah ne, kwó-ò dí, páh me sépinó pólle n pɪ pé wɛ̃npir gbí dùkùle. ²¹ Képah sɔkɔ, Yesu me à yah tyínɔnɔ sɔkɔ, té yo n tyí ne, tyínúkú-á yah kwɔ n tyí: A kyɪ n gbàn yĩ pól yām, à mó sé pó dibi yāmtām kō. Képah sɔkɔ, wǎh kɪ yĩnyõ tahrɪ we, à mó pɔ pé sò tɛ̃. ²² Té, dí mɛ-á képah noh sɛ̃, n yah yɪkɪ. A sɔkɔ yèkwɔrɪ sɔkɔ. Tahrɪ n̄gbɛ̃ sò me n tyí, képah ye.

²³ Kǎh pɪ sɛ̃, Yesu n gbòplo yah kore vi, té yo n *tò sáhpú tyí: «Tahbɪ dénóle *Liyel tórí sɔkɔ, kè me tah dé!» ²⁴ Kéné wey n tò sáhpú gbàn du kègbɪle. Nte, Yesu tɔ̃ n syɪ yo pé tyí: «N̄ wɛ̃npì, Liyel tórí sɔkɔ dénó me tah nálnáh. ²⁵ Yǎhmíkì dénwɪlnóle sèndi pwǎh sɔkɔ, képah kɪ fǎhfǎh kal, tàh dénóle Liyel tórí sɔkɔ.» ²⁶ Képah tɛ̃ sɔkɔ, pé gbàn kah du. Pè wɛ̃ne n piki n yah pé tyí tyíle ne, nte, nê wɔ se kɪ mó pwah nɪ? ²⁷ Yesu me pè yah, té yo pé tyí: «Névi tɛ̃ tyí, kè náh fɛ̃ n pɪ n pi, té Liyel wɔ tyí, kè kɪ fɛ̃ pɪ. Nmo tɛ̃ we tyi pól tyí.»

²⁸ Képah sɔkɔ, Pyerɪ yo n tyí ne, nte, pépi-á tyi pól sah n̄mɔ sò tɛ̃ yĩnne. ²⁹ Yesu me ne: «Kègbɪ yõ, mé kéle n yo n dal mɔ yé tyí ne, névi nê-à fɛ̃ syi, n kéte, ànê n yúpyé, ànê n yú, ànê n sú, ànê n wɛ̃npì, ànê n swɛ̃y sah nímɔ yĩnne, ànê nìvìnì wey sǎn yĩnne, ³⁰ tɛ̃ kɪ sɛ̃nknɔnɔ lèkwɛ̃kwe we kèkõyó mɛ sɔkɔ. A kɪ kɛtlo, ànê yúpyé, ànê yúbí, ànê wɛ̃npì, ànê swɛ̃y we. A kɪ fóhnó tɔ we, té kɪ tyé-ńkɛ̃ min we ńsò kèkõyó sǎn sɔkɔ. ³¹ Nónó-á me núkúnúkú ne gbrole, pé nálnáh kɪ pɔ n pɪ n pi ne télóle. Té nónó-á me núkúnúkú ne télóle, pé nálnáh kɪ pɔ n pɪ n pi ne gbrole.»

Yesu tɔ̃ n kúnó ànê n yúkúnó tyí yo ke tɔ̃-òle

³² Yesu ànê n *tò sáhpú sò me wɛ̃kì tɛ̃ n dɔkɔ n yuku Yerusalemɪ sɔkɔ. A sò me n kɔ n tò sáhpú yahle. Légbíne, pé fɔkɔ me fɛ̃kìnóle. Té nónó tɔ-á me n sò tɛ̃, tíkí sò me pè tɛ̃. Képah sɔkɔ, à n tò sáhpú népì gbõnimí ye kɛ̃kɪ pé yahle, à kyɪ tir nê-á kɪ à yĩni n tɛ̃ n pi, ké yah yo pè syah. ³³ A ne: «Yé yah, á we dɔkɔ n yuku Yerusalemɪ sɔkɔ yò. *Névi Pi kɪ dahbɪ *sárká wɪlkɪpu yòtām n̄gbnɔ, ànê *Liyel n̄gbò wɛ̃kì kwópú gbõ. Pè kɪ à mɔ kũ kō,

* **10:19** 10.19 - Yah n te Ekisode 20.12-16 sɔkɔ.

té kɪ à dahbɪ Liyel yõ sɛ́-ńkɛ́pú gbõ. ³⁴ Pépi kɪ kóle ñne n ko, té kɪ n sɪn n mɔ̀ ñ yõ. Pè kɪ à ko yèfõhle, té kɪ à ko mɔ̀. Té, ké sèpɪn tǔ-ò sóle, à kɪ yuku.»

Nsyakɪ ànê Nsyõ-á nê ni

³⁵ Nsyakɪ ànê Nsyõne, Sebede wɛ́npɪle, pè nɔ de Yesu tnô, té yo ñ tyí ne, kwó-ò dí, tir nê-á pé pɔ ní-ńsah ñ tyí, páh me ké tyí ne, à kè pɪ pé tyí. ³⁶ A me pè piki yah ne, tir nê se pè ne, pé pɪ pé tyí ni? ³⁷ Pè mó yo ñ tyí ne, wáh kyɪ yĩni tɛ̀ ñ yõtõrí tyah sɔkɔ, à ye pépi sɔkɔ ne núkú tɛ̀ ñ gbõyõ sò, ní-ò mó tɛ̀ ñ gbɛ̀yìnè sò. ³⁸ Képah sɔkɔ, à yo pé tyí: «Kwáh nê-á yé n ni, yé náh kè pĩ. Yé se kɪ fɛ̀ wɔ́ n wɔ́ wɔ́ wóh sɔkɔ, kɪ de wil yèvyãhrɪ sɔkɔ ní tyí kóle?» ³⁹ Pè me à syah ne, páh kɪ tɛ̀ we. A me yo pé tyí: «Gbɪ ye, yé kɪ n wɔ́ n pi ní wɔ́ wɔ́ wóh tɛ̀ wɔ́ sɔkɔ, té kɪ n de n wil n pi yèvyãhrɪ sɔkɔ ní tyí kóle. ⁴⁰ Nte, névi nê-á n tɛ̀ n pi ní gbõyõ ànê ní gbɛ̀yìnè sò, képah náh n wil n pi nmo tyí. Kéne tɛ̀-ntàn kɪ pɔ névyè kɔ́ n pi, Liyel-á sè tǔ sah nóno yinne.»

⁴¹ *Tò sáhpu népi gbã́m téló-á képah noh sɛ́, pé fɔkɔ vyãh Nsyakɪ ànê Nsyõne. ⁴² Képah sɔkɔ, Yesu me pé pól ye, té yo pé tyí: «Yé pĩ ne, sétáh mè yõ kwlo yõtã́m-á pé kwil tã́nne n tɛ̀ n sah pé dyɔ dyɔ tɛ́ne, té kwil né-ńgbno n mó pé tãhkɪle n sah névyè yõ. ⁴³ Nte, yépi tyí náh n pɪ n pi sɛ́. Gbɛ́ntɛ́ nãhle, yépi sɔkɔ nê-à me ké tyí ne, pé pɪ yõtɛ́ne, tɛ̀ ñ gblõy pɪ yé tɔ́npɪle. ⁴⁴ Té, yépi sɔkɔ nê-à me kɪ tyí ne, pé yõtõrí yah n kɔ́, tɛ̀ ñ gblõy pɪ yé pól yõle. ⁴⁵ Tir yó náh, *Névi Pi náh pɔ ne, névyè tóle n pi péwɔ tyí. Nmo ye pɔ tǔ pɪ yinne névyè tyí, té kɪ ñ min kɔ́ névyè náhnáh yõ dwe yinne.»

Yesu yítú dí Bartime yí yɪkɪ mɔ

⁴⁶ Képah náh, pè yĩni tɛ̀ Yeriko kwil. Yesu, ànê ñ *tò sáhpu, ànê tówú ñgbɛ́-á n wil kwil sɔkɔ gbí nêne, yítú dí yó sò me tɛ́nóle wɛ́gbalɪ sɔkɔ, me n ni n syi. Time pídí ye sò ñne, pè n ye Bartimele. ⁴⁷ Wáh noh ne, Nasareti Yesu-á n sɔkɔ, à tyah n de n syi ne, Yesu, *Davidi pídí, à pé yãm yah. ⁴⁸ Képah sɔkɔ, náhnáh sò me ñ vyãhle n tũ. Nte, à tǔ n kah n de n syi ne, Davidi pídí, à pé yãm yah. ⁴⁹ Képah tɛ́ne, Yesu yĩn, té ne, pè à ye yah. Pè me yítú dí ye yah, té yo ñ tyí ne, à ñ ni vi, à mó yuku, wáh me ñne n ye. ⁵⁰ Dí-á képah tɛ̀ noh, à ñ fwòmò-ńgbɛ́ milki, té yɔkɔ sykɪ ñ gbyêh yõ, à yuku Yesule n yĩkɪ. ⁵¹ Yesu me à piki yah: «Kú me á ne, mé pɪ á tyí?» Yítú dí me yo ñ tyí ne, kwó-ò dí, à kè pɪ, pé tǔ ne n yah. ⁵² A me yo ñ tyí: «Ne n yuku, nmo yõ sɛ́nó ye ñ de mɔ.» Nénpó swɔ, ñ yí yɪkɪ mɔ, à me Yesu sò tɛ̀.

11

Yesu de òkùle Yerusalem

¹ Páh de n te Yerusalemne, pè sò me yúkey Betefase ànê Betani kwille, Wólívyé sésan yõlɪ tnô. Képah sɔkɔ, Yesu ñ *tò sáhpu sɔkɔ népi ními wilki tǔ, ² té me yo pé tyí ne, pè kyɪ kwil nê-á pé yahle. Páh kɪ kyɪ yĩni tɛ̀ nénpó, páh kɪ ńkwɛ́ndyípírí yó we tóhnmɔ́nsàhnóle, névi náh dɔkɔ yah nê yõ. Pè à de pɔ. ³ Té, névi-à kɪ pè piki yah ne, sɔ́ se, té pè ñne n de ni, pè yo ñ tyí ne, ñ yétó-á me Tɛ́-ńgbɛ́ dí tyí. Té wáh kɪ ñ syi à tekɪ mɔ núkúnúkú ásô. ⁴ Képah sɔkɔ, pè mó sɔkɔ, à kyɪ ńkwɛ́ndyípírí mè we tóhnmɔ́nsàhnóle

kégbó, gbô yó yah, wěkì gbòpò. Pè me à de. ⁵ Nónó-á sò me nénpó, pé túkù pè piki yah ne, kù se pi, té pè ñkwěndyípirí mènne n de ni? ⁶ Képah sòkò, Yesu-á sò pè tō sō, pè képah yo no tyí. No ye pè kō, pè à de sòkò. ⁷ Pè me pò ñkwěndyípirí mènne Yesu tyí. Té pé flo mō n yō, Yesu kō à dōkò. ⁸ Névyé náhnáh mó pé flo mō wěkì yō. Túkù mó fàkòni kòli kyěh sòkò, à n mō n yuku wěkì yō sòkò. ⁹ Päh n yuku, nónó-á sò me n kò Yesu yahle, ànê nónó-á me n sò tē, pè sò me n gbo n mō, me yo tū ne: «Wosanna, Tě-ñgbě Liyel yīn pi gblò! Nê-á n pi n yīn yō, Liyel sām mō n sòkò! ¹⁰ A sùtó *Davidi tōrí nê-á n pi, Liyel sām mō ké sòkò! Wosanna, Liyel yīn pi gblò yīnyō sòkò.» ¹¹ Yesu-á de Yerusalemi sòkò sē, à kyi de *Liyel wòkò ñgbě kéntáhkì sòkò. A kè yah kore vi, té n syi wil. Képah náh, tyah-á pò n piri, à sòkò ànê n tō sáhpú népî gbōnimíne Betani kwil sòkò.

Yesu léplo ye mō sènsóké yó yō

¹² Ké dendalle, päh n wil Betani sòkò gbí nêne, kweki Yesu tē. ¹³ Képah sòkò, à me sènsóké yó we fíi mule gbòp ké tyí. A me nò de yah, pye-à kù n we n pi ké tyí. Nte, wáh yīni tē ké tnô, à kyi kè we mırı óle. Ké pye pi gbí náh sò nò, képah ye. ¹⁴ Képah tēne, Yesu yo sènsóké mē tyí ne, ne náh tō ké pye yō n yah n pi pólle. Nte, n *tò sáhpú mó kè noh.

Yesule Liyel wòkò ñgbě kéntáhkì sòkò

¹⁵ Képah náh, pè yīni tē Yerusalemi. Yesu me de *Liyel wòkò ñgbě kéntáhkì sòkò, à tyah yī yàmpu ànê dwépúle n yīni n wilki. Té pò tūpu tàbálnó tu wilki mō, ànê *sárká kèpye yàmpu klòle. ¹⁶ Té, à náh fē syi vyó nētē yó nētē kō, à de kah Liyel wòkò ñgbě kéntáhkì sòkò. ¹⁷ Té tyah péle n kwò, me n yo pé tyí: «Kè náh me wárkínsàhnóle ne, <nímo Liyel wòkò kù n ye kèkōyó kwlo kwlo pól névyé nírí pí-ńsahle> di? Té, yépi me pò kè pi névyé yō vīnsykīpu tē-ńsahle.»* ¹⁸ Képah tēne, *sárká wīlkīpu yōtām ñgbnò ànê *Liyel ñgbò wěkì kwópú-á kè noh sē, pè tyah Yesu kònmō-ńsahle n yah n kō. Té, n tíkì sò me pè tē, tir yó náh, n kwónó tyí sò me nò tówú tyí. ¹⁹ Képah sòkò, gbíyí-á de, Yesu ànê n *tò sáhpú wil kwil sòkò.

Sènsóké séswô kókónóle

²⁰ Ké dendal séngbòle, päh pò n sòkò, pè sènsóké mē we kókónóle, à pò syi ké yàhnì tyí. ²¹ Pyeri dyó-á to kō kéle, à yo Yesu tyí ne, kwó-ò dí, wáh sò léplo ye mō sènsóké nê yō, à yah, ké pól-á kòkò. ²² Képah sòkò, Yesu yo pé tyí ne: «Yé sē Liyel yō. ²³ Kègbi yō, mé kéle n yo yé tyí: Névi kù fē yo yòli ñgbě mē tyí ne, kè yuku yal ásô, kè kyi n syki n de pne yo sòkò. Tē-à me n sō ñkēne tòtò n ni sòkò, té me sē yīi ké yō ne, páh nêne n yo, káh kù pi, kè kù mó ntyíno pi sē n tyí. ²⁴ Képah ye, mé kéle n yo yé tyí: Yáh kwáhdúkú nêne n yah n kō Liyel tyí nírí sòkò, yé sē ké yō ne, yáh ké we te. Kè kù ntyíno yé kō. ²⁵ Anê tō, wáh yuku yīn n tyah nírí pínóle, té á ní-ò-à me pi de á tyí, kè yō mō à kō. Képah-à pi, yé sú Liyel nê-á yīnyō, à kù yépi tō tyípèl yō mō yé kō. [²⁶ Nte, yépi-à névyé tyípèlle n yō n mō péle n kō ñkēne, yé sú Liyel náh yépi tō tyí yō n mō yé kō n pi.]»

Nê wěkile Yesu kō, à tyi nópìle n pi

* 11:17 11.17 - Yah n te Yesayi 56.7 sòkò.

27 Yesu ànê n *tò sáhpú-á pé syi kyi Yerusalemi soko, wăh me n ko *Liyel wòkò ògbě kéntáhkì soko gbí nêne, *sárká wìlkìpu yòtām ògbò, ànê *Liyel ògbò wèkì kwópú, ànê yèwàhnì pò n tyí. 28 Té me à piki yah ne, nê yīn yō se à n pi tyi nópilè ni? Nê se à kō ké wèkìlè ni? 29 A me yo pé tyí: «Mé ki tir núkú ólè yé piki yah. Yáh ki ké yah yo ní tyí, nê yīn yō-á mé n pi tyi nópilè, mé ki kè yo yé syah. 30 Yépi tē tyí, nê tekì mɔ Nsyōne, à pò névyele n *wel n wilki? Liyel se, tū névye se? Yé yo ní syah.» 31 Képah soko, pè tyah n yo wē tyí ne, páh ki ne, Liyel-á tekì mɔ òne, wăh ki ne, té kù se pi, té pé náh sē n yō ni? 32 Pé náh se mó tō fē n yo n pi ne, névye-á tō òne... Pè sò me tówù tíkìlè n pi, képah ye. No pól sò me n sō ne, Nsyōne, *Liyel tēntò syíno-ò kègbi-á sò òne. 33 Képah soko, pè Yesu syah ne, pé náh pī. N to mó yo pé tyí ne, nê yīn yō-á pé tyi nópilè n pi, péwɔ to náh mó kè yo pé syah n pi.

12

Divě sésân swāh tǒpú népêl sèmìrkìlè

1 Képah náh, Yesu tyah n yāh pé tyí sèmìrn soko ne nkē: «Dí yó ye lesò òwè sésân sō, té kēki mɔ kè kore vi. Té kyi tédáhkì yó yō swɔ yó tū, òwè sésân pye yíkì-ńsahle. Té me duke syíkìpú tē-ńsah mɔ. Képah náh, à swāh tǒpú tɔkɔ, à pò swāh mè dahbi pé gbò, té pyē soko kóló. 2 Sé pye gbe gbí-á pò nɔ, à n tǒnpi yó tekì mɔ òwè sésân swāh tǒpú nópì tyí ne, pè pé tyí òwè sésân pyele à kō, à pò pé kō. 3 Képah tēne, òwè sésân swāh tǒpú nópì tēntò dí tē ko, té à fin mɔ, à soko n gbò kókóle. 4 Swāh nétē tō tǒnpi yó tō. Pé tō kyi òmɔ tɔ ko, té à miki n yō soko, té òne n gbyɔ. 5 Swāh nétē tō n syi ònì yó tekì mɔ n tō. Nmɔle, pè òmɔ ko mɔ, té sēnkō pi pé nahnáh tyí: Pè pé tókù ko, té pé tókù ko mɔ. 6 Ne núkú nê-á sò wū sètē dí tñò, òmɔle, n òdè Pídí ye. A òmɔ tekì mɔ pé tyí tēyne, té me n sō ne, páh ki pé pi wɔ yah sen ku. 7 Nte, swāh tǒpú nópì-á à wɛ, pè tyah n yo wē tyí ne, pè yah, n gběyòpi-á n pi yò. Pè pò, pé à ko mɔ. Gbēki mó pi pépi tyíle. 8 Té dí pídí tē ko mɔ, té à tɔkɔ kyi milki òwè sésân swāh kahnune.»

9 Képah soko, Yesu pè piki yah: «Sò me òwè sésân swāh nétē ki pò n pi n pi? A náh pò òwè sésân swāh tǒpú nópì pól ko mɔ, té kè dahbi n pi nósý gbò di? 10 Yé náh kè kar yah *Liyel wey sèbē soko di? Kè me wárkínsàhnóle ne:

«Wòkò mópú-á dáhkì nê yahle,
képah pò pi dáhgbíle, wòkò dáhgbenne.

11 Képah n wil Tē-ògbě tyí.

Té ápi tyí, gběndùnì tir ye kéle!»*

12 Képah soko, *Nsyifunɔ yòtām tyah Yesu tē-ńsahle n yah n kō. Tir yó náh, pè sò pī ne, pépi yō-á à mɔ sèmìrkì mène. Té, tówù tíkì sò me pè tē. Pè me ye n yō, té soko.

Wromenɔ yòtē ògbě mórì tyíle

13 Képah náh, pè *Farisiyēnɔ ànê *Yerɔdi náh névye tókù wilki tekì mɔ Yesu tyí ne, pè kyi à mɔ yah píkinyahno soko. 14 Pè pò yo n tyí ne, pé kwó-ò dí, páh pī ne, gbi ó kókó-á òmɔ n ne n yo. A náh tíkìlè n pi névi yah. A náh

* 12:11 12.10 ànê 11 - Yah n te Yìgbìni 118.22 ànê 23 soko.

névile n wah névi sɔkɔ. Wǎh gbɛ névyɛ n kwɔ Liyel wěkì yō. Képah-á pé kō, pé nɛ, pé à piki yah: Kè se yĩnɛ pé móríle *Wromenɔ yòtě ñgběne n kō, tĩ kè náh yĩnɛ? Pé se séle n mɔ, tĩ pé káh sè mɔ? ¹⁵ Ntɛ, Yesu sò pĩ nɛ, nê-á pè n sō, képah náh pè n yo. Kǎh pɪ sě, à yo pé tyí nɛ, sō se pɪ, té pè péle n mɔ n yah nɪ? Pè pɔ pó mè núkúle, pé yah. ¹⁶ Pè mɛ pó núkúle à kō. A mɛ pè piki yah nɛ, nê yah se, ànê ñ yĩnne wárkínmɔnɔle ké yō nɪ? Pè à syah nɛ, Wromenɔ yòtě ñgbě-á. ¹⁷ Képah těne, à yo pé tyí nɛ, pè Wromenɔ yòtě ñgběne n kō ñ tyíle, pè mó Liyelle n kō ñ tyíle. Képah sɔkɔ, pé gbǎn du ñ wey mè dùkùle.

Sadusēnɔ Yesu piki yah lékyî yúkúnwìlnó tyí yō

¹⁸ Sadusēnɔle, nósýó ye nónó-á nɛ, lékyî náh n yuku n wil n pi. Pé túkù pɔ Yesu tnô, té à piki yah nɛ ñkě, ¹⁹ kwó-ò dí, *Moyisi-á Liyel tir kònsàhnó mè wǎrkɪ sah pé kō nɛ, dí nê tyí gběndí-à mɛ, té tě ku, té ñ kyɪ sah pi kěne, ñ gběndí mè-á yĩnɛ à pékúsê mè tɔkɔ. A wěnpɪ dubi à kō, nónó-á kɪ pɔ n pɪ n pi ñ nénkyídí náhne.† ²⁰ Té, dínpɪ yísyó-á sò mɛ népĩ kwǎrnimi pé yú tyí. Nénkyí tě-á sê tɔkɔ, té ku, té ñ kyɪ sah pi kěne. ²¹ Ñ sò syɪ mɛ pékúsê mè tɔkɔ. Ñ tɔ pɔ ku, té à sah pi kěne. Tǔ-ò tɔ tyí pɔ pɪ sě. ²² Sěntě ó-á pɪ pé no téló pól tyí. Té népĩ kwǎrnimi nópi pól-á ku pi kěne. Pé kúntenɔ náh, pi mè tɔ pɔ ku. ²³ Kǎh pɪ sě, lékyî yúkúnwìl sóle, pǎh yuku, pi mè se kɪ pɪ nê tyíle nɪ? Tir yó náh, pé népĩ kwǎrnimi pól-á à pĩ sèle.

²⁴ Képah sɔkɔ, Yesu yo pé tyí: «Liyel wey pĩ-ñkě, ànê Liyel tēnweno pĩ-ñkě yĩn náh yéle pílkinó sɔkɔ di? ²⁵ Lékyî yúkúnwìl sóle, sê tókókì náh mɛ, pɛ dékè náh mɛ. Névyɛ kɪ mɛ, á kɪ nɛ *yĩnyō tēntōbe sō pal tē-ñsah. ²⁶ Á yuku lékyî yúkúnwìlnó tyí sɔkɔ: Yé náh kè kar yah Moyisi sébě sɔkɔ, fĩ nê-á dukuni tyíle n yo, nê-á sò nyàh lépǔle ké sɔkɔ di? Kè mɛ wárkínsàhnóle nénpó nɛ, Liyel-á yo Moyisi tyí: «Ñmɔ ye Abrahamɪ Liyelle, ànê Yisakɪ Liyelle, ànê Yakɔbɪ Liyelle.»‡ ²⁷ Vye Liyel ye ñnɛ, lékyî Liyel náh. Sě ye yéle kǎhnpilkintěnole yò.»§

Liyel tyi kònsàhnó sɔkɔ nê-á gblò kal

²⁸ Képah sɔkɔ, *Liyel ñgbò wěkì kwó-ò dí yó kéné yékâb noh. A kè wɛ, Yesu tē wɛ kè yo ple Sadusē nópi tyí. A mɛ no de ñ tnô, té à piki yah nɛ, Liyel tir kònsàhnó nê tě se kal sé pólle nɪ? ²⁹ A mɛ yo ñ tyí: «Liyel tir kònsàhnó nê-á kal sé pólle, képah wɛ yò: «Á níkí kwɔ, Yisrayel: Api Tě-ñgbě Liyelle, ñmɔ núkúní ó ye Tě-ñgbě Liyelle. ³⁰ Ñ tyí yĩnɛ kè no á tyí á nɪ pólle, ànê á min pólle, ànê á fɔkɔ sɔno pólle, ànê á tǎhkì pólle.»* ³¹ Ké ní-ò wɛ yò: «Á ní-ò tyí yĩnɛ kè no á tyí á gblǔy tyí kǔle.»† Liyel tir kònsàhnó yó ntě náh tǔ kal sépi nínóle.» ³² Wǎh yo sě, Liyel ñgbò wěkì kwó-ò dí mɛ yo ñ tyí nɛ, kǎh ple, pé kwó-ò dí! Tyi nónó-á à yo, gbɪ-á séle. Tě-ñgběne, ñmɔ núkúní ó-á Liyelle. Liyel yó náh tǔ mɛ ñmɔ tyí náh. ³³ Ñmɔ tyí-á yĩnɛ kè no á tyí á nɪ pólle, á fɔkɔ sɔno pólle, á tǎhkì pólle. Ànê á ní-ò tyí mó no á tyí á gblǔy tyí kǔle. Képah-á kɪ ple kal á yípě ko suke Liyel kō *sárkále,

† 12:19 12.19 - Yah n tɛ Deteronɔmɪ 25.5-10 sɔkɔ. ‡ 12:26 12.26 - Yah n tɛ Yekisɔdi 3.6 sɔkɔ.

§ 12:27 12.27 - Nónó-á ku sɔkɔ di mónóle, kǎh yo nɛ, Liyel-á pɪ pépi Liyelle, képah n wěkɪ nɛ, pǎh mɛ min sɔkɔ. Tir yó náh, Liyelle, kyî Liyel náh ñnɛ. * 12:30 12.29 ànê 30 - Yah n tɛ Deteronɔmɪ 6.4 ànê 5 sɔkɔ. † 12:31 12.31 - Yah n tɛ Levitiki 19.18 sɔkɔ.

ànê sárká duke téló pólle. ³⁴ Képah sòkò, Yesu kè wè nɛ, n̄ lékám-á nɔ, à ké yah wè t̄sah yo. A yo n̄ tyí nɛ, à náh mɛ fíí *Liyel t̄s̄r̄íle. Képah náh, névi náh t̄s̄ f̄ɛ syi à piki yah tir yóle.

Liyel nɛ tékínmɔnɔ n pi Davidi náh nɛnɛ dùkù n̄nɛ?

³⁵ Yesu s̄ò mɛ névyelɛ n kwɔ *Liyel wòkò òngb̄ɛ kɛntáhki sòkò, té mɛ n yo nɛ, s̄ò se pi, té *Liyel òngbò w̄ɛkì kwópú n nɛ n yo nɛ, *Kristalɛ, n̄-á Liyel nɛ, páh ki tekì mɔ, òmɔ-á ki pi *Davidi náh nɛnɛ ni? ³⁶ Tir yó náh, Davidi n̄t̄ɛ s̄ò kè yo *Liyel Mírki gb̄ò ȳò nɛ, T̄ɛ-òngb̄ɛ Liyel-á kè yo péwɔ T̄ɛ-òngb̄ɛ tyí nɛ:

«K̄ò t̄ɛ n̄mɔ gb̄òȳò s̄òle,
mé ki á sép̄ébi pi
á gbáhsúkíle.»‡

³⁷ Davidi n̄t̄ɛ-à ònɛ n ye n̄ T̄ɛ-òngb̄ɛnɛ, kè ki pi s̄ò, té à ki pɔ n pi Davidi náh nɛnɛ? Légb̄ínɛ, tówú òngb̄ɛ s̄ò mɛ wey m̄nɛ n nohn̄i Yesu tyí n̄v̄n̄i sòkò.

Yesu nɛ, pé pé gbl̄òynɛ n kyom̄i Liyel òngbò w̄ɛkì kwópúle

³⁸ Wáh mɛ névyɛ kwónó sòkò gb̄í n̄nɛ, à yo pé tyí: «Yé yé gbl̄òynɛ n kyom̄i *Liyel òngbò w̄ɛkì kwópúle. Fwòm̄on òngb̄nɔ mónk̄onk̄ónɔ tyí nɔ pé tyí. Pé n nɛ mɛ ké tyí nɛ, névyɛ nɛ n t̄s̄ n sah n wɛki pé tyí tówú t̄ukè-òt̄àn sòkò. ³⁹ P̄ɛ t̄ɛ-òt̄àn òngb̄nɔle n yah n k̄ò *Liyel ní-òt̄àn v̄i sòkò, n̄ té né-òngb̄nɔ t̄ɛ-òt̄ànne n yah n k̄ò ȳòke òngb̄nɔ ȳò-òt̄àn sòkò. ⁴⁰ Nte nɛ n syiki pékúsyo ȳò, pé gb̄àn ȳile n syi ȳínv̄i sòkò. Nte nírilɛ n pi ȳòs̄ɛk̄ilɛ nɛ, névyɛ pé wɛ. S̄ɛ ye pé tukey ki tukey k̄épékè yó.»

Pékúsê yām nɛ yó n̄v̄i pólɛ Liyel k̄ò

⁴¹ Légb̄ínɛ, Yesu s̄ò mɛ k̄ònt̄ɛn̄ólɛ Liyel wòkò yah, pò dáhn̄mɔ-òsah kwáh gb̄òpɔ, té névyɛ pò dáhn̄mɔ dùkùle n yah. Tahbi nahnáh s̄ò mɛ pò nahnáhle n dah n mɔ n pɔ. ⁴² D̄ò, pékúsê yām nɛ yó pɔ, pò pló nínó dah mɔ. Sè s̄ò mɛ núkú núkúnɔ nínó óle. ⁴³ Képah sòkò, Yesu n̄ *t̄ò sáhpu yé, té yo pé tyí: «Kègb̄i ȳò, mé kéle n yo yé tyi, pékúsê yām nɛ m̄-á pò n̄ɛ dah mɔ kwáh sòkò, kè kal névyɛ pól tyíle. ⁴⁴ Tir yó náh, no pól pò ȳò dòhn̄n̄ó ye, pé dah mɔ. Nte, òmɔ àn̄ê n̄ yām t̄óle, n̄ sahki pól ye à dah mɔ, wáh nɛ pɔ n̄ɛ t̄o ȳò n pi.»

13

Yesu Liyel wòkò òngb̄ɛ sónó tyí yo sah

¹ Yesu-á n wil *Liyel wòkò òngb̄ɛ kɛntáhki sòkò gb̄í n̄nɛ, n̄ *t̄ò sáhpu sòkò nɛ yó mɛ à syah nɛ, kwó-ò dí, à v̄i òngb̄nɔ nópi mɔ dùkù t̄ɛnɛ n yah, dyéh pèpl̄olɛ dé! ² Yesu mɛ yo n̄ tyí: «Á v̄i òngb̄nɔ nópi mónó wɛ kè! Sé pól ki pɔ sek̄i. Dáhki núkú n̄t̄ɛ náh n w̄ú n pi ké ní-ò ȳò.»

³ Képah náh, Yesu kyi k̄ò t̄ɛ Wólívyê sésân ȳòli ȳò, Liyel wòkò òngb̄ɛ yèsreynɛ. Wáh mɛ n̄énp̄ó, Pyeri, àn̄ê Nsyahki, àn̄ê Nsyò, àn̄ê Andrepi pò pé yahle, té à piki yah nɛ, ⁴ gb̄í n̄ɛ se tyi nópi pól ki n pi n pi ni? Nk̄ɛ, à yo pé syah. Tyi nóno se ki sé pi gb̄ínɛ pé w̄ɛki ni?

Yèvyāhr̄i tyah gb̄ínɛ

‡ 12:36 12.36 - Yah n tɛ Yìgb̄n̄i 110.1 sòkò.

⁵ Képah sɔkɔ, Yesu tyah n yo pé tyí: «Yé yé gblɔyne n kyɔmɪ, ne káh yé pilki. ⁶ Névyé náhnáh kɪ pɔ́ n̄mɔ́ yĩn tɔkɔ n pi, té kɪ ne, pépi-á *Kristalɛ. Pè kɪ névyé náhnáh pilki. ⁷ Yáh mál tyíle n nohnɪ gbí nêne, yé gbɔplo ànê fíí sɔkɔ, yé káh ye tiki yé tẽ. Sépi ye yĩne sè pɪ. Nte, képah náh tɔ̀nì kèkɔyó tyénóle. ⁸ Kwil yó kɪ yuku kwil yóle n fwo, yòtẽ yó kɪ yuku yòtẽ yóle n fwo. Té, sétáh syahrɪ kɪ me n pɪ tyahnó tókù sɔkɔ, ànê kwekule. Kè kɪ me, á kɪ ne sè kúrkí tẽ gbí yónó sɔ. ⁹ Képah ye, yépi tẽ wɔle, yé yé gblɔyne n kyɔmɪ. Tir yó náh, névyé kɪ yéle n tẽ n kyɪ n pɔ́ tukey tükè-ntàn sɔkɔ. Pè kɪ yéle n ko *Liyel ní-ntàn vɪ sɔkɔ, té kɪ yéle n tẽ n kyɪ n pɔ́ yòtãm ànê yòtãm ñgbno tyí n̄mɔ́ yĩnne ne, yé pɪ n̄mɔ́ tãrfyónóle pé yah sɔkɔ. ¹⁰ Té sépi-à pópó ne n pɪ, nìvìnì wey sán ñgbò yĩne ké ne me yo kɔ́ kèkɔyó kwlo kwlo pól névyé tyí. ¹¹ Nte, pàh yé tẽ n yuku pé gbò dáhbí-nsah, yé káh tɔ̀nì yé fɔkɔle n sɔ, yáh ne tyi nónó yo n pi. Tyi nónó-à de yé fɔkɔ légbíne, yé kɪ sépi yo. Tir yó náh, tyi nónó-á yé kɪ n yo n pi, sè náh n wil n pi yépi tyí, sè n wil *Liyel Mírkí tyí. ¹² Névyé kɪ pé yúpyé gbàhle n de n mɔ́ ne, pè pè ko mɔ́, súbì tɔ́ kɪ n pɪ sɛntɛne pé wɛnpì tyí. Wɛnpì tɔ́ kɪ pé dúbípúle n fwo, kɪ péle n dah n mɔ́ kú sɔkɔ, pé ku ku tɛne. ¹³ Névyé pól kɪ yé we mɔ́ n̄mɔ́ yĩnne. Nte, névi nê-à ñ tah sah, à pɔ́ nɔ́ kɪ tyɛ gbí tyí, tẽ kɪ pwáhn̄mɔ́nɔ́ we.»

Yèvyãhrɪ ñgbɛne

¹⁴ Képah sɔkɔ, Yesu tɔ́ yɔ́ sɔkɔ ñ weyne - ñte, wey mè kàrpu yĩne pé ké dükù pĩ. A ne: «Yé kɪ yíkínó pí-ò kèpékè we fí yó, à náh sò yĩne tɛnóle n̄yãh sɔkɔ. Légbíne, nónó-à me Yude, pè yĩne pè to de ymɔ́ sɔkɔ. ¹⁵ Névi nê-à me gbɛntĩn yò, tẽ-à tiki, à káh ne, páh n de kwáhle n tɔkɔ pé wòkò. ¹⁶ Nê-à se me swãh sɔkɔ, à káh ne, páh pé syɪ n yuku fwòmò-ñgbɛ tókò-nsah pé tĩnne. ¹⁷ Té kéne sèpĩn kɪ pɪ tyípékèle syó kúrn nètãn, ànê yòkɪ nètãn tyí. ¹⁸ Képah ye, yé Liyelle n ñi, kè káh pɪ kɪ sɔkɔ. ¹⁹ Tir yó náh, kéne sèpĩn kɪ pɪ yèvyãhrɪ ñgbɛne, nê kénkò náh we yah, Liyel-á kèkɔyó mɔ́ sɔ, à pɔ́ syɪ núkúnúkú tyí. Anê sɛnkò náh tɔ́ we n yah n pi. ²⁰ Nte, Liyel n̄tẽ-à me ké yáhntokɔ-ñkɛne ne, páh kɪ wĩlkínó pɪ kéne sèpĩn sɔkɔ, ñn̄i yó n̄tẽ min náh náh n wil n pi ké sɔkɔ. Nte, wãh nónó yah tɔkɔ pɪ ñ tyíle, pépi yĩn ye à wĩlkínó pɪ kéne sèpĩn sɔkɔ. ²¹ Képah ye, névi-à yo yé tyí ne, yé yah, *Krista-á me ásò, képah náh pɪ, wãh me wró mè, yé káh sɛ tẽ yò. ²² Tir yó náh, m̀nyobe tókù kɪ n wil n pi, té kɪ ne, pépi-á Kristalɛ. Tókù kɪ mó tɔ́ wil ne, pépi-á *Liyel tɛntò syínyopule. Pè kɪ gbíl duke dukele n pɪ, kɪ n yah n kɔ́ Liyel névyé yáhntokɔnɔ́ n̄tẽ pĩlkí-nsahle, pàh náh fɛ n tẽ n pi. ²³ Képah ye, yépi tẽ wɔle, yé yé gblɔyne n kyɔmɪ. Mé ye sé pól kwãh yo sah yé tyí.

Névi Pi pónóle

²⁴ Kéne sèpĩn sɔkɔ, yèvyãhrɪ mè sókóntɛnɔ́ náh, gbí kɪ pɪ fɛntũne, n̄wɔ́ náh tɔ́ n piki n pi, ²⁵ n̄wɔ́ képye kɪ wil yĩnyò kɪ syɪkɪlɪ, yĩnyò tãhkínó kɪ yike. ²⁶ Ké légbíne, yé kɪ *Névi Pi we, à kɪ n pi n̄yĩrn wró ñ tãhkì ñgbɛ ànê ñ gblo sɔkɔ. ²⁷ A kɪ *yĩnyò tɛntòbe tɛkɪ mɔ́ kèkɔyó yey yey pól sɔkɔ, pè kɪ ñ névyé yáhntokɔnɔ́ tuke mɔ́, à tɔkɔ yò mè tyí, á pɔ́ syɪ yò mè tyí.

Kwónó nê-á kɔ́ sɛnsóké tyí yò

²⁸ Yé kè pĩ kwónó nê-á sènsóké n kō: Ni-à me n kō ké yǐngbàn soko, kě mi pi, yé n pĩ ne, ki de gbí-á nō. ²⁹ Sēnkō-ó ye: Yáh tyi nópi we, sè n pi, yé pĩ ne, *Névi Pi pónó-á de te, wǎh me yúkey. ³⁰ Kègbi yō, mé kéle n yo yé tyí, kwey gbí névyé pól náh n ku n te n pi, né tyi nópi pól náh pi. ³¹ Yinyō ànê sétáh ki pō soko, nte nmo welo náh n soko n pi pólle.

Liyel ó ye kèkōyó tyé sóle n pne

³² Té ké lésòle ànê ké gbíne, nñi yó nte náh kè pĩ: *Yinyō tēntōbe náh kè pĩ, Liyel Pi nte to náh kè pĩ. Sú núkúni ó ye kè pĩ. ³³ Yé yé gblōyne n kyomi, yé mó ne n yah. Tir yó náh, yé náh ké pō gbí pĩ. ³⁴ Kè me, á ki ne dí yó sō n soko kóló, té n fō dahbi n tēntōbe gbò. A pé pól ne núkú núkú wēki pé tǎnne, té yo gbò syíkí-ò tyí ne, à káh ne n dō, à ne n yah. ³⁵ Képah ye pi yépi to ne n yah, tir yó náh, yé náh gbóntē pō só pĩ: Kè ki pi nívine ni? Kè ki pi lénile ni? Kè ki pi sni gbo gbíne ni? Kè ki pi séngbòle ni? ³⁶ Wǎh n pi, à káh pō yé we tē dōy soko. ³⁷ Nte, nê-á mé n yo yé tyí, mé kéle n yo no pól tyí: Yé ne me n yah.»

14

Nsyifunō yòtām me Yesu kònmō-ńsahle n yah n kō

¹ *Paki syáh-á n tyah yínintēnole, ké téy sō wū sèpìn nini, té Paki ànê sē-ńkē búrn syáh ki n syah n pi. Légbíne, *sárká wǐkǐpu yòtām n̄gbnō ànê *Liyel n̄gbò wēki kwópú sō me Yesu tē-ńsahle n yah n kō yǐnvī soko, n kònmō mō tēne. ² Pè sō me n yo wē tyí ne, pé náh fē tir mè pi n pi syáh syáhnó sèpìn soko, kǎh ki fē kwil névyé fòkòvyǎhni yilki mō kègbile.

Sê yó pō làsèkwèl mō Yesu yō

³ Ké lésòle, Yesu sō me Betani kwil soko, *tótē dí Simo gbò soko. Wǎh sō me yónó soko gbí nēne, sê yó de yuku pé tnō niri so pèpey yóle, làsèkwèl dan tahle ké yǐine. A ké yah yiki mō, té ké kwe mō Yesu yō. ⁴ Nónó-á sō me nēnpó, kè náh sō nō túkù tyí. Pè yuku n yo wē tyí ne, kú se pi, té à làsèkwèl mè yiki sē ni? ⁵ Kǎh ki sō fē yām, ki kah pó pló kyetōní yō, té ki séle yāmtām kō. Té me pé foko vyǎh pi mēne kègbile. ⁶ Nte, Yesu me yo pé tyí: «Yé ye n yō! Kú pi, té yé n yahle n vyǎh? Tyi pèpey ye à pi nmo tyí sē yō. ⁷ Nte, yāmtām ki me ànê yéle sōmesó. Yé ki fē pèpōrile n pi pé tyí, káh nō yé tyí gbí nēne. Nte, nmo tē wō náh n me n pi yéle sōmesó. ⁸ Pi mè pi pi tē ye à pi. A kwǎh tē làsèkwèl mō nmo wil yō. A kè tō sah te diki soko dáhnmo yinne. ⁹ Mé ki kè yo yé syah kègbi yō ne, kèkōyó pól soko, nìvìni wey sǎn-à n yo nýǎh, pi mè-á nē pi, képah to ki n yo. No dōy ki n kwne n tyíle.»

Yudasi vìnóle Yesu náh

¹⁰ Yudasi Yisikaryotile, Yesu *tò sǎhpú népí gbōnimí soko yó ye sō nne. Nmo soko à kyí yo *sárká wǐkǐpu yòtām n̄gbnō tyí ne, páh ki fē Yesu dahbi pé gbò. ¹¹ Kǎh pi sē, n wey mè nóhnó kah nō pé tyí. Pè me yo sah núkú yō ne, páh ki pó dan yóle à kō. Képah soko, Yudasi-á pi sō, té à dahbi n pi pé gbò, à tyah képah sókó-ńsahle n yah n kō.

Yesu pè kō pè Paki yōke pi

12 Sě-ńkě búrn syáh tyah sóle, Yesu *tò sáhpú à piki yah ne, nýāh soko se à me ké tyí ne, pé kyí *Paki yōke pi n tyí ni? *Nsyifuno ńkěne Paki képyēne n ko lésōle, képah ye. 13 Képah soko, à n tò sáhpú nēpí ní mí wilki tō, té yo pé tyí ne, pè kyí kwil soko. Pàh kú de n te, pàh kú dí yó yohni, à kú me ni pín twah. Pè n sò tē. 14 Wàh kú kyí de gbô nê, pè yo kéne gbô nétē tyí ne, kwó-ò dí-á ne, wòkò nê soko se pé kú pò n yō n pi Paki yōkele ànê pé tò sáhpúle ni? 15 Wàh kú pè wēki yínyō wòkò soko táh ñgbě yóle. Yíyìn pól-á kú me tōnsàhnóle ké soko. Ké nēnpó soko-á pè kú Paki yōke pi pé tyí. 16 Wàh yo sē, n tò sáhpú kyí kwil soko, té pè ntyínō kyí tyi pól wē, wàh sò kè yo sō pé tyí. Pè me Paki yōke pi nēnpó soko.

17 Képah soko, níví-á pò nò, à pò de ànê n tò sáhpú nēpí gbōnimine. 18 Pàh sò me yónó soko gbí nēne, à yo pé tyí ne, kègbi yō, pépi soko ne yó-á kú pò n vi n pi péwò nàh, nê-á me n yō péle fí núkú. 19 N tò sáhpú-á képah noh, pé yah kwò kègbile. Pè tyah ñne n piki yah núkú núkúle. Nyò n ne, péwò se ni, nyo n ne, péwò se ni? 20 A yo pé tyí: «Yépi nēpí gbōnimí soko, nê-á me n di n mōle tēngbil núkú soko, tē wò ye. 21 Kègbi yō, *Névi Pi kú n ku n pi, sō-á sò *Liyel wey sébēnó kè yo sah n tyí soko. Nte, tyí pékè ñgbě ye kéle n gbàh dénmo-ò tyí! N dúbí-ńkě ye nàhkí fónfó n dúbínó yō.»

Yesu yōke téyne

22 Képah soko, yōke yō gbíne, à búrn tōko, té wēki Liyel tyí, té kú kwòki dibí pè kō, té yo pé tyí: «Yé syi kéle, n mō wil ye.» 23 Képah nàh, à me ñvè wò wò kwàh tōko ñvène ké soko, té weyne Liyel kō, té kéle n *tò sáhpú kō pé pól wò ké soko, 24 té yo pé tyí: «Képahle, n mō tó ye, nê-á kú névye yégbékè kwò mō ànê Liyelle. Kè kú kwè tówù yinne. 25 Mé kéle n yo yé tyí kègbi yō: Mé nàh tō ñvè wò n yah n pi. Māh pópó ñvène n wò tō n tō, ñvè sán yó ye *Liyel yòtōrí tyah soko.»

Yesu ne, Pyeri-á kú n vyāh kōli pé tyí soko

26 Képah nàh, pè Liyel gbílkínó yì gbí. Pàh gbí te, pè yuku Wólívyé sésàn yōli yō. 27 Pàh kyí nēnpó, à yo pé tyí: «Yé pól kú n mō yahle n pi. Sō-á *Liyel wey sébēnó kè yo sah ne, yípénfē-á kú ko mō, té yípēy pól-á kú to karkí gbòplòle.»* 28 Képah nàh, à tō yō soko yo pé tyí: «Māh pò yuku n kúnteno nàh gbí nēne, mé kú kyí yéle n syíki Kalile soko.» 29 Képah tēne, Pyeri me yo n tyí ne, téló pól-á kú sō à yahle, péwò tē wò nàh à yahle n pi. 30 Nte, Yesu me yo n tyí ne, pàh kéle n yo n tyí kègbi yō, kwey lékàh mē soko, sénpe-à kú pópó n gbo ke nínó, wàh kú me n vyāh kōli te ke tōnó ne, pé nàh péwò pī. 31 Nte, Pyeri tō kè tō yo yíí n tyí ne, kú fyé-à sō, pàh kú ku ñne. Pé nàh n yo n yah n pi pólle ne, pé nàh ñne n pne. Pé no téló pól to yo sē.

Yesu níri pínóle Yesemani soko

32 Képah nàh, pè soko tyah yó, nýāh-á pè n ye Yesemanine. Pàh yíni tē nēnpó soko, à yo n *tò sáhpú tyí ne, pè tē ásò, pé mó kyí Liyel ni pò. 33 Wàh n soko, à Pyeri ànê Nsyaki, ànê Nsyō tē soko. Té légbíne, n foko sò me fēki, té tíki me à kah tē. 34 Képah soko, à yo pé tyí: «Yèkworí me n soko, kè sō ñne n ko. Yépi tē ásò, té yé káh ne n do!» 35 Té yuku yah tinne kwéy, à kyí

* 14:27 14.27 - Yah n te Sakari 13.7 soko.

gbètukunò di, té yo Liyel tyí ne, kàh kɪ fě pɪ n pi, à pé wilki kwíónó mè sòkò. ³⁶ A tǒ yo pé kwil wey sòkò: «Aba, bǒ, tyi pól me áwò gbò. Nmò wilki yèvyàhrɪ mè sòkò. Nte, nê-á me ké sòkò, ñmò dyo yíi tǐ káh pɪ, té áwò tyí mó pɪ.»

³⁷ Wǎh níri pɪ te, à ñ syɪ pò tò sáhpú népí tǒmí nópi tnô, à pò pè we pé me n dɔ. A yo Simo Pyerɪ tyí: «Á me n dɔ kè? Á náh tǐ we yah kwéy kè no lér núkú ntǐne kè. ³⁸ Yé gbah tǐ yé ne n yah, yé mó Liyelle n ni, yé káh pò *sétò tǒnmòno fě syi. Fòkò sǒno pèpɛy me névi sòkò, té ké pínó tǎhkì náh me ñ sòkò.»

³⁹ Wǎh yo te pé tyí sǐ, à yal pé tnô, té tǐ kyɪ níri pɪ gben tǐ tyí kǒle. ⁴⁰ Képah náh, à ñ syɪ pò ñ tò sáhpú tnô ntǐ. A pò pè we, dɔy me tǐ we pé tyí. Yo yo tir náh tǐ we pé tyí. ⁴¹ Wǎh tǐ kyɪ pò ke tǐ-òle, à yo pé tyí: «Yé me sǐ tǐ yéle n mɪ kè? Kè tyɛ! Ké gbí no. Núkúnúkú, *Névi Pi kɪ dahbɪ népɛl gbò. ⁴² Yé yuku á sòkò! Yé yah, névi nê-á ñmòle n dahbɪ pé gbò, tǐ pò te.»

Yesu tǐnǒle

⁴³ Wǎh me képah yónó sòkò sǐ, à náh tǐnì yo te, té Yudasi, nê-á ñ *tò sáhpú népí gbǒnimí sòkò yóle, ñmò yín méfwóbé nékwínkí yísyó yah, à pò kèkírɪn ànê léplóle pé gbǎn. *Sárká wílkɪpu yǒtǎm ñgbno ànê *Liyel ñgbò wǐkì kwópú ànê yèwǎhnì ye sò tekɪ mɔ péle. ⁴⁴ Té nê-á sò Yesu dahbɪ n pi pé gbò, à sò me pɪ dùkú yóle pé wǐkɪ sah. A ne, páh kɪ pò wɛkɪ nê tyí té à pɔrɪ tǐ, ñmò-á. Pè à tǐ, pé mó ñne n kyomɪ n yuku palle.

⁴⁵ Képah sòkò, wǎh núkú pò yíni tǐ Yesu tyí, à wɛkɪ ñ tyí ne, pé kwó-ò dí, té núkú à pɔrɪ tǐ. ⁴⁶ Káh pɪ sǐ, no nópi núkú pò tuke Yesu yó, à à tǐ. ⁴⁷ Yesu tò sáhpú sòkò yó núkú ñ kèkírki yɔrɪ de, à sárká wílkɪpu yǒtǐ ñgbǐ tǒnpi yó níki kǒ kǎm.

⁴⁸ Képah sòkò, Yesu me yo pé tyí: «Yé pò ñmò tǐ-ńsah kèkírɪn ànê léplóle yé gbǎn, á kɪ ne kèlékǐ névi sǐ ñne. ⁴⁹ Swǒ swǒ pólle, mé sò ñkǐne n ne n me yé wró *Liyel wòkò ñgbǐ kéntáhkì sòkò, névyele n kwò. Té yé náh í tǐ. Nte, tyi nóno-á yo *Liyel wey sébǐnó sòkò, sépi píntũno yín ye.» ⁵⁰ Képah sòkò, ñ tò sáhpú pól to karkɪ, té à sah. ⁵¹ Té kètǐnpíkì yó sò me Yesu sò tǐ, fwòpín núkú ó ye sò à pil. Pè à tǐ ñ fwòpín tyí, ⁵² à mó kè fe de mɔ, té to sòkò ñ sǐnpǐne.

Yesule Nsyifunò tukey tǔkèpu yah

⁵³ Képah náh, pé Yesu tǐ yuku *sárká wílkɪpu yǒtǐ ñgbǐ gbò. Ké nǐnpó sòkò, sárká wílkɪpu yǒtǎm ñgbno, ànê yèwǎhnì, ànê *Liyel ñgbò wǐkì kwópú wǐ tuke mɔ. ⁵⁴ Té Pyerɪ sò me Yesu sò tǐ wil fíí sòkò, à pò we de sárká wílkɪpu yǒtǐ ñgbǐ gbò, à kyɪ nyàhle n wne gbó tǎh sòkò ànê yǒtǐ dí tǒnpɪble.

⁵⁵ Sárká wílkɪpu yǒtǎm ñgbno ànê *Nsyifunò tukey tǔkèpu pól sò me n yah n kǒ ne, pé tir yó we sah Yesu yó, pé à we ko mɔ. Nte, pé náh me vǐ-ńsah we ké tyí. ⁵⁶ Tir yó náh, mǐnyobe tǎrfyónó náhnáh sò me. Pé náhnáh sò me n wil mǐnǐne n yo n sah ñ yó. Té pépi ntǐ náh sò me sah wǐ tyí yó. ⁵⁷ Túkú me n yuku lékǎhle ñne n kǒ ne, ⁵⁸ páh noh à me n yo ne, péwò-á kɪ *Liyel wòkò ñgbǐ mè sò, nê-á névi mɔ, té kɪ kè tǐ mɔ sǐpín tǐnì wró, nê

náh n pi n pi névi gbò m̀onune. ⁵⁹ Nte képah fyé yõ, m̀inyobe tàrfyò nópi náh me sah tírr wě tyí yõ.

⁶⁰ Képah sòkò, sárká wìlkìpu yõtë ñgbě yuku yĩn no pól yah, té Yesu piki yah ne, tir kó me ñ tyí yo yo tēne ni, pãh me tyi nónó pólle n yo n sah ñ yõ? ⁶¹ Nte, Yesu náh vi m̀o ñ tyí, à náh tir yó yo ñ tyí. Sárká wìlkìpu yõtë ñgbě t̄o ñ syi à piki yah ne, ñm̀o se *Kristale, Liyel-á ne, páh kɪ ne tekɪ m̀o ni? Liyel, nê-á pé pól me n gbilki, ñ dórí pi se ñne ni? ⁶² Yesu me yo ñ tyí: «Áwe, ñm̀o ye. Té yé kɪ *Névi Pi we k̄ont̄enóle tyi pól Të Liyel gbòyò s̄òle, kɪ me n tiki n pi n̄yĩrn sòkò.»† ⁶³ Képah sòkò, sárká wìlkìpu yõtë ñgbě fòkò kah vyãh. Fòkòvyãhn̄i tē tyí, à ñ fẁom̄on yorɪ t̄o, té me n yo ne, pé se noh ni? Tàrfyò yah yah tē náh t̄o me ké sòkò. ⁶⁴ Pè kó Liyel tyí wékíndeno noh ñ tyí ni? Pè se ne, pé pi s̄o ñne ni? Névyé pól yuku yo ne, wãh yĩne k̄onm̀onole. ⁶⁵ Pé tókù yuku n s̄in n m̀o n p̄o ñ yõ. Pè ñ yah vike t̄u, té ñne n m̀ikɪ n p̄o gb̄enkukurinóle. Té yo ñ tyí ne, à yo pé syah, nê-á m̀i ñne. A kè sãh n p̄i. Képah sòkò, tukey tükèpu t̄onpɪbi Yesu tē ñ létáhlóle n k̄oli.

Pyeri ne, pé náh Yesu p̄i

⁶⁶ Képah sòkò, Pyeri s̄ò me gbyêh s̄ò, gbô táh sòkò. Té *sárká wìlkìpu yõtë ñgbě t̄onpɪ pi yó p̄o. ⁶⁷ Wãh Pyeri we à me nyãhle n wne, à à gbah yah, té yo ñ tyí ne, ñm̀o t̄o-á s̄ò me Nasareti kwil Yesule! ⁶⁸ Nte, Pyeri me ñ vyãh k̄oli té ne, pé náh à p̄i, péwò n̄tē náh me ñ wey mè syíkí-ńsah we dé. Wãh yo s̄e, à wil kyɪ yĩn kélé yah.

⁶⁹ Képah tēne, pi m̀e-á t̄o kyɪ à we, nóno-á s̄ò me n̄n̄p̄ó, à t̄o képah núkú ó yo pé tyí ne, dí m̀ene, pépi sòkò ne yó-á! ⁷⁰ Pyeri me t̄o ñ vyãh k̄oli. D̄o, névyé nóno-á s̄ò me n̄n̄p̄ó, pépi t̄o tyah n yo Pyeri tyí ne, yékãb náh n me ké sòkò. Wãh n wil Kalile sòkò, no nópi sòkò ne yó-á ñ t̄ole. ⁷¹ Képah sòkò, Pyeri tyah ñ gbl̄oyne n wo pélpèl ne, dí nê tyí-á pé n yo pé tyí, pé náh ñne n pne gbógbó. ⁷² N̄n̄p̄ó swò, s̄enpe gbo ke ní-òle. Képah sòkò, Pyeri dyo to k̄o Yesu wey tyíle, wãh s̄ò nê yo ñ tyí ne, s̄enpe-à kɪ p̄ópó n gbo ke nínó, wãh kɪ me ñ vyãh k̄oli te ke t̄onó ne, pé náh péwò p̄i. Képah tē sòkò, wãh képah s̄o, à tyah n gbo.

15

Pè Yesu tē yuku Pilati tyí

¹ Képah sòkò, séngb̄o púpúle, *sárká wìlkìpu yõtãm ñgbno, ànê *Liyel ñgbò w̄k̄i kwópú, ànê yèwãhn̄ne, pépi pól ye s̄ò pi *Nsyifunò tukey tükèpu yõtãmne. Pépi wě tuke m̀o Yesu tyí sòkò. Képah tēne, pé à tē pukubi, té kyɪ ñne *Pilati gbò dahbi. ² Pilati me à piki yah ne, ñm̀o se Nsyifunò yõtēne ni? A me yo ñ tyí: «Áwò ye yo kélé.»

³ Képah sòkò, sárká wìlkìpu yõtãm ñgbno me lékãhle à k̄o tyi náhnáh sòkò. ⁴ Képah náh, Pilati me t̄o à piki yah ne, à kó tir yó yo n pi ni? Tyi nónó pól-á n yo n sah ñ yõ, à kó sè noh ni? ⁵ Nte, à náh t̄o vi m̀o. Képah Pilati yáh-ńsah tye.

Pè Yesu gbàh de m̀o k̄i k̄o

† 14:62 14.62 - Nê-á Liyel t̄ent̄o syĩno-ò yo sah Daniyel 7.13 sòkò, Yesu ne, pé gbl̄oy tyí-á pé n yo.

⁶ Ye ye pólle, *Paku syáh-à n syah, *Pilati nkène wòkònpèkè sòko ne núkú yó fin mɔ, nê tyí-á nɔ tówú tyí. ⁷ Páh Yesu tẽ kyɪ Pilati fɪnne gbí nêne, dí yó sò me wòkònpèkè sòko, pè n ye Barabasile, ànê pé nɔle. Pè sò nékókè mɔ gbí nê-á sò pè me yahle sàhnóle *Wromeno tyí yõ. ⁸ Képah tẽne, tówú yuku kyɪ de Pilati fɪnne, à kyɪ tyah òne n ni ne, wáh dar, té tir nêne n pi pé tyí Paku syáhnó sòko, wáh náh kè pi pé tyí. ⁹ Pilati mó yo pé tyí ne, pè se ne, pé *Nsyifuno yõtẽ ñgbẽ fin mɔ ni? ¹⁰ A sò kè pĩ ne nkẽ, dyo yónó-á *sárká wìkìpu yõtãm ñgbno kɔ pè Yesu dahbi péwɔ gbõ. ¹¹ Té sárká wìkìpu yõtãm ñgbno sò me gbah tẽ tówúle n kurki n mɔ ne, pè yo ne, à Barabasi wilki fin mɔ pé kɔ. ¹² Pilati pè piki yah tɔ òtɔ ne, sɔ se pé ki pi dí mène, nê-á pè n ye Nsyifuno yõtẽne ni? ¹³ Pè tɔ gbo mɔ, té me yo: «Yé à syi *dahni yõ!» ¹⁴ Pilati yo pé tyí ne, tyípekè nê se à pi ni? Pè tɔ tɔ gbo mɔ náhnáh nkẽ, à syi dahni yõ. ¹⁵ Képah sòko, Pilati Barabasi fin mɔ. A sò me tówú nìvìle n yah n kɔ, képah ye. A pè kɔ pè Yesu ko yèfòhle, té òne sràhsyíbi kɔ ne, pè kyɪ à syi dahni yõ.

Sràhsyíbi kóle Yesu ko

¹⁶ Képah tẽne, sràhsyíbi Yesu tẽ yuku gbô nyó yõtẽ dí tẽ-nsah, té pé no pól ye tuke mɔ. ¹⁷ Páh ki pi sɔ, té ki kóle à we n ko n pi, pè fwòmɔn syáh pèpey yó mɔ à kɔ té, yòkɔ pi pàn yìle, à dyi à kɔ tɔrí yókúrí swɔ. ¹⁸ Té tyah n yo ò tyí ne, páh n weki ò tyí, *Nsyifuno yõtẽ ñgbẽ, ¹⁹ té òne n miki ò yõ sòko gbè-ńsinne, té n sin n mɔ n pɔ ò yõ. Pè gbètukuno di, à kɔ kwínki sétáh ò yah sòko. ²⁰ Páh kóle à ko te, pè fwòmɔn syáh mɛ de ò wil. Té tɔ ò flo tɔko mɔ à kɔ. Képah náh, pè wil òne kégbó sòko ò syi yinne *dahni yõ.

Pè Yesu syi dahni yõ

²¹ Sireni ne yó sò me, pè n ye Simole, Alekisädre ànê Wurfu súle. Légbíne, òmɔ sò me wil swáh, me pɔ n sòko. Sràhsyíbi à kyí mɔ, à Yesu syi syi *dahni mɛ twah. ²² Pè yuku Yesule tyah yó sòko, ñyáh-á pè n ye «Kolkotale», yògbèkè tyahle. ²³ Té pè me syibi yó fèki mɔ òvè sòko à kɔ ne, à wɔ, té à yahle. ²⁴ Képah náh, sràhsyíbi à syi dahni yõ, té me òdan mɔ à ò flo dibi wẽ tyí. ²⁵ Páh à syi gbí nêne, gbí me pɔntòki sòko. ²⁶ Páh à syi yõ nê yõ, pè kè wārki syi ò yõtah sésár sénó yõ ne: «*Nsyifuno yõtẽ ñgbẽ». ²⁷ Té me tɔ kèlékè névye népí ními syi dahlo yõ ò gbòplo, ò gbòyò ànê ò gbèyìnè sò. [²⁸ Képah sòko, nê-á yo sah *Liyel wey sébèno sòko ne: «Pè à mɔ kɔ tyípèl pípu sòko»*, kè òtyíno pi sɛ.]

²⁹ Képah tẽne, wèkɔbi sò me òne n gbyo n sòko, té me pé yòle n kal, me yo tũ ò tyí ne, òò, òmɔ nê-á sò ne, páh ki *Liyel wòkò ñgbẽ sɔ, té ki kè tɔ mɔ sèpìn tɔnì wró, ³⁰ à ò gblóy pwah n mɔ, à mó tiki dahni yõ! ³¹ Képah núkú-ó ye, *sárká wìkìpu yõtãm ñgbno ànê *Liyel ñgbò wèkì kwópú sò me kóle òne n ko, té me n yo wẽ tyí ne, wáh névye tókù pwah mɔ, té à náh fè ò gblóy pwah n mɔ! ³² Òmɔ-à ki ne Liyel-á ne, páh ki ne tekì mɔ Yisrayel yõtẽne, à tiki dahni mɛ yõ! Páh ki képah we, páh ki sɛ ò yõ. Té nónó-á sò me syínóle dahlo yõ ò gbòplòle, pépi tɔ me òne n gbyo.

* 15:28 15.28 - Képah sò yo Yesayi 53.12 sòko.

Yesu kúnóle

³³ Gb̄intō p̄l̄e, lékâh m̄o s̄etáh pól yō s̄ok̄o, f̄óó à p̄o n̄o gb̄ekâm gb̄í tyí.
³⁴ Gb̄ekâm gb̄í-á n̄o, Yesu kah de syi, té yo pé kwil w̄ey s̄ok̄o: «Eloyi, Eloyi, lama sabaktani?» Képah n̄ yo ne: «Ñm̄o Liyel, ñm̄o Liyel, k̄u p̄i, té á ñ fin m̄o?»
³⁵ Nónó-á s̄ò m̄e n̄énp̄ó té k̄è noh, pé t̄úkù s̄ò m̄e n̄ yo ne, p̄è t̄ok̄o noh, w̄áh m̄e *Yelile n̄ ye.
³⁶ Képah s̄ok̄o, pé s̄ok̄o ne yó m̄e to kyi s̄ènsúkúrí t̄ok̄o dahb̄i wilki ȳòȳòk̄i ni s̄ok̄o, à dyi gbey yó vyāh tyí, à p̄o n̄o ñ tyí ne, à w̄o, té m̄e yo t̄ū ne, pé ye yah ñk̄ah Yeli-á k̄i n̄tyíno p̄o à tiki m̄o n̄ pi *dahni m̄è yō ni?
³⁷ Képah n̄áh, Yesu m̄e de syi, té pȳé ku.
³⁸ Nénp̄ó sw̄o, fw̄o n̄ê-á *Liyel w̄òk̄ò ñgb̄ē f̄ok̄o táh dibi n̄ínó, k̄è t̄o, à t̄ok̄o ké ȳòtah, à p̄o syi s̄etáh tyí.
³⁹ Sr̄àsyíbi l̄èkw̄ē ȳòt̄ē dí n̄ê-á s̄ò m̄e ȳínn̄t̄ēn̄óle, té ñ ku d̄úkù we s̄ē, à ne: «Gb̄i yō, dí m̄ēne, Liyel pi ye n̄tyíno s̄ò ñne.»

⁴⁰ Syó ȳísyó t̄o s̄ò m̄e ȳin t̄ē f̄íí, m̄e n̄ yah. Pépi wr̄ó s̄ok̄o Makadala kwil Mari, àn̄ê Mari n̄ê-á Nsyak̄i pir àn̄ê Yose ȳúne, àn̄ê Salome s̄ò m̄e.
⁴¹ Pépi ye s̄ò Yesu s̄ò t̄ē, ñ t̄òle n̄ p̄i Kalile s̄ok̄o. Syó kw̄inki ȳísyó t̄o s̄ò yuku ñne Yerusalem̄i s̄ok̄o.

Yesu ȳínóle diki s̄ok̄o

⁴² P̄áh Yesu ko m̄o s̄ó n̄ê n̄v̄íne, ké d̄èndal ye s̄ò p̄i *Nsyifun̄o *m̄i m̄i yòhle.
⁴³ Arimat̄i kwil ne yó s̄ò m̄e, p̄è n̄ ye Yoseful̄e. Nm̄ole, Nsyifun̄o tukey t̄ùk̄èpu s̄ok̄o ne p̄èp̄ey yó ye s̄ò ñne. Nm̄o t̄o s̄ò m̄e *Liyel t̄órí p̄ónóle n̄ syik̄i. Nm̄o ñ n̄i syāh, à kyi Yesu lékó ni *Pilati tyí ne, à ñne pé k̄ō, pé kyi à ȳi.
⁴⁴ Pilati-á noh ne, Yesu-á n̄úkú ku te, k̄è ñ yáh-ńsah tye. Á sr̄àsyíbi ȳòt̄ē dí ye p̄o piki yah ne, ñ kúnó di se mo ni?
⁴⁵ W̄áh ké gb̄i noh te sr̄àsyíbi ȳòt̄ē dí tyí, à mó w̄ēk̄il̄e Yosefu k̄ō ne, à kyi Yesu lékó t̄ok̄o.
⁴⁶ Képah s̄ok̄o, Yosefu kyi fw̄òp̄in̄ dwe. Á kyi Yesu lékó de *dahni yō, té à plo fw̄òp̄in̄ m̄è s̄ok̄o, à dah m̄o diki s̄ok̄o, n̄ê-á t̄ū tek̄i s̄ok̄o, té d̄áh-ñgb̄ē yó pil p̄o vike ké yah.
⁴⁷ Légb̄íne, Makadala Mari àn̄ê Yose ȳú Mari mó Yesu d̄áhn̄m̄o-ńsah yah p̄ok̄o m̄o sah.

16*Yesu yuku wil diki s̄ok̄o*

¹ *M̄i m̄i yòh-á s̄ok̄o, Makadala Mari, àn̄ê Nsyak̄i ȳú Mari, àn̄ê Salome kyi l̄àsèkw̄el̄ dwe Yesu yō m̄o m̄o t̄ēne.
² Dimasyi s̄ó séngb̄ō p̄úsó, gb̄i gbo gb̄íne, p̄è yuku diki yō.
³ Syó n̄ópi m̄e n̄ yo w̄ē tyí ne, n̄ê se k̄i d̄áh-ñgb̄ē m̄è yik̄i m̄o pé k̄ō ni?
⁴ Té p̄áh ne, pé yah, p̄è d̄áhk̄i m̄è we p̄ilnton̄ole diki yah s̄ok̄o.
⁵ P̄è de yuku diki s̄ok̄o, té kyi k̄èt̄ēnp̄ik̄i yó we, à m̄e fw̄òm̄on̄p̄ik̄i m̄o k̄ō t̄ē gb̄òȳò s̄òle. Tík̄i p̄è kah t̄ē.
⁶ Té k̄èt̄ēnp̄ik̄i m̄è m̄e yo pé tyí: «Yé káh tík̄i p̄i! Nasareti Yesu ye yé n̄ yah n̄ k̄ō, n̄ê-á p̄è syi *dahni yō. Á yuku wil diki s̄ok̄o. Á n̄áh m̄e ás̄ò. Yé p̄o yah ñ s̄ē-ńsahle.
⁷ Yé kyi yo Pyeri àn̄ê pé no téló tyí ñk̄ē, w̄áh m̄e péle n̄ syik̄i Kalile s̄ok̄o, s̄-á l̄és̄ò à k̄è yo sah pé tyí.»
⁸ Syó n̄ópi-á képah noh s̄ē, p̄è wil diki, à to s̄ok̄o wil syahr̄i s̄ok̄o tík̄i t̄ē tyí. P̄è n̄áh m̄e n̄ yo n̄ m̄o ne tyí, tík̄i k̄áhnt̄ēno t̄ē tyí.

Yesu ñ gbl̄oyne Makadala Mari w̄ēki

[⁹ Dimasyi s̄ó séngb̄ō p̄úsó, Yesu yuku wil diki s̄ok̄o. Á ñ gbl̄oyne Makadala Mari ñgb̄ò w̄ēki, w̄áh l̄és̄ò *s̄ét̄àn̄ kw̄árn̄ino ȳini wilki pi n̄ê s̄ok̄o.

10 Makadala Mari kyɪ kɛ yo Yesu *tò sáhpú tyí. A kyɪ pé we kũ yèkwɔɪ gbní sɔkɔ. 11 Páh noh, Mari n yo pé tyí ne: «Yesu me n vile! Nmo ye a we!», pé náh sɛ n yõ.

Yesu n gblɔyne n tò sáhpú népî nímí wɛki

12 Képah náh, Yesu *tò sáhpú népî nímí sò me kwílpír yó wɛkì tɛ. Páh me kéne wɛkì yõ, Yesu n gblɔyne pé wɛki dùkù yóle.* 13 Pé pé syɪ kyɪ ké yah yo pé no téló tyí, té pépi tɔ náh tɔ sɛ pé yõ.

Yesu n gblɔyne n tò sáhpú népî gbɔnúkú wɛki

14 Sépi pól sókóntɛnɔ náh, Yesu n gblɔyne n *tò sáhpú népî gbɔnúkú wɛki pé yõke yõ gbíne. A pé yahle n yo pé níki sékélkè, ànê pé tir yõ sɛ-ńkɛ yinne. Páh sɔnpi yahle pé vi wépu yõ sɛnóle pé kúntɛnɔ náh. 15 Képah sɔkɔ, à yo pé tyí: «Yé kyɪ nìvìnì wey sánnɛ n yah n yo n kɔ kèkɔyó névye pól tyí. 16 Névi nê-à sɛ ké yõ té *wèlnwìlkínó we, nmo ki pwah. Té nê-à sɛ ńkɛne ké yõ, nmo ki wũ ké sɔkɔ. 17 Té nónó-á sɛ ké yõ, yé ki pé pĩ pé tyípinó sɔkɔ: Pé ki *sétánnɛ n yini n wilki névye sɔkɔ nmo yin yõ, té ki welɔ snóle n wɛki, 18 té ki fɛ wahy tɛ pé gbòle, té ki fɛ kwáh pèkè wɔ, té kè náh tir yó pi n pi pé sɔkɔ. Anê pàh pé gbàn sah yámpú yõ, pé ki de.»

19 Tɛ-ńgbɛ Yesu-á yo te sɛ, à yõ dɔkɔ sɔkɔ yinyõ, à kyɪ kɔ tɛ Liyel gbòyò sò. 20 Képah náh, tò sáhpú me kyɪ tyah nìvìnì wey sánnɛ n yo n kɔ ywɔ ywɔ pól sɔkɔ. Tɛ-ńgbɛ sò me péle n yohni mɔ kéne tò sɔkɔ, me gbíl tyile n pi, tyi nónó-á n wɛki ne gblɔ-á pé welɔle.]

* 16:12 16.12 - Képah ye yo dal mɔ Luki 24.13-35 sɔkɔ.

Likyi-á nìv̀nì tir nê wãrkı Yesu tyí soko

Likyi-á nê yo ò sèbéy tyí yõ

¹ N dí Tewofil, tyi nónó-á pı á wró, névye náhnáh tyah me séle n wãrkı. ² Pè sè wãrkı, sã-á tàrfyòno yo séle á tyí, pépi nónó-á sò we séle sé tyah gbí dükùle, té sò me Liyel wey yópùle. ³ Képah ye, nımo to me tyi nópi nıy tẽ palle, nónó-á pı, à toko ké tyah gbí tyí. Té me ké tyí ne, nımo to sè wãrkı ò kã sé wèkì yõ, sãh pı syı wẽ tyí sã, n dí Tewofil. ⁴ Képah soko, á kı pı ne, wáh kwónó nê we, gbı-á kéle.

Yinyõ tẽntõ yó po Welnwilkı-ò Nsyõ dúbınó tyí yo sah

⁵ Yerodu-á sò me yõtẽne Yude kwil yõ soko gbí nêne, sárká wılkıpu yõtẽ yó sò me, pè n ye Nsakarıle. Sárká wılkıpu yõtãm nónó-á sò Abya tınkıle, pépi soko ney yó ye sò òne. N kı Yelisabetı tole sò, sárká wılkıpu yõtẽ ògbẽ Arõ náh ney ye òne. ⁶ Pé nımı sò me néglóle Liyel yah. Pè sò me Liyel tyi kònsahnó pólle n pı, té me ò tyıyónè pól tẽ yıı. ⁷ Nte, pé nımı sò dye te, Yelisabetı náh sò fẽ pi we n pi, képah ye pi náh sò me pé tyí.

⁸ Só yóle, Nsakarıpi tınkı to pı gbı-á po no, à sò me tole n pı Liyel yah péle. ⁹ Pãh dar té sãhntokonole n pı sã, kè sò po yıne òmole. A sò yıne à de Liyel wòkò ògbẽ soko, à sèkukuri pãn pèpey suke Tẽ ògbẽ Liyel yah soko. ¹⁰ Légbıne, tówú pól sò me Liyelle n ni kégbó soko, wáh wòkòle n yõ gbı nêne. ¹¹ Wãh me képah soko, yinyõ tẽntõ yó wil ò yah, té me yın tẽ wòkò yõ yõ kwáh gbòyò sòle. ¹² Nsakarı-á à we gbı nêne, tıki à tẽ, ò lékãm fẽkı. ¹³ Nte, yinyõ tẽntõ mè yo ò tyı: «Nsakarı, káh tıki pı, á Liyel nınó ye tẽ. Á kı Yelisabetı kı dınpı dubı á tyı, té á kı ò yın sah Nsyõne. ¹⁴ N dúbınó kı pı nìv̀nì ògbẽne áwo ànê névye náhnáh tyı, ¹⁵ ò né-ògbẽ pónpıno yıne Tẽ ògbẽ Liyel yah. A náh dıvẽ wo n pi, à náh tã kónó yó rıtẽ wo n pi, té kı me yúkúnóle Liyel Mırkı tãhkıle ò dúbı-ńkẽ gbı dükùle. ¹⁶ A kı po Yısayel névye náhnáh kã, pè kı pé syı po pé Tẽ ògbẽ Liyel tyı. ¹⁷ A kı n ko Liyel yah Yeli pı dükù ànê ò tãhkıle ò soko. A kı po súbı ànê pé wẽnpı wró tã sah, té kı òhnì-òkẽpú vi mo pı òhnıpule. A kı névye tã sah vi mo Tẽ ògbẽ kã.»

¹⁸ Wãh yo sã, Nsakarı yo ò tyı ne, péwo ànê pé kıle, pé nımı-á dye te. Kãh pı sã, sã se pé kı fẽ pı ne, gbı-á à yo nı? ¹⁹ Képah soko, yinyõ tẽntõ yo ò tyı: «Kabrelı ye nımole, nê-á n yın Liyel yah, à ò tole n pı. A n tekı mo ne, mé po nìv̀nì wey mè yo á tyı. ²⁰ Nte yah, á náh sã n welo yõ. Té, sè kı mó tã po n pı n tũ n pi sé gbı soko. Képah ye, á vyãh kı gbı tẽ, á náh tã fẽ n wekı n pi fóó, kı po no tyi nópi pıntũ só tyı.»

²¹ Légbıne, tówú sò me Nsakarıle n syıki. Té ò kãhnmonole Liyel wòkò ògbẽ soko, képah sò me pé gbãn du. ²² Nte, Nsakarı-á pópó n wil, à náh me fẽ n yo n mo pé tyı. Kãh pı sã, no pı ne, gbıl tir yó-á wil ò yah Liyel wòkò ògbẽ soko. A sò me ò gbãn óle n pı n mo pé tyı, té me wekı kwlo.

²³ Képah náh, n̄ tǒ pínó sèp̄in-á pɔ tũ Liyel tyí, à n̄ syi yuku n̄ gbô. ²⁴ Kéne sèp̄in sókóntenɔ náh, n̄ kyi Yelisabeti kúrki tɔkɔ, té kè wǒbi n̄wǒlɔ kwlɔ. A sǒ me n sǒ ne: ²⁵ «Yah, pèpɔri nê-á Tě ñgbě Liyel pi ní tyí yò. A ye r̄tyíno yah dah mɔ ní tyí sɔkɔ núkúnúkú, à ní sen tɔkɔ to ní yò névye yah.»

Yesu dúbinó tyí yónsàhnóle Mari tyí

²⁶ Képah náh, n̄wǒlɔ kénúkò sókóntenɔ náh, Liyel tǒ n̄ ȳinyò tǔntò Kabrel̄i tǒ kwil yó sɔkɔ, nê-á pè n ye Nasaret̄le, Kalile sétáh yò. ²⁷ A à tǒ yěndyíkì yó tyí, nê-á sǒ me gb̄ínóle Davidi náh ney Yosefu tyí. Yěndyíkì mè ȳin ye sǒ Marile. ²⁸ Wǎh kyi, à de yuku Mari tn̄ò, té yo n̄ tyí: «Mé wekɔ á tyí Mari. Tě ñgbě Liyel me pèpɔri yó tǒ sah pi á tyí, à me ále.»

²⁹ Mari-á kéne welɔ noh sě, n̄ gb̄an du. A sǒ me n sǒ n̄ fɔkɔ ne, yò nê yò se à pɔ wekɔ mɔ pé tyí sě ni? ³⁰ Képah sɔkɔ, ȳinyò tǔntò yo n̄ tyí: «Mari, pèpɔri ye Liyel n pi á tyí n̄ ñgbèkì sɔkɔ. Káh n ye kè pi tiki tirl̄e á tyí. ³¹ Yah, á kɔ kúrki tɔkɔ, kɔ d̄inpir yó dubi, té kɔ n̄ ȳin sah Yesule. ³² A kɔ pi né-ñgběne Liyel yah. A kɔ n ye yòtah Liyel pile. Té Tě ñgbě Liyel kɔ à kǒ, à kɔ tǔ kwil yò n̄ náh ney Davidi sǒ. ³³ A kɔ n wũ n pi Yisrayel kwil pól yò gb̄imegbí. N̄ yòt̄óri náh tye yah n pi pólle.» ³⁴ Wǎh yo sě, Mari à piki yah ne, n̄te, pé náh se d̄í tyí p̄i. Sǒ se kè kɔ pi, té pé kɔ kúrki tɔkɔ ni? ³⁵ Ȳinyò tǔntò me tǒ yo n̄ tyí: «Liyel Mírki kɔ tiki á yò, té yòtah Liyel tǎhk̄i kɔ fɔkɔ tũ á yò fob sǒ mɔ. Képah ye, pi nê-á á kɔ n dubi n pi, à kɔ me pèkè kéne n̄ sɔkɔ, té kɔ n ye Liyel pile. ³⁶ Yah, á wòkò ney Yelisabeti, nê tyí-á no yo tũ ne, pikán sê-á ñne, à me kúrki tɔkɔ n̄ dyèntenɔ náh, ké n̄wǒlɔ kénúkò-ò ye yò. A kɔ n dubi n pi d̄inpirle. ³⁷ A náh we di, Liyel tǔ we tyi pól tyí.» ³⁸ Wǎh yo te, Mari tǒ n̄ syi yo n̄ tyí: «Ñmɔ me Tě ñgbě Liyel tyí yò. Wáh yo sǒ, Liyel kè pi sě ní tyí.» Képah náh, ȳinyò tǔntò n̄ syi sɔkɔ.

Mari kyinyahnóle Yelisabeti tyí

³⁹ Kéne sèp̄in sɔkɔ, Mari yuku sɔkɔ súú ymɔ yò, Yude kwil yó sɔkɔ. ⁴⁰ A kyi de Nsakar̄i gbô, té wekɔ mɔ Yelisabeti tyí. ⁴¹ Yelisabeti-á Mari wékínmɔno noh, piri núkú kah werke n̄ fɔkɔ sɔkɔ. Képah sɔkɔ, Yelisabeti me yuku Liyel Mírki tǎhk̄ile, ⁴² té yo n̄ tyí ȳinp̄ò ñgběne ne: «Sām me mónóle á sɔkɔ, à kal syó pólle. Anê sām me mónóle á fɔkɔ tǎh piri tɔ sɔkɔ. ⁴³ Nédúkú nê me ñmɔ tǔ tɔle, té ní Tě ñgbě yú kɔ pɔ n yah ní tyí? ⁴⁴ A náh we di, mǎh fyò á wékínmɔno noh r̄yǎh, ñiv̄in̄i tǔ tyí, piri núkú kah werke ní fɔkɔ sɔkɔ. ⁴⁵ Ñiv̄in̄i me á tyí, áwɔ nê-á sě ké yò ne, Tě ñgbě Liyel-á nê yo, kǎh kɔ pi tũ.»

Liyel ȳin gb̄ilk̄inóle Mari tyí yìgb̄in̄i sɔkɔ

⁴⁶ Képah sɔkɔ, Mari ne:
«Ñmɔ me ní ni dal mɔ Tě ñgbě Liyelle n gbilki,
⁴⁷⁻⁴⁸ N̄ Pwáhn̄mɔ-ò Liyel fě syi yah dah mɔ ní tyí sɔkɔ.
Képah ye, ní ni me v̄inóle n̄ ȳinne.
Ñmɔ nê-á me n̄ tyí yò, me ní gbl̄oyne n tiki n mɔ n̄ yah sɔkɔ.
Gb̄i yò, à tɔkɔ núkúnúkú tyí, knɔ knɔ pól kɔ pɔ n yo n pi ne,
mǎh yèvin̄i we.
⁴⁹ Tyi pól tyí t̄enwe-ò Liyel ye tyí-ñgb̄no pi ñmɔ tyí,
n̄ ȳin ye Kètòkě Liyelle.»

50 N ñgbèkì kɪ me tɔnmɔnyukunɔle knɔ knɔ pól yõ tyé-ńkêne, nónó-á ñ yah tíkile n pɪ.

51 A ñ gbò táhkìle tò pɪ:

Gblɔy gbílkinó sɔnɔ-á me nónó sɔkɔ,
à pè karkɪ.

52 A yõtám tiki mɔ pé tɔrí klõ yõ,
té gblɔy tíkínmɔpu dɔkɔ mɔ.

53 A yõ yõ yíle kwéndébé kō yíí,
té tahbɪ fin mɔ pé sɔkɔ pé gbàn kúkóle.

54 A Yisrayel névye yohnɪ mɔ,
pépi nónó-á me ñ tyí yõ.

Ñ dyɔ náh fwɔ ñ ñgbèkì pínóle,

55 à yuku Abrahamɪ ànê ñ náh tãn ònne tyé-ńkêne, wãh sò ñ vyãh kō sō á súbí ñgbò tãn tyí.»

56 Képah sɔkɔ, Mari tẽ Yelisabetɪle, à ńwǒló tónó kénkō pɪ. Képah náh, à ñ syɪ sɔkɔ ñ ònne.

Welnwìkì-ò Nsyõ dúbínóle

57 Képah sɔkɔ, Yelisabetɪ dubi gbí-á pɔ nɔ, à dubi ònpirle. 58 N tnô tẽpu, ànê ñ wòkò tãn-á noh ne, Tẽ ñgbẽ Liyel-á pèpɔri ñgbẽ pɪ ñ tyí, pè à tahlɪ pè ké ñvìnì pɪ. 59 N dúbínó sèpìn kwártõ-ò sóle, pè pɔ piri kò-nsah, té me n yah n kō ñ sú yìn dyí-ńsahle ñ tyí, nê-á Nsakarɪle. 60 Nte, ñ yú me yo pé tyí ne: «Ō, à kɪ n ye Nsyõne.» 61 Pè me yo ñ tyí ne, ñgbõ ñ wòkò ney yó nte yìn náh me sè dé. 62 Té me kwásí pɪ piri sú tyí ne, yìn nê se à kɪ sah à kō nɪ? 63 Képah sɔkɔ, à pè kō, pè sésár sénó yó tɔkɔ pɔ à kō, à wãrkɪ mɔ ké yõ ne: «Nsyõ ye ñ yinne.» Képah pé pól gbàn du. 64 Nénpó swɔ, Nsakarɪ nénpórí de mɔ, ñ vyãh gbínó tye, à tyah n wekɪ, à Liyel yinne n gbilki. 65 Kãh pɪ sè, tiki de pé tnô tẽpu pól sɔkɔ, té no sò me tyi nópi pólle n yãh n kō Yude ymɔ yõ kwlo pól sɔkɔ. 66 Té Tẽ ñgbẽ Liyel sò me ñne. Képah ye, nónó pól-à sò tyi nópi noh, pè sè tẽ n sah pé nno sɔkɔ, ñ té ne me wẽne n piki n yah ne ńkẽ, piri mè se kɪ pɔ n pɪ n pi nédúkú nêne nɪ?

Liyel yìn gbílkinóle Nsakarɪ tyí yìgbìnì sɔkɔ

67 Képah sɔkɔ, piri sú Nsakarɪ Liyel Mírki táhkì we, té me Liyel tẽntò welɔle ñ syi n yo ne:

68 «Tẽ ñgbẽ nê-á Yisrayel Liyelle, ñ yìn ne n gbilki,
ñmɔ nê-á pɔ ñ no yohnɪ mɔ, à pè wilki yõri sɔkɔ,

69 té me Pwáhnmɔ-ò táh wilki mɔ á kō,
à wil ñ tònpi dí Davidi náh tãn sɔkɔ.

70 Képah ye lésõ à ñ tẽntò syínyopu kō, pè yo sah di mónóle ne,

71 páh kɪ á syi pwah mɔ á pèltãn tyí,
té kɪ á wilki á dyɔ yópú gbò.

72 A á súbí ñgbò tãn nɪ gbe yíí.

Ñ dyɔ náh fwɔ ñ yégbékè kwrónmɔnsàhnó tyíle péle.

73 A sò ñ wo á ñgbò sú Abrahamɪ tyí ne,

74 páh kɪ á tẽ syi á pèltãn gbò,

á kō á fẽ tòle n pɪ pé tyí tiki kẽne,

75 á mó pɪ néglóle yályál pé yah,

á min pól sɔkɔ.

⁷⁶ Té áwɔ tẽ wɔle, ímɔ pi, á kɪ pɔ n kɔ Tẽ ñgbẽ yah sɔkɔ, kɪ ñ wãl tɔ n sah n pi.

Képah ye, pè kɪ ále n ye <Yõtah Liyel tẽntò syínyo-òle>.

⁷⁷ Té kɪ ñ no kɔ pè kɪ pwáhnɔnɔ òkù pĩ, pé tyípèl yɔnmɔnɔ gbò yõ.

⁷⁸ Api Liyel ñìgbèkì, ànê ñ tɔnsàhnɔnɔ gbò yõ, à kɪ kyòò mɔ á yõ kɪ wil yínyõ gbí sɔ gbo,

⁷⁹ kɪ pɔ kyòòle névye kɔ, nónó-á me kũ fěntũ tíkí sɔkɔ, té kɪ á yey vi mɔ yèvinu wěkì yõ.»

⁸⁰ Té Nsyõ tẽ wɔ sò me n kyãh, ànê ñ lékám me n yɪkɪ n mɔ n yuku. A sò me tẽ gběnnu sɔkɔ pópó, à pɔ syi ñ gblɔy wěkínó gbíyìkì tyí Yisrayel névye yah.

2

Yesu tẽnwɛnɔ n wil ñyãh?

¹ Kéne tyi pɪ gbíne, Wromɔnɔ yõtẽ Wokusti kwní kɔ ne, pè pé tɔrí mé-ntân névye pól yãh pé dan pĩ. ² Kéne névye yáhnó gben pɔ Krinisi we Siri kwlo pól yah yétẽne. ³ Képah tẽne, no pól sò me pé ynine n wãrkɪ n pɔ pé súbì kwlo sɔkɔ. ⁴ Té Yosefulɛ, yõtẽ dí Davidi náh ney ye sò ñne. Kãh pɪ sɛ, ñ tɔ mó wil Nasaretɪ kwil, Kalile sétáh yõ, à yuku Yude kwil yó sɔkɔ, pè n ye Betlemɪne, yõtẽ dí Davidi dúbì-nsah. ⁵ Té Yosefu kyɪ Mari sò me kúrkile, pãh n yuku pé yni wárkí-nsah gbí ñne. ⁶ Pãh kyɪ yĩni tẽ, pè sò me sɛ nénpó, té Mari dubi sò nɔ. ⁷ Képah sɔkɔ, pè tẽ-nsah yah kwlo népân twáh-nsah, té kyɪ tẽ yípèy sɛ-nsah. A ñ pígben dubi dínpirlɛ, té à plo fwo gbrólɛ, à snɛkɪ mɔ yípèy yõ yõ dú yó sɔkɔ.

Yínyõ tẽntõnè wìlnmɔnɔle képyéñfěbɪ yõ

⁸ Légbíne, Betlemɪ kwil gbòpɔ yóle, képyéñfěbɪ yísyó sò me n sò gbãh sɔkɔ, à pé képyéñne n syɪkɪ. ⁹ Pè me tẽnóle, té yínyõ tẽntò yó pɔ wil mɔ pé yõ. Nénpó swɔ, Liyel tɔrí núkú tyah pól piki pèrr pé yõ. Tíkí me pé kah tẽ. ¹⁰ Yínyõ tẽntò me yo pé tyí: «Yé káh tíkí pɪ! Kwil pól ñìvì tir pèpɛy yó ye mé pɔ yó-nsah yé tyí. ¹¹ Piri yó me dubi yé tyí kwey lékãhne Davidi kwil sɔkɔ. Nmɔ ye Tẽ NGBÈNE pè n ye Kristale, Liyel-á ne, páh kɪ ñê tɛkɪ mɔ. Nmɔ ye tɔ yé pwáhnɔ-òle. ¹² Té yáh ne pɪ sɔ, té à yah n pĩ n pi, kè we yò: Yáh kɪ kyɪ píyírì ñê we plónóle flòle, té me snékínmɔnɔle yípèy yõ yõ dú sɔkɔ, ñmɔ ye.»

¹³ Nénpó swɔ, yínyõ tẽntõnè yísyó wil kwĩnkile yínyõ, à pɔ gben tẽ nɔ, pè tyah Liyel yĩnne n gbilki yìgbìnì sɔkɔ, me yo tũ ne ñkě:

¹⁴ «Liyel yĩn pɪ gblò yínyõ.

Nmɔ ye ñ yèvinune ñ ñìvì névye kɔ sétáh yõ.»

Képyéñfěbɪ kyínyahnɔle Yesu píyírì tyí

¹⁵ Képah náh, yínyõ tẽntõnè-á pé syi sɔkɔ yínyõ, képyéñfěbɪ nópi mó n yo wě tyí ne, pé no, pè yáwɔ pé kyɪ yah Betlemɪ. Tir ñê-á pɪ nénpó, té Liyel ñ tẽntò tɔ pé tyí, páh yĩne pé kè we. ¹⁶ Pãh wɛkɪ wě kɔ sɛ, pè pé kyãh yuku

Betlemı. Pè piyırı mè soh kyı we snékínmɔnɔle yípêy yõ yõ dú sɔkɔ, Mari ànê Yosefule n gbòpɔ. ¹⁷ Páh à we sɛ, yínyõ tɛntò-á tyi nónó pól yo pé tyí n tyí sɔkɔ, pè sè yãh pè syah. ¹⁸ Nónó pól-á képyénfɛbı wɛlɔ nópi noh, kè pé gbàn du. ¹⁹ Mari tɛ mó tyi nópi pól syi sah n fɔkɔle n sɔ. ²⁰ Képah náh, képyénfɛbı pé syı. Yínyõ tɛntò-á sò yo sɔ pé tyí, kè mó ntyínɔ pı sɛ. Képah ye, páh tyi nónó pól noh té tyi nónó pól we, sépi pè kɔ pè Liyel yinne n gbilki, n pal tyíle n yãh n yuku wɛkì yah.

²¹ Képah náh, piri dúbínó sèpìn kwártɔ-ò sóle, n kɔ gbí nɔ. Pè me n yin sah Yesule, sɔ-á sò yínyõ tɛntò yo sah kéle n kúrkì tókó-ńkɛ gbíne.

Yesu dáhbínóle Liyel gbò

²² Képah sɔkɔ, sédám pèkì kúnó nê-á yíne kè pı Moyisi tyi kònsàhnó-á kè yo sɔ, ké sèpìn-á tũ, Yosefu ànê Mari Yesu tɛ yuku Yerusalemı, à kyı ñne Liyel gbò dahbı. ²³ Kè ye me wárkínsàhnóle Tɛ ñgbɛ Liyel tyi kònsàhnó sɔkɔ ne ńkɛ, pye gbɔ dínpı pól-á yíne pè Tɛ ñgbɛ Liyel gbò dahbı. ²⁴ Anê tɔ ñkànpìnnó nínóle, pèkì ànê yũkile Liyel kɔ sárkále, képah náh pı, kèpíkípikínɔ nínóle, sɔ-á kéle wárkínsàhnóle Tɛ ñgbɛ Liyel tyi kònsàhnó sɔkɔ.

²⁵ Té légbíne, dí yó sò me Yerusalemı sɔkɔ, pè n ye Simeyɔle. A sò me négbíle Liyel yah, té me n sah n yóré yõ. A sò me Yisrayel pwáhnɔ-ò pónóle n syıkı, té Liyel Mírkí sò me n sɔkɔ, ²⁶ té kéle à wɛkı ne, à náh n ku n pi, né à náh Krista we yíne, nê-á Tɛ ñgbɛ Liyel kı tɛkı mɔ n pi. ²⁷ Képah sɔkɔ, Liyel Mírkí n yah tɛ yuku Liyel wòkò ñgbɛ kéntáhkı sɔkɔ. Té Yesu dúbípú sò me à tɛ pɔ tyi kònsàhnó píntũ yinne n tyí, kãh yo sah sɔ. ²⁸ Képah tɛne, Simeyɔ me piri mè tɛ n gbò, té Liyel yinne n gbilki, me yo tũ ne:

²⁹⁻³¹ «N Tɛ ñgbɛ Liyel, mé pwáhnɔ-ò we n yíne, wáh nê kɔ kékòyó névyé pól yí yah.

Képah ye, á kı fɛ á tɔnpı min syi núkúnúkú à kɔ à ne n yuku yèvını sɔkɔ, sɔ-á á wey kè yo.

³² Pwáhnɔ-ò kı pı kyòole kwlo kwlo névyé tyí, kı á dùkùle pè wɛkı, té kı pı yõ yónóle áwɔ no Yisrayel tãn tyí.»

³³ Kãh pı sɛ, tyi nónó-á à yo Yesu tyí sɔkɔ, sè pı gbëndùñne n sú ànê n yú tyí. ³⁴ Képah sɔkɔ, Simeyɔ me sãm mɔ pé sɔkɔ, té yo n yú Mari tyí ne: «Yah, piri mè me Yisrayel névyé náhnáh syíkínmɔnɔ ànê pé náhnáh yílkínsàhnó yinne, ànê yékâb dénó yòle. ³⁵ Kãh pı sɛ, névyé náhnáh fókósɔnɔ kı wilki mɔ kwèyy. Té áwɔ tɛ wɔle, á kı yèvyãhrı pı, á kı ne pè sɔ me á nule n suke nyãhle.»

Liyel tɛntò syínyo-ò pi An-á nê yo Yesu tyí sɔkɔ

³⁶ Té Liyel tɛntò syínyo-ò pi yó sò me, pè n ye Anne. Fanuwel písê ye sò, nê-á Aserı yíkì neyne. N yah sò wah náhnáh. N sèpíl gbíne, wãh de pɛ tyí, n pɛ yah kwlo ké ye kwãrní-ò sɔkɔ. ³⁷ A me tɛ pékúsèle, à pɔ nɔ ye tíkíyéh pó nýáh tyí. A náh sò me n gbɛ n mɔ Liyel wòkò ñgbɛne, té me Liyel yinne n gbilki gbímeɓbí, ké lékãh ké gbìntɔ, níkì tɛnó ànê nírí sɔkɔ. ³⁸ Nmɔ tɔ me de kyı yíne Yesu ànê n dúbípúle Liyel wòkò ñgbɛ kéntáhkı sɔkɔ. A tyah

Liyel yinne n gbilki. Té nónó-á sò me Yerusalemi pwáhnmonɔ syɔkɪ tɛ, à me piri tyile n yāh pé pól tyí.

³⁹ Yesu dúbípú-á Liyel tyi sàhnó pɪ tũ te, képah náh, pè pé syɪ sɔkɔ Kalile sétáh yõ, pé kwil Nasaretɪ sɔkɔ. ⁴⁰ Té piri wɔ mó me n kyāh, me tǎhkìle n we. Lékám ñgbě sò me n sɔkɔ, té Liyel me n nɪle n gbe.

Yesu wúnóle Liyel wòkò ñgbě, ñ ye gbāmní-ò sɔkɔ

⁴¹ Ye ye pólle, Yesu dúbípú ñkěne ne n kyɪ n pɔ Yerusalemi, Pakɪ syáh sɔkɔ. ⁴² Té Yesu-á pɔ nɔ ye gbɔninóle gbí nêne, ñ dúbípú dɔkɔ yuku ñne Yerusalemi, Nsyifunɔ-á sò kéle n pɪ sɔ. ⁴³ Syáh-á pɔ tye sɔ nêne, pè pé syɪ sɔkɔ, té pé pídí Yesu me wũ Yerusalemi, ñ dúbípú pí-ñkě sɔkɔ. ⁴⁴ Pè sò me n sò ne, wǎh me ànê pé no wěkɔbɪ yísyóle. Kǎh pɪ sɛ, pè gbìyìkì núkú kóló kɔ, té pyě tyah ñne n yah n kɔ pé wòkò tǎn ànê pé népínó wró. ⁴⁵ Nte, pè náh à we. Pǎh à yah kwɔ sɛ, pè pé syɪ à yah kɔ yuku Yerusalemi sɔkɔ. ⁴⁶ Ké sèpìn tɔ-ò sóle, pè pyě kyɪ à we Liyel wòkò ñgbě kéntáhkì sɔkɔ. A me kǔntěnlóle Liyel ñgbò wěkì kwópú wró, me n nohnɪ pé tyí, té me péle n piki n yah tyile.

⁴⁷ Nónó pól-á sò me n nohnɪ ñ tyí, ñ lékám ànê ñ tyi yah yónó dùkù pé gbǎn du. ⁴⁸ N dúbípú-á à we sɛ, kè pépi tɔ gbǎn kah du. N yú me yo ñ tyí ne, pé pídí, sɔ se pɪ, té à pɪ sɛ pé tyí nɪ? A yah, péwɔ ànê ñ sú yáh-ńsah-á tye kègbule ñ yáhnkɔnɔ sɔkɔ. ⁴⁹ Nte, à me yo pé tyí: «Sɔ pɪ, té yé ñne n yah n kɔ? Yé náh pɪ ne, máh yĩne mé ne n me n sú tyah sɔkɔ di?» ⁵⁰ Nte, pè náh me ñ wey mè tyí yah we.

⁵¹ Képah náh, à me yuku péle Nasaretɪ kwil sɔkɔ, té me ñ gblɔyne n tiki n mɔ pé tyí. N yú wɔ mó tyi nópi pól syi sah ñ fɔkɔ. ⁵² Té Yesu sò me n kyāh ñ gběnsê ànê ñ lékám me n ykɪ n mɔ n yuku. Té wǎn tɔ me mɔ ñ ñgbèkì yõ Liyel ànê névye tyí.

3

Wèlnwìlkì-ò Nsyɔ Liyel wey yónsàhnóle

¹ Tiberɪ-á sò me Wromenɔ yòtɛne gbí nêne, ñ yòtɔrí ye gbɔnkwɔlò-ò pɔ Põse Pilatɪ we Yude kwil yah yétɛne. Té Yerɔdɪ wɔ mó me Kalile kwil yòtɛne. N gbě dí Filipi me Yitiri ànê Trakoniti yõ. Té Lisanyasɪ wɔ me Abilenɪ yõ. ² Té An ànê Kayifi ye sò sárká wìlkɪpu yòtǎm ñgbnɔle. Légbíne, Nsakarɪ pídí Nsyɔ Liyel yónmonɔ noh gběnnɪ sɔkɔ. ³ Kǎh pɪ sɛ, à kyɪ Yurdě yo gbòplɔ tǎntǎn pól kɔ kɔ, me n yo pé tyí ne, pè Liyel wěkì tɛ, pè mó wèlnwìlkínó we. Képah sɔkɔ, pé tyípél-á kɪ yõ mɔ pè kɔ. ⁴ Kǎh pɪ sɔ, sɛ ye ntyínɔ sò Liyel tǔntò syínyo-ò Yesayi wǎrkɪ sah kéle ne ñkě:

«Ñnî yó yínpɔ ye n dɔkɔ gběnnɪ sɔkɔ ne ñkě:

<Yé Tě ñgbě wěkì tɔ sah.

Yé ñ sókó-ńtǎn pɪ tómtóm.

⁵ Ymɔ wrónɔ pól kɪ yĩ.

Kènpni ànê ymɔ pól kɪ tirki pɪ támm.

Syɔ-ńtǎn kněni kɪ pɪ tómtóm,

té wětúkúni kɪ torɪ.

⁶ Képah sɔkɔ, no pól kɪ Liyel ney pwáhnmonɔ we yíne.»

⁷ Nékwíńkí nónó-á sò n pɔ n pɔ Nsyɔ tyí à kɔ à péle n wel n wilki, à sò me n yo pé tyí ne, wáhnmiró dùkù nópi! Nê se kwɔ péle ne, pãh kɪ fẽ to pwah Liyel fòkòvyàhni yah, nê-á n pi ni? ⁸ Nkě, pè tyíplɔle n pi nónó-á n wěki n pi ne, pãh Liyel wěki tẽ. Té, pè káh pé gbò sah Abrahami yò nê-á pé súle. Páh kéle n yo pé tyí, Liyel-á kɪ fẽ dyéh nópi vi mɔ pi Abrahami pyele. ⁹ Té man ítẽ-á me yáhnshntenɔle sésán fẽ yinne sé sémín sɔkɔ. Séswô nê-á n syí-ńkěne pye pèplɔle, kãh kɪ ko dah mɔ nyàh sɔkɔ.

¹⁰ Képah tẽ sɔkɔ, tówú Nsyɔne n piki n yah ne nkě, sɔ se pé yĩne pé pi ni? ¹¹ A mó yo pé tyí ne, fwòmɔlɔ nínó-à me nê tyí, tẽ núkúle fwòmò-ńkân ney kɔ. Té yòke-à me nê tyí, tẽ yĩ kwéndé kɔ.

¹² Móri syípu yísyó to pɔ Nsyɔ tyí ne, à pé wel wilki, té à piki yah ne, pé kwó-ò dí, nkě sɔ se pépi yĩne pé pi ni? ¹³ A mó yo pé tyí ne, pãh yĩn nê yo pé tyí, pè káh ne n dohnɪ n syi ké yò.

¹⁴ Képah sɔkɔ, sràsyíbi to pɔ à piki yah ne nkě, té pépi-á dò, sɔ se pé kɪ pi ni? A me yo pé tyí ne, pè káh ney wore n gbò kwâh tẽ syi tãhkì sɔkɔ. Pè káh mó tɔ ney gbò kwâh syi yĩnvì sɔkɔ. Nkě, pè ye pé tò pínó wénó pé yĩne n yuku.

¹⁵ Képah sɔkɔ, no pól-á sò me pwáhnmo-ò syíkinó sɔkɔ sɛ, pè sò me pé gblòyne n piki n yah ne, té Nsyɔ káh kɪ nê Kristale dé? ¹⁶ Képah tẽne, à pé pól syah ne: «Nmo tẽ wɔ ye yéle n wel n wilki ni sɔkɔ. Té nê-á n pi, nmo tẽnweno kal nmo tyíle. Mé náh yĩne n lékyéh mno ítẽ wáhnmonɔle. Tẽ wɔ kɪ pɔ yé wel wilki Liyel Mírki ànê nyàh sɔkɔ. ¹⁷ N sèmuco fwo fwo kwâh me n gbò. A kɪ n tãh tɔ sah, n sèmuco fwo kɪ kwel mɔ n dúkúri sɔkɔ, té sé yésyí wɔle, à kɪ sépi suke ní-ńkě nyàh sɔkɔ.» ¹⁸ Nsyɔ sò me n syɔ sɛnkno vɪnmo mɔ kwónó duke náhnáh sɔkɔ, à nìvìni wey sãnne n yo n kɔ no tyí.

¹⁹ A wil képah sɔkɔ, à tɔ lékàhle yòtẽ dí Yerɔdɪ kɔ, n yúnpɪ kyɪ Yerɔdyadɪ tɛnsyino, ànê n tyítúkúni náhnáh pínó tyí sɔkɔ. ²⁰ Té Yerɔdɪ náh yĩn sépi tyí, à tɔ Nsyɔ tẽ dah mɔ wòkònpèkè sɔkɔ náhle.

Yesu wèlnwìlkinóle

²¹ Té Nsyɔ-á sò me névyele n wel n wilki gbí nêne, wãh névyé pól wel wilki te, Yesu to pɔ à kɔ, à à wel wilki. Yesu-á wil ni sɔkɔ té me nírile n pi, à me yínyò we kè yɪkɪ mɔ. ²² Té Liyel Mírki pɔ tiki n yò wil gběnsê sɔkɔ kèpíkípíkí kètòle. Képah tẽ sɔkɔ, yĩnpɔ yó n wil líyel sɔkɔ ne nkě: «Áwɔ ye n nìdè Pi núkúnine. A tyí nɔ yíí n tyí kègbile.»

Yesu náh tãnne

²³ Yesu-á n tò tyah gbí nêne, à sò me ye yògbãm kénkɔ sɔkɔ. Té névyé tẽ wɔ sò me n sò ne, Yosefu pídí-á nne, Yosefu nê-á sò Yeli pídíne. ²⁴ Té Yelile, Matata pídí ye. Matatale, Levi pídí ye. Levile, Melkɪ pídí ye. Melkɪle, Yanayi pídí ye. Yanayile, Yosefu pídí ye. ²⁵ Yosefule, Matatyasɪ pídí ye. Matatyasɪle, Amosɪ pídí ye. Amosɪle, Nawumi pídí ye. Nawumine, Yesli pídí ye. Yeslile, Nakayi pídí ye. ²⁶ Nakayile, Matɪ pídí ye. Matɪle, Matatyasɪ pídí ye. Matatyasɪle, Semeyin pídí ye. Semeyinne, Yosesyɪ pídí ye. Yosesyɪle, Yoda pídí ye. ²⁷ Yodale, Nswana pídí ye. Nswanale, Yresa pídí ye. Yresale, Yorobabelɪ pídí ye. Yorobabelɪle, Salatyelɪ pídí ye. Salatyelɪle, Neri pídí

ye. ²⁸ Nerile, Melki pídí ye. Melkile, Adi pídí ye. Adile, Kosamí pídí ye. Kosamüne, Yelemadamí pídí ye. Yelemadamüne, Yerí pídí ye. ²⁹ Yerile, Yesu pídí ye. Yesule, Yeliyeserí pídí ye. Yeliyeserüle, Yorimí pídí ye. Yorimine, Matata pídí ye. Matatale, Levi pídí ye. ³⁰ Levile, Simeyõ pídí ye. Simeyõle, Yuda pídí ye. Yudale, Yosefu pídí ye. Yosefulé, Yonamí pídí ye. Yonamüne, Yelyakimí pídí ye. ³¹ Yelyakimine, Meleya pídí ye. Meleyale, Mena pídí ye. Menale, Matata pídí ye. Matatale, Natân pídí ye. Natânne, Davidí pídí ye. ³² Davidile, Yese pídí ye. Yesele, Wobedí pídí ye. Wobedüle, Bowasí pídí ye. Bowasüle, Sala pídí ye. Salale, Nasóní pídí ye. ³³ Nasónüne, Aminadab pídí ye. Aminadable, Adimini pídí ye. Adimine, Arní pídí ye. Arnüne, Yesromí pídí ye. Yesromüne, Faresí pídí ye. Faresüle, Yuda pídí ye. ³⁴ Yudale Yakobí pídí ye. Yakobüle, Yisakí pídí ye. Yisaküle, Abrahmí pídí ye. Abrahmüne, Tara pídí ye. Tarale, Nakorí pídí ye. ³⁵ Nakorüle, Serukí pídí ye. Serukile, Wrako pídí ye. Wrakole, Falekí pídí ye. Faleküle, Yeberí pídí ye. Yeberüle, Sala pídí ye. ³⁶ Salale, Kayinamí pídí ye. Kayinamüne, Arfasadı pídí ye. Arfasadıle, Semí pídí ye. Semüne, Nowe pídí ye. Nowele, Lamekí pídí ye. ³⁷ Lameküle, Matisala pídí ye. Matisalale, Yenokí pídí ye. Yenoküle, Yaradı pídí ye. Yaradıle, Maleleyel pídí ye. Maleleyelle, Kayinamí pídí ye. ³⁸ Kayinamüne, Yenosi pídí ye. Yenosüle, Setí pídí ye. Setüle, Adama pídí ye. Adama wole, Liyel pídí ye.

4

Yesu mónyahnole

¹ Yesu-á yuku Liyel Mirkí táhkìle, à ò syí yal Yurdě yo tnô. Té Liyel Mirkí à tẽ yuku gbënni soko. ² A sèpìn tikiníní pí nénpó níkì tẽnó soko. Nénpó soko ye sétàn yõtě à mọ yah. Té sèpìn nópi-á pọ tũ, kwekí me à tẽ. ³ Káh pí sě, sétàn yõtě me yo ò tyí ne, òmọ-à kí ne Liyel Pile, à yo dáhkì mè tyí, kè vi n mọ n pí yòkele. ⁴ Yesu mó yo ò tyí ne: «Kè me wárkínsàhnóle Liyel wey soko ne nkě: <Névi náh ò min pí n pí yòke óle.>»*

⁵ Képah náh, sétàn yõtě à tẽ doko léyy, à kyí à wěkí kèkōyó tǒrí pólle séyy òsõ, ⁶ té yo ò tyí ne, páh kí fě à kō n pí sépi pól yõtǒrí, ànê sé tahrüle. Sépi pól-á péwọ gbõ dahbí. Képah-á, nê-à pé dyọ, páh kí séle òmọ kō. ⁷ Nkě, wáh kí fě syí ò gbètukuno di pé yah à pé gbilki, páh kí sé pólle à kō. ⁸ Képah soko, à mó yo sétàn yõtě tyí ne: «Kè me wárkínsàhnóle Liyel wey soko ne nkě: <Á kí á Tě ògbě Liyel ó núkúnine n gbilki, té kí n sah òmọ ó tyí yõ.>»†

⁹ Képah náh, sétàn yõtě tō yuku òne Yerusalemí, à kyí à sah Liyel wòkò ògbě yõtáh, té me yo ò tyí ne, òmọ-à kí ne Liyel pile, à yoko tiki sétáh. ¹⁰ Káh me wárkínsàhnóle Liyel wey soko ne nkě, Liyel-á kí ò yínyõ tẽntõnè kō, sè kí òne n kyomí, ¹¹ ànê tō, sáh kí à swah syí sé gbàn soko. Dáhkì náh ò gbáhkì pí yo n pí.‡ ¹² Képah tẽ soko, à me yo sétàn yõtě tyí ne: «Kè me yónóle Liyel wey soko ne nkě: <Káh á Tě ògbě Liyelle n mọ n yah!>»§

* **4:4** 4.4 - Yah n te Yálnó sébéy 8.3 soko. † **4:8** 4.8 - Yah n te Tǒnyono sébéy 6.13. ‡ **4:11** 4.10-11 - Yah n te Gbálnó sébéy 91.11-12 soko. § **4:12** 4.12 - Yah n te Tǒnyono sébéy 6.16 soko.

¹³ Kéne mónyahnɔ nópi pól sókóntɛnɔ náh, sétàn yòtḗ yal à gbɛ mɔ ònɛ, té me à syiki tḗ náh tinnɛ.

¹⁴ Képah náh, Yesu ò syi yuku Kalile sétáh yò Liyel Mírkí táhkìlɛ ò sɔkɔ. Té ò yīn sò me wil nénpó kwlo pól sɔkɔ. ¹⁵ A sò me kwónóle n pi pé Liyel ní-ńtàn vī sɔkɔ, té no pól me ònɛ n gbilki.

Nasaretí tǎn Yesu yáhlenɔle

¹⁶ Só yóle, Yesu pɔ Nasaretí sɔkɔ. Kéne kwil sɔkɔ ye sò à kyāh. Mí mī yòh sóle, à me de Liyel ní-ńsah wòkò sɔkɔ, wǎh dar té kéle n pi sò, té me yuku nɛ, pé Liyel wey kar. ¹⁷ Képah sɔkɔ, pè Liyel tǎntò syínyo-ò Yesayi sébéy tɔkɔ à kò, à syi yiki mɔ fí yó sɔkɔ, nýāh-á kè me wárkínmɔnɔle nɛ nkḗ:

¹⁸ «Tḗ ògbḗ Liyel ní yah wilki,

à ò Mírkí mɔ ní sɔkɔ nɛ,

mé òvìvì wɛy sǎn yo yām tǎn tyí.

A ní tɛkɔ mɔ yòbɔ yòrɔ sɔkɔ wīlnó tyí yo yīnɛ pé tyí,

ànê yítūbɔ yí yíkínmɔnɔ tyí yo yīnɛ,

ànê yèvyāhrɔ tḗ yò yīnɛ névye yò, nónó-á me fóhnó sɔkɔ,

¹⁹ ànê òmɔ pèpɔrɔ pɔ yi tyí yo yīnɛ.»*

²⁰ Képah náh, Yesu sébéy yah vike, té kéle Liyel wòkò kyòmì-ò kò, té kò tḗ. Té nónó-á sò me Liyel ní-ńsah wòkò, pé pól sò me ònɛ n yah díkí díkí.

²¹ Képah tḗ sɔkɔ, à tyah n yo pé tyí nɛ: «Liyel wey fí nê tyi-á yé noh, sè pi tū kweyne yé tyí.»

²² Kǎh pi sḗ, no pól sò me Yesu yíngbìle n yo. Té ò wɛlo pèplo wékínó sò me pé gbǎn du, pè me yo tū nɛ, òmɔ kó Yosefu pídíne nɔ? ²³ Képah sɔkɔ, à me yo pé tyí nɛ, páh pī nɛ, páh kɔ sèmirkí mī n pi, nê-á n yo nɛ nkḗ, sènpitḗ, à ò gblǔy de mɔ kè! Páh kɔ tḗ n yo n pi pé tyí nɛ, páh tyi nónó pól pi Kapernayumi sɔkɔ, páh sè noh. Té pé tḗ sé òkù pi pé sú kwil sɔkɔ kè.

²⁴ A tḗ yo pé tyí nɛ: «Mé kéle n yo n dal n mɔ yé tyí nɛ: pè náh Liyel tǎntò syínyo-ò yó ńtḗne n tḗ ple ò sú kwil sɔkɔ. ²⁵ Kègbɔ tḗ yò, mé kéle n yo yé tyí nɛ: Liyel tǎntò syínyo-ò Yeli me gbíne, pù-á lésò to pópó, à pɔ syi ye tǔnó ànê ńwǔlò kénúkò tyí, té kwénpékè yó me de kwil pól sɔkɔ gbí nêne, pékúsyɔ náhnáh sò me Yisrayel sɔkɔ. ²⁶ Nte, Liyel náh Yeli tɛkɔ mɔ pépi sɔkɔ nɛy yó ńtḗ tyí, té pékúsè yó tyí ye à tɛkɔ mɔ ònɛ, Sarepita kwil, Sidò sétáh yò.† ²⁷ Anê Liyel tǎntò syínyo-ò Yelise me gbíne, tótām náhnáh tɔ sò me Yisrayel sɔkɔ, té pé sɔkɔ nɛy yó ńtḗ náh dénɔnɔ wɛ, à wil Siri sétáh tótḗ dí Nama tyí sɔkɔ.»‡

²⁸ Képah sɔkɔ, nónó pól-á sò me Liyel ní-ńsah wòkò sɔkɔ, pé fɔkɔ vyāh wɛlo nópi nóhnó tḗ tyí. ²⁹ Pè me yuku Yesu tḗ yɔrɔ wil kwil sɔkɔ, à òkɔ yuku ònɛ yòh yòtah, pé kwil-á sò me mónóle nê yò, té nɛ, pé à tu wilki mɔ.

³⁰ Té à núkú wil pé wró, à sɔkɔ.

Yesu tǎnwɛnɔle sétàn yò

* **4:19** 4.18-19 - Yah n tɛ Yesayi sébéy 61.1-2 sɔkɔ. † **4:26** 4.26 - Pékúsè mènɛ, Yisrayel nɛy náh sò ònɛ. A sò n wil Sarepita kwil, Sidò sétáh yò. Yah n tɛ Yótām sébéy gben 17.9 sɔkɔ. ‡ **4:27** 4.27 - Tótḗ dí Namale, Yisrayel nɛy náh sò ònɛ. A sò n wil Siri sétáh yò. Yah n tɛ Yótām sébéy ní-ò 5.14 sɔkɔ.

³¹ Képah náh, Yesu kyɪ Kapernayumi kwil sɔkɔ, Kalile sétáh yõ, té me névyele n kwɔ Nsyifunɔ mi mi yòh sóle. ³² N̄ wey sò me yòtòrí weyne. Képah ye n̄ névye kwɔ dùkù kɔ̄, kè no pól gbàn du. ³³ Té lésòle, kè pɔ yĩne, dí yó sò me Liyel ní-ńsah wòkò sɔkɔ, sétòle n̄ sɔkɔ. Dõ, à de syi firr yĩnpõ ñgbẽne ne, ³⁴ wèèè, Nasaretɪ Yesu, kwâh nê se à n yah n kɔ pé tyí nɪ? A se pɔ pépi tyí yíkí-ńsah nɪ? Páh ñne n pne, nédúkú nê-á ñne: Nmɔ-á Liyel tekɪ mɔ yályál. ³⁵ Képah tẽ sɔkɔ, Yesu díri kɔ sétò mè yõ ne: «Á vyâh vike, ñ té n wil dí mè sɔkɔ.» Nénpó swɔ, sétò núkú dí mè tɔkɔ min névye niyó, té wil n̄ sɔkɔ, à náh dlo yó ñtẽne à nɔ. ³⁶ Kâh pi sɛ̄, kè pi gbẽndùnì ñgbẽne no pól tyí, pè me tyah n yo wẽ tyí ne, wey dùkù nê se à n wẽkɪ sɛ̄ nɪ? A tẽ we sétanne n kyĩ n mɔ tẽnwenɔ ànê yòtòrí sɔkɔ, sè n wil névye sɔkɔ. ³⁷ Sépinó-á pi sɛ̄, Yesu yĩngbí tyah n yo nénpó sétáh pól yõ.

Névyé náhnáh dénmɔnɔle

³⁸ Wâh yal Liyel ní-ńsah wòkò, à sɔkɔ Simɔ gbô. Té Simɔ déy sê sò me n kwlo wílvyáhn̄ne kèpékèyô. Pè me kè yah kɔ Yesu tyí ne, à à de mɔ. ³⁹ Képah sɔkɔ, Yesu me kɔ yĩn n̄ yõ, té díri kɔ wílvyáhn̄nì yõ, ké núkú pi fin mɔ. Nénpó swɔ, à núkú yuku tyah yòke tẽ-ńsahle n yah pé tyí.

⁴⁰ Gbĩyí dénó sɔkɔ, nónó pól-á sò me n yo yam duke dukele, pé nétâm pɔ péle Yesu tyí. A mó ñ gbãñne n sah n yuku pé nénúkù núkú yõ, à péle n de n mɔ. ⁴¹ Té sétàn tɔ sò me n wil névye náhnáh sɔkɔ. Sè sò me n gbo n mɔ sé wil gbĩne ne ñkɛ̄, Liyel pi-á ñne. Nte, sâh pi ne, Liyel ney tékínmɔnɔ-á ñne, à me díri kɔ sé yõ, té sé vyẽy tũ wékínóle.

⁴² Tyah-á núkú dal, Yesu yuku sɔkɔ gbẽnnɪ tyah yó sɔkɔ. Kâh pi sɛ̄, tówú yuku tyah ñne n soh n kɔ. Páh kyɪ à we gbí nêne, pè sò me ké tyí ne, pé à syi n sah, à kâh tɔ yal pé tnô. ⁴³ Nte, à me yo pé tyí ne: «Mé yĩne mè ñvìñvì wey sán yo n kɔ kwlo téló tɔ tyí Liyel tɔrí tyí sɔkɔ. N̄ tékínmɔnɔ yõ ye kèpahle.» ⁴⁴ Képah náh, à kyɪ tyah Liyel weyne n yo n kɔ Liyel ní-ńtân vî sɔkɔ Yude kwlo sɔkɔ.

5

Yesu yěnkɔ tẽpú ye pɔ pi ñ tò sâhpúle

¹ Só yóle, Yesu-á sò me Yenesaretɪ yó-ñgbẽ gbòpɔ, tówú pɔ à mɔ gbĩ sah pílpíl, Liyel wey noh yĩnne. ² Yesu me krótónè níñvì we yo tnô sɔkɔ, té yěnkɔ tẽpú me wil sé sɔkɔ, me pé yěnkɔ tẽ tẽ mnɔle n wu. ³ A me de krótónè nópi núkú sɔkɔ, nê-á sò Simɔ tyíle. Té kè yah kɔ ñ tyí ne, à yal kéle yo vyâh tyí, à de yuku yo sɔkɔ kwéyy. Képah-á pi, à kɔ tẽ krótókè sɔkɔ, à yõ sɔkɔ tówúle n kwɔ.

⁴ Wâh wekɪ te gbí nêne, à yo Simɔ tyí ne, à de yuku yahle yo tĩ tẽ-ńsah. Pè mó pé mnɔ min dah mɔ yo sɔkɔ, pè yěnkɔ tẽ. ⁵ Simɔ me à syah ne, pé yòtẽ, pépi-á tò pi sò, té pé náh kwâh yó ñtẽ we tẽ. Nte, ñmɔ yóré yõ, páh kɪ mnɔ min dah mɔ. ⁶ Képah sɔkɔ, pè me pé mnɔ min dah mɔ yo sɔkɔ, té yěnkɔ we tẽ tnónóle fók, pé mnɔ tyah n kòli. ⁷ Pè me pi mɔ pé no tyí, nónó-á sò me krótókè ní-ò sɔkɔ ne, pè pɔ pé yohnɪ mɔ. Pè me pɔ pé yohnɪ mɔ, pé yěnkɔ wilki mɔ krótónè níñvì nópi yĩne fók, sè n tyah tíkíndenɔle ni sɔkɔ. ⁸ Simɔ Pyerɪ-á kèpah we sɛ̄, à ñ gbètukunɔ di Yesu yah, té ne, pé

Yòtě, tyípékè pí-ò-á péle. Képah yinne, à gbe mo péwole. ⁹ Páh yěnkya nópi we tẽ pípi sě, tíki me Simo ànê pé no pól kah tẽ, ¹⁰ à tahlı Sebede dınpı tyı, Nsyaki ànê Nsyõne, pépi nóno-á sò Simo tò pi mune. Képah tẽne, Yesu me yo Simo tyı: «Káh tíki pi! A toko nukúnukú tyı, á ki pi nénye yéno-òle Liyel tyı.» ¹¹ Képah náh, pé wil po krótónè sah kènkwhàh yò ànê pé vyó pólle, té me Yesu sò tẽ.

Yesu tótě yó de mo

¹² Só yóle, Yesu sò me kwil yó sokò, té dí yó to sò me nénpó, dú nyânne n wil pól sokò. Wáh Yesu we sě, à ko kwıki, n yah di sétáh Yesu yah, té à ni ne, pé Yòtě, wáh me ké tyı, wáh ki fě pé de mo. ¹³ Wáh yo sě, Yesu nukú n gbò no, à tũ n tyı, té ne: «Mé me ké tyı, á ki de!» Nénpó swò, dí nukú de. ¹⁴ Képah sokò, Yesu kè gbah yo n tyı ne, à káh yı mè yáh ney tyı pólle. Té à kyı n gblõyne sárká wılkıpu yòtě wěki. Moyisi-á sò sárká nê tyı yo sah tótám dénmono tyı sokò, à mó kè pi n tũ. Képah-á ki n dénmonole pé wěki.

¹⁵ Képah fyé yò, wán sò me n dohnı Yesu yın wılno yò, té nékwıki sò me n tuke n mo n wey noh yın, ànê pé yamno mónđenmo yinne. ¹⁶ Té Yesu wo sò nkẽne n gbe n mo n tẽ n gblõy gbėnnı sokò, n Liyelle n ni.

Yesu sèkùkù dí yó de mo

¹⁷ Só yóle ntò, Yesu sò me kwónóle n pi, té Farisiyẽno ànê Liyel n gbò wěki kwópú to sò me kóntẽnóle nénpó. Pé wil Kalile ànê Yude kwlo pól sokò, ànê Yerusalemı to sokò. Té Tě n gbě Liyel tãhkı sò me Yesu sokò. Képah ye à kò, à yámpúle n de n mo. ¹⁸ Légbıne, nósyó sèkùkù dí yó twah po n sě sě kwáh yò, me n yah n kò ne, pé de nne wòkò, pé kyı à tiki sah Yesu yah. ¹⁹ Té nénye tnónkàhnò tẽ tyı, pé dé-ńsah yah kwlo. Káh pi sě, pé doko gběntın yò kye, à sèkùkù mè tiki mo ànê n sě sě kwáh tole, nénye niyó Yesu yah. ²⁰ Yesu-á we pé sě n yò sě, à me yo sèkùkù mè tyı: «Dı, á tyípél ye yò mo n kò.» ²¹ Képah tẽ sokò, Liyel n gbò wěki kwópú ànê Farisiyẽno tyah n sò ne, nê tẽ ó se dí mènne, té à Liyel yinne n yıki sě ni? Nê se ki fě tyípél yò mo névi kò, né Liyel ó náh ni? ²² Nte, Yesu-á pé fókósõno pı sě, à pé syah ne: «Kwáh nê pi, té yé n sò sě? ²³ Nê tẽ dòdò kal, à yo sèkùkù mè tyı ne, n tyípél-á yò mo à kò, képah náh pi, à yo n tyı ne, à yuku ne n ko? ²⁴ Nte, mé me ké tyı ne, yé pı ne, ténweno-á me Névi Pi tyı sétáh yò, ki fě névi tyípél yò mo à kò», té n syı yo sèkùkù mè tyı: «Mé kéle n yo á tyı: yuku, á sě sě kwáh tokò, n ne n yuku á gbò!» ²⁵ Nénpó swò, dí nukú yuku no pól yı yah, à sě sě kwáh tokò, à sokò n gbò, me Liyel yinne n gbilki n yuku. ²⁶ Képah tẽ sokò, no pól gbàn du. Pé Liyel yinne n gbilki tíki tẽ tyı, me yo tũ ne, kweyne, páh tyi snó we dé!

Yesu Levi ye yah

²⁷ Képah náh, Yesu wil nénpó, té mórı syı-ò Levi we kóntẽnóle mórı syı-ńsah wòkò sokò. A yo n tyı ne: «N sò tẽ!» ²⁸ Levi nukú n tò sah, té yuku n sò tẽ. ²⁹ Képah tẽne, Levi yòke n gbě pi n gbò Yesu yinne, té mórı syıpú náhnáh ànê nékáhbı kwıki sò me péle kéne yòke yó-ńsah. ³⁰ Képah sokò, Farisiyẽno ànê pé Liyel n gbò wěki kwópú sò me lékàhle Yesule n kò me n yo n tò sáhpú tyı ne, kwáh nê se, té pé n yò té n wo mórı syıpú ànê

Liyel wěkì kó-ńkěpúle wě tyí nì? ³¹ Képah těne, Yesu yo pé tyí ne: «Névye nónó-á me lènòle, sènpì yétò se me pé tyí? Yámpú tyí náh sènpì yétòle di? ³² Névye nónó-á n sò ne, négblo-á péle Liyel yah, mé náh pò pépi ye yinne. Nte, nónó-á pì ne, tyípèl pípú-á péle, pépi yé-ńsah ye mé pò ne, pé Liyel wěkì tě.»

³³ Képah náh, Farisiyěno yo n tyí ne, Nsyõ tò sáhpú ànê pépi tò sáhpú-á ńkěne níkile n tě, n té nírilé n pì. Nte, òmò tyíno tě wò nine n wò, té yòkele n yò kè. ³⁴ Wáh képah noh sě, à me yo pé tyí: «Fúr pí-ò-á nónó ye n fúr yòke yò yinne, yépi se kì fě pè kò pè kì níkì tě pé yé-ò yí yah? ³⁵ Nte, só yó me n pì, pè mè kì pò n wilki n pì pé wró. Légbíne, pè kì pyè níkile n tě.»

³⁶ Képah náh, Yesu me tó sèmirkì yó mì pé tyí ne ńkě: «Névi yó ńtě náh fwòsán kám, à fwòdyàh min n pì. Wáh képah pì, fwòsán kì yìkì, ké gbó mè tó náh se tó fwòdyàh syi n pì. ³⁷ Anê tó, névi yó ńtě náh òwě sán mò n pì pley ò sòkò. Wáh képah pì, òwě sán mè-à fù, kè kì pley nópi tókì, òwě kì kwé, pley kì yìkì. ³⁸ Kàh pì òwě sánne, kè yíne kè mò pley snó. ³⁹ Névi nê-á dar òwě kònó wónóle, à náh tó n fě n syi ké kò-ńkěne n wò. Tě n ne n yo ne, òwě kònó-á nò kal.»

6

Yesu ànê mì mì yòh só tyile

¹ Képah náh, Nsyifunò mì mì yòh só yóle, Yesu sò me wěkì tě n kò n kah sèmukò swěy yísyó sòkò. Té n tò sáhpú me sèmukò ywòle n kòlì n wòkòlì pé gbàn sòkò, à n tah.* ² Farisiyěno-á képah we sě, pé tókù me ne, tò pínó wěkì náh me kónóle mì mì yòh sóle. Té kwáh nê se, té pè kéle n pì nì? ³ Képah sòkò, Yesu yo pé tyí: «Kwèkì-á lésò yòtě Davidi ànê n náh névye tě só nêne, wáh nê pì, yé náh kè kar yah kè? ⁴ A náh sò de Liyel wòkò sòkò, à búrn tókò, nónó-á sò me sàhnóle Liyel tyí yò, à tah, té n náh névye tó kò di? Té ney náh sò yíne búrn nópi táhnóle, né sárá wìkìpu yòtām ó náh.»† ⁵ Té tó yo pé tyí: «Névi Pile, mì mì yòh yòtě ye òne.»

Gbònkù dí yó dénmòwòle Nsyifunò mì mì yòh sóle

⁶ Képah náh, mì mì yòh só yóle ńtò, Yesu de Liyel ní-ńsah wòkò sòkò, me tyah névyele n kwò. Té dí yó sò me nénpó sòkò, gbòyòle kúnóle. ⁷ Képah těne, Liyel ògbò wěkì kwópú, ànê Farisiyěno mó me Yesule n kyòmì n yah, wáh kì ńtyínò ney de n mò n pì mì mì yòh sóle, pé mó lékàh we à kò. ⁸ Nte, òmò tě wò sò me pé fókòsòwòle n pne. Kàh pì sě, à me yo gbònkù dí mè tyí: «Yuku n pò n yín névye niyó ásò.» Dí me yuku yín. ⁹ Képah těne, Yesu yo pé tyí: «Nìmò yéle n piki n yah, tir nê pínó wěkì me kónóle mì mì yòh sóle? Pèpòrì se, tì pèkè se? A ney min pwah mò, tì à tě ko mò?» ¹⁰ Képah sòkò, wáh pè yah kore vi, à yo dí tyí: «Á gbò tó!» A me n gbò tó, kè nukú pì ké vile. ¹¹ Képah těne, pé fòkò kah vyàh Yesule, pé tyah wěne n vi n mò, sò-á pè kì n pì n pì òne.

Yesu těntòbe népí gbònimí yáhnwìkìńóle

* **6:1** 6.1 - Yah n te Tònyono sébéy 23.26 sòkò. † **6:4** 6.3-4 - Yah n te Samyelù sébéy gben 21 sòkò.

¹² Sǒ yóle, Yesu doko yuku yóli yó yǒ, à kyɪ níriɛ n pi. A lékâh pól pi Liyel nínó soko. ¹³ Tyah-á pɔ dal, à n tò sáhpú ye, té népî gbõnimí yah wilki pé soko, té pépi yĩn sah n tǎntǎbele. ¹⁴ Wǎh nónó yah wilki, pé yni we yò: Simo wole, Yesu nmo yĩn sah Pyerile, té n gběndí Andre sò me, ànê Nsyaku, ànê Nsyõ, ànê Filipi, ànê Bartelemi, ¹⁵ ànê Matye, ànê Toma. A tahlɪ Alfe pídí Nsyaku tyí, ànê Simo nê-á sò pé n ye «Sú fǒ vyǎh syí-òle», ¹⁶ ànê Nsyaku pídí Yudele, ànê Yisikariyotɪ Yudasile, nê-á pɔ vi Yesu nǎh.

Yesu tówû kwónó, ànê yámpú dénmonole

¹⁷ Képah nǎh, Yesu tiki yóli yǒ ànê péle, à pɔ yĩn kéntáhkì támm yó soko. Té n tò sáhpú nǎhnǎh sò me, à tahlɪ tówû ñgbě yó to tyí, nónó-á wil Yude tǎntǎn pól soko, ànê Yerusalemɪ, à tahlɪ pne yo gbòpɔ kwlo tyí, Tiri ànê Sidõne. ¹⁸ Pè sò pɔ Yesu welo nóh-risah, ànê dénmono we yinne pé yamno soko. Sétǎn-á sò me nónó soko me péle n kwlo, pé to dénmono we. ¹⁹ Té tǎhkì yó sò me n wil n soko, à pé pólle n de n mo. Képah ye tówû pól kǒ, pé n yah n kǒ wéntũ-ñsahle n tyí.

Yèvini ànê yèvyǎhri tyíle

²⁰ Képah soko, Yesu me n yah yǒ n tò sáhpú yah, té ne: «Yèvini me yé tyí, yépi nónó-á me yǎm soko. Liyel tǔrí me yépi tyí yǒ.

²¹ Yèvini me yé tyí, yépi nónó-á me núkúnúkú kwekɪ soko. Yé kɪ pɔ n tǔ n pi.

Yèvini me yé tyí, yépi nónó-á me núkúnúkú gbní soko. Yé kɪ pɔ yì syo n pi.

²² Yèvini me yé tyí, no-à yé dyole n yo, té yé milki, té yéle n gbyo, té yé yinne n yuki Névi Pi yǒ sǎnó yinne. ²³ Nte, ké yǒre ñgbě kɪ pɔ yé dyah Liyel fǒ. Képah ye, yé ne n me nìvì soko lésǒle, yé ne n yoko n kwǎh nìvì tǎ tyí. Sǎ ye lésǒ pé nǎh tǎn to n fǒh Liyel tǎntǎ syínyopule.

²⁴ Nte, yépi nónó-á tahbule, yèvyǎhri me yé yǒ. Yé yé pèpɔri we soko te.

²⁵ Yépi nónó-á me núkúnúkú tǎkɪ soko, yèvyǎhri me yé yǒ. Kwekɪ kɪ pɔ yé tǎ n pi.

Yépi nónó-á me núkúnúkú yìsyòni soko, yèvyǎhri me yé yǒ. Yé kɪ pɔ yèkwɔri gbní gbo n pi.

²⁶ Pǎh yépi nónóne n gbilki, yèvyǎhri me yé yǒ. Sǎ ye lésǒ pé nǎh tǎn to n gbilki Liyel yĩn yǒ m̀nyobelé.»

Sépébi tǎnó pèpeyne

²⁷ «Nte, yépi nónó-á me n nohnɪ ní tyí, mé kéle n yo yé tyí ne: yé yé sépébile n tǎ ple. Yé pèpɔrule n pi yé dyo yópú tyí. ²⁸ Nónó-á plole n ye n mo yé yǒ, yé sǎmne n mo pé soko. Yé mó Liyelle n ni yé fǒhpú tyí. ²⁹ Névi-à á létáh núkú mɪ, ké ní-ò to vi n mo à kǒ. Névi-à á fwòmò-ñgbě toko, ye tǎ kǒ à á fwòmònpir to toko. ³⁰ Névi nê-à kwǎh ni á tyí, kè yǐ tǎ kǒ. Anê, névi-à á gbò kwǎh toko, káh ne, tǎ n syɪ n pɔ kéle. ³¹ Anê tǔ, yáh me ké tyí ne, no nêne n pi yé tyí, yépi to sǎnkǒle n pi pé tyí.

³² Yépi tyí-á no nónó tyí, pépi ó tyí-à no yé tyí, yǐngbí nê me yé kɪ n we n pi képah soko? Liyel wǎkì kó-ñkǎpú n̄tǎ to nénónó tyí nǎh no pé tyí di?

³³ Nónó-á n tǔ n sah n pi yé tyí, yé to-à n tǔ n sah n pi pépi ó tyí, yǐngbí

nê me yé kɪ n we n pi képah sɔkɔ? Liyel wěkì kó-ńkěpú ntě tɔ náh sěnkõle n pi di? ³⁴ Anê, yáh n deki névyele n kɔ̄, yáh sě ké yõ ne, nónó ó-á kɪ pɔ sé lédyáhníne yé kɔ̄ n pi, yíngbí nê me yé kɪ n we n pi képah sɔkɔ? Liyel wěkì kó-ńkěpú tɔ náh n deki wěne n kɔ̄, sé lédyáhní pónwe yinne di?

³⁵ Pèpɔɔɔ pí-ńkěpú, ànê népêl nìgbèkì me Liyel sɔkɔ. Képah ye, yépi tɔ yé sépébíle n tě ple. Yé pèpɔɔɔle n pi pé tyí. Yé ne n deki n kɔ̄, ké lédyáhní tyí sò-ńkěne. Képah sɔkɔ, yé kɪ kyɪ ké lédyáhní nìgbě we Liyel fɔ̄, té kɪ pi yòtah Liyel wěnpìle. ³⁶ Yé pi nìgbèkì névyele, sɔ̄-á yé sú Liyelle nìgbèkì pí-òle.»

Káh no pìlkí-ńtân óle n yo

³⁷ Képah sɔkɔ, Yesu tɔ yo pé tyí: «Yé káh nole n tuke. Képah sɔkɔ, Liyel náh yé tɔ tuke n pi. Yé káh lékàhle nole n kɔ̄. Képah sɔkɔ, Liyel náh lékàhle yé tɔ kɔ̄ n pi. Nte, yé ne n yõ n mɔ nole n kɔ̄. Képah sɔkɔ, Liyel kɪ n yõ n mɔ yé tɔle n kɔ̄. ³⁸ Yáh no téló tyíle n sáh dú nêne, kéne dú núkú ó kɪ yé tɔ tyí sáh n pi. Képah ye, yé ne n yĩ n kɔ̄. Képah sɔkɔ, Liyel kɪ yĩ yé tɔ kɔ̄. A kɪ dú tɔkɔ, kɪ sáhnó pèpey sáh, kɪ sni, kɪ yike yike, kè kɪ yuku kwe, kɪ vi mɔ yé kɔ̄ yé fwòmɔlɔ vyěy těnkũnmɔnɔ sɔkɔ.»

³⁹ Té tɔ sèmìrkì yó mɪ pé tyí ne ńkě: «Yítú se kɪ fě pi n ní-ò yítú yah tě-òle? Pé nímí náh n sykɪ n de n pi pwàh yó sɔkɔ di? ⁴⁰ Tir sáh-ò náh n kal n pne n kwó-òle. Té sáh-ò nê-à kwónó we yĩ, n̄mɔ n pi n kwó-ò tyí kɔ̄le.

⁴¹ Á pi sɔ̄, té ndan kyɔmɪ we á yúnpi yí sɔkɔ, té dàhnpele áwɔ yí sɔkɔ, á náh me képah wɔ we? ⁴² Á kɪ pi sɔ̄, té kɪ yo á yúnpi tyí ne, à ye á ndan wilki à kɔ̄ n yí sɔkɔ, áwɔ nê-á dàhnpele á yí sɔkɔ, té á náh me képah wɔ we? Víniní wékí-ò! Á yí sɔkɔ dàhnpe nìgbò wilki! Képah-à pi, á kɪ fě n yah palle, kɪ á ní-ò yí sɔkɔ ndan wilki.»

Sésuwô ànê ké pyele

⁴³ «Sésuwô pèpey yó ntě náh n syi pye túkúnine. Sésuwô túkú tɔ náh mó n syi pye pèplɔle. ⁴⁴ Sésân pól n pne sé pye sɔkɔ. Sènsóké pye náh fě n we kahri sɔkɔ. Yrensě náh mó tɔ fě n we n gbɛ gbíyěkì sɔkɔ. ⁴⁵ Népépěy yípéplɔ n wil n̄ n̄ sɔkɔ, wáh nónó koh sah. Sě ó ye, nétúkú tɔ tyítúkúnì n wil n̄ n̄ sɔkɔ, wáh nónó koh sah. Névi n̄-à yuku tir nêne, képah ye n wil n̄ vyáh.»

Vì duke nínó tyí yónóle

⁴⁶ Képah sɔkɔ, Yesu tɔ yo pé tyí: «Sɔ̄ pi, té yě ńne n ye <Tě nìgbě, Tě nìgběne>, té mäh se nê yo, yé náh képahle n pi? ⁴⁷ Névi nê-à pɔ ńmɔ tyí, té ń welɔ noh, té me séle n pi, tě-á me nê kètòle, mé kɪ n̄ tyí yo yé syah: ⁴⁸ A me, á kɪ ne wòkò mó-ò yó sɔ̄, nê-á swɔ tũ tiki náhnáh, té wòkò sɔ̄ légbí yõ. Té ké sɔ̄ tyàhnó-á sò ple sě, képah ye, yo-á pɔ yuku, té kwɔ, kè fwo kyɪ syɪ kéne wòkò tyí, té kè náh tě we kè fě. ⁴⁹ Té, névi nê-à ń welɔ noh, té à náh séle n pi, tě wɔ me, á kɪ ne wòkò mó-ò yó sɔ̄, nê-á wòkò yõ sɔkɔ mɔ sétáh kókó yõ swɔ tũ-ńkěne. Yo-á pɔ yuku, à fwo kyɪ syɪ kéne wòkò tyí, nénpó swɔ, ké pól pirki kwe, à núkú mukuli pnépné.»

7

Sràsyíbí lèkwě yòtě dí Liyel yõ sě òkùle

1 Képah sɔkɔ, Yesu-á wɛlɔ nɔpi pól yo pɔ tyɛ no tyí, à de Kapernayumi.
 2 Té nɛnpó sɔkɔ, tɔ̀npɪ yó sò mɛ sràsyíbí yòtɛ dí yó tyí. A sò mɛ n yo kɛpékèyô, mɛ n tyah kúnóle. Té n tyí sò tah yíi n yòtɛ dí tyí. 3 Wǎh Yesu tyí noh, à mɛ Nsyifunɔ yèwàhnì yísyó tekɪ mɔ nɛ, pè kyɪ à ni, à pɔ pé tɔ̀npɪ de mɔ. 4-5 Pǎh kyɪ yíni tɛ Yesu tnô, pè tyah ònɛ n gbah n ni, mɛ n yo n tyí nɛ, pépi Nsyifunɔ tyí-á kah nɔ yòtɛ dí mɛ tyí. Anê, òmɔ-á tɔ̀ yín pé Liyel ní-nsah wòkò mónóle. Képah-á, wǎh yíne yòhnìnmonɔ mɛ pínóle n tyí. 6 Képah sɔkɔ, Yesu mɛ sɔkɔ péle. Wǎh de n tɛ sràsyíbí yòtɛ dí mɛ kétele, kɛne dí tɔ̀ n kódíbí yísyó tɔ̀ nɛ nkɛ, pè pɔ yo Yesu tyí nɛ, pé Yòtɛ, péwɔ náh yíne n dénóle pé kéte sɔkɔ. Képah-á, à káh n gblɔy kwɔ pɔ. 7 Nkɛ, kɛpah tɔ̀-á pé kɔ pé kè yah nɛ, pé náh yíne pónwìlnóle n tyí pé gblɔy. Ntɛ, à wɛy núkú ó yo, pé tɔ̀npɪ-á kɪ de. 8 Nkɛ, péwɔ ntɛ tɔ̀ tyí yòtám-á mɛ, péwɔ tɔ̀ mó mɛ sràsyíbí yísyó yò. Pǎh yo nê tyí: «Sɔkɔ!», tɛ n sɔkɔ. Pǎh yo nê tyí: «Pɔ!», tɛ n pɔ. Anê, pǎh yo pé tɔ̀npɪ tyí: «Tir mɛ pɪ!», ǎ kè pɪ. 9 Képah sɔkɔ, Yesu-á kɛne wɛlɔ noh sɛ, à dí mɛ sò kègbɛle. Té n yah vi yo n sò tɛpú tówú tyí nɛ: «Mé kɛle n yo yé tyí nɛ: Yisrayel ntɛ sɔkɔ, mé náh sɛnkɔ Liyel yò sɛnó névi wɛ yah.» 10 Képah sɔkɔ, tɛntò névye-á pé syɪ kyɪ sràsyíbí yòtɛ kéte, pè kyɪ nɛ n yah, n tɔ̀npɪ mɛ de.

Yesu pékúsè yó pídí lékó yilki mɔ

11 Sò yóle, Yesu mɛ n yuku kwil yó sɔkɔ, nê-á pè n ye Nayinne. Té n tɔ̀ sáhpú, ànê tówú ògbɛ sò mɛ n sò tɛ. 12 Wǎh yíni tɛ kwil dé-nsahle yúkey, à nòsyó yohnɪ, pè mɛ lékó yó twah n yuku yí-nsah. Pékúsè yó pídí ye sò, n gblɔy núkúníne n yú tyí. Té, kɛne kwil névye sò mɛ wil náhnáh, mɛ pi mɛ sò tɛ. 13 Tɛ ògbɛ Yesu-á pi mɛ wɛ sɛ, n yám à kah tɛ, à mɛ yo n tyí: «Káh n tɔ̀ nɛ n gbo!» 14 Té mɛ nɔ de, à tũ lékó twáhkì tyí, kè twáhpú núkú yín. Yesu mɛ yo nɛ: «Dínpir, mé kɛle n yo á tyí: yuku!» 15 Wǎh yo sɛ, à núkú yuku kɔ̀ tɛ, tɛ tyah n yǎh. Yesu mɛ ònɛ n yú gbò dahbɪ. 16 Képah tɛne, tíkí no pól tɛ. Pè tyah Liyelle n gbilki, mɛ yo tũ nɛ, Liyel tɛntò syíno-ò ògbɛ yó-á wil mɔ pé wró. Anê, Liyel-á yah dah mɔ n no tyí sɔkɔ. 17 Képah sɔkɔ, Yesu tyípínó tyí yónó tɔ̀ mɔ Yude tǎntǎn pól sɔkɔ, à kyɪ sɔkɔ kè gbòpɔ kwɔ tɔ̀ sɔkɔ.

Wèlnwìlkì-ò Nsyɔ-á nê piki yah Yesu tyí sɔkɔ

18 Képah sɔkɔ, Nsyɔ tɔ̀ sáhpú tyi nɔpi pól yǎh Nsyɔ tyí. A mɛ pé sɔkɔ nɛpî ními ye, 19 à tɔ̀ Tɛ ògbɛ Yesu tyí. Nkɛ, pè kyɪ à piki yah nɛ, òmɔ se Liyel nɛy tékínmonɔle, nê-á kɪ sò n pɔ n pi, tɪ pé se yíne pé ònɛne n syɪkɪ nɪ? 20 Pǎh pɔ̀ yíni tɛ Yesu tnô, pè yo n tyí nɛ, Wèlnwìlkì-ò Nsyɔ-á pépi tekɪ mɔ n tyí nɛ, pé pɔ̀ à piki yah nɛ nkɛ, òmɔ se Liyel nɛy tékínmonɔle, nê-á kɪ sò n pɔ n pi, tɪ pé se yíne pé ònɛne n syɪkɪ nɪ? 21 Légbíne, Yesu mɛ yámpú náhnáhle n de n mɔ pé yamɔ, ànê pé yèvyáhrɪnɔ sɔkɔ. A sètǎn yíni wilki pé sɔkɔ, tɛ yítubi náhnáh yí yɪkɪ mɔ. 22 Té mɛ yo Nsyɔ tɛntò névye tyí: «Yáh nê wɛ, tɛ nê noh, yé kyɪ kè yǎh Nsyɔ tyí: Yítubi yí mɛ n yɪkɪ n mɔ, sèkukubi mɛ n kɔ tómtóm, tótám mɛ n de, níkitubi mɛ n nohnɪ, lékyí mɛ

n yilki n mɔ, ànê nìvìnì wey sán me n yo n kɔ yãm tãn tyí.* 23 Nte, nê-á Liyel yɔ sɛnó yáhle-ńkɛne ńmɔ yinne, yèvunɩ me tɛ tyí.»

24 Képah sɔkɔ, Nsyɔ tɛntò névye-á sɔkɔ tɛ, Yesu tyah n tyíle n yãh tówú tyí me n yo: «Kwâh nê me yé kyɩ yah gbɛnnɩ sɔkɔ? Fílki yó se yáhkí me n fi n kɔ? 25 Tí kwâh nê me yé kyɩ yah wɛ? Dí yó se, nê-á me fwòpèplo mɔ? Té nónó-á mó tɔ fwòtãhnìne n mɔ, té tɔrí yéle n yɔ, pépi náh me yòtãm fné sɔkɔ di? 26 Nte, kwâh nê me yé kyɩ yah wɛ? Liyel tɛntò syínyo-ò yóle nɩ? Mé kéle n yo yé tyí ne: sɛ-á. Té ñmɔ ńtɛ-á kal Liyel tɛntò syínyo-òle. 27 Nkɛ, ñmɔ tyí sɔkɔ-á kè wãrkɩ sah ne ńkɛ:

<Yáh, ńmɔ Liyel kɩ ní tɛntò yó-ò tekɩ mɔ á yahlɛ,
à kɩ pɔ á wɛkì tɔ sah.>†

28 Mé kéle n yo yé tyí ne: sê fɔkɔ táh pi yó ńtɛ náh me nê-á kal Nsyɔne. Nte, nê-á tyí kal Liyel yòtɔrí sɔkɔ, ñmɔ ńtɛ gblo kal ñne. 29 Képah sɔkɔ, nónó pól-á sò me n nohnɩ n tyí, à tahlɩ mórí syípú tɔle, pé pól ne, Liyel-á me tómm, té Nsyɔ kɔ, à pè wel wilki. 30 Nte, Liyel-á nê yah kɔ Farisiyɛnɔ ànê Liyel ñgbò wɛkì kwópú tyí, pè pé náh vi kè kɔ, té yahle pé wèlnwìlkinóle Nsyɔ tyí.»

31 Té Yesu tɔ ne: «Nê tɛ me mé kɩ tɔkɔ sãh kwey gbí névyele? Nê tɛ me pè tɔ? 32 Pè me, á kɩ ne wɛnpì sɔ kɔ tɛ n syah tówú tükè-ńsah sɔkɔ, té me n yo wɛ tyí ne, pépi-á ykɩ fíbɩ pé tyí, té pé náh se yi. Pé tɔ kú yìkì gbɩ mɔ, pè náh se tɔ gbo. 33 Nte, Wèlnwìlki-ò Nsyɔ pɔ, à náh me n yɔ, à náh me ñvɛne n wɔ, té yé ne, n yògbèkè náh me. 34 Névi Pi-á se pɔ, à n yɔ té n wɔ, yé tɔ ne, pè yah yèwònpɩ, ànê sètɛ-á ñne, mórí syípú ànê tyípèl pípu kódí-á. 35 Nte, Liyel lékám tyíle, gbɩ ye séle sé fɛnsyipu tyí.»

Yesu pi yó tyípèl yɔ mɔ à kɔ

36 Farisiyɛ dí yó sò me, pè n ye Simɔle. Só yóle, à Yesu ye ne, à pɔ yòke yɔ pé tyí. A me kyɩ de kéné dí gbò, à tɛ yòke yah.‡ 37 Té kéné kwil sɔkɔ, tyípèl pí-ò pi yó sò me. Wãh noh ne, Yesu-á me yòkele n yɔ Farisiyɛ dí gbò, à pɔ nɩ pãn pènèkì yóle, so pèpɛy yó sɔkɔ. 38 Té me vi Yesu náh ñne, à n gbo n yétine n kwe Yesu gbyèh yɔ, té séle n kele n yòyenne, té sè pɔrɩ tɛ, té nɩ mène n mɔ sé yɔ.

39 Farisiyɛ dí nê-á ye Yesule, ñmɔ-á képah wɛ sɛ, à tyah n sò n fɔkɔ sɔkɔ ne, dí mè-à sò me Liyel tɛntò syínyo-òle, pi nê-á n tũ n tyí yò, wãh náhkɩ n ñkù pì ne ńkɛ, tyípèl pí-ò ñgbɛ-á ñne. 40 Yesu me wey tɔkɔ, té yo Simɔ tyí ne, tir yó-á me pé tyí yo yo tɛne n tyí. Simɔ me ne, à kè yo, kwó-ò dí. 41 Képah sɔkɔ, à me yo n tyí: «Kmɔ mó-ò yó kmɔ sò me népì ní mí yísyó yɔ. Núkú sò yĩne à à dyah pó pló kyekwéle, ní-ò me yĩne à à dyah pló tikiníni pó gbãme. 42 Nte, pé sɔkɔ ney yó ńtɛ náh sò me fɛ n tyí dyah n pi sɛ, dí pé ní mí tyí yɔ mɔ pè kɔ. Kãh pi sɛ, n tyí kɩ nɔ kal nê tɛ tyí pépi ní mí sɔkɔ?» 43 Simɔ me à syah ne, péwɔ tɛ sɔnɔ sɔkɔ, nê kòli-á kal, ñmɔ-á. Yesu me ne, gbɩ-á à yo.

44 Képah sɔkɔ, té n yah vi pi ñne, té yo Simɔ tyí: «Á pi mè wɛ kè? Ñmɔ-á de á gbò, á náh gbyèh wu wu nine ní kɔ. Nte ñmɔ wɔ n yétí kwe ní gbyèh

* 7:22 7.22 - Yah n tɛ Yesayi sɛbéy 35.5 ànê 61.1 sɔkɔ. † 7:27 7.27 - Yah n tɛ Malaki sɛbéy 3.1 sɔkɔ. ‡ 7:36 7.36 - Yesu me gbíne, nɛnpó tãn sò ńkɛne pé gbalɩ kɛkɩ n tɛ yòke ñgbnɔle n yɔ.

yõ, té sè kele n yõyenne. ⁴⁵ Awõ náh ní pɔrɪ tẽ. Nte, ñmɔ tẽne, wãh de pɔ sɔ, à náh me yal mɔ n gbyêh pórɪntɛnɔle. ⁴⁶ A náh mó tɔ nɪrɪ mɔ ní yõ, ñte ñmɔ tẽ wɔ nɪrɪ pãn pènèkì mɔ ní gbyêh yõ. ⁴⁷ Mé kéle n yo á tyí ne: pi mè tyípèl náhnáh nópi pól-á yõ mɔ à kɔ. Képah ye, à tyínɔnɔ ñgbẽ tir mè pi. Nte, yõnmɔnɔ-à pi nê tyí kwéyy, ñmɔ tyínɔnɔ n mó ne kwéyy.» ⁴⁸ Té tɔ ñ syɪ yo pi mè tyí: «Á tyípèl ye yõ mɔ n kɔ.»

⁴⁹ Képah sɔkɔ, wãh sò me n yõ ànê nónónɛ, pè tyah n sò pé fɔkɔnɪ sɔkɔ ne, nédúkú nê se dí mène, té à kɪ pɔ tyípèl tɔle n yõ mɔ nɪ? ⁵⁰ Kãh pi sɛ, Yesu me yo pi tyí: «Ñmɔ yõ sɛnó ye n pwah mɔ. Ne n yuku yèvinɪ sɔkɔ.»

8

Tò sáhpú ànê syó yísyó Yesu sò tẽ

¹ Kéne tyi sókóntɛnɔ náh, Yesu sò me n kɔ n kɔ kwíl-ñgbnɔ ànê kwílpi, me nìvìnì wey sãnne n yo Liyel yòtɔrí tyí sɔkɔ. Té n tò sáhpú népi gbõnimí sò me ñne, ² ànê syó yísyó tɔle, wãh sétàn yini wilki nóno sɔkɔ, té pé yamɔ tyɛ. Makadala kwil Mari sò me, nê sɔkɔ-á sétàn kwãrninɔ wil, ³ ànê Nsyanne, nê-á Yerɔdɪ tahrɪ kyòmì-ò dí Kusa kyile, ànê Susanine, ànê syó náhnáh yísyóle, nóno-á sò pé gbãn yile Yesu ànê n tò sáhpúle n yohnɪ n mɔ.

Sèmuکو mîr-ò sèmirkîle

⁴ Képah sɔkɔ, névye sò me wil kwlo kwlo pól sɔkɔ, à n pɔ n pɔ Yesu tyí. Tówú ñgbẽ-á pɔ tuke mɔ sɛ, à me sèmirkì yó yãh pé tyí ne: ⁵ «Sò yóle, sètõ yó lésõ wil n sèmuکوle n mir. Wãh me mîrnó sɔkɔ, yísyó syikɪ wɛgbalɪ sɔkɔ. Wɛkɔbɪ kɔ sɔkɔ sé yõ, kèpye me pɔ sè yo. ⁶ Yísyó me syikɪ légbí yõ, à fi, té núkú tɔ kɔkɔ vínó kɛ tẽ tyí. ⁷ Yísyó me syikɪ de pãn nɪyó. Sãh fi wɛ tyí pãnne, pãn me fyãh sé yõ. ⁸ Nte, yísyó me syikɪ sétáh pèpɛy sɔkɔ, à fi. Sépi wɔ kyãh, à pɔ pyeno lèkwèkwe pi.» Sèmirkì me yãhntɛnɔ náh, Yesu tɔ yo pé tyí yínpõ ñgbẽne ne níkɛ: «Níkí-à me nê tyí noh noh tẽne, tẽ n níkí sah noh.» ⁹ Képah sɔkɔ, Yesu tò sáhpú à piki yah sèmirkì mè yõle.

Yesu sèmuکو mîrnó sèmirkî yõ yo

¹⁰ A me yo pé tyí: «Liyel tɔrí tyi nóno-á me wõbìnóle, sé pnèno ye yépi tẽ wɔ kɔ. Nte, téló tẽ tyí, sèmirn ó sɔkɔ ye sè kɪ n yãh. Képah sɔkɔ, pè kɪ n yah díkídíkí, té pè náh kwãh yó we n pi. Té kɪ n nohnɪ, té pè náh ké yõ pi n pi.»

¹¹ Té tɔ yo pé tyí: «Sèmirkì mè yõ-á nêne, kè we yò: Mir mir sèmuکو mène, Liyel wey ye. ¹² Té névye túkú me wɛgbalɪ tyí kɔlɪ: Pépi-à Liyel wey noh, sétõ n pɔ kè wilki pé nno sɔkɔ ne, pè káh pɔ sɛ ké yõ, pè mó pwáhnɔnɔ we. ¹³ Túkú me légbí yõ tyí kɔlɪ: Pépi-à Liyel wey noh, pè kè fɛ n syi nìvìle. Té pè náh n ye kè yãhnine n mɔ pé sɔkɔ. Pè kè fɛ n syi nénpó swɔ ó sɔkɔ, té mónyahnɔ-à núkú pè yini tẽ, pè pé náh vi kè kɔ. ¹⁴ Túkú me pãn mé-nsah tyí kɔlɪ: Pépi-à Liyel wey noh, fókósõnɔ, ànê tahrɪ yáhnó, ànê kèkõyó nìvì tyi n pɔ kè fyãh. Kãh pi sɛ, pè n wũ nɪyó, kè náh tirlɛ n pɛkɪ pé tyí.

¹⁵ Nte, tókù me sétáh pèpèy tyí kòlì: Pépi-à Liyel wey noh, pè kè syi n sah palle ni pèpèy sòkò, nê-á me tǒnsàhnóle. N té ké tǔnó ple, yǒre n we ké tyí, sèmukò pékínó tyí kòle.»

Yesu-á sèmìrkì nê mi fòtnò tyí sòkò

¹⁶ Yesu tǒ yo pé tyí: «Névi se kí fòtnò soh, té kí dú kwĩnki mǒ ké yah, képah náh pi, kí kè dah mǒ sǐ sǐ kwâh sètàhkì sǒ? Tǐ náh kè sah n pi fòtnò sahki sòkò, kè n pi n pi kyòole wòkò sòkò dépú tyí di? ¹⁷ Tir yó nǐtǐ náh me wǒbìnóle, té kí n wũ n pi wĩkĩnmǒ-nkǐne kégbó. Sètĩn sǒ tir yó nǐtǐ náh n wũ n pi pí-nkǐne, ànê wĩkĩnmǒ-nkǐne kwèyy. ¹⁸ Névi nê tyí kwâh-á me, dòhnìnó kí n pi ñmǒ tyí yǒ. Té névi nê tyí kwâh náh me, kwéy nê nǐtǐ-á à me n sǒ ne, páh me we, ké to kí tǐ syi ñ tyí. Kǎh pi sǐ, yé kyòmìnóle n pi yé nohni dùkù sòkò!»

Yesu yúnpyé ànê ñ yúne

¹⁹ Képah sòkò, Yesu-á sǒ me fǐ nê sòkò, ñ yúnpyé, ànê ñ yú pǒ yĩni tǐ nénpó. Nte tówú tǐ tyí, pè náh tǐ we nǒ de ñne. ²⁰ Pè me yo mǒ ñ tyí ne, ñ yú, ànê ñ yúnpyé-á me yǐnnóle kégbó. Páh me ké tyí ne, pé à we. ²¹ Képah tǐne, à me yo pé tyí: «Nónó-á Liyel weyne n nohni té ké tyile n pi, pépi ye ñmǒ yú ànê ñ yúnpyéle.»

Yesu yáhpékè yó yĩn mǒ yó-ñgbǐ sòkò

²² Só yóle, Yesu de krótókè yó sòkò ànê ñ tò sáhpúle, té yo pé tyí ne, pè ye pé yuku yó-ñgbǐ kahnne. ²³ Té páh me krótókèle n to n yuku gbí nǐne, Yesu do. Dǒ, yáhpékè yó kǒ pé yǒ yo sòkò, à nǐne n tokò n mǒ krótókè sòkò, kè syi pǒ n yuku nǐne, dlo n tyah pé nónóle. ²⁴ Pè me nǒ de Yesu tnó, me ñne n yilki n mǒ ne, pé yǒtǐ, pé yǒtǐ! Yǒ-á me n tyah pé yónóle dé! Képah tǐne, Yesu me yuku, té dírí kǒ yáhkí, ànê ni yǒ. Yáhkí me yĩn, yo tiki tǐ, tyah pi súmm. ²⁵ Kǎh pi sǐ, à yo pé tyí: «Yé Liyel yǒ sǐnó nýǎh?» Tíkí tǐ tyí, pé gbǎn du, pè tyah n yo wǐ tyí ne, nédúkú nê se dí mǐne, té à fǐ n yo yáhkí ànê ni nǐtǐ to tyí, sè n sah ñ tyí yǒ ni?

Yesu sétàn kwĩnki yĩni wilki dí yó sòkò

²⁶ Yesu ànê ñ tò sáhpú kyí yĩni tǐ yó-ñgbǐ kahnne, Yeraseni sétáh yǒ, Kalile yèsreyne. ²⁷ Wǎh me n tiki krótókè sòkò gbí nǐne, dí yó wil kwil sòkò, à pǒ à yohni, sétànne ñ sòkò. Kwil mǐ ney ye sǒ ñne. Té kè pi di mónóle, à náh tǒ sǒ me flǒle n mǒ, ànê à náh me n tǐ gbô. N tǐ-ñsah ye sǒ léyâl wró. ²⁸⁻²⁹ Té, sétǒ mǐ sǒ n yuku dí mǐ yǒ gbáhyí náhnáhle. Pè sǒ nkǐne à pukubi kǐlǒ, ànê kǎrnne ne, pé à tǐ sah. Nte, ǎ púkúbí-nǐtǎn nǒpi kòlì, té sétǒ mǐ à tokò n de gbǐnni tantàn sòkò. Képah sòkò, wǎh Yesu we, Yesu me yo ñ tyí ne, à wil dí mǐ sòkò. Wǎh yo sǐ, dí pǒ kǒ kwĩnki ñ yah, té de syi yǐnpǒ ñgbǐne ne, kwâh nê se à n yah n kǒ pé tyí ni, yǒtah Liyel pi Yesu? Páh ñne n ni, à káh pé fǒh. ³⁰ Yesu me à piki yah ne, ñ yĩn se sǒ ni? Té kǎh pi, sétàn náhnáh sǒ me dénóle ñ sòkò, à me ne, pé yĩn-á Méfwóbé Kwĩnkile. ³¹ Képah sòkò, sétàn nǒpi me Yesu ni ne, à káh sé yĩni wilki teki mǒ yèvyǎhri tǐ-ñsah.

³² Té nénpó sɔkɔ, sel kwĩnki yĩsyó sò me n yah n yõ n kɔ yõlɔ yõ. Sétàn nópi tɔ Yesu ni ne, à ye sé kɔ sé kyɪ de sel nópi sɔkɔ. A me ké wěkɪle sè kɔ. ³³ Képah tẽ sɔkɔ, sétàn nópi wil dí mè sɔkɔ té kyɪ de sel nópi sɔkɔ. Sel kwĩnki nópi núkú kènpĩn to tiki tükütükù, à kyɪ de yónpěkì sɔkɔ, kè kɔ kè sè yõ.

³⁴ Sel nópi fẽpu-á képah we sě, pè to kyɪ kè yãh kwil, ànê yèp̄yey sɔkɔ. ³⁵ Képah tẽne, tyi nóno-á pi, névyé wil ne, pé kyɪ sé ségbɔ́ yah. Pè pɔ yĩni tẽ Yesu tnô, té dí nê-á sò sétàn wil n sɔkɔ, pè à we kɔntěnóle Yesu tnô. A sò me flo mɔ, té me tírr. Kãh pi sě, tiki pè tẽ. ³⁶ Képah sɔkɔ, nóno-á sò n dènmɔ dùkù we, pè kè yãh téló syah.

³⁷ Kãh pi sě, tiki tẽ tyí, Yeraseni sétáh yõ névyé pól kè yah kɔ Yesu tyí ne, à yal gbɛ mɔ pépile. Képah sɔkɔ, Yesu me de krótókè sɔkɔ, à n tyah sókónóle.

³⁸ Té dí nê sɔkɔ-á sò sétàn wil, kéne dí Yesule n ni ne, à ye pé tẽ ñne. Nte, Yesu náh kè fě syi, té yo n tyí: ³⁹ «Liyel-á tyi nóno pól pi á tyí, á syi n yuku á gbô, n kyɪ sè yãh.» Wãh yo sě, dí me n syi yuku n ñinne. Té tyi nóno pól-á Yesu pi n tyí, à séle n yãh n kɔ kwil pól sɔkɔ.

Yayirusi pisê yilkĩnmɔnɔ, ànê pi nê-á tũ Yesu fwòmɔni tyí

⁴⁰ Tówú sò me Yesu syiki tẽ sě, képah ye, wãh wil yó-ñgbě kahnune, à pɔ yĩni n tẽ pé tnô gbí nêne, pé pól à yohni ñivì sɔkɔ. ⁴¹ Légbí mè ó sɔkɔ ye dí yó pɔ yĩni tẽ, pè n ye Yayirusile. Nmɔ ye sò nénpó Liyel ní-ńsah wòkò yah yétěne. Wãh yĩni tẽ Yesu tnô, à gbètukunɔ di n yah, té à ni ne ñkě, kékwe, à pɔ pé yuku péwɔ gbô, ⁴² ñkě, pisê nê-á pé tyí n gblɔ́y núkúnine, té me ye gbõninó kénkɔ sɔkɔ, wãh me n tyah kúnóle. Képah tẽ sɔkɔ, Yesu-á n sɔkɔ nénpó, tówú à fyãh kámm yey yey pólle.

⁴³ Té, sé yó to sò me nénpó. A sò me n yo tó kwénó nýanne pópó, ye gbõninó. N gbò pól syi pɔ tyɛ syey pínóle sènp̄ɪɪ tyí, té pé sɔkɔ yó ñtẽ náh tẽ we à de mɔ. ⁴⁴ A me no de Yesule n náh ñinne, té tũ n fwòmɔni vyãh tyí. Nénpó swɔ, n nýan núkú tyɛ. ⁴⁵ Képah sɔkɔ, Yesu me piki yah ne, nê se tũ péwɔ tyí ni? No pól-á pé vyeyne n kòlɔ ne, pépi náh sě, Pyerɪ me ne, pé yòtẽ, névyé-á fyãh sah ñne kámm. ⁴⁶ Nte, Yesu me ne, ñnî yó-á tũ pé tyí. Páh kè p̄ɪ ne, tãhkì yó-á wil pé sɔkɔ. ⁴⁷ Képah sɔkɔ, pi mè-á pɔ p̄ɪ ne, tir mè náh tɔ fě n wòbɪ, à pɔ n gbètukunɔ di Yesu yah wĩlsyahri sɔkɔ. Tir nê yĩn-á à tũ n tyí, té kè yãh no pól yí yah, ànê sɔ-á à dènmɔnɔ we nénpó swɔ. ⁴⁸ Képah tẽ sɔkɔ, Yesu me yo n tyí: «Pi, á Liyel yõ sěno ye n de mɔ. Ne n yuku yèvɪni sɔkɔ.»

⁴⁹ Gbí nê-á Yesu me kéne wey yónó sɔkɔ, dí yó wil yòtẽ dí Yayirusi gbô, à pɔ yo Yayirusi tyí ne, n pisê-á yah kwɔ, ñkě, à káh fwòtẽ kwó-ò dí kwɔ. ⁵⁰ Nte, Yesu-á képah noh, à me yo Yayirusi tyí ne ñkě: «Káh tiki pi! Sě ó sè ké yõ, té á pisê kɪ n min we.» ⁵¹ Té pè me sɔkɔ Yayirusi gbô. Páh kyɪ yĩni tẽ, à náh fě syi ney de ñne, à wil Pyerɪ, ànê Nsyõ, ànê Nsyaki, ànê pípír sú, ànê n yú tyí sɔkɔ. ⁵² Légbíne, no pól sò me pípír kũ pòle n gbo me yãh yãh tyile n pi. Képah sɔkɔ, Yesu ne: «Yé káh ne n gbo! A náh ku, dɔy sɔkɔ ye ñne.» ⁵³ Nte, névyé-á sò me n kúntenɔ p̄ɪ te sě, pè tyah kòle Yesule n ko. ⁵⁴ Képah tẽ sɔkɔ, Yesu me à tẽ n gbò tyí, té à kah ye: «Ñ pi, yuku!» ⁵⁵ Nénpó swɔ, n min núkú ké syi de n sɔkɔ à kɔ à yuku. Wãh yuku, Yesu

με κὲ yah kō pé tyí νε, πὲ yārle à kō à yō. ⁵⁶ Kǎh pɪ sɛ̃, ñ dúbípú gbǎn du, té Yesu κὲ yah kō pé tyí νε, πὲ káh tir mè yǎh ney tyí.

9

Yesu ñ tò sǎhpú népî gbõnimí tò

¹ Só yóle, Yesu ñ tò sǎhpú népî gbõnimí ye tuke mɔ, té tǎhkì ànê tɛ̃nwɛnɔle πὲ kō νε, πὲ sétǎn pólle n yīni, πὲ mó yámpúle n de n mɔ. ² Képah sɔkɔ, té πὲ tekɪ mɔ νε, πὲ kyɪ Liyel tǔrí tyíle n yo n kō, πὲ mó yámpúle n de n mɔ. ³ Té tò yo pé tyí νε, πὲ káh kwáh yó ntɛ̃ tɔkɔ wɛ̃kì kɔ yinne. Pè káh nísɪn tɔkɔ, πὲ káh pilki tɔkɔ, πὲ káh yōke tɔkɔ, πὲ káh pɔ tɔkɔ. Anê ney káh fwòmɔlɔ nínó tɔkɔ. Té tò νε: ⁴ «Yǎh kyɪ wɛ twah kéte nê sɔkɔ, yé tɛ̃ képah sɔkɔ fɔ́ó, κὲ pɔ nɔ yé yal gbí tyí nénpó. ⁵ Té, nónó-à kyɪ yahle νε, yé káh twah pé tyí, yǎh n wil kéne kwil sɔkɔ, yé yé gbyêh nëngbõ kwɛr n kwɛ nénpó. Képah kɪ pɪ gbáhdyǎh dínsǎhnóle pé tyí.» ⁶ Képah tɛ̃ne, πὲ με sɔkɔ, à kyɪ n kɔ n kō kwlo kwlo sɔkɔ, à nìvìnì wɛy sǎnne n yo n kō, té με yámpúle n de n mɔ ywõ ywõ pól sɔkɔ.

Yerɔdi fɔkɔ fɛ̃kìnóle

⁷⁻⁸ Légbine, Kalile kwil tǎm yòtɛ̃ ñgbɛ̃ne, Yerɔdi ye sò. Nmɔ-á Yesu tyípínó nópi pól noh gbí nêne, túkù ntɛ̃ με n yo νε, Nsyõ-á ñ syɪ min wɛ, à wil lékyî sɔkɔ. Túkù mó νε, ñgbò Liyel tɛ̃ntò syínyo-ò Yeli-á pɔ wil mɔ. Túkù mó tò νε, ñgbò Liyel tɛ̃ntò syínyo-ò yó-á yuku wil lékyî sɔkɔ. Pǎh yo sɛ̃ Yerɔdi tyí, ñ fɔkɔ fɛ̃kɪ. ⁹ Képah sɔkɔ, à νε, té páh se Nsyõ yõ kǎm.* Nte, nê tɛ̃ ó tyípínó se tò pé n nohnɪ yò nɪ? Kǎh pɪ sɛ̃, à tyah Yesule n yah n kō νε, pé à wɛ.

Tówû ñgbɛ̃ púnóle Yesu tyí

¹⁰ Yesu tɛ̃ntòbe-á pé syɪ pɔ ñ tnô, πὲ pé tyípínó pól yǎh à syah. A με πὲ tɛ̃ yal pé yahle, à yuku péle kwil yó gbòpɔ, πὲ n ye Besayidale. ¹¹ Nte, tówû-á pɔ pé sókónó pī sɛ̃, πὲ pé nyáh sō kyɪ nékwínkíle. Képah sɔkɔ, Yesu πὲ tɛ̃ palle, με Liyel tǔrí tyíle n yǎh pé tyí, té με yámpúle n de n mɔ, nónó-á sò με lènole n yah n kō.

¹² Nte, gbí-á pɔ n yi, ñ tò sǎhpú nɔ de ñ tnô, té με yo ñ tyí νε, ñgbõ gbɛ̃nnɪ tyah sɔkɔ-á péle ásô dé! Nkɛ̃, wǎh náhkɪ tówû fin mɔ, πὲ kyɪ sɛ̃-ntǎn ànê yōke yah kō gbòplo kwlo ànê yèpiyey sɔkɔ. ¹³ Képah sɔkɔ, Yesu yo pé tyí: «Yépi yōke yah πὲ kō πὲ yō yé gblóy kè!» Pè με à syah νε, búrn pló kwlo, ànê yɛ̃nkɔ pló nínó ó-á με pé tyí dé! Tí, à se με ké tyí νε, pépi kyɪ yōke dwe pɔ nékwínkí nópi pu nɪ? ¹⁴ Té díbí sò nɔ népî kèyõ nínó kyɛgbǎm kénkõle nénpó.

Képah sɔkɔ, Yesu με yo ñ tò sǎhpú tyí νε, πὲ no kō πὲ kō tɛ̃ tɪnkínóle népî tikíníni pó gbǎm gbǎmne. ¹⁵ Pè κὲ pɪ, wǎh yo sɔ̃, à no pól kō πὲ kō tɛ̃. ¹⁶ Képah tɛ̃ne, Yesu με búrn pló kwlo, ànê yɛ̃nkɔ pló nínó nópi tɔkɔ, té ñ yah yõ yinyõ, à Liyel ni sé yõ, té sè kwɔkɪ, à ñ tò sǎhpú kō νε, πὲ syi tówû kō. ¹⁷ Képah-á pɪ, no pól yõ tò. Té πὲ pé yónkwlonɔ tuke mɔ, vyó gbõninó yíine.

Pyɛrɪ κὲ yo νε, Krista-á Yesule

* 9:9 9.9 - Yah n te Markɪ sébéy 6.14-29 sɔkɔ.

18 Sǒ yóle, Yesu sǒ me ò gbe kyí tǐ nírlé n pí, ò tò sáhpúle ò tnô. Képah sǒkò, à me pé piki yah ne: «Névyé tǐ tyí, nê me nímlé?» 19 Pé me à syah ne, tókù-á ne, Wèlnwǐlkǐ-ò Nsyǒ-á òne. Tókù me ne, Yeli-á òne. Tókù mó ne, ògbò gbǐ Liyel tǐntǒ syínyo-ò lékó yǐlkinmòno-á. 20 Pǎh yo sǐ, à pé syah ne: «Té, yépi tǐ tyí, nê me nímlé?» Képah tǐne, Pyeri me ne níké: «Krista yé ále, Liyel-á ne, páh kí nê tekí mǒ.» 21 Wǎh yo sǐ, Yesu pé kah sni ne, pé káh kè yo ney syah, 22 té tò yǒ sǒkò yo pé tyí: «Névi Pi yǐne à yèvyǎhri pí náhnáh. Yèwǎhni, ànê sárká wǐlkǐpu yǒtǎm ògbno, ànê Liyel ògbò wǐkǐ kwópú kí à yahle n pí. A kí ko mǒ, té ké sèpǐn tò-ò sóle, à kí ò syi min we.»

Yesu sǒ tǐ òkùle

23 Képah náh, à yo no pól tyí: «Névi nê-à me ké tyí ne, pé nímlé sǒ tǐ, tǐ ò gblǒy dǒ yǐ tyi ye, sǒmesó à mó ne me ò syi syi dahni twah, ní sǒ tǐ.† 24 Yah, névi nê-à ne níké, páh n to n pwah kǐ yah, tǐ náh min we n pí. Nte, nê-à kǐ fǐ syi nímlé yǐnne, tǐ wǒ min kí pwah. 25-26 Névi nê-á nímlé, ànê ní wey fǐnsyino yah sen ku, nímlé Névi Pi tò kí sen ku ne, mé náh tǐ pí, máh só nêne pǒ ní yǒtǒrí sǒkò, ànê ní sú tyí, ànê yǐnyǒ tǐntǒnè tyí sǒkò. Kǎh pí sǐ, yǒ se me ké tyí, névi-à kèkǒyǒ tǎhri pól we, té n tekí n pí ò min sǒkò, kí ò gblǒy tyí yǐkǐ? 27 Gbǐ yǒ, mé kéle n yo yé tyí ne: névyé nónó-á me ásò, pé tókù kí Liyel tǒrí we yǐne, té kí me min sǒkò.»

Yesu òkù vǐnmònlé

28 Kéne wèlò yóntenò náh, sèpǐn kwǎrtǒno kénkǒ-á sǒkò, Yesu Pyeri, ànê Nsyǒ, ànê Nsyaki tǐ sǒkò yǒli yó yǒ ne, pé kyí níri pí. 29 Wǎh me níri sǒkò gbǐ nêne, ò yèpǒ òkù vi mǒ, té ò flo piki préyy. 30 Nénpó swǒ, díbí népǐ nímlé núkú wil, me yǎhkǐle n yǎh ànê Yesule. 31 Moyisi ànê Yeli ye sǒ pǒ wil mǒ yǐnyǒ tǒrí sǒkò, té me n yǎh Yesule, wǎh kí ò tò pí n tǐ n pí sǒ, ò kúnó sǒkò Yerusalemí. 32 Té légbǐne, dǒy sǒ me Pyeri ànê pé no tyí fǐ. Pǎh dǒ yuku, pé Yesu tǒrí òkù we ànê díbí népǐ nímlé nópilé yǐnnóle òne. 33 Képah náh, népǐ nímlé nópi-á n yal Yesu tnô gbǐ nêne, Pyeri me yo ò tyí ne, pé yǒtǐ, pé tǐnó-á kí ple ásò dé! Páh kí yèpyeno tǒnó pí. Nké òmò tyí-á núkúle, Moyisi tyí me núkúle, Yeli tyí me núkúle. Té, à náh sǒ pí, tir nê-á à me n yo.

34 Wǎh me wékínó sǒkò sǐ, níyǐrkǐ yó núkú wil fob mǒ pé yǒ. Légbǐne, tíkǐ de Yesu tò sáhpú sǒkò. 35 Képah sǒkò, yǐnpǒ yó wil Liyel tyí níyǐrkǐ mè sǒkò, me n yo ne níké: «Nímlé nê-á yò, òmò ye ní pídíne, máh nê yah wilki. Yé ne n nohni ò tyí!» 36 Pǎh wey mè noh níyǎh sǒkò, ney náh tò we nénpó, né Yesu ó náh. Kǎh pí sǐ, ò tò sáhpú pé vyǐy vike tǐ syísyí. Té légbǐne, pǎh tyi nónó we, pé náh me sé sǒkò yó òtǐne n yǎh ney tyí.

Yesu sétǒ yǐni wilki wǐnpir yó sǒkò

37 Dendalle, pǎh tiki yǒli yǒ, tǒwú ògbǐ yó pǒ Yesu yohni. 38 Té kéne tǒwú sǒkò, dí yó sǒ me, à tyah n de n syi ne, kwǒ-ò dí, páh òne n ni, à yah dah mǒ pé pídí tyí sǒkò, òmò núkúni-á pé tyí, 39 té sétǒ yó-á me n yuku n pǒ ò yǒ. Kǎh yuku ò yǒ, à n de n syi nénpó swǒ, ànê ké à kah n yike pélpèl, té gbèfòkòpíkǐni n ne n wil ò vyǎh. Ànê kè náh òne n fin n mǒ súú. Kǎh

† 9:23 9.23 - Dahni twáhnó n wǐkǐ ne, á á vi sah á min kǒ kǒ tǐne Yesu tyí kǒle.

pópó ñne n fin mo, kě à fõh n kah n mo. ⁴⁰ Képah-á, pé po ñ tò sáhpú ni ne, pé sétõ mè yĩni, té pé náh tẽ we. ⁴¹ Wǎh yo sě, Yesu me yo pé tyí ne, népèl, ànê Liyel yõ sě-ńkě névye nópi! Pé se yĩne, pé pé ni tẽ, pé tẽ péle, pé po syi gbí nê tyí ni? Nkě, à po ñ pídíne ásô. ⁴² Piri-á núkú n no n de Yesu tnô, sétõ à kwel min sétáh, té à yike kègbule. Nte, Yesu me díri kô sétõ yõ, té piri de mo, té ñne ñ sú gbõ dahbi. ⁴³ Képah tẽne, no pól gbã du Liyel tẽnpnèno tyíle.

Yesu me ñ kúnó tyíle n tã n yo

Nte, no pól-à sò me gbëndùni soko sě ñ tyípínó nópi pól yĩnne, à me yo ñ tò sáhpú tyí: ⁴⁴ «Nê-á mé n tyah yónóle yé tyí, yé kè noh palle: Névi Pi ki n dahbi n pi névye gbõ.» ⁴⁵ Nte, pé náh sò me wey mè tyí yah we. Kè sò weki wénpille pé tyí ne, pé káh ké yõ pĩ. Té ké dùkù píkinyahno tiki sò me pé tẽ Yesu tyí.

Nê tẽ kal?

⁴⁶ Képah soko, tò sáhpú tyah yékâble n pi ne, pé pĩ nê tẽ-á kal pépi soko. ⁴⁷ Té Yesu-á pé fókósõno pĩ sě, à piri yó tẽ sah ñ tnô, ⁴⁸ té yo pé tyí: «Nê-á tyí kal yépi pól soko, ñmo kal télóle. Képah ye, névi nê-à piri mè kénkõ tẽnó ple ñmo yĩnne, ñmo ye tẽ tẽ ple. Anê névi nê to-à ñmo tẽnó ple, ní tékínmo-ò ye tẽ tẽ ple.»

Névi nê-à me ále n fwó-ńkěne, tẽ me ále

⁴⁹ Képah soko, Nsyõ me Yesu syah ne, pé yõtẽ, pépi-á ñnî we, à me sétanne n yĩni ñ yĩn yõ, té à náh se sò me ñ sò tẽ pépile wẽ tyí. Képah-á, pé ne, pé ñne n yĩni n mo ké pínóle. ⁵⁰ Wǎh yo sě, Yesu me yo ñ tyí: «Névi nê-à me yéle n fwó-ńkěne, tẽ me yéle. Képah ye, yé káh à yĩni n mo ké pínóle.»

Yesu yáhlenole Samari kwil yó tã tyí

⁵¹ Képah náh, Yesu yõndokonsoko gbí-á po no yĩnyõ, à kè yah toko yĩn núkú yõ ne ńkě, páh ki kyi Yerusalemi. ⁵² Kǎh pi sě, à tẽntõ névye teki mo ñ yahle. Pépi me wěki tẽ, à kyi de Samari kwil yó soko ne, pé kyi twáh-ńsah yah sah à kô.

⁵³ Nte, wǎh sõnpíle ñ yah mo n yuku Yerusalemi ñne, kǎh pi sě, nénpó tã me yahle ne, à káh twah pé tyí. ⁵⁴ Yesu tò sáhpú soko Nsyaki, ànê Nsyõ-á képah noh sě, pé ne, Tẽ ñgbě, à se me ké tyí ne, pé yĩnyõ nyàh ye mo no nópi yõ, kè tiki n po pé suke n mukuli ni? ⁵⁵ Pǎh yo sě, Yesu ñ yah vi pé ñne, à díri kô pé yõ. ⁵⁶ Képah náh, pé me wěki tẽ, à soko kwil yó soko.

A tyi pól we ye, té Yesu sò tẽ

⁵⁷ Képah soko, pǎh me wěki yõ gbí nêne, dí yó Yesu syah ne ńkě, páh ki ñ sò tẽ n ko n kô ñne, ñ kó-ńtã pól soko. ⁵⁸ Wǎh yo sě, Yesu me yo ñ tyí: «Gbẽnpǎhlo tyí, pĩ me. Kèpye tyí, syè me. Nte Névi Pi tẽ tyí, wénsẽnmì-ńsah n tẽ náh me.»

⁵⁹ Té me pyè yo ñnî tyí: «Ñ sò tẽ.» Kéne dí me à syah ne, à ye, páh po pé sú lékó ñgbò yĩ te. ⁶⁰ Wǎh yo sě, Yesu me à syah ne: «Ye lékyi kô, pé pé lékyi n yĩ, té áwo mó kyi Liyel tórí tyíle n yo n kô.»

⁶¹ Képah soko, ñnî yó mó yo Yesu tyí ne, pé Tẽ ñgbě, páh ki ñ sò tẽ. Té à ye pé kô, pé kyi ké wěki ni pé gbô tã tyí. ⁶² Wǎh yo sě, Yesu me yo ñ tyí

ne: «Névi nê-à nyeh weki tẽ swähle n wo, té n yah náhle, tẽ náh fẽ Liyel tǒrí tǒ pi n pi.»

10

Tò sáhpú népî tikitǒní pò gbãm pò nínó tǔntò pínóle

Yesu dúbinóle

¹ Képah náh, Tẽ ñgbẽ Yesu me tò sáhpú népî tikitǒní pò gbãm pò nínó yísyó yah wah, té pè teki mo ními nímine ñ yah tĩne, kwlo ànê wley wley pól soko, ñmo-á sò me ké tyí ne, pé kyí pé gblóy nónó soko, ² té yo pé tyí ne: «Sèmuco toko toko tẽ me dò, té ké tǔnpibule kwéyy. Yé setẽ ni, à tǔnpibi náhnáh teki mo, ñ sèmuco toko yĩne. ³ Yé ne n yuku! Té, yé me á ki ne, kópópi sǒ, mé n teki n mo gbẽnpãhlo niyó. ⁴ Nte, yé káh pò, ànê pilki, ànê lékyéh toko. Yé káh yĩn weki ney tyí wěkì yah. ⁵ Anê, yáh kyí n de kéte nê soko, yé wey gbenne, yé yo ne ñkẽ: «Yèvinu ne n me kéte mè soko.» ⁶ Káh pò yĩne ney me yèvinune n yah n kǒ kéne kéte soko, yé yèvinu yénmɔnɔ mè ki pi tẽ wo tyíle, yé mó tẽ nǔnpó. Képah-à mó pí-ñkẽne, yé yèvinu yénmɔnɔ ki ké syi pò yé tyí. ⁷ Tǔnpí ye yĩne ñ tò pínó yõre wénóle. Képah ye, yáh twah kéte nê soko, pàh yé kǒ yõke nêne, yé kè yõ, ànê pàh yé kǒ wo wo kwáh nêne, yé kè wo. Té, yé káh ne n vi n mo n twah n kǒ gbéngbèn soko. ⁸ Yáh kyí de kwil nê soko, té pè yé tǔnó ple, pàh kwáh nêne yé kǒ, yé kè yõ. ⁹ Yé mó yámpúle n de n mo, nónó-á me nǔnpó. Yé mó ne n yo kéne kwil tǎn tyí ne ñkẽ, Liyel tǒrí-á yĩni tẽ te pé tyí. ¹⁰ Nte, yáh kyí de kwil nê soko, té pè ne, yé káh twah pé tyí, yé wil kyí pé tówù tükè-ntàn soko, yé mó yo ne, ¹¹ pé kwil nɛngbõ nê n-tǔ-á tahlí yé gbyéh tyí, yáh ki sè kwer kwe pé kǒ. Nte, pè pi ne, Liyel tǒrí-á yĩni tẽ te.

¹² Mé kéle n yo yé tyí ne: Liyel tukey tuke sóle, Sodomu* kwil fóhnó n-tǔ ki fàhfàh kal kène kwil tyíle.»

Kwlo nónó-á yahle sǔnóle Liyel yõ

¹³ Yesu tǒ yõ soko yo kwlo nǔpi tyí soko ne: «Yèvyãhri me yé yõ, Korasini ànê Betisayida tǎn! Gbíl tyi nónó-á pi yé tyí, sǔnkǒ-à sò me pi Tiri ànê Sidǒ tǎn tyí, pé Liyel wěkì tǔnó di náhki me mo. Pè náhki me yèkwori flo mo, té náhki me pé piki syíle pé tyípèl nàhnpĩ gbónó soko. ¹⁴ Nte, tukey tuke sóle, Tiri ànê Sidǒ fóhnó ki pi fàhfàh kal yépi tyíle. ¹⁵ Té, áwo-á, Kapernayumi, á se we ne, wáh ki yõ dokó yĩnyõ? Pólle! A ki tiki yuku fókó lékókwil nyàh tǔ-nsah.» ¹⁶ Té tǒ yo ñ tò sáhpú tyí ne: «Névi nê-à n nohni yé tyí, nímo tyí ye tẽ n nohni, té nê-à yé yahle, nímo ye tẽ yahle ànê ní teki mó-ò tǔle.»

¹⁷ Képah náh, tò sáhpú népî tikitǒní pò gbãm pò nínó nǔpi pé syi pò de nìvìni soko, me n yo Yesu tyí ne, pé Yòtẽ, ñmo yĩn yõ, sétàn n-tǔ-á me n sah pépi yóré yõ! ¹⁸ Képah tǔne, à me yo pé tyí: «Mé sò sétàn yòtẽ we, à wil yĩnyõ, à tiki ke núkú, à pò syiki pũ sǒ yikiri yǎl. ¹⁹ Nte, yé yah, mé tǔnwenole yé kǒ: Yé ki n kǒ vye, ànê mĩntyĩ yõ. Anê yé ki fẽ sépe tǎhkìle n yiki, té tir yó n-tǔ náh yé no n pi. ²⁰ Té yé káh ye yé ni vi sétàn sàhnó ó tyíle yé yóré yõ. Nte, yé yé ni vi ne, yé yni-á me wárkínsàhnóle yĩnyõ.»

* **10:12** 10.12 - Sodomu nê tyí-á yo, ké soko névyé tyípèl pínó sò kah tno, fókó Liyel pò pé pól suke nyàhle. Kè yah n te Tyàhnó sǔbéy 19 soko.

Yesu ni vínóle

²¹ Légbí-ó sòkò, Yesu ni kah vi Liyel Mírki gbò yò. Képah sòkò, à me ne: «Bò, áwò nê-á yînyô, ànê sétáh nétêne, mé ále n gbilki, áwò nê-á tyi nópi wòbù yí pípú, ànê lékámpu yah, té séle wênpi wò wêki. Awe, bô, áwò dyo yíi tẽ ye ne kè pi sê. ²² N sú ye sé pólle ní gbò dahbù. Nte, ònî yó rítẽ náh Liyel pile n pne, né sú ó náh. Sê ó ye, ney to náh súle n pne, né pídí ó náh, ànê wáh me ké tyí ne, pé pé súle nê wêki.»

²³ Képah náh, Yesu ò yah vi ò tò sáhpú fîinne, té yo pépi ó tyí: «Yèvinu me yé tyí, yépi nóno-á tyi nópi we. ²⁴ Mé kéle n yo yé tyí ne: Liyel tẽntõnè náhnáh, ànê yòtãm náhnáh sò me ké tyí ne, pé sè we, té pè náh sè we. Té me ké tyí ne, yáh nóno noh, pé sè noh, té pè náh sé to we noh.»

Samaru kwil négbí yó sèmìrkìle

²⁵ Légbíne, Liyel ògbò wêkì kwó-ò yó sò ne, pé Yesu mo yah, té yuku yîn, à yo ò tyí ne nkê, kwó-ò dí, pé se ki pi sò, té ki tyé-ńkê min we ni? ²⁶ Yesu me yo ò tyí ne, tir nê se wárkínsàhnóle Liyel tyi sàhnó sèbéy sòkò ni? Tir nê se à me n kar ké sòkò ni? ²⁷ Dí me yo ò tyí ne, káh me wárkínsàhnóle ne nkê, á Tẽ ògbê Liyel tyí-á yîne kè no á tyí á ni pólle, ànê á min pólle, ànê á tãhkì pólle, ànê á sòno pólle. Á ní-ò to tyí mó no á tyí á gblòy tyí kòle.† ²⁸ Wáh yo sê, Yesu me yo ò tyí: «Á yo ple. Képahle n pi, á ki tyé-ńkê min we.»

²⁹ Nte, dí mè sò me ké tyí ne, pé gbù we. Káh pi sê, à Yesu syah ne, nê se péwò ní-òle ni? ³⁰ Yesu me à syah ne: «Dí yó ye lésò wil Yerusalemi, à me n tiki n yuku Yeriko sòkò, té kyì wil mo yípú yò. Pè me à tẽ ò gbàn yí pól tẽ syi, té à ko markì sah, té sòkò. ³¹ Té, kè pò yîne, sárká wìlkìpu yòtẽ yó mó me n tiki n pi kéne wêkìle. Wáh pò dí mè we, à gbò sòkò fíí. ³² Képah náh, Levi yìkì ney yó to tò pò yîni tẽ nénpó.‡ Nmo to-á à we sê, à gbò sòkò fíí. ³³ Nte, Samaru ney yó sò me n yuku kóló sòkò, té kyì dí yò doko. Nmo wò-á à we sê, ò yãm à tẽ. ³⁴ A me no de ò tnô, té òvê ànê niri mo ò níy yah, té sè pukubi. Té me à doko mo ò yéngbê òkwèndyíkì yò, à yuku òne népân twáh-ńsah yó sòkò, à kyì yah dah mo ò tyí sòkò. ³⁵ Ké dendalle, à me pò pló nínó§ wilki népân twáh-ńsah yòtẽ dí kò, té ne, à ne n yah n dah n mo dí mè tyí sòkò. Nkê, wáh ki sò gbò wilki à kah mo képah yò, páh pé syi pò gbí nêne, páh ki à dyah kéle.»

³⁶ Képah yónteno náh, Yesu dí piki yah ne, òmo tẽ sòno sòkò, yípú-á dí nê pi yo, òmo ní-ò se nê tẽne népí tòmí nópi sòkò ni? ³⁷ Liyel ògbò wêkì kwó-ò me à syah ne, nê-á ò yãm yah, òmo-á. Képah tẽne, Yesu me yo ò tyí: «Á to kyì sènkòle n pi.»

Yesu tẽnó pèpeyne Marti ànê Mari tyí

³⁸ Té Yesu ànê ò tò sáhpú-á sò me wêkì yò sê, à kyì de kwìlpír yó sòkò. Té kéne kwil sê yó sò me, pé n ye Martile. Nmo me Yesu tẽ ple ò gbò. ³⁹ Té gbê sê yó sò me ò tyí, pé n ye Marile. Nmo sò me pò tẽ Tẽ ògbê Yesu tnô, à ò welòle n nohni. ⁴⁰ Légbíne, Marti yah me n vyãh Yesu fèn pínó sòkò.

† **10:27** 10.27 - Yah n te Tõnyono sèbéy 6.5 ànê Levibi sèbéy 18.5 sòkò. ‡ **10:32** 10.32 - Levi nole, pépi Liyel wòkò sòkò tònpiùle ye sò pi. § **10:35** 10.35 - Ké légbí pò pló nínó sò no gbìyìkì núkú tò pínó danne.

A me po yo Yesu tyí ne, pé Yòtě, pé gbě sê-á tò pól sah péwo ó kō, té po tē n̄ tnô, kè kó me tirlé n̄ yah ni? Á kó n̄ yo n̄ tyí, à péle n̄ yohni n̄ mo ni? ⁴¹ Nte, à me yo n̄ tyí ne: «Martí, áwo me á gblòyne n̄ kwlo, me á fokole n̄ sō tyi náhnáh tyíle. ⁴² Nte, tir núkú ó tyí ye yōrele. Mari ye ké pèpey yah toko, nê-á kè náh n̄ tē n̄ syi n̄ yah n̄ pi n̄ tyí.»

11

Yesu-á kwónó nê kō nírí pí òkù yō

¹ Sô yóle, Yesu sō me Liyelle n̄ ni fí yó soko. Wäh ni te, n̄ tò sáhpú soko yó à syah ne, pé Yòtě, à pépi kwō Liyel ni òkùle, sō-á Welnwilkĩ-ò Nsyō sō kéle n̄ tò sáhpú kwō. ² Képah soko, à yo pé tyí: «Yáh Liyelle n̄ ni, yé ne n̄ yo ne níké:

«Sú Liyel,
no pól kō pé n̄ pí Liyelle.
Á tórí kō kè po.

³ Á sōmesó gbìyìkĩ yōkele ále n̄ kō, nê-á k̄ n̄ yīne n̄ pi ále.

⁴ Nónó-á n̄ pí n̄ de ápi tyí, á ye me séle n̄ yō n̄ mo pé tyí. Képah ye, ápi to tyípél yō mo á kō.

Anê, káh n̄ ye à sétō tōnmōno fē n̄ syi.»

⁵⁻⁶ Képah náh, Yesu tō yō soko yo pé tyí ne: «Yépi soko yó tyí kódí-à me, té à po wil n̄ tyí lénile ne níké, pé kódí yó-á me wil kóló soko, à po pé tyí, té yō yō kwáh náh me pé tyí k̄ à kō. Nké, à deki pé kō búrn pló tōnóle. ⁷ Nte, ní-ò mē-à rityíno tē wòkò soko táh, té yo mo n̄ tyí ne, à káh péle n̄ kwlo, wòkò yah-á vike te núkúnúkú, péwo anê pé wēnpĩ-á sē, pé náh fē yuku búrnne à kō n̄ pi. ⁸ Mé kéle n̄ yo yé tyí ne: dí mē-à sō yuku séle à kō-níkēne pé kódíri yīnne, à k̄ yuku n̄ yétô yí pólle à kō n̄ nínó gblóvyáhrí tē wo yīnne.

⁹ Nte, nímo tē wo kéle n̄ yo yé tyí ne: yé ne n̄ ni Liyel tyí, à k̄ yéle n̄ kō. Yé yáhnkōnole n̄ pí, yé k̄ n̄ we. Yé wòkò yah m̄, kè k̄ yik̄i mo yé kō. ¹⁰ Sē ó ye, nê-à ni Liyel tyí, tē n̄ we n̄ syi. Nê-à yah kō, tē n̄ we. Anê nê-à wòkò yah m̄, kè n̄ yik̄i n̄ mo tē kō. ¹¹ Sú nê tē me yépi soko, n̄ pi-à yēnkô ni n̄ tyí, à k̄ wahyne à kō? ¹² Képah náh pí, wáh séngbí ni n̄ tyí, à k̄ mīnkōne à kō? ¹³ Nte, yépi nónó-á népèlle, yáh yé wēnpĩ kōnó yah we yípéplole, sú Liyel nê-á yīnyō, n̄mo náh n̄ pí ple n̄ kal, à n̄ Mirkíle ké yáhnkōpu kō n̄ pi dí?»

Túkù ne, Yesu tēnwēno-á wil sétàn yòtě Belsebuli tyí

¹⁴ Sô yóle, Yesu sō me sétō yóle n̄ yīni n̄ wilki dí yó soko, nê-á à kō à weki kwlo. Sétō-á fyò wil dí mē soko, dí tyah n̄ weki, kè pí gběndùnīne tówú tyí. ¹⁵ Té túkù mó sō me n̄ yo ne níké, sétàn yòtě Belsebuli gbò yō-á à n̄ yīni sétànne. ¹⁶ Túkù mó n̄ mónyah yīnne, me n̄ yo n̄ tyí ne, à gbíl yó pí pé yah, nê-á n̄ wil yīnyō.

¹⁷ Nte, Yesu-á pé fókósōno pí sē, à yo pé tyí: «Kwil nê névyē-à gbek̄i tyah wēne n̄ fwo, kéne kwil k̄ po yik̄i, ké v̄ k̄ syik̄i dohn̄i wē yō. ¹⁸ Nte, yáh ne níké, sétàn yòtě gbò yō-á nímo sétànne n̄ yīni-à; sétō-à tyah n̄ gblòyne n̄ fwo, n̄ yòtōrí se k̄ n̄ wū n̄ pi? ¹⁹ Nte, nímo-à me séle n̄ yīni Belsebuli gbò yō, té yépi pye wo-á dò, nê gbò yō me pépi n̄ yīni séle wé? Pépi n̄tē ye k̄

lékàhle yé kō. ²⁰ Nte, Liyel gbò yō-à mé n yīni sétànne, képah n wěki ne ríkě, Liyel tǒrí-á yīni tē yé tyí.

²¹ Tǎhkì-á me dí nê soko, ànê méfwóyile n tyí, wàh n kétele n syiki, tir yó ntē náh fē n gbàn yī nō n pi. ²² Nte, nê tǎhkì-á kal n tyíle, òmò-à pò, té tē we n tyí, à kɪ n méfwó yī tē syi, wàh sò me n gbò sah nónó yō, té kɪ n wòkò yī kwel dibi. ²³ Képah ye, névi nê náh me n pèpey neyne, n pèlney ye tēne. Névi nê náh ríne n yohni n mō tükènmōnō soko, tē me kárkínóle n pi.»

Sétō-à wil névi soko, à n fē n syi n pò

²⁴ «Sétō-à wil névi soko, à n kyɪ gběnni kō n kō, n mī-nsah yah n kō. Wàh wé-ńkēne, à n yo n gblōy tyí ne, páh sò wil nýāh soko, páh kɪ pé syi yuku nénpó. ²⁵ Wàh n syi, à n kyɪ n tē-nsah dyàh we yalntōnsàhnóle, plétnō. ²⁶ Képah tēne, sétō mē n kyɪ sé no sétànnó kwārninō syah, nónó-á peke kal òmòle. Sè n kyɪ n de n tē tē soko. Kàh pi sē, tē mē òkù ké syi n peke n kal n gben tēne.»

Yèvinu kègbile

²⁷ Képah tēne, Yesu-á me képah yónó soko, pi yó tē tówù niyó soko, té yo mō n tyí yínpò ngbēne ne, sè nê foko soko-á à wil, té n yínó yī, yèvinu-á me n tyí. ²⁸ Nte, Yesu me yo pi tyí: «Yèvinu ye pyé me névyé tyí, nónó-á Liyel weyne n nohni, té ké tyile n pi ké wěkì yō.»

No gbil yó yah kō Yesu tyí

²⁹ Képah soko, névyé-á pò n tuke n mō Yesu tnò, à tyah n yo ne: «Kwey gbí névyéle, népèl ye péle, pè me gbil yóle n yah n kō. Nte, kèyāh ntē náh n pi pè wěki n pi, à wil Liyel tēntò syíno-ò Yonasɪ tyí soko. ³⁰ Sǒ-á Yonasɪ lésò pi kwní yónmōnole Ninivi tǎn tyí, sē ó ye, Névi Pi tō kɪ pi kwní yónmōnole kwey gbí névyé tyí.

³¹ Pi nê-á lésò yòtēne Saba sétáh yō, à lésò wil fíí sétáh yīn tyí, à pò yòtē dí Salomo lékám welo noh. Nte gbɪ yō, ney me ásò, nê-á kal Salomole. Kàh pi sē, Liyel fók tukey tuke sóle, kéne yòtē pi kɪ yuku kwey gbí névyé tyí, kɪ lékàhle pè kō.* ³² Anê tō, Ninivi kwil tǎn lésò fē syi Liyel wěkì tē, Yonasɪ-á Liyel tēntò yo pé tyí. Nte, ney me ásò, nê-á kal Yonasɪle. Kàh pi sē, Liyel fók tukey tuke sóle, Ninivi kwil tǎn kɪ yuku kwey gbí névyé tyí, kɪ lékàhle pè kō.»†

Liyel yō sēnó kyòole

³³ «Névi se kɪ fòtnò soh wòbɪ, képah náh pi, kɪ dú kwĩnki mō ké yah? A náh kè sah n pi fòtnò sahki soko, kyòo we yinne wòkò soko dépú tyí di? ³⁴ Sē ó ye, á yí ye á wil kyòole. Á yí-à me ple, à wil tō pól n ne me kyòo soko. Té, á yí-à me plé-ńkēne, á wil pól n ne me fēntú soko. ³⁵ Á gblōy kyòmɪ yī, kyòo nê-á á soko, kè káh ne me fēntúne. ³⁶ Té á wil pól-à me kyòole, fēntú tyah kéne ké soko, á kɪ me kyòole, sǒ-á fòtnòle kyòo á tyí.»

Yesu náh kè yo nekɪ Farisiyēno ànê Liyel ngbò wěkì kwópú soko

* **11:31** 11.31 - Yah n te Yòtām sébéy gben 10 soko. † **11:32** 11.29-32 - Yonasɪ tyíle, yah n te Yonasɪ sébéy 3 soko.

³⁷ Yesu-á wẹkɪ tɛ, Farisiyɛ dí yó à ye yòke yò yinne n gbô. Képah tɛne, pè de à tɛ yòke yah. ³⁸ Farisiyɛ mè-á Yesu wɛ, à tyah n yó té à nàh n gbàn wu Nsyifunɔ wu dùkùle, kè n gbàn du.

³⁹ Képah tɛ sɔkɔ, Yesu mɛ yo n tyí: «Sɛ ó ye, yépi Farisiyɛnɔle, yɛ wóhló ànê yɛyóvyɔ náhló wu n tɔ n sah, té yé fɔkɔ táhló n ne n mɛ yúkúnóle pèkè, ànê yíbe dékè tyile. ⁴⁰ Lékám kɛ névyɛ nópi, nê-á mɔ vyó náhlóle, à nàh sé sɔkɔ táhló tɔ mɔ di? ⁴¹ Yé sé sɔkɔ táhló yí yí yám tãn kɔ! Képah-à pi, sé pól kɪ pi palle yé tyí.

⁴² Yépi Farisiyɛnɔle, pèkè mɛ yé yó! Yɛ yímî ànê swãh sɔkɔ pɛnfɛnè pól gbãm-ònlé Liyelle n kɔ. Nte, yɛ n yahle tɔnsàhnɔnɔle névyɛ tyí, ànê Liyel tyí nàh nɔ yé tyí. Képah nê tɔ-á sò yé yíne yè ne n pi gbɔnwòkò kɛne. ⁴³ Yépi Farisiyɛnɔle, pèkè mɛ yé yó! Yɛ tɛ-ntàn gbrolɛ n yah n kɔ Liyel ní-ntàn vì sɔkɔ, n té ne mɛ ké tyí ne, névyɛ ne n tɔ n sah n wɛkɪ n pɔ yé tyí tówù tɛ-ntàn sɔkɔ. ⁴⁴ Pèkè mɛ yé yó, yépi nónó-á mɛ á kɪ ne, léyâl nírinó sɔ, névyɛ n ne n kɔ sé yó, pí-ńkɛne.»‡

⁴⁵ Yesu-á yo sɛ, Liyel ñgbò wɛkɪ kwó-ò yó à syah ne, kwó-ò dí, wãh mɛ n wɛkɪ sɔ, pépi tɔ-á à n gbyɔ dé! ⁴⁶ A mɛ yo n tyí: «Yépi Liyel ñgbò wɛkɪ kwópú tɔle, pèkè mɛ yé yó! Yépi nónó-á ńkɛne no twah n mɔ tókópèlle, té yé nàh n fɛ n syi n so n mɔ pé tyí kɛngbɔ núkú fyéle. ⁴⁷ Pèkè mɛ yé yó, yépi nónó-á Liyel tɛntò syínyopu léyâlɛ n tɔ n sah n mɔ, té yépi nàh tãn ye mó tɔ ko mɔ péle. ⁴⁸ Képah n wɛkɪ ne, yáh yé súbí tyípínó fɛ syi. Pépi-á Liyel tɛntò syínyopu ko mɔ, té yépi sɔnpí pé léyâlɛ n tɔ n sah n mɔ. ⁴⁹ Képah ye sò Liyel yo lékám sɔkɔ ne ńkɛ: «Mé kɪ tɛntò syínyopu tɛkɪ mɔ pè kɔ, ànê tɛntòbelɛ. Pè kɪ pé túkù ko mɔ, té kɪ túkù fòh.» ⁵⁰ Káh pi sɛ, Liyel kɪ kwey gbí névyɛ fòh n pi Liyel tɛntò syínyopu nópi yinne, nónó-á ko mɔ kèkòyó mɔ gbí dukule, ⁵¹ à tɔkɔ Abeli kònmɔnɔ tyí, à pɔ syi Nsakarɪ kúnó tyí, nê-á ko mɔ sárká wìlkì-nsah, ànê Liyel ní-nsah wòkò ñgbɛ wró. Gbɪ yó, mé kéle n yo yé tyí ne: kwey gbí névyɛ kɪ n fòh n pi képah yinne. ⁵² Pèkè mɛ yépi Liyel ñgbò wɛkɪ kwópú yó, yépi nónó-á Liyel wɛkɪ wɛnpĩnɔ yah kɔ névyɛ tyí. Yépi nàh mɛ n kɔ kéle, té nónó-á se ne, pé ne n kɔ kéle, yé pépi yini mɔ.»

⁵³ Képah sɔkɔ, Yesu wìlntɛnɔ nàh nɛnpó, Liyel ñgbò wɛkɪ kwópú, ànê Farisiyɛnɔ pé fɔkɔ vyãh ñne kègbule, té tyah ñne n piki n yah tyi duke duke pól yó. ⁵⁴ Pè sò mɛ ñne n mɔ n yah ne, à pilki n vyãh wɛlɔ sɔkɔ pé kɔ pé à wɛ tɛ.

12

Gblɔy kyòmínóle vyɛnnínì wékínóle

¹ Képah sɔkɔ, nékwínkí-á tuke mɔ tnónóle gbí nêne fóó, mɛ wɛ gbyɛhne n suki, Yesu tyah n yo n tò sáhpú ñgbò tyí: «Yé yé gblɔy tɛ Farisiyɛnɔ vyɛnnínì wékínóle, képah nê-á n tɔ n mɔ kókónó tyí kɔle mífáhkì sɔkɔ. ²⁻³ Tyi nónó pól-á yé n yo fɛntù sɔkɔ, sè kɪ pɔ noh gbìntòle kyòo yah. Anê nónó pól-á yé n plɔ n yo wɛ níkíló yey, wòkò sɔkɔ táh, sé pól kwní kɪ pɔ kɔ gbɛntù yó. Képah ye, tyípìl yó ntɛ nàh mɛ, nê-á kɪ n wũ n pi wìlkìnmɔ-ńkɛne. Sètìn sò tir yó ntɛ nàh mɛ, nê-á kɪ n wũ n pi pí-ńkɛne.»

‡ **11:44** 11.44 - Nsyifunɔ tyí, léyɛkì yó kónsɔkɔnɔle, Liyel dèl ye.

Nê tiki-á yĩne pínóle

⁴ «Mé kéle n yo yé tyí ne, yépi nónó-á ní kódíbíle: yé káh névye yah tíkile n pi, nónó-á wil kò óle n ko n mo n pne, té pé náh tō tir yóle n pi n kah n mo n pne képah yō. ⁵ Nê yah tiki-á yĩne pínóle, mé kɪ ñne yé wěki: Liyel nê-á kɪ fě névi wil kò kònmontenɔ náh, kɪ ñ min dah mo tyé-ńkě nyàh sɔkɔ, yé ñmo tíkile n pi. Mé kéle n yo yé tyí ne ńkě: yé tẽ wo tíkile n pi. ⁶ Ntẽnpínó kwɔ náh n yám pópíkí pló nínóle di? Nte, Liyel dyɔ náh n fwɔ sépi núkú yó ntẽ tyíle. ⁷ A wil képah sɔkɔ, yé yòyén ntẽ pól dan me pínóle Liyel tyí. Káh pi sě, yé káh tiki pi. Yépi tyí náh tah kal ntẽnpí kwĩnkile di?»

A Yesu fě syi, képah náh pi, à à yahle

⁸ Képah náh, Yesu tō yo pé tyí: «Mé kéle n yo yé tyí ne: nê-à kè yo dal mo névye yí yah ne ńkě, páh me ñmo tyí yō, Névi Pi tɔ kɪ kè yo Liyel yĩnyō tẽntõnè yí yah ne ńkě, wáh me pé tyí yō. ⁹ Nte, nê-à ní yahle névye yí yah, Névi Pi tɔ kɪ à yahle Liyel yĩnyō tẽntõnè yí yah. ¹⁰ Névi nê-à Névi Pi yĩnpo yo, kè kɪ yō mo tẽ kō. Té nê tẽ wo-à Liyel Mírki gbyɔ, kè náh n yō n mo n pi ñ tyí.

¹¹⁻¹² Pàh yé tẽ kyɪ tükè-ñsah Liyel ní-ńtàn vɪ sɔkɔ, képah náh pi, yah tãm tyí, képah náh pi, yõtãm tyí, Liyel Mírki kɪ yé kwɔ nénpó swɔ, yáh ne nê yo n pi. Képah ye, yé káh ye yé yáh-ñsah tyɛ, yáh ne n yo n wil n pi sō.»

Lékám kě tãh dí sèmirkìle

¹³ Tówù niyó sɔkɔ, ññi Yesu syah ne, pé kwó-ò dí, à yo pé nénkyí dí tyí ne, à ye pé pé sú gběki dibi. ¹⁴ Képah tẽne, Yesu me yo ñ tyí: «Ní dí, nê sah ñne ne, mé yéle n tuke, tĩ ne, mé yé gbàn yíle n dibi?» ¹⁵ Képah sɔkɔ, té yo pé tyí: «Yé yé kyomɪ tahrɪ dékè képékèle! Tahrɪ-à sō me sō névi tyí, képah náh fě minne à kō n pi.»

¹⁶ Képah sɔkɔ, à tō sèmirkì yó yáh pé tyí ne: «Tãh dí yó lésō me, ñ swáh pekɪ yĩ ñ tyí. ¹⁷ Képah tẽne, à tyah n sō ñ fɔkɔ sɔkɔ ne, nte, sèmuco mó-ñsah náh se me fwóó pé tyí, sō se pé kɪ pi nɪ? ¹⁸ Dǒ, à ne, páh kɪ nê pi n pi, képah á yò: Páh kɪ pé díké sɔkɪ, té kɪ sè tō mo gblò gblò, kɪ pé gbàn yí pól mo sé sɔkɔ, ¹⁹ té kɪ yo pé gblɔy tyí ne, páh yò, yòke dò-á me pé tyí pé gbò sò ye náhnáh yinne. Núkúnúkú, páh kɪ n mɪ, té kɪ n yō, té kɪ n wo, té kɪ ñivile n pi pé dyɔle. ²⁰ Nte, Liyel me yo ñ tyí: «Lékám kě névi! Kwey lékáh ntẽ sɔkɔ á min kɪ n syi n pi á tyí. Té yí nónó-á á tuke mo sah, sè kɪ pi nê tyíle?» ²¹ Képah sɔkɔ, Yesu ne: «Névi nê-à tahrɪle n yah n koh n sah ñ gblɔy tyíle, té Liyel fǒ tyí yáhnó yahle, sěntẽ ye n no tẽne!»

Sõno sàhnóle Liyel ó yō

²²⁻²³ Képah náh, Yesu yo ñ tō sáhpú tyí: «Névi min tyí náh tah kal yòkele, wil tyí me tah kal flɔle di? Képah ye, mé kéle n yo yé tyí ne: yé káh yé fɔkɔle n sō, yáh ne we n yō n pi sō, ànê yáh ne yé wil flo we n mo n pi sō. ²⁴ Yé yah ñgbɔlɔle kè: Sè náh sèmucole n duku, sè náh sèmucole n tɔkɔ. Díké ànê sèmuco kóhnsàh-ñtàn tɔ náh me sé tyí, té Liyel séle n pu. Nte, yépi tyí náh tah kal kèpyele di? ²⁵ Yépi sɔkɔ, nê tẽ kɪ fě kwéyy ntẽ fyé dohnɪ ñ min wénó yō ñ fókósõnɔ gbò yō? ²⁶ Tẽnwɛnɔ-à mé-ńkěne yé tyí, à fě sěntẽ tir tyí ntẽ fyé pi n pi, sō pi, té yé yé fɔkɔle n sō yí téló tyí sɔkɔ?»

²⁷ Yé filfi pi dukùle n yah kè: Sè náh tòle n pi, sè náh flole n ti. Nte, mé kéle n yo yé tyí ne: yòtē Salomo ntēne n tahrí pól soko, à náh flo pèplo we mo yah filfi nópi soko yó ntē kètòle. ²⁸ Fílki nê wo-á gbènni soko kweyne, té ki po n suke n pi nsône, Liyel-á képah fi pi palle sē, à náh n yah n dah n mo n pi yépi flo tyí soko à kal sépile di, Liyel yō sēnyí-ńkēpú nópi? ²⁹ Káh pi sē, yé káh yé gblöyne n kwlo yé yōke, ànê yé wo wo yi yáhnkōno tyí soko. ³⁰ Kèkōyó mè soko, Liyel pí-ńkē névye ye ńkēne ne n yah n kō sépi pólle tyé-ńkēne. Nte, yépi tē wole, yé sú Liyel pí ne, sé yétô-á me yé tē. ³¹ Káh pi sē, yé Liyel tōrí ngbò yah n kō! Képah soko, à ki yi téló dohni yé kō. ³² Kè ye no yé sú tyí, à n tōrile yé kō. Képah ye, yé káh tíki pi, tūnpir yípêy!

³³ Yé yé gbàn yi yām, yé mó sé yi yām tām kō. Yé tahrile n yah n sah Liyel fò, képah nê-á kè náh n yiki, kè náh se n tyé. Yípú náh fē n kyi nénpó, sóhrí to náh fē sè yō. ³⁴ Sē ó ye, á tahrí-à me nýáh, á sōno to n ne n me nénpó.»

Gblöy vînsàhnó tyí sèmirkile

³⁵ «Yé ne me yé vi sah tò pi pi tēne, yé mó yé kno fi mo, yé fòtnòno mó ne me kòntēnòle. ³⁶ Yé ne me á ki ne tònpi bi sō, nónó-á ńkēne me pé yòtē syíkintēno soko ne, wáh ki wil fúr pí-ńsah, à po n de, té ki fyò wòkò yah mi, pé núkú kè yiki mo à kō. ³⁷ Yèvini me pé yō, tònpi bi nónó yòtē-à n syi po pè we, pè me yáhnó soko. Kègbi yō, mé kéle n yo yé tyí ne: yòtē mè ki n tò pi pi flo mo, té ki yōkele pè kō pè ki yō. ³⁸ Té wáh se me n syi po lénile, képah náh pi, tyah dal gbíne, té pè me n syíkínó soko, yèvini me pé yō! ³⁹ Yépi ntē pí ne, gbóntē dí-à pí gbí nê-á yēnwó ki n po n pi n tyí, à náh n ye à kō à n we n de n pi n gbô. ⁴⁰ Névi Pi ki n po n pi gbí nê-á yé náh me n pónó tyíle n sō. Képah ye, yépi to yé gblöy vi sah.»

Tònpí sóre ney ànê yípiki neyne

⁴¹ Képah soko, Pyeri Yesu syah ne, pé Yòtē, pépi ó yin se à n yāh sèmirkí mène, tí no pól yin se ni? ⁴² A me yo n tyí: «Gbô tahrí kyòmì-ò négbí lékám névile, nê me? Nmō pi névile, nê-á n yòtē dí ki à pi n kéte kyòmì-òle. Té à ki tònpi bi téló yōkele péle n kō ké kō gbíne. ⁴³ Yèvini me n tònpi mè tyí, yòtē dí-à n syi po à we à me kéne tòle n pi. ⁴⁴ Kègbi yō, mé kéle n yo yé tyí ne: wáh ki à pi n gbàn yi pól kyòmì-òle.

⁴⁵ Nte, tònpi mè-à tyah n sō n foko soko ne ńkē, pé yòtē dí-á ki mo pónsah, té tyah pé no tònpi bile n ko, pé syó, pé díbi, té me n yō, me wo wo yíle n wo, à sètēnìne n pi, ⁴⁶ yòtē dí ki po n yō doko só yóle, à náh me nê sō sah, ànê gbí yó soko, à náh nēne n pne. A ki po à fōh kèpékèyô, té ki à dyah Liyel tyí yáhlepu dyah dukùle. ⁴⁷ Nmō nê-á n yòtē dyo yíine n pne, té à náh n gblöy vi à képahle n pi, à ki ko náhnáh we. ⁴⁸ Nte, névi nê-á sō me kè pi n pí-ńkē soko, té yíne ko syínóle, nmo ki ko kwéyy we. Páh névi nê kō náhnáh, náhnáh ki yah kō tē tyí. Anê náhnáh-à névi nê gbò dahbi, náhnáh tyí ki piki yah kal tē tyí.»

Gbékínó nê-á ki pi Yesu yinne

⁴⁹ Képah náh, Yesu tǝ ne: «Nyàh ye mé pɔ sètáh yǝ. Té mé sǝ me ké tyí ne, kè ne me kǝ te! ⁵⁰ Nmo yǝne mè n de n wil yèvyàhrɪ yó sɔkɔ, té kè náh se me n pi!

⁵¹ Yé se me n sǝ ne, yèvinɪ-á mé pɔ mó-ńsah sètáh yǝ? Ǟǝ dé! Mé kéle n yo yé tyí ne: gbékínó wɔ-á pyě. ⁵² Képah ye, à tɔkɔ núkúnúkú tyí, népɪ kwâl-à me kéte núkú sɔkɔ, pè kɪ gbekɪ: Tǝmí kɪ tyah nímine n fwo, ními kɪ tyah tǝmíne n fwo. ⁵³ Sú yó kɪ tyah n pídíne n fwo, pídí yó kɪ tyah n súle n fwo. Yú yó kɪ tyah n písèle n fwo, písê yó kɪ tyah n yúne n fwo. Yú yó kɪ tyah n pídí kyɪle n fwo, pídí kyɪ yó kɪ tyah n pɛ yúne n fwo.»

Tyi yáhnɸĩnɔle, té kɪ á pɪ dùkù pĩ

⁵⁴ Yesu tǝ sǝ me n yo tówú tyí: «Yǝnyǝ yah yó me, yàh nýírki we ké nénpóle, yé n yo nénpó swɔ ne, pǝ-á kɪ pɪ. Té, kè n mó n pɔ n pɪ sě. ⁵⁵ Anê yah yó me, yàh fyò yáhkí we kè kǝ wil nénpóle, yé n ne, tyah vyáhnó kèpèkè-á kɪ tyah. Té, kè n mó n pɔ n pɪ sě. ⁵⁶ Yǝnvĩ névyɛ nǝpi! Yé fě sètáh ànê yǝnyǝ dùkù wɔle n pne. Té sǝ pɪ, tyi nónó-á n pɪ kwey gbĩne, yé náh fě sépi pĩ?»

A tukey dyàh tǝ yé wró tǝ sah á nĩ-òle

⁵⁷ «Kwàh nê pɪ, té yé náh pɪ dùkù pèpeyne n sǝ n tǝ n pne yé gblǝy? ⁵⁸ Sǝ-á, tir-à me yé wró ànê á nĩ-òle, té à n tǝ n yuku tükè-ńsah tukey tükè-ò tyí, gbah n tǝ tir mè yah wah wěkì yah. Képah-à pí-ńkěne, té à kyɪ ále tukey tükè-ò gbǝ dahbɪ, tukey tükè-ò me kyɪ ále sràsyíbí tyí, té pépi me n dah mɔ wòkònpèkè sɔkɔ. ⁵⁹ Mé kɪ kè yo dal mɔ á tyí ne, á náh n wil n pi nénpó, né á náh kǝlɪ mè pól dyah te pnépné.»

13

Liyel wěkì tǝ, képah náh pɪ, á tyí kɪ yɪkɪ

¹ Légbí mè-ó sɔkɔ, nósýó pɔ yo Yesu tyí ne, yǝtǝ Pilatɪ-á lésǝ Kalile tǝn yísýó ko mɔ, té pè sah sárká wǝlkínó sɔkɔ, pé tó kwe fěkɪ sárká tó sɔkɔ. ² Képah sɔkɔ, à me pè syah ne: «Yé se me n sǝ ne ńkě, Kalile tǝn nǝpi-á tyípèl pɪ kal pé kwil tǝn pólle, té yǝ mè pè nɔ? ³ Ǟǝ dé! Mé kéle n yo yé tyí ne: yàh Liyel wěkì tǝ-ńkěne, yé pól tyí kɪ n yɪkɪ n pi sě.

⁴ Anê, Silowe wòkò kèyy-á sykɪ tǝ népɪ gbǝnkwártǝmɪ nónó yǝ, à pè ko, yé se me n sǝ ne ńkě, pépi pèkè pínó-á kal Yerusalemɪ kwil tǝn pól tyíle? ⁵ Ǟǝ dé! Mé kéle n yo yé tyí ne: yàh Liyel wěkì tǝ-ńkěne, yé pól tyí kɪ n yɪkɪ n pi sě.»

Syí-ńkě sènsóké séswô sèmirkìle

⁶ Képah náh, Yesu tǝ sèmirkì yó yǝh ne: «Dĩ yó tyí sènsóké séswô sǝ me n dǝvě sésàn swǝh sɔkɔ. Wǝh pɔ ké pye yáhnkǝ-ńsah, à náh kwàh yó we ké sɔkɔ. ⁷ A me yo n swǝh tǝ-ò dí tyí ne, à yah, ké ye tǝ-ò-á yò, pé me pyele n yah n kǝ n pɔ sènsóké mè sɔkɔ, té pé náh me kwàh yó ńtǝne n we ké sɔkɔ. Nkě, à kè kǝ fě! Yǝ se tǝ me ké tyí kè tǝ sètáhle n wal nɪ? ⁸ Wǝh yo sě, dí mè à syah ne, pé yǝtǝ dí, à ye ké yǝ ńtǝ, kè kwetyí pɪ. Páh kɪ swɔ gbɔ kè kore vi, té kɪ tǝ mɔ ké sǝ. ⁹ Kàh pɪ sě, gbòkénpɪ gbí yóle, kǝh kɪ syi. Képah-à pí-ńkěne, à kè fě.»

Yesu sê nédô yó de mɔ mɪ mɪ yòh sóle

¹⁰ Mɪ mɪ yòh só yóle, Yesu sò me névyele n kwɔ Liyel ní-ńsah wòkò sòkò.
¹¹ Té, pi yó sò me nénpó sétòle n sòkò, me à pɪ nédòle fóó, ye gbɔ̀nkwardtɔ̀nɔ. A sò me kòntě́nóle, té à náh fě̀ n tɔ̀rɪ n te n pi. ¹² Yesu-á pi mè we sě̀, à à ye té yo n tyí: «Pi, á ye dénmɔ̀nɔ we á dónó yam sòkò.» ¹³ Té me n gbà̀n sah n yò. Nénpó swɔ̀, à núkú n tɔ̀rɪ tómm té tyah Liyelle n gbilki.

¹⁴ Képah sòkò, pi mè-á dénmɔ̀nɔ we sě̀ mɪ mɪ yòh sóle, kè Liyel ní-ńsah wòkò yòtě̀ fòkò vyāh. A me yo tówú tyí ne, sèp̄̀n kénúkò-á tò pɪ pɪ sèp̄̀nne. Pāh sò yīne pè pɔ̀ à kò à pè de mɔ̀ kéne sèp̄̀n ó sòkò. Nkě̀, pè náh yīne pè pɔ̀ mɪ mɪ yòh só tɔ̀le. ¹⁵ Wāh yo sě̀, Tě̀ n̄gbě̀ yo n tyí: «Yīnvī névyé nópí! Mɪ mɪ yòh sóle, yé nénúkú núkú pól náh n̄kě̀ne yé nyeh, képah náh pɪ, yé n̄kwě̀ndyínì de sé yòke krótónè tñô, n kyɪ sè kò sě̀ ni wɔ̀ di? ¹⁶ Té pi mène, nê-á Abrahmɪ náh neyne, sétò pukubi sah pópó, ye gbɔ̀nkwardtɔ̀nɔ, n̄mɔ̀ náh sò yīne dénmɔ̀nɔle kéne púkúbínó sòkò mɪ mɪ yòh sóle kè!» ¹⁷ Képah tě̀ne, Yesu wey mè sennè n fwópú pól tě̀, té tówú pól sò me nìvì sòkò Yesu tyísnó nópí pól pínó yīnne.

Liyel tǒrí me kwāh nê tɔ?

¹⁸ Képah náh, Yesu tǒ ne: «Liyel tǒríle, kè me kwāh nê tɔ? Mé kɪ kè tɔkò sāh kwāh nēne? ¹⁹ Kè me tyí, á kɪ ne séswô yó pi sǒ, nê-á pè n ye mútárdìle: Dí yó tɔkò, à duku n swāh. Kè fi pɪ séswôle, té kèpye pɔ̀ sé syè pɪ ké yìngbān tyí.»

²⁰ Té, tǒ ne: «Mé kɪ Liyel tǒrí tɔkò sāh kwāh nēne? ²¹ Kè me á kɪ ne kókónó sǒ, sè yó tɔkò mɔ̀ fāh dú yí tǒnó mi sòkò ké pól kò kè dɔkò.»

Dé-ńsah fīle

²² Képah náh, Yesu me yò sòkò n yuku Yerusalemɪ, té névyele n kwɔ n yuku, wāh n kah kwlo n̄gbnɔ̀ ànê kwlo pī nónó sòkò. ²³ Képah sòkò, n̄n̄i yó me à piki yah ne, pé Yòtě̀, névyé kwéy ó se kɪ de Liyel tǒrí sòkò nɪ? A me pè syah ne: ²⁴ «Mé kéle n yo yé tyí ne: névyé náhnáh kɪ syò-ńsah yah kò ne, pé we n de Liyel tǒrí tyah sòkò nê dé-ńsah-á me fī, té pè náh fě̀ n tě̀. Képah ye, yé gbah n tě̀ n we n de ké sòkò! ²⁵ Gbóntě̀ dí-à pópó pɔ̀ yuku wòkò yah tě̀ mɔ̀, té yé me kégbó, yé kɪ tyah wòkò yahle n mɪ, té kɪ me yo tū ne, yé Yòtě̀, à ykɪ mɔ̀ yé kò. Nte, à kɪ yo yé tyí ne, pé náh yéle n pne. ²⁶ Képah sòkò, yé kɪ tyah n yo n tyí ne n̄kě̀, yáh yòke yò, té ni wɔ̀ wě̀ tyí n̄ne, ànê yépi tówú tükè-ntān sòkò-á à kwónó pɪ. ²⁷ Képah sòkò, à kɪ yo yé tyí ne, pé náh yéle n pne. Nkě̀, yé gbe mɔ̀ péle, yépi nónó pól-á tyípèlle n pɪ. ²⁸ Képah tě̀ sòkò, yāh pópó Abrahmɪ, ànê Yisakɪ, ànê tǒ Liyel tēntò syínyopu pól we, pè me Liyel tǒrí sòkò, té yépi me yīni mɔ̀ dénole, légbíne, gbní ànê yní táhnó ye kɪ pɪ yé tyíle. ²⁹ Té névyé kɪ wil kèkòyó ywǒ ywǒ pól sòkò, kɪ pɔ̀ yòke n̄gbě̀ yò Liyel tǒrí sòkò. ³⁰ Kāh pɪ sě̀, nétéló tükú kɪ pɪ négbrole, té négbro tükú kɪ pɪ nétélóle.»

Yesu ne, páh kɪ ku Yerusalemɪ

³¹ Légbíne, Farisiyēnɔ̀ yísyó nɔ̀ de, té yo Yesu tyí ne, yòtě̀ Yerɔ̀dɪ-á me n yah n kò n kònmɔ̀-ńsahle. Képah-á, à yal n to ásò. ³² Képah sòkò, à me yo pé tyí: «Yé kyɪ yo kéne áswǒ pléy mè tyí ne, máh kɪ sétān yīni, té kɪ dénmɔ̀nɔ̀ pɪ kweyne, ànê nsòne, té nsò nāhle, kǎh kɪ tyè. ³³ Nte, Liyel tēntò

syinyo-ò náh yĩne kúnóle tyah yó, né Yerusalemı sɔkɔ náh. Képah ye, mé yĩne mè n yõ n sɔkɔ ní wěkì kólóle, kwey, ànê nsô, ànê tõ nsô náhle.

³⁴ Yerusalemı tãn, Yerusalemı tãn, yépi nónó-á Liyel tẽntò syinyopule n ko n mɔ, té Liyel-á nónó tekı mɔ yé kõ, yé pépile n minki n ko dyêhle. Gbáhyí sõ pól me mé kè yah kõ ne, mé yé tuke mɔ, sõ-á sɔn n tuke n mɔ n pyele n kãm sò sɔkɔ, té yé náh fě syi. ³⁵ Kãh pi sě, Liyel kı n náh vi yé kwil kõ. Té mé kéle n yo yé tyí: yé náh tõ nımɔ we n yah n pi fóó, kı pɔ syı gbí nê-á yé kı n yo ne nkě: «Nê-á n pi Tě ñgbě Liyel yĩn yõ, sãm me n sɔkɔ.»»

14

Wĩsẽnì yónwó yó dénmɔnɔle mi mi yòh sóle

¹ Mi mi yòh só yóle, Yesu kyı yòke yó-ńsah Farisiyẽnɔ yòtẽ dí yó gbô. Té nónó-á sò me nénpó, pè me Yesule n kyomı. ² Té kè pɔ yĩne, wĩsẽnì yónwó yó sò me n tnô. ³ Képah sɔkɔ, Yesu me píkinyahnɔ pi Liyel ñgbò wěkì kwópú ànê Farisiyẽnɔ tyí: «À yónwó de mɔ mi mi yòh sóle, ké wěkì se me kónóle, tĩ kè se me yáhlenɔle?» ⁴ Nte, pè náh vi mɔ n tyí. Képah sɔkɔ, Yesu me yónwó mè tẽ, à à de mɔ, té à kõ à sɔkɔ, ⁵ té me yo pé tyí: «Yépi sɔkɔ, nê tẽ pi, képah náh pi, n nahy kı sɔkɔ de kwlèy sɔkɔ mi mi yòh sóle, té à náh à wilki n pi súú?» ⁶ Nte, pè náh tẽ we tir yo ké tyí sɔkɔ.

Nê-à n gblõy dɔkɔ sah, tẽ kı tiki mɔ

⁷ Képah yóntenɔ náh, Yesu-á néyénó kyomı we, pè me tẽ-ntãn ñgbnɔle n yah n kõ, à vɔnmɔnɔle pè kõ ne: ⁸ «Pàh n ye fúr yòke yó-ńsah, káh n kyı n tẽ tẽ-ńsah ñgbě sɔkɔ. Wáh képah pi, té pè me nnî ye, nê-á kal áwɔle, ⁹ yé yé-ò káh pɔ n syah ne nkě, á yuku, á mó tẽ-ńsahle tẽ kõ. Légbĩne, á kı yuku sen sɔkɔ, kı kyı tẽ tẽ-ńsah tyĩ sɔkɔ. ¹⁰ Nte, pàh n ye, kyı n tẽ tẽ-ńsah tyĩ sɔkɔ. Á yé-ò-à pɔ n we sě, à kı yo á tyí ne, pé kódí, á nɔ pɔ tẽ-ńsah ñgbě sɔkɔ. Képah sɔkɔ, kè kı pi gbilkínóle á tyí yòke yópú pól yí yah. ¹¹ Nkě, névi nê-à n gblõy dɔkɔ sah, tẽ kı tiki mɔ, té nê-à n gblõy tiki mɔ, tẽ kı dɔkɔ mɔ.»

¹² Té n syı yo n yé-ò dí tyí: «Wáh névyele n ye yòkele gbĩntõle, képah náh pi, lékãhne, káh á kódíbı ye, káh á yũnpyé ye, káh á tyí névye ye, káh á tnô tẽpu tahbı ye. Pépi tɔ kı fě pɔ n ye yòke ñgbě yónóle, kè kõ kè kı pi á yénó mè lédyáhnĩne. ¹³ Nte, wáh névyele n ye yòkele, yãm tãn, ànê nédónè, ànê gbáhkì núkú névye, ànê yítũbi ye. ¹⁴ Pépi náh tẽ we n dyah n pi ké sõne. Káh pi sě, á kı yèvinı we Liyel tyí, tyípéplɔ pípú lékyî-à yilki n mɔ só nêne.»

Névye yénó semìrkìle yòke ñgbě yó-ńsah

¹⁵ Képah sɔkɔ, kéne yòke yópú sɔkɔ nénúkú yó-á kéne welɔ noh sě, à me Yesu syah ne, névi nê-á kı yòke yõ n pi Liyel tórı sɔkɔ, yèvinı-á kéle tẽ tyí dé! ¹⁶ Yesu mó yo n tyí: «Dĩ yó lésò yòke ñgbě pi, té névye náhnáh ye. ¹⁷ Yòke yõ gbı-á pɔ nɔ, à n tònpi dí tekı mɔ ne, à kyı yo néyénó tyí, pè pɔ, páh tye núkúnúkú. ¹⁸ Nte, pé pól tyah gblõy yele n yah n kõ òkú núkúle. Négben à syah ne, páh swáh yó dwe núkúnúkú, nkě páh yĩne pé kyı kè yah. Páh ñne n ni, à n gblõy ye pé tyí. ¹⁹ Nnî me ne, páh sètõnyehnɔ gbãm dwe núkúnúkú, té páh n yuku sé pínyah-ńsah. Páh ñne n ni, à n gblõy ye

pé tyí. ²⁰ Nnî me ne, páh sê tɔkɔ núkúnúkú, képah-á pé kɔ pé náh n we n pɔ n pi.

²¹ Tɔnpɪ-á n syi pɔ, à pɔ tyi nópi pól yãh n yòtɛ dí syah. Képah sɔkɔ, kététɛ dí fɔkɔ vyãh, à me yo n tɔnpɪ tyi ne, à kyi súú kwil tówú tükè-ntân ànê wâl yey sɔkɔ. A kyi yãm tãn, ànê nédónè, ànê yítũbi, ànê gbáhkì núkú névye tɛ pɔ ásô. ²² Képah náh, tɔnpɪ n syi pɔ yo n tyí ne, pé yòtɛ, wãh nê yo, páh kè pi, té tɛ-ntân tükù-á tɔ me. ²³ Kãh pi sɛ, yòtɛ dí me yo n tyí ne, à kyi wɛ-ngbɔ yey, ànê névye fwórínkɔ-ntân sɔkɔ, à kyi névye kãhli tɛ pɔ, pé wòkò kɔ kè yuku. ²⁴ Páh kéle n yo pé tyí ne: nónó-á sò yénóle, pé sɔkɔ yó ntɛ náh pé yòke dɔ n yah n pi.»

A tyi pól we ye, té Yesu sò tɛ

²⁵ Képah náh, Yesu-á n sɔkɔ, tówú ngbɛ sò me n sò tɛ. A me n yah vi, té yo pé tyí: ²⁶ «Nê-à pɔ nímɔ tyí, té ní tyí náh nɔ kal n tyí n súle, ànê n yúne, ànê n kyile, ànê n wɛnpìle ànê n yúnpyele, à tahlì n gblɔy tɔ tyí, tɛ náh fɛ n pi n pi nímɔ tò sáh-òle. ²⁷ Névi nê náh n syi syi dahnì twah, à nímɔ sò tɛ, tɛ náh fɛ n pi n pi nímɔ tò sáh-òle. *

²⁸ Nte, yépi sɔkɔ nê tɛ kɪ n yah n kɔ wòkò ngbɛ mó-nsahle, né à náh tɛ, à ké gbò wilki kɔ yah, té kè yah n pi, n pɔ-à kɪ n yĩne n pi ké mónsyinóle? ²⁹ Né tɛ náh képah pi, té wòkò sɛtyah wilki, té tɛ kwlo ké mónsyinó tyí, nɔ-à kè we, pé kɪ tyah kóle nne n ko, ³⁰ té kɪ n yo ne, pé yah dí yóle, à wòkò mɔ tyah mɔ, té à náh tɛ we kè syi.

³¹ Sɛ ó ye tɔ, yòtɛ nê tɛ kɪ n yuku mékì fwó-nsah n ní-ò yòtɛne, né à náh tɛ n fɔkɔ mɔ n yah n pi, wàh kɪ fɛ kyi méfwóbé népì kèyò kwlóle n fwó-ò swah n pi, nê-á me nne n yohnì méfwóbé kèyò gbãmne? ³² Wãh pĩ ne, pé náh fɛ n tɛ n pi, à kɪ n ní-ò sah fíí, té kɪ ní-ò tekɪ mɔ kɪ mékì yálnmɔnɔ yah kɔ n tyí.

³³ Sɛ ó ye, nê-à n gbãh yí pól wényè-nkɛne, tɛ náh fɛ n pi n pi nímɔ tò sáh-òle.»

Káh n pi yòre kɛne

³⁴ «Pnene, kwãh pèpey ye kéle. Nte, ké dèndèn-à wal, sò me kè kɪ tɔ fɛ pi dèndèn? ³⁵ Kãh pi sɛ, kè náh fɛ sétáh tyí pekɪ, ké náh se tɔ fɛ n pi pile. Képah ye, kè n milki kégbó. Níkí-à me nê tyí noh noh tɛne, tɛ n níkí sah noh.»

15

Képo mónpunweno sèmirkìle

¹ Móri syípú ànê Liyel wɛkì kó-nkèpú pól sò n pɔ n pɔ Yesu tnô n wey noh yinne. ² Képah tɛne, Farisiyèno, ànê Liyel ngbò wɛkì kwópú Yesu tyíle n plɔ n yãh ne, dí mè-á me tyípèl pípúle n tɛ ple, té me n yò péle ntɛne.

³ Képah sɔkɔ, Yesu me sèmirkì yó yãh pé tyí: ⁴ «Képyénì lèkwɛ-à me yépi sɔkɔ yó tyí, té núkú mɔ pu sé sɔkɔ, tɛ náh sé tíkíyéh pò gbãh pò kwaryãh nópi sah n pi gbãh sɔkɔ, té kyi mónpunɔ mè soh kɔ, à syi kyi à we n pi dí? ⁵ Té, wàh à we, nivì tɛ tyí, à à twah n gbɛnkàl yò n syi. ⁶ Wàh n syi pɔ gbò,

* **14:27** 14.27 - Dahnì twáhnó n wɛkì ne, á á vi sah á min kɔ kɔ tɛne Yesu tyí kòle.

ǎ ñ kódíbí, ànê ñ tnô tēpu ye n tuke, ñ té n yo pé tyí ne nkě, pé kópó nê-á sò mo pu, páh à we tē. Képah-á, pè po pé nìvì pì.»

⁷ Képah yóntenɔ náh, Yesu tō pè syah ne: «Mé kéle n yo yé tyí: sě ó ye, tyípél pí-ò nénúkù fyé-à Liyel wěkì tē, nìvì kɪ pɪ Liyel fók kɪ kal nēpì tíkiyéh pò gbām pò kwāryāh nōpi tyíle, pépi nónó-á ne nkě, páh me néglólé Liyel yah, Liyel wěkì tēnó yétó náh tō me pé tyí.»

Pó mónpunweno sèmirkìle

⁸ Yesu tō yo pé tyí: «Pó pló gbām-à me sê yó tyí, té sé soko núkú mo pu, à náh fòtnò soh, té wòkò yal, à kè gbah soh kō, à syi kyɪ kè we n pi di? ⁹ Té wàh kè we, ǎ ñ kósýó, ànê ñ tnô tēpu ye n tuke, ñ té n yo pé tyí ne nkě, pé pò nê-á sò mo pu, páh kè we. Képah-á, pè po pé nìvì pì.»

¹⁰ Képah yóntenɔ náh, Yesu tō pè syah ne: «Mé kéle n yo yé tyí: sě ó ye, tyípél pí-ò nénúkù fyé-à Liyel wěkì tē, yínyō tēntōnè kɪ nìvìle n pì.»

Pídí mónpunweno sèmirkìle

¹¹ Képah náh, Yesu tō yo pé tyí: «Dīnpì nēpì ními lésō me dí yó tyí. ¹² Sò yóle, gbě tē yo ñ sú tyí ne, pé bǒ, ñ gběkɪ soko, nê-á pé we we tēne, à kéle pé kō. Wǎh yo sě, ñ sú me ñ tahrɪ dibi pè kō. ¹³ Sèpìn yísyó sókóntenɔ náh, gbě tē ñ tyí yām, té ñ pò toko soko kwil fíí yó soko. A kyɪ sè pɪ karkɪ tyíwǎn yō. ¹⁴ Wǎh ñ pò pól pɪ karkɪ te gbí nēne, kwénpékè yó de kéne kwil. Képah soko, yām à tē. ¹⁵ Kǎh pɪ sě, à kyɪ tǒ yah kō kéne kwil ney yó tyí. Tē mè à tekɪ mo ñ swǎh, ñ sel sykɪ yinne. ¹⁶ A sel yōkele n yah yèwanne, ñte ney náh ñne n kō kéle.

¹⁷ Képah soko, ñ yí-á po ykɪ, à tyah n sō ne, pé bǒ tyí yōke-á me dò, ñ tǒnpɪbɪ pól me n yō n kwɔ n sah. Nte, péwɔ-á ásò kwɛkɪ n ko. ¹⁸ Nkě, páh kɪ soko pé bǒ tyí, té kɪ yo ñ tyí ne, pé bǒ, páh pɪ de Liyel tyí, té pɪ de ñ to tyí. ¹⁹ Pé náh tō yīne yénóle ñ pile. Nkě, à péle n tē ñ tǒnpɪ sǒ. ²⁰ Képah tēne, à soko ñ sú tyí. Wǎh me fíí ñ sú gbôle, ñ sú à we. Wǎh à we sě, ñ yām à kah tē, à me to kyɪ à yohɪnɪ pɔrɪ tē. ²¹ N pídí me yo ñ tyí ne nkě, pé bǒ, páh pɪ de Liyel tyí, té pɪ de ñ to tyí, pé náh tō yīne yénóle ñ pile. ²² Nte, ñ sú me yo ñ tǒnpɪbɪ tyí: «Fwòmò-ñgbě nê-á ple kal, yé kyɪ ké toko súú, yé po mo à kō. Yé gbôngbo táhní dɪɪ à kō, yé mó lékyéh dɪɪ à kō. ²³⁻²⁴ N pídí nê-á yò, kè pɪ ne, à sǒ sǒ ku, té tō ñ syɪ min we. A lésō mo pu, té à ye we. Képah ye, nɪrɪ-á me náhpíkì nê soko, yé ñmo tē n po n ko á ne n yō, á mó ne n syah nìvìle.» Képah tē soko, pè tyah syáh syáhnóle nìvì soko.

²⁵ Légbíne, ñ pídí lékóní sò me swǎh soko. Wǎh ñ syɪ n pi, té no de gbôle, à yímónì, ànê yínó yínpǒ noh. ²⁶ A tǒnpɪ yó ye piki yah, tir nê-á n pɪ. ²⁷ Nmo me yo ñ tyí ne, ñ gběndí-á po de ñ lènole, képah-á nɪrɪ-á me náhpíkì nê soko, ñ sú me à tē ko. ²⁸ Képah tēne, nénkyí mè foko vyāh, à yahle dénole gbô. N sú me wil ne, pé à ni à de. ²⁹ Képah soko, à yo ñ sú tyí ne, à yah, ké ye náhnáh-á yò, té pé me ñ tǒle n pɪ. Pé náh ñ yóré yahle yah. Nte, à náh pùképir nte fyé tē pé kō yah, pé syɪ ko syáh syah pé kódíbíle. ³⁰ Té ñ pídí mè wɔ-á po, ñmo nê-á ñ tahrɪ pɪ karkɪ syó fòfínì yō, à náhpíkì ko ñmo kō. ³¹ Képah soko, ñ sú yo ñ tyí: «N pídí, áwɔ me kúmm ní tnô, ní gbǎn yí pólle, áwɔ tyí ye. ³² A gběndí nê-á yò, kè pɪ ne à sǒ sǒ ku, té tō ñ

syi min we. A lésõ mɔ pu, té à ye we. Képah ye, mé yĩne mè syáh syah, mé nivì pi.»»

16

Liyelle ànê pólé

¹ Képah náh, Yesu yo n tò sáhpú tyí: «Tàh dí yó ye lésõ, à n̄n̄ tɔkɔ sah n̄ tahri yõ, té pè pɔ yo n tyí ne, tẽ-á me séle n pi n karkɔ. ² N̄ yõtẽ dí me à ye, té yo n tyí ne, pé náh me tyípeplɔle n nohnɔ n̄ tyí sɔkɔ. Káh pi s̄ẽ, à náh t̄õ f̄ẽ n t̄ẽ n pi pé tahri yõ. Képah-á, à n̄ tò pi dukù yah yo pé syah. ³ Képah sɔkɔ, tahri yõ tẽ-ò dí mè me yo n gblɔy tyí ne, pé yõtẽ dí-á kɔ pé yal n pi n̄ tahri yõ. S̄õ se pé kɔ pi nɔ? Swáh t̄õ t̄õ t̄áhkì náh se me pé sɔkɔ. Té, ninsyino t̄ẽne, ké sen-á me pé sɔkɔ. ⁴ Nte, páh p̄ĩ, páh ne n̄ pi n pi, té névyé kɔ pé t̄ẽnó ple pé gbên sɔkɔ, pàh pɔ pé fin mɔ pé tò. ⁵ Képah t̄ẽne, à n̄ yõtẽ dí k̄mɔ nétãnne n ye núkú núkúle, té négben piki yah ne, dan n̄ se pé yõtẽ dí k̄l̄le n̄ yõ nɔ? ⁶ A me ne, n̄ri pní yí lèkwě-á. Tahri yõ tẽ-ò dí me à syah ne, n̄ k̄l̄l̄ sébéy-á yò, à k̄õ n t̄ẽ súú, à w̄arkɔ mɔ ké sɔkɔ ne r̄ík̄ẽ, n̄ri pní t̄ikiníní pò gbām-á. ⁷ Képah náh, à yo k̄eyáh tyí ne, té n̄mɔ-á dò, dan n̄ se à yĩne à k̄õ nɔ? N̄mɔ me à syah ne, s̄emuko gbòtóni yí lèkwě-á. A me yo n̄mɔ tyí ne, n̄ sébéy-á yò, à w̄arkɔ mɔ ké sɔkɔ ne r̄ík̄ẽ, s̄emuko gbòtóni yí t̄ik̄iyéh-á. ⁸ Képah t̄ẽ sɔkɔ, n̄ yõtẽ dí à s̄õ ké yah w̄enpɔno yĩnne. Kègbɔ yõ, k̄ek̄oyó névyé tyi yahle n we n pi pé w̄ẽ wró lékámkãmne, à kal kyò sɔkɔ névyele.»

⁹ Képah náh, Yesu t̄õ yo pé tyí: «N̄mɔ wɔ kéle n yo yé tyí ne: pólé, gb̄ent̄enáh kwáh t̄ẽ wɔ ye kéle. Nte, yé kéle kódíbí yah k̄õ. Káh pópó pɔ n k̄ne, yé kɔ t̄ẽ ple tyé-r̄ík̄ẽ tyah sɔkɔ.

¹⁰ Nk̄ẽ, névi n̄-à pi négbíle tir tyí sɔkɔ, à kɔ pi négbíle tir gblò tɔ sɔkɔ. Té n̄-à ȳinv̄i pi tir tyí sɔkɔ, à kɔ ȳinv̄i pi tir gblò tɔ sɔkɔ. ¹¹ Képah ye, pò n̄-á gb̄ent̄enáh kwáhle, yáh pí-r̄ík̄ẽne négbíle képah tyí sɔkɔ, n̄ kɔ dahbi yé gbò ȳinyõ tahri k̄ègbíle? ¹² Té, yáh pí-r̄ík̄ẽne négbíle nékáhbi gbàn yí tyí sɔkɔ, n̄ kɔ yé ȳengb̄ẽ tyínɔle yé k̄õ?

¹³ T̄õnpɔ yó n̄t̄ẽ náh f̄ẽ tò kwɔ n pi yõt̄ãm nép̄i nímí tyí. A kɔ núkú dyo yo, té kɔ n̄ ní-òle, képah náh pi, à kɔ mɔ núkúle, té kɔ n̄ ní-ò we mɔ. S̄õ ó ye, yé náh f̄ẽ tò kwɔ n mɔ n pi n pi, Liyel ànê pò tyí.»

N̄v̄in̄i wey s̄án ànê Moyisi tyi k̄onsàhnóle

¹⁴ Képah sɔkɔ, pò tyí-á n̄o Farisiȳẽno tyí s̄ẽ, pépi-á welo nópi pól noh, pé tyah k̄óle Yesule n ko. ¹⁵ Képah t̄ẽne, à me yo pé tyí: «Yépile, yé yé gblɔyne n w̄ekɔ négbíle névyé yah sɔkɔ. Nte, Liyel yé nnɔle n pne. Ngbó névyé-á tir n̄ene n gbilki, Liyel d̄el ye képahle dé.

¹⁶ Moyisi tyi k̄onsàhnó ànê Liyel t̄ent̄ò syínyopu sébéynó s̄õ me n mɔ n k̄õ n ȳĩ f̄óó, à pɔ syi W̄elnw̄ilk̄i-ò Nsyõ me gbí tyí. Té à t̄okɔ légbí tyí, n̄v̄in̄i wey s̄án me n yo Liyel t̄órí tyí sɔkɔ, té t̄áhn̄sàhnó ó sɔkɔ ye no pól kɔ n de n pi ké sɔkɔ. ¹⁷ Nte, ȳinyõ ànê sétáh kɔ yal sé slo sɔkɔ sérɔo kal tir kyírí w̄ilk̄inóle Liyel tyi k̄onsàhnó sɔkɔ. ¹⁸ S̄õ-á k̄è yo ne, dí n̄-à n̄ kyi wilki, té n̄ syi k̄eyáh t̄okɔ, f̄òf̄inpi-á n̄ne. An̄ê, s̄è n̄ pe-à à wilki, té névi n̄-à t̄okɔ, f̄òf̄inpi-á t̄ẽne.»

Tàh dí ànê Lasari tyípínìne

¹⁹ «Tàh dí yó lésò me, à fwòtáhnì dénkókónìne n mɔ, té kwánkwan yéle n yò sòmésó, me nìvìle n pɪ. ²⁰ Té yām ney yó tɔ sò me, pè n ye Lasarile. A sò me sɛntɛnóle tàh dí mè gbô yah. N wil pól sò me níyne. ²¹ A sò níkɛne ne me ké tyí ne, pé yɛnmírnnè n tɔ n yò, tàh dí-á nónónè n yò n kwe. Nte, pãhlo ye sò n dɔ n níyne.

²² Sò yóle, yām ney mè ku, yínyò tɛntõnè me yuku ònne Abrahami tnô. Tàh dí tɔ me ku, pè kɔ pè yí. ²³ Nte, wãh kyɪ lékókwíl sɔkɔ, à kyɪ fóhnóle n we. Wãh n yah yò yah, à Abrahami we fíí sɔkɔ, Lasarile n gbòpɔ. ²⁴ Képah sɔkɔ, à ye yah fléyy ne, pé sú Abrahami, níkɛ páh me n kwlo kápékèyô nyàh mè sɔkɔ. Képah-á, à pé yām yah, à mó Lasari tekɪ mɔ, à pɔ n kèngbɔ vyãh dahbi wilki ni sɔkɔ, à sah pé nɛnpóri yò kè kɔ kè vɪ. ²⁵ Nte, Abrahami me yo n tyí: «Nmɔ pi, á dyɔ to n kɔ ne, wãh yèvinɪ we sɔkɔ, wãh sò me min sɔkɔ gbí nɛne, té Lasari wɔ me yèvyãhrɪ we. Nte núkúnúkú, òmɔ me yèvinɪ sɔkɔ, té áwɔ me yèvyãhrɪ sɔkɔ. ²⁶ A wil kápah sɔkɔ, pwãh ògbɛ me yépi ànê ápi wró. Képah yinne, ásô névye nónó-á me ké tyí ne, pé kyɪ yé tyí, pé káh tɛ we, ànê nɛnpó névye nónó-á me ké tyí ne, pé pɔ ápi tyí, pé tɔ káh fɛ tɛ.»

²⁷⁻²⁸ Képah sɔkɔ, tàh dí me à syah ne, pé sú Abrahami, káh pɪ sɛ, yúnpyé nɛpí kwál-á me pé tyí, páh ònne n ni, à Lasari tekɪ mɔ pé sú kéte sɔkɔ, à kyɪ kè yo sah pé tyí, pé tɔ káh pɔ de yèvyãhrɪ tɛ-nsah mè sɔkɔ. ²⁹ Abrahami mó yo n tyí: «Moyisi tyi sàhnó, ànê Liyel tɛntò syínyopu welɔ me pé tyí. Pè sépi tyíyónóle n pɪ!» ³⁰ Wãh yo sɛ, dí mè tɔ à syah ne, kápah náh n yĩne n pi, pé sú Abrahami. Nte, névi-à kɪ wil lékyî sɔkɔ, à kyɪ yo pé tyí, páh kɪ Liyel wɛkì tɛ. ³¹ Képah tɛne, Abrahami me tɔ yo n tyí: «Pàh kɪ yahle Moyisi ànê Liyel tɛntò syínyopu welɔ nóhnóle, névi-à sɔ wil lékókwíl à pɔ kèkòyó, à kyɪ yo pé tyí, pè náh n sɛ n pi ké yò tɔ òtɔ.»

17

Tyípekèle ànê ké yònmɔnɔle

¹ Képah náh, Yesu yo n tò sáhpú tyí: «Tyi nónó-á névile n mɔ tyípekè pínó sɔkɔ, sépi náh fɛ n ye wénóle. Nte, névi nê tyí-á ké yò wil, yèvyãhrɪ me tɛ yò. ² Kè kɪ sò fónfó kal, páh yínónan toh tɛ yègbɪ, té à min dah mɔ pne yo sɔkɔ à kɔ à káh pɔ òmɔ yò sɛ-ò tyí yó òtɛ dah mɔ tyípekè sɔkɔ. ³ Yé yé gblɔy tɛ dé!

A yúnpi-à pɪ de á tyí, wɛkɪ n yò! Wãh ké nàhnpí gbo, kè yò mɔ à kɔ. ⁴ Anê wãh pɪ de á tyí gbáhyí kwárnino gbìyìkì núkú sɔkɔ, té ònne n syɪ n yo n pɔ á tyí fóó gbáhyí kwárnino ne, páh me ké nàhnpíne n gbo, séle n yò n mɔ n tyí.»

Liyel yò sɛnóle

⁵ Képah sɔkɔ, Yesu tɛntòbe à syah ne, pé Yòtɛ, à wãh mɔ pépi Liyel yò sɛnó yò. ⁶ Tɛ ògbɛ me yo pé tyí: «Gbɪ tɛ yò, yé Liyel yò sɛnó-à sò me tyí òsɔ, mútárdì pi fyé sɔ, yé nàhkɪ sò fɛ yo sɛnsóké mè tyí ne níkɛ, kè ké gblɔy viki kyɪ sò pne yo sɔkɔ, té kè nàhkɪ kè pɪ yé yóré yò.»

Tònpɪ tò-á nɛne

⁷ Képah náh, Yesu yo pé tyí: «Tõnpɪ yó-à me á tyí, me á swähle n wɔ, képah náh pi, á yípêyne n fẽ... wáh wil swäh, à pɔ n de á we, á se ki yo n tyí ne, à sal n pɔ yõke yõ? ⁸ Á náh pyë tõ n yo n pi n tyí ne, à áwɔ yõke ñgbò pi, képah náh, à mó flo yísyó mɔ pɔ, á ñne n tõ á yõke yõ gbíne, té képah náh, à mó pyë pɔ yõ, à mó wɔ di? ⁹ Té tõnpɪ mè-á n tõ pi ké wěki yõ, á se ki n yíngbí yo? N pi pi tõ ó náh à pi di? ¹⁰ Képah núkú ó ye yépi to tyí: Tyi nóno-á yah kõ yé tyí, yáh sè pi te, yé yo ne, tõnpɪbí ó-á yéle. Yáh sò yíne yè nê pi, képah ó-á yé pi.»

Yesu tótãm népî gbãm de mɔ

¹¹ Yesu-á sò me n yuku Yerusalem, à syõ sɔkɔ Samarɪ ànê Kalile gbàh yõ. ¹² Wáh kyɪ n de kwílpír yó sɔkɔ, díbí tótãm népî gbãm yísyó pɔ à yohnu. Pè sò me yín fíí, ¹³ té tyah n yo n mɔ n tyí yínpõ ñgběne ne nkě, pé yõtě Yesu, à pé yãm yah. ¹⁴ Wáh pè we sě, à yo pé tyí ne, pè kyɪ pé gblõyne sárká wílkɪpu yõtãm wěki. Páh képah noh sě, té wěki tẽ n yuku, pè de. ¹⁵ Pé sɔkɔ nénúkù yó-á kè we à de sě, à n syɪ Liyel yín gbilki pɔ Yesu tnò yínpõ ñgběne. ¹⁶ A pɔ kɔ kwĩnki n yah di sétáh Yesu yah, à wɛki n tyí. Té kéne díne, Samarɪ ney ye sò ñne. ¹⁷ Yesu-á à we sě, à ne: «Népî gbãm nópi pól náh de di? Nte, kwaryáh nópi téló-á dò, pépi nyáh? ¹⁸ Ney náh we pépi sɔkɔ à n syɪ pɔ wɛki Liyel tyí, à wil nékãh mè tyí sɔkɔ kè?» ¹⁹ Té me n syɪ yo kéne dí tyí: «Yuku n ne n yuku! Á Liyel yõ sěno n pwah mɔ.»

Liyel tǒrí pónó tyíle

²⁰ Képah náh, Farisiyẽnɔ Yesu piki yah ne, gbí nê se Liyel tǒrí ki n pɔ n pi ni? Á me yo pé tyí: «Liyel tǒrí náh n pɔ n pi kwáh yó sò nê-á n we yíne. ²¹ Anê tǒ, ney náh n yo n pi ne, kè we yò, képah náh pi, kè we yàhàh. Nte, yé pĩ ne nkě, Liyel tǒrí-á me yé wró.»

²² Képah náh, Yesu tõ yo n tõ sáhpú tyí: «Só yó me n pi, Névi Pi we dékè ki me yé tẽ, té yé náh à we n pi. ²³ Pè ki yé syah ne, wáh yò, képah náh pi, wáh yàhàh. Nte, yé káh n kyɪ, yé káh ne n sal. ²⁴ Sõ-á pũ n yíkiri yál, à tɔkɔ yínyõ yah yó tyí, à kyɪ syɪ ké yah yó tyí, sěntě ye Névi Pi pónó ki pi. ²⁵ Nte, Névi Pi ñgbò yíne à yévyáhrɪ pi náhnáh, ànê kwey gbí névyé mó à yahle.

²⁶ Káh pi sò ñgbòle Nowe gbí sɔkɔ, sě to ye ki pi Névi Pi syínpo gbíne. ²⁷ Névyé lésõ me n yõ, té me n wɔ, té me syóle n tɔkɔ, té me n de pɛbi tyí fókó, à pɔ syɪ só nê-á Nowe de krótó-ñgbě sɔkɔ. Képah tẽ sɔkɔ, pũnpáhkì pi, ni pé pól yõ.* ²⁸ Anê, kè ki pi, káh pi sò ñgbòle Lotɪ gbí to sɔkɔ: Névyé lésõ me n yõ, té me n wɔ, té me yídwénène n dwe, té me yíyãmne n yãm, té me swähle n tõ, té me vùle n mɔ. ²⁹ Nte, Lotɪ-á wil só nêne Sodòmɪ sɔkɔ, Liyel nyàh lépõ ànê nyàh lépúkú tiki mɔ pé yõ pũ sò n pi, à pé suke ko. ³⁰ Sěntě ó ye kè ki pi n sɔkɔ n pi Névi Pi syínpo sóle.

³¹ Ké lésõ-à pɔ, névi nê we gběntín yõ, té vyó me tẽ tyí wòkò sɔkɔ, à káh ne, páh n tiki n yuku sé tókó-nsah. Té nê to-à me swäh sɔkɔ, tẽ káh ne, páh péle n syɪ n yuku gbò. ³² Yé yé dyɔ to kõ Lotɪ kyɪ tyíle kè!† ³³ Sě ye, nê-à

* **17:27** 17.26-27 Yah n te Tyàhnó sébéy 6.9 - 7.24 sɔkɔ. † **17:32** 17.32 - Liyel-á Sodòmɪ ànê Gbomɔrɪle n suke gbí nêne, à Lotɪpi wilki ké sɔkɔ, té ne, pè ne n to, pè káh vi yah. Té Lotɪ kyɪ-á vi yah, à pi pne kènpinne. Yah n te Tyàhnó 19.26 sɔkɔ.

ne, páh pé minne n koh n sah, tẽ kɪ tekɪ ké sɔkɔ, ñte nê-à tekɪ ñ min sɔkɔ, tẽ wɔ min kɪ pwah.

³⁴ Mé kéle n yo yé tyí ne: kéné lékâhne, népî ními kɪ me sê sê kwâh núkú yô, núkú kɪ tẽ sɔkɔ, té ñ ní-ò kɪ wũ. ³⁵ Syó népî ními kɪ me yîle n nɔ wê tyí, núkú kɪ tẽ sɔkɔ, té ñ ní-ò kɪ wũ. [³⁶ Díbí népî ními kɪ me swâh núkú sɔkɔ, núkú kɪ tẽ sɔkɔ, té ñ ní-ò kɪ wũ.]»

³⁷ Képah sɔkɔ, Yesu tò sáhpú à piki yah ne, pé Yõtẽ, nyâh sɔkɔ se képah kɪ n pɪ n pi ni? A me yo pé tyí: «Kókè-à me nyâh, nénpó sɔkɔ nâh ñkyònkýòni wê tuke n mɔ di?»

18

Nírí sɔkɔ gbáhntẽnɔle

¹ Képah nâh, Yesu sèmirkì yó yâh ñ tò sáhpú tyí, à pè wêkɪ ne, páh yîne pè níríle n pɪ kúmm wílúnì kéne ké sɔkɔ. ² A ne: «Tukey tükè-ò dí yó lésò me kwil yó sɔkɔ, à nâh Liyel yah tíkile n pɪ, à nâh yòyenne n sah névye yô. ³ Té pékúsè yó tɔ sò me kéné kwil sɔkɔ. Nmɔ sò me n yo n pɔ ñ tyí gbímegbí ne, nê-á me péwɔ ànê pé fwó-ò wró, à kè tɔ sah pé kɔ. ⁴ Nte, kè pɪ di mónóle, té dí nâh sò me fê syi. Képah nâh, à pɔ yo n gblɔy tyí ne, gbɪ tẽ wɔ-á, pé nâh Liyel yah tíkile n pɪ, pé nâh yòyenne n sah névye yô. ⁵ Nte, pékúsè mè-á me pé gblóle n vyâh n pɔ, páh kɪ ñ tir mè yah wah à kɔ, pé yah mó vɪ.»

⁶ Tẽ ñgbẽ Yesu-á képah yâh te, à tɔ yo pé tyí: «Yé tukey tükè-ò dí mè wey noh kè, ñmɔ nê-á fìn yó-òle. ⁷ Nte Liyel wɔ-á nónó yah tɔkɔ, té pè me ñne n ye n gbo lékâh ké gbintɔ, à nâh pé tyi yah wah pè kɔ n pi di? A se kɪ mo pé yòhnìnmɔ-nsah? ⁸ Mé kéle n yo yé tyí ne: wâh kɪ pé tyi yah wah pè kɔ súú. Nte, Névi Pi-à só nêne pɔ sétâh yô, à se kɪ pɔ Liyel yô sênó we?»

Sèmirkì nê-á yâh Farisiyẽ ànê mórí syí-ò tyí sɔkɔ

⁹ Névye nónó-á sò me pé gblɔyne n yah ne níkẽ, páh me négbóle Liyel yah, té me télóle n yilo, Yesu sèmirkì yó yâh pépi tyí sɔkɔ ne: ¹⁰ «Dí bí népî ními yísyó sò kyɪ Liyel wòkò ñgbẽ kéntâhkì sɔkɔ, à kyɪ Liyel ni. Nénúkùle, Farisiyẽ ye sò ñne, té ní-òle, mórí syí-òle.»

¹¹ Képah sɔkɔ, Farisiyẽ mè me yuku yîn, à Liyelle n ni ñ fɔkɔ táh, me n yo ne, èè Liyel, páh n wekɪ ñ tyí, wâh sònpí péwɔ pɪ pé gblɔy. Pé nâh me no téló tyí kɔle, nónó-á yípúle, ànê tyítúkúnì pípúle, ànê fòfíkì pípúle. Páh n wekɪ ñ tyí, pé nâh sònpíle me mórí syí-ò mè sò. ¹² Péwɔ-á níkile n tẽ sèpìn níni yòh núkú wró. Páh pé gbàn yî wénó gbã-ònóle ñne n kɔ. ¹³ Nte mórí syí-ò wɔ mó sò me yîn tẽ fíí, à nâh fê syi ñ yah ntẽ yô yínyô. Té me ñ gbòle n sah ñ nìvɔ sɔkɔ me n yo ne: «Liyel, ní yâm yah, ñmɔ nê-á tyípékè pí-òle.»

¹⁴ Képah tẽne, Yesu me ne: «Mé kéle n yo yé tyí ne: dí mè pɪ négbúle Liyel yah, wâh ñ syɪ n yuku ñ fìnne gbí nêne. Té Farisiyẽ wɔ nâh sênkò we. Gbɪ yô, névi nê-à ñ gblɔyne n gbilki, à kɪ tiki mɔ. Té nê-à ñ gblɔyne n tiki n mɔ, tẽ wɔ kɪ mó dɔkɔ mɔ.»

Yesu sãm mɔ wênpi yrɔ sɔkɔ

¹⁵ Névye sò me n pɔ n pɔ wɛnpì yrɔ̃ tɔle Yesu tyí ne, à tũ pé tyí. N tò sáhpú-á képah we, pè tyah díríle n kò pé yò. ¹⁶ Nte, Yesu me wɛnpì kò pè nɔ de ñ tnò, té ne: «Nónó òkù-á me wɛnpì nópi sɔ̃, Liyel tɔ́ríle, pépi tyí ye. Képah ye, yé ye wɛnpì kò pè ne n pɔ n pɔ ñmɔ tyí. Yé káh pé yahle n kò. ¹⁷ Gbɪ yò, mé kéle n yo n dal n mɔ yé tyí ne: névi nê-à Liyel tɔ́rí fɛnsyi-ńkɛne wɛnpir tyí kòle, à náh n we n de n pi ké sɔkɔ pólle.»

Kèkòyó tahrɪ yahle, ñ té n we n de yînyô tɔ́rí sɔkɔ

¹⁸ Képah náh, Nsyifunɔ yòtɛ yó Yesu piki yah ne, kwó-ò pèpey, pé se yîne pé pi sɔ̃, pé mó tyé-ńkɛ min we nɪ? ¹⁹ Yesu me yo ñ tyí: «Kwáh nê pi, té á ñne n ye <pèpeyne>? Pèpey yó ñtɛ náh me, né Liyel ó náh. ²⁰ A Liyel tyi kònsàhnó pĩ kè, nê-á n yo ne ńkɛ: <Káh fɔ́fíkì pi, káh nékókè mɔ, káh yîbe yî, káh mìnì sah á ní-ò yò, á sú ànê á yúne n tɛ ple.» ²¹ Wáh yo sɛ̃, dí me à syah ne, páh me sépinó pólle n pi fɔ́, pé wɛnpir gbí òkùle. ²² Yesu-á képah noh sɛ̃, à yo ñ tyí: «Tyínúkú ó tɔ yah kwɔ á tyí: Gbàn yî nónó pól-á me á tyí, kyɪ sè yām, ñ té sé pò dibi yām tån kò, ñ té n pɔ ñmɔ sò tɛ. Képah sɔkɔ, á kɪ Liyel fɔ́ tahrɪ we.» ²³ Té dí tahrɪ-á sò kah tnɔ sɛ̃, képah ye, wáh wey mè noh, ñ yah kwɔ yíkɪ.

²⁴ Képah sɔkɔ, Yesu-á ñ yah we kè kwɔ sɛ̃, à ne, tahrɪ dénó-á me tah Liyel tɔ́rí sɔkɔ dé! ²⁵ Nkɛ, yàhmíkì dénwílnóle sèndi pwáh sɔkɔ, képah ñtɛ-á kɪ fàhfàh kal tàh dénóle Liyel tɔ́rí sɔkɔ. ²⁶ Képah sɔkɔ, nónó-á sò me ñ weyne n nohnɪ, pè ne, nte, nê wɔ se kɪ mó fɛ pwah nɪ? ²⁷ A me yo pé tyí: «Névi náh fɛ tir nê pi n pi, Liyel kɪ fɛ képah pi.»

²⁸ Képah sɔkɔ, Pyerɪ me ne, pépi tɛ wɔle, páh pé yɛngbɛ̃ yî sah, té ñmɔ sò tɛ. ²⁹ Yesu me yo pé tyí: «Gbɪ yò, mé kéle n yo n dal mɔ yé tyí ne: névi nê-à Liyel tɔ́rí yînnè ñ kéte sah, képah náh pi, ñ kyɪle, képah náh pi, ñ yúnpyéle, képah náh pi, ñ tyí névyele, képah náh pi, ñ wɛnpìle, ³⁰ tɛ kɪ pé lékan we kèkòyó mè sɔkɔ, té kɪ tyé-ńkɛ min we Liyel fɔ́ sɔkɔ ñsòne.»

Yesu tɔ ñ kúnó ànê ñ min syínwɛnɔ tyí yo ke tɔ́-òle

³¹ Képah náh, Yesu ñ tò sáhpú nɛpì gbɔ́nimí ye pé yahle, té yo pé tyí: «Á we n yuku Yerusalemɪ sɔkɔ yò. Té Liyel tɛntò syínyopu-á lésò tyi nónó pól wårkɪ sah Névi Pi tyí sɔkɔ, sè kɪ n pi n tũ n pi. ³² Pè kɪ à dahɪ Liyel pí-ńkɛpú gbò. Pè kɪ kóle ñne n ko, kɪ ñne gbyɔ, té kɪ n sɪn n mɔ ñ yò. ³³ Pè kɪ à ko yéfòhle, té kɪ à ko mɔ. Nte, ké sèpìn tɔ́-ò sóle, à kɪ ñ syɪ min sán we.» ³⁴ Nte, Yesu wey mè sò me wɛnpìlle pé tyí. Képah ye pè náh ké syíkí-ńsah pĩ.

Yesu yítû yó yí yíkɪ mɔ

³⁵ Képah sɔkɔ, Yesu-á de n te Yeriko kwille yúkey, yítû yó sò me kòntɛnóle wɛgbalɪ sɔkɔ, me n ni n syi. ³⁶ Wáh tówú sókónó yí noh, à piki yah ne, tir nê se nɪ? ³⁷ Pè me à syah ne, Nasaretɪ Yesu-á pɔ n sɔkɔ. ³⁸ Képah tɛne, à tyah n yo n mɔ léyy ne, Yesu, Davidi Pídí, à pé yām yah. ³⁹ Té nónó-á me n kɔ yah tɪnne, pépi sò me díríle n kò ñ yò ne, à ñ vyáh vike. Nte, ñmɔ tɛ sò me n tɔ n gbah n yo n mɔ ne ńkɛ, Davidi Pídí, à pé yām yah. ⁴⁰ Képah sɔkɔ, Yesu me yîñ, té ne, pè pɔ ñne. Wáh nɔ de, Yesu me à piki yah: ⁴¹ «Tir nê me á me ké tyí ne, mé pi á tyí?» Dí me à syah ne, pé Yòtɛ, à kè pi, pé

fě ne n yah ñtõ. ⁴² Yesu me yo ñ tyí: «Á yí ye yíkí mɔ! A Liyel yõ sěno ye ñ de mɔ.» ⁴³ Nénpó swɔ, ñ yí núkú yíkí mɔ, té à me Yesu sò tě, à Liyelle n gbilki. No pól-á képah we sě, pé to tyah Liyelle n gbilki.

19

Yesu ànê Nsasyile

¹ Yesu-á de Yeriko kwil, à sò me n kah ké sɔkɔ, ² té dí yó sò me kéne kwil, pé n ye Nsasyile. Móri syípú yòtām sɔkɔ yó ye sò ñne, té à pi tãhle. ³ A sò me n yah n kō ne, pé Yesu we, nédúkú nê-á ñne. Té ñmɔ-á pi nétúkúrí neyne, tówú tnónkahnó tě tyí, à náh sò fě à we n pi. ⁴ Kãh pi sě, à to yuku yah ñinne, à kyí dɔkɔ séswô yó sɔkɔ Yesu we yinne. Té à kɔ sò pɔ n sɔkɔ n pi nénpó. ⁵ Yesu-á yini tě nénpó, à ñ yah yõ té yo Nsasyi tyí ne ñkě, à tiki súú Nsasyi, páh yine pé twah ñ kéte sɔkɔ kweyne. ⁶ Képah tēne, Nsasyi núkú tiki súú, à kyí Yesu tō sah tě ñ ñinne ñivì sɔkɔ. ⁷ Névyé-á képah we sě, pé pól tyah ñ tyíle n plo n yãh ne, tyípél pí-ò tyí-á à kyí twah yò dé! ⁸ Nte, Nsasyi me nɔ de Tě ñgbě Yesule, té yo ñ tyí ne, à noh pé tyí, pé yòtě. Páh kɔ pé gbãh yí tóní núkú yí yãm tãh kō. Anê, páh me syíkí nê yõ, páh kɔ sěnknono ñyãhle tě dyah. ⁹ Képah sɔkɔ, Yesu me yo ñ tyí: «Áwɔ to-á pi Abrahami náh neyne, képah ye, pwáhnmonɔ de kéte mɔ sɔkɔ kweyne. ¹⁰ Yah, nónó-á sò me mónpunole, pépi yáhnkō-nsah ye Névi Pi pɔ kɔ pé pwah mɔ.»

Yòtě nê-á pò dahbi tònpi bi gbò

¹¹ Képah tēne, Yesu-á de n te Yerusalemi sɔkɔ, ñ welɔ nóhpú sò me n sò ne, Liyel tōrí-á kɔ n pɔ n pi nénpó swɔ. Képah sɔkɔ, Yesu me sémirkí yó yãh pé tyí ne: ¹² «Yòtě yó pídí ye lésò. Só yóle, à yuku sɔkɔ kwil fíí yó sɔkɔ ne, pé kyí yòtōrí yah n kō, képah náh, pé mó pé syi pɔ. ¹³ Wãh n sɔkɔ, à ñ tònpi bi népí gbãh ye pɔ, pò dan núkúle pé nénúkú núkú pól kō, té yo pé tyí ne, pé gbòle n yí sɛpile fɔ́, kè pɔ syi pé syínponɔ tyí. ¹⁴ Té, ñ kwil névyé sò me ñ dyole n yɔ. Pé me tɛntò tekí mɔ ñ náh, à kyí yo ne ñkě, pépi náh me ké tyí ne, dí mɔ tě pɔ pi pépi yòtēne. ¹⁵ Nte, à mó tō yòtōrí mɔ we, té ñ syi pɔ. Wãh pɔ, à ñ tònpi bi nópi ye, wãh sò pò dibi nónó kō. Pãh gbò yí, té pò dòhnò nê we, à sò me ké tyí ne, pé kè pĩ. ¹⁶ Képah sɔkɔ, négben pɔ yo ñ tyí ne ñkě, pé yòtě, wãh pò dan nēne pé kō, páh ké kénknono gbãh yah dohni. ¹⁷ Yòtě dí me yo ñ tyí ne, kãh ple, tònpi pèpɛy-á ñne. Wãh fyò pi négbíle tir tyí sɔkɔ, wãh kɔ pi kwlonɔ gbãh yah tě-òle. ¹⁸ Ní-ò me pɔ yo ñ tyí ne ñkě, pé yòtě, wãh pò dan nēne pé kō, páh ké kénknono kwlo yah dohni. ¹⁹ Yòtě dí me képah núkú ó yo ñ to tyí ne, ñmɔ pi kwlonɔ kwlo yah tě-òle. ²⁰ Kèyãh me pɔ yo ñ tyí ne ñkě, pé yòtě, ñ pò-á yò. Páh sò me kè dah mɔ sah fwɔ yó sɔkɔ ké tyíle. ²¹ Nkě, ñ tò-á kah tah. Képah-á, ñ tíkí me pé tě. Nmɔ náh sah kwãh nēne, à kè tɔkɔ. A náh sémukɔ nê duku mɔ, à képah tɔkɔ. ²² Képah tēne, yòtě dí me à syah ne, tònpi tókù, ñ vyãh wey mɔ sɔkɔ-á pé kɔ tuke ñne. Nmɔ-á sò pĩ ne ñkě, pé tò-á tah, pé náh kwãh nê sah, pé kè tɔkɔ, ànê pé náh sémukɔ nê duku, pé kɔ tɔkɔ. ²³ Nte, kwãh nê se pi, té à náh pé pò dah mɔ sah pò dáhnmɔ-nsah wòkò sɔkɔ ni? Páh pé syi pɔ, páh nãhkí sè we wilki dòhnínóle sé yõ. ²⁴ Képah sɔkɔ, nónó-á

sò me nénpó, à n̄ syi yo pé tyí ne, pè pó mè syi n̄ tyí, pè kéle ké kénknɔnɔ gbãm nétê kô. ²⁵ Pè me yo n̄ tyí ne, pé yòtê, sé gbãm-á me te ñmɔ tyí dò! ²⁶ Nte, à me pè syah ne: «Mé kéle n̄ yo yé tyí ne: névi nê tyí kwâh-á me, pè kɪ t̄ɔ ñmɔ kô. Té névi nê tyí kwâh nâh me, kwéyy nê ntê-á me n̄ gbò, ké tɔ kɪ t̄ɔ syi n̄ tyí. ²⁷ Nte, n̄ sépébi t̄ɔ wɔle, pépi nónó nâh sò me ké tyí ne, mé pi pé yòtêne, yé pɔ péle ásô, yé pɔ pé yèsò kô n̄ yí yah.»

Yesu dénóle Yerusalemi sɔkɔ

²⁸ Képah yóntenɔ nâh, Yesu yīn pé yah, pè n̄ dɔkɔ n̄ yuku Yerusalemi. ²⁹ Té wãh yīni t̄ɔ n̄ te gbí nêne Betefasyi ànê Betanile yòli yó tnô, pè n̄ ye Wólíví yèh yòlule, à n̄ t̄ɔ sáhpú nép̄i ními t̄ɔ ne: ³⁰ «Kwil nê-á yé yahle, yé kyi ké sɔkɔ. Yáh kɪ n̄ de, yé kɪ níkwěndyípik̄i yó we tóhnmɔnɔle nê-á ney nâh dɔkɔ yah n̄ yò pólle. Yé à de n̄ pɔ ásô. ³¹ Té nê-á yé piki yah ne níké, sò se, té yé ñne n̄ de ni, yé yo t̄ɔ tyí ne, n̄ yétô-á me T̄ɔ ñgbê tyí, képah-á. ³² Wãh yo s̄ɛ, t̄ɔntò névye nópi sɔkɔ. Pè n̄tyínɔ kyi tyi nópi we, s̄ɔ-á sò à yo kéle pé tyí. ³³ Pãh me n̄ dénó sɔkɔ gbí nêne, n̄ nétãm pè piki yah ne, sò se, té pè níkwěndyípik̄i mène n̄ de ni? ³⁴ Pè me yo pé tyí ne níké, n̄ yétô-á me T̄ɔ ñgbê tyí, képah-á. ³⁵ Té me yuku ñne Yesu tyí. Pè pé flo mɔ n̄ yò, à Yesu kô à dɔkɔ. ³⁶ Képah t̄ɔne, wãh me n̄ yuku s̄ɛ, névye me pé flole n̄ mɔ n̄ yuku s̄ɛ w̄k̄i yò. ³⁷ Pãh n̄ tyah Wólíví yèh yòli t̄ik̄intɔle, n̄vì de n̄ t̄ɔ sáhpú kw̄ink̄i pól sɔkɔ. Pãh gb̄il tyi nónó pól we, sépi yīnne, pè tyah Liyel yīnne n̄ gb̄ilki yīnp̄ɔ ñgbêne, ³⁸ me yo t̄ɔ ne níké: «Yòtê nê-á n̄ pi Liyel yīn yò, Liyel sãm mɔ n̄ sɔkɔ! Yèvinu ne me yīnyò, gb̄ilkínó mó ne n̄ sah Liyel yò, ñmɔ nê-á yīnyò fléyy t̄ɔ-nsah.»*

³⁹ Képah sɔkɔ, tówû niyó sɔkɔ Farisiyēnɔ yísyó Yesu syah ne, pé kwó-ò dí, à n̄ t̄ɔ sáhpú vyēy t̄ɔ kè! ⁴⁰ Képah t̄ɔne, Yesu pè syah ne: «Mé kéle n̄ yo yé tyí ne: pãh kɪ s̄ɛ pé vyēy vike ò, dyéh ye kɪ n̄ gbo n̄ mɔ pé swɔ.»

Yesu yah kwɔ Yerusalemi tyíle

⁴¹ Yesu-á de n̄ te Yerusalemi, té kè we gbí nêne, à n̄ gbo ké yīnne ne: ⁴² «É, Yerusalemi, wáh nâhkɪ sò me f̄ɛ syi yèvinu we dùkù p̄i kwey mène! Nte wèèè, kè ye wòbɪ á yah! ⁴³ Yah, sèp̄in yísyó me n̄ pi, á sépébi kɪ wòbì-ntàn pi á k̄ɛk̄i kore vi, té kɪ n̄ fyãh sah yey yey pólle. ⁴⁴ Liyel-á pɔ á yòhn̄nmɔ-nsah gbí nêne, á nâh f̄ɛ syi kè p̄i. Képah ye, pè kɪ á sɔkɔ névye pól ko mɔ, té kɪ n̄ mukuli. Á dáhk̄i yó ntê nâh n̄ wũ n̄ pi ké ní-ò yò.»

Yesu gbòyibi yīni wilki Liyel wòkò ñgbê kéntáhk̄i sɔkɔ

⁴⁵ Yesu-á kyi de Liyel wòkò ñgbê kéntáhk̄i, té yiyãm yãmpu we ké sɔkɔ, à tyah péle n̄ yīni n̄ wilki. ⁴⁶ Té me n̄ yo pé tyí: «Kè me wárkínsàhnóle Liyel wey sɔkɔ ne níké: «N̄ wòkò kɪ pi níri pí-nsah wòkòle». Té yépile, yé kè tɔkɔ pi névye yò syíkípú t̄ɔ-nsahle.» ⁴⁷ Té à sò me névyele n̄ kwɔ s̄omesó Liyel wòkò ñgbê kéntáhk̄i sɔkɔ. Képah sɔkɔ, sárká w̄ilk̄ipu yòtã, ànê Liyel ñgbò w̄k̄i kwópú sò me n̄ kònmɔ-nsahle n̄ yah n̄ kô, kwil yah tãm

* **19:38** 19.38 - Yah n̄ te Gbálnó sébéy 118.26 sɔkɔ.

tɔle péle. ⁴⁸ Té no pól-á sò me pé ní kwɔ n tɔ n sah n nohni n yíi n tyí sɛ, képah ye, pé náh pĩ pǎh kɪ n pɪ n pi sɔ.

20

¹ Yesu-á sò me névyele n kwɔ Liyel wòkò ñgbě kéntáhkì sɔkɔ, me nìvìni wey sáñne n yo sɛ, sɔ yóle, sárká wìlkɪpu yòtám, ànê Liyel ñgbò wěkì kwópú, ànê yèwàhnì pɔ wil n tyí, ² té à syah ne, à yo pé syah, nê gbò yò sɔkɔ se, à n pɪ tyi nópìle, nê se à kɔ tɛnweno mène ni? ³ A me yo pé tyí: «Nmo tɔ kɪ píkinyahno núkú pɪ yé tyí: Yé yo ní syah, ⁴ nê-á tɔ Nsyõne, à pɔ nolé n wel n wilki? Liyel se, tɪ névyé se?» ⁵ Pè me yo wě tyí ne, páh kɪ ne ñkě, Liyel-á tɔ ñne, wáh kɪ pé syah ne, té kwáh nê se pɪ, té pé náh sɛ n yò ni? ⁶ Nte, névyé sɛnyĩno-á me te ké yò ne, Liyel tɛntò syinyo-ò-á Nsyõne, páh kɪ mó tɔ ne ñkě, névyé-á tɔ ñne, no pól-á kɪ dyèhle pé minki ko. ⁷ Káh pɪ sɛ, pé à syah ne, pé náh pĩ nê-á tɔ ñne. ⁸ Páh yo sɛ, Yesu tɔ mó pé syah ne, káh pɪ sɛ, tɛnweno nê-á pé kɔ pé tyi nópìle n pɪ, pé náh mó kè yo pé syah n pɪ.

Divě sésân swāh tǔpú népèl sèmìrkìle

⁹ Képah náh, Yesu tyah sèmìrkì yóle n yāh névyé tyí ne: «Dĩ yó ye lésò ñvè sésân swāh kɔ, té kéle tɛntòbe gbò dahbi, té sɔkɔ kóló sɔkɔ à kyɪ mo. ¹⁰ Sé pye gbe gbí-á pɔ nɔ, à tɔnpɪ yó tekɪ mo ñvè sésân swāh tɛntòbe nópì tyí ne, pé pé tyí ñvè sésân pyele à kɔ. Nte, tɛntòbe nópì me tɔnpɪ mè ko, té pé syɪ à tekɪ mo n gbò kókóle. ¹¹ Képah sɔkɔ, sètɛ dí tɔ n syɪ tɔnpɪ yó tekɪ mo. Pè tɔ ñmo tɔ ko, té à gbyɔ, té pé syɪ à tekɪ mo n gbò kókóle. ¹² A tɔ n syɪ tɔnpɪ tɔ-ò tekɪ mo. Pè tɔ ñmo tɔ pɪ yo, té à yini. ¹³ Káh pɪ sɛ, sètɛ dí ne, sɔ se pé kɪ pɪ ni? Páh kɪ pé ñdè pídí wɔ tekɪ mo. Nmo wɔle, gbòkénpi, páh kɪ yòyén sah n yò. ¹⁴ Nte, ñvè sésân swāh tɛntòbe nópì-á fyò n pídí we, pé núkú yo wě tyí ne ñkě, n gběyò-á yò. Pé ye à ko mo, gběkɪ mó pɪ pépi tyíle. ¹⁵ Képah tɛne, pé à yɔrɪ wilki mo ñvè sésân swāh kahnne, té à ko mo. Núkúnúkú tɛne, sɔ me sètɛ dí kɪ pɔ pɪ péle wé? ¹⁶ A náh pɔ ñvè sésân swāh tɛntòbe nópì ko mo, té kɪ kè dahbi n pɪ yísyó gbò di?» No-á kéne welo noh sɛ, pé ne, pólle, képah wɔ náh n pɪ n pi!

¹⁷ Nte, Yesu me pé yah, té yo pé tyí: «Liyel wey-á nê yo ne ñkě: <Wòkò mópú-á dáhkì nê milki, képah ye pɔ pɪ wòkò kyí yò dáhgbíle>, képah yò nêne yépi tɛ tyí?»

¹⁸ Névi nê-à wil syɪkɪ kéne dáhkì yò, tɛ kɪ kwɔkɪ. Té, káh se mó tɔ syɪkɪ nê yò, kè kɪ tɛ pyāhrɪ.»

¹⁹ Képah sɔkɔ, Liyel ñgbò wěkì kwópú, ànê sárká wìlkɪpu yòtám ñgbno sò pĩ yíi te ne, pépi yò-á Yesu mɪ sèmìrkì mène. Képah ye, pé sò me n tɛ-ñsahle n yah n kɔ nénpó swɔ, té névyé tíkì pé tɛ.

Nê-á yĩne Sesarì kǔnóle, ànê nê-á yĩne Liyel kǔnóle

²⁰ Képah sɔkɔ, pé tyah Yesu kyòmìnóle. Pè yínvínpiɪ yísyó tekɪ mo n tyí. Pè pɔ pé gblɔy pɪ néglólóle. Pè sò me ké tyí ne, à pilki n vyāh wey sɔkɔ, pé kɔ pé à we tɛ kyɪ dahbi kwil yah tɛ-ò gbò, tɔrɪ ànê tɛnweno-á me nê tyí.

²¹ Képah tɛne, pé píkinyahno yó pɪ Yesu tyí ne, kwó-ò dí, páh pĩ ne, wáh tyi nónóne n yo, té kwónó nónóne n pɪ, gblɔ kókó-á séle. A náh névyele n

wah, ànê wăh Liyel wěkìle névyele n kwɔ ké gbɪ yõ. ²² Nte, à yo pé syah, ñkě, ké wěkì se me kǒnóle ne, pé mórúle n mo Wromenɔ yòtě ñgbě Sesarɪ tyí, tǐ ké wěkì náh me kǒnóle? ²³ Té Yesu-á pé yǐnvǐ pǐ sě, à yo pé tyí: ²⁴ «Yé pɔ pó pó núkúle, mé yah átre. Nê yah mǐrkí, ànê ñ yǐn me wárkínmɔnɔle ké yõ yò?» Pè me yo ñ tyí ne, Sesarɪ tyí-á. ²⁵ Yesu me yo pé tyí: «Kàh pǐ sě, yé Sesarɪ tyíle Sesarɪle n kǒ, yé mó Liyel tyíle Liyel kǒ.» ²⁶ Kǎh pǐ sě, pé náh pǐlkí-ńsah we ñ wey sɔkɔ, à à tě névye yí yah. Té ñ tyi yah yónó pyě me pé gbǎn du, pé me tě syísí.

Sadusēnɔ Yesu piki yah lékyî yǐlkinmɔnɔ tyí sɔkɔ

²⁷ Sadusēnɔle, nósýó ye, nónó-á ne, lékyî náh min sǎn we n pi. Pé no de Yesule, té à piki yah ne, ²⁸ pé kwó-ò dí, Moyisi-á kɪ wárkɪ sah pé kǒ ne ñkě, sétě nê-à ku pǐ wé-ńkēne, té gbě me tě tyí, gbě mē-á yǐne à pékúsè mē tɔkɔ, à mó wēnpǐ dubi à kǒ ñ nénkyí náhne. ²⁹ Nte, kèkùrkì núkú dǐnpǐ népǐ kwárninɔ yísýó-á lésò me. Nénkyí tě me sê tɔkɔ, té ku, té à sah píkǎnne. ³⁰ Ñ sò syɪ me pi mē tɔkɔ. ³¹ Képah náh, tǔ-ò me à tɔkɔ. Kè n pɪ n yuku sě fóó, pé népǐ kwárnímí pól à tɔkɔ. Té, pé pól pɔ ku, té à sah píkǎnne. ³² Képah náh, pi mē tɔ pɔ ku. ³³ Nte, pi mē-á de yah sě népǐ kwárnímí nópɪ tyí-à, lékyî min sǎn pónwe sóle, à kɪ n pɪ n pi pé sɔkɔ ney nê tyíle?

³⁴ Pǎh yo sě, Yesu yo pé tyí: «Kèkōyó mē tě wɔ sɔkɔ, sétókókì me, ànê, pédekè me. ³⁵ Nte, Liyel-á nónó kyomɪ we ne, pǎh yǐne dénóle kèkōyó sǎn sɔkɔ, té kɪ min sǎnne pé kǒ n pi lékyî min sǎn pónwe sóle, pépi náh syó tɔkɔ n pi, pé náh n de n pi pebɪ tyí pólle. ³⁶ A kɪ pé wilki kǔ sɔkɔ, kɪ min sǎnne pé kǒ. Pè kɪ pɪ yǐnyó tǐntǔnè tyí kǔle: Pè náh tǔ n ku n yah n pi. Pè ye pɪ Liyel pyele. ³⁷ Moyisi tɔ ye kè yo wah yǐ ne ñkě, lékyî-á kɪ pɔ pé syɪ min sǎn we. N sébéy fǐ nê-á dukuni tyíle n yo nê-á sò nyàh lépǔle ké sɔkɔ, képah sɔkɔ ye à Tě ñgbě Liyel ye <Abrahmɪ Liyelle, ànê Yisakɪ Liyelle, ànê tǔ Yakɔbɪ Liyelle>. ³⁸ Liyel tyí, no pól me vyele. Képah ye, lékyî Liyel náh ñne, vye Liyel ye.»* ³⁹⁻⁴⁰ Wăh yo sě, ñsǎh náh tǔ sò me pé tyí, kɪ à piki yah. Képah ye, Liyel ñgbò wěkì kwópú yísýó yo ñ tyí ne, kwó-ò dí, wăh wekɪ plɛ.

Kristale, Davidi yòtě ye

⁴¹ Képah sɔkɔ, à me yo pé tyí: «Á kɪ yo sǔ ne, Davidi náh ney ó-á Kristale nê-á Liyel ne, páh kɪ tekɪ mɔ? ⁴² Té ñmɔ Davidi ñtě mó tǔ kè yo ñ yìgbìnì sébéy sɔkɔ ne ñkě:

<Tě ñgbě Liyel ye kè yo ñmɔ Tě ñgbě tyí ne ñkě:

«Pɔ n kǒ n tě ñ gbòyò sòle,

⁴³ fóó kè pɔ no gbí nê-á

mé kɪ á sèpébí pɪ á gbáhsúkíle.»

⁴⁴ Nte, Davidi ñtě we à ye ñ TĚ NGBĚNE à kɪ tǔ pɪ sǔ, té kɪ pɔ n pɪ ñ náh ney óle?»

Yesu ne, pé tò sáhpú pé gblǔyne n kyomɪ Liyel ñgbò wěkì kwópúle

* **20:38** 20.38 - Nónó-á ku sɔkɔ di mónóle, kàh yo ne, Liyel-á pɪ pépi Liyelle, képah n wěkɪ ne, pǎh me min sɔkɔ.

⁴⁵ Képah náh, à yo ò tò sáhpu tyí ò wey nóhpú pól yí yah ne: ⁴⁶ «Liyel ògbò wěkì kwópúle, fwòmòngbno mónkònkòno tyí no pé tyí. Pè n ne n me ké tyí ne, no ne n tō n sah n weki pé tyí tówù tükè-ntàn soko. Tě-ntàn gbroy tyí no pé tyí Liyel ní-ntàn vì soko, ànê yé yó-ntàn soko. Yé yé gblōyne n kyomi péle! ⁴⁷ Té pépi ó ye tō n vi n tē pékúsyole, à pé gbàn yíle n syi, ò té nírilé n pi yòšèkùle, ò névye yahle n pil ne, páh me tómm. Nte, pé tukey ki n pi n pi kèpékèyò, à kal no téló tyíle.»

21

Yínkōno nê-á pékúsè pi

¹ Sò yóle, Yesu sò me Liyel wòkò ògbě kéntáhkì soko, té wáh ò yah yō, à tahbi we, pé me pé yínkō kō póle n dah n mo n po pó dahnmo-nsah kwáh soko. ² A pékúsè yām ney yó to we, à po pópì pló nínó dah mo. ³⁻⁴ Képah soko, à ne: «No pólle, pó nóno yétò náh me pé tē, sépi ye pé tōko po dah mo. Nte, pékúsè yām ney mène, òmo ye ò yām fōh, té ò yō yō pó pól tōko po dah mo. Képah ye, mé kéle n yo n dal n mo yé tyí kègbi yō ne: òmo-á dah mo kal no pólle.»

Yesu me Liyel wòkò ògbě sónó tyíle n yo n sah

⁵ Képah náh, névye tókù sò me n yo ne, Liyel wòkò ògbě-á me ple: Nkě, ké mo mo dyèh, ànê ké vyó nóno-á névye yí Liyel kō, sáh me kè syi yí. Nte, Yesu me yo pé tyí: ⁶ «Nê-á yé n yah yò kè, sèpìn yísyó me n pi, dáhkì yó ntē náh n wū n pi ké ní-ò yō. Sé pól ki pirki.»

Yèvyāhrì tyi nóno-á ki n pi n pi, kèkōyó-à pópó n tyè

⁷ Képah soko, pé me Yesu piki yah ne nkě, kwó-ò dí, gbí nê se képah ki pi ni? Anê, kwní yónmōno nê se ki wěki kéle ne, káh ki n pi n pi ni? ⁸ A me yo pé tyí: «Névye náhnáh ki po nmo yin tōko n pi pé yah yíne, té ki n yo ne nkě, pépi-á Nmole. Nkě, ké gbí-á no te! Nte, yé káh pé sò tē! Yé yé gblōyne n kyomi, yé káh ye ney po yé pilki. ⁹ Yáh po mál, ànê névye yúkunyahleno tyí yónóle n nohni, yé káh ye tíki yé tē! Képah ògbò ye yíne kè pi. Nte, képah náh nukú n pi n pi kèkōyó mē tyénóle.»

¹⁰ Képah náh, à tō ò syi yo pé tyí: «Kwil yó ki yuku kwil yóle n fwo. Tōrí yó ki yuku tōrí yóle n fwo. ¹¹ Sétáh syahrì ògbno ki me n pi, té tantàn náhnáh soko, nyan pèl ànê kweki ki me de. Tíkítikì tyi, ànê kwní yónmōno ògbno ki n we yínyō. ¹² Nte, kéne tyi-à pópó n pi, pé ki yé tē fōh, té ki yé gbàh de mo pé kō pé ki tuke Liyel ní-ntàn vì soko. Pè ki yé dah mo wòkònpèkè soko. Pé ki yé tē kyì yòtām ànê kwlo yah tēpú tyí nmo yinne. ¹³ Képah gbò yō yé ki nmo tyí we yo pé tyí. ¹⁴⁻¹⁵ Nte, yé ye, yé dyo ne me n kwne ne, nmo-á ki wey weki dukù ànê lékámne yé kō, nê-á ki yé fóhpú kō, pé náh fē n weki yéle, ànê pé náh fē yé kōli. Képah ye, yépi tyí náh yé gblōy vínóle, yé vyēy syi yinne. ¹⁶ Nte, nóno ntē-á ki yé mo kù kō n pi, yé dúbipú ye, ànê yé yúnpyele, ànê yé tyí névyele, à tahli yé kódíbì tyí. Képah soko, yé náhnáh ki ko mo. ¹⁷ No pól ki yé dyole n yo nmo yinne. ¹⁸ Nte, yé yòyén soko yó ntē náh n yah n kwlo n pi. ¹⁹ Gbáhntēno soko ye yé ki tyé-ńkě min we.»

Yesu Yerusalemi yíkínó tyí yo sah

²⁰ «Yâh mégbân we sè Yerusalemi mo gbɪ gbí nêne, yé pĩ ne, ké so gbí-á no. ²¹⁻²² Kéne sèpìn kɪ pɪ pèkè wɔ dénóle, Liyel sébéy sɔkɔ tyi wárkínsàhnó pól kɔ sè kɪ pɪ tũ. Képah ye, nónó-à me Yude kwil sɔkɔ, pépi to de ymo sɔkɔ. Nónó-à me Yerusalemi kwil táh sɔkɔ, pépi wil. Nónó-à me gbno sɔkɔ, pépi káh de kwil táh. ²³⁻²⁴ Kè kɪ pɪ kéne sèpìn sɔkɔ yèvyährɪ ñgbêne kwil sɔkɔ. Té Liyel kɪ yuku kwil mè névye yõ fòkònyàhnìne. Pè kɪ ko mo kèkírnnè, kɪ tẽ yuku yõbɪle kèkõyó kwlo pól sɔkɔ. Té Liyel pĩ-ńkẽ névye kɪ Yerusalemi yɪkɪ pól tẽne fókó, kɪ pɔ syɪ pé gbí tyénó tyí. Képah ye, kéne sèpìn sɔkɔ, kè kɪ pɪ yíi yèvyährɪle syó kùrn nétàn, ànê yókɪ nétàn tyí.

Névi Pi syínponole

²⁵ Képah sɔkɔ, kwní yónmɔno kɪ we gbí sɔkɔ, ànê ńwɔ sɔkɔ, ànê ńwɔ kèpye sɔkɔ. Té kèkõyó névye pól yáh-ńsah kɪ me tye kèpékèyó. Pne yo gbni kèpékè ànê ké fúndokɔno tíkɪ kɪ me pè kah tẽ. ²⁶ Yínyõ táhkínó kɪ yike. Képah ye, tyi nónó-á kɪ pɔ n pɪ n pi kèkõyó, sépi tyí sɔno tíkɪ kɪ névye ko. ²⁷ Képah sɔkɔ, pè kɪ Névi Pi we à kɪ me n pi nýírki sɔkɔ ñ táhkɪ pólle, ànê ñ gblò sɔkɔ. ²⁸ Kéne tyi-à pópó tyah n pɪ gbí nêne, yé pwáhnmɔno me no n te. Káh pɪ sɛ, yé yuku yín, yé mó sórè mo yé gblóy sɔkɔ.»

Kwónó nê-á pɪ sènsóké séswô tyí yõ

²⁹ Képah náh, Yesu tɔ sèmírki yó yáh pé tyí ne: «Yé yah sènsóké séswô, ànê sésân téló pólle kè: ³⁰ Yâh sè we sè tyah n tye mɪsnole, yé n pĩ ne, kɪ de gbí-á me yúkey. ³¹ Sɛ ó ye, yâh pópó kéne tyi we sè tyah n pɪ gbí nêne: Yé pĩ ne ńkẽ, Liyel tɔrí-á me yúkey. ³² Kègbɪ yõ, mé kéle n yo n dal n mo yé tyí ne: kwey gbí névye pól náh n ku n te n pi, té kéne tyi pól kɪ yíni tẽ. ³³ Yínyõ ànê sétáh kɪ pɔ tye, ñte, ńmo welo náh n tye n yah n pi pólle.»

Yé káh yé dyo mo n fwo Yesu syínpono tyíle

³⁴ Yesu tɔ yo pé tyí: «Yé yé gblóy kyomɪ syáh syáhnóle, ànê sètèni pínóle, ànê kèkõyó mè tyi sɔnole. Sé káh n pɔ yé lékám pɪ tɪntí. Képah-à pɪ, kèkõyó tye só kɪ yé kwɔkɪ tẽ. ³⁵ Sɛ tɔ ye, ké lésò kɪ kwɔkɪ tẽ sétáh yõ névye pólle, sɔ-á yènkɔ tẽ tẽ mɔ n tẽ yènkɔle. ³⁶ Nte, yé káh yé dyo mo n fwo, yé nírɪle n pɪ gbímegbí. Képah sɔkɔ, tyi nónó pól-á n pi yò, yé kɪ tɛnweno we sé yõ, té kɪ fɛ pɔ yuku yín Névi Pi yah tukey sɔkɔ.»

Yesu sèpìn téló pínóle Liyel wòkò ñgbẽ kéntáhkɪ sɔkɔ

³⁷ Ké légbíne, tyah kyòo yah sɔkɔ, Yesu ńkẽne n kyɪ kwónó pɪ Liyel wòkò ñgbẽ kéntáhkɪ sɔkɔ, ñ té n kyɪ lékáh pɪ yõle yó yõ nê-á pè n ye Wólívi yèh yòlɪle. ³⁸ Té à toko séngbõ púsó tyí, no pól n pɔ nóhnó pɪ ñ tyí Liyel wòkò ñgbẽ kéntáhkɪ sɔkɔ.

22

Nsyifunɔ yòtām Yesu tyí yo syɪ

¹ Búrn sɛ-ńkẽ syáh nê-á pè n ye Pakɪle, képah dénteno sɔkɔ, ² sárká wɪlkɪpu yòtām ñgbno, ànê Liyel ñgbò wèkɪ kwópú sò me syõ-ńsahle n yah n kɔ, páh kɪ pɪ sɔ, té Yesu ko mo n pi. Té névye yah tíkɪ sò me pè tẽ.

Yudasɪ vìnóle Yesu náh

³ Té légbĩne, sétàn yõtë de Yudası soko nê-á pè n ye Yisikariyotile. Yesu tò sáhpú nêpî gbõnimí soko ney yó ye sò ñne. ⁴ A me soko, à kyı yo sárká wĩkĩpu yõtãm ñgbno, ànê Liyel wòkò ñgbẽ kyòmĩpu yõtãm tyí, wãh ne Yesu tẽ pè kò n pi òkù nêne. ⁵ Képah soko, kè nò pé tyí. Pè me yo sah núkú yó ne ñkẽ, páh kı pólè à kò. ⁶ Yudası me fẽ syi, té tyah ké wénpı-ńsahle n yah n kò, wãh pı sò, té Yesu dahbı n pi pé gbò, névye pí-ńkẽ soko.

Yesu pè kò pè Pakı yòke tẽ-ńsah yah

⁷ Búrn sê-ńkẽ syáh só-á pò nò, nê soko-á sò Pakı képyénı kı n ko n pi, ⁸ Yesu me Pyerı ànê Nsyõ tekı mò ne, pè kyı Pakı syáh yòke tẽ-ńsah yah sah yó yó tẽne. ⁹ Pè me à piki yah ne, ñyãh soko se à me ké tyí ne, pé kyı kè pı nı? ¹⁰ A me yo pé tyí: «Yé yah, yáh kı n de kwil soko gbí nêne, yé kı dí yó yohnı, à kı me ni pín twah. Yé ñ sò tẽ. Wàh kı kyı de kéte nê soko, yé de nénpó. ¹¹ Yé mó yo kététe tyí ne, kwó-ò-á yo ne ñkẽ, wòkò nê soko se pé kı pò yòke yó n pi ànê pé tò sáhpúle nı? ¹² Képah soko, à kı yĩnyõ wòkò soko táh ñgbẽ yóle yé wẽkı, gbò vi vyó pólle kı soko. Nénpó soko ye, yé kı pı Pakı syáh yòkele.» ¹³ Képah tẽne, pè me soko. Yesu-á kè yo sò pé tyí, pè mó ñtyĩno kyı ké pól we sê. Pè me Pakı syáh yòke pı nénpó.

Yesu yòke yónó tévne

¹⁴ Yòke yó gbí-á pò nò, Yesu ànê ñ tẽntõbe-á pò tẽ yòke yah soko gbí nêne, ¹⁵ à me yo pé tyí: «Mé sò me ké tyí nánah ne, mé Pakı yòke mè yó yéle, mé mó pyẽ de yèvyãhrı soko. ¹⁶ Nkẽ, mé kéle n yo yé tyí ne: mé náh tó Pakı yòke mè yó n yah n pi fóó, kı kyı syı ké tyı pıntũno tyı Liyel yõtõrí soko.» ¹⁷⁻¹⁸ Képah soko, à me ñvẽ wò wò kwãh tókò ñvẽne ké soko, à wekı Liyel tyı, té yo pé tyı: «Mé kéle n yo yé tyı ne: à tókò núkúnúkú tyı, mé náh tó ñvẽ wò n yah n pi fóó, kı pò syı Liyel tõrí pónó tyı. Képah ye, yé syı kéle, yé wò dibi wẽ tyı.» ¹⁹ Képah náh, à me búrn tókò, té wekı Liyel tyı, té kè kwokı dibi pè kò, té yo pé tyı: «Ñyole, ñmò wil ye, nê-á kı kò yépi yĩnne. Yé sèntẽne n pı, sò-á mé n pı kéle. Képah soko, yé dyo kı n kwne ñmò tyıle.» ²⁰ Yòke yónteno náh, à tó ñvẽ tókò, à pè kò sèntẽ óle, té yo pé tyı: «Ñyole, ñmò tó ye, nê-á kı kwe yépi yĩnne, kı pı yégbékè kwronmòno késãnne Liyel ànê névye wró. ²¹ Nte, yé yah, névi nê-á kı n vi n pi ñmò náh, ñmò tò me n yó ñne fı núkú. ²² Névi Pi kı ku, sò-á Liyel yah tókò kéle. Nte, névi nê-á kı n vi n pi ñ náh, pèkè kı pı ñmò tyıle.» ²³ Képah tẽ soko, pè tyah wẽne n piki n yah ne, pépi tẽ soko nê se kı n pı n pi képahle nı?

Nê tẽ kal?

²⁴ Képah náh, pè me tyah, à yékãble n pı. Pè sò me ké tyı ne, pé pı nê tẽ-á kal pépi soko. ²⁵ Képah soko, Yesu me yo pé tyı: «Kèkõyó kwlo yõtãm ñkẽne pé tõríle n sah sé yó, ànê tõrí-á me nónó gbò, pépi n ne me ké tyı ne, no pé yĩngbıle n yo. ²⁶ Nte, yépi tẽ tyı náh yĩne kè pı sê. Nê-á yah tẽne yépi soko, ñmò pyẽ yĩne à pı yé pól gbẽ sò. Yõtõrí-á me nê gbò, ñmò pı yé pól tõnpı sò. ²⁷ Yépi tẽ tyı, névi nê-á tẽ yòke yah, ànê nê-á n tókò n kò kéle, nê tẽ kal pépi soko? Nê-á tẽ yòke yah, ñmò náh di? Nte, képah fyé yó, ñmò me yépi wró soko tõnpı sò. ²⁸ Yépi tẽ wòle, yépi ye sò me ñmòle ñ yèvyãhrı pí-ńtãn soko. ²⁹ Képah ye, ñmò sú-á tõríle ñ kò sò, ñmò tò kı kéle

yé kō sě. ³⁰ Képah soko, yé ki po n yō, té ki n wə́ n̄mɔle fí núkú ní yòtǒrí soko. Anê yé ki po kō tē yòtǒrí klō yō, ki tukey take Yisrayel névyé fínno gbōninó yō.»

Yesu ne, Pyeri-á ki po n vyāh kōli ne, pé nāh pé pī

³¹ Képah nāh, Yesu yo Simo Pyeri tyí: «Simo, Simo! Sétān yòtē ye ké wěkì yah kō ne, pé yé fe, sō-á sēmukole pé n fe gbéy soko. ³² Té mé me Liyel ni á tyí ne, á Liyel yō sēnó káh tē syi á tyí. Té, wāh á syi po n̄mɔ tyí gbí nēne, sǒréle n mɔ yé no soko.» ³³ Wāh yo sě, Pyeri me yo n tyí ne, péwɔ tē wole, káh ki sǒ n pi wòkònpèkè soko dénóle, képah nāh pi, kǔne, péwɔ-á me pé vi sah ki de n̄ne sépi pól soko. ³⁴ Nte, Yesu me yo n tyí: «Pyeri, mé kéle n yo á tyí ne: kwey lékáh soko, sénpe nāh tǒnì me n gbo n pi, té á ki me á vyāh kōli te gbáhyí tǒnó ne níkě, á nāh n̄mɔ pī.»

Méfwokwāh tyíle

³⁵ Képah nāh, Yesu me yo pé tyí: «N̄mɔ-á sǒ yé tō gbí nēne, té yo yé tyí ne, yé soko pó, anê pilki, anê lékyēh kēne, kwāh yó se kyi tēki yé tyí?» Pé me yo n tyí ne, kwāh yó nāh tēki. ³⁶⁻³⁷ Képah soko, à me yo pé tyí: «Mé kéle n yo yé tyí ne: wey nê-á wārki n̄mɔ tyí soko ne níkě, pé à mɔ kō tyípél pípu wró, képah ki n pi n tū n pi. Tyi nónó-á yo sah n̄mɔ tyí soko, sé pi gbí me nɔ n te. Képah ye núkúnúkú tē wole, pó-á ki me nê tyí, tē kè tōko. Anê képah núkú-ó ye: Pilki-á ki me nê tyí, tē kè tōko. Té kèkírki-á ki n kne nê tyí, tē n fwòmò-̀ngbē yām keyāh dwe.» ³⁸ Képah soko, tǒ sáhpú ne, à yah, kèkírnnɔ nínó-á yò. A me ne, káh yīne.

Yesu niri pínóle Wólivi yèh yōli yō

³⁹ Képah nāh, Yesu me wil soko Wólivi yèh yōli yō, wāh dar te n kyi n po sǒ. Té n tǒ sáhpú me n sǒ tē. ⁴⁰ Wāh yīni tē nénpó gbí nēne, à yo pé tyí ne, pé Liyelle n ni, mónyahnɔ káh po tē we pé tyí. ⁴¹ Képah nāh, à gbe mɔ tē péle fí kwéy, dáhkì mínnó ke núkú yínintē-̀nsah kénkōle. Té gbètukuno di, à nírile n pi, ⁴² me n yo ne: «Bǒ, wāh ki me ké tyí, yèvyāhri mē wró gbe mɔ n̄mɔle. Nte, kè káh pi n̄mɔ dyo dyo tēne. Áwɔ dyo dyo tē ó pi.» [⁴³ Légbíne, yīnyō tēntò yó wil n yah, à po táhkìle à kō. ⁴⁴ Té Yesu min sǒ me yèvyāhnpèkè soko. A tǒ wān mɔ Liyel nínó yō. N̄ wil myèh po pi tókwil sǒ, à n kwe sétáh.] ⁴⁵ Wāh niri pi te gbí nēne, à yuku kyi n tǒ sáhpú tnò. A kyi ne yah, pé me n do yèkworì kwlónó tē tyí. ⁴⁶ A yo pé tyí: «Kwāh nē pi, té yé n do sě? Yé yuku Liyelle n ni, mónyahnɔ káh po tē we yé tyí.»

Yesu tēnóle

⁴⁷ Yesu me wékínó soko sě, té Yudasì nê-á n tǒ sáhpú népí gbōnimí soko yóle, n̄mɔ tówú yó yah tē po wil mɔ n yō. Té nɔ de n̄ne ne, pé à porì tē, pé wēki n tyí. ⁴⁸ Nte, Yesu me yo n tyí: «Yudasì, pórintēnɔ soko se á ki de mɔ Névi Pi gbàhle?» ⁴⁹ Nónó-á sǒ me Yesule, pāh po kè kyomì à pī tir nê-á ki po n pi n pi, pé yo Yesu tyí ne, pépi Tē ngbē, pé se kèkírnnē n de no tyí ni? ⁵⁰ Té sárká wìlkìpu yòtē tǒnpìbi nónó-á sǒ me, Yesu tǒ sáhpú soko ney yó núkú n kèkírkié pépi soko yó gbòyò sǒ níki we kō kām. ⁵¹ Képah soko, Yesu me yo pé tyí: «Yé yīn sě.» Té tū dí mè níki tyí, kè me tye.

⁵² Képah soko, sárká wìlkìpu yòtām, anê Liyel wòkò ngbē kyòmìpu yòtām, anê yèwāhnì nónó-á sǒ po Yesu tē-̀nsah, à yo pé tyí: «Yé po n̄mɔ

tyí kèkìrn ànê léplóle kèlékě névi sǒ níne nɪ? ⁵³ Nte, swǒ swǒ pólle, mé sǒ níkěne n ne n me yéle Liyel wòkò ñgbě kéntáhkì sòkò, yé náh n tǐ. Té yépi gbí ye se núkúnúkú, ànê sétò táhkì pi gbíne fěntú sòkò.»

Pyeri ñ vyāh kǒli ne, pé náh Yesu pǐ

⁵⁴ Képah náh, pé Yesu tǐ, à sòkò ñne sárká wìkìpu yǒtǐ ñgbě kéte. Pyeri sǒ me pé sǒ tǐ n kò péle fíí. ⁵⁵ Pè sǒ me nyàh mǒ kéte nyó, me kǒ tǐ wě tyí, té Pyeri tǒ sǒ me péle nyàh yah sòkò. ⁵⁶ Képah sòkò, tǒnpi pi yó à we kǒntěnlóle nyàh yah, té à gbah yah díkidíkí, té ne, dí mè tǒ-á sǒ me Yesule. ⁵⁷ Wǎh yo sǐ, Pyeri me ñ vyāh kǒli pi tyí ne, pé náh à pǐ dé. ⁵⁸ Dǒ kwéy, dí yó tǒ à we, té ne, ñmǒ tǒle, kéne no sòkò ney yó-á ñne. Képah tǐne, Pyeri me yo ñ tyí ne níkě, pé sòkò ney náh péwǒle. ⁵⁹ Képah náh, lérí núkú kénkǒ sókóntenǒ náh, dí yó tǒ kè gbah yo ne níkě, yékǎb náh me ké sòkò, dí mè tǒ-á sǒ me ñne, Kalile ney-á ñne dò. ⁶⁰ Képah sòkò, Pyeri me ñ syi yo ñ tyí ne níkě, péwǒ náh me ñ wey mè syíkí-ńsah we dé dí. Nénpó swǒ, Pyeri me képah yónó sòkò sǐ, té sénpe gbo. ⁶¹ Tǐ ñgbě Yesu me ñ yah vi Pyeri yah díkidíkí. Képah sòkò, Pyeri dyǒ núkú tǒ kǒ ñ wey mène, wǎh sǒ nê yo ñ tyí ne, sénpe-à kɪ pópó n gbo kweyne, wǎh kɪ me ñ vyāh kǒli te ke tǒnǒ ne níkě, pé náh péwǒ pǐ. ⁶² Kǎh pi sǐ, à me wil kégbó, à kyɪ nàhnpi gbní kah gbo.

Yesu gbyǒnǒ ànê ñ kǒnlóle

⁶³ Képah sòkò, Yesu-á sǒ me díbí nónó gbǒ, pé sǒ me kǒle ñne n kò, té me ñne n syikɪ gbǒnkukelɛ. ⁶⁴ Pè sǒ me ñ yah pukubi, té me n yo ñ tyí ne, à sǎh pǐ, névi nê-á mɪ ñne. ⁶⁵ Té tǒ me ñne n gbyǒ wèntúkùnǐ náhnáhle.

Yesule Nsyifunǒ tukey tǔkèpu yah sòkò

⁶⁶ Képah náh, tyah-á dal, Nsyifunǒ yèwǎhni, ànê sárká wìkìpu yǒtǎm ñgbnǒ, ànê ñgbò wǐkì kwópú wě tuke mǒ. Pè me pǒ Yesule pé tukey tǔkè-ńsah ñgbě sòkò, ⁶⁷ té yo ñ tyí ne, ñmǒ-à kɪ ne Kristale, Liyel ney tékínmǒnǒle, à kè yo pé syah. A me yo pé tyí: «Máh kɪ kè yo yé syah, yé náh n sǐ n pi ké yǒ. ⁶⁸ Anê máh kɪ se yéle n piki n yah, yé náh vi mǒ n pi n tyí. ⁶⁹ Nte, à tǒkò núkúnúkú tyí, Névi Pi kɪ kǒ tǐ tyi pól Tǐ ñgbě Liyel gbǒyǒ sǒle.» ⁷⁰ Képah sòkò, pé pól núkú yo ne, ñmǒ tǐ tyí, ñmǒ-á Liyel pile kè? Yesu me yo pé tyí: «Yépi nǐtǐ ye kè yo te ne níkě, nímǒ-á dò.» ⁷¹ Képah tǐne, pé ne, tǎrfyò nê tǐ se tǐ pé kɪ n yah n kǒ nɪ? Pépi nǐtǐ-á kɪ noh, à kè yo ñ vyǎhle.

23

Pè kyɪ Yesule Pilatɪ tyí

¹ Képah náh, pé pól me yuku, à Yesu tǐ kyɪ Pilatɪ tyí. ² Nénpó sòkò, pé tyah lékǎhle ñne n kǒ ne, páh dí mè kyǒmɪ we, à me pé kwil névyɛ yǒle n yɪkɪ, me péle n yǐni n mǒ mórí mónóle yǒtǐ ñgbě Sesarɪ tyí. Té ñmǒ nǐtǐ-á me n yo ne níkě, péwǒ-á yǒtǐne, nê-á sǒ Liyel ne, páh kɪ tekɪ mǒ. ³ Képah sòkò, Pilatɪ me à piki yah ne, ñmǒ se Nsyifunǒ yǒtǐne nɪ? A me yo ñ tyí: «Áwǒ ye yo kéle.» ⁴ Pilatɪ me yo sárká wìkìpu yǒtǎm ànê no pól tyí ne, péwǒ náh tir yó we dí mè tyí pólle, nê-á yǐne lékǎhle ñ kǒnlóle. ⁵ Nte, pé tǒ

με κὲ gbah yo tũ ne ñkě, wăh με névyele n kwɔ nòhni-ñkěne, Yude tãntãn pól sɔkɔ. Kalile kwil sɔkɔ-á à tyah kéle fɔ́, à pɔ de ásô.

Pè kyi Yesule Yerɔɔ tyí

⁶ Pilatı-á képah noh nýãh sɔkɔ, à píkinyahno pı ne, Kalile ney se dí mène ni? ⁷ Wăh fyò ñ wıl-ñsah tyí noh, té pı ne, Yerɔɔ-á nénpó yòtẽne, à núkú à tekı mo ñmo kô. Té kè mó pɔ yĩne Yerɔɔ sò me Yerusalemı kéné sèpın sɔkɔ. ⁸ Kè pı di mónóle, Yerɔɔ sò me Yesu tyí yónóle n nohni, té me ké tyí ne, pé à we à ne n me gbıl yóle n pı. Képah ye, wăh à we, kè pı ñivı ñgbẽne ñ tyí. ⁹ A me à gbah piki yah náhnáh, té Yesu náh dahbi wilki ñ tyí. ¹⁰ Képah sɔkɔ, sárká wılkipu yòtãm ñgbno ànê Liyel ñgbò wěkì kwópú sò me nénpó, té me lékàhle ñne n kô fɔ́ képékèyô. ¹¹ Yerɔɔ ànê ñ sràsyíbı-á kóle à ko, té me à yilo te gbı nêne, pé me yòtóri fwɔ yó mo à kô, té pé syı à tekı mo Pilatı kô. ¹² Pilatı ànê Yerɔɔ sò me wě sèpébıle ñgbòle, té lésòle, pé kódırı toh.

Pè Yesu gbàh de mo kũ kô

¹³ Képah sɔkɔ, Pilatı sárká wılkipu yòtãm ñgbno, ànê kwil yahtãm, ànê névye ye tuke, ¹⁴ té yo pé tyí: «Yé dí mè tẽ pɔ, té ne, wăh me névye yóle n yuku. Nte yah, yépi to yı yah ye mé piki yah ñne. Mé náh tir yó ñtẽ we ñ tyí, yáh nónóne n yo n sah ñ yô, nê-á yĩne lékàhle ñ kónóle. ¹⁵ Yerɔɔ ñtẽ to náh tir yó we ñ sɔkɔ, wăh sɔnpı ñ syı à tekı mo ápi kô. Kăh pı sɛ, dí mè náh tir yó ñtẽ pı nê-á yĩne kũne. ¹⁶ Képah ye, mé kı à ko yèfòhle, té kı à fin mo.»

[¹⁷ Té Pakı syáhnó pól sɔkɔ, Pilatı sò yĩne à wòkònpèkè sɔkɔ névi yó fin mo pé kô.] ¹⁸ Képah tẽne, pé pól tyah n kwɔ n gbo n mo ne, à dí mè ko mo, à mó Barabası fin mo. ¹⁹ Té Barabası sò me dahnmonole wòkònpèkè sɔkɔ kèlékè tir yó yô, nê-á pı kwil sɔkɔ, ànê nékókè mónóle. ²⁰ Té Yesu finnmo dékè-á sò me Pilatı tẽ, à tã ñ syı kè tã yo pé tyí. ²¹ Nte, pé tã gbo mo ne ñkè: «À syı dahnı yô! A syı dahnı yô!» ²² Pilatı me tã wey tɔkɔ ke tã-òle, à yo pé tyí ne, tyítúkú nê se à pı ni? Péwɔ náh tir yó ñtẽ we ñ sɔkɔ, nê-á yĩne kũne. Képah-á, páh kı à ko yèfòhle, té kı à fin mo. ²³ Nte, pé me yô sɔkɔ kéle n kah n yo náhnáh ne ñkè: «À syı dahnı yô.» Képah tẽne, pé kahnngbonmono pɔ tẽ we Pilatı tyí. ²⁴ Képah sɔkɔ, à me kè yah tɔkɔ ne, nê-á pé n yah n kô, képah-á kı pı pé tyí. ²⁵ Dí nê-á sò pé dah mo wòkònpèkè sɔkɔ, kèlékè yó ànê nékókè mónó yinne, ñmo nê-á sò pé n yah n kô ñ tyí, à ñmo fin mo, té Yesu pı pépi dyo yı tẽne.

Pè Yesu syı dahnı yô

²⁶ Képah sɔkɔ, păh Yesu tẽ n sɔkɔ syı-ñsah gbı nêne, pé Sirenı kwil dí yó yohnı, pé n ye Simole. A me wil swăh, me n de Yerusalemı. Pé me ñmo tẽ Yesu dahnıne, à twah mo ne, à ñ sò tẽ. ²⁷ Té tówú ñgbẽ sò me n yuku ñ náh, à tahlı syó tyí nónó-á sò me n gbo pé gbãne n kôhı pé ni yô yèkwɔrı tẽ tyí Yesu yinne. ²⁸⁻²⁹ Képah sɔkɔ, Yesu me ñ yah vi pé finne, té yo pé tyí: «Sèpın yısyó me n pi, névye kı pɔ tyah n yo ne, yòbèno-á me píkán syó tyí, ànê nónó-á pé náh pi dubi yah, ànê pé náh yãne piri kô yah. Képah ye Yerusalemı syó, yé káh ne n gbo ñmo yinne. Yé ne n gbo yé gblöy, ànê

yé wēnpì yīnne. ³⁰ Ké légbíne, névye kí pò tyah n yo tley tyí ne, sè syíkù pé yõ. Té kí yo ymò tyí ne, sè vike tũ pé yah. ³¹ Nte, pàh séswónpòle n pí sě, séswónkòkò wò tyí kí pò n pí n pí sǝ?» ³² Té pè sò me tyípèl pípú népí ní mí tò tē kyí, nónó-á kí kyí n ko n mò n pí ànê Yesule wē tyí.

³³ Pàh kyí yīni tē fí yó, nýāh-á pè n ye «Yõgbèkè tyahle», pè à syí dahnú yõ nénpò ànê tyípèl pípú népí ní mí nópilè pé tyí tyí dahlò yõ. Núkú sò me syínóle ò gbòyò sò, ní-ò me syínóle ò gběyìnè sò. ³⁴ Légbíne, Yesu me ne: «Bǝ, pàh nēne n pí, pè nàh kè pī. Képah ye, á gblǝy ye pé tyí.» Képah nàh, sràsyíbí me òdan mò, à ò flò dibi wē wró. ³⁵ Névyè sò me yīnttēnóle nénpò me n yah. Té Nsyifunò yòtām wò sò me kóle òne n ko, me yo tũ ne, wàh névyè túkù pwah mò, òtè à ò gblǝy pwah mò mó kè, òmò-à kí nê Kristale, Liyel yáhtòkòne. ³⁶ Sràsyíbí tò sò me kóle òne n ko, té nò de ò tñò, à òdivē yórénóle à kǝ, té ne, ³⁷ òmò-à kí nê Nsyifunò yòtēne, à ò gblǝy pwah mò kè! ³⁸ Té kè sò me wárkínsyínóle Yesu yòtah ne: «Nýòle, Nsyifunò yòtē ye.»

³⁹ Képah sòkò, tyípèl pípú nónó-á syí dahlò yõ, pé sòkò núkú sò me Yesule n gbyò ne, òmò kó Kristale ní? A ò gblǝy pwah mò, à mó pépi tò pwah mò! ⁴⁰ Nte, ò ní-ò me wèkí ò yõ, té yo ò tyí ne, à kó Liyel yah tíkile n pí ní, òmò nê-á me kéné yèvyāhrí núkú mē sòkò? ⁴¹ Pépi tē wò tyíle, pé yèvyāhrí pínó yah-á. Pé tyípinó kǝh-á n dyah péle. Nte, òmò tē nàh tir yó nte pí pèkèle. ⁴² Té tǝ ò syí yo Yesu tyí: «Yesu, á dyò to n kǝ òmò tyíle, wàh pò á yòtǝrí sòkò gbí nēne.» ⁴³ Yesu me yo ò tyí: «Kègbí yõ, mé kéle n yo n dal n mò á tyí ne: kwey mē nte sòkò, á kí me òmòle Liyel fǝ sòkò pal tē-nsah.»

Yesu kúnóle

⁴⁴ Gbìntǝ pǝle, gbí yah kwlò, fēntũ mò kèkǝyó pól sòkò pópó, à pò syí gbèkām gbí tyí. ⁴⁵ Nénpò swò, fwògbròkè nê-á Liyel wòkò ògbè fòkò táh kǝ kah, kè tò ké nyó. * ⁴⁶ Yesu me kah de syí ne níké: «Bǝ, mé ní minne n dahbí á gbǝ.» Képah yónteno nàh, à ku. ⁴⁷ Sràsyíbí lèkwě yòtē dí-á képah we nýāh sòkò, à tyah Liyel yīnne n gbilki me n yo ne, kègbí yõ, négbí-á sò dí mēne. ⁴⁸ Té nónó pól-á sò me pò yīn tē kéle n yah, pàh kéné tyípinó we sě, pé pól sò me pé gbǝn kǝhí pé ní yõ me n sòkò. ⁴⁹ Anê nónó pól-á sò Yesule n pne, à tahlú syó nónó pól-á sò wil Kalile kwil sòkò, à pò òne wē tyí, pé pól sò me yīn tē fíí, té me n yah.

Yesu yínóle diki sòkò

⁵⁰⁻⁵¹ Té dí yó sò me, pè n ye Yosefule. A sò n wil Nsyifunò kwil yó sòkò, nê yīn-á Arimatíle. Nsyifunò tukey túkèpu sòkò ney yó ye sò. Té pèpòrí pí-ò négbí ye sò òne. A nàh sò n de pé no téló tyí yáhtòkòne, ànê sé pínó sòkò. Anê, à sò me Liyel tǝrí pónóle n syíkí. ⁵² Nmò me kyí wil Pilatí tyí, à Yesu lékó ní ò tyí. ⁵³ Té me kyí à tiki mò dahnú yõ, té fwòle à plo, à kyí dah mò diki yó sòkò. Kéné diki sò tũ tēkí sòkò, té lékó yó nte nàh tǝnì sò dah mò yah ké sòkò. ⁵⁴ Té lésòle, gblǝy vīnsàhnó yòh ye sò Nsyifunò tyí, dendal mí mí yòh yīnne. ⁵⁵ Syó nónó-á sò wil Yesule, Kalile kwil sòkò, pé Yosefu sò tē kyí diki yõ. Pè kyí diki yah mò, ànê Yesu dáhnmo dùkùle ké

* **23:45** 23.45 - Yah n te Yebre sébéy 6.19 ; 9.1-8 ; 10.19-20 sòkò.

sɔkɔ. ⁵⁶ Képah náh, pé pé syɪ to yuku kwil sɔkɔ, à kyɪ nɪrɪnɔ́, ànê làsèkwɛ̀l pèplo yah sah lékó yinne.

Té me mɪ, pé mɪ mɪ yòh sóle, sɔ́-á kéle Liyel tyi kònsàhnó sɔkɔ.

24

Yesu yúkúnwìlnóle diki sɔkɔ

¹ Nsyifunɔ mɪ mɪ yòh-á sɔkɔ, ké dendal séngbɔ́ pú púle, syó nópi yuku sɔkɔ diki yò, pé nɪrɪ pèplo nópile, pãh sò nónó pɪ sah. ² Pè kyɪ ne n yah diki yah dáhkì me píntonɔle. ³ Pãh de diki sɔkɔ, pé náh kyɪ Tě̀ ñgbě́ Yesu lékó we. ⁴ Kãh pɪ sě́, pé fɔkɔ fil. Pãh me képah sɔkɔ, díbí népí ní mí yísyó wil pé yah, nónó wil flo-á sò me n tẽ̀ pèrr. ⁵ Tíkí tẽ̀ tyí, syó nópi pé yey sɪnki sétáh. Díbí nópi me yo pé tyí: «Kwãh nê pɪ, té nê-á min sɔkɔ, yé pɔ ñne n yah n kò diki sɔkɔ? ⁶ A náh me ásô. A ye ñ syɪ min we. Wãh lésô me Kalile sɔkɔ, té nê yo sah yé tyí, yé yé dyɔ to kò képahle. ⁷ A náh lésô ne ñkě́, Névi Pi-á yĩne à dahbɪ tyípèl pípú gbò, wãh yĩne à syɪ dahɪ yò, té ñ kúnó sèpìn tɔ́-ò sóle, à mó ñ syɪ min sán we di?» ⁸ Légbíne, syó nópi dyɔ núkú to kò Yesu weyne. ⁹ Pè me yal diki yò, à kyɪ tyi nópi pól yãh tò sáhpú népí gbònúkú syah ànê no téló pólle. ¹⁰ Makadala kwil Mari, ànê Nsyah, ànê Nsyakɪ yú Mari, ànê syó nónó-á sò me péle, pépi ye yãh tyi nópile Yesu tẽ̀ntòbe tyí. ¹¹ Nte, kéne welɔ sò me pɪ tẽ̀ pé tyí sèmɪrn sɔ́. Pé náh sě́ sé yò. ¹² Kãh pɪ sě́, Pyerɪ wɔ mó yuku to kyɪ diki yò. Wãh kɔ yah, à lékó flo ó we. N gbàn du tir mè pínó dùkùle, à me ñ syɪ to yuku ñ tĩne.

Yesu ànê tò sáhpú népí nímíne Yemayusi kwil wě̀kì yò

¹³ Ké lésô me óle, Yesu tò sáhpú népí ní mí sò me n yuku kwil yó sɔkɔ pé n ye Yemayusile. Kéne kwil ànê Yerusalemɪ wró sò me lérínó nínó kó-ńsahle. ¹⁴ Tyi nónó-á pɪ, pé sò me sépi yáhnó sɔkɔ wě́ tyí. ¹⁵ Pãh me yáhkì ànê wě́ vɪnmɔnɔ sɔkɔ gbí nêne, Yesu me pɔ kwɔ mɔ pé sɔkɔ, à wě̀kì pɪ núkúle péle.

¹⁶ Nte, kè sò pɪ á kɪ ne pé yah sò me syí, pé náh sò me tẽ̀ we à yah pĩ yĩne. ¹⁷ Képah sɔkɔ, à me pè piki yah ne, tir nê se pè n yãh, té n kɔ nɪ? Pè me yĩn, té me yèkwɔrɪ sɔkɔ sě́. ¹⁸ Té pé sɔkɔ ney núkú yó sò me, pé n ye Klewopastle. Nmɔ me yo Yesu tyí ne, ñmɔ gblɔy ó se me Yerusalemɪ sɔkɔ, tyi nópi pí-ńkě́ne, nónó-á pɪ ké sɔkɔ sèpìn nópi sɔkɔ nɪ? ¹⁹ A me pè piki yah ne, sépi se pɪ tyi nónóne nɪ? Pè me yo ñ tyí ne, tir nê-á pɪ Nasaretɪ Yesu tyí sɔkɔ kè: Nmɔ nê-á sò pɪ Liyel tẽ̀ntò syínyo-ò nétáhkìle ñ tyípínì ànê ñ wey sɔkɔ, Liyel yah ànê névyè pól yah sɔkɔ. ²⁰ Nte, pé sárká wìlkìpu yòtã̀m, ànê pé kwil yahtã̀m pɔ à tẽ̀ kò ne, pé ko mɔ. Pè me à syɪ dahɪ yò. ²¹ Té pépi tẽ̀ wɔ-á sò me n sò ne, ñmɔ-á kɪ pɔ Yisrayel tã̀n wilki n pi yòrɪ sɔkɔ. Nte, sépi pól sɔkɔ, kéne tyi pínsɔkɔnɔ sèpìn tɔ̀nì-á kweyne yò. ²² Gbɪ-á pépi mù sɔkɔ, syó yísyó-á pɔ pé fɔkɔ fil tẽ̀ wɔle. Pépi-á sò yuku sɔkɔ séngbɔ́ pú púle diki yò, ²³ pãh kyɪ lékó yah kwɔ sě́, pé pé syɪ pɔ yo pé tyí ne, yĩnyò tẽ̀ntònè yísyó ñtẽ̀-á wil pépi yah, té yo pé tyí ne, wãh me min sɔkɔ. ²⁴ Pépi sɔkɔ névyè tókù me kyɪ diki yò sɔkɔ, té ñtyíno kyɪ tyi nópi pól we, sɔ́-á sò syó yo séle, té pè náh Yesu wɔ we.

²⁵ Pãh yo sě, Yesu me yo pé tyí: «Lékám kě névye, yépi náh n kwãh n sě Liyel těntò syínyopu welo pól yónó yõ! ²⁶ Krista náh sò yĩne à yèvyãhrı pı sě, à mó pyé de ñ tǒrí soko di?» ²⁷ Té ñ syı, à tyı pól òkù yo wah pé syah, Liyel wey sébéynó-á nónó yo ñ tyı soko, à tyah Moyisi tyíyónsahnı tyı pópó, à kyı syı Liyel těntò syínyopu tyínó tyı. ²⁸ Képah tēne, pãh pò yĩni tē pé yúkú-ńsah kwille yúkey, Yesu pı á kı ne à sǒ yõ n soko yahle. ²⁹ Nte, pé me à fal ne, à wũ pépile, nkě gbı-á me tiki mo, lékãh-á me n tyah mónóle. Pãh yo sě, à me de gbô soko, à wũ péle. ³⁰ Té wãh pò tē, à n tyah yõke yónóle péle gbı nēne, à me búrn tǎko, té wéki Liyel tyı, té kè kwóki pé kǒ. ³¹ Képah soko, pé yah pı kyòo, pé à yah pı. Nte, pé núkú à yah kwlo pé tnô. ³² Pé me tyah n yo wě tyı ne, wãh sò n yãh péle wěki yah gbı nēne, à Liyel wey sébéynó soko tyı òkùle n yo n wah péle n syah, pé nı kó sò me kãhnvınole nı?

³³ Nénpó swò, pé núkú yuku, à pé syı soko Yerusalemı, à kyı tò sãhpú népı gbõnúkú ànê pé kò mú we tükènmontēnóle. ³⁴ Pépi me yo ními nópi tyı: «Gbı yõ, Tē ñgbě Yesu yuku wil diki soko. A ñ gblõyne Simò wěki.» ³⁵ Pãh yo sě, tyı nónó-á mó pı népı ními nópi tǎ tyı wěki yah, ànê pãh Yesu yah pı sǒ, ñ búrn dibi òkù soko, pé mó sè yãh pé syah.

Yesu ñ gblõyne ñ tò sãhpú wěki

³⁶ Képah tēne, pãh me képah yónó soko sě, Yesu núkú wil mo pé nyóó, té yo pé tyı: «Yèvıni ne me yéle.» ³⁷ Tíkı tē tyı, pé lékám vye fěki. Pé sò me n sò ne, némırkı yó-á pé we. ³⁸ Képah soko, Yesu me yo pé tyı: «Kwãh nê pı, té yé lékám vye fěki? Kwãh nê pı, té yéle tǎtò soko sě? ³⁹ Yé yah ní gbãhne ànê ní gbyêhne: Nmo ye gbı yõ! Yé tũ yah ní tyı, yé kı wil gběnsé ànê gbèl we ní tyı. Sé kénkǒ se me némırkı tyı?» ⁴⁰ A me képah yónó soko, té ñ gbãh ànê ñ gbyêhne pé wěki. ⁴¹ Nte, nıvıni ànê gbëndünı tē tyı, pãh tē sě kwlo ké yõ sě, à me pé piki yah ne, yõ yõ kwãh se me pé tyı ásò nı? ⁴² Pé me yěnkô fyénó yen yóle à kǒ. ⁴³ A me kè syı, té kè kò pé yı yah.

⁴⁴ Képah náh, à yo pé tyı: «Képah ye lésò mé yo yé tyı, máh lésò me ànê yéle gbı nēne ne nkě, tyı nónó pól-á wãrki sah nmo tyı soko Moyisi tyı sãhnó sébéy soko, ànê Liyel těntò syínyopu sébéynó soko, ànê yıgbıni sébéy soko, sé pól-á kı pı tũ.» ⁴⁵ Képah soko, à pé lékám yıki mo Liyel wey sébéynó soko tyı òkù pı yĩnne, ⁴⁶ té yo pé tyı: «Kè pı, sǒ-á sò kéle wárkınsãhnóle ne nkě, Krista-á kı yèvyãhrı pı ku, té kı ñ syı yuku ñ kúnó sèpın tǎ-ò sóle. ⁴⁷ Nmo yın yõ, Liyel wey-á kı yo kǒ, à tyah Yerusalemı fóó, à kyı syı kèkõyó kwlo kwlo pól tyı ne nkě, névye Liyel wěki tē, pé mó tyípél yõnmõno we. ⁴⁸ Yépi ye pı kéne tyı tãrfyõnóle. ⁴⁹ Té nmo sú-á ñ vyãh kǒ ne, pãh kı nēne yé kǒ, mé kı à tekı mo yé kǒ. Nte, yépi tē wo tē kwil mè soko fóó, yé pò tãhkı we nê-á kı wil yĩnyõ.»

Yesu yõndokõnole yĩnyõ

⁵⁰ Képah náh, só yóle, Yesu pé tē, à yuku péle Betanı kwil tĩnne. Pãh yĩni tē nénpó, à ñ gbãh yõ yĩnyõ, à sãm mo pé soko. ⁵¹ Té, wãh me sãmne n mo pé soko gbı nēne, à gbé wil pé soko, à yõ dokõ soko yĩnyõ. ⁵² Tò sãhpú tē wole, pépi-á à gbilki tē, pé pé syı soko Yerusalemı, nıvıni ñgběne pé soko.

⁵³ T́é gb́ímegb́í, pè náh sò mé n yah n kwlo Liyel wòkò ògbě ḱéntáhk̀i sokò, n ne n mé Liyel ýinne n gbilki.

Nsyõ-á Nìvìnì tir nê wãrkı Yesu tyí soko

Yesu nê-á Liyel Pi núkúníne, ñmo ye weyne nê-á min nétêne

¹ Tyi pól tyah gbíne, nê-á weyne,* à lésõ me. A lésõ me ànê Liyelle. Liyel ye ñne. ² Ñmo ye lésõ me ànê Liyelle tyah gbíne. ³ Yiyìn pól mo ñmo gbò yõ soko. Yì nónó pól-á mo, sé keyáh ntě náh mo né ñmo náh. ⁴ Ñmo soko ye min n we. Kéne min ye kyòole névye tyí. ⁵ Kè me kō tē kyòo fěntú soko, té fěntú náh tē we ké yah kō.

⁶ Képah soko, Liyel po dí yó tō, nê yīn-á Nsyõne.† ⁷ Ñmo ye po kyòo mē tyí yo wah névye tyí, ne pé pól we sē ké yõ soko ñmo gbò yõ. ⁸ Ñmo náh sò kyòo mēne, ñte ké tyí yónwáh-nsah ye sò à po. ⁹ Wey mēne, kyòo kègbı ye sò kéle, nê-á po kèkōyó soko, à po pi kyòole no pól tyí. ¹⁰ Té nê-á wey mēne, à sò me kèkōyó soko. Kèkōyó mo ñmo gbò yõ soko, ñte képah fyé yõ, kèkōyó névye náh tē we à yah pī. ¹¹ N yēngbē tyah soko ye à po, té ñ no náh à tē ple. ¹² Nte nónó tē wo-á à tē ple té sē ñ yõ, à tēnwenole pépi kō pè pi Liyel wēnpīle. ¹³ Nte tó soko dubi dukù, képah náh pi wil gběnsé dékè, képah náh pi névi dyo yī tē soko náh pè pi Liyel wēnpīle dé! Liyel gbò yõ soko ye pè we.

¹⁴ Wey ye vi mo pi névile à po twah tē á wró. Yòbènrı pí-ò ye ñne, ànê à me gbı ó ñ tōó. Ñmo nê-á Liyel Pi núkúníne, á ye ñ tōrí we, tōrí nê-á à we syi ñ Sú tyí. ¹⁵ Ñmo tyí ye lésõ Nsyõ yo tū léyy ne nkē: «Ñmo tyí soko ye mé lésõ kè yo ne nkē: «Ñnı kı n po n pi ñmo tyí náh, té à me te té ñmo dubi, képah ye à kal ñne.» ¹⁶ Api me yòbènrıle n tō n we n yuku ñ nìgbèkì tnónkàhnmōno gbò yõ, ñmo nê-á Yesule. ¹⁷ Moyisi gbò yõ ye Liyel ñ tyi kònsàhnóle á kō. Ñte Yesu nê-á Liyel ney yáhntokōnole, ñmo wo gbò yõ soko ye yòbènrı ànê gbı wo we. ¹⁸ Ñnı yó ntě yí náh tē yah Liyel yõ. Ñte ñ Pi núkúnı nê tyí-á yo soko, ñmo nê-á Liyelle, té me Sú Liyel tnó, ñmo ye Liyel dukùle á wēkı.

Wèlnwìlkì-ò Nsyõ-á ñ gblōy tyí dukù yo wah sō

¹⁹⁻²⁰ Nsyifuno yõtām lésõ Yerusalemı kwil sárká syínwìlkıpu, ànê Levi yìkì névye yísyó tō Nsyõ tyí, pè kyı à piki yah ne, ñmo tē se ne nê ó-á péwole nı? Nsyõ náh yahle ké yónóle pé tyí dé! A kè yo dal mo pé tyí pnéyy pé pól yí yah ne, péwo náh Liyel ney yáhntokōnole. ²¹ Képah soko, pè me ne, ñte nê se ñmole nı? Nkē ñmo se Yelile‡ nı? Nsyõ me pè syah ne, ñmo náh péwole. Pè ne, ñte Liyel tēntò syınyo-ò§ nê-á kı n po n pi, ñmo se ñne nı? A me ne ñ-á. ²² Képah tēne, pè ne, ñte ñmo tē se ne nê ó-á péle nı? A kè yo pé syah pé kō pé kyı we yo pé tópu tyí kè. Nkē sō se à kı yo ñ

* **1:1** 1.1 - Wey nê tyí-á n yo ásò soko yò, Liyel Pídı Yesu ye. Légbíne à náh tōnı sò me pi névile. Yah n te Nsyõ 1.14. † **1:6** 1.6 - A wil Nsyõ 1.42 ànê Nsyõ 21 tyí soko, Nsyõ sébéy mē pól soko, yáh fyò Nsyõ yīn we wárkınsàhnóle nıyáh soko, wèlnwìlkì-ò Nsyõ ye pè n ye. ‡ **1:21** 1.21 - Yelile, Liyel tēntò syınyo-ò ye lésõ ñne, té à po à yõ dokò soko yīnyò. Kè me yónóle Malaki 3.23 soko ne, wáh kı ñ syı po Liyel ney yáhntokōno pónó tyi tō sah. Képah ye Nsyifuno kō pè Nsyõne n piki n yah ne Yeli se ñmole nı? § **1:21** 1.21 - Nsyifuno gbò sàhnó sò me Tōnyono sébéy 18.15-22 wey yõ soko ne, Liyel-á kı ñ tēntò syınyo-ò teki mo n pi Moyisi tyí kōle.

gblõy tyí soko ni? ²³ Képah soko, Nsyõ me ne: «Ñmo tyí ye lésõ Liyel tẽntõ syínyo-ò Yesayi yo sah ñ wey soko ne, ñnî yínpõ-á me n dokõ gbẽnni soko ne ñkẽ: <Yé wẽkì tõ sah Tẽ ñgbẽ yinne!>»*

²⁴ Nte nónó-á sò pè tõ Nsyõ tyí, Farisi wẽkì kópú ye sò péle. ²⁵ Pè tõ à piki yah ne, ñmo-à ñkẽne Liyel ney yáhtokõnõle, képah náh pì Yelile, képah náh pì Liyel tẽntõ syínyo-òle, ñte kwâh nê se pì té à névyele n wel n wilki ni soko ni? ²⁶ Képah soko, à yo pé tyí ne: «Ñmo tẽ wõ me nole n wel n wilki ni soko, ñte ñnî me yépi wró, nê-á yé náh ñne n pne. ²⁷ Ñmo kì n pò n pì ñmo tyí náh. Té ñmo ñtẽ fóroo kah ñ lékyêh mno fyé dénmonõle.» ²⁸ Kéne tyi pól sò pì Betani kwil soko, Nsyurdẽ yónkahnne. Nénpó soko ye sò Nsyõ n wel n wilki nole ni soko.

Tyípêl tẽnyõ-òle

²⁹ Ké dindalle, Nsyõ-á Yesu we à me n pì ñ tnô, à ne ñkẽ: «Yé yah, Liyel-á kópókí† nê tekì mo kékõyó névyé tyípêl tẽ yõ yinne, ñmo ye yò. ³⁰ Ñmo tyí soko ye mé lésõ kè yo ne ñkẽ: <Ñnî kì n pò n pì ñmo tyí náh, té à me te té ñmo dubi, képah ye à kal ñne.>» ³¹ Ñmo ñtẽ tó náh lésõ ñne n pne. Nte yáh we mé pò wèlnwìlkinóle n pì ni soko, ñ dukù ye mé Yisrayel tãne n wẽkì.»

³²⁻³³ Nsyõ tyíyókè mè yo Yesu tyí soko ne ñkẽ: «Liyel nê-á tekì mo ñne ne mé wèlnwìlkinóle n pì ni soko, à lésõ yo ñ tyí ne ñkẽ: <Wáh kì Liyel Mirki we kè tiki pò tẽ nê yõ, ñmo ye kì névyele n wel n wilki Liyel Mirki soko.> Ñmo ñtẽ náh lésõ ñne n pne. Nte mé pò Liyel Mirki we kè wil yínyõ à n tiki n pì kèpíkí tyí kòle, à pò tẽ ñ yõ. ³⁴ Mé ye kè we yíne. Képah ye mé kéle n yo n dal mo ne, Liyel Pídí-á dí mène.»

Yesu tò sáhpú négbrole

³⁵ Té dindalle, Nsyõ tõ sò me nénpó ànê ñ tò sáhpú soko népì ními yísyóle. ³⁶ Wáh Yesu we à pò n soko à ne ñkẽ: «Yé yah kópókíle, nê-á Liyel tekì mo.» ³⁷ Képah tẽne, Nsyõ tò sáhpú népì ními nópi-á ñ wey mè noh sã, pè kò Yesu náh. ³⁸ Yesu-á vi yah té pé we pè me ñ sò tẽ, à pè piki yah ne, kwâh nê se pè n yah n kò ni? Pè me à ye Wrabile, nê kór-á kwó-ò díne. Té à piki yah ne, ñ twáhntẽ-ñsah se me ñyãh soko ni? ³⁹ A me yo pé tyí ne, pè pò, pãh kì kyì kè we. Pè me ñ sò tẽ kyì ñ twáhntẽ-ñsah we lérínó gbãm-ò kénkõ soko.‡ Képah soko, pè me wũ ñ tyí, à lésõ gbìyìkì téy pì.

⁴⁰ Nsyõ tò sáhpú népì ními nónó-á sò ñ wey noh té Yesu sò tẽ, pé soko núkú yó yín ye Andrele. Simo-Pyeri yúnpi ye sò ñne. ⁴¹ Andre-á yal nénpó, kéne Simo-Pyeri tyí ye à kyì wil gbenne, ñmo nê-á ñ nénkyídíne, té yo ñ tyí ne ñkẽ: «Ápì Krista we.» Krista kór ye Liyel ney yáhtokõnõle. ⁴² Képah soko, à Simo tẽ yuku Yesu tyí. Yesu-á Simo we, à à yah, té yo ñ tyí ne, Nsyõ§ Pídí Simo-á ñne, té páh kì yín yó dyì à kò Sefasile. Wáh noh ne Sefasi-á, ké kór ye légbíle. Kéne yín ye tõ pè n ye Pyerile.

* **1:23** 1.23 - Yah n te Yesayi 40.3. † **1:29** 1.29 - Yah n te Yálnó 12.3. ‡ **1:39** 1.39 - Gbí nê tyí-á n yo ásò soko yò, Nsyifuno lérí yãh dukù soko, méndwõ gbí (16 h) kénkõ tyí ye pè n yo. Té Wrome tãn wõ lérí yãh dukù soko, põy tõ gbí tyí ye pè n yo. § **1:42** 1.42 - Nsyõ nê tyí-á n yo ásò soko yò, tükù ñne n ye Nsyonasile.

⁴³ Ké dīndalle, Yesu kè yah tɔkɔ nɛ, páh kɪ yuku Kalile gběnyah sɔkɔ. Wáh Filipi wɛ, à yo n̄ tyí nɛ, à pé sò tē. ⁴⁴ Betisayida kwil nɛy ye sò Filipilɛ. Kéne kwil tãn ye sò Andre ànê Pyerɪ tɔlɛ. ⁴⁵ Képah náh, Filipi kyɪ wil Natanayelɪ tyí, té yo n̄ tyí nɛ n̄kē: «Moyisi tyi kònsàhnó ànê Liyel tēntò syínyopu-á nê tyí yo sah, á ye à wɛ. Nsyosefu pídí Yesu ye. A n wil Nasaretɪ kwil.» ⁴⁶ Wáh yo sē, Natanayelɪ à syah nɛ, kwáhgbí se kɪ fē wil Nasaretɪ kwil sɔkɔ nɪ? Filipi mɛ yo n̄ tyí nɛ, à pɔ n yah. ⁴⁷ Képah sɔkɔ, Yesu-á Natanayelɪ wɛ à n pi n̄ tnô, à nɛ n̄kē, Yisrayel nɛy tótó-á yò, nê-á yīnvī náh mɛ n̄ sɔkɔ pólle. ⁴⁸ Natanayelɪ mɛ nɛ, n̄yáh sɔkɔ se à pī péle nɪ? Yesu mɛ yo n̄ tyí nɛ, Filipi-á pópó n̄nɛ n ye, gbí nê-á sò à mɛ sènsóké séswô sò sɔkɔ, páh sò mɛ n̄nɛ yah. ⁴⁹ Képah sɔkɔ, Natanayelɪ mɛ nɛ: «Kwó-ò dí, Liyel Pídí ye ále. Áwɔ ye Yisrayel tãn yòtēnɛ.» ⁵⁰ Wáh yo sē, Yesu mɛ à syah nɛ, páh yo n̄ tyí nɛ páh sò mɛ n̄nɛ n yah, gbí nê-á à mɛ sènsóké séswô sò sɔkɔ, képah kó à kō à sē pé yō nɪ? Nte n̄ yí-á kɪ tō n̄ tē n pi tyí-n̄gbnɔ yō kɪ kal nópilɛ. ⁵¹ Té tō n̄ syɪ yo pé tyí nɛ: «Kègbɪgbɪ tē yō, mé kéle n yo yé tyí, yé kɪ yīnyō wɛ yíkinmɔnɔlɛ, té yīnyō tōnpɪbɪ kɪ mɛ n dɔkɔ, té kɪ n tiki Névi Pídí* yòtah sɔkɔ.»

2

Fúr syáh nê-á syah Kana kwil sɔkɔ

¹ Képah náh, ké sèp̄n̄ tō-ò sōlɛ, fúr syáh yó sò mɛ n syah Kana kwil, Kalile gběnyah sɔkɔ. Yesu yú sò mɛ ké sɔkɔ. ² Té pé sò mɛ Yesu tɔ ye ké sɔkɔ, ànê n̄ tō sáhpúle. ³ Páh mɛ fúr syáh mɛ sɔkɔ, ðivē pɔ tɛkɪ. Káh pɪ sē, Yesu yú mɛ yo n̄ tyí nɛ, ðivē-á mɛ tɛkɪ no tyí dé! ⁴ Yesu mɛ yo n̄ tyí nɛ, kwáh nê se à n yah n̄ kō pé tyí nɪ? Pé gbí náh tōn̄n̄ sɛ. ⁵ Képah sɔkɔ, n̄ yú mɛ yo ðivē díbípú tyí nɛ, wáh kɪ fyò pɔ tyi nónó yo pé tyí, pé sé pól pɪ. ⁶ Té dyèh yàhn̄pní kénúkò sò mɛ Nsyifunɔ gbl̄y tōnsàhnó* yīnne à yīne pé tyi kònsàhnóle. Sé núkú núkú pól sò mɛ lítir̄n̄ lèkwèkwe kénkōle. ⁷ Dō Yesu mɛ yo pé tyí nɛ, pé ni mɔ pní nópi yíyīle. Pé mɛ ni mɔ sé yíyīle. ⁸ A mɛ nɛ, núkúnúkú pé tãh kyɪ tyi yah wáh-ò dí kō. Pé mɛ tãh kyɪ à kō. ⁹ Képah sɔkɔ, tyi yah wáh-ò dí-á kè wɔ yah, kè sò mɛ vi mɔ pɪ ðivēnɛ, té à náh sò mɛ kéne ðivē wíl-n̄sah pī. Nte ðivē díbípú nónó-á sò di mɔ yɔlɛ, pépi wɔ sò ké wíl-n̄sah pī. Képah sɔkɔ, dí mɛ fúr pí-ò dí ye, ¹⁰ té yo n̄ tyí nɛ, no pól-á n̄kēne ðivē pènèkì n̄gbò dibi. Névyɛ-à wɔ kè syō pé sɔkɔ gbí n̄nɛ, nê-à mɛ nónyí-n̄kēne, pé n pyè képah dibi. Nte n̄mɔ pyè ðivē pènèkì tē wɔ koh sah à pɔ no yīnkō gbí tyí nɪ?

¹¹ Képah ye pɪ Yesu gbíl tyípíní gbenne, à n̄ tōrí wēkɪ. Káh pɪ sē, n̄ tō sáhpú mɛ gbah sē n̄ yō. A gbíl mɛ pɪ Kana kwil, Kalile gběnyah sɔkɔ. ¹² Képah náh, n̄mɔ ànê n̄ yú, ànê n̄ yúnpyé, ànê n̄ tō sáhpú tiki yuku Kapernayumi kwil sɔkɔ. Té sèp̄n̄ kwéy ó ye pé pɪ n̄n̄pó.

Gbòyibi yīn̄wilk̄n̄óle Liyel n̄-nsah gbô sɔkɔ

* **1:51** 1.51 - Yesu-à Névi Pídí tyíle n yo, n̄ gbl̄y ye à n ye. * **2:6** 2.6 - Dyèh yàhn̄pní ànê gbl̄y tōnsàhnó nê tyí-á n yo Liyel yah sɔkɔ yò, Nsyifunɔ n̄kēne ni mɔ n sah kéne yàhn̄pní sɔkɔ, té páh wil kóló sɔkɔ, képah náh pɪ, páh n tyah yōke yónóle, pé pé gbl̄y kām n wel sépi nine, n̄ pé gbl̄y tō n sah Liyel yah.

13 Té Nsyifunõ yõru tyénó syáh-á sò me de n te sě, Yesu me dokõ yuku Yerusalemı kwil sokõ. 14 Wǎh kyı Liyel ní-ńsah gbõ sokõ, à kyı ne n yah gbõyĩbı me gbõle n yĩ ké sokõ. Túkù me nyehle n yǎm, túkù me képyénìne n yǎm, túkù me kèpíkípíkínõle n yǎm, té túkù to mó me pò pé pó duke dukenõ mõ sah tabálnó yõ, me séle n sah n tũ. 15 Képah těne, Yesu mno yısyó pı yèfõhle, té gbõyĩbı nópi pól yĩni wilki kéle Liyel ní-ńsah gbõ sokõ, à tahlı pé képyénì ànê pé nyeh tyí. Té pó sahntũpu tabálnó tu wilki mõ, pé pónó kõ sè kwẽ. 16 Képah sokõ, té yo kèpíkípíkínõ yǎmpu tyí ne, pè sè pól tokõ n yal ásõ. Pè káh pé Sú Liyel gbõle n pı gbò yĩ-ńsah gbõle. 17 Wǎh fyò képah yo, n tò sáhpú dyõ nukú to kõ Liyel wey sébéy fı yó tyíle, nıyǎh sokõ-á kè me wárkínsàhnõle ne nkě:

«Liyel, á wòkò tyí nõ yĩ ní tyí, fókó ké tyí sõnõ n pı ní ko ko těne.»†

18 Képah sokõ, Nsyifunõ yõtǎm Yesu syah ne, gbıl tir nê se à kı fě pı, nê-á n wěki ne, yĩ mè pínó wěki-á me n tyí nı? 19 Képah těne, Yesu me pè syah ne nkě, pè Liyel ní-ńsah gbõ mè sõ, páh kı kè tõ mõ sèpın tõnı sokõ. 20 Wǎh képah yo sě, Nsyifunõ yõtǎm à syah ne, è, gbõ nêne mõ ye tikinini pó kénúkò sokõ, n mõ kı pò képah tõ mõ sèpın tõnı ó sokõ nı? 21 Nte Liyel ní-ńsah gbõ nê tyí-á sò Yesu n yo, képah ye kı sò n pı n pi n wil gběnsêle. 22 Képah náh, Yesu-á pò ku té yilki mõ gbı nêne, n tò sáhpú dyõ to kõ ne wǎh lésõ kè yo sah. Képah sokõ, pè sě Liyel wey sébéy yõ sokõ, té sě Yesu welõ yónsàhnó to yõ.

Yesu névye pól fokõ sõnõle n pne

23 Té Yesu-á sò me Yerusalemı sokõ, Nsyifunõ yõru tyénó syáh mè syáh-ńsah, à sò me gbıl tyile n pı névye me n yah. Káh pı sě, névye náhnáh sě n yõ. 24 Nte Yesu sò me pé pól fokõ sõnõle n pne. Képah ye, n mõ tě wõ náh sò me sě pé yõ. 25 A névi nı kèdúkule n pne. Képah ye, à pò névi kèdúkù tě yo n tyí, ké yétõ náh sò me n tyí.

3

Yesu ànê Nikodemı wě wénõle

1 Nsyifunõ sokõ, yěntě yó lésõ me pè n ye Nikodemıne. A sò me Farisi wěki kópú sokõ. 2 Sõ yó lékǎhne, à kyı wil Yesu tyí, té yo n tyí ne kwó-ò dí, gbıl tyi nóno-á n mõ n pı yò, n nı yó n tẽ náh fě sěnknole ne n pı n pi, né Liyel náh me těne. Képah-á, páh pı ne n mõ-á kwó-òle, nê-á Liyel tekı mõ. 3 Yesu me yo n tyí ne: «Kègbıgbı tě yõ, mé kéle n yo á tyí, n nı yó n tẽ náh fě Liyel tõrı we n pi, né tě náh tõ dubi késǎnne.» 4 Képah sokõ, Nikodemı ne, nte névi wǎhnmontenõ náh, sõ se képah kı fě pı nı? A se kı fě n syı de n yú fokõ sokõ, kı tõ dubi ke ní-òle nı? 5 Yesu me tõ yo n tyí ne: «Kègbıgbı tě yõ, mé kéle n yo á tyí, n nı yó n tẽ náh fě n de n pi Liyel tõrı sokõ, né tě náh tõ dubi ni, ànê Liyel Mirki gbõ yõ. 6 Névi nê-à dubi névi tyí, névi ye těne. Té névi nê-à dubi Liyel Mirki gbõ yõ, Liyel Mirki n ne n me tě sokõ. 7 Káh n ye kè á gbǎn du, mǎh sõnpule yo á tyí ne, yáh yıne yé tõ n dubi késǎnne. 8 Nyǎh-à yǎhkı dyõ, nénpó ye kè n ne n pı n yuku. A kı ké pínó

† 2:17 2.17 - Yah n te Gbálnó 69.10.

yĩne n nohni, té á náh n pĩ n pi nýãh soko-á kè wil, ànê kãh n yuku nýãh. Névi nê-à dubi Liyel Mirki gbõ yõ, tẽ to tyí n ne n me sɛntɛne.»

⁹ Wãh yo sɛ, Nikodemu tõ ne, sõ se képah ki fɛ pi ni? ¹⁰ Yesu me yo n tyí ne: «Áwole tyi kònsàhnó kwó-ò ngbɛne Yisrayel soko, té á náh képahle n pne ni? ¹¹ Kègbıgbı tẽ yõ, mé kéle n yo á tyí ne, áyáh nêne n pne, képah tyí-á à n ne n yo. Áyáh nê we, à n pi képah tyí yónwàhpule. Nte yé náh me séle n fɛ n syi. ¹² Mâh sétáh yõ tyile n yo yé tyí té yé náh me sɛ sé yõ, mâh po yĩnyõ tyile n yo yé tyí, yé ki pyɛ fɛ sɛ sépi yõ sõ? ¹³ Nnî yó nítê náh doko kyı yah yĩnyõ soko, à wil Névi Pídí tyí soko, ñmɔ nê-á wil yĩnyõ à tiki po. ¹⁴ Sõ-á lésõ Moyisi wahy kètò pi yésãhrile gbɛnni soko,* à doko mɔ sah dahnı yõ, Névi Pídí to yĩne à doko mɔ sɛntɛne. ¹⁵ Képah soko, névi nê-à sɛ n yõ, tẽ ki tyé-ńkɛ min we. ¹⁶ Yah, kèkõyó névyé tyí ye kah no Liyel tyí, képah ye à n Pi núkúnı tekı mɔ, ne névi nê-à sɛ ñmɔ yõ, tẽ tyí káh yıki, nte tẽ tyé-ńkɛ min we. ¹⁷ Liyel tẽ wɔ náh n Pídí tekı mɔ kèkõyó soko ne, à po lékãhle névyé kɔ pé tyípêl yĩne dé! A ye à tekı mɔ ne, kèkõyó névyé pwáhnmɔnɔ we ñmɔ gbõ yõ. ¹⁸ Névi nê-à sɛ ñmɔ yõ, tẽ wɔ náh tõ n tuke n pi. Nte nê-à yahle sɛnóle ñmɔ yõ, tukey syıki te tẽ yõ, wãh sɔnpı yahle sɛnóle Liyel Pi núkúnı yõ. ¹⁹ Tukey mɛ we yò: Kyò ye po kèkõyó, té névyé tyípínó-á pi tyítúkúnıne sɛ, fɛntũ tyí no kal pé tyí kyòle. ²⁰ Névi nê-à tyítúkúnıne n pi, kyò tyí náh n no tẽ tyí gbógbó. Tẽ n pĩ ne páh ki po kyò yah, pé tyítúkúnı pínó-á ki wil mɔ kwèyy. Képah ye, à náh n po kyò yah soko. ²¹ Nte névi nê-à gbı wɛkılle n kɔ, ñmɔ n po kyò yah soko. A n ne n me ké tyí ne, no pé tyípínó we pnéyy sépi nónó-á me n pi Liyel dyɔ dyɔ tɛne.»

Nsyõ-á nê yo Yesu tyí soko

²² Képah náh, Yesu ànê n tò sãhpú po tẽ yah Nsyude gbɛnyah soko. A sò me névyele n wel n wilki ni soko. ²³ Té ni-á sò me dò Yeno kwil soko sɛ, képah ye Nsyõ to mó me wèlwilkinóle n pi nɛnpó. Névyé sò me n po n po n tyí, à kɔ à péle n wel n wilki ni soko. Nɛnpó sò me yúkey Salimi kwille. ²⁴ Légbıne, pé náh sò tɔnı Nsyõ dah mɔ wòkònpèkè soko.

²⁵ Képah soko sò yóle, yékãb yó de Nsyõ tò sãhpú ànê Nsyifu yó wró, pé gblõy tõ n sah òkù tyí yõ, à yĩne pé tyi kònsàhnóle. ²⁶ Kãh pi sɛ, Nsyõ tò sãhpú me Nsyõ nyáh sò kyı yo n tyí ne ńkɛ, pé kwó-ò dí, dí nê-á lésõ ñne Nsyurdɛ yónkahnıne, té à n tyile n yo pé tyí kè; à yah, n to-á me yuku névyele n wel n wilki ni soko. Té no pól-á me pé yah mɔ ñmɔ tĩne. ²⁷ Nte Nsyõ me yo pé tyí ne ńkɛ: «Né Liyel náh yĩn-ńsah nêne névi kɔ, tẽ se ki fɛ kè we? ²⁸ Yépi nítê ye ñmɔ tãrfyòle ne máh lésõ kè yo dal mɔ yé tyí ne ñmɔ náh Liyel ney yáhntòkòle. N tɛntò ó-á mé po pí-ńsah n yahle.† ²⁹ Yé yah, nê tyí-á sépılle, n pe ye. Té pe mɛ kódí n mó ne n me pe mɛ tnô. Kódí mɛ-à pe mɛ we nıvıni soko, kè n pi nıvıni ngbɛne n tyí. Sɛnkõ nıvıni ye ñmɔ soko. N ni me vi syı ké yĩn tyí. ³⁰ Wãh yĩne kè ne n mɔ ñmɔ yĩn wılno yõ, kwáh mó ne n wilki ñmɔ tyí soko.

³¹ Névi nê-á n wil yĩnyõ, ñmɔ ye no pól yõ. Té névi nê-á me sétáh mɛ yõ, sétáh mɛ névi ye ñne. Sétáh mɛ yõ tyi ó ye ñmɔ ki fɛ n yãh dò. Nte, nê-á

* **3:14** 3.14 - Yah n te Yáhnó 21.4-9. † **3:28** 3.28 - Yah n te Malaki 3.1.

n wil yĩnyõ, ñmɔ me no pól yõ. ³² Wǎh tyi nónó we, té tyi nónó noh, sépi tyí ye à n yo n wah, té ney náh me ñ wey fě syi. ³³ Nte nê-à ñ wey fě syi, tẽ me kéle n wěki tótó ne gbi-á Liyel weyne. ³⁴ Ñmɔ nê-á Liyel tekɪ mɔ, à ñ Mirkile à kǒ yĩ. Liyel wey ye à n ne n yo. ³⁵ Sú Liyelle, ñ Pídí tyí nɔ ñ tyí. Képah ye à tyi pól dahbi ñmɔ gbò. ³⁶ Névi nê-à sě Liyel Pídí yõ, tẽ ki tyé-ńkě min we. Té névi nê-à yahle sěnole ñ yõ, tẽ náh kéne min we n pi. Liyel pèkè ki me tẽ yõ gbímegbí.»

4

Yesu ànê Samari pi yóle

¹⁻³ Képah sɔkɔ, Farisi wěki kópú sò noh ne Yesu-á me tò sáhpúle n we, me péle n wel n wilki ni sɔkɔ à kal Nsyõne. Té Yesu nítě náh sò n wel n wilki névyele ni sɔkɔ ñ gblõy dé, ñ tò sáhpú ye sò n pi ké tòle. Képah sɔkɔ, Yesu-á pɔ képah yónó noh gbí nêne, à yal Nsyude gběnyah sɔkɔ ànê ñ tò sáhpúle, à ñ syi n yuku Kalile gběnyah sɔkɔ. ⁴ Té képah wɔ sɔkɔ, à sò yĩne à Samari gběnyah kɔ kah. ⁵ Wǎh n yuku, à kyɪ yĩni tẽ Samari kwil yó sɔkɔ, pè n ye Sikarle. Kéne kwil me Nsyosefu swǎh tnô, nê-á lésò ñ sú Nsyakɔbi à kǒ. ⁶ Té Nsyakɔbi kwlèy sò me nénpó. Yesu-á wil kóló sɔkɔ té kwlo, à sò me kyɪ kǒ tẽ kéne kwlèy yõ. Té gbí sò me yòtah sírr kénkǒ sɔkɔ.

⁷ Képah sɔkɔ, Samari pi yó-á pɔ yɔ dí-ńsah, Yesu me à syah ne à nine pé kǒ pé wɔ. ⁸ Té légbíne, Yesu tò sáhpú sò me sɔkɔ yòke yáhdwe-ńsah kwil nyó. ⁹ Képah sɔkɔ, Samari pi me à syah ne, kè se pi sǒ té ñmɔ nê-á Nsyifule, à ki pɔ wɔ wɔ nine n ni péwɔ Samari ney tyí ni? Kègbi tẽ yõ Nsyifunɔ náh ntyínɔ sò n pi n soh wě tyí ànê Samari tǎnne. ¹⁰ Wǎh yo sě, Yesu me yo ñ tyí ne: «Liyel-á nêne névile n kǒ, wǎh sò me kéle n pne, té pĩ nédúkú nê-á n yo n mɔ á tyí yò, áwɔ ye nǎhki sò ni wɔ wɔ nine ñ tyí, té à nǎhki nine ñ kǒ nê-á minne névile n kǒ.» ¹¹ Képah sɔkɔ, pi ne pé yòtẽ, kwlèndiki náh me ñmɔ tyí, té kwlèy-á mó tǒ me súkúlínóle, à se nǎhki sò we nyǎh kéne nine ni? ¹² Nkě pépi náh ney Nsyakɔbi nê-á pé kǒ kwlèy mène, té ké ni wɔ sɔkɔ ànê ñ wěnpile, à tahlɪ ñ yípèy tyí, ñmɔ se kal Nsyakɔbi mène ni? ¹³ Yesu me ne: «Névi nê-à kwlèy mè ni wɔ, níki ki tǒ pɔ tẽ tẽ. ¹⁴ Nte ñmɔ-à nine névi nê kǒ, tẽ-à kè wɔ, níki náh tǒ tẽ tẽ n yah n pi pólle. Kè ki n pɔ n mɔ lègbèr tyí kǒle tẽ sɔkɔ, ki tyé-ńkě minne n kǒ.»* ¹⁵ Képah sɔkɔ, pi à syah ne pé yòtẽ, à pé kǒ kéne nine, níki kǒ kè káh tǒ péle n tẽ, ànê pé káh tǒ pɔ ásò yɔ tẽ di yinne.

¹⁶ Wǎh yo sě, Yesu me ne, à kyɪ ñ pe ye pè pɔ ásò. ¹⁷ Képah sɔkɔ, pi ne pé náh me pé tyí. Yesu me ne, gbi-á à yo ne pé náh me pé tyí. ¹⁸ Pèbi népí kwál tyí-á à tẽ yah sɔkɔ, té nê tyí-á tǒ ñne núkúnúkú yò, gbi-á à yo, ñ pe náh ñne. ¹⁹ Képah tẽne, pi me yo Yesu tyí ne pé yòtẽ, páh kè kyomɪ we ne, Liyel tẽntò syínyo-ò-á ñne. ²⁰ Nkě pépi náh tǎn-á Liyelle n gbilki nyǎh sɔkɔ, nénpó-á me yǒli mè yõ yàhàh.† Nte pépi Nsyifunɔ wɔle, pépi n ne n yo ne, Liyel-á yĩne à ne n gbilki nyǎh sɔkɔ, nénpó-á me Yerusalemɪ sɔkɔ. ²¹ Képah sɔkɔ, Yesu me yo pi tyí ne: «Sě ñ yõ. Sǒ yó me n pi, ney náh tǒ pɔ

* **4:14** 4.14 - Yah n te Nsyeremi 2.13. † **4:20** 4.20 - Nsyifunɔ-á sò yahle pínsòhnóle Samari tǎnne, képah ye Samari tǎn kǒ pè me kyɪ pé Liyel ní-ńsah gbò mɔ sah gbòpɔle yǒli yó yõ, nê-á pé n ye Karisimne.

Sú Liyel gbilki n pi yõlì mè yõ, képah náh pì, Yerusalemì òtẽ sòkò. ²² Yépi Samari tãnnè, yé Liyelle n gbilki té yé náh ònnè n pne. Nte ápi Nsyifunò tyí ye Liyel syõ à pwáhnmònnòle n kò. Képah ye á ònnè n pne, té ònnè gbilki. ²³ Nte gbí yó me n pi, nê-á me te nùkúnúkú òtẽnnè yò. Képah sòkò ye Sú Liyel gbílkípú kègblo kí ònnè n gbilki ò Mirki gbò yõ sòkò ànê gbì wèkì yõ. Gbílkinó mè dùkù pípú névye ye Sú Liyel n ne n yah n kò. ²⁴ Liyelle, Mirki ye ònnè. Képah ye, nónó-á ònnè n gbilki, pè yínnè pè ònnè n gbilki ò Mirki gbò yõ, ànê gbì wèkì yõ.» ²⁵ Képah sòkò, pi à syah ne, páh pì ne Liyel ney yáhtòkònnò-á kí n pò n pi, nê-á pè n ye Kristale. Nmò-à pò gbí nênnè, wáh kí pò tyi pól dùkù yo wah pé tyí. ²⁶ Yesu me ne: «Nmò ye òmmòle, nê-á n yo n mò á tyí yò.»

²⁷ Wáh me képah yónó sòkò, ò tò sáhpú me pé syi pò de. Té páh pò à we à me n yáh ànê pile sè, kè pé gbàn du.† Nte pé sòkò yó òtẽ náh fè syi à piki yah ne, kwáh nê se à n yah n kò pi mè tyí, képah náh pì, tir nê se à n yo ò tyí nì? ²⁸ Képah tẽnnè, pi ò ni pín sah nénpó, té to kyì kwil niyó, à kyì tyah n yo no tyí ne, ²⁹ pè pò ne n yah dí yóle, à péwò tyípínì pól yo pé tyí lé! Nmò káh kí nê Liyel ney yáhtòkònnòle dé? ³⁰ Képah sòkò, névye me wil kwil niyó me n yuku Yesu tnò.

³¹ Té légbínnè, Yesu tò sáhpú sò me Yesule n ni ne, kwó-ò dí, à yòke yò kè! ³² Nte Yesu me pè syah ne, yòke yó-á me péwò tyí yõ yõ tẽnnè, nê-à pépi náh kéle n pne. ³³ Képah sòkò, ò tò sáhpú sò me wènnè n piki n yah ne, ònnì se kí me pò yòkele à kò nì? ³⁴ A me yo pé tyí ne: «Liyel nê-á tekì mò òmmòle, wáh me nê tyí, képah pínó ànê ò tò pínntennò ye pì òmmò yòkele. ³⁵ Yépi náh ònkènnè ne n yo ne, òwòlò òyáh-á tò wù té sèmmukò tòkò gbí kí nò di? Nte òmmò wò kí yo yé tyí ne, yé yé yey yõ n yah sèmmukòle kòntènnòle swáh sòkò, tòkò tòkò tẽnnè. ³⁶ Névi nê-à me sèmmukòle n tòkò, ò tò pínó lédyáhnì me te ò tyí; sèmmukò pórì nê-á à n tuke n mò, névye ye nónó-á kí tyé-ònkè min we n pi. Képah sòkò, névi nê-á mò séle, ànê névi nê-á sè tòkò, pé pól kí ònnì nì pì wè tyí. ³⁷ Képah n wèkì ne, gbì-á sèmmìrkì mènne, nê-á n yo ne ònkè: «Nnì kí sèmmukò mò, té ònnì kí sè tòkò.» ³⁸ Yépi náh swáh nê tò, òmmò yé tekì mò ne, yé kyì képah sèmmukò tòkò. Nòsyó ye tò pì ké sòkò, yépi kò yé pò we de pé tò pínó yén sò.»

³⁹ Té pi mè-á sò wey nê yo ne, dí mè-á péwò tyípínì pól yo pé tyí, képah yínnè Samari tãn náhnáh sò sè Yesu yõ kwil mè sòkò. ⁴⁰ Képah ye Samari tãn nópi-á kyì Yesu tyí, pè à ni ne à wù pé tyí. Yesu me wù nénpó à sèpín nínì pì. ⁴¹ Képah tẽnnè, névye náhnáh tò sè Yesu yõ wáh welò nónó yo pè noh sépi yínnè. ⁴² Té me tyah n yo pi mè tyí ne, òmmò yóré ó yín náh tò pépi sè Yesu yõ dé! Nkè pépi òtẽ tò-á ò wey we noh níkkè, té pì ne kègbì tẽ yõ, òmmò-á òtyínnò kèkòyó pwáhnmò-òle.

Né-òngbè yó pídí dénnmònnòle

⁴³ Yesu-á sèpín nínì nópi pì te, à yal nénpó à yuku Kalile gbènyah sòkò. ⁴⁴ Té à mó tò lésò kè yo ne, Liyel tẽntò syínyo-ò náh n tẽ ple ò sú kwil sòkò. ⁴⁵ Nte Kalile tãn tò-á lésò kyì Nsyifunò yòrì tyénó syáh sòkò Yerusalemì

† 4:27 4.27 - Nsyifunò nónó-á sò pì kwópúle, pè náh séle n fínki wáh me ò gblòy; ké dú doko káh pì Samari neyne.

sokò, té Yesu tyípínó wε sě, képah ye wăh pò pò pé gběnyah sokò, pè mε à tǔ sah tě.

⁴⁶ Képah sokò, Yesu sokò kéne gběnyah kwil mε sokò, nê-á pè n ye Kanale. Nénpó sokò ye lésò à ni vi mɔ pɪ ðivēne. Té né-̀ngbě yó lésò mε yòtě dí yó tyí Kapernayumi kwil sokò. N pídí náh lésò mε lènɔle. ⁴⁷ Wăh pò noh ne, Yesu-á mε wil Nsyude gběnyah sokò à pò Kalile sokò, à mε n nyáh sǔ kyɪ à ni ne, à tiki pò Kapernayumi sokò, à pò pé pídí de mɔ pé kǔ; wăh mε n tyah kúnóle. ⁴⁸ Yesu mε yo n tyí ne, pè se yó kɪ fě sě yah péwɔ yǔ; né gbɪl ànê gběndùni tyi náh pɪ pè wε nɪ? ⁴⁹ Nte dí mε tǔ yo n tyí ne, pé yòtě, à tiki pò súú péwɔ fɪnne pé dípir káh pò ku. ⁵⁰ Képah sokò, Yesu mε yo n tyí ne, à n syɪ sokò n fɪnne, n pídí-á de. Dí mε sě n wey mε yǔ, té n syɪ. ⁵¹ Wăh mε wěkɪ yǔ, n tǔnpɪbɪ pò à yohnɪ, té yo n tyí ne, n pídí-á de. ⁵² A mε pè piki yah ne, gbí nê se fàhfàh de n tyí nɪ? Pè mε yo n tyí ne, níní gbǐntǔ pǔ sokò-á wɪlvýáhnì à fin mɔ. ⁵³ Képah sokò, dípir sú kè kyɔmɪ wε ne légbí mε-ó sokò-á Yesu yo pé tyí ne, pé ne n yuku, pé pídí-á de. A tǔkò légbí tyí, n̄mɔ ànê n gbô tǎn pól sě Yesu yǔ. ⁵⁴ Té Yesu-á wil Nsyude gběnyah sokò, à pò Kalile gběnyah sokò, képah ye à pɪ gbɪl ní-òle.

5

Sèkùkù dí yó dénmɔnɔle Yerusalemɪ kwil

¹ Tyi nópi sókóntɛnɔ náh, Nsyifunɔ syáh yó-á pò n syah Yerusalemɪ kwil sokò, Yesu dɔkò yuku nénpó. ² Té Yerusalemɪ kwil sokò, pékɪ yó sǔ mε tǔnsàhnóle nine ké sokò ké kwil dé-̀nsah yó tnô, nê-á pè n ye Képyénì dé-̀nsahle. Pè kéne pékɪle n ye Betɪsatale Yebre wey sokò. Kènkálnó kwló sǔ mε pínóle ké gbòpò sokò. ³ Yámpú náhnáh sǔ mε sěntěnóle kènkálnópi sǔ. Yítǔbi sǔ mε, ànê gbáhkɪ núkú névyele, à tahlɪ sèkukubi tyí. [Pè sǔ nkěne ne mε ni dúkúrinmɔnɔ syɪkɪ n tě. ⁴ Yé náh wε di, yǐnyǔ tǔnpɪ yó sǔ nkěne ne n de n pò ni mε sokò, n kéle n dukuri n mɔ, té yónwó nê n̄gbò-à de ni mε sokò, n yam-à sǔ mε dùkú nêne, à n de.] ⁵ Té nénpó sokò, dí yó lésò mε sèkùkùle pópó ye yǔgbām pó kwártǔnɔ. ⁶ Yesu-á à wε sě, té pǐ ne n sěntěnó di-á mo nénpó, à à piki yah ne, à se mε ké tyí ne pé de nɪ? ⁷ Sèkùkù dí mε ne, pé yòtě, ni-à tyah n dukuri n mɔ gbí nêne, ney náh n wε à péle n yohnɪ n mɔ pé n wε n de ké sokò. Péwɔ tě-à pópó ne pé wε n de, n̄n̄ pé dyàh tě n de. ⁸ Wăh yo sě, Yesu mε yo n tyí ne, à yuku n sě sě kwâh tǔkò ne n kɔ. ⁹ Nénpó swɔ, dí núkú de. A mε yuku n sě sě kwâh tǔkò à n kɔ.

Té lésò pò yǐne Nsyifunɔ mɪ mɪ yòhle. ¹⁰ Képah sokò, dí nê-á dénmɔnɔ wε, Nsyifunɔ yòtām à syah ne nkě, mɪ mɪ yòh-á kweyne. A náh yǐne à n sě sě kwâh tǔkò ne n kɔ. ¹¹ Nte dí mε pè syah ne, nê-á de mɔ péle, n̄mɔ-á yo pé tyí ne, pé pé sě sě kwâh tǔkò ne n kɔ. ¹² Pè mε à piki yah ne, nê se yo n tyí ne, à n sě sě kwâh tǔkò ne n kɔ nɪ? ¹³ Légbíne, Yesu mó tǔ sǔ yal te dí mε tnô, à de tówú sokò nénpó. Té dí nê-á sǔ Yesu de mɔ, kéne dí náh sǔ n̄ne n pne. ¹⁴ Képah náh, Yesu pò à wε Liyel ní-̀nsah gbô sokò té ne, à yah, wăh dénmɔnɔ wε yò, à káh tǔ tyípelle n pɪ, tir yó kǔ kè pò à n nê-á kal n̄yɔle dé! ¹⁵ Képah těne, dí kyɪ ké yah yo Nsyifunɔ yòtām syah ne, Yesu-á sǔ de mɔ péle. ¹⁶ Képah sokò, Nsyifunɔ yòtām tyah lékàhle Yesule

n kõi, wãh sõnpõle dénmonõ pɪ mɪ mɪ yòh sõle.* 17 Yesu me ne, péwõ Sú Liyel-á me tò soko kúmm, péwõ tó-á me sɛntɛne n pɪ. 18 Yesu-á képah yo sɛ, Nsyifunõ yõtãm tõi lékãhle ñne n gbah n kõi, à ñ kònmo-ńsahle n yah n kõi, té ne wãh me mɪ mɪ yòh dɛlle n pɪ. A wil képah soko, wãh tõi me n yo ne ñkɛ, pé Sú tótó-á Liyelle, à ñ gblõyne n pɪ nukúle ñne.

Tyi nóno-á yo Liyel Pídí tyí soko

19 Képah soko, Yesu me tõi yo pé tyí ne ñkɛ: «Kègbɪgbɪ tɛ yõ, mé kéle n yo yé tyí, Pídí náh fɛ tir yó ñtɛ pɪ n pi ñ yah yíine, né à náh ké pínó we yah Sú Liyel tyí. Sú Liyel-á ñne n pɪ, sɛnkõ ye Pídí tɔ n ne n pɪ. 20 Pídí tyí no Sú Liyel tyí. Képah ye, wãh tyi nóno pólle n pɪ, à sé pínóle ñne n wɛkɪ. Té wãh tyi nóno à wɛkɪ, à kɪ tõi pɔ sé lékan pínóle à wɛkɪ n pi, nóno-á kɪ yé gbã du. 21 Sõ-á Sú Liyel lékyîle n yilki n mo, à minne péle n kõi, sɛntɛ ó ye névi ñe-à Pídí dyo, à minne tɛ kõi. 22-23 Sú Liyel me ké tyí ne, no pól gbílkínóle n sah Pídí yõ, sõ-á pé kéle n sah ñmo yõ. Képah ye, à náh ñnɪ yó ñtɛne n tuke. A ye no pól tukey tyí dahbɪ ñ gbõ. Té névi ñe-à gbílkínóle n sah-ñkɛne ñmo yõ, ñ tékínmo-ò Liyel ye tɛ yahle gbílkínóle. 24 Kègbɪgbɪ tɛ yõ, mé kéle n yo yé tyí ne, névi ñe-à ní wey noh, té sɛ ní tékínmo-ò yõ, tɛ-á kɪ tyé-ñkɛ min we. A náh n tuke n pi. Wãh wil te kũ soko, té min we.† 25 Kègbɪgbɪ tɛ yõ, mé kéle n yo yé tyí, gbɪ yó me n pi, ñe-á me te nukúnúkú ñtɛne yò. Képah soko ye névyé nóno-á me kúnóle Liyel tyí ñne, pé kɪ ñmo yínpõ noh, ñmo ñe-á Liyel Pídíne. Té nóno-à kè noh, pé kɪ min we. 26 Sõ-á Sú Liyelle min nétɛne, sɛ ye ñmo ñe-á ñ Pídíne, à ñmo tɔ kõi mé pɪ min nétɛne. 27 Té máh pɪ Névi Pídíne sɛ, à tukey tükénó tɛnwenole ní kõi. 28 Nte yé káh n ye tyi nópi yé gbã du. Gbɪ yó me n pi, lékyî pól kɪ ní yínpõ noh, 29 té kɪ yuku. Képah soko, nóno-á tyípɛlo pɪ, pépi kɪ yuku tyé-ñkɛ min we yíinne. Té nóno-á mó tyípɛl pɪ, pépi wɔ kɪ yuku fõh yíinne. 30 Nmo náh fɛ tir yó ñtɛ pɪ n pi ní yah yíine. N Sú Liyel-à yo sõi ní tyí, sɛ ye mè n ne n kãm weyne tukey soko. Mé náh me ní gblõy ñvìnì tyi pí-ńsahle n yah n kõi. Sú Liyel ñe-á tekɪ mo ñne, ñmo-á me ñe tyí, képah ye mè n ne n pɪ. Képah ye, ní wey kãmno n pɪ gbɪ wɛkɪ yõ.

31 Nmo-à kɪ ñe n yo ní gblõy tyíle, ñe kɪ sɛ ní tyíyónó yõ? 32 Nte nékáhkɪ ye n yo n wah ní tyíle, té mé pɪ ne tyi nóno-á à n yo ñmo tyí soko, gblõ-á séle. 33 Yáh névyé nóno tõi Nsyõ tyí ñmo tyí soko, té à tyi nóno yo, gblõ ye séle. 34 Nte mé se yó me n yah n kõi ne, névi tɛ wɔ ní dukúle n yo? Yé pwáhnmonõ we yín ye mé tyi nópile n yo yé tyí. 35 Nsyõ lésõ pɪ kyòole fòtnò tũnsàhnó tyí kóle. Té kè yé dyo, yé ñvìnì pɪ ñ kyòo soko wró kwéy yó ó soko. 36 Nte ñmo wɔle, Sú Liyel-á tãn nóno dahbɪ ní gbõ ní kõi mé n pɪ, sépi ñtɛ me ní dukúle n wɛkɪ n wah n kal Nsyõ-á ñe yo ní tyí soko. Kéne tãn nópi pínó ye n wɛkɪ ne, Sú Liyel-á tekɪ mo ñne. 37 Té à wil képah tyí soko, Sú Liyel ñe-á tekɪ mo ñne, ñ tɔ ní tyí yo wah. Nte yé náh ñ welo noh yah pólle, yé náh se tõi à we yah yíine. 38 N wey náh me n tɛ yé ñno soko. Yé náh we wãh ñmo tekɪ mo, yé yahle sɛnóle ní yõ di? 39 Yè n ne me n sõi ne,

* 5:16 5.16 - Yáh we Nsyifunõ yõtãm lékãhle Yesule n kõi, pépi tɛ sònõ soko, wãh névi de mo mɪ mɪ yòh sõle, tò ye á pɪ. † 5:24 5.24 - Wey ñe-á Yesu yo ásõ soko yò ne ñkɛ: «Wãh wil te kũ soko, té min we.» Képah ále n wɛkɪ ne, tyípɛl-á yíkínó ñe pɪ Liyel ñe névyé wró, kũ-á kéle Liyel tyí ñne. Nte Yesu yò sɛnóle, tyé-ñkɛ min tyáhnó-á kéle Liyel tyí ñne.

yáh kɪ tyé-ńkē min wɛ Liyel wɛy sɛbéy kàrnó sɔkɔ, ń té kéle n kar firfir. Nte képah ye mó tǔ yo wah tótó ńmɔ tyíle. ⁴⁰ Té yé náh mó tǔ me ké tyí ne, yé pɔ ńmɔ tyí, yé pɔ tyé-ńkē min wɛ.

⁴¹ Mé náh me n yah n kǔ ne névye ńne n gbilki. ⁴² Mé yé òkùle n pne. Liyel tyí náh nɔ yé tyí. ⁴³ N Sú Liyel yĩn yǔ ye mé pɔ, té yé náh ń tē ple. Nte ńńi yó-à núkú pɔ ń yah yĩne yò, yé kɪ ńmɔ tē ple. ⁴⁴ Yé kɪ fě sē ń yǔ sǔ, yépi nónó-á me ké tyí ne yé wēne n gbilki, té yahle gbilkínó yáhnkǔnɔle, nê-á n wɛ Liyel núkúni ó tyí? ⁴⁵ Yé káh ne me n sǔ ne, ńmɔ-á kɪ kyɪ yé kǔ n pi lékàhle Sú Liyel yah sɔkɔ dé! Yé gbǔ sàhnó-á me Moyisi nê yǔ, ńmɔ ye kɪ kyɪ lékàhle yé kǔ. ⁴⁶ ńmɔ tyí me Moyisi wàrkɪ sah ń sɛbéynó sɔkɔ. Gbɪ-à yé sǔ me sē ńmɔ yǔ, yé náhki me sē ńmɔ tɔ yǔ. ⁴⁷ Nte yé náh fyò me sē ńmɔ tyi wàrkínsàhnó yǔ, sǔ me yé kɪ fě sē ńmɔ welɔ yǔ wé?»

6

Tówú ñgbě púnóle

¹ Képah náh, Yesu sɔkɔ Kalile yó-ñgbě kahnɔne. Pè tǔ sǔ kéle n ye Tiberiyadi yó-ñgběne. ² Té Yesu-á gbɪl nónó pɪ sɔkɔ à yámpú nónó de mɔ tówú wɛ, sépi yĩne, tówú ñgbě sǔ me ń sǔ tē. ³ Képah sɔkɔ, Yesu me òkɔ kyɪ kǔ tē yǔlɪ yó yǔ ànê ń tǔ sáhpúle. ⁴ Légbíne, Nsyifunɔ yǔrɪ tyénó syáh sǔ me de n tɛ. ⁵ Té Yesu-á ń yah yǔ yah, à tówú ñgbě wɛ pé me n pi ń tnô. Képah tēne, à Filipi piki yah ne, pé se kɪ wɛ nyāh yǔke dwe dwe tēne kɪ tówú mè kǔ pé kɪ yǔ nɪ? ⁶ Nte fyāhnyahnó ye sǔ Yesu n fyāh n yah Filipi fɔkɔle. Nkē, wāh sǔ nê pɪ n pi, à sǔ kè pĩ tɛ. ⁷ Wāh yo sē, Filipi me à syah ne, deniye pó pló* lègbām (200) fyé búrn dwénóle, káh sǔ yĩki tyĩ tyĩ, kè náh n yĩne n pi péle. ⁸ Képah sɔkɔ, Yesu tǔ sáhpú sɔkɔ nê-á Simo-Pyerɪ gběndí Andrele, ńmɔ me yo Yesu tyí ne, ⁹ búrn† pló kwló ànê yēnkyɔ pló nínó-á me ðĩnpir yó tyí ásô. Nte sépi se kɪ tir nê pekɪ nékwĩnkí nǔpi òkù tyí nɪ? ¹⁰ Légbíne filki sǔ me ò nénpó. Képah sɔkɔ, Yesu me yo pé tyí ne pé no pól kǔ pé kǔ tē sétáh. Dibi népĩ kèyǔ nínó kyɛgbām (5 000) kénkǔ ye sǔ me pé sɔkɔ nénpó. ¹¹ Képah sɔkɔ, Yesu me búrn nǔpi tɔkɔ, té wɛkɪ Liyel tyí, té sè dibi névye tyí, nónó-á sǔ me nénpó. Wāh yēnkyɔ tɔ tɔkɔ, sēntē ó ye tǔ à pɪ, té sè dibi no kǔ, pé pól wɛ pāh sǔ me ké tyí sǔ. ¹² Pāh yǔ tǔ gbí nēne, Yesu me yo ń tǔ sáhpú tyí ne, pé sé téló tuke n mɔ, pé káh n ye kèyāh nítē pɔ n yɪkɪ. ¹³ Búrn pló kwló táhnkwɔnsàhnó nê túkù-á sǔ me wũ tē, pé me sè kwel mɔ, tɔkɔnɪ gbǔninó yĩne. ¹⁴ Névyé-á Yesu gbɪl pínó wɛ sē, pé ne: «Liyel tēntǔ syinyo-ò nê-á sǔ yĩne à pɔ kèkǔyó, ńmɔ ye ðĩ mène tótó.» ¹⁵ Képah sɔkɔ, Yesu pĩ ne pāh kɪ pɔ ne, pāh péwɔle n tē n káhlɪ n pɪ yǔtēne. Káh pɪ sē, à tǔ yal pé tnô à sɔkɔ yǔlɪ yǔ ń gblǔy núkúnine.

Yesu kólóle yó-ñgbě yǔtah

¹⁶ Té níví lísyi-á pɔ nɔ, Yesu tǔ sáhpú tiki yuku yó-ñgbě vyāh yah, ¹⁷ à kyɪ de krótókè yó sɔkɔ, à tyah n yuku yónkahnɔne, Kapernayumi kwil tĩne. Lékāh sǔ me mɔ tɛ, té Yesu náh tǔnì sǔ me pɔ pé tnô. ¹⁸ Nte yáhpékè yó sǔ

* **6:7** 6.7 - Deniyele, pó yó ye sǔ kéle. Képah pó núkú kɪ sǔ fě no nénúkù gbìyìkì núkú tǔ pínó danne. † **6:9** 6.9 - Sèmuɔ yó sǔ me ðénpéfáhkìle pé n ye wǔrsɪle, képah mi ye sǔ pé mɪ búrn mène.

me kô me nine n fũ n dokò. ¹⁹ Képah sokò, pãh krótókè to kyɪ yĩni tẽ kilónó kwló kénkõ tyí, pè Yesu we à me n ko n pi yo yõtah pé krótókè òinne. Kãh pɪ sã, tíkí pè tẽ. ²⁰ Nte Yesu me yo mo pé tyí ne: «Ñmo ye, yé káh tíkí pɪ.» ²¹ Képah sokò, pè sò me ké tyí ne pé à twah krótókè sokò, té kè núkú yĩni tẽ yóngbalɪ tyí, nýãh-á sò pè n yuku.

Yesu ye yòkele, nê-á minne n kô

²² Képah sokò, dindalle tówû nê-á sò wũ pé níní mé-ńsah, pè kè kyomɪ we ne krótókè núkú ó-á níníne me. Nte Yesu tò sãhpú ó-á sò de ké sokò à sokò, Yesu to nãh sokò péle. ²³ Té krótónè yísyó mó me wil Tiberiyadɪ kwil sokò, me po n de nýãh sokò-á sò Tẽ ngbẽ Yesu yòke tãko té wɛkɪ Liyel tyí, té kéle tówû mè kô pè yõ. ²⁴ Nte tówû-á po pĩ gbí nêne ne Yesu nãh me, ñ tò sãhpú to nãh me nénpó sokò, pè núkú de krótónè sokò, à sokò Yesu yãhnkõ-ńsah Kapernayumi kwil sokò. ²⁵ Képah sokò, pãh kyɪ à we yó-ngbẽ kahnɪne, pè à syah ne, kwó-ò dí, gbí nê se à po ásô ni? ²⁶ Nte Yesu me pè syah ne: «Kègbɪgbɪ tẽ yõ, mé kéle n yo yé tyí ne, yáh gbɪl tyi nónó we, sépi-á nêne n wɛkɪ, képah yĩn nãh yé n yah n kô ñne dé! Yòke nê-á yé we yõ tã, képah yĩn ye yé n yah n kô ñmole. ²⁷ Yé káh tôle n pɪ yòke yĩnne, nê-á kɪ n yɪkɪ n pi. Yé tôle n pɪ yòke yĩnne nê-á kɪ n tẽ n pi kúmm, té tyé-ńkẽ minne n kô. Névi Pídí ye kɪ yé kô n pi kène yòkele, ñmo nê-á Sú Liyel kè wɛkɪ ne páh pé tǒrɪle à kô.» ²⁸ Képah tẽne, pè à piki yah ne, tyi nónó se pé yĩne pé pɪ, pé mó Liyel tò we pɪ ni? ²⁹ Yesu me yo pé tyí ne: «Liyel-á nê tekɪ mo,† yáh kɪ sã ñmo yõ, képah ye Liyel tôle.»

³⁰ Pè me yo ñ tyí ne, gbɪl tir nê se ñmo kɪ pɪ pé wɛkɪ, pé kô pé sã ñ yõ ni? Tir nê se à kɪ pɪ ni? ³¹ Pépi nãh tãn-á yòke yõ gbɛnnɪ sokò, nê-á pè n ye mánne,§ à yĩne sǒ-á kè wãrkɪ sah ne:

«À ye yòkele pè kô pè yõ nê-á wil yĩnyõ.»*

³² Nte Yesu me ne: «Kègbɪgbɪ tẽ yõ, mé kéle n yo yé tyí ne, Moyisi nãh kô yéle yòke mène nê-á wil yĩnyõ dé, ní Sú Liyel ye n kô yéle yòke gbɪle, nê-á n wil yĩnyõ. ³³ Kène yòke nê-á Liyel n kô nê-á wil yĩnyõ à tiki po, képah ye minne kèkõyó névyele n kô.»

³⁴ Képah sokò, pè ne pé yõtẽ, à yòke† mène péle n kô gbíme gbí kè. ³⁵ Képah tẽne, Yesu me yo pé tyí ne: «Ñmo ye yòke mène, nê-á minne n kô. Névi nê-á po ñmo tyí té sã ní yõ, kwɛkɪ ànê níkɪ nãh tã tẽ tẽ n yah n pi. ³⁶ Té mé ye kè yo te yé tyí ne yáh ní we. Nte yé nãh me sã ní yõ. ³⁷⁻³⁸ Ñmo nãh wil yĩnyõ à tiki po ní dyo yĩ tyi pɪ yĩnne dé! Nê-á tekɪ mo ñne, ñmo-á me nê tyí, képah pí-ńsah ye mé po. Képah ye, Sú Liyel-à nónó pólle ní kô, pè kɪ po ní tyí. Té nê-á po ñmo tyí, mé nãh à milki n pi pólle. ³⁹ Té nê-á tekɪ mo ñne, ñmo-á me nê tyí, képah ye yò ne níkẽ, páh nónóne ní kô mé káh n ye pé sokò yó ñtẽ tyí yɪkɪ. Nte mé mó n po pé lékyî yilki mo gbɪyĩkɪ téy sòle.‡ ⁴⁰ Té yah, ñmo Sú-á me nê tyí, képah ye yò ne, névi nê-á ñ yah

‡ 6:29 6.29 - Yesu-á ne Liyel-á ne páh kɪ nê tekɪ mo, ñ gblõy ye à n ye. § 6:31 6.31 - Mánne, yípórí pépér yó ye kéle lésò Liyel n tiki n mo Yisrayel tãnne n kô pè n pɪ yòkele, gbí nê-á lésò pè me gbɛnnɪ sokò. Yah n te Yálnó sébéy 16. * 6:31 6.31 - Yah n te Gbálnó 78.24. † 6:34 6.34 - Yòke nê tyí-á Yesu n yo ásô sokò yò, min yòke ye. Té nónó-á n piki n yah ñne, pépi sò me n sò ne kèkùrkɪ yĩ yòke tyí-á à n yo. ‡ 6:39 6.39 - Gbɪyĩkɪ téy nê tyí-á n yo ásô sokò yò, Liyel tukey tuke sò tyí ye kè n yo.

mɔ n̄mɔ t̄inne, n̄mɔ n̄ê-á Pídĩne, té s̄ẽ n̄ yõ, t̄ẽ tyé-ńk̄ẽ min wɛ, té n̄mɔ mó t̄ẽ lékó yilki mɔ gb̄ȳĩk̄i téy s̄õle.»

⁴¹ Képah sɔkɔ, Nsyifunɔ tyah Yesu s̄yòkèlè n yo w̄ẽ tyí, w̄ãh s̄õnp̄ilè s̄ò yo nɛ péwɔ-á yòkelè, n̄ê-á wil ȳinyõ à tiki pɔ. ⁴² Pè s̄ò mɛ yo tũ nɛ, Nsyosɛfu pídĩ Yesu kó ñnɛ nɪ? N̄mɔ n̄ê-á pé ñ sù àn̄ê ȳũnɛ n pɛnɛ, à se pɪ s̄ò té pɔ n yo núkúnúkú nɛ, páh wil ȳinyõ à tiki pɔ nɪ? ⁴³ Képah sɔkɔ, Yesu yo pé tyí nɛ: «Yé káh n̄ s̄yòkèlè n yo yé w̄ẽ wró. ⁴⁴ Nn̄i yó ñt̄ẽ náh f̄ẽ n pɔ n pi n̄mɔ tyí, né Sú Liyel n̄ê-á tɛkɪ mɔ ñnɛ, ñmɔ náh t̄ẽ yah t̄ẽ. Té n̄mɔ kɪ mó t̄ẽ lékó yilki mɔ gb̄ȳĩk̄i téy s̄õle. ⁴⁵ Kè mɛ wárk̄ínsàhnóle Liyel t̄ẽnt̄ò syínyopu s̄ébéynó sɔkɔ nɛ: <Liyel kɪ pé pól kwɔ.>§ Ntɛ névi n̄ê-à Sú Liyel wɛy noh té ñ kwónó f̄ẽ syi, t̄ẽ n pɔ n̄mɔ tyí. ⁴⁶ Ntɛ ñn̄i yó ñt̄ẽ ȳi náh t̄ẽ yah Sú Liyel yõ, à wil n̄mɔ tyí sɔkɔ, n̄mɔ n̄ê-á wil ñ tn̄ô. N̄mɔ ó wɛ ñnɛ. ⁴⁷ Kègb̄ȳgb̄i t̄ẽ yõ, mé kéle n yo yé tyí, névi n̄ê-à s̄ẽ n̄ yõ, t̄ẽ kɪ tyé-ńk̄ẽ min wɛ. ⁴⁸ N̄mɔ ye yòkelè n̄ê-á minnɛ n k̄õ. ⁴⁹ Yé náh t̄ãn ye yòke yõ gb̄ẽnnɪ sɔkɔ, yòke n̄ê-á pé n ye m̄anne.* Ntɛ képah fyé yõ, pé pól náh pɔ ku di? ⁵⁰ Té yòke n̄ê t̄ẽ wɔ-á n wil ȳinyõ à tiki pɔ, névi n̄ê-à képah yõ, t̄ẽ náh t̄õ ku n yah n pi. ⁵¹ N̄mɔ ye yòkelè, n̄ê-á wil ȳinyõ à tiki pɔ, té minnɛ n k̄õ. Névi n̄ê-à kénɛ yòke yõ, t̄ẽ kɪ tyé-ńk̄ẽ min wɛ. Yòke n̄ê-á mé kɪ n k̄õ n pi, n̄ wil gb̄ẽns̄é ye. Mé ye kéle n k̄õ nɛ, kèk̄õȳó névyɛ min wɛ.»

⁵² Képah t̄ẽ sɔkɔ, yék̄ãb̄ ñgb̄ẽ de Nsyifunɔ wró. Pè s̄ò mɛ n yo nɛ, dí mè se kɪ f̄ẽ ñ wil gb̄ẽns̄éle pépi k̄õ s̄õ yòkelè nɪ? ⁵³ Képah sɔkɔ, Yesu yo pé tyí nɛ: «Kègb̄ȳgb̄i t̄ẽ yõ, mé kéle n yo yé tyí, yáh kɪ Névi Pídĩ wil gb̄ẽns̄é pí-ńk̄ẽnɛ yé yòkelè, té ñ t̄ó pí-ńk̄ẽnɛ yé wɔ wɔ kwáhle, yé náh min wɛ n pi dé!† ⁵⁴⁻⁵⁵ Yòke kègb̄i ye n̄mɔ wil gb̄ẽns̄éle, wɔ wɔ kwáh kègb̄i mɛ n̄ t̄ónɛ. Képah ye névi n̄ê-à n̄mɔ wil gb̄ẽns̄é pɪ ñ yòkelè, té n̄ t̄ó pɪ ñ wɔ wɔ kwáhle, t̄ẽ ye tyé-ńk̄ẽ min wɛ. Té n̄mɔ kɪ mó t̄ẽ lékó yilki mɔ gb̄ȳĩk̄i téy s̄õle. ⁵⁶ Névi n̄ê-à n̄mɔ wil gb̄ẽns̄é pɪ ñ yòkelè, té n̄ t̄ó pɪ ñ wɔ wɔ kwáhle, t̄ẽ kɪ mɛ n̄mɔle, té n̄mɔ t̄õ kɪ mɛ t̄ẽnɛ. ⁵⁷ Sú Liyel n̄ê-á tɛkɪ mɔ ñnɛ, ñmɔ ye min nét̄ẽnɛ. N̄mɔ mɛ min sɔkɔ ñmɔ gb̄ò yõ. S̄ẽ ye névi n̄ê-à n̄ wil gb̄ẽns̄é pɪ ñ yòkelè, t̄ẽ kɪ mɛ min sɔkɔ n̄mɔ gb̄ò yõ. ⁵⁸ Kénɛ yòke n̄ê-á wil ȳinyõ à tiki pɔ yò, kè náh mɛ núkúle àn̄ê yé náh t̄ãn-á n̄ê yõ gb̄ẽnnɪ sɔkɔ, pépi nónó-á ku sɔkɔ. Ntɛ névi n̄ê-à képah yõ, t̄ẽ kɪ tyé-ńk̄ẽ min wɛ.» ⁵⁹ Yesu kénɛ tyi yo gb̄i n̄ê-á lésò à mɛ névyɛle n kwɔ Kapernayumi kwil, Nsyifunɔ Liyel ní-ńsah wòkò sɔkɔ.

⁶⁰ Té Yesu-á wɛlɔ n̄ópi yo s̄ẽ, ñ t̄ò sáh̄pú nahnáh tyah n yo w̄ẽ tyí nɛ ńk̄ẽ, ñ tyi yónó n̄ópi-á mɛ tah dé! N̄ê se kɪ f̄ẽ s̄ẽ f̄ẽ syi nɪ? ⁶¹ Ntɛ Yesu-á p̄i nɛ pé t̄ò sáh̄pú-á mɛ pé s̄yòkèlè n yo wɛy mè tyí sɔkɔ, à pè syah nɛ: «Kè se k̄ãn pɪ yépi tolè? ⁶² Té yáh pȳẽ pɔ Névi Pídĩ wɛ à yõ dɔkɔ n sɔkɔ w̄ãh wil nyáh sɔkɔ wé? ⁶³ Liyel Mirki ye min nét̄ẽnɛ, nòtɛ tir n̄ê mɛ névi kɪ f̄ẽ pɛkɪ ñ gbl̄óy? N̄mɔ-á wɛlɔ nónó yo yé tyí, sè n wil Liyel Mirki tyí, té minnɛ n k̄õ. ⁶⁴ Ntɛ túkù mɛ yé sɔkɔ, pé náh mɛ s̄ẽ n̄ yõ.» Té yah, à tɔkɔ ké tyah gb̄i òkù tyí, Yesu s̄ò ñ yõ s̄ẽ-ńk̄ẽp̄ulè n pɛnɛ, à tahlɪ n̄ê tɔ-á nɛ pɔ à dahbɪ n pi gb̄ò sɔkɔ. ⁶⁵ Képah sɔkɔ, Yesu t̄õ nɛ: «Képah ye n̄ k̄õ mé kè yo nɛ ńk̄ẽ, ñn̄i yó ñt̄ẽ náh f̄ẽ n pɔ n pi n̄mɔ tyí, né Sú Liyel náh ké w̄èk̄ilè à k̄õ.»

§ 6:45 6.45 - Yah n tɛ Yesayi 54.13. * 6:49 6.49 - Yah n tɛ Nsyõ 6.31. † 6:53 6.53 - Névi Pídĩ wil gb̄ẽns̄é àn̄ê ñ t̄ó n̄ê tyí-á n yo ásò sɔkɔ yò nɛ sáh kɪ pɪ yòke àn̄ê wɔ wɔ kwáhle, sèm̄irk̄i ye Yesu mɪ pé tyí kéle, n̄ê-á n w̄èk̄i nɛ ñmɔ-á sárká kèp̄óp̄ik̄ilè.

⁶⁶ A tɔkɔ légbí tyí, ò sò tǽpú náhnáh núkú pé syi ò náh, pè náh tǔ me ò sòle n tǽ. ⁶⁷ Képah sɔkɔ, Yesu me yo ò tǔ sáhpú népí gbõnimí† tyí ne òkǽ, té pépi-á dò, pé tɔ kó pé syi n pi ni? ⁶⁸ Nte Simo-Pyeri me ne òkǽ: «Tyé-òkǽ min welo nétǽ ye áwɔle, nê tyí me ápi ki tǔ yuku wé, Tǽ òngbǽ? ⁶⁹ Ápi tǽ wɔ sǽnó me á yǔ, ànê á pǐ ne áwɔ-á Liyel wilki sah ò tyí yǔ.» ⁷⁰ Képah tǽne, Yesu tǔ yo pé tyí ne, péwɔ kó yah wilki péle népí gbõnimíne ni? Nte sétǔ-á pé sɔkɔ nénúkù yóle. ⁷¹ Té Nsyudast ye sò Yesu n ye, òmɔ nê-á Simo Yisikariyotù pídíne. Yesu tǔ sáhpú népí gbõnimí sɔkɔ yó ye sò òne. Té òmɔ ye ki sò pɔ Yesu dahbi n pi gbò sɔkɔ.

7

Yesu yúnpyé náh sǽ ò yǔ

¹ Képah náh, Yesu sò me yǔ sɔkɔ n kɔ n kǔ Kalile gbǽnyah sɔkɔ. Té Nsyifunɔ yǔtǽm-á sò me n yah n kǔ ò kònmɔ-òsahle Nsyude gbǽnyah sɔkɔ sǽ, képah ye à náh tǔ sò me ké tyí ne, pé kɔ kǔ nǽnpó. ² Té Nsyifunɔ kènkǽl sò syáh* sò me de n te. ³ Yesu yúnpyé† me yo ò tyí ne òkǽ, à yal ásò, à mó yuku Nsyude gbǽnyah sɔkɔ, ò sò tǽpú tɔ kǔ pè ò tyípínó we. ⁴ Nkǽ névi nê-à me ké tyí ne no pé dùkù pǐ, tǽ náh ò tyile n pi sètín sò sɔkɔ. Té òmɔ-á tyi nónoné n pi yò, wǎh yǐne à séle n pi n wilki n mɔ, no kǔ pè à we. ⁵ Nte Yesu yúnpyé òtǽ náh sò me sǽ ò yǔ. ⁶ Képah sɔkɔ, Yesu me ne ké gbí náh tǔnì se péwɔ tyí. Gbímegbí-á se me yínénóle pépi tyí té. ⁷ Kèkǔyó névyé náh fǽ pépi dyɔ yo n pi. Nte pǎh me péwɔ wɔ dyɔle n yo, pǎh sǔnpíle kéle n yo n wah ne pé tyípínò náh me ple. ⁸ Pépi dɔkɔ n yuku kéne syáh sɔkɔ. Péwɔ tǽ wɔ tyí, ké gbí náh tǔnì se. Képah-á, pé náh n kyi n pi. ⁹ Wǎh képah yo te, à wǔ Kalile sɔkɔ.

Yesu ménóle Nsyifunɔ kènkǽl sò syáh sɔkɔ, Yerusalemi kwil

¹⁰ Té ò yúnpyé-á sɔkɔ te syáh mè sɔkɔ, òmɔ tɔ yuku nǽnpó nyáh sò. Té à náh sò ye névyé kǔ pè à we. A kè pi wǔbìnsòkɔnɔle kanne. ¹¹ Té Nsyifunɔ yǔtǽm mó me òne n yah n kǔ syáh mè sɔkɔ, té me n piki n yah ne, òyǎh se òne ni? ¹² Képah sɔkɔ, tǔwù mè névyé tyah Yesu tyíle n yǎh tǔtǔ. Pé túkù sò me n yo ne négbí-á òne, túkù mó me n yo ne sǽ náh, òmɔ-á pyè n pilki névyele òkǽ. ¹³ Nte Nsyifunɔ yǔtǽm tíki sò me pè tǽ. Kǎh pi sǽ, pé sɔkɔ yó òtǽ náh tǽ we ò yǔ wilki mɔ à yo Yesu tyí sɔkɔ.

¹⁴ Syáh mè sò me ké ntyó sɔkɔ,‡ té Yesu dɔkɔ pɔ Liyel ní-òsah gbò sɔkɔ, à pɔ kwónóle n pi. ¹⁵ Té wǎh kwónó nêne n pi, kè Nsyifunɔ yǔtǽm gbàn du. Pè me tyah n yo wǽ tyí ne, dí mè se we òyǎh pnénó mè dùkùle ni? Té à náh se mó tǔ kǎrn òngbǽ pi. ¹⁶ Képah sɔkɔ, Yesu me yo pé tyí ne òkǽ: «Máh kwónóle n pi tyi nónonó yǔ yò, òmɔ náh sò tǽ séle dé, Liyel nê-à tekɔ mɔ òne, òmɔ ye n wǽki séle. ¹⁷ Névi nê-à kè yah tɔkɔ ne pé Liyel dyɔ dyɔ tǽne n pi, tǽ wɔ ye ki fǽ ké gbì pǐ, Liyel-à ki nê wǽki òne séle, képah náh pi, ò

‡ 6:67 6.67 - Yah n te Likyi 6.13-16. * 7:2 7.2 - Nsyifunɔ kènkǽl sò syáh mène, pè sò òkǽne kè syah sèpìn kwártǔnɔ, ò té ne n sǽ kènkǽl sò. Képah sò pé dyɔle n to n kǔ pé yèvyǎhri pínóle gbǽnni sɔkɔ, ànê Liyel-á pé yohni mɔ dùkù nêne. Yah n te Levitiki 23.34. † 7:3 7.3 - Yesu yúnpyé nónonó tyí-á n yo ásò sɔkɔ yò, túkù sǔnɔ sɔkɔ, ò kèkùrkì núkù gbām ye à n ye. Té túkù sǔnɔ sɔkɔ mó, ò kèkùrkì núkù gbām náh à n ye. ‡ 7:14 7.14 - Syáh nê tyí-á n yo ásò sɔkɔ yò, sèpìn kwártǔnɔ ye sò kè n syah.

yah yí kwónó-à kɪ ne mé n pɪ. ¹⁸ Névi nê-à ò yah yí tyile n yo, ò gblõy yĩn gbilki-ńsah ye à n yah n kõ. Nte névi nê-à me ké tyí ne pé tyi pól pɪ, pé tó-ò yĩn mó gbilki, négbí ye tẽne. Pílkí-ńsah náh me tẽ tyí pólle. ¹⁹ Moyisi náh Liyel tyi kònsàhnóle yé kõ di? Nte yé soko yó ntẽ náh se me n ko ké wěkì yõ nɪ? Sõ pɪ té yé n yah n kõ nmo kònmò-ńsahle wé?»[§] ²⁰ Képah tẽne, tówú à syah ne sétõ-á me ò soko, à kõ à képahle n yo, nõte nê se ne páh òne n ko n mo nɪ? ²¹ Yesu me tõ yo pé tyí ne: «Tyi núkú yó ó* náh mé pɪ, té yé pól gbàn du yò di? ²² Moyisi náh mo yéle kòkè kòno soko di? Nte nmo ntẽ náh tyah ké gbenne dò, ò náh tãn ye tyah kéle. Té yé náh me píyíle n kõ mɪ mɪ yòh sòle di?»[†] ²³ Nte yépi-à kòkèle n kõ mɪ mɪ yòh sòle, ne yé káh pò Moyisi tyi kònsàhnó dèl pɪ, sõ pɪ té nmo-á névi yòtàhsyi pól de mo mɪ mɪ yòh sòle, yé n dyole n yo wé? ²⁴ Yé káh tyile n wah à yĩne yí yáhnóle. Yé séle n wah gbɪ wěkì yõ.»

Yesu se Liyel ney yáhtokòle?

²⁵ Képah soko, Yerusalemɪ tãn tókù sò me n yo ne nkẽ, dí nê-á sò pè n yah n kõ ne pé ko mo, nmo kó yò nɪ? ²⁶ Nte pè yah à n wekɪ tówú nɪyó, té pè náh me n vi n mo ò tyí lé! Yòtãm se kɪ pyè me kè fẽ syi ne, nmo-á Liyel ney yáhtokòle nɪ? ²⁷ Té Liyel ney yáhtokòle-à sò nêne pò, névi náh ò wìl-ńsah pĩ n pi, òte pépi-á dí mè wìl-ńsah pĩ dò.

²⁸ Képah ye, Yesu-á me névyele n kwò Liyel ní-ńsah gbò soko, à yo pé tyí yĩnpõ ògbẽne ne: «Yé òne n pne, té ò wìl-ńsah pĩ yé yo kè? Nte nmo náh pò ò gblõy yõ sè dé! Liyel nê-á tekɪ mo nmo, à me gbɪ ó ò tó, nmo nê-á yé náh òne n pne. ²⁹ Nte nmo wò wìl ò tñ. Mé òne n pne, ànê nmo ye tekɪ mo òne.» ³⁰ Képah tẽ soko, pè tyah Yesu tẽ-ńsahle n yah n kõ. Té káh pɪ ò gbɪ náh tònì sò me se sè, ònì yó ntẽ náh tẽ we gbò tũ ò tyí. ³¹ Nte tówú mè soko névyele nahnáh sò me sè ò yõ, té me n yo ne, té Liyel ney yáhtokòle-à sò nêne pò, à se kɪ pò gbɪl tyi pɪ kɪ kal dí mè tyíle yò nɪ?

Liyel ní-ńsah gbò syíkípú tékínmòle ne pè kyɪ Yesu tẽ

³² Té tówú-á sò me tyi nóno n yãh tòtò Yesu tyí soko, sè pò we de Farisi wěkì kópú níkí soko. Képah soko, pépi ànê sárká syínwìlkɪpu yòtãm me Liyel ní-ńsah gbò syíkípú tekɪ mo ne, pè kyɪ Yesu tẽ. ³³ Pãh pò, Yesu me ne: «Nmo kɪ me yéle kɪ wró kwéy ó pɪ ntõ,‡ té kɪ soko ò tékínmò-ò tñ. ³⁴ Nmo-á kɪ n me n pi nýãh soko, yépi náh fẽ n kyɪ nénpó. Képah ye, yé kɪ ò yah kõ té yé náh ò we n pi.» ³⁵ Wãh yo sè, Nsyifunò núkú tyah n yo wè tyí ne, nýãh se nmo kɪ n yuku n pi, té pépi kɪ à yah kwò nɪ? Nkẽ pé no Nsyifunò nóno-á me karkɪ tẽ tẽ kõ nékáhbí wró, pépi tyí se pyè à kɪ yuku, kɪ kyɪ nékáhbíle n kwò nɪ? ³⁶ Nkẽ wèlò nóno-á à yo yò ne nkẽ: «Nmo-á kɪ n me n pi nýãh soko, yépi náh fẽ n kyɪ nénpó, képah ye, yé kɪ ò yah kõ, té yé náh ò we n pi.» Sépi kór se nêne nɪ?

Ni nê-á minne n kõ

§ 7:19 7.19 - Yáh we Yesu képahle n yo, kè me yónóle Moyisi tyi kònsàhnó soko ne nkẽ: «Káh nékókè mo.» Yah n te Yálnó sébéy 20.13, ànê Nsyõ 5.18. * 7:21 7.21 - Yah n te Nsyõ 5.1-16. † 7:22 7.22 - Liyel lésò yégbékè kwrò mo Abrahmuné té yo ò tyí ne, pè dɪnpì pólle n kò pé dúbínò sèpìn kwártò-ò sònóle. Képah-á kɪ pɪ yégbékè kwrónmò mè pókónmòle. Képah ye, lésò-à sò pò yĩne mɪ mɪ yòh sòle, Nsyifunò kéle n pɪ. Yah n te Yenesɪ 17.10-12. ‡ 7:33 7.33 - Wey mè yónteno náh, Yesu òwóló kénúkò kénkò pɪ, té pè à syɪ dahni yò, à à ko mo.

³⁷ Syáh gbìyìkì téy sòle, nê-á pi ké gbìyìkì ñgběne, Yesu yuku yĩn tówù sòko, té yo yĩnpõ ñgběne ne: «Níkì-à me nê tẽ, tẽ po ñmo tyí, à po wo. §
³⁸ Névi nê-à sê ñmo yõ, min yrey ki n fwo n wil tẽ sòko, sõ-á Liyel wey sébéy yo kéle.» ³⁹ Liyel Mirki nê-á sò Yesu yõ sěpú ki po n we n pi, képah tyí ye sò Yesu n yo. Té légbíne, Yesu náh tǒnì sò me doko ñ tǒrí yõ, képah ye Liyel náh tǒnì sò me ñ Mirkile pè kǒ.

Yesu tyí-á gbékínó nê dahbi tówù wró

⁴⁰ Tówù-á Yesu wey mèn noh te, túkù tyah n yo ne nkě, Liyel tǔntǔ syinyo-ò* nê-á pé syiki tẽ, ñmo-á dí mène tótó. ⁴¹ Túkù mó ne, Liyel-á nê yah toko, ñmo-á. Té túkù tẽ wo mó ne, Liyel ney yáhntokono† se ki fẽ wil Kalile gběnyah sòko ni? ⁴² Kè kó me yónóle Liyel wey sébéy sòko ne nkě, wáh ki pi yõtẽ dí Davidi pétóbé sòko yóle, té ki n dubi n pi Betlemi kwil,‡ képah nê sòko-á Davidi dubi di? ⁴³ Képah sòko, névye sǒno pi sé tyí tyíle Yesu tyí sòko. ⁴⁴ Túkù sò me n yah n kǒ ñ tẽ-nsahle, ñte ñnì yó ntẽ náh tẽ we gbò tũ ñ tyí.

⁴⁵ Képah sòko, Liyel ní-nsah gbô syíkípi pé syi sòko sárká syínwilkípu yõtám ànê Farisi wěkì kópú tnô. Pèpi me pè piki yah ne, sǒ se pi té pè náh Yesu tẽ po ni? ⁴⁶ Pè me pè syah ne, dí mè wey kénkǒ náh me pólle. ⁴⁷ Képah tǔne, Farisi wěkì kópú ne, è, pè se pyé ye à kǒ à pé to yõ yiki ni? ⁴⁸ Pè se yõtẽ yó, képah náh pi, Farisi wěkì kó-ò yó we yah à sê Yesu yõ ni? ⁴⁹ Té kàh tówù mè névye tẽ wo léysi, pè náh Moyisi tyi kǒnsàhnóle n pne dò. Pé pól tyí-á yiki.

⁵⁰ Té Farisi wěkì kópú nǒpi sòko yó sò me pè n ye Nikodemine, nê-á kyi wil yah Yesu tyí sò yóle. § Ñmo me yo pé no tyí ne: ⁵¹ «À yĩne ápi tyi kǒnsàhnóle, á se yĩne à lékàhle névi kǒ, né á náh ñ vyãh wey noh, té pĩ tyi nónó-á à pi?» ⁵² Képah sòko, pé no à syah ne, è, Kalile gběnyah ney se ñ tole té à n weki sě ni? Nkě, à Liyel wey sébéy toko n sohlì n yah, wáh ki kè we ne, Liyel tǔntǔ syinyo-ò yó ntẽ náh n wil Kalile gběnyah sòko.

⁵³ [Képah náh, pé pól karkì sòko pé fné sòko.

8

¹ Nte, Yesu wo mó sòko Wolivi yèh yǒh yõ.

Fòfínpi pi yó tǔnpǒnole Yesu tyí

² Té dǐndal séngbǒ púpúle, Yesu tǒ ñ syi po Liyel ní-nsah gbô sòko, té no pól me po ñ tnô. Á me kǒ tẽ à tyah péle n kwó. ³ Wáh me kwónó sòko, Liyel tyi kǒnsàhnó kwópú ànê Farisi wěkì kópú me po sê fòfínpi yóle ñ tyí. Pè po pi mè sah tówù niyó Yesu yah, ⁴ té Yesu syah ne, kwó-ò dí, páh pi mè we tẽ fòfíkì pínó sòko tótó. ⁵ Té Moyisi-á kè yo sah ñ tyi kǒnsàhnó sòko ne, sěnkǒ sê-á yĩne mínkónóle dyèhle.* Té ñmo-á dò, ñmo se ne sõ-á ni? ⁶ Pè sò me képah tǔne n yo sě, ne wáh ki pilki pé lékàh we à kǒ.† Nte Yesu me

§ 7:37 7.37 - Syáh mè sòko, pè sò nkěne pé dyole n to n kǒ ni tyíle, Liyel-á lésò nène péle n kǒ gběnni sòko. Képah ye Yesu kǒ à ne níkì-à nê tẽ, tẽ po wo péwo tyí. * 7:40 7.40 - Yah n te Nsyõ 1.21 ; 6.14. † 7:41 7.41 - Yah n te Krista tyí yah yónó sòko. Kè ki we welo yah yónó sòko. ‡ 7:42 7.42 - Yah n te Mise 5.1. § 7:50 7.50 - Yah n te Nsyõ 3.1-21. * 8:5 8.5 - Yah n te Tǒnyono 22.22. † 8:6 8.6 - Pílkintě-nsah ye sò pè n yah n kǒ Yesule. Wáh ki ne pè à min ko dyèhle, Wrome tǎn dǐl ye à pi. Wáh ki mó tǒ yo ne pè à fin mo, à Moyisi tyi kǒnsàhnó dǐl pi.

ñ yõ sɪnki, té tyah n wārki sɛtáh sɔkɔ ñ kɛngbɔlɛ. ⁷ Kǎh pɪ sɛ, pɛ tɔ mɛ yõ sɔkɔ ñnɛ n gbah n piki n yah. Képah tɛnɛ, à mɛ ñ yõ yõ té yo pé tyí nɛ: «Yé sɔkɔ nɛy nê-à kɪ mɛ à náh tyípékè pɪ yah póllɛ, tɛ wɔ dáhkɪlɛ pi mɛ min gbennɛ.» ⁸ Képah yóntɛnɔ náh, à tɔ ñ yõ sɪnki à tyah n wārki sɛtáh sɔkɔ. ⁹ Pǎh képah tɛ noh sɛ, pɛ tyah n sɔkɔ núkú núkúɛ, à tɔkɔ lékóló ñgbò tyí, pópó à pɔ gbàh sah Yesu ànê pi mɛ ó tyí nɛnpó. ¹⁰ Képah sɔkɔ, Yesu mɛ ñ yõ yõ té yo pi tyí nɛ, nónó-á pɔ tɔkɔ à kɔ, nýǎh se péle nɪ? Pé sɔkɔ yó ntɛ kó à mɔ kũ kũ nɪ? ¹¹ Pi mɛ nɛ, pé yòtɛ, nɛy náh pé mɔ kũ kũ. Képah sɔkɔ, Yesu mɛ nɛ: «Ñmɔ tɔ náh ñ mɔ kũ kũ n pi. Nɛ n yuku; té à tɔkɔ núkúnúkú tyí, káh n tɔ tyípékè pɪ n yah.»]

Yesu ye kèkõyó kyòolɛ

¹² Képah náh, Yesu tɔ yo névyɛ tyí nɛ: «Ñmɔ ye kèkõyó kyòolɛ. Névi nê-à ñmɔ sò tɛ, tɛ náh tɔ n kɔ n pi fɛntú sɔkɔ. A kɪ kyòo wɛ, nê-á kɪ minne à kɔ.

¹³ Képah sɔkɔ, Farisi wɛkɪ kópú à syah nɛ, nê se kɪ sɛ ñ tyíyónó yõ nɪ? Ñmɔ ó kó ñ gblóy tǎrfyòlɛ yò nɪ?† ¹⁴ Yesu mɛ yo pé tyí nɛ ñkɛ: «Gbɪ tɛ wɔ ye ñmɔ ye ñ gblóy tǎrfyòlɛ ó, ñtɛ ñmɔ ñ wɪl-ñsahle n pɛnɛ, té ñ yúkú-ñsahle n pɛnɛ. Képah ye, máh tyi nónó yo ñ gblóy dùkú tyí sɔkɔ, gblɔ ye séle. Té yépi náh ñ wɪl-ñsah pɪ, yé náh se mó tɔ ñ yúkú-ñsah pɪ. ¹⁵ Yépi tɛ wɔ lékàhɛ névyɛɛ n kɔ à yɪnɛ névi yòtǎhsyi sònlɛ. Ntɛ ñmɔ wɔ náh lékàhɛ ñnɪ yó ntɛnɛ n kɔ. ¹⁶ Té káh se pɔ pɪ mé yɪnɛ mɛ lékàhɛ ñnɪ kɔ, mé náh kéle à kɔ n pi ñ gblóy. Sú Liyel nê-á tekɪ mɔ ñnɛ, á kɪ kéle à kɔ wɛ tyí ñmɔlɛ. Képah ye, ñ lékàh kónó kɪ pɪ gbɪ wɛkɪ yõ. ¹⁷ Kè náh mɛ wárkɪnsàhnólɛ yé tyi kònsàhnó sɔkɔ nɛ, nɛpɪ nímí-à pɪ tǎrfyòlɛ tir nê sɔkɔ, gbɪ-á kéle di?§ ¹⁸ Ñmɔ mɛ ñ gblóy tyíɛ n yo, té Sú Liyel nê-á tekɪ mɔ ñnɛ, ñmɔ tɔ mɛ ñ tyíɛ n yo.» ¹⁹ Képah sɔkɔ, pɛ Yesu syah nɛ, nýǎh se ñ súle nɪ? Yesu mɛ nɛ: «Yé náh ñmɔlɛ n pɛnɛ, yé náh ñ Sú tɔlɛ n pɛnɛ. Yǎh sò mɛ ñnɛ pɛnɛ, yé náhki ñ Sú tɔ pɪ.» ²⁰ Yesu sò mɛ kwónólɛ n pɪ Liyel ní-ñsah gbô fɪ yó sɔkɔ, nýǎh-á ké pó kyésúkúɛ, té tyi nópi yo. Ntɛ ñ gbɪ náh tɔnɪ sò mɛ sɛ, képah ye ñnɪ yó ntɛ náh tɛ wɛ à tɛ.

Gbáhdyâh ðínólɛ Yesu yõ sɛ-ñkɛpú tyí

²¹ Képah náh, Yesu tɔ yo tówú tyí nɛ: «Ñmɔ ye n sɔkɔ yò. Yé kɪ ñ yah n kɔ n pi, ñtɛ yé kɪ ku yé tyípékè sɔkɔ. Ñmɔ-á n yuku nýǎh, yépi náh fɛ n kyɪ n pi nɛnpó.» ²² Képah sɔkɔ, Nsyifunɔ nɛ, ñtɛ ñ gblóy ko mɔ dékè se kɪ pyɛ mɛ à tɛ nɪ? A kɔ à n yo nɛ, pépi náh fɛ n kyɪ n pi péwɔ yúkú-ñsah sɔkɔ. ²³ Yesu mɛ yo pé tyí nɛ: «Yépile, sɛtáh yõ névyɛ ye yéle, té ñmɔ wɔlɛ, ñmɔ wɪl yɪnyõ. Kèkõyó mɛ névyɛ ye yépile, ñtɛ ké névi náh ñmɔ wɔlɛ. ²⁴ Yáh wɛ mé kéle n yo yé tyí nɛ yáh kɪ ku yé tyípêl sɔkɔ, yé náh mɛ sɛ ké yõ nɛ, Ñmɔ-á,* képah ye ñ kɔ mé nɛ yáh kɪ ku yé tyípêl sɔkɔ.»† ²⁵ Képah sɔkɔ, pɛ à piki yah nɛ, nê tɛ ó se ñmɔlɛ nɪ? Yesu mɛ yo pé tyí nɛ: «Mé sò kè yo tɛ yé tyí ké tyah gbí dùkúɛ. ²⁶ Tyi náhna mɛ ñ tyí yo yo tɛnɛ yé tyí sɔkɔ ànê kɪ lékàhɛ yé kɔ. Ntɛ máh nê noh ñ tékɪnmɔ-ò tyí, képah ó ye mé n yo yé

‡ **8:13** 8.13 - Nsyifunɔ tyi kònsàhnó sɔkɔ, né tǎrfyò névyɛ náh nɔ nímíne tir nê tyí, kéne tir náh n mɔ n kɔ. Yah n tɛ Tɔnyonɔ 17.6; Matye 18.16. § **8:17** 8.17 - Yah n tɛ Tɔnyonɔ 17.6. * **8:24** 8.24 - Ñmɔ-á nê tyí-á n yo ásò sɔkɔ yò, Liyel ñgbò ye lésò ñ gblóy ye Ñmɔ ye Ñmɔlɛ. Té Yesu tɔ-á pɔ ñ gblóy ye Ñmɔ yeɛ, képah kéle n wɛkɪ nɛ Liyel-á ñnɛ. Yah n tɛ Yálnó 3.14. † **8:24** 8.24 - Kũ nê tyí-á Yesu yo ásò sɔkɔ yò, kũ gbɔy tyí náh à n yo, Liyel tyí fɪn kũ tyí ye à n yo.

tyí. Nmɔ ye gbɪ nɛ́tɛ́nɛ.» ²⁷ Nte pépi náh sò me pĩ ne, Sú Liyel tyí-á Yesu n yo pé tyí. ²⁸ Képah sɔkɔ, Yesu yo pé tyí ne: «Yáh pɔ Névi Pídí yõ dɔkɔ gbí nêne, yé kɪ pĩ ne Nmɔ-á. Té kɪ tǒ pĩ ne mé náh tir yó ntɛ́nɛ n pɪ ní yah yíine. Sú Liyel-á tyi nónónɛ ní kwɔ, sépi ó ye mè n ne n yo. ²⁹ Nê-á tekɪ mɔ ní mɔle, mé me ñ dyɔ yíi tyile n pɪ gbímeɓgbí, képah ye à me ríne, à náh ní sah n pi ní gblɔy.» ³⁰ Yesu-á me képah yónó sɔkɔ gbí nêne, névye náhnáh sɛ ñ yõ.

Nónó me Abrahamɪ pétóbéle tótó?

³¹ Képah tɛ́nɛ, Nsyifunɔ nónó-á sò sɛ́ Yesu yõ, à me yo pé tyí ne: «Yáh kɪ me ní mɔ tyíyónó wɛ́kɪle n kɔ, ní tǒ sáhpú kègblo ye yéle. ³² Yé kɪ gbule n pne, té kéné gbɪ kɪ yé wilki yõri sɔkɔ.» ³³ Képah sɔkɔ, pè me Yesu syah ne, Abrahamɪ pétóbé-á pépile. Pépi náh pɪ yah ñnî yó ntɛ́ yõbule pólle. Nte à se sɔnpíle n yo ne, pépi-á kɪ wil yõri sɔkɔ nɪ? ³⁴ Yesu me yo pé tyí ne: «Kègbɪgbɪ tɛ́ yõ, mé kéle n yo yé tyí, névi nê-à tyípékèle n pɪ, tyípékè yõ ye tɛ́nɛ. ³⁵ Yõle, ñ yõtɛ́ dí gbô sɔkɔ tɛ́-ò kúmm náh ñne. Nte yõtɛ́ dí pídí tɛ́ wɔle, ñ sú gbô sɔkɔ tɛ́-ò kúmm ye ñmɔle. ³⁶ Képah ye, Liyel Pídí-à yé wilki yõri sɔkɔ, yé kɪ me yé gblɔy yõ kègbɪ tɛ́ yõ.

³⁷ Mé pĩ ne Abrahamɪ pétóbé-á yéle. Nte yáh ní mɔ welo yahle, képah ye yé kǒ yé n yah n kǒ ní kònmɔ-ńsahle. ³⁸ Nmɔ-á nê we ní Sú Liyel tyí, képah ye mé n yo. Yépi tɔ-á mó tyi nónó noh yé sú tyí, sépi ye yé n pɪ.» ³⁹ Páh Yesu wey noh sɛ́, pè à syah ne, Abrahamɪ-á pépi súle. Képah sɔkɔ, Yesu ne: «Yáh sò me Abrahamɪ pétóbéle, yé náhkɪ me Abrahamɪ tyípínine n pɪ. ⁴⁰ Nte núkúnúkú, ní mɔ nê-á gbɪ noh ní Sú Liyel tyí à yo yé tyí, yé n yah n kǒ ní mɔ kònmɔ-ńsahle. Abrahamɪ náh sɛ́nkǒ pɪ dò. ⁴¹ Yépile, yé sú tyípínó ye yé n pɪ.» Képah tɛ́nɛ, pè à syah ne, fɔ́fíkì‡ pínó sɔkɔ náh pépi dubi dé! Nkɛ́ Sú núkú ó-á pépi tyí, nê-á Liyelle. ⁴² Yesu me yo pé tyí ne: «Liyel tyí ye ní mɔ wil à pɔ. Nmɔ náh pɔ ní gblɔy yín yõ dé! Nmɔ ye tekɪ mɔ ríne. Nte Liyel-à sò me pɪ yé Súle kègbɪ yõ sɔkɔ, ní mɔ tyí náhkɪ me nɔ yé tyí. ⁴³ Yé yahle ní welo nóhnóle, képah ye yé náh ní welo syíkí-ńtân pĩ. ⁴⁴ Yépi súle, sétân yõtɛ́ ye ñne. Nmɔ dyɔ yíi tyi ye yé me ké tyí ne yé ne n pɪ. Nékokè mó-ò ye ñne ñgbò dùkùle. Wáh pɪ gbɪ náh me ñ sɔkɔ, à náh mó gbɪ wɛ́kɪle n kɔ pólle. Wáh pɪ mìnì yó-òle, wáh mìnine n yo, ǎ kéle n yo à yíne ñ gblɔy kèdùkùle. Mìnì yónó yõ wil ní mɔ tyí. ⁴⁵ Nte ní mɔ tɛ́ wɔle, ní mɔ gbule n yo, képah ye yé náh me sɛ́ ní yõ. ⁴⁶ Yépi sɔkɔ nê tɛ́ kɪ fɛ́ kè wɛ́kɪ ne máh tyípékè pɪ? Nte máh gbule n yo, kwáh nê pɪ té yé náh sɛ́ ní yõ? ⁴⁷ Liyel tyí névi-à névi nêne, ñmɔ Liyel weyne n noh n tɛ́ n yín. Nte Liyel tyí névye náh yépile, képah ye yé kǒ yé yahle sé nóhnóle.»

Yesu me Abrahamɪ yah

⁴⁸ Képah sɔkɔ, Nsyifunɔ Yesu syah ne, gbɪ kó me pé tyí pé yo ne, Samari ney-á ñne, ànê sétó-á me ñ sɔkɔ nɪ? ⁴⁹ Á me yo pé tyí ne: «Sétó náh me ní mɔ sɔkɔ. N Sú Liyel ye mé n gbilki, té yépi me ní mɔle n yilo. ⁵⁰ Nmɔ náh me n yah n kǒ ní gblɔy gbílkí-ńsahle dé. N gbílkí-ò ñ gblɔy ní mɔle. Nmɔ ye gbɪ syínkǒ-òle. ⁵¹ Kègbɪgbɪ tɛ́ yõ, mé kéle n yo yé tyí, névi nê-à n sah ní mɔ yóré yõ, tɛ́ náh kǔ dɔ n yah n pi pólle.»* ⁵² Képah sɔkɔ, Nsyifunɔ à syah ne,

‡ **8:41** 8.41 - Liyel wɛ́kɪ kó-ńkɛ́ pèpɛyne, Liyel wey kéle n tɔkɔ n sáh fɔ́fíkì pínóle. § **8:50** 8.50 - Gbɪ syínkǒ-ò nê tyí-á n yo ásô sɔkɔ yò, Liyel ye. * **8:51** 8.51 - Kǔ nê tyí-á n yo ásô sɔkɔ yò, yah n tɛ́ 8.24.

páh pyě kè pĩ yíi núkúnúkú tēne ne sétõ-á me ñ sòkò. Abrahami-á ku, Liyel tēntõ syínyopu tò me ku. Nte ñmò pò n yo ne, névi nê-à n sah péwò yóré yõ, tē náh kũ dò n yah n pi ni? ⁵³ Pépi sú Abrahami-á ku. Nte ñmò se me n sò ne páh kal Abrahamine ni? Liyel tēntõ syínyopu tò me ku. Té ñmò tē se me ñ gblõyne n yah nédúkú nēne ni? ⁵⁴ Képah sòkò, Yesu yo pé tyí ne: «Mâh nâhki sò me ní gblõyne n gbilki, yõ náh me gbilkínó mē tyí. Nte ní Sú Liyel ye n gbilki ríne, ñmò nê-á yé ne, yé Liyel-á ñne, ⁵⁵ té yé náh se mó tõ me ñne n pne. Nte ñmò wò ñne n pne. Mâh sò me yo ne, mé náh ñne pne, mé nâhki pi mìnnyole yé tyí kòle. Nte ñmò ñne n pne, té me n sah ñ yóré yõ. ⁵⁶ Yé sú Abrahami sò me nìvìnì sòkò ne, pé ñmò pò sò gbìyìkì we. A me pò kè we, kè pi nìvìnìne ñ tyí.» ⁵⁷ Képah sòkò, Nsyifunò me à syah ne, ñmò náh tōnì ye tikiníní pò gbām we, té ne páh Abrahami we ni? ⁵⁸ A me yo pé tyí ne: «Kègbìgbì tē yõ, mé kéle n yo yé tyí, Abrahami-á pópó n dubi, Ñmò me.» ⁵⁹ Wáh képah yo sě, pè núkú dyèh kwel ñ tyí ne páh ñne n minki.† Nte à me wõbì à wil Liyel ní-nsah gbô sòkò à sòkò.

9

Yítù dí yó yí yíkinmòncò

¹ Sò yóle, Yesu sò me n kò n sòkò té dí yó we, nê-á sò me yítùne ñ dubi gbí dùkùle. ² Képah sòkò, Yesu tò sáhpú à piki yah ne, pé kwó-ò dí, sò se pi té dí mè dubi yítùne ni? Nmò tyípekè pínó se, tì ñ dúbípú tyí se? ³ A me yo pé tyí ne: «Ñmò, képah náh pi ñ dúbípú tyípekè pínó náh à kò à dubi yítùne dé! Kè ye pi Liyel tyípinì wèkì yinne ñ sòkò. ⁴ Nê-á tekì mò ñmòle, tyah kyòò sòkò ye á yīne à tòle n pi ñ tyí. Nkě lékâh me n pi, nê sòkò-á ney náh fě tò pi n pi. ⁵ Mâh fyò me kèkõyó sòkò, ñmò ye kèkõyó kyòole* ní me gbí pól sòkò.» ⁶ Wáh képah yo te, à sīn mò sétâh té kè fâh à kele yítù dí yí yah. ⁷ Té me yo ñ tyí ne à kyì ñ yah wu pékì tũnsâhnó yó ni sòkò, nê-á pè n ye Silowele. Silowe kór ye Tēntõ névile. Yítù dí me sòkò à kyì ñ yah wu nēnpó. Wáh ñ syi n pi gbí nēne, à sò me n yah.

⁸ Képah sòkò, ñ tnô tēpu ànê nónó-á nkēne ñne n we à n ne me n ni n syi, pâh à we pè me yo tũ ne, dí mè kó nkēne n kò n tē ne n ni n syi yò ni? ⁹ Túkù ne ñmò-á, túkù mó ne ñmò náh, yâhnkõ-á à tò. Pâh me képah sòkò, dí me yo pé tyí ne péwò-á tótó. ¹⁰ Wáh yo sě, pè me à piki yah ne, ñ yí se pi sò té yìkì mò ni? ¹¹ A me yo pé tyí ne, dí nê-á pè n ye Yesule, ñmò-á fâhkì pi, té kè kele pé yí yah, té ne pé kyì pé yah wu Silowe yo sòkò. Pé me sòkò kyì pé yah wu nēnpó, pé me fě n yah. ¹² Pè me à syah ne, kéne dí se me nýâh ni? A me ne pé náh pĩ.

Farisi wèkì kópú-á sóhlínyahnò nê pi yítù dí yí yíkinmòncò tyí sòkò

¹³ Képah sòkò, yítù dí nê yí-á yìkì mò, pè à tē pò Farisi wèkì kópú tyí. ¹⁴ Té mi mi yòh sò ye mó tõ lésò Yesu fâhkì pi à dí yí yìkì mò. ¹⁵ Képah sòkò, Farisi wèkì kópú dí piki yah ne, sò se kè pi té à fě n yah núkúnúkú ni? A me yo pé tyí ne, fâhkì-á à pi kele pé yí yah, té pé me kyì pé yah wu, pé me fě n yah. ¹⁶ Képah tēne, Farisi wèkì kópú túkù sò me n yo ne nkě, dí

† 8:59 8.59 - Liyel tyi kònsâhnó wèkì sòkò, névi nê-à yo de Liyel tyí, pè yīne pè tē min ko dyèhle.

* 9:5 9.5 - Yah n te Nsyõ 8.12.

mè náh fyò me mɪ mɪ yòh tẽ dèlle n tẽ, képah-á n wěki ne à náh wil Liyel tyí.† Nte pé tókù mó me n yo ne, tyípèl pí-ò se kɪ fě gbìl nòpi dukù pɪ sɔ nɪ? Káh pɪ sě, pé sɔnɔ pɪ sé tyí tyíle. 17 Pè me tɔ pé syɪ dí mè syah ne, nê-á yɪkɪ mɔ n yíle, òmɔ se kɪ yo sɔ tẽ tyí sɔkɔ nɪ? Dí me ne, Liyel tẽntò syínyo-ò-á òne.

18 Nte Nsyifunɔ yòtãm náh sò me ké tyí ne pé sě ké yò ne, yítũ-á sò òne, té núkúnúkú à me n yah. Káh pɪ sě, pé n dúbípú ye pɔ, 19 à pɔ pé piki yah ne, pépi pídí se dí mène nɪ? A se dubi yítũne nɪ? Nte à se pɪ sɔ té fě n yah núkúnúkú nɪ? 20 N dúbípú me yo pé tyí ne, páh pĩ ne pépi pídí-á òne; wáh dubi yítũne. 21 Nte tir nê tẽ wɔ-á pɪ té à fě n yah núkúnúkú, pépi náh képah wɔ pĩ, pé náh se mó tɔ pĩ nê-á yɪkɪ mɔ n yíle. Nkě pé à piki yah, wěnpir náh tɔ òne; wáh kɪ fě ké yah yo n gblɔy. 22 Nsyifunɔ yòtãm tiki sò me pé tẽ, képah ye pé kɔ pé n wěki sě. Nsyifunɔ yòtãm sò me ké yo sah te ne, névi nê-á kɪ ne Liyel ney yáhtɔkɔnɔ-á Yesule, tẽ-á kɪ yĩni wilki pépi wěkɪ sɔkɔ. 23 Képah ye, n dúbípú kɔ pé ne, wěnpir náh tɔ òne, pé à piki yah.

24 Képah sɔkɔ, Farisi wěkɪ kópú tɔ dí mè ye yah ke ní-òle nê-á lésò yítũne, té yo n tyí ne, ké Liyel wěkɪ tẽ yò, à gbɪ yo pé syah. Pépi-á pĩ ne n yí yíkínmɔ-ò dí mène, tyípèl pí-ò-á òne. 25 Dí me ne, pé náh pĩ tyípèl pí-ò-á kɪ nê òne dé! Tyínúkú ó-á péwɔ n pne: Yítũ-á sò péle, nte núkúnúkú páh me n yah. 26 Pè me à piki yah ne, tir nê se Yesu pɪ n tyí nɪ? Dukù nê se à yɪkɪ mɔ n yíle nɪ? 27 Dí me ne, páh sò kè yo te pé tyí, té pé náh pé níki sah kè noh. Nte sɔ se té pé tɔ me ké tyí ne, pé kè yo pé noh ke ní-òle nɪ? Pépi tó se pyě me n yah n kɔ ne, pé pɪ n tò sáhpúle nɪ? 28 Képah tẽ sɔkɔ, pé tyah òne n gbyɔ, té ne nkě, òmɔ-á kéne dí tò sáh-òle dé! Pépi tẽ wɔle, Moyisi tò sáhpú-á pépile. 29 Páh pĩ ne Liyel-á yo mɔ Moyisi tyí.‡ Nte dí mène, pé se n wíl-nsah nítẽne n pne nɪ? 30 Páh yo sě, dí me yo pé tyí ne, é! Té képah-á pyě pɪ gběndùnne yò sɔ. Pépi náh n wíl-nsah pĩ pé yo. Nte wáh péwɔ yí yɪkɪ mɔ dé!§ 31 Pé pól-á pĩ ne, Liyel náh tyípèl pí-ò nírile n tẽ. Nte névi nê-á pɪ négbíle, té Liyel dyɔ yí tyile n pɪ, à tẽ wɔ nírile n tẽ.* 32 Nte kèkòyó-á me sɔ, pépi náh kè noh yah ne, ònî-á yítũ yó yí yɪkɪ mɔ, nê-á dubi yítũne dé! 33 Dí mè-á sò me wíl-òkẽne Liyel tyí, à náh náhki fě tir yó nítẽ pɪ n pi dò! 34 Képah tẽne, pé à syah ne, òmɔle dubi n tòó tyípékè ó sɔkɔ, té òmɔ kɪ pɔ ne páh pépile n kwɔ nɪ? Té nukú à yĩni wilki kégbó.

Nónó-á yítũbile Liyel tyí ònne

35 Képah sɔkɔ, Yesu-á kè noh ne páh dí yĩni, à kyɪ à yohnɪ té à piki yah ne: «Á se sě Névi Pídí yò?» 36 Dí me ne, pé yòtẽ, nê se Névi Pídí mène nɪ? A n tyí yo pé syah, pé kɔ pé we sě n yò. 37 Képah tẽne, Yesu me yo n tyí ne: «Á ye à we te. Òmɔ ye n yáh ále núkúnúkú yò.» 38 Dí-á képah noh sě, à ne páh sě ké yò, Tẽ ògbě. Té me gbètukunɔ di Yesu yah, à à gbilki.

† 9:16 9.16 - Yáh we Farisi wěkɪ kópú tókù ne Yesu-á me mɪ mɪ yòh dèlle n pɪ, pépi tẽ sɔnɔ sɔkɔ, wáh névi de mɔ mɪ mɪ yòh sòle, tò ye á pɪ. ‡ 9:29 9.29 - Liyel yáhkɪ yáh Moyisile, wáh n tyi kònsàhnóle òne n kɔ gbí nène. Yah n te Yálnó 33.11; Yáhnó 12.8. § 9:30 9.30 - No nòpi me n yo ásò sɔkɔ ne, pépi náh Yesu wíl-nsahle n pne. Nte kè mó tɔ me yónóle Yesayi 35.5 ; 42.7 sɔkɔ ne nkě, Liyel ney yáhtɔkɔnɔ-á kɪ yɪkɪ mɔ yítũbi yíle. Nénpó sɔkɔ, pé sò yĩne pé pĩ ne Yesu-á Liyel ney yáhtɔkɔnɔle. * 9:31 9.31 - Yah n te Sèmìrn 15.29.

³⁹ Képah sɔkɔ, Yesu ne: «Gbɪ wah yɪn ye ɲmɔ pɔ kèkɔyó mè sɔkɔ; ne yítūbi yí yɪki mɔ, té nónó-á me n yah pépi pi yítūbile.» ⁴⁰ Képah sɔkɔ, Farisi wěkì kópú nónó-á sò me ànê Yesule, pépi-á welɔ nópí noh, pè Yesu piki yah ne, ñte yítūbi se pyě pépi tɔle ni? ⁴¹ Yesu me yo pé tyí ne: «Yâh sò me yítūbile, tyípekè nâh nâhki n me n pi yé yõ. Ñte núkúnúkú yé ne yâh me n yah, képah ye yé tyípekè me yé yõ.»

10

Képyénfě pèpeyne

¹ Képah nâh, Yesu tɔ yo pé tyí ne: «Kègbɪgbɪ tẽ yõ, mé kéle n yo yé tyí, névi nê-à n dé-ńkêne képyénì tũ yahle, té n dɔkɔ n de ké sɔkɔ ké gbòpɔ yóle, yěnwó ye tẽne, névi yõ syíkí-ò tɔ ñne. ² Ñte nê-à n de ké yahle, képyénfě ye tẽ wɔle. ³ Tũ syíkí-ò dí ké yah yɪki n mɔ ñmɔ kɔ. Ñ képyénì ñ yíne n pne.* Wâh de, ñ tyí-á képyénì nónone, ă sé ye n wil sé ynine kégbó. ⁴ Ñ képyénì-á ñ yíne n pne sě, képah ye wâh sé pól wilki mɔ te, à n yɪn sé yah, té sě ñ sò tẽ. ⁵ Ñte sâh névi nê yíne n pne-ńkêne, sè nâh tẽ sòle n tẽ pólle. Sè n to n gbɛ n mɔ fíí ñne ńtẽne.» ⁶ Yesu kéne sémirkì yâh tówú tyí, ñte pè nâh ké kór pĩ.

⁷ Képah sɔkɔ, Yesu tɔ yo pé tyí ne: «Kègbɪgbɪ tẽ yõ, mé kéle n yo yé tyí, ɲmɔ ye képyénì tũ yahle. ⁸ Nónó pól-á ní dyâh tẽ pɔ sɔkɔ te, yěnwóbé ànê névyé yõ syíkípú ye péle.† Ñte, képyénì nâh mó fě syi noh pé tyí. ⁹ Ñmɔ ye dénsahle. Névi nê-à de képahle, tẽ ki pwah. Tẽ ki fě n de, té ki ñne n syi n wil ki ñ yòkele n we. ¹⁰ Té yěnwó wɔ-à n pi, yĩbe, ànê nékókè mónó, ànê yényêh pi yɪn ó ye à n pɔ. Ñte ɲmɔ pɔ ne névyé min we, nê-á ple yíí.

¹¹ Képyénfě pèpey ye ɲmɔle. Kâh sɔ n nɔ kũ tyí, képyénfě pèpey n fě n syi ñ min kɔ ñ képyénì yinne. ¹² Ñte pó yâhnkɔ-ò képyénfě tẽ wɔle, képyénfě kègbɪ nâh ñmɔle dé! Ñmɔ yěngbẽ tyí nâh képyénì nópíle. Képah ye, wâh fyò gběnpâh we à n pi, à n to ñ té képyénì milki, à kɔ à n pɔ n tẽ sé sɔkɔ, sé téló n mó n to n karkɪ. ¹³ Pó ó kókó ye ñmɔ n yah n kɔ dò. Yíkínó-à sɔ n pi képyénì sɔkɔ, kè nâh n pi tirlɛ ñmɔ yah. ¹⁴⁻¹⁵ Képyénfě pèpey ye ɲmɔle. Sɔ-á Sú Liyel ńne n pne, té ní tɔ ñne n pne, sě ó ye, mé ní képyénine n pne, sé tɔ mó ńne n pne. Ñmɔ ki ní min kɔ ní képyénì yinne. ¹⁶ Képyénì túkú me ní tyí, nónó-á sè nâh me tũ mè sɔkɔ. Sè ki n noh n pi ní tyí. Mé yíne mè n kyi sè yah n fě fě n pɔ n kwɔ n mɔ sè pi tũ núkúle, képyénfě‡ núkú ó mó séle n fě. ¹⁷ Ñmɔ ki ní min kɔ kũ sɔkɔ, té ki tɔ pɔ kè syi n pi. Képah ye, ní tyí nɔ Sú Liyel tyí. ¹⁸ Ney nâh fě ní ko n mɔ n pi dé! Ñmɔ ye n kɔ ní minne ní gblɔy. Těnweno me ní tyí ki fě kè kɔ, tẽnweno tɔ me ní tyí ki fě kè syi ńtɔ. Sě ye ní Sú Liyel ne mé pi.»

¹⁹ Képah tẽne, Nsyifunɔ-á welɔ nópí noh sě, pé sɔnɔ tɔ kah pi sé tyí tyíle. ²⁰ Pé nâhnâh tyah n yo ne ńkě, sétó yó-á me ñ sɔkɔ, ñ yògbèkè kɔ kè yuku. Yõ se tɔ me ké tyí, pè ñ welɔle n nohni ni? ²¹ Ñte tókú mó ne ńkě, yògbèkè

* **10:3** 10.3 - Nsyifunɔ tyí sò, képyénfěbɪ nâhnâh sò ńkêne pé képyénine n kwɔ n mɔ n dah n mɔ n pɔ tũ núkú sɔkɔ, ñ té ñnì yó tɔkɔ n sah, ă séle n syiki lékâhne yípú ànê gběnképèl yinne. Pé pól ńkêne yni sah pé képyénì kɔ. Pé képyénì pé yínole n pne. Tyah-à fyò dal, pé pé képyénine n ye n wilki n pɔ sé ynine. † **10:8** 10.8 - Yah n te Nsyeremi 23.1-2; Yesekyelɪ 34.2-10. ‡ **10:16** 10.16 - Képyénfě nê tyí-á Yesu n yo ásô sɔkɔ yò, ñ gblɔy ye à n ye.

yúku-ò welo náh welo nópile dé! Yògbèkè yúku-ò se kí fě yítú yí yúki mó ní?

Nsyifunõ tókù-á Yesu yahle òkù nêne

²² Képah sòkò, kwònrí gbíne, syáh yó sò me n syah Yerusalemí sòkò, nê-á Nsyifunõ dyòle n to n kò Liyel ní-nsah gbô tǒnsàhnsòkònyé tyíle. ²³ Képah sòkò, Yesu sò me n kò n kò Liyel ní-nsah gbô párn yó sò, nê-á pè n ye Salomo párnne. ²⁴ Nsyifunõ yísyó me pò à mò gbí té yo n tyí ne, à se kí pépi mò sah tòtò sòkò, pópó kí pò nò gbí nê tyí ní? Nmo-à kí nê Liyel ney yáhtòkònyé, à kè yo n dal n mò pé syah kè! ²⁵ A me yo pé tyí ne: «Mé kè yo te yé tyí, nte yé náh sě ké yó. Tyi nóno-á mé me n pí ní Sú Liyel yín yó, sépi ye me ní tyíle n yo n wah. ²⁶ Nte yé náh pí nmo képyénne sě, képah ye yé kò yé náh sě ké yó. ²⁷ Nmo képyénì tě wò ní weyne n nohni, mé séle n pne, ànê sě ní sò tě. ²⁸ Mé kí tyé-ńkě minne sè kò. Sé tyí náh n yúki n yah n pí, ànê nni yó nte náh fě sè tě n syi ní gbò. ²⁹ Nmo Sú nê-á séle ní gbò dahbi, nmo kal yiyin pólle. Képah ye, nni yó nte náh fě sè tě n syi nmo gbò sòkò. ³⁰ Nmo ànê Sú Liyel me núkúle.»

³¹ Képah tene, Nsyifunõ tó dyéh tó ne páh Yesule n min n ko. ³² Nte à me yo pé tyí ne, Sú Liyel gbò yó, páh tyípeplo náhnáh pí pè we. Sépi sòkò nê tě yín se pè n yah n kò pé minnò-nsahle ní? ³³ Nsyifunõ me à syah ne, tyípepěy pínó yín náh pé ne páh nne n min n ko dé! Nte wáh yo de Liyel tyí képah yín-á. Nmo névi gboy kí pò n gblòyne n pí Liyelle ní? ³⁴ Képah sòkò, à yo pé tyí ne: «Kè náh me wárkínsàhnóle Liyel wey sébéy sòkò ne, Liyel-á ne liyelno-á yéle di?§ ³⁵ Liyel-á yo mò névye nóno tyí, à pè ye liyelnole. Nte yé se pí ne Liyel wey sébéyno-á nê yo, kè náh fě n milki n pí té! ³⁶ Té Sú Liyel-á nmo nê wilki sah n tyí yó, té ní tekí mò kèkòyó, yé ne máh yo de Liyel tyí, máh sǒnpíle yo ne Liyel Pídí-á nne ní? ³⁷ Máh kí me ní Sú Liyel tyípinne n pí-ńkěne, yé káh sě ní yó. ³⁸ Nte máh kí me séle n pí, yáh kí sò me n sě n pí ńkěne nmo yó, yé sě sépi tě wò yó; képah sòkò yé kí pí yí ne, máh me núkúle Sú Liyelle, ànê Sú Liyel-á me núkúle nne.» ³⁹ Képah tene, pè tó ne páh Yesule n tě. Nte à pwah pé tyí.

⁴⁰ Képah náh, Yesu tó n syi yuku Nsyurdě yónkahnne, à kyí tě nyáh sòkò-á Nsyõ ngbò tyah névye wèlnwílkínóle.* ⁴¹ Névye náhnáh me kyí n tnò, té me yo tú ne, Nsyõ náh gbíl tir yó nte pí. Nte wáh tyi nóno pól yo dí mè tyí sòkò, gblò-á séle. ⁴² Képah sòkò, névye náhnáh me sě Yesu yó nénpó.

11

Lasari kúnó ànê n yílkínmònyé

¹ Dí yó lésò me nyân syúki, pè n ye Lasari. A sò me Betani kwil sòkò, képah nê sòkò-á sò n dósýóle, pè n ye Mari ànê Martile. ² Kéne Mari mè wò ye lésò làsèkwèl yó kwe mò Yesu gbyèh yó, té sè kele n yòyenne.* Nmo dódí Lasari ye sò n yo. ³ Képah sòkò, n dósýó me tǐntò mò Yesu tyí ne, pé yòtě, n kódí Lasari náh me lènole. ⁴ Yesu-á képah noh, à ne ńkě, Lasari

§ 10:34 10.34 - Yah n te Gbálnó 82.6. * 10:40 10.40 - Yah n te Nsyõ 1.28. * 11:2 11.2 - Yah n te Nsyõ 12.1-3.

nyân mè nâh pɪ n̄ ko ko nyânne. Nte kâh kɪ Liyel yõtõrí wêkɪ, té kɪ tõ n̄ Pídí yõtõrí wêkɪ.

⁵ Té Martɪ, ànê Mari, ànê pé dódí Lasari tyí sò no yíí Yesu tyí. ⁶ Nte nyâh sɔkɔ-á sò Yesule té pè pɔ Lasari nyân tyí yo n̄ tyí, à tõ wũ nénpó à sèpìn níni pɪ. ⁷ Képah nâh, à yo n̄ tò sâhpú tyí ne, pè ye pé pé syɪ n̄ yuku Nsyude gběnyah sɔkɔ. ⁸ Wâh yo sê, pè me ne, kwó-ò dí, nénpó sɔkɔ kó lésò pè n̄ yah n̄ kã n̄ mínkò-nsahle dyêhle sê yò sê yò, té à tõ n̄ yah n̄ kã n̄ syínyuku-nsahle nénpó sɔkɔ nɪ? ⁹ A me yo pé tyí ne, lérínó gbõninó kó gbìyìkì sɔkɔ nɪ? Névi nê-à n̄ kɔ tyah kyòole, kèkõyó kyòo-á à n̄ ne n̄ yah. Képah-á, tẽ gbâhkì mínó nâh nɔ. ¹⁰ Nte névi nê-à n̄ kɔ lékâhne kyòo kěne, tẽ n̄ gbâhkìle n̄ mɪ.

¹¹ Welɔ nópi yóntenɔ nâh, Yesu tõ yo pé tyí ne, pépi kódí-á me dɔy sɔkɔ, nte páh kɪ kyɪ à yilki mɔ. ¹² Képah sɔkɔ, n̄ tò sâhpú mó ne Tẽ ñgbě, dɔy sɔkɔ-à kɪ nê Lasari,le, wâh kɪ de. ¹³ Nte Yesu wey sɔkɔ, Lasari kúnó tyí ye à yo, té n̄ tò sâhpú wɔ mó we ne dɔy gbɔy tyí-á à yo. ¹⁴ Kâh pɪ sê, Yesu kè yo yɪkɪ mɔ pé tyí ne Lasari-á ku. ¹⁵ Nte péwɔ mé-ńkěne sò nénpó, képah-á me nɔ yíí péwɔ tyí pépi yinne. Kâh pɪ sê, páh kɪ sê yíí péwɔ yõ. Té núkúnúku, pè ye pé sɔkɔ n̄ tnô. ¹⁶ Képah sɔkɔ, Toma nê-á pè n̄ ye Didimine,† ñmɔ pé no syah ne, pè ye pépi tɔ kyɪ ku ñne wê tyí.

¹⁷ Yesu-á yíni tẽ nénpó gbí nêne, à kyɪ ne yah Lasari lékó sò sèpìn nyêh pɪ te diki sɔkɔ. ¹⁸ Yé yah, Betani ànê Yerusalemɪ wró nâh sò me kah gbe mɔ. Kè sò me kílónó tǔnó kénkõle. ¹⁹ Képah ye, Yerusalemɪ tãn nâhnâh sò me pɔ Martɪ ànê Mari yéti kélé-nsah pé dódí yâhnkwlonɔ sɔkɔ. ²⁰ Martɪ-á fyò noh ne Yesu-á me n̄ pi, à kyɪ à yohnɪ. Té Mari wɔ sò me kǔntěnlé gbô sɔkɔ. ²¹ Képah sɔkɔ, Martɪ me yo Yesu tyí ne, pé yõtẽ, wâh sò me ásô sɔkɔ, pé dódí nâh nâhkɪ n̄ ku n̄ pi. ²² Nte núkúnúku n̄tẽ fyé sɔkɔ, páh pĩ ne wâh kɪ sò tir dùkù nê yah kã Liyel tyí, wâh kɪ kè pɪ n̄ tyí. ²³ Képah sɔkɔ, Yesu me yo n̄ tyí ne: «Á dódí lékó kɪ yilki mɔ.» ²⁴ Wâh yo sê, Martɪ ne, páh pĩ ne lékyî-à kɪ pɔ n̄ yilki n̄ mɔ gbìyìkì téy sòle, n̄ tɔ lékó-á kɪ yilki mɔ. ²⁵ Képah tẽne, Yesu yo n̄ tyí ne: «Ñmɔ ye lékyî yíkinmɔ-ò ànê minne. Névi nê-à sê ñmɔ yõ, tẽ-à sò ku, à kɪ tyé-ńkě min we; ²⁶ ànê névi nê-à me min sɔkɔ té sê ñmɔ yõ, tẽ nâh tõ n̄ ku n̄ yah n̄ pi Liyel tyí tinn̄e. Á se sê képah yõ, Martɪ?» ²⁷ Martɪ me ne, àwe-á Tẽ ñgbě, páh sê ké yõ ne ñmɔ-á Liyel ney yâhtokɔnlé, nê-á n̄ Pídíne, ñmɔ nê-á sò yíne à pɔ kèkõyó.

²⁸ Képah yóntenɔ nâh, à n̄ syɪ kyɪ plɔ yo n̄ gběnsê Mari tyí ne, kwó-ò dí-á me de n̄ te. Té wâh me ñne n̄ ye. ²⁹ Mari-á fyò képah noh, à núkú yuku à sɔkɔ Yesu tnô. ³⁰ Yesu nâh tǔn̄ sò me de kwil sɔkɔ. Á sò me fí nê sɔkɔ-á sò Martɪ pɔ à yohnɪ. ³¹ Té Yerusalemɪ tãn nóno-á sò me Mari tnô gbô sɔkɔ, me n̄ yéfine n̄ kele, pépi-á à we à yuku wil súú sê, pè n̄ sò tẽ. Pè sò me n̄ sò ne, pɔ gbó-nsah-á à n̄ yuku diki yõ. ³² Nte Mari-á kyɪ yíni tẽ Yesu mé-nsah sɔkɔ, té à we, à gbètukunɔ di Yesu yah sɔkɔ té yo n̄ tyí ne, pé yõtẽ, wâh sò me ásô sɔkɔ, pé dódí nâh nâhkɪ n̄ ku n̄ pi. ³³ Képah sɔkɔ, Yesu-á à we à me n̄ gbo à tahlɪ n̄ tékínmɔpu tyí, kè n̄ nɪ kah tẽ kèpékèyô, n̄ yah kwɔ. ³⁴ Á me ne, nyâh sɔkɔ se pè yí n̄ lékóle nɪ? Pè me yo n̄ tyí ne, pé yõtẽ, à pɔ kyɪ

† 11:16 11.16 - Didimi kór ye kènin̄ne.

yah. ³⁵ Képah sɔkɔ, Yesu yéfi kwe. ³⁶ Képah tɛne, n tékínmɔpu ne, pè yah, n tyí-á sò me nɔ yíi n tyí dé! ³⁷ Té tɔ me n yo ne, n̄mɔ nê-á yítú dí yí yiki, à kó sò fɛ kú yah kó n pi Lasari tyí ni?

³⁸ Képah sɔkɔ, kè tɔ Yesu ni kah tɛ kèpékèyô, à me sɔkɔ diki yô. Teki diki ye sò kéle, té ké yah me víkénóle dáh-ngbɛ yóle. ³⁹ Yesu me yo no tyí ne, pè dáhki mè tokɔ tɛ yô. Lékókè dósé Marti me à syah ne, Tɛ ngbɛ, n yínó sèpìn nyéh-á yò. Wáh ki me n pò dò. ⁴⁰ Képah sɔkɔ, Yesu yo n tyí ne: «Mé náh kè yo á tyí ne, wáh ki sɛ ní yô, á yí-á ki tɛ Liyel yòtòrí yô di?» ⁴¹ Képah tɛne, no me dáhki tɛ yô. Yesu me n yah yô yinyô té ne: «Bô, mé n wɛki á tyí wáh sɔnpí ní níri tɛ. ⁴² Mé pɛ ne wáh me ní níri le n tɛ gbímegbí. Nte mé kéle n yo tówú mè yinne nê-á ní mɔ gbí sah yò, ne pè sɛ ké yô ne, áwɔ-á teki mɔ íne.» ⁴³ Képah yóntenɔ náh, à kah yo mɔ ne níkɛ: «Lasari, wil nénpó!» ⁴⁴ Képah sɔkɔ, Lasari nê-á sò ku, à yuku wil n gbyéh ànê n gbàne púkúbínóle fwɔ gbróle; té n yèpɔ me fókónóle fwɔle. Yesu me yo pé tyí ne, pè à wah mɔ, pè mó ye à kó à ne n yuku.

Nsyifunɔ yòtám me n yah n kó Yesu kònmɔ-ńsahle

⁴⁵ Névyé nónó-á sò me pɔ Mari tnô, té pɔ Yesu tyípiní mè we sɛ, pé náhnáh sɛ Yesu yô. ⁴⁶ Nte pé tókú wɔ mó kyí n tyípiní mè sèshari yah sah Farisi wɛkí kópú tyí. ⁴⁷ Káh mó pi sɛ, Farisi wɛkí kópú ànê sárká syínwilkipu yòtám me pé no tukey tükèpu tìnkí ye, pè kó tɛ ké tyí sɔkɔ. Pè wɛ syah ne, dí mè-á me gbíl tyile n kah n pi dé, sò se pé ki pi ni? ⁴⁸ Páh ki à sah à yô sɔkɔ séle n pi sɛ yò, no pól-á ki sɛ n yô. Nte képah-à pi, Wrome tãn-á‡ ki yuku pépi Liyel ní-ńsah gbô sɔ, té ki pépi yìkí tyí yiki. ⁴⁹ Nte pé sɔkɔ yó lésò me, pè n ye Kayifile. Léyile, n̄mɔ ye lésò sárká syínwilkipu yòtɛ ngbɛne. N̄mɔ me pé no syah ne: «Yé náh kwáh yóle n pne dé! ⁵⁰ Yé náh pɛ ne, dí nénúkú-à ki ko mɔ ápi yìkí swɔ kè kó kè we pwah, képah-á ki nekí kal ápile n ténóle min sɔkɔ, té á yìkí pól tyí mó pɔ yiki di?» ⁵¹ Nte n̄mɔ yah yíi náh sò à yo tyi nópíle dé! Wáh sò me sárká syínwilkipu yòtɛ ngbɛne léyile sɛ, képah ye Liyel me tɛntòle à kó à syi yo sah ne, Yesu-á yíne à ku n yìkí névyé yinne. ⁵² Té n yìkí névyé ó yín náh à ki n ku n pi dé, n kúnó ki Liyel wɛnpí pól to tuke mɔ pi núkúle, pépi nónó-á me karkí tɛ tɛ kó.

⁵³ Kayifi-á fyò képah yo, à tokɔ lésò tyí, pè núkú Yesu kònmɔnɔ sah gbáhki yô. ⁵⁴ Káh pi sɛ, Yesu náh tɔ me n gblóyne n wilki n mɔ kwèyy Nsyifunɔ yah. A yal ànê n tò sáhpúle, pè kyí tɛ kwil yó sɔkɔ, pè n ye Yefrayimine. Képah sò me gbɛnyah yó sɔkɔ, nê-á me gbɛnni tnô.

⁵⁵ Nte Nsyifunɔ yòri tyénó syáh-á sò me de n te sɛ, névyé náhnáh sò me n wil gbɔ sɔkɔ, té me n dokɔ n yuku Yerusalemi kwil sɔkɔ. Pè sò me syáh mè dyáh tɛ, ne pé kyí pé gblóy tɔ n sah, à yíne pé tyi kònsáhnó wàlle. ⁵⁶ Páh sò me Liyel ní-ńsah gbô sɔkɔ gbí n̄ne, pè sò me Yesule n yah n kó, té me wɛne n piki n yah ne níkɛ, kè se me sò ni? A se ki pyé ye wú syáh mè sɔkɔ pónóle ni? ⁵⁷ Té sárká syínwilkipu yòtám ànê Farisi wɛkí kópú lésò me ké gbah yo sah te névyé tyí ne, nê-à fyò Yesu mé-ńsah pɛ, tɛ pɔ kè yo pé syah, pé kó pé à we tɛ.

‡ 11:48 11.48 - Wrome tãn nónó tyí-á n yo ásò sɔkɔ yò, yòtám ye sò péle Nsyifunɔ yô.

12

Mari làsèkwèl mónóle Yesu gbyèh yõ

¹ Nsyifuno yõri tyénó syáh sò me wũ sèpìn kénúkòle, té Yesu me kyi Betani kwil sòkò, nýāh sòkò-á sò Lasari ténóle, wāh nê lékó yilki mɔ. ² Pè me yòke yah Yesu kò nénpó. Marti sò me yòkele n dibi, té yòke mè yópú sòkò yó ye sò Lasari. ³ Képah sòkò, Mari me làsèkwèl dénkókò yó lítír tóní tókò, nê-á pè nardi kókóle kè pi. Té pò kè kwe mɔ Yesu gbénáhló yõ, té kè kele n yòyenne.* Làsèkwèl mè pān me wòkò pól tókò. ⁴ Képah tēne, Nsyudası Yisikariyotı nê-á Yesu tò sáhpú sòkò yóle, té kɪ sò pò n vi n pi Yesu nāh, n̄mɔ ne, ⁵ kwāh nê se pi té làsèkwèl mè nāh yām deniye pó pló† kyetónine, à ké pó dibi yām tān kō nı? ⁶ Nte yām tān yām nāh sò tē n̄ne dé, yēnwó ye sò n̄ne képah ye à kō à képahle n yo. Pó dú sò me n̄mɔ tyí. Té pāh nónone n dah n mɔ n pò, á séle n yí. ⁷ Képah sòkò, Yesu ne: «Pi yah vínó sah kénòh! A ye képah pi sah n̄mɔ lékó yí sò yinne. ⁸ Yām tān kɪ me ànê yéle sétáh yõ sòmésó. Nte n̄mɔ wole, n̄mɔ nāh n me n pi yéle sétáh yõ sòmésó.»

⁹ Té tówú n̄gbě-á pò noh ne Yesu-á me Betani kwil sòkò gbí n̄ne, pè kyi nénpó. Nte Yesu ó yin nāh sò pè kyi dé, Lasari nê lékó-á Yesu yilki mɔ, n̄mɔ to we yin ye sò pè kyi. ¹⁰⁻¹¹ Nte Lasari mè yinne, névye nāhnāh sò me péle n syi sárká syínwilkipu yõtām nāh à n vi n mɔ n pi Yesu yõ sèpúle. Képah ye, sárká syínwilkipu yõtām me Lasari tyí yo syi ne, pāh kɪ n̄ to ko mɔ.

Yesu dénóle Yerusalemı sòkò

¹² Ké dīndalle, tówú n̄gbě nê-á sò me pò Nsyifuno yõri tyénó syáh sòkò, pè kè noh ne Yesu-á me n pi Yerusalemı sòkò. ¹³ Pè me sām yingbān kōli tē yin,‡ té wil kwil sòkò à kyi à yohnı. Pè sò me gbo mɔ tū ne: «Wosana!§ Nê-á n pi Tē n̄gbě Liyel yin yõ, Liyel sām mɔ n̄ sòkò,* n̄mɔ nê-á Yisrayel yõtē dīne.» ¹⁴ Képah sòkò, Yesu me níkwēndyípikı yó we, té dokò kō tē n̄ yõ, à yine sã-á kéle wárkínsahnóle Liyel wey sébéy sòkò ne níké:

¹⁵ «Yerusalemı† tān, yé káh tíkí pi.

Yé yah, yé yõtē me n pi.

A me dókóntēnóle níkwēndyípikı yó yõ sòkò.»‡

¹⁶ Té légbine, Yesu tò sáhpú nāh sò me tyi nópi pínó yõ pı. Nte wāh pò dokò n̄ tōrí yõ gbí n̄ne, pé dyo to kō ne, kāh lésõ wārki sah sã n̄ tyí sòkò Liyel wey sébéy sòkò, sã-á kè pi n̄ tyí.

¹⁷ Képah tēne, Yesu-á lésõ Lasari lékó ye yah, à à yilki mɔ wilki diki sòkò nónó yí yah, pépi me tyah kéle n yah n yāh n kō. ¹⁸ Névyé-á kéne gbil tir pínó noh sã, pè wil pò Yesu yohnı. ¹⁹ Képah sòkò, Farisi wēkì kópú tyah n yo wē tyí ne, pè kó kè we ni, pépi nāh tō fē n tē n pi dò. No pól-á me n̄ sò tē.

* **12:3** 12.3 - Yesu me gbine, nénpó tān sò níkéne pé gbalı kēkɪ n tē yòkele n yõ. † **12:5** 12.5 - Légbine, deniye pó pó nukú kɪ sò fē n̄ n̄nukú gbíyíkı nukú tō pínó danne. ‡ **12:13** 12.13 - Sām yingbān kōlītēnyīnno m̄ne ásõ sòkò, Yesu ye pè n gbilki. § **12:13** 12.13 - Pāh ne Wosana, n̄gbòle sò, ké kór ye á pwah n mɔ nukúnukú! Nte ásõ sòkò, gbilkínó ye sò pè n gbilki Yesule. * **12:13** 12.13 - Yah n te Gbálnó 118.25-26. † **12:15** 12.15 - Yerusalemı yin yó ye sò Siyõne. ‡ **12:15** 12.15 - Yah n te Nsakari 9.9.

Yesu me ñ tǒrí ànê ñ kũ tyíle n yo

²⁰ Névyé nónó-á sò me pɔ syáh mè sɔkɔ Yerusalem, ne pé pɔ Liyel yĩn gbilki, Nsyifunɔ náh sò pé tókùle. ²¹ Kéne névyé nónó-á Nsyifunɔ náh péle, pépi me nɔ de Filipi tnô ñmɔ nê-á n wil Betisayida kwil, Kalile gběnyah sɔkɔ. Té kè yah kǒ ñ tyí ne, pé yòtě, páh me ké tyí ne pé Yesu we. ²² Kǎh pɔ sě, Filipi me kè yo Andre tyí. Andre me tahlɔ ñ tyí pè kyɔ kè yo Yesu tyí. ²³ Képah těne, Yesu me yo pé tyí ne: «Gbĩ nê sɔkɔ-á Névi Pídíŝ kɔ n dɔkɔ n pi ñ tǒrí yǒ, képah ye se núkúnúkú yò. ²⁴ Kègbɔgbɔ tě yǒ, mé kéle n yo yé tyí, né sèmukɔ pi náh duku mɔ sètáh sɔkɔ kè fi té ké pi ku, kè n tě ké gblǒy. Nte kǎh duku mɔ à fi té ké pi ku, kè n kwel. ²⁵ Névi nê-à ñ gblǒy ó minne n mɔ n kǒ, tě min tyí kɔ ykɔ. Nte nê-à ñ minne n mónkǒ-ñkěne kèkǒyó mè sɔkɔ Liyel tǒrí yĩnne, tě wɔ kɔ tyé-ñkě min we. ²⁶ Névi nê-à me ké tyí ne, pé tǒle n pɔ ñmɔ tyí, tě ñ sò tě. Képah sɔkɔ, máh me nyǎh sɔkɔ, nê-á tǒle n pɔ ñ tyí, ñ tɔ kɔ me nénpó. Névi nê-à tǒle n pɔ ñmɔ tyí, ñ Sú Liyel kɔ ñ yǒ yǒ.

²⁷ Té núkúnúkú, ñ fɔkɔ me fěkɔ. Nte mè yo sǒ? Mé se n yo Sú Liyel tyí ne, à káh n ye yèvyǎhrɔ mè ñ we? Nte òò dé, yèvyǎhrɔ mè yĩn ye mé pɔ tótó.» ²⁸ Képah těne, à ne: «Bǒ, gbilkinó sah á yĩn yǒ.» Wǎh yo sě, yĩnpǒ yó wil yĩnyǒ sɔkɔ ne ñkě: «Mé ñ yĩn gbilki te, té mé kɔ kè gbilki n pi ñtǒ.»

²⁹ Tówú nê-á sò me nénpó, té yĩnpǒ mè noh, pè ne gběnséntáhkɔ-á gboke. Tókù mó ne, yĩnyǒ tǒnpi yó-á yo mɔ Yesu tyí. ³⁰ Képah sɔkɔ, Yesu me yo pé tyí ne: «Wey nê-á yé noh yò, kè náh yo ñmɔ yĩnne, kè yo yépi yĩnne. ³¹ Liyel kɔ lékǎhle kèkǒyó névyé kǒ n pi núkúnúkú sě yò. Núkúnúkú, à kɔ kèkǒyó névyé fnè-ò* yĩni yal. ³² Nte máh pɔ dɔkɔ mɔ gbí nêne, mé kɔ névyé pǒlle pɔ ñ gblǒy tyí.» ³³ Yesu-á sò ne n ku n pi dukù nêne, képah ye à wěkɔ ñ wey mè sɔkɔ yò. ³⁴ Képah sɔkɔ, tówú mè névyé me yo ñ tyí ne, pépi-á kè we Liyel tyi kǒnsàhnó sɔkɔ ne, Liyel ney yáhtɔkɔnɔ náh n ku n yah n pi. Té ñmɔ se sǒnpíle pɔ n yo ne, Névi Pídí-á yĩne à dɔkɔ mɔ nɔ? Nte nê tě ó se mó Névi Pídí mène nɔ? ³⁵ Képah sɔkɔ, Yesu me yo pé tyí ne: «Kyòò mène, kè me sě yé wró kɔ wró kwéy yó pɔ n pi. Té névi nê-à n kɔ fěntú sɔkɔ, tě náh ñ yúkú-ńsahle n pne. Képah ye, kyòò mè-á me yé wró sɔkɔ yò, yé ne n kɔ ké sɔkɔ, fěntú káh pɔ yé kwɔkɔ tě. ³⁶ Kyòò mène, kǎh me yé wró gbí nêne, yé sě képah yǒ. Képah sɔkɔ, yé kɔ pɔ kyòòle képah tyí kǒle.»

Yesu-á képah yo te, à yal pé tnô à kyɔ wǒbɔ fíí péle.

Névyé náhnáh náh sě Yesu yǒ

³⁷ Yesu sò gbɔl tyi náhnáh pɔ pé yí yah, ñte képah fyé yǒ, pè náh sě ñ yǒ. ³⁸ Liyel těntǒ syínyo-ò Yesayi tyíyónó nǒpi ye wil ásò sɔkɔ yò. A lésò ne ñkě:

«Tě ñgbě, nê sě ápi tyíyónó yǒ?

Á á těnpnénóle nê wěkɔ?»†

³⁹ Té tir nê yĩn-á pè náh sò fě n sě n pi ké yǒ, képah yah ye Yesayi tǒ yo ne ñkě:

⁴⁰ «Liyel pé yí wɔ,

§ 12:23 12.23 - Yesu-à Névi Pídí tyíle n yo, ñ gblǒy tyí ye ñkěne à n ne n yo. * 12:31 12.31 - Kèkǒyó névyé fnè-ò nê tyí-á n yo ásò sɔkɔ yò, sètǎn yòtě ye. † 12:38 12.38 - Yah n te Yesayi 53.1.

té pé lékám yah vike,
 ne pé yí káh fẽ ne n yah,
 pè káh tir yó tyí yah we,
 pè mó vi mo Liyel wěkì yõ,
 à kō à pè we de mo.»‡

⁴¹ Yáh we Liyel tẽntõ syinyo-ò Yesayi képahle n yo, à lésõ kwāh tẽ Yesu tǒrì we, képah ye à kō à n tyíle n yo. §

⁴² Té képah fyé yõ, yõtām náhnáh sò me sě Yesu yõ. Nte Farisi wěkì kópú tíkí sò me pè tẽ ne, pè káh pò pé yini wilki pé wěkì sòkò. Képah ye, pè náh kè wilki mo ne, páh sě n yõ. ⁴³ Yáh we pè képah pi, névye-á me gbílkinó nêne n sah pé yõ, képah tyí sò me pé tyí kal Liyel tyíle.

⁴⁴ Képah sòkò, Yesu weki yínpõ ngbẽne ne nkẽ: «Névi nê-à sě nmo yõ, nmo ó yõ náh tẽ sě dé, Liyel nê-á teki mo nne, nmo to yõ ye tẽ sě. ⁴⁵ Té névi nê-à nmo we, n tékínmo-ò ye tẽ we. ⁴⁶ Nmo pò kèkõyó à pò pi kyòole, ne névi nê-à sě nmo yõ, tẽ káh tẽ fẽntú sòkò. ⁴⁷ Nmo náh pò kèkõyó sòkò, ne mé pò lékähle névye kō. Mé pò ne kèkõyó névye pwáhnmono we. Képah ye, névi nê-à n welo noh, té à náh me n kò sé wāl yõ, nmo náh ki n kō n pi tẽne lékähle dé. ⁴⁸⁻⁴⁹ Wey nê-á mé yo yò, képah ntẽ ye ki lékähle tẽ kō n pi gbìyìkì téy sòle. N gblõy yah yíi náh mé yo welo nópìle dé! Sú Liyel nê-á teki mo nne, máh yíne mè nê yo, ànê máh yíne mè kwónó nê pi, nmo ye yo séle n tyí ne mé pi. Képah ye, névi nê-à n yahle, té à náh me n weyne n mo n kō, ney me te, nê-á ki lékähle tẽ kō n pi. ⁵⁰ Té nmo mó tǒ pĩ ne Liyel-á nê kō sah, képah gbõ yõ sòkò-á névye ki fẽ tyé-nkẽ min we. Sú Liyel-á wey mè yo sǒ n tyí, sě ye mé n yo kéle yé tyí.»

13

Yesu n tò sáhpú gbyêh wu

¹ Nsyifuno yõri tyénó syáh ki sò n pi n pi dindalle. Yesu sò pĩ ne pé yálnó gbì-á se kèkõyó, páh ki n sòkò n pi Sú Liyel tyí. N sò tẽpú nónó-á sò me kèkõyó, pé tyí sò me nónóle n tyí. Pé tyí nò kah mo n tyí.

² Yesu ànê n tò sáhpú sò me yòkele n yõ. Té sétàn yõtẽ sò me kè dahbi te Simo Yisikariyotì pídì Nsyudasì n sòkò ne, à vi Yesu náh. ³ Yesu sò pĩ ne Sú Liyel-á tyi pól dahbi péwò gbõ. Nmo tyí-á pé wil à pò, té páh ki pé syi sòkò nmo tyí. ⁴ Képah sòkò, páh me yòke yónó sòkò sě, à yuku yin, té n fwòmò-ngbẽ de sah, té fwò yó tókò toh n syi sòkò. ⁵ Képah náh, à ni du mo dú yó sòkò, à tyah n tò sáhpú gbyêhne n wu kéle, té séle n tuke fwò mène, nê-á à toh n syi sòkò.

⁶ Káh pò syi Simo-Pyeri tyí, à Yesu syah ne nkẽ, nmo nê-á TÈ NGBÈNE nmo ki n yah n kō péwò gbyêh wú-nsahle ni? ⁷ Yesu me yo n tyí ne, nê-á péwò n pi yò, nmo náh fẽ ké tyí yah we n pi núkúnúkú ló! Nte náh-á à ki pò ké tyí yah we n pi. ⁸ Pyeri tǒ yuku à syah ne, pólle, à náh pé gbyêh wu n pi. Képah sòkò, Yesu me yo n tyí ne: «Wáh ki ye n kō mé á gbyêh wú-nkẽne, á vyáh ki de nmo tyi sòkò.» ⁹ Képah tẽne, Simo-Pyeri yo n tyí ne, Tẽ ngbẽ, káh pi sě kè káh yin pé gbyêh ó tyí, nkẽ à pé gbàn ànê pé yõ to

‡ 12:40 12.40 - Yah n te Yesayi 6.9-10. § 12:41 12.41 - Yah n te Yesayi 6.1-5.

wu. ¹⁰ A me yo n tyí ne: «Névi nê-à ni wel te, tẽ n ne n me yályál. Képah ye, à wil n gbyêh tyí soko, yõ náh tõ nkẽne ne me tẽ wil pól tõnwunõ tyí. Yépi me yályál. Nte yé pól tẽ wõ náh mé n ye dé!» ¹¹ Névi nê-á kɪ sò pɔ n vi n pi Yesu náh, Yesu sò me à pĩ te. Képah ye à kɔ à ne, pé pól tẽ wõ náh pé ne pãh me yályál dé!

¹² Wãh pé gbyêh wu te, à tõ n fwòmò-ngbẽ tokɔ mɔ pɔ kɔ tẽ yõke yó-nsah ntõ. Té yo pé tyí ne: «Máh nê pi yé tyí sã yò, yé se ké yõ pĩ?» ¹³ Yãh pi yẽ nne n ye kwó-ò díne, képah náh pi, Tẽ-ngbẽne, yé me n yo ple tẽ wole. Nmɔ ye ntýínõ nne. ¹⁴ Nte nímɔ nê-á Tẽ ngbẽ ànê kwó-òle, yáh we mé yé gbyêh wu, yépi tɔ yĩne yè wẽ gbyêhne n wu. ¹⁵ Képah dùkù ye mé pi yé wẽkɪ yò, ne máh nê pi yé tyí, yé tɔ sɛnknole n pi. ¹⁶ Kègbɪgbɪ tẽ yõ, mé kéle n yo yé tyí, tònpi náh fẽ n kal n yòtẽne. Sã ó ye tẽntò névi tɔ náh fẽ n kal n tó-òle. ¹⁷ Nte núkúnúkú, yé se kéne tyile n pne té! Yãh fẽ syi n kɔ sé wãl yõ, yé kɪ nívìnì we.

¹⁸ N wey mèn náh me ké yah mɔ yé pól tyí dé! Máh névye nónó yah wilki, mé péle n pne. Nte tir nê-á wãrkɪ sah Liyel wey sébey soko, kè yĩne kè wil ó wil. Kè me wãrkínsàhnóle ké soko ne nkẽ: «Máh lésõ ní yõkele n yõ ànê nêne, tẽ me yuku ní yõ.»* ¹⁹ Ké pí-nkẽ soko ye mé kéle n yo n sah yé tyí núkúnúkú yò. Képah soko kàh pɔ pi, yé kɪ sã ké yõ ne, Nmɔ-á. ²⁰ Kègbɪgbɪ tẽ yõ, mé kéle n yo yé tyí, névi nê-à ní tẽntò névi tẽ ple, nímɔ ye tẽ tẽ ple.»

Yesu ne Nsyudası-á kɪ n vi n pi pé náh

²¹ Képah tẽne, kéne welo yóntenõ náh, Yesu foko kah fẽkɪ. A me kè yo dal mɔ ne: «Kègbɪgbɪ tẽ yõ, mé kéle n yo yé tyí, yé soko ney yó kɪ n vi n pi ní náh.» ²² Wãh képah yo sã, n tò sãhpú tyah n yõ wẽne n yah núkú núkúle. Pè náh sò me pĩ nê tyí-á à n yo. ²³ Té Yesu tò sãhpú soko nê tyí-á nɔ yĩ n tyí, nímɔ sò me tẽntelnole Yesu tyí. ²⁴ Képah soko, Simo-Pyeri pi mɔ nímɔ tyí ne à Yesu piki yah, nê tyí-á à n yo. ²⁵ Nmɔ mó n gbalɪ kẽkɪ Yesu tĩnne, té à piki yah ne, Tẽ ngbẽ, nê se à n ye nɪ? ²⁶ A me yo n tyí ne, pãh kɪ búrn yĩ di nê kɔ, tẽ wõ-á. Té núkú búrn yínó tokɔ, té kè di à Simo Yisikariyotɪ pídí Nsyudası kɔ. ²⁷ Nsyudası-á búrn mèn syi, sétãn yòtẽ me de n soko. Yesu me yo n tyí ne, nê-á n tyí pi pi tẽne, à kè pi súú. ²⁸ Nte nónó pól-á sò me nénpó, pé soko yó ntẽ náh sò pĩ tir nê yĩn-á Yesu yo wey mèn n tyí. ²⁹ Té pó dú-á sò me Nsyudası tyí sã, tókù sò me n sò ne, Yesu-á yo n tyí ne à kyɪ syáh yídwénè yah dwe, képah náh pi, à pó yĩ yãm tãn kɔ. ³⁰ Nte Nsyudası-á fyò búrn yínó mèn syi, à núkú yuku wil. Légbĩne lékãh sò me mɔ.

Yesu tir kònsàhnó kèsãnne

³¹ Nsyudası-á fyò wil te, Yesu ne: «Núkúnúkú tẽne, gbílkínó ye sah Névi Pídí yõ, ànê Sú Liyel yĩn kɪ se tõ gbilki nímɔ yĩnne. ³² [Gbílkínó-à kɪ sah Liyel yõ nímɔ yĩnne,] Liyel tɔ kɪ à gbilki n gblóy yĩnne. Dõ kwéy ntẽne, à kɪ kè pi n pi. ³³ N wẽnpĩ, mé kɪ tõ n me n pi yéle kɪ wró kwéy ó pi. Yé kɪ ní yah n kɔ n pi. Nte nê-á lésõ mé yo Nsyifunõ tyí, képah núkú ye tõ mé kɪ yo yépi tɔ tyí núkúnúkú ne, yé náh fẽ n kyɪ n pi nímɔ yúkú-nsah soko.

* **13:18** 13.18 - Yah n te Gbálnó 41.10.

³⁴ Mé kɪ tir sán yó kō sah yé kō ne, yé tyí nɔ wě tyí. Yé tyí-á nɔ sǒ nímɔ tyí, yépi tɔ tyí yĩne kè nɔ sě wě tyí. ³⁵ Yé tyí-à kɪ nɔ wě tyí, képah sɔkɔ ye nɔ pól kɪ pĩ ne nímɔ tǔ sáhpú-á yéle.»

Yesu ne Pyeri-á kɪ ò vyāh kōli ne pé nāh péwɔ pĩ

³⁶ Képah sɔkɔ, Simo-Pyeri à piki yah ne, Tě ñgbě, nýāh se à n yuku ni? A me yo ñ tyí ne, nýāh-á pé n yuku, à nāh fě n kyɪ n pi péle nénpó sɔkɔ núkúnúkú. Nte nāh fĩne, wāh kɪ pɔ pé sǒ tě n pi. ³⁷ Pyeri me ne, Tě ñgbě, sǒ se pi té pé nāh fě ñ sǒ tě n pi núkúnúkú ni? Péwɔ-á kɪ fě syi pé min kō n pi ñmɔ yĩne dò. ³⁸ A me yo ñ tyí ne: «Á kɪ á min kō n pi nímɔ yĩne lé? Nte kègbɪgbɪ tě yō, mé kéle n yo á tyí, sénpe-à kɪ pópó n gbo, á kɪ me á vyāh kōli te ke tǔnó, ne á nāh nímɔ pĩ.»

14

Yesu ye wěkile nê-á n yuku Sú Liyel tyí

¹ Képah nāh, Yesu yo ñ tǔ sáhpú tyí ne: «Yé káh ye yé fɔkɔ fěkɪ. Yé sě Liyel yō, yé mó sě nímɔ tɔ yō. ² Tě-ñtān nāhnāh me ní Sú Liyel fĩne. Mé kɪ kyɪ tě-ñsah yah sah yé kō. Kāh sǒ me gbɪle ñkēne, mé nāh nāhkɪ kè yo n pi yé tyí. ³ Māh kɪ kyɪ tě-ñsah yah sah te yé kō, mé kɪ ní syi pɔ yé tě sɔkɔ ñ tñ. Képah sɔkɔ, nímɔ-á me nýāh sɔkɔ, yépi tɔ kɪ me nénpó. ⁴ Yé se nímɔ yúkú-ñsah wěkile n pne té.» ⁵ Wāh yo sě, Toma me ne, Tě ñgbě, pépi nāh me ñ yúkú-ñsah pĩ, té pé se kɪ pĩ sǒ ké wěkile ni? ⁶ Yesu me yo ñ tyí ne: «Nímɔ ye wěkile, ànê gbɪle, ànê min nétēne. Nnî yó n̄tē nāh fě n kyɪ Sú Liyel tyí, né tě nāh syō nímɔ tyí. ⁷ Yāh sǒ me nímɔle n pne, yé nāhkɪ me ní Sú Liyel tɔle n pne. Nte núkúnúkú, yé ye ñne n pne, té à we.» ⁸ Képah sɔkɔ, Filipi me ne, Tě ñgbě, à Sú Liyelle pépi wěkɪ kè! Képah-á kɪ yĩne pépi tyí. ⁹ Yesu me yo ñ tyí ne: «Filipi, mé me yéle di mónóle, té áwɔ nāh me nímɔ pĩ ni? Névi nê-à nímɔ we, Sú Liyel ye tě we. Nte á pi sǒ té tǔ n yo ne, mé Sú Liyelle ñ wěkɪ? ¹⁰ Á nāh sě ké yō ne, nímɔ ànê Sú Liyel-á me núkúle di? Welɔ nónó-á mé n yo yé tyí yò, nímɔ yah yĩ welɔ nāh séle dé! Sú Liyel nê-á núkúle nímɔle, ñmɔ ye n pi ñ tǎne. ¹¹ Yé yĩne yé sě ké yō ne, nímɔ ànê Sú Liyel-á me núkúle. Yāh kɪ sǒ sě-ñkēne ké yō nímɔ welɔ yĩne, yé sě ké yō tǎn nópɪ tě wɔ yĩne. ¹² Kègbɪgbɪ tě yō, mé kéle n yo yé tyí, névi nê-à sě nímɔ yō, māh me tǎn nónóne n pi, tě tɔ kɪ sēnknɔle n pi. Té tě kɪ tǎn yísyó n̄tē pi n pi nónó-á kal sɛpile. Mé me n yuku Sú Liyel tyí, képah ye kɪ tě kō à kɪ fě sè pi. ¹³ Képah sɔkɔ, yāh tyídúkú nê yah kō nímɔ yĩn yō, mé kɪ kè pi yé tyí, gbílkinó kō kè kɪ sah Sú Liyel yō ñ Pídí gbò yō. ¹⁴ Yāh tir nê yah kō nímɔ yĩn yō, mé kɪ kè pi.»

Yesu ñ vyāh kō Liyel Mirki pónó tyí sɔkɔ

¹⁵ «Nímɔ tyí-à me nɔ yé tyí, yé kɪ ní tyi kōnsāhnó tě yĩn. ¹⁶ Té mé kɪ Sú Liyel ni, à kɪ yòhn̄n̄mɔ-ò yó tekɪ mɔ yé kō, nê-á kɪ pɔ n tě n pi yéle kúmm. ¹⁷ Yòhn̄n̄mɔ-ò mène, Liyel Mirki ye. Nímɔ ye gbɪle névyele n wěkɪ Liyel tyí sɔkɔ. Kèkōyó névyé nāh ñne n we, ànê pè nāh ñne n pne. Képah ye, pè nāh fě à fě n syi. Nte wāh me yépile, té me yé sɔkɔ sě, képah ye yépi wɔ ñne n pne. ¹⁸ Mé nāh yé sah n pi ñgbyele. Mé kɪ ní syi n pɔ n pi yé tñ. ¹⁹ Dǒ kwéy ñsǒ, kèkōyó névyé nāh tǔ nímɔ we n pi, ñte yépi tě wɔ kɪ ní we. Té nímɔ-á fyòni me min sɔkɔ, képah ye yépi tɔ kɪ me n pi min sɔkɔ.

20 Lésõ-à pɔ nɔ, yé kɪ pĩ ne n̄mɔ ànê ní Sù Liyel-á me nùkùle, té n̄mɔ ànê yépi tɔ mó me nùkùle. 21 Névi nê-à ní tyi kònsàhnó noh, té sè tẽ yĩn, ní tyí nɔ tẽ wɔ tyí. Té n̄mɔ tyí-à nɔ névi nê tyí, tẽ tyí kɪ nɔ ní Sù Liyel tyí. Tẽ tyí kɪ nɔ n̄mɔ tɔ tyí, té mé kɪ ní gblɔyne à wẽkɪ.» 22 Képah sɔkɔ, Nsyude* nê-á n̄ gblɔy Nsyudasɪ Yisikariyɔtɪle, n̄mɔ me yo Yesu tyí ne, Tẽ n̄gbẽ, sɔ se pi té à kɪ n̄ gblɔyne pépi wẽkɪ, té à náh n̄ gblɔyne kèkɔyó névye wẽkɪ n pi nɪ? 23 A me yo n̄ tyí ne: «N̄mɔ tyí-à nɔ nê tyí, tẽ kɪ ní tyíyónóle n pi. Tẽ tyí kɪ nɔ ní Sù Liyel tyí, té n̄mɔ ànê ní Sù Liyel kɪ pɔ tẽ tyí, kɪ pɔ twah tẽ n̄ tyí. 24 Nte n̄mɔ tyí-à n̄-ákẽne nê tyí, tẽ náh ní tyíyónóle n pi. Té welo nónó-á yé n nohnɪ yò, n̄mɔ yah yĩ welo náh séle dé! Sè wil Sù Liyel tyí, nê-á tekɪ mɔ n̄ne. 25 Mé ye kéne tyi yo yé syah, gbí nê-á mé me ànê yéle yò. 26 Nte Liyel Mirki nê-á yòhn̄n̄mɔ-òle, Sù Liyel kɪ n tekɪ n mɔ n pi n̄mɔ yĩn yò, à kɪ pɔ tyi pólle yé kwɔ. Té kɪ yé dyɔ tɔ kò n̄mɔ tyíyónóle, máh nónó yo sɔkɔ yé tyí.

27 Yèvinɪ ye mé yéle n kɔ yò. N̄mɔ yèvinɪ ye mé yéle n kɔ. Mé náh me kéle n kɔ kèkɔyó névye kɔ dùkùle. Yé káh ye yé fɔkɔ fẽkɪ, yé káh ye tíkí yé tẽ. 28 Mé ye kè yo sɔkɔ te yé tyí yé noh ne sókónó-á n̄ne, té máh kɪ ní syɪ n pɔ n pi yé tn̄. N̄ tyí-à sò me nɔ yé tyí, yáh kè noh ne máh n yuku Sù Liyel fĩnne, kè sò yĩne kè ne n me n̄v̄n̄n̄ne yé tyí, n̄mɔ-á sɔnp̄ile kal n̄mɔle. 29 Mé ye kéne tyi yo sah yé tyí nùkúnúkú sé pɔnp̄í-ńkẽ sɔkɔ yò, képah sɔkɔ sàh kɪ pɔ n pi, yé kɪ s̄ ní welo yò. 30 Kèkɔyó névye fn̄-ò me n pi, képah ye mé náh t̄ n kah n yáh n mo n pi yéle. A náh fẽ n̄mɔ tẽ wɔ f̄ne. 31 Nte Sù Liyel-á tyi nónó yo ní tyí, sépi ye mè n ne n pi. Képah sɔkɔ, kèkɔyó névye kɪ pĩ ne n̄ tyí-á nɔ ní tyí. Yé yuku! A ye yal ásò.»

15

Yesu ne yeresẽ sésuwô yèsyìkì-á péle

1 Képah sɔkɔ, Yesu t̄ ne: «N̄mɔ ye yeresẽ sésuwô yèsyìkìle, ní Sù me ké nèt̄ne. 2 Yìngbàn nónó pól-á me n̄mɔ sɔkɔ té sè náh me n syi, à kɪ sè kòlɪ tẽ yò. Té nónó pól-á me n syi, à kɪ sépile n t̄ sè kò sè kɪ n gbah n syi. 3 Wey nê-á mé yo yé tyí yò, képah gbò yò, yé pi te yályál. 4 Yé ne n me n̄mɔle, s̄-á n̄mɔ me yéle. S̄-á yìngbò náh fẽ n syi n pi ké gblɔy né kè náh me sésuwô sɔkɔ, s̄ ó ye yépi tɔ náh fẽ tir yó pi n pi né yé náh me n̄mɔle. 5 N̄mɔ ye yeresẽ sésuwôle, yépi me ké yìngbànne. Yé náh fẽ tir yó n̄t̄ pi n pi n̄mɔ k̄ne. Képah ye, nê-à me n̄mɔle, té mé me t̄ne, tẽ kɪ tyípéplɔ nahnáhle n pi Liyel tyí. 6 Névi nê-à mé-ńkẽne n̄mɔle, tẽ me yìngbò yó tyí kòle, nê-á pè kām milki kégbó, té kè kɪ n kɔkɔ n pi. Té yìngbàn kókórile, sépi kɪ pɔ kwel mɔ n suke n pi nyàh sɔkɔ. 7 Nte yáh me n̄mɔle, té ní welo me n tẽ yé fɔkɔnɪ sɔkɔ, kwáh nê tyí-à nɔ yé tyí, yé kè ni, yé kɪ kè we. 8 Yáh tyípéplɔ nahnáhle n pi Liyel tyí, képah ye kɪ kè wẽkɪ ne yáh pi n̄mɔ t̄ sáhp̄ule. Té n̄mɔ Sù Liyel yĩn kɪ gbilki.

9 N̄mɔ tyí-á nɔ Sù Liyel tyí s̄, yépi tɔ tyí nɔ n̄mɔ tyí s̄. Yé ye yé tyí ne me n̄nt̄n̄óle ní tyí s̄. 10 Yáh ní tyi kònsàhnóle n pi, yé tyí kɪ me n̄nt̄n̄óle ní tyí, s̄-á n̄mɔ ní Sù tyi kònsàhnóle n pi, té ní tyíle n̄nt̄n̄óle n̄ tyí. 11 Mé

* 14:22 14.22 - Nsyifunɔ tyí, Nsyude ye dùkù me nùkùle Nsyudasɪ ye dùkùle.

με κέ τυί νε ñìvìnì nê-á με ñmɔ sɔkɔ, kè ne me yépi tɔ sɔkɔ, té yé ñìvìnì mè mó syi κέ yìn tyí. Képah ye, mé tyi nópi yo yé tyí.

¹² Máh nê kô sah yé kô, kè we yò: Yé tyí yĩne kè nɔ wě tyí, yé tyí-á nɔ sô ñmɔ tyí. ¹³ Névi-à ñ min kô ñ kódíbí yĩnne, tyínɔnɔ ñgbě yó náh tō fě n kah n mɔ n pi képah yō. ¹⁴ Nmɔ-á nê kô sah yé kô, yáh kɪ me kéle n pi, ñ kódíbí ye yéle. ¹⁵ Mé náh tō yé ye n pi tònpiɓile. Ngbõ tònpi náh fě ñ yòtě dí tyípinó pĩ dé! Nte máh tyi nóno noh ñ Sú Liyel tyí, mé ye sé pólle yépi kwɔ. Képah ye, mé yéle n ye ñ kódíbíle. ¹⁶ Yépi náh yah tɔkɔ ñmɔle dé, ñmɔ ye yah tɔkɔ yéle, té yé tekɪ mɔ ne, yé kyɪ tyípeplɔle n pi Liyel tyí, nóno-á sé yõre náh n tye n yah n pi. Képah sɔkɔ, yáh kwáhdúkú nê ni Sú Liyel tyí ñmɔ yĩn yō, à kɪ kéle yé kô. ¹⁷ Nte nê-á mé n kô n sah yé tyí, kè we yò: Yé tyí yĩne kè nɔ wě tyí.»

Kèkõyó névye me Yesu ànê ñ yō sēpú dyɔle n yɔ

¹⁸ Képah sɔkɔ, Yesu tō ne: «Kèkõyó névye-à yé dyɔle n yɔ, yé pĩ ne ñmɔ ñgbò dyɔ-á pè tyah n yɔ. ¹⁹ Yáh sô me kèkõyó névye tyí yō sɔkɔ, yáh pi pé tyíle sē, yé tyí náhki nɔ pé tyí. Nte káh pi ñmɔ yé yah wilki kèkõyó névye sɔkɔ, té yé náh tō me pépi tyí yō, képah ye pè kô pè yé dyɔle n yɔ. ²⁰ Yé yé dyɔ sah ne n kwne wey mè tyíle, máh nê yo yé tyí ne: <Tònpi náh fě n kal ñ yòtēne.> Páh kɪ me ñmɔ fōh, pè kɪ yé tɔ fōh. Páh kɪ me ñ wey fě syi, pè kɪ yé tɔ tyí fě syi. ²¹ Nte pè náh sōnpíle me ñmɔ tó-òle n pne, képah ye pè kɪ tyi nópi pól pi yé sɔkɔ ñmɔ yĩnne. ²² Mâh sô me pó-ñkēne pé tyí, ànê mâh sô me tir yó yó-ñkēne pé tyí, pé tyítúkúni pínó lékàh náh náhki n me n pi pé yō. Nte núkúnúkú, gbɪ wé-ñsah yó ñtē náh n we n pi pé tyí pé tyítúkúni pínó tyí sɔkɔ. ²³ Névi nê-à ñmɔ dyɔle n yɔ, tē me ñ Sú tɔ dyɔle n yɔ. ²⁴ Tyi nóno-á ñnî yó ñtē náh sēnkno pi yah, mâh sô me sépi pí-ñkēne pé wró sɔkɔ, pé tyítúkúni pínó lékàh náh náhki n me n pi pé yō. Nte núkúnúkú, pè ye ñmɔ tyípinò we. Té képah fyé yō, pè me ñmɔ ànê ñ Sú dyɔle n yɔ. ²⁵ Nte nê-á wárkínsàhnóle pé tyi kònsàhnó sɔkɔ ne: <Pè ñ dyɔ yɔ yō kēne.>* képah wil yĩn ye pè kô pè képahle n pi.

²⁶ Té yòhnìnɔ-ò nê-á ñmɔ kɪ n tekɪ n mɔ n pi kɪ wil Sú Liyel tyí, Liyel Mirki ye. Képah ye gbɪle névyele n wěkɪ Liyel tyí sɔkɔ. Képah-à wil Sú Liyel tyí à pɔ, kè kɪ pɔ ñmɔ tyí yo wah yé tyí. ²⁷ Nte yépi-á sô me ànê ñmɔle ñgbò dùkùle sē, képah ye yé tɔ kɪ ñ tyíle n yo n wah névye tyí.»

16

¹ Képah náh, Yesu tō yo pé tyí ne: «Mé náh me κέ τυί νε yé Liyel yō sēnó yal n mɔ. Képah ye ñ kô mé tyi nópi yo sah yé tyí. ² Nsyifunɔ kɪ yé yĩni n wilki n pi pé wěkì sɔkɔ. Té gbĩ yó ñtē me n pi, képah sɔkɔ nóno-à pɔ yéle n ko n mɔ, pè kɪ me n sô ne tò-á pé n pi Liyel tyí. ³ Nmɔ ànê ñ Sú pí-ñkē ye pè kô pè kɪ sépinó tɔnɔ pi sē yò. ⁴ Mé me κέ τυί νε tyi nópi gbĩ-à pópó pɔ se, yé dyɔ ne n me n kwne séle, képah ye mé sè yo sah yé tyí.»

Liyel Mirki pónó yōle

Képah náh, Yesu tō yo pé tyí ne: «Máh lésô me yé wró sē, képah ye mé náh kwāh tē tyi nópi yo yé tyí. ⁵ Nte núkúnúkú, mé me n yuku ñ tó-ò tñò, té yé sɔkɔ yó ñtē náh se me ñne n piki n yah ne, ñyāh se mé n yuku nɪ?

* 15:25 15.25 - Yah n te Gbálnó 35.19 ; 69.4.

⁶ Tyi nónó-á mé yo yé tyí, sépi yèkwɔɔrɔ ye yé fɔkɔ fil yò kè. ⁷ Nte mé kɩ gbɩ yo yé tyí. Máh kɩ sɔkɔ, képah kɩ nekɩ kal yéle. Máh kɩ sókó-ńkɛne, nê-á yĩne à pɔ yé yohɩ n mɔ, à náh n pɔ n pi. Nte máh kɩ kyɩ, mé kɩ à tekɩ mɔ yé kɔ. ⁸ Té ñmɔ-à pɔ gbí nêne, à kɩ tyípêl, ànê gbɩ wɛkɩ, ànê Liyel tukey tyí yo wah kèkɔyó névyé syah, kɩ kéle pè wɛkɩ ne páh me pílkínóle sépi pól sɔkɔ. ⁹ A kɩ kéle pè wɛkɩ ne nê-á pé tyípekèle, péwɔ yò sɛ-ńkɛ-á. ¹⁰ Té kɩ kéle pè wɛkɩ ne nê-á me gbɩ wɛkɩ tyí sɔkɔ, péwɔ-á n sɔkɔ Sú Liyel tyí, té pè náh tɔ pé we n pi. ¹¹ Té kɩ tɔ kéle pè wɛkɩ ne nê-á me Liyel tukey tyí sɔkɔ, nê-á kèkɔyó mè névyé fnè-òle, lékàh-á me te ñmɔ tyí.* ¹² Tyi náhnáh tɔ me ní tyí yo yo tɛne yé tyí. Nte máh kɩ sè yo yé tyí núkúnúkú, sè kɩ kǎn pɩ yéle. ¹³ Liyel Mirki nê-á gbɩle névyéle n wɛkɩ Liyel tyí sɔkɔ, ñmɔ-à pɔ gbí nêne, à kɩ pɔ yé yah tɛ yé kɔ yé kɩ gbɩ dùkù pól pĩ Liyel tyí sɔkɔ. N yah yíi welɔ náh à kɩ pɔ n yo dé! Wáh tyi nónó pól noh, sépi ye à kɩ pɔ yo yé tyí ànê tyi nónó-á me n pi. ¹⁴ A kɩ tyile n we n syi ñmɔ tyí kɩ n yo yé tyí. Képah ye, ñmɔ gbò yò ñmɔ yĩn kɩ n gbilki. ¹⁵ Kwâh nê-á fyò me Sú Liyel tyí, ñmɔ tɔ tyí ye kéle. Képah ye ní kɔ mé ne Liyel Mirki-á kɩ ñmɔ tyile n we n syi n yo yé tyí.»

Yèkwɔɔrɔ vɩnɩnɩnɩle nɩvɩnɩne

¹⁶ Képah yóntɛnɔ náh, Yesu tɔ ne: «Dǒ kwéy, yé náh tɔ ní we n pi. Té dǒ kwéy képah náh, yé kɩ tɔ ní we.» ¹⁷ Képah tɛne, n tǒ sáhpú tókù tyah n yo wɛ tyí ne, wey nê-á à n yo pé tyí yò ne dǒ kwéy, pé náh tɔ pé we n pi, té dǒ kwéy képah náh, páh kɩ tɔ pé we, képah yò se pɩ tir nêne nɩ? Anê tir nê se à n yo sɛ yò ne, páh n sɔkɔ Sú Liyel tnò nɩ? ¹⁸ Dǒ kwéy nê tyí-á à n yo yò, tir nê se képah n wɛkɩ nɩ? Pépi náh me n wey mè syíkí-ńsah we dé! ¹⁹ Nte Yesu-á pĩ ne, páh me n yah n kɔ pé píkinyah-ńsahle, à yo pé tyí ne: «Máh yo yé tyí ne dǒ kwéy, yé náh tɔ ní we n pi, té dǒ kwéy képah náh, yáh kɩ tɔ ní we, képah tyí yò ye yé n piki n yah wɛne yò kè? ²⁰ Kègbɩgbɩ tɛ yò, mé kéle n yo yé tyí, yé kɩ pɔ n gbo kɩ yám yám tyile n yo, té kèkɔyó névyé kɩ me nɩvɩnɩ sɔkɔ. Yé kɩ me yèkwɔɔrɔ sɔkɔ, nte yé yèkwɔɔrɔ kɩ pɔ vi mɔ pɩ nɩvɩnɩne. ²¹ Sê-à pile n dubi gbí nêne, yèvyáhrɩ pɩ gbí-á yĩni tɛ n tyí sɛ, kè n ne yèkwɔɔrɩle n tyí. Nte wáh dubi te, névi wéndubinmɔnɔle kèkɔyó n tyí, kè n pɩ nɩvɩnɩ ñgbɛne n tyí. N dyɔ n fwɔ n yèvyáhrɩ pínsɔkɔnɔ tyile. ²² Sɛ yé yépi tɔle yèkwɔɔrɩ sɔkɔ núkúnúkú yò. Nte mé kɩ tɔ pɔ n yah n pi yé tyí. Képah sɔkɔ, kè kɩ pɩ nɩvɩnɩne yé tyí kègbɩ tɛne, nɩvɩnɩ nê-á ney náh fɛ kè tɛ n syi n pi yé tyí. ²³ Lésò gbɩyìkì-à pɔ nɔ, yé náh tɔ ní piki n yah n pi tir yó ntɛ tyile. Kègbɩgbɩ tɛ yò, mé kéle n yo yé tyí, yáh kwáhdúkú nê ni Sú Liyel tyí ñmɔ yĩn yò, à kɩ kéle yé kɔ. ²⁴ Té à pɔ syi núkúnúkú tyí, yé náh tɔnɩ me kwâh yó ntɛ ni ñmɔ yĩn yò. Yé ne n ni, yé kɩ n we n syi. Képah sɔkɔ, yé nɩvɩnɩ kɩ syi ké yĩn tyí.»

Yesu tɛ we kèkɔyó tyí

²⁵ Képah náh, Yesu tɔ ne: «Mé ye tyi nópi pól yáh yé tyí sèmɩrn sɔkɔ. Té sò yó me n pi, mé náh tɔ n yáh n pi yé tyí sèmɩrn sɔkɔ. Nte mé kɩ Sú Liyel tyí yo wah palle yé tyí. ²⁶ Lésò gbɩyìkì-à pɔ nɔ, yé kɩ ñne n ni ñmɔ yĩn yò. Té mé náh yo yé tyí ne ñmɔ-á kɩ n ni ñne yé tyí dé. ²⁷ Yé náh we di, yé tyí nɔ Sú Liyel tyí. Ñmɔ tyí-á nɔ yé tyí, té yé sɛ ké yò ne máh wil

* **16:11** 16.11 - Kèkɔyó névyé fnè-ò nê tyí-á n yo ásò sɔkɔ yò, sétàn yòtɛ ye.

̀̀mɔ tyí, kɛpah ye yé tyí nɔ ̀̀ tyí. ²⁸ Sú Liyel tyí ye mé wil à pɔ kèkɔyó. Nte núkúnúkú, mé kɪ tɔ yal kèkɔyó kɪ n yuku n pi ̀̀mɔ tyí.»

²⁹ Yesu-á yo sɛ, ̀̀ tɔ sáhpú ne ðhð, núkúnúkú tɛne, wáh pyɛ me tyile n yo n wah palle sɛmɪrn mí-ńkɛne. ³⁰ Pépi-á pɪ núkúnúkú ne, wáh tyi pólle n pne. Páh ne à piki n yah n pi tir nɛne, à n ne n me kè pɪ n te. Kɛpah-á pépi sɛ ké yó ne, wáh wil Liyel tyí. ³¹ Kɛpah sɔkɔ, Yesu ne: «Yé sɛ ̀̀mɔ yó núkúnúkú yé yo kè? ³² Nte gbí yó me n pi, nê-á me te núkúnúkú ńtɛne yò, nê sɔkɔ-á yé pól kɪ to karkɪ, kɪ sɔkɔ yé wil-ńtàn sɔkɔ, té kɪ ̀̀mɔ sah ń gblɔy. Nte Sú Liyel kɪ me ńne. Kɛpah ye mé náh kɪ n me n pi ń gblɔy. ³³ Nmɔ me ké tyí ne yé yèvinɪ we ̀̀mɔ tyí, kɛpah ye mé tyi nɔpi yo yé tyí. Yé kɪ yèvyáhrɪ pi n pi kèkɔyó sɔkɔ. Nte yé káh tíkí pi, ̀̀mɔ ye tɛ we kèkɔyó tyí.»

17

Yesu ńírí pínólɛ

¹ Yesu-á kɛpah yo te sɛ, à ̀̀ yah yó yɪnyó té ne: «Bð, ké gbí ye nɔ núkúnúkú. Gbílkinó sah ̀̀mɔ yó, ̀̀mɔ tɔ mó gbílkinó sah á yó. ² Áwɔ ye tɛnwɛnɔle ń kɔ no pól yó, ne mé tyé-ńkɛ minne pé pól kɔ, nónó-á á dahbɪ ń gbò. ³ Áwɔ nê-á Liyel núkúnúne kègbɪ yó, pàh áwɔ pɪ, té ̀̀mɔ Yesu Krista pɪ, ̀̀mɔ nê-á á tekɪ mɔ, kɛpah ye tyé-ńkɛ minne. ⁴ Wáh tɔ nê dahbɪ ń gbò pi pi tɛne, mé ye kè pi te. Nmɔ ye gbílkinó sah á yó sétáh yó sɔkɔ. ⁵ Núkúnúkú tɛne Bð, gbílkinó nê-á sò me ̀̀mɔ yó á gbòpɔ kèkɔyó mó-ńkɛ gbí ðúkùle, kɛpahle ̀̀mɔ kɔ á gbòpɔ sɔkɔ ńtɔ.

⁶ Wáh nónó wilki kèkɔyó névye sɔkɔ à ̀̀mɔ kɔ, mé ye á ðúkùle pè wɛkɪ. Áwɔ tyí ye sò péle, té á me péle ̀̀mɔ gbò dahbɪ, pè me á wey fɛ syi. ⁷⁻⁸ Wáh wɛlɔ nónó yo ń tyí, mé ye sè yo pé tyí, pè me sè fɛ syi. Pè pɪ yíi ne, máh wil áwɔ tyí, té sɛ ké yó ne áwɔ-á tekɪ mɔ ńne. Kɛpah ye, núkúnúkú tɛne, pè pɪ ne wáh yí nónó pólle ̀̀mɔ kɔ, sáh wil áwɔ tyí. ⁹ Páh pi áwɔ tyíle sɛ, kɛpah ye mé ále n ni pépi tyí. Mé náh me ále n ni kèkɔyó névye tɛ wɔ tyí dé! Wáh nónóne ń gbò dahbɪ, pépi tyí ye mé n ni ále. ¹⁰ Nónó pól-á áwɔ tyíle, ̀̀mɔ tɔ tyí ye péle. Nónó pól-á ̀̀mɔ tyíle, áwɔ tɔ tyí ye péle. Té pépi gbò yó, gbílkinó me n sah ̀̀mɔ yó. ¹¹ Nte ðð kwéy, ̀̀mɔ kɪ n pɔ n pi áwɔ tyí. Mé náh kɪ tɔ n me n pi kèkɔyó sɔkɔ. Nte pépi wɔ kɪ me kèkɔyó. Bð, áwɔ nê-á pèkè kɛne, pè tɛ n sah á táhkɪ gbò yó, kɛpah nê-á á ̀̀mɔ kɔ. Kɛpah sɔkɔ, pè kɪ pi núkúle sɔ-á áwɔ ànê ̀̀mɔle núkúle. ¹² Máh sò me péle gbí nɛne, mé pè tɛ sah á táhkɪ gbò yó, kɛpah nê-á á ń kɔ. Mé pé yó syikɪ palle, ̀̀nɪ yó ńtɛ tyí náh yikɪ pé sɔkɔ, à wil nénúkù mè tyí sɔkɔ, nê tyí-á sò yíne kè yikɪ, á wey sébéy sɔkɔ tyi wárkínsàhnó kɔ sè we n wil. ¹³ Nte núkúnúkú, ̀̀mɔ-á n pi áwɔ tyí, kɛpah ye mé tyi nɔpile n yo té ń sah kèkɔyó sɔkɔ, nónó-á kɪ pè kɔ pè kɪ me nívìnì yèsyìkì sɔkɔ ̀̀mɔ tyí kɔle. ¹⁴ Mé á wey yo pé tyí. Pè náh tɔ pi kèkɔyó tyíle, sɔ-á ̀̀mɔ náh pi kèkɔyó tyíle. Kɛpah ye, kèkɔyó névye pé dyɔle n yo. ¹⁵ Mé náh me ále n ni ne, á pè tɛ n yal kèkɔyó dé! Nte ne n yah pé yó, pèkè pí-ò káh tɛ we pé tyí. ¹⁶ Sɔ-á kèkɔyó tyí náh ̀̀mɔle, sɛ ye kèkɔyó tyí náh pépi tɔle. ¹⁷ Pè wilki n sah á tyí yó á gbɪ gbò yó. Á weyne, gbɪ ye kéle. ¹⁸ Wáh ̀̀mɔ tɔ sɔ kèkɔyó sɔkɔ,

sẽ ye mé pé tɔle n tɔ kèkõyó sɔkɔ. ¹⁹ Nmo ní gblõyne ále n kɔ́ ní tɔ́ pépi yinne, ne pé tɔ ne n me áwɔ tyí yõ gbɪ tẽ yõ.

²⁰ Nte mé náh me ále n ni pépi ó yinne dé! Nónó tɔ-á kɪ pɔ n sɛ n pi nmo yõ pépi tyíyónó gbõ yõ, pépi tɔ tyí ye mé n ni ále. ²¹ Mé ále n ni ne pé pól pi núkúle. Áwɔ nê-á Bõle, áwɔ ànê nmo-á me núkúle sɔ́, pépi ànê ápi tɔ pi núkúle sɛ, kèkõyó névye kɔ́ pè pĩ ne áwɔ-á tekɪ mɔ́ ríne. ²² Wáh gbilkínó sah nmo yõ sɔ́, nmo tɔ ye gbilkínó sah pé yõ sɛ, ne pè pi núkúle sɔ́-á áwɔ ànê nmole núkúle. ²³ Nmo me péle, áwɔ me nmole. Káh pi sɛ, pè kɪ pi yĩ núkúle. Képah sɔkɔ, kèkõyó névye kɪ pĩ ne, áwɔ-á tɔ́ nmole, ànê no nópi tyí-á nɔ́ á tyí, sɔ́-á nmo tyí nɔ́ á tyí. ²⁴ Bõ, wáh nónónne ní gbõ dahbɪ, mé me ké tyí ne pépi tɔ ne n me ríne máh kɪ n me n pi nýāh sɔkɔ, pè mó ní tɔ́rí we. Nmo tyí-á me nónóle á tyí kèkõyó mó-nkẽ gbí òkúle sɛ, képah ye á tɔ́rí mènne ní kɔ́. ²⁵ Bõ, áwɔ nê-á me tómm, kèkõyó névye náh n pĩ, nte nmo wɔ́ n pĩ. Té no nópi tẽ wɔ́ pĩ ne, áwɔ-á tɔ́ ríne. ²⁶ Mé ye á òkúle pè wẽkɪ, té kɪ tɔ́ á òkúle pè wẽkɪ n pi, ne nmo tyí-á nɔ́ sɔ́ á tyí, kéne tyínono òkúle ne n me pé tɔ sɔkɔ, ànê nmo mó ne n me péle.»

18

Yesu tẽnóle

¹ Welɔ́ nópi yóntenɔ́ náh, Yesu ànê n tɔ́ sáhpú wil sɔkɔ à kyɪ de sésân swāh yó sɔkɔ Sedrɔ́ nítókahnne. ² Yesu ànê n tɔ́ sáhpú sò dar té wẽne n tuke n mɔ́ n pɔ́ nénpó. Képah ye, Nsyudasɪ nê-á sò me vínó sɔkɔ Yesu náh, n tɔ́ sò nénpó pĩ. ³ Képah sɔkɔ, sárká syínwilkɪpu yõtām ànê Farisi wẽkɪ kópú me sràsyíbí finkɪ ànê Liyel ní-nsah gbô syíkípú tɔ́. Nsyudasɪ me pépi yah tẽ à pɔ́ de péle swāh mɛ́ sɔkɔ. Nì sò me pé tyí wóhntɛnyinnole pé gbàn sɔkɔ, ànê fòtnónóle, à tahlɪ méfwóyí tyí. ⁴ Nte tir nê-á sò ne n pi n pi, Yesu-á sò me kè pĩ sɛ, à nɔ́ de pé tɔ́ té pè piki yah ne, nê se pè n yah n kɔ́ nɪ? ⁵ Pè me à syah ne, Nasaretɪ kwil Yesu-á. A me yo pé tyí ne: «Nmo ye.» Té Nsyudasɪ nê-á kɪ sò à dahbɪ n pi pé gbõ, nmo sò me yíntɛnóle gbòpɔle. ⁶ Yesu-á fyò yo pé tyí ne péwɔ́-á, pè pé syɪ náhsékũrnnne à kyɪ syɪkɪlɪ sɛtáh. ⁷ A me tɔ́ n syɪ pè piki yah ne, nê se pè n yah n kɔ́ nɪ? Pè me ne, Nasaretɪ Yesu-á. ⁸ Képah sɔkɔ, à me yo pé tyí ne: «Mé ye kè yo te yé tyí ne nmo-á. Nmo-á kɪ nê yé n yah n kɔ́, yé ye no nópi kɔ́ pè ne n yuku.» ⁹ Képah-á pi sɛ, wáh lésò wey nê yo sah, kè wil. A lésò ne: «Bõ, wáh nónónne ní gbõ dahbɪ, mé náh ye pé sɔkɔ yó n tẽ tyí ykɪ.»

¹⁰ Té dí yó tɔ́ lésò me péle pè n ye Malkusile. Sárká syínwilkɪpu yõtɛ́ ngbɛ́ tɔ́npi ye nne. Té Simo-Pyerɪ tyí kèkírki yó sò me. A me kè yɔ́ri de à kéne dí gbõyò sò níkí kɔ́ kām. ¹¹ Nte Yesu me yo Pyerɪ tyí ne: «Á kèkírki dyɪ ké gbô sɔkɔ. A se me n sò ne, Sú Liyel-á yèvyāhrɪ nê yah tɔkɔ sah ne mé pɔ́ n pi, máh kɪ kè yahle?»

Tyí nónó-á pi sárká syínwilkɪpu yõtɛ́ ngbɛ́ An tinnɛ

¹² Képah náh, sràsyíbí finkɪ ànê pé yõtɛ́ ngbɛ́, ànê Nsyifuno Liyel ní-nsah gbô syíkípú me Yesu tẽ, té à pukubi, ¹³ à yuku nne An ngbò tyí. Kayifi nê-á sò sárká syínwilkɪpú yõtɛ́ ngbɛ́ne léyíle, nmo déndí ye sò An mènne.

14 Té kéne Kayifi m̀e wɔ ye lésõ vi mɔ pé no Nsyifunɔ yõtãmne ne nkẽ: «Dĩ nénúkù-à kɪ ku no pól yĩnne, képah kɪ nekɪ kal ále.»

15 Simo-Pyeri ànê Yesu tò sáh-ò yó sò me Yesu sò tẽ. Képah sɔkɔ, sárká syínwìlkìpu yõtẽ ñgbẽ-á sò me Yesu tò sáh-ò m̀ene n pne s̃, ñmɔ me de yuku Yesule sárká syínwìlkìpu yõtẽ ñgbẽ gbô sɔkɔ. 16 Nte Pyeri wɔ sò me yĩn tẽ kégbó, gbô yah sɔkɔ. Té Yesu tò sáh-ò nê-à sò sárká syínwìlkìpu yõtẽ ñgbẽ n̄pínine, ñmɔ me wil pɔ yo mɔ t̄npi pi tyí nê-á gbô syíkí-òle, té Pyeri k̄ à de. 17 Té Pyeri-á n de, kéne t̄npi pi m̀e me à syah ne, ñmɔ tole Yesu m̀e tò sáh-ò kó ñne ni? Pyeri me à syah ne, ñ tò sáh-ò náh péwɔle dé! 18 Nte vɪri sò me n pi. Kãh pi s̃, t̄npi bi ànê Liyel ní-nsah gbô syíkípú sò me nyàh mɔ sah n wne, té Pyeri tɔ me nyàhle n wne péle.

19 Té Yesu wɔle, sárká syínwìlkìpu yõtẽ ñgbẽ me tyah ñmɔle n piki n yah ñ tò sáhpú ànê ñ névye kwónó tyí sɔkɔ. 20 Yesu me yo ñ tyí ne: «Mé sò me ní weyne n yo n dal n mɔ no pól yí yah. Té me kwónóle n pi gb̄imegb̄i Liyel ní-nt̄an vi sɔkɔ, ànê Liyel ní-nsah gbô sɔkɔ, ñyãh sɔkɔ-á Nsyifunɔ pól w̄ene n tuke n mɔ. Mé náh tir yó nt̄e yo s̄t̄in sò sɔkɔ. 21 Té kwãh nê pi á ñne n piki n yah s̃? Nónó-á ní wey noh, pépi piki yah nê-á mé yo. Máh nê yo, pépi wɔ kè p̄i.» 22 Yesu-á fyò képah yo, Liyel ní-nsah gbô syíkípú sɔkɔ nê-á sò me n̄npó, ñmɔ Yesu létáh m̄i té ne, sárká syínwìlkìpu yõtẽ ñgbẽ tyí se à n wekɪ s̃ yò ni? 23 Yesu me yo ñ tyí ne: «Máh kɪ me w̄entúkù wekɪ, kéle ní w̄ekɪ. Nte máh kɪ me wekɪ ple, kwãh nê pi té á ní m̄i?» 24 Képah sɔkɔ, An me Yesu tekɪ mɔ sárká syínwìlkìpu yõtẽ ñgbẽ Kayifi tyí s̃ púkúbínóle.

25 Légb̄ine, Simo-Pyeri sò me yĩn tẽ nyàhle n wne s̃. Pè me à piki yah ne, ñmɔ tole, dí m̀e tò sáh-ò kó ñne ni? A me ñ vyãh k̄lɪ ne, ñ tò sáh-ò náh péwɔle dé. 26 Pyeri-á lésõ dí nê níki k̄ kã, ñ tyí névi yó lésõ me sárká syínwìlkìpu yõtẽ ñgbẽ t̄npi le. Kéne t̄npi-á Pyeri we, à à syah ne, ñmɔ-á lésõ pé kyɪ we ànê Yesule swãh sɔkɔ. 27 Pyeri t̄ ñ vyãh k̄lɪ. N̄npó swɔ, s̄npe gbo.

Pilati Yesu k̄n̄m̄ɔnɔ w̄ek̄i k̄

28 Képah t̄ne, pé Yesu t̄e yal Kayifi t̄inne, té yuku ñne Wrome gb̄enyah yah t̄-ò t̄inne. Séngb̄ó púpú ye sò pé pi képahle. Pãh yĩni t̄e, Nsyifunɔ yõtãm náh f̄e syi de ñ gbô sɔkɔ. Pé náh sò me ké tyí ne pé pé gbl̄oy silki, pé vyãh mó de Nsyifunɔ ȳori tyénó syáh ȳoke yónó sɔkɔ.* 29 Kãh pi s̃, Wrome gb̄enyah yah t̄-ò dí Pilati me wil pɔ pé tn̄o kégbó, à pɔ pé piki yah ne, tyítúkù nê se dí m̀e pi pé yo ni? 30 Pé me à syah ne, dí m̀e-à sò me tyítúkù pí-òle nk̄ene, pépi se nãhkɪ pɔ ñne ñmɔ tyí ni? 31 Képah t̄ne, Pilati mó Nsyifunɔ syah ne, pé ne n yuku ñne, pé kyɪ à tuke pé gbl̄oy à yĩne pé tyi k̄nsàhnóle. Nte pé tɔ me à syah ne, névi k̄n̄m̄ɔnɔ gb̄ah náh de mɔ pépi tyí. 32 Képah sɔkɔ, Yesu-á lésõ nê yo sah à ñ gbl̄oy ku òkù tyí yo wah, kè wil.†

* **18:28** 18.28 - Nsyifunɔ nónó-à sò pi soh névyele nónó náh pi Nsyifunɔle, Nsyifunɔ ȳori tyénó syáh déntenɔ sɔkɔ, pé vyãh n de kéne syáh ȳoke yónó sɔkɔ. † **18:32** 18.32 - Yesu lésõ kè yo sah ne pãh kɪ pé òkò mɔ dahn̄i yò. Yah n te Nsyõ 3.14. S̃ ye n̄tyínó kè pɔ pi. Nsyifunɔ nk̄ene tyíp̄el píp̄ule n minkɪ n ko, nte Wrome t̄an wɔ n mó tyíp̄el píp̄ule n syɪ dahn̄i yò.

³³ Kǎh pɪ sɛ̃, Pilati me ñ syɪ de ñ gbô sɔkɔ, té Yesu ye pɔ piki yah ne ñkɛ̃, ñmɔ se Nsyifunɔ yòtɛ̃ne nɪ? ³⁴ A me yo ñ tyí ne: «Áwɔ se sɔ tɛ̃ n yo kéle á gblɔy, tɪ ñnɪ se yo ñ syah kéle?» ³⁵ Pilati me à syah ne, Nsyifu se yó péwɔ tɔle nɪ? Ñ yɛ̃ngbɛ̃ yìkì névye ànê pé sárká syínwìlkìpu yòtām-á pɔ ñne péwɔ tyí. Tir nê se à pɪ nɪ? ³⁶ A me yo ñ tyí ne: «Kèkɔyó mè sɔkɔ náh n tɔrí n wil. Káh sò me n wil kèkɔyó mè sɔkɔ, n tònpuɪ náhki sò n fwo syi, mé náh náhki n de n pi Nsyifunɔ yòtām gbò. Nte ɔ̃ dé, n tɔrí náh wil ásò.» ³⁷ Képah tɛ̃ne, Pilati me yo ñ tyí ne, yòtɛ̃-á ñne kè? A me ne: «Áwɔ ntɛ̃ vyāh sɔkɔ ye kè wil ne yòtɛ̃-á ñne! Ñmɔ pónóle kèkɔyó à pɔ dubi, gbɪ tyí yo n wah yīn ye. Nónó-á me gbɔ névyele, pépi kɪ n tyíyónóle n noh n tɛ̃ yīn.» ³⁸ Pilati me à piki yah ne, kwāh nê se gbɪle nɪ?

Kéne welɔ yóntenɔ náh, Pilati tɔ ñ syɪ wil à kyɪ yo Nsyifunɔ tyí ne ñkɛ̃: «Ñmɔ náh pílki-ńsah yó ntɛ̃ we dí mè tyí. ³⁹ Té à yīne máh dar té kéle n pɪ sɔ yé tyí, yimeyí mé ñkɛ̃ne ye sɔkɔ yó wilki wòkònpèkè sɔkɔ ñ fin n mɔ yé yòrɪ tyénó syáh syah gbíne. Kǎh pɪ sɛ̃, yé se me ké tyí ne mé yépi Nsyifunɔ yòtɛ̃ dí fin n mɔ?» ⁴⁰ Képah tɛ̃ne, pè gbo mɔ tũ ne ñkɛ̃, ɔ̃, à ñmɔ sah, à mó Barabasɪ wɔ fin mɔ. Té kèlékè névi ye mó tɔ sò Barabasɪ mènɛ.

19

¹ Képah sɔkɔ, Pilati me pè kɔ pè Yesu tɛ̃ kyɪ ko yèfòhle. ² Sràsyíbí me pàn yòkɔ pɪ dyɪ à kɔ yòtɔrí yòkúrile, té me fwòmònsāh* ñgbɛ̃ yó mɔ à kɔ. ³ Képah tɛ̃ne, pè nɔ de ñne té n yo ñ tyí ne, Nsyifunɔ yòtɛ̃ dí, páh n wekɪ ñ tyí! Té me ñ létáhlóle n kòlɪ. ⁴ Képah sɔkɔ, Pilati tɔ ñ syɪ wil pɔ yo tówú tyí ne, pè yah yò, páh kɪ Yesu wilki pɔ kégbó sɔkɔ, képah sɔkɔ páh kɪ pɪ ne pé náh pílki-ńsah yó ntɛ̃ we ñ tyí. ⁵ Yesu me wil pɔ kégbó pàn yòkɔle ñ yò sɔkɔ, ànê fwòmònsāh ñgbɛ̃ne mónóle ñ tyí. Képah tɛ̃ne, Pilati me yo pé tyí ne, pè yah névi mènɛ kè. ⁶ Sárká syínwìlkìpu yòtām ànê Liyel ní-ńsah gbô syíkípú-á fyò à we, pè gbo mɔ tũ ne, à à syɪ dahnɪ yò! A à syɪ dahnɪ yò! Pilati me yo pé tyí ne, péwɔ tɛ̃ wɔ náh pílki-ńsah yó ntɛ̃ we ñ tyí. Pépi kyɪ à syɪ dahnɪ yò sɔkɔ pé gblɔy. ⁷ Wǎh yo sɛ̃, Nsyifunɔ à syah ne, tir kònsàhnó yó-á me pépi tyí, ñkɛ̃ à yīne képah sɔkɔ weyne, dí mè-á yīne kònmònde, wǎh sònpíle ñ gblɔyne n pɪ Liyel Pídine.

⁸ Pilati-á kéne wey noh sɛ̃, tíkí tɔ à gbah tɛ̃. ⁹ A me ñ syɪ de ñ gbô sɔkɔ à kyɪ Yesu piki yah ne, nýāh se à n wil nɪ? Nte Yesu náh dahbɪ wilki ñ tyí. ¹⁰ Képah sɔkɔ, Pilati me à syah ne, péwɔ tyí se à yahle vɪnmònde nɪ? A kó pɪ ne, tɛ̃nwɛnɔ-á me péwɔ tyí kɪ fɛ̃ à fin mɔ, képah náh pɪ kɪ fɛ̃ à syɪ dahnɪ yò nɪ? ¹¹ Nte Yesu me yo ñ tyí ne: «Tɛ̃nwɛnɔ yó ntɛ̃ náh n we n pi á tyí ñmɔ yò sɔkɔ, né Liyel náh kéle ñ kɔ. Képah ye, nê-á dahbɪ ñmòle á gbò, ñmɔ tyípèkè kal áwɔ tyíle.»

¹² Wǎh képah yo, Pilati sò me ñ wénfinmɔ-ńsahle n yah n kɔ. Nte Nsyifunɔ sò me kah gbo mɔ tũ ne, wáh kɪ à fin mɔ, Wrome kwiltām yòtɛ̃ Sesar kódí tɛ̃ wɔ náh ñne dé! Nkɛ̃ névi nê-á fyò ñ gblɔyne n pɪ yòtɛ̃ne, Sesar sépe-á tɛ̃ne dò. ¹³ Pilati-á fyò welɔ nòpi noh, à pè kɔ pè Yesu tɛ̃ wil kégbó. Té me kɔ tɛ̃ tukey tuke tuke kò yò fí yó sɔkɔ, nýāh-á me mónóle dyèhle. Pè nénpóle n ye Kabatale† Yebre wey sɔkɔ. ¹⁴ Ké dīndal kɪ sò n pɪ

* **19:2** 19.2 - Yòtɔrí fwo ye sò fwòsāhle. † **19:13** 19.13 - Kabata kór ye tyah kèyyne.

n pi Nsyifunõ yõru tyénó syáhle. Té gbí-á me yõtah sírr kénkõ sòkò, Pilati me yo Nsyifunõ tyí ne, pé yah pé yõtène kè. ¹⁵ Nte pé tã kah gbo mɔ tũ ne, à à ko mɔ! à à ko mɔ! A à syi dahnɔ yõ! Pilati me ne, pé yõtène pé ne pé syi dahnɔ yõ lé? Sárká syínwìlkìpu yõtām me yo n tyí ne, yõtē yó ntē náh me pépi tyí, à wil Sesar tyí sòkò. ¹⁶ Képah sòkò, Pilati me n gbàh de mɔ ne à syi dahnɔ yõ.

Yesu syínóle dahnɔ yõ

Sràsyíbí me Yesu tē sòkò. ¹⁷ Páh n sòkò, pé à kò à n syi syi dahnɔ twah n gblõy pé wil kwil sòkò, à yuku fí yó sòkò nýāh-á pé n ye yõgbèkè tyahle, té pé kéle n ye Kòlkotalē Yebre wey sòkò. ¹⁸ Nénpó sòkò ye pé syi nne dahnɔ yõ, té me népí ní mí yísyó tɔ syi dahlɔ yõ n gbòplòle, té òmòle pé niyó. ¹⁹ Pilati me wey yó wārki à syi Yesu syi syi dahnɔ tyí n yõtah, nê yõ-á kè me wārkinsàhnóle ne nkē: «Nasareti kwil Yesu, Nsyifunõ yõtē.» ²⁰ Páh Yesu syi dahnɔ yõ, té wey nê wārki syi kéne dahnɔ tyí, n yõtah, kè sò me Yebre wey sòkò, à nê Latē wey sòkò, à nê Kreki wey sòkò. Té nýāh sòkò-á sò pé syi nne dahnɔ yõ, nénpó sò me yúkey kwille. Káh pi sē, Nsyifunõ náhnáh kè we kar. ²¹ Képah sòkò, Nsyifunõ sárká syínwìlkìpu yõtām yo Pilati tyí ne, à káh ye wārkinó mè tē sē ne, Nsyifunõ yõtē-á. Nkē à kè wārki mɔ ne, dí mè-á yo ne nkē, Nsyifunõ yõtē-á péwòle. ²² Nte Pilati me yo pé tyí ne, páh fyò nê wārki te, káh ki tē sē.

²³ Képah tēne, sràsyíbí-á Yesu syi te dahnɔ yõ, pé n flo tɔkò à dibi‡ tàntàn nyēh à pɔ gbàh sah n fwòmò-ngbē tyí. Pé nénúkù núkú pól me tɔkò núkú núkúle. Té fwòmò-ngbē mè sò me kóhntel-ńsah kéne ké tyí. Kè sò me fwo núkúle à tɔkò ké yõtah tyí, fóó à pɔ syi ké sètàhkì sò tyí. ²⁴ Pé me yo wē tyí ne, pé káh képah wɔ yɔru n tɔki. Pé ye ndan mɔ n yah, káh ki pi nê tyíle. Té nê-á lésò wārkinsàhnóle Liyel wey sébéy sòkò ne nkē: «Pè n flo dibi pé wē wró, té ndan mɔ à n fwòmò-ngbē tɔkò.»§ Képah wil yin ye kè kò kè pi sē yò. Sē ye sò sràsyíbí pi.

²⁵ Té Yesu yú sò me yínttēnóle Yesu syi syi dahnɔ tnô, à nê n yú gbēnsèle, à nê Klopasi kyi Marile, à tahlɔ Makadala kwil Mari tyí. ²⁶ Yesu tò sáh-ò nê tyí-á nɔ yí n tyí, òmɔ tɔ sò me yínnóle Yesu yú tnô sòkò. Yesu-á pé we, à yo n yú tyí ne: «Á pídí we yò.» ²⁷ Képah náh, té yo n tò sáh-ò mè tyí ne: «Á nò we yò.» A tɔkò légbí tyí, tò sáh-ò mè me Yesu yú tē à kyi sah n gblõy tyí.

Yesu kúnóle

²⁸ Képah náh, Yesu-á pí ne tyi pól-á pi dal mɔ sē, à ne: «Níkì me n tē.» Képah sòkò, nê-á wārki sah Liyel wey sébéy sòkò, kè wil.* ²⁹ Té pín yó sò me nénpó yõyòkè nine ké yíine. Sràsyíbí me sènsúkúrí tɔkò à dahbi wilki kéne yõyòkè ni sòkò, à dyi yisopi ndan tyí, té kè nɔ à sah Yesu vyāh yah. ³⁰ Wāh kè wɔ, à ne: «Tyi pól ye we pi dal mɔ.» Wāh fyò képah yo, à n yõ sinki té ku.

‡ **19:23** 19.23 - Wrome tãn-à sò névile n syi dahnɔ yõ, pē tē flo de. Páh à syi te, nónó-á syi nne, pépi n flo nópi tɔkò n dibi. § **19:24** 19.24 - Yah n te Gbálnó 22.19. * **19:28** 19.28 - Yah n te Gbálnó 69.22.

³¹ Nsyifunɔ mɪ mɪ yòh kɪ sò n tyah n pi lékâh mónó sɔkɔ.† Té mɪ mɪ yòh mè sò kal sé no télólɛ. Képah ye, Nsyifunɔ yòtãm náh sò me ké tyí ne nónó-á me syínsàhnóle dahlo yò, pé lékyî pɔ mɪ mɪ yòh sò no dahlo yò.‡ Kâh pɪ sɛ, pè kè yah kɔ Pilati tyí ne, à kéné no nɔpi gbyêh kwɔkɪ pè kɔ pè ku súú, pé lékyî mó tiki n mɔ n to dahlo yò. ³² Képah sɔkɔ, népí ní mí nónó-á sò pè syɪ dahlo yò ànê Yesule, sràsyíbí me pɔ négben gbyêh kwɔkɪ té ní-ò to tyí kwɔkɪ. ³³ Té pãh yîni tɛ Yesu tyí, pè kè we ñmɔ me ku tɛ. Kâh pɪ sɛ, pè náh fwótɛ ñmɔ gbyêh kwɔkɪ. ³⁴ Nte képah fyé yò, sràsyíbí nɔpi sɔkɔ yó Yesu gbɔpɔ tũ mèmèkìle. Nénpó swɔ, tó ànê ni n fwɔ n wil nórɛ mè sɔkɔ. ³⁵ Névi nê-á n yo tyi nɔpile, ñ to yí yah tótó sɔkɔ ye sè pɪ. Gblo ye ñ tyíyónóle. Nmɔ ñtɛ to pĩ ne gblo-á pé n yo. A tyi nɔpi yo ne yépi to sɛ Yesu yò. ³⁶ Nte yah, tyi nɔpi pól ye pɪ Liyel wey sébéy sɔkɔ tir wárkínsàhnó mè kɔ kè wil. Kè lésò me wárkínsàhnóle ne ñkê: «Ñ gbèkè yó ñtɛ náh n kwɔ n pi.»§ ³⁷ Té kè tɔ me wárkínsàhnóle Liyel wey sébéy fí yó sɔkɔ ne ñkê: «Pãh névi nê tũ, pé yípló pye kɪ tɛ ñ yò.»*

Yesu lékó yínóle tekɪ diki sɔkɔ

³⁸ Té dí yó lésò me pè n ye Nsyosefulɛ. A sò n wil Arimatɪ kwil sɔkɔ. Yesu tò sáh-ò yó ye sò ñ tɔle. Té Nsyifunɔ yòtãm tíkí-á sò me à tɛ sɛ, képah ye à kè wɔbɪ péle. Kéné tyi pínsɔkɔntɛnɔ náh, ñmɔ me pɔ Pilati ni ne, à ye pé kɔ pé Yesu lékó de dahni yò pé kyɪ à yí. A me ké wɛkìle à kɔ. Képah sɔkɔ, à me kyɪ ñ lékó de. ³⁹ Té Nikodemɪ nê-á lésò kyɪ wil Yesu tyí sò yó lékâhne, ñ to me pɔ pútúr pãn pènàl dukenɔ nínó fɛkìnmɔnɔle wɛ sɔkɔ. Núkú yîn ye mirle, ní-ò yîn me alowesɪle. Pútúr mè sò no kílonó yògbãm kénkòle. ⁴⁰ Pé ní mí me ñ lékó tɔkɔ, té à plo fwɔ gbróle. Pè pãn pènàl yí nɔpi mɔ ñ yò, à yíne Nsyifunɔ lékó yí òkùle. ⁴¹ Pãh Yesu syɪ dahni yò ñyãh sɔkɔ, swãh yó lésò me nénpó tnô diki sán yóle ké sɔkɔ, diki nê-á ney náh yí yah ké sɔkɔ pólle. ⁴² Té Nsyifunɔ mɪ mɪ yòh-á kɪ sò n tyah n pi lékâh mónó sɔkɔ sɛ, képah ye pè me Yesu lékó yí diki mè sɔkɔ, képah nê-á sò me yúkey.

20

Yesu lékó yilkínmɔnɔle

¹ Dimansyi sò séngbòle, Makadala kwil Mari kwãh kyɪ diki yò tósò yò gbíne. A kyɪ ne n yah diki yah dáhkì náh tɔ me ké yah. ² Képah sɔkɔ, à to sɔkɔ à kyɪ wil Simo-Pyerɪ ànê ñ ní-ò Yesu tò sáh-ò yó tyí nê tyí-á no yí Yesu tyí, té yo pé tyí ne, pãh Tɛ ñgbɛ lékó wilki diki sɔkɔ. Té pépi náh pĩ pãh à sah ñyãh sɔkɔ. ³ Képah sɔkɔ, Pyerɪ ànê ñ ní-ò Yesu tò sáh-ò mè me yuku à diki yò nyáh sò. ⁴ Pé ní mí sò me n to. Té ñmɔ-á sò me n to súú kal Pyerɪle, ñmɔ kyɪ yîni tɛ gbenne diki yò. ⁵ Wãh kɔ yah diki sɔkɔ, à fwɔ gbró we sàhnóle ké sɔkɔ, té à náh de. ⁶ Nte Simo-Pyerɪ nê wɔ-á sò me n pi ñ náhle, ñmɔ wɔ-á pɔ yîni tɛ, à de diki sɔkɔ. Té kyɪ fwɔ gbró we sàhnóle, ⁷ ànê fwɔ yóle fikénsàhnóle ké tyíle, pãh sò nê mɔ ñ yò yò. Képah náh sò me fwɔ gbró télólɛ fí núkú. ⁸ Képah sɔkɔ, Yesu tò sáh-ò nê-á sò pɔ de diki

† 19:31 19.31 - Nsyifunɔ gbìyìkì sò n tyah tyah piri gbíne. ‡ 19:31 19.31 - Yah n te Tõnyono 21.23. § 19:36 19.36 - Yah n te Gbálnó 34.21. * 19:37 19.37 - Yah n te Nsakari 12.10.

yõ gbenne, ò tɔ me de diki sɔkɔ. Wǎh kè we, à sɛ ké yõ. ⁹ Té à pɔ nɔ légbí tyí, wey nê-á wǎrkɩ sah Liyel wey sɔkɔ ne, Yesu lékó-á yĩne à pɔ n yilki mɔ, ò tɔ sǎhpú nǎh tɔnì sò me képah òkù pĩ. ¹⁰ Képah nǎh, Yesu tɔ sǎhpú nɛpĩ ními nópi pé syɩ to yuku pé tĩne.

Yesu ò gblɔyne Makadala kwil Mari wɛki

¹¹ Légbíne, Mari sò me yíntɛnóle kégbó sɔkɔ diki tɔn me n gbo. Wǎh me gbní sɔkɔ gbí nêne té kɔ yah diki sɔkɔ, ¹² à yĩnyõ tɔnɩbi nɛpĩ ními we fwɔpikino sɔkɔ diki sɔkɔ. Pè sò me kɔntɛnóle Yesu lékó snékínmɔ-nsah sɔkɔ. Núkú sò me tɛ ò yõ mɔ-nsah tĩne, té ní-ò me tɛ ò gbyêh mɔ-nsah tĩne. ¹³ Pè me ne, pi, kwâh nê se pi té à n gbo ni? A me ne pǎh pé Tɛ ògbɛ lékó wilki. Nté pé nǎh pĩ pǎh à sah nýǎh sɔkɔ, képah-á pé kɔ pé n gbo. ¹⁴ Wǎh me képah yónó sɔkɔ té ò yah vi, à Yesu we yínnóle nɛnpó. Nte à nǎh sò me pĩ ne òmɔ-á. ¹⁵ Yesu me à piki yah ne, pi, kwâh nê se pi té à n gbo ni? Nê se à n yah n kɔ ni? Nte Mari wɔ sò me n sò ne sètɛ dí-á, té yo ò tyí ne, pé yòtɛ, òmɔ-à kɩ nê wilki òne, à ò sǎh-nsahle pé wɛki pé kyɩ à tɔkɔ. ¹⁶ Képah tɛne, Yesu me à ye ne, Mari! Mari me ò yah vi ò tĩne té yo ò tyí Yebre wey sɔkɔ ne, Wrabuni, nê kór-á kwó-ò díne. ¹⁷ Nte Yesu me yo ò tyí ne: «Mé nǎh tɔnì me òkɔ yuku Sú Liyel tɔn, képah ye, káh ní tɛ n sah. Té kyɩ n yo òmɔ yúnpyé tyí ne,* máh kɩ òkɔ yuku ní Sú tyí, nê-á yépi tɔ Súle. Òmɔ nê-á ní Liyelle ànê yépi tɔ Liyelle, máh kɩ òkɔ yuku ò tyí.» ¹⁸ Képah sɔkɔ, Makadala kwil Mari me kyɩ kè yo Yesu tɔ sǎhpú tyí ne, pǎh Tɛ ògbɛ we. Té wǎh tyí nóno yo ò tyí, à me sè yǎh pé tyí.

Yesu ò gblɔyne ò tɔ sǎhpú wɛki

¹⁹ Kéne dimansyi mè ó sò nívine, Yesu tɔ sǎhpú sò me tükènmɔntɛnóle wòkò yó sɔkɔ. Té Nsyifuno yòtǎm yah tíkí tɛ tyí, pé sò me ké vɩ yey tɛ n mɔ sah. Nte ò, Yesu núkú pɔ n yĩn pé niyó, té yo pé tyí ne: «Yé ne n me yèvinɩ sɔkɔ.» ²⁰ Képah yóntɛnɔ nǎh, à ò gbǎn táhló ànê ò gbòpɔle pé wɛki. Pǎh Tɛ ògbɛ we sɛ, kè pi yí nìvìnène pé tyí. ²¹ A me tɔ yo pé tyí ne: «Yé ne n me yèvinɩ sɔkɔ. Sú Liyel-á òmɔ tɔ sɔ, sɛ ye òmɔ tɔ yéle n tɔ.» ²² Kéne welo yóntɛnɔ nǎh, à fɩbi mɔ pé yõ té ne: «Liyel Mirki ye mé yéle n kɔ. ²³ Yǎh nóno tyípɛl yõ mɔ pé kɔ, sè kɩ yõ mɔ pé tyí. Té yǎh nóno tyí yònmɔ-òkɛne, sè nǎh n yõ n mɔ n pi pé tyí.»

Yesu ne Toma yal mɔ tɔtò pínóle

²⁴ Nte Yesu-á pɔ ò tɔ sǎhpú tɔn sò nêne, Toma nê-á pé yĩn dyɩ à kɔ kèninène, òmɔ wɔ nǎh sò me. Yesu tɔ sǎhpú nɛpĩ gbɔnimí sɔkɔ yó ye sò ò tɔle. ²⁵ Káh pi sɛ, pé no téló me pɔ kè yo ò tyí ne, pépi-á Tɛ ògbɛ Yesu we. Nte à me pé syah ne níkɛ, né péwɔ tɛ nǎh kwèrkè níy we ò gbǎn táhló sɔkɔ, té pé kèngbɔ dyɩ yah sé sɔkɔ, ànê né pé nǎh pé gbò dyɩ yah ò gbòpɔ tɔ-nsah sɔkɔ, pé nǎh n sɛ n yah n pi ké yõ pólle.

²⁶ Képah nǎh, ké dimansyi kèyǎhle òtɔ, Yesu tɔ sǎhpú sò me wɛ tuke mɔ tɛ wòkò sɔkɔ, té me ké vɩ yey pól tɛ mɔ. Képah wɔ sɔkɔ, Toma tɔ sò me péle. Ò, Yesu núkú pɔ n yĩn pé niyó, té yo pé tyí ne: «Yé ne n me yèvinɩ

* **20:17** 20.17 - Yesu yúnpyé nóno tyí-á à n yo áso sɔkɔ yò, ò yò sɛpú ye à n ye.

sokɔ.» ²⁷ Képah yónteno náh, à yo Toma tyí ne: «Á kèngbɔle pɔ ásɔ sokɔ yò, n̄ té n yah n̄ gbàn táhlólɛ. Á gbò nɔ n dyi n̄ gbòpɔ sokɔ. Yal n mɔ tòtò pínólɛ, n̄ té n s̄é ké yò.» ²⁸ Képah t̄ɛne, Toma ne nk̄é, òmɔ-á pé T̄ɛ ògb̄ɛ àn̄é pé Liyel tɔle. ²⁹ Képah sokɔ, Yesu me à syah ne: «Wáh n̄ we, képah ye á s̄é n̄ yò kè. Nte nónó-à s̄é òmɔ yò n̄ wényah-ònk̄éne, pè kɪ me n̄vìnì sokɔ.»

³⁰ A wil képah sokɔ, Yesu t̄ɔ gb̄il tyi náhnáh pɪ n̄ tò sáhpú yí yah, nónó-á sè náh wārki s̄ébey m̄è sokɔ. ³¹ Nte nónó-á wārki ké sokɔ, sè ye wārki ne sépi gbò yò, yé s̄é ké yò ne Yesu-á Liyel Píðine, àn̄é Liyel ney yáhtokɔnɔle. Té yah kɪ s̄é òmɔ yò, yé mó tyé-ònk̄é min we.

21

Yesu n̄ gblɔyne n̄ tò sáhpú nép̄i kwārnimi w̄ɛki

¹ Képah náh, s̄o yólɛ, Yesu t̄ɔ n̄ gblɔyne n̄ tò sáhpú w̄ɛki Tiberiyadi yó-ògb̄ɛ gbòpɔ. Káh pɪ òkù n̄ne, kè we yò: ² Simo-Pyeri s̄ò me w̄ɛ tyí àn̄é Toma n̄-à pè yin dyi à k̄ò k̄en̄in̄ne, àn̄é Natanayeli n̄-á n̄ wil Kana kwil sokɔ, Kalile gb̄enyah, àn̄é Nsebede ðinp̄ile, à tahl̄ pé no Yesu tò sáhpú nép̄i n̄imí yísyó tyí. ³ Képah t̄ɛne, Simo-Pyeri me yo pé tyí ne péwɔ-á n̄ sokɔ ȳɛnkyɔ t̄ɛ-n̄sah. Pé no téló me ne, pépi tɔ-á kɪ sokɔ òne. Pè me wil sokɔ à kyɪ de krótókè sokɔ, té pè náh kwáh yó we t̄ɛ lésò lékáhne. ⁴ Tyah syiki gb̄ine, Yesu s̄ò me yinnólɛ yo vyāh yah, té n̄ tò sáhpú náh s̄ò me p̄i ne òmɔ-á. ⁵ A me yo mɔ pé tyí ne, pé kódíbi, pé kó ȳɛnkyɔ yísyó we t̄ɛ ni? Pè me ne, ð̄-á. ⁶ A me ne, pè pé ȳɛnkyɔ t̄ɛ t̄ɛ m̄no min n̄ dah n̄ mɔ krótókè gbòyò s̄òle, p̄ah kɪ we t̄ɛ. Pè me sè min dah mɔ, té ȳɛnkyɔ we t̄ɛ t̄nónólɛ, f̄óó pè t̄ɛ sè yori wilki kwɔ. ⁷ Képah sokɔ, Yesu tò sáhpú-ò n̄é tyí-á n̄o ȳi n̄ tyí, òmɔ me yo Pyeri tyí ne, T̄ɛ ògb̄ɛ-á. Té Pyeri s̄ò me n̄ fwòmɔni de sah. Wáh noh ne T̄ɛ ògb̄ɛ-á nyāh sokɔ, à kè tɔkɔ mɔ té yokɔ de yo sokɔ. ⁸ Tò sáhpú téló wɔ mó n̄ pi krótókè sokɔ, té me pé ȳɛnkyɔ t̄ɛ t̄ɛ m̄nole n̄ yori n̄ pi, ȳɛnkyɔle sé ȳine. Pè náh s̄ò me gb̄e mɔ kah yo vyāhle. Kè s̄ò me métérnó lèkw̄é kénk̄ólɛ. ⁹ P̄ah pɔ yini t̄ɛ k̄enk̄w̄ah yò sokɔ, pè nyāhségb̄no yísyó we ȳɛnkyɔle sé yò, té búrn tɔ me. ¹⁰ Képah sokɔ, Yesu me yo pé tyí ne, ȳɛnkyɔ nónó-á pè we t̄ɛ yò, pè pɔ sé yísyólɛ. ¹¹ Wáh yo s̄é, Simo-Pyeri me ȳɛnkyɔ t̄ɛ t̄ɛ m̄no nópi yori wilki k̄enk̄w̄ah yò. Sè s̄ò me yúkúnólɛ ȳɛnkyɔ ògb̄al pló lèkw̄é tikinini pó gb̄am pó t̄nónólɛ (153). Nte ȳɛnkyóp̄el nópi w̄ent̄eno fyé yò, pé ȳɛnkyɔ t̄ɛ t̄ɛ m̄no náh k̄òl̄. ¹² Képah sokɔ, Yesu me yo pé tyí ne, pè pɔ yòke yò. Té n̄ tò sáhpú-á s̄ò p̄i ne T̄ɛ ògb̄ɛ-á s̄é, képah ye n̄ p̄ikinyahno tah pé tyí ne, n̄é se òne ni? ¹³ A me n̄o de péle, té búrn tɔkɔ à dibi pé tyí, té ȳɛnkyɔ tɔ dibi pé tyí s̄ent̄é óle.

¹⁴ Yesu lékó yilkinm̄onteno náh, ké ke t̄ɔ-ò ye à n̄ gblɔyne n̄ tò sáhpú w̄ɛki yò.

Yesu àn̄é Pyeri w̄ɛ wénólɛ

¹⁵ Yòke yónteno náh, Yesu me Simo-Pyeri piki yah ne nk̄é: «Nsyõ* p̄idí Simo, n̄ tyí-á n̄o no nópi tyí s̄ò, n̄ tyí se me n̄o áwɔ tyí à kal pépile?» A me yo n̄ tyí ne, àwe T̄ɛ ògb̄ɛ, òmɔ n̄t̄é-á p̄i ne n̄ tyí-á n̄o pé tyí. Yesu me yo n̄ tyí ne: «N̄ k̄ép̄op̄i t̄énó ple.» ¹⁶ Té t̄ɔ à piki yah ke ní-òle ne nk̄é: «Nsyõ p̄idí

* **21:15** 21.15 - Nsyõ n̄é tyí-á n̄ yo ásɔ sokɔ yò, t̄úkù òne n̄ ye Nsyonastle.

Simo, ní tyí se me no á tyí?» A me yo n tyí ne, àwe Tě ñgbě, ñmò ñtẽ-á pĩ ne n tyí-á no pé tyí. Yesu me yo n tyí ne: «Pĩ ní képyénì fě-òle.» ¹⁷ Képah náh, Yesu tõ n syi à piki yah ke tõ-òle ne ñkě: «Nsyõ pídí Simo, ní tyí se me no á tyí?» Képah sòkò, kè Pyeri yah kwò, Yesu-á sǒnpíle à piki yah ke tǒnó pólle ne, pé tyí se me no n tyí ni? Képah tẽne, à me yo Yesu tyí ne, Tě ñgbě, ñmò-á tyi pólle n pne. Wǎh kè pĩ yíí ne, n tyí-á me no pé tyí. Yesu me yo n tyí ne: «N képyénì tẽnó ple. ¹⁸ Kègbıgbı tẽ yõ, mé kéle n yo á tyí, áwò kètẽnpikĩ gbíne sò, ñyãh-à á dyò, ñ á kǒ toh á fwòmò-ñgbě yõ n sòkò nénpó. Nte wǎh pò dye, á kı á gbǎn yõ ñnı yó kǒ à kı á kǒ toh n kǒ, té kı sòkò ále fí yó sòkò, ñyãh tyí náh me á tyí.» ¹⁹ Té Pyeri-á ne n ku n pi dùkù nêne, té kè kı Liyel yĩn gbilki n pi, képah tyí ye Yesu n yo sě yò. Képah yóntenò náh, à tõ yo Pyeri tyí ne: «N sò tẽ.»

²⁰ Képah sòkò, Pyeri-á n yah vi, Yesu tǒ sáh-ò nê tyí-á no yíí Yesu tyí, à à we pé náhle. Nmò ye lésò n gbalı kěki Yesu tĩnne, té à piki yah ne, Tě ñgbě, nê tẽ ó se kı n vi n pi n náh ni? ²¹ Pyeri-á à we, à Yesu piki yah n tyí sòkò ne ñkě, té ñmò-á dò, Tě ñgbě, tir nê se kı ñmò no n pi ni? ²² A me yo n tyí ne, páh kı me ké tyí ne ñmò tẽ min sòkò, fóó kè pò n no pé syĩnpòno tyí, n vyãh nê se me ké sòkò ni? Nmò tẽ wò pé sò tẽ sǒ! ²³ Képah tẽne, kè wil wùù Yesu yõ sěpú tyí ne, Yesu tǒ sáh-ò mè náh n ku n pi. Nte Yesu náh se mó tõ sò n kú-ñkě tyí yo Pyeri tyí. A sò ne ñkě, páh kı me ké tyí ne ñmò tẽ min sòkò, fóó kè pò no pé syĩnpòno tyí, n vyãh nê se me ké sòkò ni?

²⁴ Yesu tǒ sáh-ò mè ye n yo tyi nópıle, té sè wǎrkı. Té ápi pĩ ne gblò-á n tyíyónòle.

²⁵ Tyi náhnáh túkù me Yesu pi ñtõ. Nte sé pól-à sò me n wǎrkı núkú núkúle, ñmò sòno sòkò, sé sébéynó sáh-ñsah náh náhki n we n pi kèkõyǒ sòkò.

Tyípínì

N yǔnpyé, yépi nónó-á sébéy mè kàrpule, mé wεkɪ yé tyí.

Tyípínì sébéy mènε, Likyi sébéy wǎrkínó ní-ò ye kéle.

Wǎh nê wǎrkɪ gbenne, té n̄ yǐnne ké yō pè n ye Likyi sébéyne, képah Yesu min pɪ dùkù tyí óle n yo á tyí, gbí nê-á sò à me sétáh yō. Nte n̄ sébéy ní-ò mè wole, nê-á pè n ye Tyípínì sébéyne, kè Yesu yǐnyō dókónsokono tyíle n yo á tyí; ànê képah náh, Liyel Mirki-á pɔ Yesu tò sǎhpú toko, té Yesu yō sǎpú tǐnkínó tyah dùkù nêne.

Yesu yō sǎpú tǐnkɪ nópi sò tyah Pyeri ànê Nsyō gbò yō Nsyifunɔ wró, Yerusalemɪ kwil ànê Nsyifunɔ kwlo tókù soko. Té tǐnkɪ nópi tókù me we Pole gbò yō kwlo yísyó soko, nónó náh pɪ Nsyifunɔ kwlole, sǎ-á Antyosyɪ kwil, ànê Korēnti kwil, ànê Filipi kwille. Képah náh, Likyi me Pole Liyel tò pínkɔnkɔnɔ dùkù yo wah ànê yótyí nónó-á à we ké soko. Pole-á tē we yótyí nópi yah wah dùkù nêne, Likyi ké to yah yo wah.

Likyi n̄ sébéy mè soko tyi kèdúkù yah yo á tyí, ké 1.8:

- Liyel yō sǎpú tǐnkɪ tyàhnóle Yerusalemɪ kwil soko (1.1 - 8.3),
- Liyel wey yónkɔnole Yerusalemɪ kwil, ànê Nsyude, ànê Samari gběnyah (8.4 - 12.25),
- ànê kèkōyó tǎntǎn pól soko (13.1 - 28.31).

Wǎh Yesu tēntò névyε Liyel wey yo dùkùle n yah, n̄ n núkú fē n pǐ kwónó nê-á sò pè Yesu yō sǎpúle n kō. Kéne Liyel wey yónó mè ye Nìvìnì tirlε. Képah tò Yesu dùkùle ále n wēkɪ, n̄mɔ nê-á Liyel ney yáhntokonole. N̄mɔ ye pɔ tē kèkōyó mè soko, à pwáhn̄m̄onole névyε kō, nónó pól-á fē syi sē n̄ yō.

Liyel yé yah tē ké kàrnó soko.

Amina!

Liyel vyǎh kǔnóle n̄ Mirki pónó tyí soko

¹ N̄ dí Tewofil, mǎh lésō sébéy gben nê tɛkɪ mɔ á tyí, képah soko ye mé wǎrkɪ Yesu tyípínì ànê n̄ névyε kwónónɔ pólle. Mé sè wǎrkɪ à toko n̄ tò tyàhnó tyí,* ² pópó à pɔ nɔ sō nê-á Liyel à yō dokɔ soko yǐnyō. Té Yesu-á pópó n̄ yō n dokɔ n soko, à tǎn kwǎh sah n̄ tēntò syínyopu kō Liyel Mirki gbò yō, pépi nónó-á lésō à yah wilki sah. ³ Yesu-á yèvyǎhrɪ pɪ à ku, képah náh tēntò névyε nópi tyí ye à n̄ gblǔy wēkɪ duke duke náhnáhle nε, páh me vile. Sèp̄n̄ tikinínì soko ye sò à n̄ gblǔyne péle n wēkɪ, té péle n kwɔ Liyel tǔrí tyí yō.

⁴⁻⁵ Képah soko, sǔ yóle pè me yōke yónó soko, té Yesu gbáhdyáh yó di pé tyí nε: «Yé káh n̄ gbe n̄ mɔ Yerusalemɪ kwille. Ngbòle, Nsyō lésō névyε wel wilki ni soko, n̄te núkúnúkú, káh pópó n̄ nɔ sèp̄n̄ yísyó tyí, Liyel kɪ yé tō sah n̄ Mirkile kɪ yé pɪ yályál. Képah ye, yé káh gbe mɔ Yerusalem̄nε. Yé Liyel Mirki sykɪ n̄ tē n̄énpó, képah nê-á Sú Liyel vyǎh kǔnóle, nê tyí-á mé yo sah yé tyí.»

* **1:1** 1.1 - Liyel wey sébéy fí nê-á pè n ye Likyile, képah tyí ye Likyi n yo Tewofil tyí nε pé sébéy gben-á.

Yesu yǎndokɔnsokɔnɔle yǎnyǎ

⁶ Té Yesu tǎntǎ névye-á sǎ me tǔkɛnmɔnɔle n tǎn, pɛ píkinyahɔ yó pɛ n tyí nɛ, pé Tǎ nǎgbɛ, núkúnúkú se à kɛ tǔrí tǔ dahbɛ Yisrayel gbɛnyah tǎn gbǎ sokɔ nɛ? ⁷ A me yo pé tyí nɛ: «Yépi tyí nǎh ké lésǎ ànɛ ké gbí pínóle. Sú Liyel nɛ ó-á tǔrí nétɛnɛ, nɛmɔ ye wilki sah légbíne. ⁸ Nte yé kɛ pɔ tǎnwɛnɔ yó wɛ, Liyel Mirki-à pɔ tiki yé yǎ gbí nɛnɛ. Képah sokɔ, yé kɛ pɛ nɛmɔ tyí yónwàhpɛ kègbɔle à tɔkɔ Yerusalemɛ kwil, ànɛ Nsyude gbɛnyah pól sokɔ, à tahlɛ Samari gbɛnyah tyí, fǎó à kɛ kyɛ syɛ kèkǔyǎ pól yǎn tyí.»

⁹ Yesu-á fyǎ kéné wɛlɔ yo tɛ, à núkú yǎ dokɔ n sokɔ yǎnyǎ pé pól yǎ yah. Té nǎyírki yó pɔ à fɔkɔ tǔ, pé nǎh tǔ à wɛ. ¹⁰ Té pǎh me kéné yǎnyǎ yáhnǎ sokɔ díkídíkí sɛ, pé núkú díbɛ nɛpí ními yísyó wɛ pé tǎn fwǎpikinɔ sokɔ, ¹¹ pé me n yo pé tyí nɛ nǎkɛ: «Kalile gbɛnyah tǎn, kwáh nɛ me, té yé yǎn tɛ ásǎ, à yǎnyǎle n yah sɛ? Sǎ-á yé wɛ Yesu mɛnɛ, à yǎ dokɔ sokɔ yǎnyǎ yǎ, sɛntɛ ó ye à kɛ tǔ n syɛ n pɔ n pi.»

Yesu tǎntǎ névye syínɔnɔle Yerusalemɛ kwil

¹² Képah nǎh, Yesu tǎntǎ névye yal Wolivi yèh yǎli yǎ, à pé syɛ n pi Yerusalemɛ sokɔ. Kéné yǎli nǎh sǎ me fí kah Yerusalemɛnɛ, kè me lérí tóní kénkǎ kó-nǎsahle. ¹³ Pǎh pɔ de, pé dokɔ yuku yǎnyǎ wǎkǎ sokɔ, pǎh nǎkɛnɛ wɛnɛ n tuke n mɔ nǎyǎh sokɔ. Pyɛrɛ sǎ me, ànɛ Nsyǎnɛ, ànɛ Nsyakɛle, ànɛ Andrele, à tahlɛ Filipi tyí, ànɛ Tomale, ànɛ Bartelemine, ànɛ Matyɛle, ànɛ Alfe pídí Nsyakɛle, ànɛ Simole nɛ-á sǎ pé n ye sú fǎ vyǎh syí-òle, ànɛ Nsyakɛ pídí Nsyudele. ¹⁴ Pé pól sǎ me pé sǎnɔ pɛ núkúle, à n tuke n mɔ wɛ tyí gbímegbí, à nírile n pɛ. Syó yísyó tɔ sǎ me péle, à tahlɛ Yesu yú Mari tyí, ànɛ Yesu yúnpyéle.†

Matyasɛ sàhnóle Nsyudasɛ swɔ

¹⁵ Kéné sèpɛn sokɔ, sǎ yǎle, Yesu yǎ sǎpú sǎ me tuke mɔ nɛpí tikinúkò (120) kénkǎle. Té Pyɛrɛ me yuku yǎn pé nǎyǎ, té yo pé tyí nɛ, ¹⁶ pé yúnpyé, Liyel wɛy sokɔ Liyel Mirki-á lésǎ Davidi kǎ, à nɛ yo sah Nsyudasɛ tyí sokɔ, kǎh sǎ yǎnɛ kè pɛ ó pɛ. Kéné Nsyudasɛ-á lésǎ Yesule n tǎpú wǎkɛ. ¹⁷ Té pépi tǎnkɛ sokɔ nɛy yó-á mó tǎ sǎ nɛnɛ, tǎle dáhbínóle n gbǎ pépi tyí kǎle. ¹⁸ Nte wǎh pó nɛ wɛ n tyítúkú pínó yǎrele, képah-á dwe swǎhle. Té à me pɔ syɛkɛ n fɔkɔ sɔ, n dyɔ pól wil karkɛ. ¹⁹ Képah sokɔ, Yerusalemɛ tǎn pól me kè noh, pé kǎ pé kéné swǎhle n ye pé wɛy sokɔ Akeldamale, nɛ kór-á tǎ swǎhle. ²⁰ Képah tyí-á sǎ wǎrkínsàhnóle Gbálnó sɛbéy sokɔ nɛ nǎkɛ:

«N kété kɛ pɛ kɛntíkinɛnɛ,
ànɛ nɛy nǎh tǎ n tɛ n pi ké sokɔ.»‡

Té tǎ yo ké fí yó sokɔ nɛ nǎkɛ:

«Nnɛ kɛ n pɛ pɛ tǎ tɔkɔ n pɛ.»§

²¹ Képah-á, névye nónó-á sǎ me péle Yesu me gbí dukùle, ²² à tɔkɔ Nsyǎ-á à wel wilki ni sokɔ gbí nɛnɛ, fǎó à kyɛ syɛ n yǎ n dokɔ n sokɔ sǎ tyí yǎnyǎ.

† **1:14** 1.14 - Yesu yúnpyé nónó tyí-á n yo ásǎ sokɔ yǎ, túkú sǎnɔ sokɔ, n kèkùrkɛ núkú gbǎm ye à n ye. Té tókú sǎnɔ sokɔ mó, n kèkùrkɛ núkú gbǎm nǎh à n ye. ‡ **1:20** 1.20 - Yah n tɛ Gbálnó 69.26.

§ **1:20** 1.20 - Yah n tɛ Gbálnó 109.8.

Pépi sòkò nénúkù yó-á yĩne à tahlì pé tyí, pé ù tyíle n yo n wah ne, wăh ku té yilki mɔ.

²³ Wăh yo sě, pè me népî ními wěki. Núkú yĩn ye Nsyosefulé, nê-á pè n ye Barsabasile, té tǒ ùne n ye Nsyusitusile. Ní-ò yĩn me Matyasile. ²⁴ Képah sòkò, pè me Liyel ni ne, Tě ùgbě Liyel, ùmɔ nê-á no pól fókósòndole n pne, wăh nê yah wilki népî ními nópì sòkò, à tēne pé wěki. ²⁵ Tě wɔ-á kɪ Nsyudasɪ swɔ tɔkɔ Yesu tēntò névye tǒ mè sòkò, wăh nê milki té yuku fí yó, nýāh-á yĩne ùne.* ²⁶ Képah tēne, pè sáhntòkòno pɪ, kéne sáhntòkòno me pɔ yĩne Matyasile. Nmɔ núkú kwɔ mɔ Yesu tēntò névye népî gbònúkú sòkò.

2

Liyel Mirki pónóle

¹ Syáh sǒ-á pɔ nɔ, nê-á pè n ye Pântekotɪ syáhle, Yesu yǒ sěpú pól sǒ me tükènmòndole fí núkú sòkò. ² Dǒ, yínpǒ yó núkú n wil líyel sòkò á kɪ ne yáhpekè yó sǒ kǒ, à pé mé-ńsah wòkò pól yuku. ³ Té kwáh yó núkú wil mɔ á kɪ ne nyàh lépǒ sǒ, té kǒlɪ tē tē kǒ pé nénúkù núkú pól yǒ. ⁴ Liyel Mirki me pé pól tɔkò. Pè tyah wénsnóle n weki Liyel Mirki-á nónó dahbi pé vyěy.

⁵ Té légbíne, Nsyifunɔ nónó-á pé Liyel wěkì ténó ple, pè sǒ me wil kèkǒyó kwlo kwlo pól sòkò, à pɔ twah Yerusalemɪ kwil. ⁶ Yínpǒ mè-á wil sě, pé pól tuke mɔ tówùle. Té pé pól yáh-ńsah sǒ me tye, pé nénúkù núkú pól-á sǒnpíle pé kwlo welo wékínóle n nohnɪ Yesu yǒ sěpú tyí. ⁷ Kǎh pɪ sě, pé gbàn du, pé lékám fěki, pè me tyah n yo wě tyí ne: «Nónó pól-á n weki yǒ, pé pólle Kalile gběnyah tǎn nǎh di? ⁸ Nte kè pɪ sǒ té ápi nénúkù núkú pól á kwlo welo wékínóle n nohnɪ pé tyí, ⁹ ápi nónó-á n wil gběnyah nópì sòkò, nónó-á pɪ: Partesele, ànê Medile, ànê Yelamne, ànê Mesopotami tǒle, ànê Nsyudele, ànê Kapadosile, ànê Pòtele, ànê Asile, ¹⁰ ànê Frisyile, ànê Pǎnfilile, ànê Yesyiptile, à tahlì Sireni kwil tǎn tyí, Libi sòkò, ànê Wrome kwil tǎn nónó-á me ténóle ásò, ¹¹ ànê Kretɪ tǎnne, ànê Arabunine. Ápi túkù sǒ dubi Nsyifunɔ Liyel nínó wěkì sòkò, té túkù mó vi mɔ de ále ké sòkò. Té á pól me Liyel tyí-ùgbnɔ pínó tyí yónóle n nohnɪ pé tyí á kwlo welo sòkò.» ¹² Képah sǒ me pé pól yáh-ńsah tye, té gběndùni tē tyí, pè me tyah n yo wě tyí ne, tir nê se képah n wěki nɪ? ¹³ Té pé túkù mó sǒ me kóle Yesu yǒ sěpúle n ko ne, ðivě pènèkì-á tē péle.

Pyeri Liyel wey yónóle tówù tyí

¹⁴ Képah sòkò, Pyeri yuku yĩn pé no tēntò névye népî gbònúkú tǐlɔ nɪyó, té tyah n yo yínpǒ ùgběne tówù tyí ne: «Ápi Nsyifunɔ pólle ànê nónó pól-á me ténóle Yerusalemɪ kwil, yé yé ní kwɔ noh palle ní tyí, yè mó ní wey syíkí-ńsah pǐ. ¹⁵ Mé pǐ ne yáh me n sǒ ne, sètēni sòkò-á no nópìle, té sě nǎh dé! Pǒy tǒ gbí ó sòkò nǎh ále yò di? ¹⁶ Nte Liyel tēntò syínyo-ò Nsyowelɪ-á nê yo sah, képah ye pɪ yò.† ¹⁷ A lésò ne, Liyel-á ne ñkě:
<Kèkǒyó-à pópó n tye,

* **1:25** 1.25 - Fí nê tyí-á n yo ásò yò, yèvyǎhɪ tē-ńsah ye nénpóle, nê-á pɪ nyàh mé-ńsahle. Nsyudasɪ ye ku sòkò nénpó. * **2:15** 2.15 - Yáh we Pyeri pǒy tǒ gbí tyíle n yo, Nsyifunɔ nǎh sǒ tǐle n wɔ, pǒy tǒ gbí nírì sókó-ńkě sòkò. † **2:16** 2.17-21 - Yah n te Nsyowelɪ 2.28-30.

mé kɪ n̄ Mirki tiki mɔ no pól yõ.

Yé dínpì ànê yé syónpì kɪ n̄ tēntōnēne n syi n yo.

Mé kɪ wēkínóle yé kētēnpìle n wēkɪ,

té yé yèwàhnì kɪ dléyne n dɔ.

¹⁸ Gbɪ yõ, kéne sèpìn sɔkɔ,

mé kɪ n̄ Mirki tiki mɔ n̄ tōnpɪbɪ díbí ànê syó yõ.

Té pè kɪ n̄ tēntōnēne n syi n yo.

¹⁹ Mé kɪ gbɪl tyi pɪ yínyõ,

té kɪ gbɪl tyi pɪ sétáh yõ,

nê-á kɪ pɪ tó, ànê nyàh, ànê gbìsyikile,

²⁰ gbɪ kɪ vi mɔ pɪ fēntūne, té n̄wõ kɪ syāh tó sõ,

té Tē ñgbē tukey tükénó yòh ñgbē kɪ pyè pɔ, kéne tǒrí yòh ñgbēne.

²¹ Képah sɔkɔ, nónó pól-à Tē ñgbē ye gbo, pépi wɔ kɪ pwah.»»

²² Pyerɪ-á Nsyowelɪ welo n̄pɪ yo te, à tō ñ syɪ yo pé tyí ne n̄kē: «Yisrayel tãn, yé noh n̄ tyí, máh kɪ nê yo n pi: Nasaretɪ Yesule, ñmɔ ye pɪ névi yóle, nê-á Liyel syõ ñ tyí, à ñ gblɔy tǒríle yé wēkɪ ñ gbɪl ànê ñ gbēndùnì tyi pínó sɔkɔ yé wró. Yépi ntē ye kè p̄ ó! ²³ Liyel-á ñ tyi yah tɔkɔ sah sõ, sè pɪ sē. A kéne dí gbàh de mɔ yé kō, yé me ñne Liyel dèl pípú kō pè à syɪ dahɪ yõ, à à ko mɔ. ²⁴ Nte kũ náh sò fē à tē n sah n pi. Képah ye, Liyel me tō ñ lékó yilki mɔ, à à wilki kũ yèvyāhrɪ sɔkɔ. ²⁵ Nmɔ tyí ye lésõ yòtē dí Davidi yo ne n̄kē:‡

«Péwɔ Tē ñgbē Liyel náh me ké tyí ne pé tē n kwɔ.

Képah-á, à me péle gbímegbí pé yohnɪ mɔ yinne.

²⁶ Páh tō me ñivìnì sɔkɔ, ànê ñivìnì welo ó-á pè n ne n wɛkɪ.

Pé gbò sàhnó-á me ké yõ ne, pàh pɔ ku, pé min-á kɪ me tē yèvɪnɪ sɔkɔ.

²⁷ A náh pé lékó sah kũ kō n pi,

ànê à náh n ye pé lékó kō kè n pyāh n pi,

péwɔ nê-á ñ tōnpɪ pèpeyne.

²⁸ Wāh min wālle pé wēkɪ. Té kɪ pé kō,

pé kɪ me ñivìnì sɔkɔ kúmm ñ yah.»»

²⁹ Képah yóntenɔ náh, Pyerɪ tō yo pé tyí ne: «Á no, yé ye mè á náh ney Davidi tyi yo n wah yé syah. A lésõ ku pé yí. Té kwey mè sɔkɔ, ñ diki ntē me ápi kwil. ³⁰ Nte Liyel tēntō syínyo-ò ye sò ñne. Ñ gbò sàhnó sò me Liyel vyāh kǒnó mè yõ, Liyel-á ñ wo nê sɔkɔ ne, ñ pétóbé sɔkɔ yó-á kɪ pɔ pɪ yòtēne ñ swɔ. ³¹ Tē wɔ ye pɔ pɪ Kristale, nê kór-á Liyel ney yáhntɔkɔnɔle. Té wāh ne n yilki n mɔ n pi ñ kúntenɔ náh, képah ye Davidi kwāh tē we, à kō à ne n̄kē: «A náh n wũ n pi lékókwil, ànê ñ lékó náh n pyāh n pi.» ³² Núkúnúkú Yesu mēne, á pól ye kè we yíne ne wāh ku, té Liyel me ñ lékó yilki mɔ. ³³ A yõ dɔkɔ sɔkɔ yínyõ, me kyɪ tē Liyel gbòyò sòle. Té Sú Liyel-á ñ vyāh kō ñ Mirki nê tyí sɔkɔ, à me kéle Yesu kō à tiki mɔ á yõ. Képah ye á n yah, té n nohnɪ yò.

³⁴ Nte Davidi náh dɔkɔ yuku yínyõ, té wāh kè yo ne n̄kē:

«Tē ñgbē Liyel kè yo ñmɔ yòtē dí tyí ne,

pɔ n kō n tē n̄ gbòyò sòle,

³⁵ f́ó kè pɔ nɔ gbí nê-á mé kɪ á sèpébi pɪ á gbáhkì súnsàh-ñsahle.»»§

‡ 2:25 2.25-28 - Yah n te Gbálnó 16.8-10. § 2:35 2.34-35 - Yah n te Gbálnó 110.1.

³⁶ Képah yóntɛnɔ náh, Pyerì tǒ pè syah nɛ: «Yisrayel tǎn pól yǐne yè kè pǐ gbì yǒ nɛ, Yesu nê-á yépi tǔ syi dahnì yǒ, ñmɔ-á Liyel pɪ TĚ NGBĚNE té tǒ à pɪ Kristalɛ, nê kór-á Liyel ney yáhntɔkɔnɔlɛ.»

Népi kèyō núkú kyegbām (3 000) dòhnìnólɛ Yesu yǒ sǔpú yǒ

³⁷ Pyerì-á wɛy mè yo pɔ tyɛ sǔ, kè névye nɪ kah tǔ, pè mɛ Pyerì ànê Yesu tǔntǔ névye téló piki yah nɛ, pé no, sǔ se pé yǐne pé pɪ nɪ? ³⁸ Képah sɔkɔ, Pyerì mɛ yo pé tyí nɛ: «Yé yé nno vi mɔ, yé nénúkù núkú pól mó wèlnwìlkinó wɛ ni sɔkɔ Yesu Krista yǐn yǒ, yé tyípél yǔnmɔnɔ yǐnne. Képah sɔkɔ, Liyel Mirki kɪ yé kǔ. ³⁹ Liyel-á ñ vyāh kǔ ñ Mirki tyí sɔkɔ nónó yǐnne, yépi ye, ànê yé wǔnpǐlɛ, à tahlì nónó pól-á mɛ kwlo fífí sɔkɔ, ànê nónó pól-á TĚ ñgbě Liyel kɪ n ye n pi.» ⁴⁰ Té Pyerì tǒ sǔ mɛ wɛlɔ náhnáhle n gbah n yo pé tyí, à sǔréle n mɔ pé sɔkɔ. A sǔ mɛ n yo pé tyí nɛ: «Yé Liyel pwáhnɔnɔ fǔ syi, yé mó wil kwɛy gbí névye nǔpél wró.» ⁴¹ Képah sɔkɔ, nónó-á Pyerì wɛlɔ fǔ syi, pè wèlnwìlkinó wɛ ni sɔkɔ. Ké lésòlɛ, népi kèyō núkú kyegbām (3 000) kénkǔ dohnì Yesu yǒ sǔpú yǒ.

Yesu yǒ sǔpú négbro tǔnólɛ wǔ tyí

⁴² Képah tǔne, Yesu tǔntǔ névye-á kwónólɛ nónónɛ n kǔ, pé pól sǔ mɛ pé gblǔy kǔ, mɛ n nohnì pé tyí, té mɛ kwɔɔ mɔ pé sɔkɔ, à pɪ péle núkúle. Pè sǔ mɛ yǔkele n yǒ péle wǔ tyí, té mɛ nírìle n pɪ péle. ⁴³ Liyel sǔ mɛ n syǔ Yesu tǔntǔ névye tyí, à gbìl tyi náhnáhle n pɪ. Kǎh pɪ sǔ, kè tíkìle no pól tǔ. ⁴⁴ Nónó pól-á sǔ vi mɔ pɪ Yesu yǒ sǔpúle, pè sǔ mɛ kwɔɔ mɔ tǔ wǔ tyí, té mɛ pé gbǎn yí pólle n sah wǔ yǒ. ⁴⁵ Pè sǔ mɛ pé swǔy ànê pé gbǎn yíle n yām. Té mɛ sé yǎmnó pónólɛ n dibi wǔ wró, à yǐne pé nénúkù núkú pól fyǎhnónɔlɛ. ⁴⁶ Té pè sǔ mɛ pé sǔnɔ pɪ núkúle, à wǔne n tuke n mɔ sǔmesó Liyel ní-ńsah gbô sɔkɔ. Pè sǔ pé fɔkɔ dal wǔne, à yǔkenɔle n yǒ wǔ yǒ nìvìnìne, pé gbéngbèn sɔkɔ. ⁴⁷ Pè sǔ mɛ Liyelle n gbilki, té no pól mɛ péle n sǔ. Té TĚ ñgbě sǔ mɛ névyele n pwah n mɔ n dohnì pé yǒ sǔmesó.

3

Gbáhkì núkú dí yó dénmɔnɔlɛ

¹ Képah sɔkɔ, sǔ yólɛ Pyerì ànê Nsyǔ sǔ mɛ n yuku gbèkām gbí Liyel ní-ńsah, Liyel ní-ńsah gbô sɔkɔ. ² Té dí yó sǔ mɛ gbáhkì núkúle ñ dubi gbí dùkùle. Sǔmesó, pè sǔ ñkǔne à twah n pɔ n sah Liyel ní-ńsah gbô dé-ńsah yah sɔkɔ, nê-á pè n ye dé-ńsah Kètǎrlɛ, à kǔ ǎ pólɛ n ni n syi ké sɔkɔ dépú tyí. ³ Wǎh Pyerì ànê Nsyǔ wɛ pè n tyah dénólɛ ké sɔkɔ, à pó ni pé tyí. ⁴ Képah sɔkɔ, pè à gbah yah, té Pyerì mɛ yo ñ tyí nɛ, à pé yah yǐ. ⁵ Wǎh yo sǔ, dí sǔ wɛ nɛ, páh kɪ kwáh yó wɛ n syi n pi pé tyí, té tyah péle n gbah n yah. ⁶ Képah tǔne, Pyerì mɛ yo ñ tyí nɛ, pó ànê sǎn náh mɛ pé tyí, ñte kwáh nê-á mɛ pé tyí, páh kɪ kéle à kǔ. Té nɛ: «Nasaretì Yesu Krista yǐn yǒ, yuku nɛ n kǔ!» ⁷ Té mɛ ñ gbòyǔ sɔkɔ tǔ, à à yilki sah. Nénpó swɔ, sèkùkù dí gbyèh ànê ñ létóhnì sǔ. ⁸ A núkú yɔkɔ syɪkɪ ñ gbyèh yǒ, à tyah n kǔ, té de péle Liyel ní-ńsah gbô sɔkɔ, mɛ n kǔ, té n yɔkɔ n syɪkɪ, à Liyelle n gbilki. ⁹ No pól à wɛ à mɛ n kǔ, mɛ Liyelle n gbilki. ¹⁰ Pè mɛ à yah pǐ nɛ, ñmɔ-á ñkǔne n tǔ ñ nɛ n ni n syi Liyel ní-ńsah gbô dé-ńsah sɔkɔ, nê-á pè n

ye dé-ńsah Kètǎrlɛ. Té tir nê-á pɪ n̄ tyí, képah sò me kah pɪ yáh-ńsah tyénó ànê gbëndùnnɛ no pól tyí.

Pyerɪ Liyel wey yónóle tówú tyí

¹¹ Képah sɔkɔ, sèkùkù dí náh tǔ sò me n̄ syɪ Pyerɪ ànê Nsyǔ náh. Té gbëndùnnɛ kàhnmɔnɔ tǔ tyí, névye to pɔ pè mɔ gbí Liyel ní-ńsah gbô párn yó sò, nê-á pè n̄ ye Salomo párnne. ¹² Pyerɪ-á képah we sǔ, à yo tówú tyí ne: «Yisrayel tǎn, kwáh nê pɪ, té tir mè pínó yé gbàn du wé? Kwáh nê pɪ té yé ále n̄ gbah n̄ yah sǔ? Yé káh we ne ápi yǔngbǔ tǔnwɛnɔ, képah náh pɪ, á Liyel wǔkì tǔnó pèpɛy-á pɪ dí mènɛ à kǔ à kɔ dé? ¹³ Á náh tǎn nónó-á pɪ Abrahmɪ, ànê Yisakɪ, ànê Nsyakɔbɪ, ànê pé no tǔlólɛ, pépi Liyel ye gbílkínó sah n̄ tǔnpɪ Yesu yǔ, ñmɔ nê-á yé dahbɪ yǔtǎm gbò, té à yahle gbǔnyah yah tǔ-ò dí Pilati yí yah. Té Pilati mó tǔ sò kè yah tɔkɔ ne, pé à fin mɔ. ¹⁴ Nte ñmɔ nê-á me Liyel tyí yǔ, té me négbíle Liyel yah, yé ñmɔ yahle, té pyé nékókè mó-ò wɔ fínmɔnɔ yah kǔ. ¹⁵ Té min nétǔ Yesu nê-á yé kɔ mɔ, yépi rítǔ ye kè we yíne, Liyel me n̄ lékó yilki mɔ. ¹⁶ Dí nê-á yé n̄ yah yò, yé ñne n̄ pne. Yesu yín yǔ sǔnó gbò yǔ sɔkɔ ye n̄ gbyǔh me sǔ. Yé pól yí yah ye Yesu yǔ sǔnó dí mè de mɔ pnépné yò dé!

¹⁷ Nte núkúnúkú, á no, mé pǔ ne ñpǔ-ñkǔ sɔkɔ-á yépi ànê yé yǔtǎm kɔ mɔ Yesule. ¹⁸ Té Liyel-á lésò n̄ tǔntǔ syínyopu pól kǔ, pè nê yo sah di mónóle ne, Krista-á kɪ yǔvyǎhrɪ pɪ, képah ye à pɪ yǔ. ¹⁹ Káh pɪ sǔ, yé yé nno vi mɔ, yé mó Liyel wǔkì tǔ, à kǔ à yé tyípél yǔ mɔ yé kǔ. ²⁰ Képah sɔkɔ, Tǔ ñgbǔ Liyel kɪ yǔvɪnɪ gbíne yé kǔ, té kɪ Yesu Krista tekɪ mɔ yé kǔ, wǎh sò nê yah wilki sah yépi yínnɛ.

²¹ Nte núkúnúkú, à yíne à tǔ yínyǔ, fók kè kyɪ syɪ tyi pól tǔnsàhnó tyí, sépi nónó-á Liyel n̄ tǔntǔ syínyopu kǔ pè sè yo sah ñgbò dùkùle, pépi nónó-á me n̄ tyí yǔ. ²² Moyisi kè yo sah ñgbòle ne ríkǔ: «Yé Tǔ ñgbǔ Liyel kɪ yé sɔkɔ ney yó wilki mɔ yé kǔ n̄ pi, à kɪ pɔ pɪ Liyel tǔntǔ syínyo-òle ñmɔ tyí kǔle. Yé ne n̄ nohnɪ n̄ tyí n̄ welɔ pól sɔkɔ. ²³ Té nê-à yahle sàhnóle n̄ tyí yǔ, tǔ tyí kɪ yɪkɪ, à kɪ ku to Liyel wǔnpǔ wró.»* ²⁴ Nte gbí nê-á yé n̄ wne yò,† képah tyí ye Liyel tǔntǔ syínyo-ò Samuyelɪ yo sah n̄ me gbí dùkùle, à tahlɪ Liyel tǔntǔ syínyopu tǔló tyí, nónó pól-á pɔ ñmɔ tyí náh. ²⁵ Yé yah, Liyel-á tyi nónó pól yo n̄ tǔntǔ syínyopu tyí, yépi yín ye à yo séle, à tahlɪ wǎh lésò yégbékè kwrónmɔnɔ nê pɪ yé náh tǎn tyí, nê-á à yo Abrahmɪ tyí ne ríkǔ: «Áwɔ pétóbé gbò yǔ, kèkǔyó névye pól kɪ ní pèpɔrɪ we.»‡ Kéne yégbékè kwrónmɔnɔ nê-á à pɪ yé náh tǎnne yò, yépi tɔ vyǎh me ké sɔkɔ dò! ²⁶ Yépi ñgbò tyí ye Liyel tekɪ mɔ n̄ tǔnpɪ Yesule pèpɔrɪ pɪ yínnɛ yé tyí ne, à yé pól nénúkú núkú yohnɪ n̄ mɔ yé kǔ yé tyítúkúnnɛ pínó yal n̄ mɔ.»

4

Yǔtǎm-á Pyerɪ ànê Nsyǔ tuke sǔ

¹ Képah tǔne, Pyerɪ ànê Nsyǔ-á sò me wékínó sɔkɔ tówú tyí sǔ, nósýo pɔ wil mɔ pé yǔ. Sárká syínwílkɪpu yísyó ye sò, ànê Liyel ní-ńsah gbô syíkípú yǔtǔne, à tahlɪ Sadusǔ névye yísyó tyí. ² Té kéne no fɔkɔ sò me kah vyǎh

* **3:23** 3.22-23 - Yah n̄ te Tǔnyonɔ 18.15,18. † **3:24** 3.24 - Gbí nê wnénó tyí-á n̄ yo yò, Yesu me gbí tyí ye kè n̄ yo. ‡ **3:25** 3.25 - Yah n̄ te Yenesɪ 22.18.

Pyerì ànê Nsyõne, pãh sõnpíle névyele n kwɔ ne, Yesu-á ku té yilki mɔ, ànê lékyî tɔ-á kɪ pɔ n yilki n mɔ n pi. ³ Képah sɔkɔ, pè pè tẽ. Té lékãh-á sò me mɔ n te sã, képah ye pè pè dah mɔ wòkònpèkè sɔkɔ, pópó à pɔ syi ðĩndal tyí. ⁴ Nte nónó-á Yesu tẽntò névyele kwónó noh, pé náhnáh Liyel wèkì tẽ. Kãh pɪ sã, Yesu yõ sãpú nɔ nãpí kèyõ nínó kyegbãm (5 000) kénkõle.

⁵ Képah sɔkɔ, ké ðĩndalle, Nsyifunɔ yõtã, ànê kwil yèwàhni, ànê Liyel tyi kònsàhnó kwópú wẽ tuke Yerusalemɪ sɔkɔ. ⁶ Sárká syínwìlkìpu yõtẽ ñgbẽ An sò me ànê ñ gbò tã pólle. Pépi túkù ye sò pɪ Kayifile, ànê Nsyõne, ànê Alekisãdrele. ⁷ Képah tẽne, pè Pyerì ànê Nsyõ tẽ pɔ pé nyó, à pɔ pè piki yah ne, tẽnweno nê gbò yõ se, képah náh pɪ, nê yĩn yõ se pè pɪ dénmɔnɔ mènne nɪ? ⁸ Képah sɔkɔ, Liyel Mirki gbò yõ, Pyerì pè syah ne: ⁹ «Kwil yõtã ànê yèwàhni, áyáh pèpɔrɪ pɪ sèkùkù ðí yó tyí, képah yõ sɔkɔ náh yé n piki n yah ále kweyne ne, sõ se á pɪ, té à de mɔ di? ¹⁰ Yépi pól ànê Yisrayel tã pól yĩne yè kè pĩ ne, Nasaretɪ Yesu Krista yĩn yõ-á ðí mènne yínttẽnóle yé yah sɔkɔ lènole yò. Yépi ye syi Yesule dahni yõ, té Liyel me ñ lékó yilki mɔ. ¹¹ Ñmɔ Yesu tyí ye yónóle Liyel wey sɔkɔ ne ñkẽ: «Wòkò mópú-á yahle dáhkì nê mónkònóle, képah ye pɔ pɪ wòkò dáhgbíle.»* ¹² Képah náh, Pyerì tõ ne: «Yesu ó yĩn kɪ fẽ névyele pwah mɔ. Né ñmɔ ó yĩn náh, yĩn yó ñtẽ náh ñnì yó ñtẽ kò kèkòyó, nê-á kɪ fẽ névyele min pwah mɔ.»

¹³ Tukey tükèpu sò pĩ ne Pyerì ànê Nsyõ náh Nsyifunɔ kãrn ñgbẽ pɪ, ànê pè náh me n mɔ n kò nãnpó tĩnne. Té pãh n wèkɪ nìsãh ànê lékãmne sã, képah me pé gbãh du. Nte pè mó tõ sò pĩ ne, pépi-á lésò Yesu kómũne. ¹⁴ Té pé yí-á mó tõ sò me ðí mè yõ nê-á dénmɔnɔ we, tyíyóné náh tõ we pé tyí. ¹⁵ Kãh pɪ sã, pè Pyerìpɪ kò pè wil tukey tükèpu tĩnkì wró, té pépi me wẽ we pé yahle ¹⁶ té ne, sõ se pé kɪ pɪ no nópíle nɪ? Nkẽ, kòlì kòlì tẽ náh se mó tõ kéle té. Yerusalemɪ tã pól-á pĩ ne, Pyerìpɪ-á pɪ gbìl mènne. ¹⁷ Kãh pɪ sã, pé ye kè yahle pé tyí ðírì sɔkɔ ne, pè káh tõ Yesu yĩnne n yo ñnì yó ñtẽ tyí. Képah-à pɪ, yĩ mè náh n tõ n mɔ n yuku n pi yahle.

¹⁸ Képah tẽne, pè tõ pè ye, té kè yahle pé tyí gbógbó ne, pé káh tõ Yesu yĩn noh n yah pé vyey yah, ànê pè káh tõ kwónó pɪ ñ yĩn yõ. ¹⁹ Nte Pyerìpɪ pè syah ne: «Yépi ñtẽ kè sò n yah kè: Kè se me yínénóle Liyel tyí, áyáh ñmɔ tyí ye, té yépi yóré fẽ syi? ²⁰ Api tẽ wòle, áyáh nê we, té nê noh, á náh fẽ n ye n pi sé yáhnóle.» ²¹ Képah tẽne, tukey tükèpu tõ ðírì gbah wɔ pé tyí, té pè fin mɔ. Pè náh sò me vɪ-nsah we pé we fõh fõh tẽne, no pól-á sõnpíle Liyel yĩnne n gbilki Pyerìpɪ tyípíkì mè yĩnne. ²² Té ðí nê dénmɔnɔ-á sò pɪ gbìlle, à kah ye tikininíne.

Yesu yõ sãpú nírìle

²³ Pãh fyò Pyerì ànê Nsyõ fin mɔ, sárká syínwìlkìpu yõtã ànê yèwàhni-á nê yo pé tyí, pè kyɪ sè pól yãh pé kómũ tyí. ²⁴ Pé welo nóhnteno náh, pé pól pé sòno pɪ núkúle, à Liyelle n ni ne ñkẽ: «Tẽ ñgbẽ, áwɔ ye mɔ yĩnyõle, ànê sétáhle, ànê pne yòle, à tahlɪ sé sɔkɔ yíyìn pól tyí. ²⁵ Api náh ney Davidi nê-á á tònpíle, áwɔ ye à kò à kè yo á Mirki gbò yõ ne ñkẽ: «Kwãh nê yúkúnyahlenɔ me kwlo kwlo tyí? Kwãh nê tyíkwê sòno me névyele sɔkɔ!»

* 4:11 4.11 - Yah n te Gbálnó 118.22.

26 Kèkōyó yòtām wě tyí mɔ,
té yah tām tɔ tuke mɔ, à pɪ núkúle,
pè Tě ñgbě Liyelle n fwo ànê ñ ney yáhntòkònlɛ.»†

27 Gbɪ yõ, kwil mè ñtě sòkɔ, yòtě dí Yerɔdɪ ànê gběnyah yah tẽ-ò dí Põse Pilati ye wě tyí mɔ, à tahlɪ Yisrayel tãn ànê kwlo kwlo téló tyí, pè á tònpi Yesule n fwo, ñmɔ nê-á á ney yáhntòkònlɛ. 28 Yah, wáh lésõ á tẽnwenɔ sòkɔ tyi nóno yah tókɔ sah á dyɔ dyɔ tẽnɛ, sépi ye pè pɪ. 29 Nte núkúnúkú, yah pè ápile n kyí n kõ kè! Nìsãh ñgběne á kõ, à á weyne n yah n yo, ápi nóno-á á tònpiɓile. 30 Tẽnwenɔle á kõ, à yámpúle n de n mɔ, à mó gbíl tyile n pɪ, á tònpi Yesu yĩn yõ.» 31 Té fí nê sòkɔ-á sò péle tükènmònlɛ, nírí-á fyò n tye, nénpó núkú yike. Képah tẽnɛ, Liyel Mirki pé pól tókɔ, pé tyah Liyel weyne n yah n yo n kõ nìsãhle.

Yesu yõ sěpú négbro me dùkùle wě tyí

32 Yesu yõ sěpú pól sò me n sò dùkù núkúle, té me ké tyí ne pé ne n pɪ dùkù núkúle. Pé sòkɔ yó ñtě náh sò me n yo ne, pé gbàn yíle, pé gblɔy núkúní tyí-á séle. Té pé wě wró, pé pól gbàn yí sò pɪ tówù tyíle. 33 Té tẽnwenɔ ñgbě sòkɔ ye sò Tě ñgbě Yesu tẽntò névyɛ pɪ ñ tyí yónwàhpu kègblɔle, à ñ tyíle n yo n kõ ne, wáh ku té yilki mɔ. Té Liyel pèpɔrɪ ñgbě sò me pé pól yõ. 34-35 Swěy, képah náh pɪ, gbèn-à sò me nóno tyí, pè séle n yãm, ñ té sé pólɛ Yesu tẽntò névyɛle n kõ. Pépi n mó séle n dibi, à yĩne pé nénúkù núkú pól fyàhnónɔle. Képah ye, yãm pí-ò náh sò me pé sòkɔ.

36 Té légbíne, Nsyosefu yó sò me, nê-á dubi Syipri gběnyah. Levi yìkì ney ye sò ñne. Té Yesu tẽntò névyɛ me yĩn dyɪ à kõ Barnabasile, nê kór-á sórɛ mó-òle. 37 Nmɔ me ñ swãh yãm, té me pɔ ké pólɛ Yesu tẽntò névyɛ gbò dahbɪ.

5

Ananiyasi ànê ñ kyɪ Safirale

1 Nte dí yó lésõ me pè n ye Ananiyasile. Nmɔ ànê ñ kyɪ Safira me pé sétáh yó yãm, té yo sah núkú yõ, 2 à ké pó tükù kãm sah. Képah náh, Ananiyasi me kyɪ ké pó téyne Yesu tẽntò névyɛ kõ. 3 Képah sòkɔ, Pyerɪ me yo ñ tyí ne, Ananiyasi, sétàn yòtě se pɪ sɔ té we de yíí ñ nɪ sòkɔ sě, fóó à pɔ mìnì yo Liyel Mirki tyí, té sétáh yàmno pó tükù kãm sah nɪ? 4 Sétáh mè yãm-ñkě gbíne, ñ yěngbě tyí kó sò kéle nɪ? Wáh tɔ pɔ kè yãm, ké pó kó pɪ ñmɔ tyíle nɪ? Nte yí mè dùkù pínó sòno se pɪ sɔ, té de ñ nɪ sòkɔ nɪ? Nkě, névyɛ ó tyí náh à yo mìnìne dé, Liyel tɔ tyí-á. 5 Ananiyasi-á fyò kéne welɔ noh, à núkú syɪkɪ ku. Káh pɪ sě, nóno pól-á yí mè noh, tíkí pè kah tẽ. 6 Wáh ku sě, kètènpì me pɔ ñ lékó fòkɔ, té à tókɔ kyɪ yí.

7 Képah náh, lérínó tónó kénkõ sókóntenɔ náh, ñ kyɪ pɔ de nénpó, té tir nê-á pɪ sòkɔ, à náh sò me kè pĩ. 8 Pyerɪ me à syah ne, à yo pé syah, dan mè se ñtyínɔ pè yãm pé sétáh mène nɪ? A me ne, àwe, kéne dan-á. 9 Képah sòkɔ, Pyerɪ me yo ñ tyí ne, pè se pɪ sɔ, té yo sah núkú yõ ñ pele, à pɔ Tě ñgbě Mirki vyãh sòle n noh nɪ? A yah, nóno-á kyɪ yí ñ pe lékóle, pãh me pɔ n de yò. Té pãh kɪ ñ tɔ lékó tókɔ n sòkɔ n pɪ. 10 Pyerɪ-á yo sě, nénpó swɔ, pɪ núkú syɪkɪ ñ yah fìnne, à ku. Kètènpì-á de kyɪ, pè kyɪ à we kúnóle.

† 4:26 4.25-26 - Yah n te Gbálnó 2.1-2.

Pè me à tɔkɔ kyɪ yĩ n̄ pɛ tn̄. ¹¹ Képah sɔkɔ, tíkí Yesu yõ sěpú tĩnkĩ pól kah tẽ, à tahlɪ tyi nópi nóhpú pól tyí.

Yesu tẽntò névyɛ gb̄l tyi náhnáh pínóle

¹² Liyel sò me n syõ Yesu tẽntò névyɛ tyí, à gb̄l tyi náhnáhle n pɪ névyɛ nyó. Pè sò me pé sɔnɔ pɪ núkúle ànê Yesu yõ sěpú téló pólle, té wẽne n tuke n mɔ Liyel ní-ńsah gbô párn yó sò, nê-á pè n ye Salomo párnne. ¹³ Nte no téló sɔkɔ ney yó n̄tẽ náh sò me n̄ n̄le n syāh n kwɔ n mɔ pé sɔkɔ. Té no pól mó t̄õ me péle n kah n s̄õ. ¹⁴ Képah sɔkɔ, díbí ànê syó náhnáh sò me n s̄ẽ Tẽ ñgb̄ẽ Yesu yõ, d̄òhn̄nó k̄õ kè n pɪ n yuku n̄ yõ sěpú yõ. ¹⁵ Káh pɪ s̄ẽ, névyɛ tyah n wil pé yámpúle, à péle n sah n pɔ p̄al yõ, képah náh pɪ, s̄ẽ s̄ẽ yĩ yõ w̄al yey sɔkɔ, ne Pyerɪ-à pɔ n sɔkɔ, té n̄ m̄irkí we mɔ pé sɔkɔ ney nê yõ, tẽ we de. ¹⁶ Yerusalemɪ gbòplo kwlo névyɛ náhnáh n̄tẽ tɔ sò me pé yámpúle n tẽ n pɔ n pɔ, à tahlɪ névyɛ tyí, s̄ét̄an-á sò me nónon̄e n kwlo. Té pé pól sò me dénmon̄le n we.

Yesu tẽntò névyɛ f̄óhnóle

¹⁷ Képah tẽne, sárká syínw̄ilk̄ipu yòt̄ẽ ñgb̄ẽ ànê n̄ náh névyɛ pólle nónon̄-á Sadus̄ẽ névyɛle, pé tyah dyóyókúle n pɪ Yesu tẽntò névyɛle, ¹⁸ té pè tẽ kyɪ dah mɔ wòkònpèkè sɔkɔ. ¹⁹ Nte lék̄áh-á pɔ mɔ, Tẽ ñgb̄ẽ ȳinyõ t̄on̄pɪ yó pɔ wòkònpèkè m̄e yah yíkɪ mɔ ànê ké sɔkɔ táh v̄i yeyne, à Yesu tẽntò névyɛ wilki, té yo pé tyí ne: ²⁰ «Yé kyɪ Liyel ní-ńsah gbô sɔkɔ, yè kyɪ min sán tyi nópi pól yo névyɛ tyí.» ²¹ Wey m̄e-á yo pè noh s̄ẽ, séngb̄õ púpúle, pé me yuku kyɪ Liyel ní-ńsah gbô sɔkɔ, à kyɪ tyah kwónóle n pɪ.

Légb̄ine, sárká syínw̄ilk̄ipu yòt̄ẽ ñgb̄ẽ ànê n̄ náh névyɛ me kyɪ tukey tükèpu tĩnkĩ ye ànê Yisrayel gb̄enyah yèwàhn̄i pólle. Té me sr̄asyíbí t̄õ ne, pé kyɪ Yesu tẽntò névyɛ wilki n pɔ wòkònpèkè sɔkɔ. ²² Nte p̄ah kyɪ ȳini tẽ, pé náh pè we wòkònpèkè sɔkɔ. Pè me pé syɪ pɔ ké yah yo pé yòt̄ām tyí ne n̄k̄ẽ, ²³ p̄ah kyɪ wòkònpèkè yah we t̄enmon̄le palle ànê ké sɔkɔ táh v̄i yey t̄ole, sé syíkípúle t̄enóle pé t̄ẽ-ñt̄an̄ sɔkɔ. Nte p̄ah se mó t̄õ sè yíkɪ mɔ de, pé náh ney we sé sɔkɔ. ²⁴ P̄ah yo s̄ẽ, yĩ m̄e nóhnó Liyel ní-ńsah gbô syíkípú yòt̄ẽ dí ànê sárká syínw̄ilk̄ipu yòt̄ām f̄okɔ fil. Pè me wẽne n piki n yah Yesu tẽntò névyɛ tyí-á pɪ d̄úkú n̄ene. ²⁵ P̄ah me képah sɔkɔ, ñn̄i yó pɔ yo pé tyí ne, névyɛ nónon̄-á pè dah mɔ wòkònpèkè sɔkɔ, p̄ah me névyɛle n kwɔ Liyel ní-ńsah gbô sɔkɔ.

²⁶ Képah tẽne, Liyel ní-ńsah gbô syíkípú yòt̄ẽ dí n̄ no tẽ, à pé nyáh s̄õ. P̄ah kyɪ, tíkí pè tẽ ne p̄ah kɪ ne pé pè tẽ gbùgbù, névyɛ káh pɔ pé minkɪ ko dyèhle. Káh pɪ s̄ẽ, pé pè ye yárr, à sɔkɔ. ²⁷ P̄ah kyɪ ȳini tẽ péle tukey tükèpu tĩnkĩ tyí, sárká syínw̄ilk̄ipu yòt̄ẽ ñgb̄ẽ me pé syah ne, ²⁸ pé kó lésò kè t̄ũ pé tyí ne, pé káh t̄õ kwónó pɪ n yah dí m̄e ȳin yõ nɪ? Té pé yah, p̄ah pé kwónó t̄õ mɔ Yerusalemɪ kwil pól sɔkɔ, té t̄õ me n̄ k̄ũ pl̄ole n twah pépi yõ kè! ²⁹ Nte Pyerɪ ànê Yesu tẽntò névyɛ téló me yo pé tyí ne: «Á kɪ Liyel dyɔ ȳĩ tẽ ye s̄õ, té kɪ névyɛ tyíle n pɪ? ³⁰ Yesu nê-á yé ko mɔ dahni yõ, á náh t̄an̄ Liyel ye n̄ lékó yilki mɔ, ³¹ té à yõ d̄okɔ sɔkɔ, à kyɪ à sah n̄ gb̄oȳò s̄òle. Té à pɪ yòt̄ene, ànê pwáhn̄mɔ-òle ne n̄k̄ẽ, ñmɔ gb̄ò yõ Yisrayel t̄an̄ f̄ẽ pé nn̄o vi mɔ, pé mó pé tyíp̄el ȳon̄mon̄o we. ³² Kéne tyi nónon̄-á Liyel pɪ,

ápi ànê Liyel Mirki ye sé yónwàhpu kègblòle, wǎh képah nêne névye kǒ, nónó-á sah n tyí yǒ.»

³³ Képah tǎne, tukey tükèpu ònkì-á welo nópi noh sǎ, pé foko kah vyǎh, fǒó pé sǒ me ké tyí ne, pé Yesu tǎntò névye ko mo. ³⁴ Nte Farisiyǎ ney yó sǒ me pé soko pé n ye Kamalyelile. Liyel tyi kǒnsàhnó kwó-ò yó ye sǒ òne, nê-á névye pól me yǒyenne n sah n yǒ. Nmo me yuku yin tukey tükèpu ònkì niyǒ té ne, pé Yesu tǎntò névye wilki mo kégbó kwéy átre. ³⁵ Pǎh wil, à n syi yo pé no tyí ne: «Á no Yisrayel tǎn, yé yé gblǒy kyomì yǐi yé tyípinó soko, à yuku díbí nópi òinne dé! ³⁶ Ké nǎh tǒnì pi di mónóle kah, gbí nê-á Tedaṣi me yuku n gblǒy pi ne, né-ògbě-á péwòle, té díbí nǎpǐ kyeyéh (400) sǒno vi mo pé kǒ pé n sǒ tǎ. Nte wǎh po ko mo, n sǒ tǎpú pól nǎh karkì di? Ney se tǒ wǎ? ³⁷ Nmo tyí sókónteno nǎh, Kalile gběnyah dí Nsyudaṣi me tǒ yuku kéne gběnyah névye yǎh gbíne, à pé nǎhnǎh yǒ yiki pé kǒ pé n sǒ tǎ. Nte n tǒ nǎh po ko mo, té n sǒ tǎpú me karkì di? ³⁸ Képah ye núkúnúku tǎne, mé kéle n yo yé tyí, yé yé vyéy de no nópi tyí soko, yé mó pé fin mo pé ne n yuku. Pé tir yáhtokono, képah nǎh pi, pé tyípiní mè-à kǐ me wil névye tǎ tyí, kè kǐ tye ké gblǒy. ³⁹ Nte kǎh kǐ me wil Liyel tǎ wǒ tyí tótó, yépi nǎh fǎ kè yiki n pi. Yé kyòmìnó pi, yé kǎh po tyah Liyel wòle n fwo dé!»

Kamalyeli-á yo sǎ, pé no sah n tyí yǒ. ⁴⁰ Pé me tǒ Yesu tǎntò névye ye de, à po pé ko yèfòhle. Té kè yahle pé tyí ne, pé kǎh tǒ Yesu tyíle n yǎh, té pé fin mo. ⁴¹ Nte Yesu tǎntò névye sǒ me nìvìnì soko kègbùle, pǎh n yal tukey tükèpu ònkì wró gbí nêne, pǎh sǒnpíle kè kyomì we ne, pǎh yíne fǒhnóle Yesu yinne. ⁴² Képah soko, sǒmesó pé n ne n me Liyel ní-ńsah gbò ànê kǎtlo soko, n névyele n kwó, n té Nìvìnì tǐrle n yo pé tyí Yesu Krista tyí yǒ.

6

Yòke tǒnsàhndibipu yáhnwìlkìnóle

¹ Légbíne, wǎn sǒ me n mo Yesu tò sǎhpú nédán yǒ. Képah soko, Kreki wey wékípú tyah n weki ne, sǒmesó pé no Yebre wey wékípú-á me n syiki pépi pékúsyó yǒ yòke dibi gbíne. ² Kǎh pi sǎ, Yesu tǎntò névye nǎpǐ gbǒnimí me Yesu tò sǎhpú tówú pól ye tuke, té yo pé tyí ne, kè nǎh yíne pépi Liyel wey yónó yal n mo, pé mó de tǎ yòke díbínó soko. ³ Képah-á, pé yúnpyé, pé díbí nǎpǐ kwǎrnimi yah n wilki pé soko, nónó yíngbí-á me n yo, té Liyel Mirki me pé tǒko, ànê lékám me pé soko. Pǎh kǐ tò mè dahbi pépi gbò. ⁴ Kǎh kǐ pi sǎ, pépi-á kǐ mó yǒ soko níri pínó ànê Liyel wey yónó tǒle. ⁵ Képah soko, pǎh nê yo, tówú pól kè fǎ syi. Pé me Yetyǎni yah wilki, nmo nê Liyel yǒ sǎnó-á sǒ me gblò, té Liyel Mirki me à tǒko. A tahlì Filipi tyí, ànê Prokorile, ànê Nikanorile, ànê Timole, ànê Parmenastile, ànê Antyosyi kwil Nikolasile, nmo nê-á lésò vi mo de Nsyifunó Liyel nínó wǎkì soko. ⁶ Té me pépile Yesu tǎntò névye wǎki. Pépi me pé gbǎn sah pé yǒ níri pínó soko, à sǎm mo pé soko.

⁷ Képah tẽnɛ, Liyel wey sò me n tǒ n mɔ n yuku, té wǎn me n mɔ n yuku náhnáh Yesu tǒ sáhpú nédán yǒ Yerusalem kwil. Sárká syínwilkǐpu tǒ náhnáh sò me fě syi sě Yesu yǒ.

Yetyěnu těńóle

⁸ Yetyěnu sò Liyel pèpɔri náhnáh we ànê n tẽnwenɔle. A sò me à tǔko à gbǐl tyile n pi névye niyó. ⁹ Képah tẽnɛ, Nsyifunɔ tyah yékâble n pi Yetyěnuɛ. Pé tókùle, Liyel ní-ńsah wòkò nê-á pè n ye yǔri sòko wǐlpu wòkòle, képah névye ye. Pè n wil Sirenu kwil ànê Alekisādri kwil. Pé tókù me n wil Silisi gběnyah ànê Asi gběnyah sòko. ¹⁰ Té Liyel Mirki gbò yǒ, Yetyěnu sò me n wekɔ lékámne. Képah ye, no nópi náh me tẽ we n welole n kǒlɔ. ¹¹ Képah tẽnɛ, pè kyɔ nósyó tǔko pólɛ ne pè pɔ yo ne, páh à we à me Moyisi ànê Liyel tyile n yo n yi. ¹² Pè képah pi, à tówú, ànê yèwǎhni, ànê Liyel tyi kǒnsàhnó kwópú mɔ Yetyěnu yǒ, pè kǒ pè à fyǎh tẽ yuku nne tukey tükèpu tǐnkǐ tyí. ¹³ Té tǒ tǎrfyò m̀nyobe yísyó yah, à yuku péle ne pè kyɔ yo ne, dí mè náh me n yal n mɔ Liyel ní-ńsah gbò ànê Moyisi tyi kǒnsàhnó tyí yónyikɔle. ¹⁴ Páh kè noh n vyǎh yah à me n yo ńtẽnɛ ne, kéne Nasareti Yesu m̀-á kɔ pɔ Liyel ní-ńsah gbò sɔ n pi, té Moyisi-á pé kwo wǎl nónónɛ, wǎh kɔ sé tǒ vi mɔ. ¹⁵ Képah sòko, tukey tükèpu tǐnkǐ pól tyah Yetyěnuɛ n yah díkídíkí, té n yah we kè me yǐnyǒ tǒnpi tyí kǒle.

7

Yetyěnu Liyel tyi yah yónóle

¹ Képah sòko, sárká syínwilkǐpu yǒtẽ ngebě me Yetyěnu piki yah ne, no-á n̄ne n yo n tyí sòko, gbɔ se kéle ni? ² Yetyěnu me yo n tyí ne: «N̄ súbí ànê ní yúnpyé, yé noh ní tyí. Gbí nê-á lésò á náh ney Abrahami náh tǒnì me yal yuku Yarǎ kwil sòko, tǔrí n̄tẽ Liyel ye lésò wil n yah Mesopotami gběnyah, ³ té me yo n tyí ne: «Yal á gběnyah ànê á kéte tǎn wró, n̄ yuku gběnyah yó sòko, nê-á mé kɔ n̄ wěkɔ n pi.»* ⁴ Képah sòko, Abrahami yal Kalde tǎn gběnyah sòko, à kyɔ tẽ Yarǎ kwil.† Képah náh, n̄ sú-á pɔ ku te, Liyel me à kǒ à yal Yarǎ kwil, à pɔ tẽ gběnyah m̀ sòko, nê sòko-á yépile núkúnúkú yò. ⁵ Té Liyel náh sò sətáh yó ńtẽnɛ à kǒ n tyíle ásò. Gbáhsúkí kénkǒ fyé tyahle, à náh kéle à kǒ. Nte à n vyǎhle à kǒ ne, páh kɔ pɔ gběnyah m̀ pólle à kǒ. Té kǎh kɔ tǒ pi n̄ pétóbé tǒ tyíle, n̄mɔ kě náh ńtẽ sòko. Té légbíne, pi ńtẽ náh sò me Abrahami tyí. ⁶ Liyel me tǒ yo n tyí ne: «Á pétóbé kɔ pɔ wil kɔ kyɔ n tẽ n pi gběnyah káhkí sòko. Nénpó sòko pè kɔ n pi n pi yǒbɔle, té kɔ fǒhnó we, pópó ye kyeyéh (400). ⁷ Nte gběnyah káhkí nê sòko-á péle yǔri sòko, n̄mɔ Liyel tukey kɔ n sykɔ n pi kéne gběnyah tǎn yǒ. Té képah náh, pè kɔ wil yǔri sòko n̄n̄pó, kɔ pé syɔ pɔ n̄mɔ yǐn gbilki ásò.» ⁸ Képah yónteno náh, Liyel me yégbékè kwɔ mɔ Abrahamiɛ, képah nê-á kɔ sò n wěkɔ n pi kǒkè kǒnó sòko. Képah ye, Abrahami-á pɔ Yisakɔ dubi, à me à kǒ n̄ dúbínó sèp̄in kwǎrtǒ-ò sǒle. Yisakɔ tǒ me pɔ n̄ pídí Nsyakɔbɔ kǒ. Nsyakɔbɔ tǒ me pɔ n̄ d̄inpi n̄ép̄i gbǒnimí kǒ, pépi nónó-á ápi yǐk̄in̄i gbǒninó náh tǎnne.

* **7:3** 7.3 - Yah n te Yenesu 12.1. † **7:4** 7.4 - Abrahami lésò me Kalde gběnyah sòko, Mesopotami sətáh yǒ.

⁹ Képah náh, á náh tǎn pɔ tyah pé gběndí Nsyosefu dyɔle n yɔ. Té à tē yǎm yǒle, pè kǒ pè sɔkɔ ònne Yesyipti gběnyah. Nte Liyel sò me Nsyosefule. ¹⁰ A ò yǒ wilki yènyǎhnpèl nɔpi sɔkɔ, té lékámne à kǒ yíí, té Yesyipti yòtē dí Farawǒ yí kǒ kè yuku ònne. Képah sɔkɔ, à me à pɪ ò gběnyah ànê ò tǒrí kéte pól yah tē-òle. ¹¹ Té kwénpékè yó pɔ de Yesyipti gběnyah ànê Kanah gběnyah pól sɔkɔ, à pɪ yèvyǎhrɪ ògběne pé tyí. Ké pékénkàhnmonɔ tē tyí, á náh tǎn náh tǒ sò me kwáh yó ntēne n we n yǒ.‡ ¹² Té Nsyakɔbɪ-á pɔ kè we noh ne, yǒke-á me Yesyipti sɔkɔ, ké gbenne, à á náh tǎn tekɪ mɔ nénpó, pè kyɪ yǒke yah pɔ, pépi nónó-á ò wěnpìle.§ ¹³ Pǎh tǒ pɔ pé syɪ yuku ke ní-òle, Nsyosefu me ò gblǒy tyí yo wah ò nénkyíbí tyí. Kǎh pɪ sě, Farawǒ me Nsyosefu duku wíl-nsah pǐ. ¹⁴ Képah sɔkɔ, Nsyosefu tēntò mɔ ne, pè kyɪ pé sú Nsyakɔbɪ ànê ò no pól tē n pɔ. Pè sò me nǎpǐ tikitǒní pó gbām pó kwlóle. ¹⁵ Sě ye Nsyakɔbɪ me yuku pɔ tē Yesyipti gběnyah sɔkɔ. Á syɪ pɔ ku nénpó ànê á náh tǎn tɔ pólle. ¹⁶ Pé lékyí me twah kyɪ yí Sisyemɪ kwil diki yó sɔkɔ, nê-á lésò Abrahmɪ dwe Yemɔrɪ wěnpǐ tyí.

¹⁷ Liyel-á lésò ò vyǎhle Abrahmɪ kǒ nê yinne, ké pɪ gbí-á pɔ n nɔ, ápi no kwel náhnáh Yesyipti sɔkɔ. ¹⁸ Té yòtē késán yó-á pɔ dɔkɔ Yesyipti yǒ, òmɔ náh sò Nsyosefule n pne. ¹⁹ A me vi syɪkɪ á no yǒ. Ò nǎpékè kàhnmonɔ tē tyí, à á náh tǎn kyí mɔ, pè kǒ pè pé wěnpǐ yrǒ milki sah kégbó pé ku yinne. ²⁰ Légbí mè ó sɔkɔ ye Moyisi dubi. A kah ple yíí, ànê ò tyí nɔ Liyel tyí. Pè à pu òwǒlǒ tǒnó ò sú gbò. ²¹ Képah náh, pè à tɔkɔ kyɪ milki.* Farawǒ písé me à we tɔkɔ. Á pɔ à pu ò yěngbě pídí sǒ. ²² Kǎh pɪ sě, lékám tyi nónó pól-á sò me Yesyipti sɔkɔ, Moyisi kwónó we sé pól yǒ. Képah ye, à pɪ wéntǎhnì wékí-òle ànê tyítǎhnì pí-òle.

²³ Té wǎh pɔ nɔ ye tikininíne gbí nêne, à kè sǒ we ne, páh kɪ kyɪ yah pé yúnpyé Yisrayel tǎn tyí. ²⁴ Wǎh kyɪ, à kyɪ yíne ò tyí névi yóle, Yesyipti ney yó me n fǒh. Moyisi tyí névi fǒhnó yrɔ tē tyí, à ò vyǎh syɪ, à Yesyipti ney mè ko mɔ. ²⁵ Moyisi sò me n sǒ ne, pé no Yisrayel tǎn-á kɪ n pǐ n pi ne, Liyel-á kɪ péwɔ tɔkɔ, kɪ pè wilki n pi pé yǒrɪ sɔkɔ. Nte pè náh tē we kè pǐ ò tyí. ²⁶ Ké dǐndalle, à tǒ kyɪ Yisrayel tǎn nǎpǐ ními yísyó we, pè me n fwo. A ne pé pè syɪ mɔ, té yo pé tyí ne, pé no, pépi ó-á pé yahle. Té kwáh nê se pè wěne n fǒh nɪ? ²⁷ Nte nê-á sǒ n fǒh ò ní-òle, òmɔ Moyisi syah ne íkě, nê se sah ònne pépi yòtēne ànê pé tùkè-òle nɪ? ²⁸ Péwɔ kònmɔ-nsah káh kɪ nê, á n yah n kǒ, wǎh òníníne Yesyipti ney mè ko mɔ sǒ dé? ²⁹ Wǎh fyò képah yo, Moyisi to, té kyɪ tē Madyǎ gběnyah sɔkɔ, à syɪ pɔ dǐnpǐ nǎpǐ ními we nénpó.†

³⁰ A tē nénpó, pópó à ye tikininí pɪ. Képah náh, sǒ yóle, à sò me gběnnɪ sɔkɔ, Syinayi yǒlɪ gbòpɔ, té yǐnyǒ tǒnpɪ yó wil ò yah nyàh lépǒ sɔkɔ, nê-á sò me n kǒ dukuni yó sɔkɔ. ³¹ Yí mè wénó pɪ gběndùnìne Moyisi tyí. Té wǎh me n nɔ n de ne, pé kè we yah yíí, à Tē ògbě yónmonɔ noh ne íkě: ³² <Á náh tǎn Liyel ye òmɔle, Abrahmɪ, ànê Yisakɪ, ànê Nsyakɔbɪpi Liyelle.> Képah tēne, tíkí Moyisi tē, fǒó ò wil n syah. A náh tǒ ò nɪ syǎh ò yah yǒ yah.

‡ 7:11 7.11 - Kanah gběnyah me ye pè n ye Yisrayel gběnyahle núkúnúkú. § 7:12 7.12 - Yáh we pè ne kwekɪ-á de Yesyipti gběnyah sɔkɔ, té tǒ ne Nsyakɔbɪ-á yǒke tyí noh nénpó, Liyel lésò lékámne Nsyosefu kǒ à yǒkele n koh n sah, yǒke pekɪ gbíne. Képah ye yǒke kǒ kè pɔ we nénpó. * 7:21 7.21 Yah n te Yálnó 1.22 - 2.10. † 7:29 7.27 - 29 - Yah n te Yálnó 2.11 - 15.21 - 22.

³³ Képah sɔkɔ, Tě ñgbě me yo ñ tyí ne: <Tyah nê sɔkɔ-á ále yò, nénpó me ñmɔ tyí yò. Képah ye, á lékyêh de. ³⁴ Mé ní no kwɔ̀ dukù we yíne Yesyipti gběnyah sɔkɔ, té pé gbìno yínpò noh. Mé pɔ pé wìlkì-nsah pé yòrì sɔkɔ. Képah ye, sɔkɔ! Mé ále n tekì mɔ ké tyí sɔkɔ nùkúnúkú Yesyipti sɔkɔ.>‡

³⁵ Té kéné Moyisi nê-á lésò Yisrayel tãn yahle, té à syah ne ñkě, nê se sah ñne pépi yòtêne ànê pépi tükè-òle ni? Nmɔ ó ye tǒ Liyel tekì mɔ yòtêne ànê pwáhnmɔ-òle yínyò tònpi gbò yò, nê-á lésò wil ñ yah dukuni sɔkɔ.

³⁶ Moyisi ye wilki Yisrayel tãnne Yesyipti gběnyah sɔkɔ, té pne yónsyâh kah péle, té tẽ péle gběnni sɔkɔ pópó ye tikinini. Liyel gbò yò ye à pi sépi pólle gbìl sɔkɔ. ³⁷ Té ñmɔ ye tǒ yo Yisrayel tãn tyí ne: <Liyel kɔ yé sɔkɔ ney yó tekì n mɔ n pi. A kɔ pɔ pi Liyel tẽntò syínyo-òle ñmɔ tyí kòle.>§

³⁸ Gbí nê-á sò Yisrayel tãn me tükènmɔnɔle gběnni sɔkɔ, ñmɔ ye tǒ sò we syi yínyò tònpi tẽntòle Syinayi yòli yò, à pɔ yo á náh tãn tyí. Sě ye à we syi min welòle Liyel tyí, à yo á tyí.* ³⁹ Nte á náh tãn náh fě syi sah ñ tyí yò. Pè à yahle, té sò me n sò ne, pé pé syi yuku Yesyipti sɔkɔ, ⁴⁰ té me yo Arõ† tyí ne: <Moyisi nê-á tẽ wil ápile Yesyipti sɔkɔ, á náh tǒ me pĩ, kéné Moyisi tyí-á me pi sò dé! Képah ye, yí yísó pi á kò líyelnole, sè á yahle n tẽ.>‡

⁴¹ Kéné sèpìn sɔkɔ, pé me tò yó mɔ náhpír kètòle, té sárká wilki ké yò, à ñivìni syáh syah, à pé gběnpini gbilki. § ⁴² Képah tẽ sɔkɔ, Liyel ñ náh vi pé kò, té pé fin mɔ sah ñwò kèpye gbìlkinó sɔkɔ, sǒ-á Liyel ñ tẽntò syínyopu kò pé kè wàrkì sah pé sébéy sɔkɔ ne ñkě:

<Yisrayel tãn, yáh yípêy nónó ko sárkále
pópó ye tikinini gběnni sɔkɔ,
yé se me n sò ne, ñmɔ tyí-á yé ko séle?

⁴³ Ó dé! Yé tò nê yìn-á Molokile, képah yèpir ye yé twah,
à tahlì yé ñwò kèpil tò tyí tyí, nê-á yé n ye Wrefanne.*

Kéné tãn ye yé pi sah yé gblòy tyí, té séle n gbilki.

Képah ye, mé kɔ yé tẽ sɔkɔ, fók Babiloni kwil náhle.>>†

⁴⁴ Képah yóntenɔ náh, Yetyèni tǒ yò sɔkɔ yo pé tyí ne: «Á náh tãn-á sò me gběnni sɔkɔ gbí nêne, yèpir yó sò me pé tyí, nê-á n wèkì ne, Liyel-á me péle. Liyel sò kè yah kò Moyisi tyí ne, à yèpir mè pi sǒ-á pé à wèkì ké pínóle gbrámgbám. ⁴⁵ Képah náh, á náh tãn pɔ yèpir mène pé wènpì kò. Nsyosye ye sò pi pé yah tẽ-òle, pé yuku kéné yèpirle à kyì nékáhbì gběnyahnó syi, Liyel-á nónó yìni yal. Képah sɔkɔ, yèpir mè me tẽ nénpó, pópó à pɔ syi yòtẽ dí Davidi gbì tyí. ⁴⁶ Té Davidi tyí sò kah nɔ Liyel tyí. Képah sɔkɔ, ñ to mó Liyel ni ne, à ye pé wòkò yó mɔ à kò, ñmɔ nê-á Nsyakobi Liyelle. ⁴⁷ Té ñ pídì Salomo ye pɔ pi kéné wòkò mó-òle Liyel tyí. ⁴⁸ Nte Yòtah Liyel náh mó tǒ n tẽ névi gbò wòkònmɔni sɔkɔ, sǒ-á Liyel tẽntò syínyo-ò yo kéle ne,

⁴⁹ Tě ñgbě-á ne ñkě: <Yínyò ye pi ní tǒrí kòle,
sétáh me pi kòpirle, ní gbáhkì súnsàh-nsahle.
Té wòkò nê dukù me yé kɔ fě mɔ ñmɔ kò wé?
Nmɔ se kɔ fě tẽ yépi wòkònmɔni sɔkɔ?

‡ **7:34** 7.30-34 - Yah n te Yálnó 3.1-10. § **7:37** 7.37 - Yah n te Tǒnyonɔ 18.15,18. * **7:38** 7.38 - Yah n te Tǒnyonɔ 5.1-33, ànê Yálnó 19.1 - 20.17. † **7:40** 7.40 - Arõ mène, Moyisi nénkyí dí ye sò ñne. ‡ **7:40** 7.40 - Yah n te Yálnó 32.1. § **7:41** 7.41 - Yah n te Yálnó 32.2-6. * **7:43** 7.43 - Molokì ànê Wrefanne, Nsyifunɔ tñò tẽpu tãn yísó ye sò séle. † **7:43** 7.42-43 - Yah n te Amòsi 5.25-27.

⁵⁰ Nmo gbɛnrɛno náh yíyìn pólle di?»‡

⁵¹ Képah náh, Yetyɛni tɔ yo tukey tükèpu tyí ne: «Nikisekókó névye nópi, yé yé nno ànê yé ní tah tũ, à yahle Liyel wey nóhnóle, té me Liyel Mirki yahle pɔ kwey no. Yé me yé náh tãn tyí kòle. ⁵² Liyel tɛntò syinyo-ò yó ntɛ se me, nê-á yé náh tãn náh à fòh yah? Négbí nê-á Liyel tyí, nónó-á ò pónó tyí yo sah kèkòyò, pè náh pépi tɔ ko mo di? Nte núkúnúké, kéne négbí náh yépi vi ò náh, té à ko mo di? ⁵³ Yinyò tɔnrɛbi ye Liyel tɔ, pè pɔ Liyel tyi kònsàhnó yo yé tyí. Té yé yahle kólóle sé wàl yò.»

Yetyɛni kònmɔnole, ànê kãh yĩne Sole tyí sɔ

⁵⁴ Yetyɛni-á welo nópi yo sɛ, kè tukey tükèpu kah yo kah mo, fóó pè pé ynine n tah yrɔ tɛ tyí. ⁵⁵ Nte Liyel Mirki tɛ-á me Yetyɛni tɔko sɛ, à tyah yĩnyòle n yah díkídíkí, té Liyel tɔrí we ànê Yesule yúkúnýĩntɛnóle Liyel gbòyò sòle. ⁵⁶ Képah tɛ sɔko, à ne: «Yé yah, mé me yĩnyòle n yah yíkínmɔnole, té Névi Pídí me yúkúnýĩnnole Liyel gbòyò sòle.» ⁵⁷ Névyé-á képah noh sɛ, pè gbo mo wòhòh, té pé ní sni tũ, té to tuke pé pólle ò yò. ⁵⁸ Té à yorɪ wil kwil náhle. Képah sɔko, nónó-á sò pè ye pɔ pi tàrfyòle, pépi me pé fwòmò-ngbno de sah kètɛnpíkí yó tyí, nê-á pè n ye Solele. Té pè tyah Yetyɛnɛ n minki dyèhle, ò ku ku tɛ yò. ⁵⁹ Nte pãh me Yetyɛni mínkínó sɔko dyèhle sɛ, à sò me níri le n pi ne íkɛ: «Tɛ ògbɛ Yesu, ní min yohnɪ n syi.» ⁶⁰ Té me ò gbètukuno di, à yo yĩnpɔ ògbɛne ne: «Tɛ ògbɛ, kãh pé tyípekè mè mo n kò.» Képah yóntɛno òsɔ, à ku.

8

¹ Té pãh à ko mo sɛ, képah no Sole tyí.

Sole-á Yesu yò sɛpú fòh òkù nêne

Képah sɔko, Yesu yò sɛpú tĩnkí kãhnfòhno núkú tyah Yerusalemɪ sɔko lésòle. Kãh pi sɛ, à wil Yesu tɛntò névye tyí sɔko, Yesu yò sɛpú téló pól to karkɪ de kwlo sɔko, nónó-á me Nsyude gbɛnyah ànê Samari gbɛnyah sɔko. ² Nte névye nónó-á sò me Liyel wɛkí tɛnó ple, pé yísyó me Yetyɛni lékó tɔko yí, té ò kũ pò kah gbo. ³ Nte Sole tɛ wo sò me n yah n kò Yesu yò sɛpú tĩnkí duku tó-risahle pnépné. A sò me n de n kò gbén sɔko, à Yesu yò sɛpú díbí ànê syóle n tɛ n yorɪ n wilki n dah n mo n pɔ wòkònpèkè sɔko.

Filipi Liyel wey yónóle Samari gbɛnyah sɔko

⁴ Képah sɔko, Yesu yò sɛpú nónó-á sò karkɪ kò, pépi mó me Nìvìnì tirlɛ n yo n kò tàntàn pól sɔko. ⁵ Té pé sɔko ney nê-á pè n ye Filipile, òmo me kyɪ kwil yó, Samari gbɛnyah sɔko, à kyɪ tyah Krista tyíle n yo nɛnpó. ⁶⁻⁷ Képah tɛne, sétàn kwĩnkí nónó-á sò me déntɛnóle névye sɔko me péle n kwlo, sè sò me n kah n de n syi, té n wil pé sɔko, té wil kúnó névye ànê gbáhkí núkú névye náhnáh tɔ sò me dénmɔnole n we. Képah sɔko, tówú-á Filipi gbɪl pínó tyí yónó noh, té kyɪ sè we sɛ, pé pól pé sòno pi núkúle, à ò welole n tɔ n sah n nohnɪ. ⁸ Kãh pi sɛ, nìvìnì ògbɛ we kéne kwil.

⁹ Té légbíne, dí yó lésò me pè n ye Simole. A sò me tɛnóle kéne kwil mè ó sɔko di mónóle. Nmo sò me snèy tyile n pi, nónó-á me Samari gbɛnyah tãn gbàn du kègbule, té me ò gblòy pi né-ògbɛne. ¹⁰ No pól sò me mo òne,

‡ 7:50 7.49-50 - Yah n tɛ Yesayi 66.1-2.

à tɔkɔ wɛ̀npì tyí, à kyɪ sah yèwàhni tyí. Té me yo tũ ne n̄kɛ̄, Liyel tɛ̀nwɛno nê-á pè n ye Ngbɛ̀ne, képah-á dí mènɛ. ¹¹ Té dí mè sò me gbɛ̀ndùnɛ n pɪ pé tyí n̄ snɛy sɔkɔ di mónóle, képah ye pè kɔ pè mɔ n̄ne. ¹² Nte Filipi-á pɔ Liyel tɔ́rí Nìv̀nì tir ànê Yesu Krista tyí yo pé tyí sɛ̄, pè sɛ̄ ké yõ. Té díbí ànê syó me à kɔ à pè wel wilki ni sɔkɔ. ¹³ Képah sɔkɔ, Simo n̄tɛ̀ tɔ sɛ̄ Yesu yõ, té Filipi kɔ à à wel wilki ni sɔkɔ. A náh tɔ sò me ké tyí ne pé yal Filipi tɔ́. Té gb̄il tyi n̄gbnɔ nónó-á sò me n pɪ à n yah, sè sò me pɪ gbɛ̀ndùnɛ n̄ tyí.

¹⁴ Képah tɛ̀ne, Yesu tɛ̀ntò névyɛ-á tɛ̀ Yerusalemɪ kwil, té noh ne Samari gbɛ̀nyah tãn-á Liyel wɛy fɛ̀ syi sɛ̄, pè Pyerɪ ànê Nsyɔ̀ tɛkɪ mɔ pè kɔ. ¹⁵⁻¹⁶ Páh kyɪ de Samari sɔkɔ, té Yesu yõ sɛ̀pú nónó wɛ nɛnpó, Liyel Mirki náh tɔ́nì sò me tiki pé sɔkɔ yó n̄tɛ̀ yõ. Pè sò me wɛ̀nwĩlkinó wɛ ni sɔkɔ Tɛ̀ n̄gbɛ̀ Yesu wɔ yĩn yõ. Káh pɪ sɛ̄, Pyerɪ ànê Nsyɔ̀ me tyah nírile n pɪ pé tyí, ne pè Liyel Mirki wɛ. ¹⁷ Pè sò me pé gb̄an sah no nópi yõ à nírile n pɪ pé tyí. Képah sɔkɔ, pè me Liyel Mirki wɛ.

¹⁸ Képah tɛ̀ne, Simo-á kè wɛ Yesu tɛ̀ntò névyɛ pé gb̄anne n sah pé yõ, pè kɔ pè Liyel Mirkile n wɛ sɛ̄, à pɔ póle Pyerɪpi tyí, ¹⁹ té ne, pè péwɔ tɔ kɔ kɛne tãhkile. Képah sɔkɔ, páh fyò pé gb̄an sah nê yõ, tɛ̀ Liyel Mirki wɛ. ²⁰ Wáh yo sɛ̄, Pyerɪ me à syah ne, n̄ tyí yuki n to ànê n̄ pó tɔle, wáh sɔnpíle n sò ne, páh kɪ fɛ̀ Liyel yĩnkɔ́nɔ kwáh dwe póle. ²¹ N̄ nɪ-á me kɛtúkuyô Liyel yah. Képah-á, wɛ wɛ tɛ̀ náh me n̄ tyí yĩ mè sɔkɔ. A náh yĩne kɛle pólle. ²²⁻²³ Páh kè wɛ ne, dyóyókì kɛpékè-á yuku sah n̄ n̄le, ànê wáh me tyípékè yõri sɔkɔ. Képah-á, à n̄ nɪ vi mɔ, à mó Tɛ̀ n̄gbɛ̀ Liyel ni à kɔ à n̄ fókósɔnɔ pèkè mè yõ mɔ à kɔ, káh kɪ fɛ̀ n pɪ n pi. ²⁴ Képah sɔkɔ, Simo me yo Pyerɪ ànê Nsyɔ̀ tyí ne, pépi Tɛ̀ n̄gbɛ̀ Liyel ni pé tyí pé gbl̄y. Káh kɪ pɪ sɛ̄, tyi nónó-á pè yo pé tyí, sé sɔkɔ yó n̄tɛ̀ náh pé nɔ n pi.

²⁵ Képah náh, Pyerɪ ànê Nsyɔ̀-á tyi nónó pĩ Yesu tyí sɔkɔ, páh sè yãh te névyɛ tyí, té Tɛ̀ n̄gbɛ̀ wɛy yo te pé tyí gb̄í n̄ne, pè pé syɪ n̄ yuku Yerusalemɪ kwil, té me Nìv̀nì tirlɛ n yo n̄ yuku kwílpi nãhnãh sɔkɔ wɛ̀kì yah, nónó-á me Samari gbɛ̀nyah.

Filipi Liyel wɛy yah yónóle Yetyopi gbɛ̀nyah né-n̄gbɛ̀ yó tyí

²⁶ Sò yóle, Tɛ̀ n̄gbɛ̀ yĩnyõ tɔ́npɪ yó pɔ yo Filipi tyí ne n̄kɛ̄, à n̄ gbl̄y vi, à mó n̄ yah mɔ gb̄ingboke gb̄oyò sòle, à wɛ̀kì tɛ̀, nê-á wil Yerusalemɪ, à n̄ tiki n̄ yuku Kasa kwil. Kɛne wɛ̀kì mè yõ kópú náh me fwó. ²⁷ Képah sɔkɔ, Filipi núkú yuku kɛne wɛ̀kì tɛ̀. Wáh n̄ yuku, dõ, à Yetyopi gbɛ̀nyah né-n̄gbɛ̀ yó wɛ.* N̄mɔ ye sò Yetyopi yòtɛ̀ pi Kãndasɪ tɔkɔ sah n̄ tahrɪ yòtɛ̀ne. A sò kyɪ Liyel ni Yerusalemɪ sɔkɔ. ²⁸ Té wáh n̄ syɪ n̄ yuku n̄ t̄inne, à sò me kɔ́ntɛ̀nóle n̄ wòtoro sɔkɔ, me Liyel tɛ̀ntò syínyo-ò Yesayi sébéyɛ n̄ kar. ²⁹ Képah sɔkɔ, Liyel Mirki me yo Filipi tyí ne, à kɔ n̄ tel wòtoro mè tyí. ³⁰ Filipi me to tel ké tyí, té dí kárnó noh. A sò me f̄í yóle n̄ kar Liyel tɛ̀ntò syínyo-ò Yesayi sébéy sɔkɔ. Filipi me à piki yah ne, f̄í nê-á à n̄ kar yò, à se me ké kórle n̄ pne nɪ? ³¹ Dí me yo n̄ tyí ne, sò se pé kɪ pĩ ké kórle, né ney náh ké yah yo pé syah nɪ? Té me kè yah kɔ Filipi tyí ne, à pɔ n̄ dɔkɔ n̄ kɔ

* **8:27** 8.27 - Díbí nónó pól-á sò tòle n̄ pɪ yòtãm fné sɔkɔ, pè pè wõ, ne pè káh pɔ pé yí wil syó tyí. Képah ye, Yetyopi gbɛ̀nyah né-n̄gbɛ̀ mè tɔ sò me wónóle.

n tẽ pé tnô wòtoro sɔkɔ. ³² Té fí nê-á sò dí me n kar, kè me yónóle nénpó sɔkɔ ne ríkě:

«À sò pɪ kúpó sɔ, nê-á pè tẽ n yuku kò-nsah;

képah náh pɪ, nê yè-á pè n kɔ,

té à náh n vyāh fyɔ.

³³ Pè à yilo, té lékàhle à kɔ,

té à ko mɔ, n duku to kèkōyó.

Nê kɪ tɔ n yāh n no tyíle?»†

³⁴ Dí-á kar te, à me yo Filipi tyí ne, à kékwɛ, à yo pé syah, nê tyí se Liyel tẽntò syíno-ò Yesayi n yo sɛ yò nɪ? N gblɔy tyí se à n yo, tɪ nnɪ tyí se à n yo? ³⁵ Képah sɔkɔ, Filipi syɔ kéné Liyel wey mɛ tyí, à Nìvìnì tir yo à syah Yesu tyí sɔkɔ. ³⁶ Páh me wɛkì yò, pè kyɪ syɪ yo yó tyí. Dí me yo Filipi tyí ne ríkě, yo-á yò, tir yó tẽ-à kɪ mé-ńkɛne, páh me ké tyí ne, à pé wel wilki ni sɔkɔ. [³⁷ A me yo n tyí ne, wáh kɪ me sɛ Yesu yò n nɪ pólle, páh kɪ fɛ à wel wilki ni sɔkɔ. Dí me yo n tyí ne, páh sɛ ké yò ne, Liyel Pídí-á Yesu Kristale.] ³⁸ Té me ne, pè wòtoro yín mɔ. Káh yín, à tiki ànê Filipile à kyɪ de yo, té Filipi me à wel wilki ni sɔkɔ. ³⁹ Páh fyò wil yo sɔkɔ, Tẽ ngbɛ Liyel Mirki núkú Filipi tɔkɔ sɔkɔ. Yetyopi gbɛnyah né-ngbɛ mɛ náh tɔ à wɛ. Nte à yò sɔkɔ n kólóle nìvìnì sɔkɔ. ⁴⁰ Té Filipi tẽ wɔ mó kyɪ n gblɔy wɛ Asotɪ kwil. A me yò sɔkɔ, à Nìvìnì tirlɛ n yo n yuku kwlo kwlo pól sɔkɔ, wáh n kah nónó sɔkɔ, pópó à kyɪ de Sesarɪ kwil.

9

Yesu yónmɔnɔle Sole tyí

¹ Té légbíne, Sole mó sò me yò sɔkɔ díríle n pɪ Tẽ ngbɛ Yesu tò sáhpúle, me n yah n kɔ pé kònmɔ-ńsahle. Képah sɔkɔ, à kyɪ wil sárká syínwilkpɪ yòtɛ ngbɛ tyí. ² Té yo n tyí ne, à sébéynóle pé kɔ, pé kyɪ Damasɪ kwil Nsyifunɔ Liyel ní-ńtân vɪ yòtām kɔ. Képah sɔkɔ, páh kɪ kyɪ díbí ànê syó nónó wɛ nénpó, té pè me Tẽ ngbɛ Yesu wɛkìle n kɔ, pé pè tẽ n pukubi n pɔ Yerusalemɪ kwil.

³ Wáh sè wɛ syi, à wɛkì tẽ n yuku Damasɪ kwil. Wáh me yúkey kéle, kyòo yó núkú wil yínyò à kwɛ n yò pɛrr, à à mɔ gbɪ. ⁴ Képah sɔkɔ, à yò syɪkɪ sétáh, té yínpɔ yó noh, nê-á me n yo n tyí ne: «Sole, Sole, kwáh nê pɪ té á ríne n fòh?» ⁵ Sole me piki yah ne, nê se ñmɔle nɪ, pé Tẽ ngbɛ? Kéné yínpɔ tɔ yo n tyí ne: «Yesu ye ñmɔle, nê-á á n fòh. ⁶ Nte yuku n de kwil sɔkɔ, té wáh yíne n nê pɪ, pè kɪ kè yo n syah.» ⁷ Té Sole-á sò me wɛkì yò ànê nónóne, pé to sò me yínpɔ mɛne n nohnɪ, té pè náh me ney wɛ. Káh pɪ sɛ, pé gbàn du, pé yín tẽ syísyí, pé náh me fɛ tirlɛ n yo. ⁸ Képah sɔkɔ, Sole-á yuku yín, à n yí yɪkɪ mɔ, té à náh tɔ me fɛ n yah. Pè me n gbò sɔkɔ tẽ, à de ñne Damasɪ kwil. ⁹ A sèpìn tɔnì pɪ nénpó yítùri sɔkɔ, yòke yó-ńkɛne ànê ni wó-ńkɛne.

¹⁰ Té légbíne, Yesu tò sáh-ò yó sò me nénpó pè n ye Ananiasile. Tẽ ngbɛ Yesu wil n yah, té ne: «Ananiasɪ!» Ananiasɪ me syi, té ne páh yò, Tẽ ngbɛ! ¹¹ Tẽ ngbɛ me yo n tyí ne: «Yuku n wɛkì tẽ, wɛkì nê-á pè n ye wɛkì Tómmne. Wáh kɪ kyɪ Nsyudasɪ gbô sɔkɔ, n dí yó tyí piki n yah. Kéné dí n wil Tarsɪ kwil, pè ñne n ye Solele. A me Liyel nínó sɔkɔ núkúnúkú. ¹² Té

† 8:33 8.32-33 - Yah n te Yesayi 53.7-8.

̀n nírí pínó sòkò, à dí yó wε pè n ye Ananiyasile.* A με de πο ò gbàh sah ò yò nε, à fě nε n yah òtõ.»

¹³ Képah sòkò, Ananiyasi nε, ú, Tě ògbě, névye náhnáh-á dí mè tyí yāh pé noh, ànê wāh με Yesu yò sěpúle n fōh sō Yerusalemi kwil, páh ké to noh. ¹⁴ Té wāh tō sébéy wε syi sárká syínwìkìpu yòtām tyí, à πο ásò sòkò nε, pé πο òmò yéngbopu pól tě pukubi n sòkò. ¹⁵ Nte Tě ògbě με tō yo Ananiyasi tyí nε: «̀Nmò ye yah tòkò pì dí mènε ní tònpile nε, à ní tyíle n yo n kō névye tyí, nónó nāh pì Nsyifunole, à tahlì pé yòtām tyí, ànê Yisrayel tām tō tyí. Képah ye, kyì ò tyí! ¹⁶ Wāh kì kwlónó nê pì n pì òmò yīnne, mé kì kéle à wěkì ní gblòy.» ¹⁷ Képah sòkò, Ananiyasi yuku sòkò. Wāh kyì de Nsyudasì gbò sòkò, à ò gbàh sah Sole yò, té yo ò tyí nε níkě, pé yúnpi Sole, Tě ògbě Yesu nê-á wil ò yah wěkì yò wāh n pì gbí nēne, òmò-á tō péle ò tyí nε, á fě nε n yah òtõ, ànê Liyel Mirki mó à tókò. ¹⁸ Nénpó swò, yí yísyó núkú wil Sole yí sòkò à πο kwe yěnkò gbró sō, té ò yí με ykì. A με yuku, té pè με à wel wilki ni sòkò. ¹⁹ Képah nāh, à yòke yò, té ò syì tǎhkì wε.

Sole Liyel wεy yónóle Damasi kwil

Képah sòkò, Yesu tō sǎhpú nónó-á sò με Damasi kwil, Sole tě à sèpìn yísyó pì pépile. ²⁰ Té núkú tyah Yesu tyíle n yo n kō Nsyifunò Liyel ní-òtām vù sòkò nε, Liyel Pídí-á nne. ²¹ Képah tēne, nónó pól-á sò με ò welole n nohnì, kè pé gbàh du. Pè tyah n yo nε, té òmò kó lésò n kah n fōh Yesu yīn yéngbopule Yerusalemi sòkò nì? Té pé tēnpukubinsòkò-nsah ní-á à πο ásò sòkò, nε pé kyì péle sárká syínwìkìpu yòtām tyí dé! ²² Nte wān sò με n tō n mò n yuku Sole tǎhkì yò. A sò με kéle n yo n wah nε, Yesu-á Liyel yah tókò pì pwáhnmò-òle. Káh pì sě, Damasi kwil Nsyifunò yáh-nsah tyε, tyíyóné nāh tō wε pé tyí.

²³ Képah sòkò, sèpìn náhnáh sókóntenò nāh, Nsyifunò πο yo sah núkú yò nε, páh kì Sole kò mò. ²⁴ Té Sole με πο pé yínvì mè wε noh. Pè sò με kwil dé-òtām nε n sykì, ké lékáh ké gbìntõ, nε pé à wε n kò n mò. ²⁵ Nte sō yó lékáhne, ò tō sǎhpú sò με ké tyí nε pé à pwah mò. Képah sòkò, pè à dah mò tókò-ògbě yó sòkò à tiki mò kēnkahnne, nê-á kwil kore vi.

Sole syínyukunole Yerusalemi kwil

²⁶ Képah sòkò, Sole sòkò Yerusalemi kwil. Wāh kyì yīni tě nénpó, à sò με ké tyí nε, pé kwro mò Yesu tō sǎhpú sòkò. Nte pépi nāh sò με fě sě ké yò nε, wāh pì Yesu tō sǎh-òle kègbìsì tě yò; képah ye tiki pè tě. ²⁷ Nte Barnabasì wò με à tě yuku Yesu tēntõ névye tyí. Té Sole-á sò Tě ògbě wε dukù nēne Damasi kwil wěkì yah, ànê Tě ògbě-á yo mò ò tyí sō, Barnabasì ké yah yo pé tyí. Té tō kè yo pé tyí, wāh Yesu tyí yo nìsǎhle dukù nēne Damasi sòkò. ²⁸ A tókò légbí tyí, Sole kwro mò pé sòkò, à Liyel wεyne n yah n yo n kō nìsǎhle Tě ògbě yīn yò Yerusalemi sòkò. ²⁹ A sò με n yāh ànê Nsyifunò tole, nónó-á Krekì wεyne n wεkì, με yékāble n pì péle. Nte pépi wò sò με ò kònmò-nsahle n yah n kō. ³⁰ Yesu yò sěpú-á πο kè noh, pé à tě sòkò Sesari kwil, à kyì à tekì mò Tarsi kwil.

* 9:12 9.12 - Ananiyasi sò pì nε dí nê tyí-á Liyel n yo pé tyí yò, péwò-á.

³¹ Légbíne, Yesu yõ sěpú tĩnkĩ nónó-á sò Nsyude, ànê Kalile, ànê Samari gběnyah pól sɔkɔ, pé pól sò me yèvinì sɔkɔ. Pè sò me tǎhkìle n we, té me n kɔ Tě ñgbě yah tíkí pínó sɔkɔ, té Liyel Mirki gbò yõ, wǎn me n mɔ n yuku pé nédán yõ.

Yene de mɔ dùkùle

³² Té légbíne, Pyeri sò me tǎntàn pólle n kɔ n kɔ. Képah sɔkɔ, sò yóle, à tiki yuku Lida kwil Yesu yõ sěpú tɔ tyí. ³³ Té kyɪ dí yó we nénpó pé n ye Yenele. Nyân sò me n wil kɔ; képah ye à sò me sě tě ñ sě sě kwáh yõ pópó ye kwártõnɔ. ³⁴ Képah sɔkɔ, Pyeri me yo ñ tyí ne: «Yene, Yesu Krista ye ále n de n mɔ yò. Yuku, ñ té á sě sě kwáh yõ tǔ n sah á gblǔy.» Wǎh yo sě, dí núkú yuku yĩn. ³⁵ Képah sɔkɔ, Lida kwil ànê Sarõ gběnyah tǎn-á képah we sě, pé pól vi mɔ Tě ñgbě Yesu tyí yõ.

Tabita kúnó ànê ñ yílkínmɔnɔle

³⁶ Pi yó lésõ me Nsyope kwil sɔkɔ Yesu tò sáh-òle. N yĩn ye sò Tabitale, pé n ye Dorkasile Kreki wey sɔkɔ. A sò pèpɔrile n pɪ gbímegbí, me yǎm tǎnne n yohnù n mɔ. ³⁷ Té kéne sèpìn sɔkɔ, yam pɔ à fě mɔ, à ku. Pè me ñ lékó wel, té à tɔkɔ kyɪ sah yĩnyõ wòkò yó sɔkɔ. ³⁸ Té kǎh pɪ Lida kwil ànê Nsyope kwil sò me yúkey wěne sě, Yesu tò sáhpu nónó-á sò me Nsyope sɔkɔ, pé sò noh ne, Pyeri-á me Lida kwil. Képah sɔkɔ, pé me díbí népî ní mí tǔ ñ tyí ne, pé kyɪ yo ñ tyí ne ní kě, à ñ gblǔy ye, à mó pɔ pépi tĩnne súú. ³⁹ Pǎh kyɪ kè yo sě, à núkú yuku pé sɔkɔ wě tyí. Wǎh kyɪ yĩni tě, pé à tě dɔkɔ yuku yĩnyõ wòkò sɔkɔ, té pékúsyɔ pól sò me nɔ de ñ tnô me n gbo, té me fwòmò-ñgbnɔ ànê fwòmònpìle ñne n wěki, nónó-á Tabita tĩ gbí nê-á sò à me vile. ⁴⁰ Képah sɔkɔ, Pyeri névye pól kɔ pé wil kégbó, té ñ gbètukuno di à Liyel ni. Té me ñ yah vi pi lékó tĩnne té ne: «Tabita, yuku.» Pi núkú ñ yí yiki mɔ. Té wǎh Pyeri we, à yuku kɔ tě. ⁴¹ Pyeri me ñ gbò sɔkɔ tě, à à yilki sah. Képah náh, à Yesu yõ sěpú ànê pékúsyɔ ye pɔ ñne pé wěki vile. ⁴² Kǎh pɪ sě, yĩ mè tǔ mɔ Nsyope kwil ywõ ywõ pól sɔkɔ, ànê pé náhnáh pɪ Tě ñgbě Yesu yõ sěpúle. ⁴³ Képah náh, Pyeri tě mo kwéy Nsyope sɔkɔ sènpɪ dí yó tyí, nê yĩn-á Simole.

10

Névye ye dùkùle Liyel tyí, nónó náh pɪ Nsyifunɔle

¹ Dí yó lésõ me Sesarì kwil pé n ye Korneyle. Sràsyíbi yòtě yó ye sò ñne, Wrome tǎn sràsyíbi tĩnkĩ sɔkɔ, nê-á pé n ye Yitalì gběnyah sràsyíbi tĩnkìle. ² A sò me Liyel wěkì těno ple, me ñ yah tíkìle n pɪ, té ñmɔ ànê ñ gbô tǎn pól me ñne n ni. A sò me Nsyifunɔ yǎm tǎnne n yohnù n mɔ náhnáh, té me Liyelle n ni gbímegbí. ³ Képah sɔkɔ, sò yó gbèkām gbí kénkò sɔkɔ, à wěkínó yó we. A Liyel yĩnyõ tònpi yó we pnéyy à de pɔ ñ tĩnne, à pɔ à ye ñ yĩnne ne: «Korney!» ⁴ Nte Korney sò me yĩnyõ tònpile n yah díkídíkí tíkítíkí sɔkɔ, té à piki yah ne, kwáh nê se nɪ, pé yòtě? Yĩnyõ tònpi me yo ñ tyí ne: «Wáh nírí nónóne n pɪ, ànê wáh yòhnìn mɔnɔ nónóne n pɪ yǎm tǎn tyí, Liyel yí me sé yõ. N dyɔ me n kwne á tyíle. ⁵ Núkúnúkú těne, nósýó wilki n tɛkɪ n mɔ Nsyope kwil, pé kyɪ Simo yó tě n pɔ, nê-á pé n ye Pyerile.

⁶ A me twáhntě́nóle sė́npi dí yó tyí, nê to yĩn-á Simole. N gbô me pne yo gbòpɔ.» ⁷ Kė́pah sɔkɔ, yĩnyõ tǒnpi-á welo nópi yo te Kɔrney tyí, té yal ñ tnô, Kɔrney núkú ñ tǒnpi díbí nēpí ní mí ye ànê srásyí yóle, nê-á sò me tě́nóle ñ tnô di mónóle, té me Liyel wě̀kì tě́nó ple. ⁸ Té me tyi nópi pól yãh pé tyí, té pè tekɪ mɔ Nsyope kwil.

⁹ Ké dındalle, pè sò me wě̀kì yõ sě, té pãh pópó n de Nsyope kwil sɔkɔ gbí nêne, gbí sò me yõtãh sírr kénkõ sɔkɔ, té Pyeri me dɔkɔ gbě́ntĩn yõ, me ní ríle n pi. ¹⁰ Kė́pah sɔkɔ, kwekɪ pɔ à tẽ; à sò me ké tyí ne, pé yõke yõ. Té pãh me yõkele n pi ñ tyí gbí nêne, Liyel wě̀kínó yóle à wě̀kì. ¹¹ A yĩnyõ we yíkínmɔnɔle, té kwãh yó me wil ké sɔkɔ, fwòpĩn-ñgbě́ yó sõ, ké vyě́yno rýáhle tě́nóle, té me n tiki n pi sétáh. ¹² Té gbyě́h ñyě́h yí duke pól sò me ké sɔkɔ, ànê yí nónó-à n til, à tãhl kèpye duke pól tyí. ¹³ Kė́pah sɔkɔ, Pyeri yĩnpõ yó noh kè me n yo ñ tyí ne: «Pyeri, yuku n ko sé sɔkɔ ñ kɔ.» ¹⁴ Nte Pyeri me Tě́ ñgbě́ syah ne, pãh pi sõ pile, pé náh dël kwãh yó ñtẽ yõ yah, kė́pah náh pi, kwãh yó ñtẽne, nê-á névile n silki Liyel yah. Kė́pah-á, pé náh kè pi n pi pólle. ¹⁵ Kė́pah tě́ne, yĩnpõ mè tõ ké syi yo à noh ke ní-òle ne ñkě: «Liyel-á kwãh nê wě̀kì kwãhpépě́yne, áwɔ tyí náh ké wě̀kínóle ne, kãh me névile n silki Liyel yah.»* ¹⁶ Kė́pah tẽ pi sě ke tǒnó, té Liyel núkú kė́ne kwãh yõ dɔkɔ sɔkɔ yĩnyõ.

¹⁷ Kãh pi sě, Pyeri lékám sò me fě̀kì, à me ñ gblõyne n piki n yah wě̀kínó nê-á à we, ké yõ-á kɪ fě́ n pi n pi tir nêne. A me kė́pah sɔkɔ, té Kɔrney tě́ntõ névye mó me sė́npi dí Simo gbô tyí piki yah kõ pɔ we, me yĩn tẽ ké yah, ¹⁸ té me n piki n yah ne, Simo nê-á pè n ye Pyerile, à se me twáhntě́nóle ásò sɔkɔ ni? ¹⁹ Nte Pyeri-á sò me yõ sɔkɔ ñ fɔkɔle n sò wě̀kínó mè tyí sɔkɔ sě, Liyel Mirki me yo ñ tyí ne à yah, díbí nēpí tǔmí-á me ñne n yah n kõ. ²⁰ Péwɔ-á tekɪ mɔ péle ñ tyí. Kė́pah-á, à yuku n tiki n sɔkɔ péle, à káh tòtò pi. ²¹ Kė́pah sɔkɔ, Pyeri tiki kyɪ no nópi tnô, té yo pé tyí ne, nê-á pè n yah n kõ, ñmɔ-á péwɔle. Nkě, pè kèyãh kõ. ²² Pè me yo ñ tyí ne, srásyíbí yõtẽ dí Kɔrney-á tõ péle ñ tyí. Négbí-á ñne, wãh Liyel yah tíkile n pi, ànê Nsyifunɔ pól-á ñ yíngbíle n yo. Yĩnyõ tǒnpi yó-á kéle à wě̀kì ne, wãh yĩne à pɔ ñ tẽ n kyɪ ñ gbô sɔkɔ, tyi nónó-á me á tyí yo yo tẽne, á sè yo à syah. ²³ Kė́pah sɔkɔ, Pyeri me pé kõ pè de gbô sɔkɔ, à twah ñ tyí à lékãh pi.

Té ké dındalle, à me pé sò tẽ sɔkɔ. Té Yesu yõ sěpú yísyó to sò sɔkɔ péle, nónó-á n wil Nsyope kwil. ²⁴ Pé sɔkɔ sò dındalle, pè kyɪ de Sesarɪ kwil; té kyɪ ne yah Kɔrney me ñ gbô tãn ànê ñ kódíbí kègblo ye tuke, me pɔ pè syɪkɪ tẽ. ²⁵ Pyeri-á pɔ n de gbí nêne, Kɔrney kyɪ à yohnɪ, té kɔ kwĩnki ñ yah, à à gbilki. ²⁶ Nte Pyeri me yo ñ tyí ne à yuku, té à yilki sah, té ne névi ó-á péwɔ tole dò. ²⁷ Pè me kė́pah yónó sɔkɔ wě́ tyí, té de yuku gbô à kyɪ no nópi we tükentě́nóle pípi. ²⁸ Pyeri me pé syah ne, pãh pĩ ne, dël-á kéle Nsyifunɔ tyí, pè náh n pi n soh wě́ tyí kwlókáhkí névyele, ànê pè náh n de pé gbèn sɔkɔ kè. Nte Liyel-á kéle péwɔ tẽ wě̀kì ne, pé náh yĩne pé ñnî yó ñtẽne n yah ne, wãh me silkínóle Liyel yah, kė́pah náh pi, ne à náh yĩne pínsòhnóle névye tyí. ²⁹ Kė́pah-á, pé kõ pãh pé ye pé pɔ yékãb pí-ńkěne. Nkě, pè se kɪ fě́ pé yénó yõ yo pé syah ni? ³⁰ Kė́pah sɔkɔ, Kɔrney me yo

* **10:15** 10.15 - Liyel lésò gbě́nkyo yísyó tyí yo Nsyifunɔ tyí ne, pè káh séle n kɔ. Yah n te Levitiki 11.

̀n tyí ne, ké sèp̀n òyèh-á yò, gbèkãm gbí mè ó kénkõ sòkò, páh lésò me níríle n pì pé wòkò sòkò. Té dõ, pé núkú dí yó we yínttèńóle pé yah ònne, wil flòle pèrr ò tyí, ³¹ té me pé ye pé yinne ne, Kòrney, Liyel-á pé nírí tẽ; ò dyò-á me n kwne pé pèpòrì pínó tyíle. ³² Képah-á, pé névyè wilki n teki n mò Nsyope kwil, pé kyì Simo ye n pò ásò, nê-á pé n ye Pyerile. Wâh me twáhnttèńóle sènpì dí Simo gbò sòkò, pne yo gbòpò. ³³ Káh pì sě, pé núkú névyè teki mò ò tyí ne, pé kyì à ye n pò. N tò mó tõ pì ple té fě syi pò. Núkúnúkú, pé pól-á ásò Liyel yah sòkò, ò welò noh yinne, nónó pól-á Tě ògbě dahbì ò gbò, ne à yo pé syah.

Pyeri Liyel wey yónóle Kòrney gbò

³⁴ Képah sòkò, Pyeri me wey tòkò té ne: «Núkúnúkú, mé pì kègbì yò ne, Liyel náh ònńi yó òtène n wah. ³⁵ Névi nê-à fyò ò yah tíkíle n pì, té me n kò gbì wèkì yò, tẽ-à sò me yìkì nê neyne, ò tyí n nò Liyel tyí. ³⁶ Nmò Liyel ye ò wey teki mò Yisrayel tãń tyí, à Nìvìnì tir yo pé tyí ne, yèvinì-á n we Liyel tyí Yesu Krista gbò yò, òmò nê-á no pól Tě ògbène. ³⁷ Nsyò-á kwní kò te ni sòkò wèlnwìlkìńó tyí sòkò, képah náh, nê-á pì Kalile gběnyah ògbò sòkò ànê Nsyude gběnyah pól sòkò, yé se mó kè pì té! ³⁸ Té Liyel sò me Nasaretì kwil Yesule. A ò Mirki ànê tènwenòle à kò. Képah ye, à me n kò n kò tãńtãń pól sòkò, à pèpòrile n pì, té nónó pól-á sò me sètãń yòtẽ yòrì sòkò, à sò me péle n wilki ké sòkò. ³⁹ Té wãh tyi nónó pól pì Yerusalemì kwil ànê Nsyifunò kwilo téló sòkò, á pól ye sè we yíne. Nte pé me à tẽ syi dahńi yò, à à kò mò. ⁴⁰ Té ké sèp̀n tõ-ò sòle, Liyel me ò lékó yilki mò, té à kò à ò gblòyne no wèkì, ⁴¹ òte à náh ò gblòyne no pól wèkì. A ò gblòyne ápi ó wèkì, ápi nónó-á lésò Liyel yah tòkò pì Yesu lékó yìlkinmòno wépu ànê sé yáhpúle. Ápi lésò yòke yò, té wò wò kwâh wò òne wè tyí, ò lékó yìlkinmònteno náh. ⁴² Képah sòkò, à me á tõ ne: <Yé kyì Liyel weyne n yo n kò no tyí. Yé kéle pé wèkì ne, òmò-á Liyel sah vye ànê lékyì tükè-òle.> ⁴³ Nmò Yesu tyí ye tõ Liyel tẽntò syínyopu pól yo ne, névi nê-à sě òmò yò, tẽ tyípèl-á kù yò mò à kò òmò yìn yò.»

Liyel Mirki nòsyó tòkò, nónó náh pì Nsyifunòle

⁴⁴ Képah sòkò, Pyeri sò me wékìńó sòkò sě, té Liyel Mirki tiki ò wey òhńìpu pól yò. ⁴⁵⁻⁴⁶ Liyel-á Mirki nê kò, káh tõ mò névyè yò nónó náh pì Nsyifunòle, pé kò pé wénkàhkìńóle n weki nónó-á pé náh sè sãh, té Liyelle n gbilki sě, képah pì gbèndùnìne Yesu yò sěpu Nsyifunò tyí, pépi nónó-á sò pò ànê Pyerile. ⁴⁷ Képah sòkò, Pyeri ne: «Névyè nónóne Liyel Mirki we te ápi tyí kòle, á kù fě yahle sò ne, pé káh n wel n wilki ni sòkò?» ⁴⁸ Té me pé kò pé Kòrneypi wel wilki ni sòkò Yesu Krista yìn yò. Képah sòkò, pépi mó Pyeri ni ne, à wũ sèp̀n yísyó pì péle.

11

Pyeri-á nê yo Yerusalemì kwil Yesu yò sěpu tyí

¹ Té Yesu tẽntò névyè ànê Yesu yò sěpu téló nónó-á sò me Nsyude gběnyah sòkò, pé kè noh ne, nòsyó tò-á me Liyel wey fě syi, nónó náh pì Nsyifunòle. ² Képah tẽne, Pyeri-á pò ò syi kyì Yerusalemì sòkò gbí nêne, Yesu yò sěpu Nsyifunò kyì tyah lékàhle òne n kò, ³ té ne, à se sònpì kyì de, à yòke tòle n yò névyè ònne, nónó náh pì Nsyifunòle nì?

⁴ Képah sòkò, tir mè-á pì sǒ, Pyerì ké yah yo wah pò dal mò pé tyí wárwár nɛ, ⁵ páh sǒ mè Nsyope kwil mè nírlɛ n pì, té Liyel wěkínó yóle pé wěkì. Páh kwâh yó wɛ kè mè wil yînyô fwòpìn-̀ngbě yó sǒ, ké vyěyno nýáhle tǔnóle, té mè n tiki n pì à pò yîni tǔ pé tnô. ⁶ Páh mè ké yáhnó sòkò díkídíkí, pé yípěy wɛ ké sòkò, ànê gběnkɔle, ànê yî nónó-á n til, à tahlì kèpye tyí. ⁷ Képah tǔ sòkò, pé yínpǒ yó noh kè mè n yo pé tyí nɛ: «Pyerì, yuku n ko sé sòkò ò kò.» ⁸ Nte pé mè yo yínpǒ mè tyí nɛ pé Tě ògbě, pé náh képah pì n pì, òkě páh pì sǒ pile, dèl kwâh yó òtǔ náh de yah pé vyâh ànê kwâh yó òtǔnɛ, nê-á névile n silki Liyel yah. ⁹ Képah tǔnɛ, yínpǒ mè tǔ wil yînyô, mè n yo nɛ òkě: «Liyel-á kwâh nê wěkì kwáhpépěyɛ, áwò tyí náh ké wěkínóle nɛ, káh mè névile n silki Liyel yah.» ¹⁰ Képah tǔ-á pì sǔ kɛ tǔnó, té Liyel mè tǔ kéne kwâh tòkò dòkò yînyô.

¹¹ Té légbí mè ó sòkò, díbí nɛpí tǔmí mò mè pò yîn tǔ péwò mé-̀nsah gbô yah sòkò. Nnî-á tǔ péle Sesarì kwil, pé pò péwò tyí. ¹² Té Liyel Mirki mè yo péwò tyí nɛ, pé sòkò péle, pé káh tǔtò pì. Pé yúnpyé nɛpí kénúkò nónó-á yò, pépì mè pé sǒ tǔ à yuku Sesarì kwil. Pé pól kyì de Kòrney gbô sòkò. ¹³ Képah sòkò, Kòrney tò mò yo pé tyí nɛ, páh sǒ mè pé gbô sòkò, té yînyô tǔnpì yó wil mò pé yah, té yo pé tyí nɛ òkě, pé nɛy tekì n mò Nsyope kwil. Tǔ kyì Simo tǔ n pò, nê-á pè n ye Pyerìle. ¹⁴ Wáh kì pò welò yísyó yo pé tyí, nónó-á kì pé pwah mò ànê pé gbô tǔn pólle. ¹⁵ Kòrney-á képah yo tɛ sǔ péwò Pyerì tyí, té pé fyò tyah à tyile n yo pé tyí, Liyel Mirki tiki Kòrney pì tò yô, sǔ-á lésò kè tiki pépì yô ké tyah gbíne. ¹⁶ Káh pì sǔ, péwò dyò tò kò Tě ògbě Yesu wɛy mè tyíle, wáh nê yo nɛ òkě: «Nsyô névye wel wilki ni sòkò, nte yépi tǔ wòle, Liyel kì yé tǔ sah ò Mirkile kì yé pì yályál.» ¹⁷ Nte pépì-á sǔ Tě ògbě Yesu Krista yô, té Liyel mè ò Mirki nêne pépì kò, wáh fyò kéle no nòpì tò kò tɛ pépì tyí kòle, nê se péwòle kì fě Liyel tir yah kò nì? ¹⁸ Képah sòkò, névye-á welò nòpì noh sǔ, pé pól vì, té Liyel yinne n gbilki mè n yo nɛ, Liyel-á ntyínò ké wěkìle névye tò kò nónó náh pì Nsyifunòle, pé kì fě pé nno vì mò, kì tyé-òkě min wɛ dé!

Antyosyì kwil Yesu yô sǔpú tǔnkìle

¹⁹ Yetyěni ko mò gbíne, pé sǒ mè Yesu yô sǔpúle n fòh. Képah ye, pé to karkì. Pé tókò sòkò Fenisi gběnyah, tókò sòkò Syipri gběnyah, tókò mè sòkò Antyosyì kwil. Té pé náh sǒ mè Yesu tyíle n yo nnî yó òtǔ tyí, né Nsyifunò ó tyí náh. ²⁰ Nte tókò sǒ mè pé sòkò, nónó-á n wil Syipri gběnyah sòkò ànê Sirenì kwil. Pépì-á pò Antyosyì sòkò, pé sǒ mè Nìvìnì tirlɛ n yo no téló* tò tyí Tě ògbě Yesu tyí sòkò. ²¹ Té Tě ògbě sǒ mè tǔnwɛnòle péle n kò. Káh pì sǔ, névye náhnáh vì mò Tě ògbě Yesu wěkì yô, à pì ò yô sǔpúle. ²² Képah tǔnɛ, Yerusalemì Yesu yô sǔpú tǔnkì-á képah noh sǔ, pé Barnabasì tekì mò Antyosyì sòkò. ²³⁻²⁴ Barnabasìle, nɛpépěy ye lésò ònɛ. Liyel Mirki sǒ mè à tòkò, ànê Liyel yô sǔnó mè ò sòkò kègbìle. Képah ye, wáh kyì yîni tǔ, té Liyel pèpòrì pínó wɛ nɛnpó Yesu yô sǔpú tyí sǔ, ò nì vì. A mè sòré mò pé pól sòkò nɛ, pé gbah tǔ pé wró tel tǔ Tě ògběne pé nno pólle. Képah tǔnɛ, tówù ògbě fě syì sǔ Tě ògbě Yesu yô. ²⁵ Képah náh, Barnabasì sòkò Tarsì kwil, Sole yáhnkò-̀nsah. ²⁶ Wáh kyì à wɛ, à à tǔ pò Antyosyì sòkò. Pé

* **11:20** 11.20 Yah n tɛ Welò yah yónó sòkò, nýâh-á Krèkì tyíle n yo.

nímí tē à yi vi pól pɪ nénpó Yesu yō sēpú t̄inkìlɛ, à névye náhnáh tɔ we kwɔ Yesu wēkìlɛ. Nénpó ñgbò sɔkɔ ye pè Yesu t̄ò sáhpú ye Kreyēbɛlɛ.

²⁷ Tē kéne sèp̄ìn sɔkɔ, Liyel tēntò syínyopu yísyó wil Yerusalemɪ kwil, à pɔ Antyɔsyɪ sɔkɔ. ²⁸ Pé sɔkɔ núkú yó sò me pè n ye Akabusilɛ. Tē Liyel Mirki gbò yō, ñmɔ yuku kè yo ne ñkē, dō kwéy, kwénpékè-á kɪ n de n pi kèkōyó pól sɔkɔ. Képah pínó pɔ Klode we, Wrome kwiltām yōtēne. ²⁹ Képah sɔkɔ, Yesu t̄ò sáhpú kè yah tɔkɔ, à yīne pé nénúkú núkú pól gbàn yī wénónɔle ne, páh kɪ pé gbàn yī yísyó tuke mɔ, kɪ tɛkɪ mɔ Yesu yō sēpú kō Nsyude gbēnyah sɔkɔ. ³⁰ Páh kè yah tɔkɔ sō, pè kè pɪ sē, tē me yī nópilɛ Barnabasɪ ànê Sole gbò dahbɪ, pépi me kyɪ séle Yesu yō sēpú yah tām kō.

12

Nsyakɪ kònmɔnɔ ànê Pyerɪ dahnmɔnɔlɛ wòkònpèkè sɔkɔ

¹ Ké légbí mè sɔkɔ, yōtē dí Yerɔdɪ tyah Yesu yō sēpú t̄inkì névye tókú fóhnóle Yerusalemɪ kwil. ² A Nsyō nénkyí dí Nsyakɪ ko mɔ kèkirkìlɛ. ³ Tē wáh kè we yī mè nɔ Nsyifunɔ tyí sē, à t̄ò Pyerɪ tɔ tē. Légbí pɔ yīne Nsyifunɔ búrn sē-ñkē syáh syáhnóle. ⁴ Wáh Pyerɪ tē sē, à me à dah mɔ wòkònpèkè sɔkɔ, tē sràsyíbí nép̄ì ñyêh t̄inkínó nýáh névye kō pè wēne n sah, à ñne n syɪkɪ. A sò me ké tyí ne, búrn sē-ñkē syáh-à kɪ sɔkɔ tɛ, pé à tuke no pól yí yah. ⁵ Pyerɪ yah sò me víkénóle wòkònpèkè sɔkɔ, ñte Yesu yō sēpú t̄inkì mó me Liyelle n gbah n ni ñ tyí.

Liyel-á gb̄il nê pɪ, à Pyerɪ wilkɪ wòkònpèkè sɔkɔ

⁶ Tē sò nê d̄indal-á Yerɔdɪ kɪ Pyerɪ tuke n pi, ké lékâhne, Pyerɪ sò me púkúbínsàhnóle kéló pló nínóle, tē me n dɔ sràsyíbí nép̄ì nímí wró. Tē wòkònpèkè mè syíkípú sò me ké yah, me kéle n syɪkɪ. ⁷ Nte nénpó swɔ, Tē ñgbē yīnyō t̄ònpɪ yó núkú wil mɔ wòkònpèkè mè sɔkɔ, ké sɔkɔ pól piki pèrr. Yīnyō t̄ònpɪ mè me Pyerɪ mɪ mɪ ñ gbòpɔ tyí à à yilki mɔ, tē yo ñ tyí ne ñkē, à yuku súú. Képah sɔkɔ, kéló nópɪ núkú kōlɪ to Pyerɪ gbàn tyí, à kwe sétáh. ⁸ Képah tēne, yīnyō t̄ònpɪ t̄ò yo ñ tyí ne, à ñ kō dɪ ànê ñ lékyêhlɛ. A me kè pɪ sē. Yīnyō t̄ònpɪ mè t̄ò yo ñ tyí ne, à ñ fwòmò-ñgbē mɔ, à mó pé sò tē. ⁹ Pyerɪ me ñ sò tē, à wil. Tē yīnyō t̄ònpɪ-á tyi nónóne n pɪ, Pyerɪ náh sò me sē sé yō ne gblɔ-á séle. A sò we ne dékí-á pé n dɔ. ¹⁰ Pè wòkònpèkè syíkí-ńsah gben kal sɔkɔ, tē ké ní-ò tɔ kal sɔkɔ, tē kyɪ syɪ vyɔrɪ wùkah gb̄íní tyí. Képah yah sò me mónóle kwil nɪyó t̄inne. Ké to núkú yɪkɪ mɔ ké gblōy. Pè me wil à wēkì tē n yuku. Dō, Pyerɪ núkú yīnyō t̄ònpɪ mè yah kwlɔ. ¹¹ Képah sɔkɔ, Pyerɪ yah pyē pɪ kyò yī mène. A me ne núkúnúkú, páh pyē kè p̄i yī ne, Tē ñgbē-á t̄ò ñ yīnyō t̄ònpɪlɛ à pɔ pé pwah mɔ wilkɪ Yerɔdɪ gbò ànê Nsyifunɔ-á sò me pèl nónónɛ n syɪkɪ ne, sè péwɔ nɔ. ¹² Tē Nsyō nê-á pè n ye Markɪlɛ, Pyerɪ-á ñ fɔkɔ sò yah, à sɔkɔ ñmɔ yú Mari gbô. Nírí pípú náhnáh sò me tuke mɔ tē nénpó, me Liyelle n ni. ¹³ Tē Pyerɪ-á pɔ gbô yah mɪ, t̄ònpɪ pípír yó me pè n ye Wrodele, ñmɔ me nɔ de kéle, tē píkínyahnɔ pɪ ne, nê se nɪ? ¹⁴ Képah sɔkɔ, Pyerɪ-á yo mɔ, à ñ yí p̄i. Ké ñv̄ìnì tē tyí, à pyē gbô yah sah yíkínmɔ-ñkēne tē ñ syɪ to kyɪ kè yo no téló tyí ne ñkē, Pyerɪ-á me ȳinntēnóle gbô yah. ¹⁵ Nte pè pyē ne,

pípír yògbèkè-á yuku. Tέ wǎh me kéle n gbah n yo ne gbi-á pé n yo, pé tǒ ne níkě, Pyeri mírkí-á kú nê à wε. ¹⁶ Nte Pyeri wɔ mó me wùkahle n tǒ n mí sě. Képah sɔkɔ, pǎh pópó pɔ wùkah yíkú mɔ, pé kè wε kè pí ñmɔle ntyínɔ. Kè pí pé tyí gběndùnñe. ¹⁷ Pyeri me ñ gbǒ pí mɔ pé tyí ne, pé pé vyěy vike. Tέ Liyel-á à yohnú mɔ dùkù nêne à kǒ à wil wòkònpèkè sɔkɔ, à de ké sɔkɔ à kè yǎh pé tyí. Tέ yo pé tyí ne níkě, pé kyí kè yǎh Nsyakú ànê pé yúnpyé Yesu yò sěpú téló tyí. Képah nǎh, à pyě wil sɔkɔ fí yó.

¹⁸ Nte tyah-á pɔ dal, sràsyíbí fɔkɔ fil Pyeri tyíle. Képah sɔkɔ, pé wěne n piki n yah ne, ñ tyí se pí sǒ ní? ¹⁹ Képah tēne, Yerɔdú pé kǒ pé mí de Pyeri sóhnikòɔ sɔkɔ. Nte pé nǎh à wε. Kǎh pí sě, à me wòkònpèkè syíkípú ye pɔ piki yah, té ne, pé pé ko mɔ. Képah nǎh, Yerɔdú wil Nsyude gběnyah sɔkɔ à kyí sèpìn yísyó pí Sesarú kwil.

Yòtě dí Yerɔdú kúnóle

²⁰ Tiri kwil ànê Sidǒ kwil tǎn-á sǒ me gběnyah nê sɔkɔ, ké yòke lésǒ me n wil yòtě dí Yerɔdú gběnyah sɔkɔ. Tέ yékâb-á pɔ wε pé wró ànê Yerɔdúle, Yerɔdú fɔkɔ kah vyǎh péle. Kǎh pí sě, pépi me yo sah núkú yò ne, pǎh kú kyí wil Yerɔdú tyí. Képah yinne, pé kyí pé sǒnɔ pí núkúle ànê Yerɔdú sě-ńsah wòkò yòtēne, nê-á pé n ye Blasítusile, ne pé kyí yégbékè kwrónmɔnɔ yah kǒ Yerɔdú tyí. ²¹ Pǎh gbǐyǐkǐ nê yah tɔkɔ, ké lésǒ-á nɔ, Yerɔdú ñ yòtǒrí flo mɔ pɔ kǒ tē ñ yòtǒrí kǒ yò, à tyah wey yóle n yo tówú tyí. ²² Képah tēne, névyé tyah n gbo mɔ ne, névi tē wɔ nǎh n wekú yò dé, Liyel-á! ²³ Képah sɔkɔ, Yerɔdú-á sǒnpí gbílkinó mè fě syi, nê-á sǒ yīne sàhnóle Liyel yò, Tě ñgbě yīnyò tǒnpí yó núkú à mí, kèfyǒ me gbo ñ sɔkɔ, à à yò ko.

²⁴ Nte Liyel wey sǒ me n gbah n tǒ mɔ n yuku óle. ²⁵ Tέ Barnabasú ànê Sole wɔ-á pé tǒ pí te Yerusalemú kwil,* pé Nsyǒ-Markú tē pé syí sɔkɔ Antyosyú kwil.

13

Barnabasú ànê Sole tékínmɔnɔle Liyel tǒ sɔkɔ

¹ Liyel tǔntǔ syínyopu ànê névyé kwópú sǒ me Antyosyú kwil Yesu yò sěpú tǐnkǐ sɔkɔ: Barnabasú sǒ me, ànê Solele, ànê Simeyǒle, nê-á pé n ye Dísyíkèyne, ànê Sirenú kwil Lusiyusile, à tahlú Manayě tyí, ñmɔ nê-á sǒ kǒrú pí wě tyí Kalile gběnyah yòtě dí Yerɔdúle. ² Sǒ yóle, pǎh me níkǐ tē, té me Tě ñgbě Liyelle n ní gbí nêne, ñ Mirki yo pé tyí ne: «Yé Barnabasú ànê Sole wilki pé tyíle. Pé kú tǒ pí, nê yīn-á mé n ye péle.» ³ Képah sɔkɔ, pé níkǐ tē,* à nírí pí pé tyí à pé gbǎn sah pé yò, té pyě pé fin mɔ pé sɔkɔ.

Barnabasú ànê Sole Liyel wey yónóle Syipri sɔkɔ

⁴ Liyel Mirki-á Barnabasú ànê Sole tǔkú mɔ tǒ sɔkɔ sě, pé me tiki yuku à kyí de Selesi kwil. Tέ de krótókè ñgbě yó sɔkɔ nénpó, ne pǎh n yuku gběnyah yó sɔkɔ pé n ye Syiprile, pne yo nuyó. ⁵ Pǎh yīni tē ké kwil yó sɔkɔ pé n ye Salaminine, pé tyah Liyel weyne n yo Nsyifunɔ Liyel ní-ńtǎn vɔ sɔkɔ. Tέ Nsyǒ-Markú tɔ sǒ me péle, pé yohnú n mɔ yinne.

* **12:25** 12.25 - Yah n te 11.27-30. * **13:3** 13.3 - Níkǐ tēnó duke me dò. Tέ Nsyifunɔ tē wɔ tyí, pǎh níkǐ tē, ké kanne, pé nine n wɔ, té pé nǎh yòkele n yò.

6 Pè me Syipri mè kan kò kah, à kyí de ké kwil yó sòkò pè n ye Pafòsile. Pè kyí Nsyifunò sènpí dí yó yohní, nê-á pè n ye Bar-Yesule. Nmo sò me n gblòyne n pí Liyel tǔntǔ syínyo-òle. 7 Té à sò me wě tyí ànê Syipri yah tǔ-ò dí Serísyusi Polusile, nmo nê-á lésò lékám névile. Té Liyel wey noh déké sò me Serísyusi Polusi tǔ. Képah ye, à pè kǔ pè kyí Barnabasí ànê Sole ye. 8 Nte sènpí dí Bar-Yesule, pè tǔ sò ònne n ye Yelimasile Krekí wey sòkò. Nmo sò me Barnabasí ànê Solele n fwo. A sò me n yah n kǔ Syipri yah tǔ-ò dí yíninmò-ńsahle, ne à káh sǔ Yesu yǔ. 9 Képah sòkò, Sole nê-á tǔ pè n ye Polele,† Liyel Mirki à tǔkò, à me sènpí dí yah díkídíkí, 10 té yo n tyí ne: «Áwò nê-á lékámkám ànê yínvì ó á tǔó, sétǎn yǔtǔ névi mè; gblò wǎl pól sépéle áwòle, Tǔ òngbǔ wǎl tómtóm fǔkínó yal mǔ dé! 11 Núkúnúkú tǔne, Liyel gbò kí sah á wil. Á kí pí yítǔne wró yó sòkò, á nǎh tǔ gbí kyòò we n pí.» Képah yóntenò òsǔ, n yí núkú wǔ, à n gblǔy we fǔntǔ sòkò, té tyah n kò n kore n vi n kǔ, à neyne n yah n kǔ n gbò sòkò tǔ tǔ tǔne. 12 Képah sòkò, Syipri yah tǔ-ò dí-á Liyel tyí-òngbò pínó we, té kwónó nê noh, sè n n tǔ. Kǎh pí sǔ, à sǔ Tǔ òngbǔ Yesu yǔ.

Pole ànê Barnabasí-á kwónó nê pí Antyosyí kwil, Pisidi gběnyah sòkò

13 Képah nǎh, Pole ànê n kómú de krótókè òngbǔ sòkò, à yal Pafòsí kwil, té yuku Persyí kwil, Pǎnfili gběnyah sòkò. Pǎh me nǎnpó, Nsyǔ n gbe wil pé sòkò, à n syí yuku Yerusalemí kwil. 14 Nte Polepí tǔ wǔ mó yal Persyí kwil, à yǔ sòkò pé kólóle, pópó à kyí de Antyosyí kwil, Pisidi gběnyah sòkò.‡ Té Nsyifunò mǔ mǔ yòh sǔ-á pǔ nǔ, pè kyí de kǔ tǔ péle pé Liyel ní-ńsah wòkò sòkò. 15 Képah tǔne, ònǔ yó me tyí kǔnsǎhnó ànê Liyel tǔntǔ syínyopu sébéynó tǎntǎnnó yísyó kar. Wǎh kar te, Liyel ní-ńsah wòkò yah tǎm me pè kǔ pè yo Polepí tyí ne, pé no, welo yísyó-à kí me pé tyí sóré mǔ mǔ tǔne tówú sòkò, ké wǔkí-á me pé tyí. 16 Képah sòkò, Pole me yuku yín, té n gbò pí mǔ no tyí ne, pè noh pé tyí yò. Té yo pé tyí ne: «Yisrayel tǎn, à tǎhlí nónó-á Nsyifunò nǎh péle, té me Liyel yah tíkíle n pí, yé nǔhnó pí n tyí. 17 Ápí Yisrayel tǎn Liyelle, à ápí nǎh tǎn yah wilki. A tǔ Yisrayel tǎn pí dò, gbí nê-á sò pè me Yesyiptí gběnyah sòkò; té tǔ n tǔnwenóle pè wilki ké sòkò. 18 Té à pè puš gběnní sòkò pópó ye tikiníní kénkǔle. 19 Képah nǎh, à yíkínínó kwǎrnínó névye kò mǔ, à pé duku to Kanah gběnyah sòkò, té pé sétǎhle Yisrayel tǎn kǔ gběkúle. 20 Tyí nǔpí pól-á pópó n pí n te, kè nǔ ye kyeyéh tikiníní pó gbǎm (450) kénkǔle. Képah nǎh, á nǎh tǎn sòkò ye Liyel n wilki á vyǎh syípúle, pópó à pǔ nǔ Liyel tǔntǔ syínyo-ò Samuyelí gbí tyí. 21 Té sǔ yóle, pè me kè yah kǔ Liyel tyí ne, pǎh me yǔtǔ yó tyí. Képah sòkò, Liyel me Kisi pídí Sawulí pí pé yǔtǔne, pópó ye tikiníní. Té Sawulile, Běnsyame yíkí ney ye sò ònne. 22 Nte Liyel-á pǔ òmǔ milki gbí nǔne, à me Davidí pí pé yǔtǔne. Davidí tyí sòkò ye lésò Liyel yo ne ńkǔ: «Mé wil mǔ n dyo yǔ ney yǔ, òmǔ nê-á Nsyese pídí Davidile. A kí n dyo yǔ tyí pól pí dal mǔ pallé.» 23 Liyel ye lésò n vyǎhle Davidí kǔ ne, Yisrayel pwǎhnmò-ò-á

† 13:9 13.9 - Solele, Nsyifunò ye n ye ònne sǔ, té Wrome tǎn me ònne n ye Polele. ‡ 13:14 11.19 - Antyosyínò sò me nínó. Núkú sò me Pisidi gběnyah sòkò, ní-ò me Siri gběnyah sòkò. Nte Siri gběnyah Antyosyí sòkò ye sò pé kóló mè tyah. Yah n te Tyípínì 13.1-4. § 13:18 13.18 - Púnó nê tyí-á n yo ásò sòkò yò, yòke ó nǎh sò Liyel péle n kǔ. A sò me pé nǔle n gbe, à n tǔ n sah n pí pé tyí.

ki dubi òmò pètóbé sòkò. Kéne pwáhnmo-ò ye pò pí Yesule. ²⁴ Té Yesu-á pópó n pi, wèlnwìlkì-ò Nsyõ ye yo Yisrayel tãn pól tyí ne, pè pé nno vi mo, pè mó wèlnwìlkínó we. ²⁵ Nte Nsyõ tò-á pópó pò n tyé, à me n yo névyé tyí ne òkě: «Yépi tẽ sònò sòkò, nê me òmòle? Yé káh we ne, pwáhnmo-ò nê pónó-á yé syki tẽ, òmò-á òmòle dé! Nte yé yah, à me n kne pò-nsah. Té òmò òtẽ fòróo kah ò lékyèh fyé dénóle ò gbyèh sòkò.»»

²⁶ Képah náh, Pole tã ne: «Á no, yépi nónó-á Abrahami pètóbéle, à tahlí Liyel yah tíkí pípú pól tyí, pwáhnmo-ò wey mè ye tekí mò ápi pól yinne.

²⁷ Nte Yerusalemi tãn ànê pé yòtãm náh lésò pí ne, Yesu-á pwáhnmo-òle. Té Liyel tẽntò syínyopu welo nónó-á n kar pé tyí Nsyifunò mi mi yòh sònó pólle, pè náh sé yò pí. Kéne welo tyi yónó ye lésò pè pí dal mò, pãh lékãhle Yesu kò. ²⁸ Pè náh Yesu tyípíní yó òtẽ we, nê-á yĩne ò kònmo-òle. Nte pè kè yah kò Pilati tyí ne, à à ko mò. ²⁹ Té Liyel wey-á tyi nónó pól yo Yesu tyí sòkò, pãh pò sè pí dal mò te gbí nêne, pè ò lékó tiki mò to dahní yò, té kyí à yĩ diki yó sòkò. ³⁰ Nte Liyel me ò lékó yilki mò. ³¹ Képah náh, névyé nónó-á lésò ò sò tẽ yal Kalile gbènyah, à doko yuku òne Yerusalemi kwil, à ò gblòyne pépi wèkí sèpìn nãhnãh sòkò. Kéne névyé nópi ye me ò tyi yónwãhu kègblòle Yisrayel tãn yah núkúnúkú yò.

³² Nte ápile, Nìvìnì tir ye ápi tò n yo yé tyí yò ne òkě: Liyel-á ò vyãhle á náh tãn kò nê tyí yò, ³³ képah-á à pí dal mò ápi tyí, ápi nónó-á pí pé wènpìle. Wãh Yesule á kò, à yĩne kãh wãrkí sah sò Gbálnó sébéy yìkí ní-ò sòkò ne òkě:

«Nmò Pídí ye ále;

à tokò kwey tyí, òmò ye á Súle.»*

³⁴ Liyel ye lésò kwãh tẽ kè yo sah ne òkě, Yesu-à pò ku, à náh n pyãh n pi. Páh ki ò lékó yilki mò. A tã lésò kè yo dal mò ne òkě:

«Máh lésò ò vyãhle Davidi kò nê tyí sòkò,

mé ki kè pí yé tyí, ki sãm mò yé sòkò,

tir yó náh ké òkò ku n pi.»†

³⁵ Képah ye Davidi yo fí yó sòkò ne òkě:

«Á náh n ye á tònpi pèpey lékó kò

kè n pyãh n pi.»‡

³⁶ Nte Davidi tẽ wò gbí sòkò, à Liyel tò pí ké wèkí yò. Képah náh, à me ku pè kò pè yĩ ò náh tã lékyì tñò, ò tò lékó me pyãh. ³⁷ Nte Liyel ye Yesu lékó yilki mò. Nmò lékó tẽ wò náh pyãh dé! ³⁸ Á no, yé pí ne, òmò Yesu gbò yò-á tyípèl yònmò-ò tyí we yo yé tyí dé! Moyisi tyi kònsàhnó náh tẽ we yé yò wìlki tyípèl nónó sòkò, ³⁹ névi nê-à sè Yesu yò, tẽ yò ki wìl sé pól sòkò, à ki fè nò de Liyelle.

⁴⁰ Képah ye, yé kyòmìnó pí, yé káh pò Liyel wey mè yahle. Képah-à pí-òkène, Liyel tẽntò syínyopu-á tir nê yo sah, kè ki pò yé yĩni tẽ. Pè lésò ne òkě:

⁴¹ «Yé yah, wènyìkí wékípú nópi,

yé ne me gbèndùnì sòkò, yé mó ku tẽ yò!

Máh ki pò nê pí n pi yé sòkò, té ki yé sah min sòkò;

névi-à sò sò pò kéle n yãh yé tyí,

yé náh n sè n pí ké yò.»§

* **13:33** 13.33 - Yah n te Gbálnó 2.7. † **13:34** 13.34 - Yah n te Yesayi 55.3. ‡ **13:35** 13.35 - Yah n te Gbálnó 16.10. § **13:41** 13.41 - Yah n te Yabakuki 1.5.

⁴² Sépi yóntenò náh, Pole ànê Barnabasí-á n wil Liyel ní-rísah wòkò sòkò gbí nêne, no tyah péle n ni ne, mi mi yòh kèyähle, pè tǒ pò pé syi pé wey mè ó yǒ. ⁴³ Képah náh, tówû-á pò karkí gbí nêne, névyè náhnáh Pole ànê Barnabasí sò tǔ. Nsyifunò ye sò, à tahlí névyè tyí, nónó-á vi mǒ de Nsyifunò Liyel nínó wěkì sòkò. Té Pole ànê Barnabasí sò me n yáh péle, à pé sǒnole n vi n mǒ ne, Liyel-á pèpǒri nê pi pé tyí, pè ké tǔnó ple.

Pole ànê Barnabasí Liyel wey yónóle névyè tyí, nónó náh pi Nsyifunòle

⁴⁴ Képah sòkò, Nsyifunò mi mi yòh kèyäh-á vi pò, kwil névyè kan pò tuke mǒ Liyel wey noh yǐnne. ⁴⁵ Nsyifunò-á kéné tówû we sǔ, dyóyókì de pé sòkò kèpékèyó. Pè tyah Pole weyne n kǒlì, à ké tyíle n yo n yíkì. ⁴⁶ Képah sòkò, Pole ànê Barnabasí kè yo nìsähle pé tyí ne: «Yépi ñgbò tyí ye Liyel wey sò yǐne kè yo. Nte yáh fyò kè yahle, té kè wěkì ne yé náh yǐne tyé-ńkě min wénóle, kǎh pi sǔ, ápi kí á yah mǒ névyè tǐnne núkúnúkú, nónó náh pi Nsyifunòle. ⁴⁷ Tǔ ñgbě Liyel-á nê yo, képah ye á n pi dò. A kè yo ne ńkě: <Mé ye ñ sah ne á pi kyòole névyè tyí, nónó náh pi Nsyifunòle, á mó kyí pwáhnmǒnò wey yo kèkǒyó pól sòkò.>»*

⁴⁸ Képah sòkò, nónó náh pi Nsyifunòle, pǎh welò nǒpi noh sǔ, pé ni vi, pè tyah Tǔ ñgbě Liyel weyne n gbilki. Té névyè nónó pól-á sò yǐne tyé-ńkě min wénóle, pé pól sǔ Tǔ ñgbě yó.

⁴⁹ Liyel wey núkú tǒ mǒ kéné gběnyah tǎntǎn pól sòkò. ⁵⁰ Té syó né-ñgbnò yísyó sò me, nónó-á me Nsyifunò Liyel wěkìle n kò. Kǎh pi sǔ, Nsyifunò me pépi ànê kwil né-ñgbnò yísyó kurki mǒ Pole ànê Barnabasí yó. Pè me tyah Polepile n fǒh, té pé yǐni yal pé sétáh yó. ⁵¹ Pǎh mó n wil kéné kwil, pé pé gbyěh nèngbǒ kwer kwe ké sòkò, té sòkò Yikonyumi kwil. ⁵² Nte Antyosyi kwil Yesu tò sǎhpú tǔ wǒ sò me nìvìni ñgbě sòkò, té Liyel Mirki me pè tǒkò.

14

Pole ànê Barnabasí Liyel wey yónóle Yikonyumi kwil

¹ Képah sòkò, Pole ànê Barnabasí-á yǐni tǔ Yikonyumi kwil, pè tǒ de yuku Nsyifunò Liyel ní-rísah wòkò sòkò. Té tyah Liyel weyne n yo, fók Nsyifunò ànê nónó náh pi Nsyifunòle, pé náhnáh vi mǒ pi Yesu yó sǔpúle. ² Nte Nsyifunò sòkò nónó-á sò yahle sǔnóle Yesu wey yó, pépi nékǎhbí kurki mǒ Yesu yó sǔpú yó. ³ Nte képah fyé yó, Pole ànê Barnabasí tǒ tǔ à mǒ Yikonyumi sòkò. Pé gbò sǎhnyǐnò sò me Tǔ ñgbě yó pè kǒ pè n wèkì nìsähle. Té à sò me pé yah tǔ pè kǒ pè gbìl tyíle n pi, gbìl nónó-á n wěkì ne, pǎh welò nónónè n yo Liyel pèpǒri pínó tyí sòkò, gbló-á séle. ⁴ Nte kwil névyè gbekì. Pé tókú sò me mǒ Nsyifunòle, tókú mó me mǒ Yesu tǔntò névyèle. ⁵ Képah sòkò, Nsyifunò ànê nónó náh pi Nsyifunòle, à tahlí pé yǒtǎmnó tyí, pé wě tyí mǒ ne, pé Pole ànê Barnabasí fǒh, pé mó pè minki ko dyéhle. ⁶ Nte Pole ànê Barnabasí-á pò pǐ ké sòkò, pè to sòkò Lisitir kwil, ànê Deribí kwil, ànê sé gbòplo kwilo sòkò, Likawoni gběnyah. ⁷ Té yó sòkò, à Nìvìni tǐrle n yo n kǒ nǎnpó.

Sèkùkù dǐ yó dénmǒnòle Lisitir kwil

* 13:47 13.47 - Yah n te Yesayi 49.6.

⁸ Té dí yó lésō me Lisitir kwil, gbyêhne kúnóle. A sò dubi sèkùkùle, à náh tẽ we ko yah. ⁹ Té sō yóle, Pole-á n weki, kéné dí sō me n weyne n nohni. Képah tẽne, Pole tyah díne n yah díkídíkí. Té wáh kè we ne Liyel yō sēnó-á me dí mè tyí ki fē dénmōnō we Liyel tyí, ¹⁰ à yo n tyí yínpō ñgbēne ne: «Yuku n yin tómm á gbyêh yō!» Képah soko, dí núkú yoko syki n gbyêh yō, à tyah n ko.

¹¹ Tówû-á képah tẽ pínó we sē Pole tyí, pè tyah n yo wòhòh Likawoni tãn wey soko ne ñkē, tãn-á sé viri pi névyele à tiki pò pé wró dé! ¹² Képah soko, pè tò nê-á pè n ye Nsewusile, pè képah yin dyi Barnabasí kō. Té wey-á sō me Pole wò gbò soko sē, pè kèyãh yin dyi ñmō kō, nê-á pè n ye Yeremesile. ¹³ Té tò nê-á pè n ye Nsewusile, ké wòkò sō me kwil dé-nsah yah soko. Ké lékwén nétē dí me nyéhyénì tẽ pò kéné tò wòkò yah ànê yí finē.* Té ñmō ànê tówû sō me ké tyí ne, pé gbètòh mō Barnabasí ànê Pole yō. ¹⁴ Nte Barnabasí ànê Pole-á képah tẽ noh sē, pépi nónó-á Yesu tēntò névyele, pè pé fwòmolo yori toku yèkwori tẽ tyí, té to de tówû niyó me yo tū yínpō ñgbēne ne: ¹⁵ «Á no, sō me té yé képahle n pi? Névyele ye ápi tôle, yépi tyí kōle dò! Nìvìnì tir ye á pò yó-nsah yé tyí ne, yé yō kē fal fal tãn nópi milki, yé mó vi mō Liyel wēkì tẽ, ñmō nê-á min nétēne. Ñmō ye mō yínyòle, ànê sétáhle, ànê pne yole, à tahlí sé soko yíyìn pól tyí. ¹⁶ Ngbòle, Liyel mè ye sō ye kwlo kwlo névyele pól kō pè n ko pé dyo dyo wál yō. ¹⁷ Nte à me n gblóy dukùle n wēki sē gbímegbí n pèpòri pínó soko. A me pũne n pi n mō yéle n kō à n wil yínyò, té yé sèmuko kō sè n pekí, té yòke náhnáhle yéle n kō ànê nìvìnìne.» ¹⁸ Nte welo nópi fyé yónó yō, Yesu tēntò névyele yah vyãh tówû yíninmō-nsah ne, pè káh gbètòh mō pé yō.

¹⁹ Ké légbí soko, Nsyifunō yísyó wil Antyosyi kwil, Pisidi gběnyah, ànê Yikonyumi kwil, à pò nénpó. Pépi pò tówû vi tẽ mō Polepi yō, pè kō pè yuku Polele n minki dyêhle ne páh ñne n min n ko. Képah náh, pè à yori wilki sah kwil náh tĩnne, té me n sō ne wáh ku. ²⁰ Nte Yesu tò sáhpú-á pò tuke mō n tnô, à à mō gbí gbí nêne, à me yuku té de kwil soko. Té ké ñdindalle, à soko ànê Barnabasile Deribi kwil.

Pole ànê Barnabasí syínyukunole Siri gběnyah soko

²¹ Képah tẽne, páh kyi yini tẽ Deribi kwil, pè Nìvìnì tir yo nénpó tãn tyí. Pé náhnáh me sē Yesu yō, à pi n tò sáhpúle. Képah náh, Polepi pé syi syō Lisitir kwille, ànê Yikonyumi kwille, à kyi de Antyosyi kwil, Pisidi gběnyah soko. ²² Té nìsãh ànê sóré ye sō pè n mō n kō Yesu tò sáhpú soko ne, pè gbah n tẽ pé sōnō sah yíi Yesu yō gbímegbí. Pè sō me n yo pé tyí ne ñkē, yèvyãhri náhnáh dénwílnó soko-á pé ki de Liyel tórí mé-nsah soko. ²³ Té Yesu yō sēpú tĩnkínó nónó-á sō me kwlo nópi pól soko, Polepi sō yah tãm yísyó yah wilki sé soko, à sah sé yō. Té níki tẽ à níri pi pé tyí, à pè dahbi Tẽ ñgbē Yesu gbò, páh sē ñmō nê yō.

²⁴ Képah náh, pè Pisidi gběnyah kō kah, à kyi de Pãnfili gběnyah soko. ²⁵ Nénpó soko, pè Liyel wey yo Persyi kwil tãn tyí, té pyē yuku Atali kwil. ²⁶ Páh n yal nénpó, pè de krótókè ñgbē soko, à yuku Antyosyi kwil, Siri

* **14:13** 14.13 - Névyele náhnáh tẽ sōnō soko, nyéhyénì nópi sō me kóhnmōnole yí fi nópile.

gběnyah sɔkɔ. Kéne kwil sɔkɔ ye sò pé pé dahbɪ Liyel gbò sɔkɔ, tò mè pɪ yinne, nê-á pé pɪ te yò. ²⁷ Páh yini tẽ Antyɔsyɪ sɔkɔ, pé Yesu yò sěpú tĩnkɪ ye tuke. Té Liyel-á pé yah tẽ, à ò tò pɪ dùkù nêne, pé kè yãh pé tyí; à tahlɪ wãh ò yò sěno wěkɪ yɪkɪ mo névyɛ to kò sò, nóno náh pɪ Nsyifunɔle. ²⁸ Képah náh, Polepi tẽ péle Antyɔsyɪ sɔkɔ, à mo.

15

Yékâb dénóle

¹ Képah tẽne, díbí yísyó wil Nsyude gběnyah, à pɔ Antyɔsyɪ kwil sɔkɔ. Té pɔ tyah Yesu yò sěpúle n kwɔ ne nkẽ, né pé náh kòkè kò sò-á Moyisi tyi kònsàhnó kè yo sah, pé náh fẽ pwáhnmonɔ we n pi. ² Nte Pole ànê Barnabasɪ náh fẽ syi. Káh pɪ sě, yékâb ñgbě de pépi ànê díbí nópi wró. Képah sɔkɔ, kè yah tɔkɔ ne Pole, ànê Barnabasɪ, ànê pépi túkù-á kɪ dɔkɔ yuku Yerusalemɪ kwil. Páh kɪ kyɪ wil Yesu tẽntò névyɛ ànê Yesu yò sěpú yah tãh tyí, pé yí mè yah wah. ³ Té me yòhnɪnmonɔ pɪ Polepi tyí kéne kóló mè yinne. Polepi-á n sɔkɔ, pé syò sɔkɔ Fenisi gběnyah ànê Samari gběnyah sɔkɔ, me névyɛ tyíle n yãh pé tyí, nóno-á vi mo Liyel wěkɪ tẽ, té Nsyifunɔ náh péle. Kè pɪ òvìvì ñgběne Yesu yò sěpú pól tyí. ⁴ Páh kyɪ yini tẽ Yerusalemɪ kwil, Yesu yò sěpú, ànê pé yah tãh, ànê Yesu tẽntò névyɛ me pé tẽ palle. Képah sɔkɔ, Liyel-á Polepi yah tẽ pé ò tò pɪ dùkù nêne, Polepi kè yãh pé tyí.

⁵ Nte Farisiyẽ névyɛ nóno-á vi mo pɪ Yesu yò sěpúle, pépi túkù yuku tyah n yo ne nkẽ, nóno-á sě Yesu yò, té Nsyifunɔ náh péle, páh yine pé kòkè kò; ànê páh yine kyɪnmonɔle pé Moyisi tyi kònsàhnóle ne n pi. ⁶ Képah tẽ sɔkɔ, Yesu tẽntò névyɛ ànê Yesu yò sěpú yah tãh wě we yí mè tyí sɔkɔ, à kè yah wě tyí.

⁷ Kè sò pɪ yí yékâb ñgběne pé wró, fókó Pyerɪ pɔ yuku yin, té yo pé tyí ne nkẽ: «Ñ yúnpyé, yépi ñtẽ se kè pĩ ne Liyel-á ñmo yah wilki yé sɔkɔ di mónóle té! A ne mé Òvìvì tir yo névyɛ tyí, nóno náh pɪ Nsyifunɔle, pé kò pé kè we noh, pé mó sě Yesu yò. ⁸ Nte Liyel nê-á névyɛ fɔkɔ sònɔle n pne, ñmo ye ò Mirkile pé kò, sò-á lésò à kéle ápi to kò, à kè wěkɪ ne páh pépi to fẽ syi. ⁹ A náh wãhkɪ pɪ ápi ànê pépi wró. Páh sě ò yò, képah ye à pé nno tã sah. ¹⁰ Té núkúnúkú, sò pɪ té yé Liyel vyãh sòle n noh, à tókópèlle n sah Yesu yò sěpú yò, nóno-á ápi náh tãh ànê ápi ñtẽ náh tẽ we sè twah yah? ¹¹ Nte ápi sě ké yò ne áyáh pwáhnmonɔ we Tẽ ñgbě Yesu pèpɔri gbò yò, no nópi tyí kòle.»

¹² Káh pɪ sě, no pól tẽ syísyí, té pé ní kwɔ Pole ànê Barnabasɪ tyí. Képah sɔkɔ, Liyel-á syò Polepi tyí, à gbɪl tyi nóno pɪ névyɛ tyí, nóno náh pɪ Nsyifunɔle, Polepi sè yãh pé tyí. ¹³ Páh sè yãh te gbí nêne, Nsyakɪ wey tɔkɔ, té ne nkẽ: «Ñ yúnpyé Nsyifunɔ,* yé noh ní tyí yò. ¹⁴ A pól yí yah ye Simo-Pyerɪ kè yo ne nkẽ, ñgbò dùkù-á Liyel kè yah tɔkɔ, à nósyó yah wilki névyɛ sɔkɔ, nóno náh pɪ Nsyifunɔle, à pɪ ò nolé. ¹⁵ Té wey mè mó tã me yínénóle Liyel tẽntò syínyopu welɔle. Yé yah, kè me wárkínsàhnóle ne, ¹⁶ Tẽ ñgbě Liyel-á ne nkẽ:

<Képah náh, mé kɪ ní syɪ pɔ Davidi kéte sónó tã mo.

* **15:13** 15.13 - Yúnpyé Nsyifunɔ nóno tyí-á n yo ásò sɔkɔ yò, pépi pɪ Nsyifunɔle nóno-á sě Yesu yò.

Mé kɪ n̄ kɛntíkínì t̄õ m̄õ kɪ kè yilki palle.

¹⁷ Képah sɔkɔ, kèkõyó névyé téló pól kɪ yukú r̄ne n yah n k̄õ.

Gbɪ yõ, kwlo kwlo névyé pól ye kɪ n yah n k̄õ n pi r̄ne,

máh pépi nónó ye ne pè pɪ n tyíle.»

Sě ye Tě ñgbě Liyel yo, ñm̄õ nê-á tyi nópi wěki

¹⁸ di mónóle.†

¹⁹ Képah yinne, ñm̄õ Nsyakɪ t̄ě s̄õnɔ sɔkɔ, névyé nónó-á vi m̄õ Liyel tyí yõ, té Nsyifunɔ náh péle, á náh ȳine à tyíle n t̄ě n tah pé tyí. ²⁰ Nte á ye sébéy wārki n tekɪ n m̄õ pé tyí ne, pè pé gbl̄õyne n t̄ě s̄ãh fálnó ȳile, ànê f̄õf̄íkìle, ànê t̄ó kwé-ńk̄ē kwáhkókè kòle, ànê t̄õne, sè k̄õ sè káh pɔ pè silki.

²¹ Yé yah kè, à tɔkɔ ñgbò òkù tyí, kene tyi ye ńk̄ēne Moyisi tyi k̄õnsàhnó sɔkɔ, pè névyéle n kw̄õ m̄i m̄i yòh s̄õnó pólle kwlo kwlo pól Nsyifunɔ Liyel ní-ńt̄ân v̄i sɔkɔ.»

Sébéy tónóle Yesu yõ s̄ěpú tyí, nónó náh pɪ Nsyifunɔle

²² Képah sɔkɔ, Yesu t̄ěnt̄õ névyé, ànê Yesu yõ s̄ěpú yah t̄ãm, ànê Yesu yõ s̄ěpú t̄ĩnk̄i pól yo sah núkú yõ ne, páh kɪ nósyó yah wilki pé wró, té kɪ pépi tekɪ m̄õ Pole ànê Barnabasɪle Antyɔsyɪ kwil. Képah t̄ěne, Nsyudasɪ, nê-á pè n ye Barsabasɪle, pè me ñm̄õ ànê Silasɪ yah wilki. Pé nímí pólle, névyé s̄õ me ȳoyenne n sah pé yõ. ²³ Pè me t̄ěnt̄õ sébéy yó wārki à dahbɪ pé gb̄õ, nê sɔkɔ-á kè me yónóle ne ńk̄ē: «Á ȳĩnpyé yépi nónó-á Nsyifunɔ náh yéle, té me Antyɔsyɪ, Siri gběnyah sɔkɔ, à tahlɪ Siri gběnyah kwlo téló tyí, ànê Silisi gběnyahle; ápi Yesu t̄ěnt̄õ névyé ànê yé ȳĩnpyé Yesu yõ s̄ěpú yah t̄ãm ye n wekɪ yé tyí. ²⁴ Á kè noh ne, nósyó-á wil ápi sɔkɔ, à kyɪ pé welole yé lékám vye f̄ēkɪ, à yé m̄õ sah fókósõnɔ sɔkɔ. Té ápi náh se mó t̄õ t̄õ péle. ²⁵ Képah ye, á kè yah tɔkɔ wě tyí ne, áyáh kɪ névyé wilki tekɪ m̄õ yé tyí. Pè kɪ n pɔ n pi wě tyí ànê á ñìgbèkì névyé Barnabasɪ ànê Polele, ²⁶ pépi nónó-á pé min m̄õ k̄ũ k̄õ Tě ñgbě Yesu Krista t̄õ yinne. ²⁷ Nsyudasɪ ànê Silasɪ ye á n tekɪ n m̄õ yé tyí. Tyi nónó-á á wārki tekɪ m̄õ yé tyí, pè kɪ pɔ sè t̄õ yo yé tyí vyãhle. ²⁸ Liyel Mirki ànê ápi ye yah tɔkɔ kéle ne, á káh t̄õ tyi yísyó k̄õ sah yé k̄õ, à wil tyi nópi tyí sɔkɔ yò, sépi nónó-á ȳine pínóle káhkáh: ²⁹ Yé yé gbl̄õyne n t̄ě s̄ãh fálnó kòle, ànê t̄õne, ànê t̄ó kwé-ńk̄ē kwáhkókè kòle, ànê f̄õf̄íkì pínóle. Yáh yé gbl̄õyne n t̄ě n ȳĩ sépi pól pínóle, yé me n pi ple. Yé t̄ěno!»

³⁰ Képah náh, pè wěkìle t̄ěnt̄õ névyé k̄õ pè sɔkɔ à kyɪ de Antyɔsyɪ kwil. Pè kyɪ Yesu yõ s̄ěpú tówù tuke m̄õ, té t̄ěnt̄õ sébéy m̄ene pè k̄õ. ³¹ Páh kè kar, ké sɔkɔ tyíyónó s̄óré m̄õ pé sɔkɔ, kè pɪ ñiv̄ìn̄ine pé tyí. ³² Képah sɔkɔ, Nsyudasɪ ànê Silasɪpi t̄õ-á s̄õ pɪ Liyel t̄ěnt̄õ syínyopule s̄ě, pépi tyah nole n vi n m̄õ, me tyi náhnáhle n yo pé tyí, à s̄óréle n m̄õ pé sɔkɔ. ³³ Páh sèp̄in yísyó pɪ n̄énpó, képah náh, no pè fin m̄õ, té wekɪ pé tyí ne, pè de lenole pé t̄ópú t̄inne. [³⁴ Té Silasɪ w̄õ me ne, péw̄õ-á kɪ w̄ũ n̄énpó.] ³⁵ Nte Pole ànê Barnabasɪ t̄ě w̄õ s̄õ me t̄ě Antyɔsyɪ sɔkɔ. Pépi ànê névyé náhnáh yísyó s̄õ me nole n kw̄õ, té me Tě ñgbě Ñiv̄ìn̄i tirlé n yo.

Pole ànê Barnabasɪ gbékínóle

³⁶ Sèp̄in yísyó-á sɔkɔ s̄ě, Pole yo Barnabasɪ tyí ne, páh Tě ñgbě wey yo k̄õ kwlo nónó pól sɔkɔ, à ye pé pé syɪ kyɪ yah pé ȳĩnpyé Yesu yõ s̄ěpú tyí

† 15:18 15.16-18 - Yah n te Amos̄ 9.11-12.

kéne kwlo soko, pé tyí-à kɪ me òkù nêne. ³⁷ Képah soko, Nsyõ nê-á pè n ye Markile, Barnabasì sò me ké tyí ne, pé n to tẽ pé soko. ³⁸ Nte Pole wo náh sò me ké tyí ne pé soko òne; òmò nê-á lésò n gbe wil pé soko Pãnfili gběnyah òkù soko, té à náh tõ sò me n kyɪ n pò péle pé tò soko. ³⁹ Kãh pɪ sɛ, yékâb ògbě de Pole ànê Barnabasì wró, pè me gbekɪ. Barnabasì me Nsyõ-Markɪ tẽ tahlɪ n gblõy tyí, pè de krótókè ògbě yó soko à soko Syipri gběnyah. ⁴⁰ Nte Pole wo mó Silasì yah wilki. Té Yesu yõ sɛpú-á nírì pɪ pé tyí, à pè dahbɪ te Tẽ ògbě gbò soko gbí nêne, pè me soko wẽ tyí. ⁴¹ Pè Siri gběnyah ànê Silisì gběnyah pól kò kò, à Liyel yõ sɛnó sórèle n mò n yuku Yesu yõ sɛpú òkù soko.

16

Timote tahlínóle Pole ànê Silasì tyí pé kóló soko

¹ Képah náh, Polepi-á wil Siri ànê Silisì gběnyah soko, pè yõ soko Derɪbɪ kwil. Pãh wil nénpó, pè yuku Lisitir kwil. Pè kyɪ Yesu tò sáh-ò yó we nénpó pè n ye Timotele. N yúne, Nsyifu ney ye sò òne, nê-á me Yesu wěkile n kò, té n sú me Krekɪ neyne. ² Té Yesu yõ sɛpú nónó-á sò me Lisitir soko ànê Yikonyumi kwil, pè sò me Timote yíngbíle n yo. ³ Képah soko, Pole sò me ké tyí ne pé à tẽ soko pé kóló soko. Té Nsyifunò nónó-á sò me kéne kwlo soko, pè sò pɪ ne, Krekɪ ney-á Timote súle.* Pépi yinne, Pole me Timote kò. ⁴ Képah soko, Polepi-à fyò n soko kwlo nónó soko, Yesu tẽntò névye ànê Yerusalemɪ kwil Yesu yõ sɛpú yah tãm-á tyi nónó yah tòkò, pè séle n yãh kéne kwlo Yesu yõ sɛpú tyí ne, pè ne n kò sé wàl yõ. ⁵ Kãh pɪ sɛ, Yesu yõ sɛpú òkù soko sò me n gbah n sɛ Liyel yõ, té wãn tõ me n mò pé nédán to yõ sòmésó.

Pole wěkínó yó we Turasì kwil

⁶ Képah náh, Polepi sò me ké tyí ne pé kyɪ Liyel wey yo Asi gběnyah soko, òte Liyel Mirki kè yahle pé tyí. Kãh pɪ sɛ, pè me kah syõ Frisyi gběnyah ànê Kalasì gběnyahle. ⁷ Pãh kyɪ yini tẽ n te Misi gběnyahle, pè tó kè yah tòkò ne, pãh kɪ yuku Bitini gběnyah. Nte Yesu Mirki† kè yahle pé tyí. ⁸ Kãh pɪ sɛ, pè Misi kò kah, à tiki yuku Turasì kwil. ⁹ Té lékãhne, Pole wěkínó yó we. Wěkínó mè soko, à Masedonɪ gběnyah dí yó we yínnɛnóle, té tẽ me òne n ni ne ríkè, à pò Masedonɪ soko, à pò pépi yohnɪ n mò. ¹⁰ Pole-á fyò wěkínó mè we sɛ, á me kè pɪ yíi ne, Liyel-á ye ále ne, á kyɪ pé Nìvìnì tir yo Masedonɪ tãn tyí. Kãh pɪ sɛ, á nukú á vi ne áyáh kɪ soko nénpó.

Lidi-á pɪ Yesu yõ sɛ-òle òkù nêne Filipì kwil

¹¹ Képah soko, á de krótókè ògbě yó soko Turasì kwil, à yõ soko gběnyah yó soko, nê-á me pne yo nyó pè n ye Samotrasile, á náh kwò dah fí yó ntẽ soko. Té ké òndalle, á yuku Neyapolisì kwil. ¹² Áyáh yal nénpó, á yuku kwil-ògbě yó soko pè n ye Filipile, Masedonɪ gběnyah soko. Kéne kwil yòtòrí sò me Wrome tãn gbò. Á me tẽ nénpó, à sèpìn yísyó pɪ. ¹³ Nsyifunò mɪ mɪ yòh sò-á pò nò, á kè sò ne, pé Liyel ní-nsah-á kɪ we

* **16:3** 16.3 - Krekɪ névye náh sò kòkèle n kò. Képah ye, Timote sú kò à náh sò à kò. Nte kòkè kò-òkè névye tyí náh sò nò Nsyifunò tyí. † **16:7** 16.7 - Yesu Mirki nê tyí-á yo ásò soko yò, Liyel Mirki ye kéle, nê tyí-á yónóle 16.6.

yóngbalı sɔkɔ. Kǎh pı sě, á wil kwil nıyó, à nénpó nyáh sǒ. Á kyı syó yısyó we tükènmontěnlé nénpó. Á me kǒ tě pé tnô, à yǎhkı yǎh péle Liyel wey tyı yǒ. ¹⁴ Té pi yó sǒ me syó nópi sɔkɔ pè n ye Lidile. Fwòsǎhlo dénkókónì gbò yí-ò ye sǒ ònne. Á n wil Tyatiri kwil, té à sǒ me Nsyifunɔ Liyel wěkìle n kɔ. Té Tě ògbě me wɛkı pi mènı sɔkɔ à kǒ à ò níkí kwɔ, à Pole welo noh palle. ¹⁵ Kǎh pı sě, òmɔ ànê ò kéte tǎn pól me wèlnwìlkìnó we ni sɔkɔ. Képah sɔkɔ, pi me kè yah kǒ ápi tyı ne, áyáh kı me sě ké yǒ ne péwɔ-á pı Tě ògbě Yesu yǒ sě-òle, á pɔ n kyı n twah pé tyı pé gbô. Té á gbah tě pópó, á pɔ sah ò tyı yǒ.

Pole ànê Silası dáhnmonɔle wòkònpèkè sɔkɔ Filipi kwil

¹⁶ Képah sɔkɔ, sǒ yóle á me n yuku nírí pí-ńsah, té tǔnpı pípír yó pɔ á yohnı. Sétǒ sǒ me kéne pípír gbil à kǒ à tyısnóle n we n yo. Á sǒ me pó náhnáhle n we ò yǔtǎmne n kǒ kéne tyısnó wényonɔ sɔkɔ. ¹⁷ Kéne pípír me yuku, à ápi ànê Pole sǒ tě, té me yo tǔ léyy no tyı ne òkě, díbí nópile, yǔtah Liyel tǔnpıbı-á péle. Pwáhnmonɔ wěkì tyı-á pè pɔ n yo pé tyı. ¹⁸ Á sǒ me képah tǔne n pı sě, sèpìn náhnáh sɔkɔ. Kǎh pɔ Pole gblóle n vyǎh, à ò yah vi yo sétǒ mènı tyı ne òkě, Yesu Krista yın yǒ, à pípír mènı fin mɔ. Wǎh yo sě, nénpó swɔ sétǒ núkú pípír fin mɔ. ¹⁹ Képah sɔkɔ, pípír yǔtǎm-á kè we ne, pé sǔnɔ-á sǒ me pó ò wénó yǒ òmɔ gbò yǒ kǎh kı yın mɔ, pè Pole ànê Silası tě, té yuku péle yǔtǎm tyı, tówú tükè-ńsah sɔkɔ. ²⁰ Képah náh, pè me kyı péle Wrome tǎn yısyó tyı nóno-á pé yǔtǎmne, té kyı tyah n yo ne òkě, díbí nópi-á me fěkínóle n pı pépi kwil. Nsyifunɔ-á péle, ²¹ té pǎh me pɔ wǎl yısyóle névyele n kwɔ nóno-á sé wǎl náh me pépi Wrome tǎn ńtě tyı kı sè fě syı, képah náh pı, kı sè pı n pi. ²² Képah tǔne, tówú to núkú yuku Polepi yǒ. Yǔtǎm nópi me pè kǒ pè Polepi flo de, té ne pè pè ko yèfòhle. ²³ Képah sɔkɔ, pǎh yèfòh yı náhnáhle pè ko te, pè pè dah mɔ wòkònpèkè sɔkɔ, té yo ké syíkí-ò dí tyı ne, à péle n kyomı palle. ²⁴ Dí-á fyò képah noh sě, à mó pè tě dah mɔ wòkònpèkè nıyó wòkò sɔkɔ, té sésár kárn mɔ pé gbyèh tyı.

²⁵ Nte lénu mónó wró sɔkɔ, Pole ànê Silası sǒ me níríle n pı, té me yìle n gbi à Liyel yinne n gbilki, té wòkònpèkè sɔkɔ névyé téló mó me n nohnı pé tyı. ²⁶ Képah tǔne, sétáh syahrı ògbě núkú pı nénpó swɔ, à wòkònpèkè sètyah yike. Ké vı yey pól núkú yıkı mɔ, ké sɔkɔ névyé pól gbyèh sɔkɔ kárnno pól kǒh kwe. ²⁷ Wòkònpèkè syíkí-ò dí-á pópó dɔ yuku, té ké vı yey we yíkínmonɔle sě, à we ne ké sɔkɔ névyé-á to wil. Képah tǔne, à núkú ò kèkirkı yɔrı de ne, pé pé gblóy ko mɔ. ²⁸ Nte Pole me yo mɔ ò tyı yǎnpǒ ògběne ne, à káh dlo yó ńtǔne ò gblóy nɔ, pé pól-á me ásô. ²⁹ Képah sɔkɔ, wòkònpèkè syíkí-ò dí pè kǒ pè pɔ fòtnòle à kǒ, à de yuku súú wòkònpèkè nıyó wòkò sɔkɔ, té ò gbètukunɔ di Pole ànê Silası yah wılsyahrı sɔkɔ. ³⁰ Té me pè tě wil kégbó, té pè piki yah ne, pé nénkyíbı, sǒ se pé yǎne pé pı pé mó pwáhnmonɔ we nı? ³¹ Pè me yo ò tyı ne: «Sě Tě ògbě Yesu yǒ, á kı pwáhnmonɔ we, áwɔ ànê á nolé.» ³² Képah sɔkɔ, Polepi Tě ògbě Yesu wey yo òmɔ ànê ò gbô tǎn pól tyı. ³³ Dí me Polepi tě légbı mènı ó sɔkɔ lékǎhne, à kyı pé níy wu; té nénpó swɔ, òmɔ ànê ò gbô tǎn pól me wèlnwìlkìnó we ni sɔkɔ. ³⁴ Képah náh, à Pole ànê Silası tě yuku ò gbô sɔkɔ, à kyı yòkele pè

kõ pè yõ. Té ñmò ànê ñ no pól ni sò me vi yíí pé wénsẽno yinne Liyel yõ sòkò.

³⁵ Képah sòkò, tyah-á pò dal, yõtãm nópi tẽntò névye tekí mò ne, pè kyí yo wòkònpèkè syíkí-ò dí tyí ne, à díbí nópi fin mò. ³⁶ Dí me kyí kè yo Pole tyí ne ñkè, yõtãm-á tẽntò mò pé tyí ne, pé pè fin mò. Kãh pì sè, núkúnúkú pãh kí fẽ wil kí n yuku yèviní sòkò. ³⁷ Nte Pole me pè syah ne, pépi nóno-á gbò mò yõ Wrome tãn tyí, pépi kó pè tẽ ko tówú yí yah pé tükè-ñkẽne; té pé dah mò wòkònpèkè sòkò ni? Té núkúnúkú, pè tò me n yah n kò pé wìlkinfinnmò-nsahle sèfin sò sòkò ni? Képah nãh fẽ n pì n pi dé! Nkè, fóó pé dahnmòpu-á kí pò pé fin mò pé gblõy. ³⁸ Képah tẽne, tẽntò névye nópi me pé syí kyí welò nópi yo yõtãm nópi tyí. Pépi-á képah tẽ noh sè ne, Pole ànê Silasile, Wrome tãn gbònmònyòbe-á péle, tíkí pè tẽ. ³⁹ Pè pò gblõy ye yah kò Polepi tyí, té pè fin mò, té me pè ni ne pè wil kwil sòkò. ⁴⁰ Polepi-á wil wòkònpèkè sòkò, pè yuku Lidi finne. Pãh kyí Yesu yõ sèpú we, pè sóré mò pé sòkò té sòkò.

17

Pole ànê Silasí Liyel wey yónóle Tesaloniki kwil

¹ Képah nãh, Polepi syõ Anfipolisi kwil ànê Apoloní kwil, à kyí de Tesaloniki kwil sòkò. Nsyifunò Liyel ní-nsah wòkò yó sò me nénpó. ² Képah sòkò, Pole-á sò ñkène kéle n pì sò, à tó kyí yáhkì yãh Nsyifunòle Liyel wey sébéy sòkò tyí yõ pé Liyel ní-nsah wòkò sòkò. A képah tẽ pì syí sè wè tyí ke tónó, pé mì mì yòh sònóle. ³ A sò me ké yahle n yo pé tyí, à péle n wèkí ne ñkè: «Pwáhnmo-ò sò yíne à pò yèvyãhrí pì ku sè, Liyel mó à yilki mò. Yesu nê tyí-á mé n yo yé tyí yò, ñmò ye kéne pwáhnmo-òle.» ⁴ Képah sòkò, Nsyifunò tükù sah ñ tyí yõ, ànê Kreakí névye nékwínkíle, nóno-á sò me Nsyifunò Liyel wèkíle n kò, à tahlí syó né-ñgbno náhnãh tyí. Pé pól me mò Pole ànê Silasile.

⁵ Nte Nsyifunò yísyó sò me Polepi dyòle n yo, té sòkò à kyí nétúkúnì ñkònkòni yísyó tẽ wãl yey sòkò, à pò tówùle n kurki n mò, té fèkínóle n pì kwil sòkò. Képah sòkò, pè kyí kwò de Nsyasò gbò, à Pole ànê Silasile n yah n kò ne, pé pè tẽ pò tówú tyí. ⁶ Pãh kyí pè yah kwò sè, pè Nsyasò ànê Yesu yõ sèpú yísyó tẽ à yuku péle pé kwil yõtãm tyí. Té kyí tyah n yo wòhòh ne, nóno-á fèkí kèkòyó pólle, pépi-á pò de ásò tò sòkò yò. ⁷ Té Nsyasò me fè syí pè kò pè twah ñ tyí. Nte Wrome kwiltãm yòtè Sesar-á ne tyí nóno káh ne n pì, sépi-á no nópi pól me n pì. Pãh me n yo ñtène ne, yòtè ñgbè yó-á tó me, nê-á pè n ye Yesule. ⁸ Képah sòkò, welò nópi nóhnó tówú ànê kwil yõtãm fòkò fil. ⁹ Kãh pì sè, kwil yõtãm me Nsyasòpi kò pè pò ñgbè yó kò, té pyè pè fin mò.

Pole ànê Silasí Liyel wey yónóle Bere kwil

¹⁰ Képah sòkò, lékãh-á fyò mò, Yesu yõ sèpú me Pole ànê Silasí kò pè sòkò Bere kwil. Pãh yíni tẽ nénpó, pè kyí Nsyifunò Liyel ní-nsah wòkò sòkò. ¹¹ Nénpó tãn sò néglóle kal Tesaloniki kwil tãnne. Nìvìni tir nê-á sò Pole n yo Yesu tyí sòkò, pè me kè fè syí palle dékè sòkò. Té me Liyel weyne n kar, à ké sòkò tyile n sohlí n yah sòmésó ne, pé pì gblò-à kí nê Polepi

welolè. ¹² Kǎh pɪ sě, Nsyifunɔ náhnáh, ànê Krekɪ syó né-̀ngbno yísyó, ànê díbí nékwínkí pɪ Yesu yõ sěpúle.

¹³ Nte Tesaloniki kwil Nsyifunɔ-á fyò noh ne, Pole-á me Liyel weyne n yo Bere kwil tɔ sɔkɔ, pè tǔ pɔ nénpó tɔ sɔkɔ, à pɔ tówú kurki mɔ, pè kǔ pè fěkìno pɪ. ¹⁴ Képah sɔkɔ, Yesu yõ sěpú núkú Pole tekɪ mɔ pne yo ùinne. Té Silasɪ ànê Timote wɔ me wũ nénpó. ¹⁵ Nónó-á kyɪ tekɪ mɔ Polele, pè kyɪ de ùne, fóó Atenɪ kwil. Té pǎh pé syɪ n pi, Pole me pè tǔ ne, pǎh kɪ kyɪ, pè kyɪ yo Silasɪ ànê Timote tyí, pè pɔ péwɔ tnô súú.

Pole Liyel wey yónóle Atenɪ kwil

¹⁶ Té Pole-á sǔ me Silasɪ ànê Timote syíkíntěno sɔkɔ sě Atenɪ kwil, à fal tǎn kyomɪ we dò kéne kwil sɔkɔ. Kǎh pɪ sě, ù yah kah kwɔ. ¹⁷ Képah sɔkɔ, à kyɪ yǎhkì yǎh Nsyifunɔle, pé Liyel ní-̀nsah wòkò sɔkɔ, à tahlɪ nóno tɔ-á sǔ me Nsyifunɔ Liyel wěkìle n kɔ. Té sǔmesó, wǎh kyɪ tówú tùkè-̀nsah, té névyè nóno we nénpó, ǎ yǎhkì yǎh pé tɔle. ¹⁸ Té lékám ùgbno névyè yísyó tɔ sǔ me. Pè tókù sǔ me Yepikur wěkì kwópúle, té tókù mó me Setoyiki wěkì kwópúle. Pépi me yékǎb mɔ Polele. Pé tókù sǔ me yo tũ ne, wènkwiñki ney mè tɔ se ne sǔ-á nɪ? Tókù mó ne, kǎh pɪ tě ne fal fal tǎn kǎhkí yísyó tyí sǔ à n yo, nóno-á pépi náh séle n pne. Té Nìvìnì tir ye sǔ Pole n yo pé tyí Yesu tyí yõ, ànê lékyí yíkinmɔno tyíle. ¹⁹ Képah těne, pè à tě sɔkɔ pé kwil fí yó sɔkɔ pè n ye Arewopasɪle.* Pǎh kyɪ de, pè me à piki yah ne, wǎh pɔ kwónó késǎn nêne névyele n kwɔ, à se kɪ fě ké yah yo pé syah nɪ? ²⁰ Nkě, gběndùni tyi ó-á à n yo pé n nohnɪ yò. Képah-á, à sé yah yo n wah pé syah. ²¹ Nte gbɪ yõ, Atenɪ kwil tǎn pól ànê népân nóno-á sǔ me twáhntěno ké sɔkɔ, pé pól nkěne pé wró kan tɔkɔ n pɪ tyísnó yǎhnóle, képah náh pɪ, sé nóhnóle.

²² Képah sɔkɔ, Pole me yuku yĩn pé niyó, té yo pé tyí ne: «Atenɪ tǎn, mé pĩ ne nkě, Liyel yáhnkõpu yèsyìkìni-á yéle. ²³ Máh yé kwil kɔ kǔ, mé kè kyomɪ we, líyelno náhnáh me ké sɔkɔ. Té mé tyah yó ntě we, kè me wárkínmɔnole ké yõ ne: <Dúkù pĩ-̀nkě liyel tyí ye.> Té ùmɔ nê-á yé n gbilki ù dúkù pĩ-̀nkěne, ùmɔ tyí ye mé pɔ yónwǎh-̀nsah yé tyí. ²⁴ Nmɔ Liyel ye mɔ kèkõyóle, ànê ké sɔkɔ yiyĩn pólle. Nmɔ ye tǔ yĩnyõ ànê sétáh néténe. A náh n tě névi gbò wòkònmɔni sɔkɔ. ²⁵ Nmɔ ye mɔ minne névi sɔkɔ, ànê minine à kǔ à n mɪ, à tahlɪ yiyĩn pól tyí. Képah ye, à náh me névi gběnpɪni yó ntěne n yah n kǔ, ù gblõy yohnɪ n mɔ yĩne. ²⁶ Yah, nénúkù ó sɔkɔ ye kèkõyó yìkìni pól wil Liyel-á nóno mɔ, té pè kǔ pè tě tě kǔ kèkõyó tǎntǎn pól sɔkɔ. Té ki ànê kòkì gbíne pè kǔ, té tǔ gbàhnì gboke pé tě-̀ntǎn tyí. ²⁷ Liyel sépi pól pɪ ne, nénúkù núkú pól fě pé yah n kǔ. Gbòkénpi, pǎh kɪ wne yah kǔ pɔ pé we. Nte gbɪ yõ, à náh mó tǔ me fíí á sɔkɔ yó ntěne.

²⁸ Nmɔ gbò yõ sɔkɔ ye ápile min sɔkɔ, té me n werke. Képah ye tǔ yé yì gbípú yísyó yo ne nkě, Liyel wěnpì-á ápile.

²⁹ Nte Liyel wěnpì-á ápile sě, á se tǔ yĩne à ne n sǔ ne, Liyel-á me á kɪ ne tǎn nópi sǔ; sépi nóno-á névyè sè mɔ sǎnne, képah náh pɪ wǎrn vyɔrɪle, képah náh pɪ dyêhle, à yĩne pé yěngbě lékámne? ³⁰ Té yé yah, névyè-á tyi

* **17:19** 17.19 - Arewopasɪle, kènpĩn yó ye sǔ kéle, nê yõ-á sǔ né-̀ngbno wěne n we n pɔ, ù tyi yahle n wah.

nónó pɪ sɔkɔ ñp̄̀-ñkē sɔkɔ ñgbòlɛ, Liyel náh t̄õ me sépile n mɔ n kō. Nte núkúnúkú, à me kéle n yo no pól tyí t̄ánt̄àn pól sɔkɔ nɛ, pè pé nno vi mɔ. ³¹ Wáh wɛ à képahle n yo, à me gb̄̀ȳ̀l̄̀k̄̀i yó yah wilki sah, sō nê-á tukey kɪ n tuke n pi kèkōȳ̀ó névyɛ pól yō, à ȳ̀nɛ gb̄̀i wēk̄̀l̄̀ɛ. A me dí yó yah wilki sah, nê-á kɪ pɔ tukey mè tuke n pi, té p̄̀h pɔ tē ko mɔ, à ñ lékó yilki mɔ, à kéle á wēk̄̀i nɛ, wáh kɪ fē tē.»

³² Képah t̄ɛnɛ, p̄̀h fyò lékó yilkinmɔnɔ tyí noh, pé t̄úkù tyah kōlɛ Polele n ko. T̄úkù mó me n yo ñ tyí nɛ ñkē, sō yóle, à t̄õ pɔ ñ syɪ ñ wey mè yō pé tyí. ³³ K̄̀h pɪ sē, Pole me yal pé tn̄. ³⁴ Nte ñ wey nóhpú t̄úkù kyɪ kwɔ mɔ ñnɛ, à pɪ Yesu yō sēp̄̀l̄̀ɛ. Né-ñgbnɔ nónó-á ñkēnɛ wēnɛ n tuke n mɔ, ñ tyi yahle n wah, pépi ney yó tɔ sō me péle pè n ye Denisilɛ, ànê sê yó tole pè n ye Damarisilɛ, à tahlɪ nósýó tyí.

18

Pole Liyel wey yónólɛ Korēnti kwil

¹ Képah náh, Pole yal Atenɪ kwil, à yuku Korēnti kwil. ² Légbí pɔ ȳ̀nɛ Wrome kwilt̄ám yōtē dí Klode me Nsyifunɔ pól yal Wrome kwil. K̄̀h pɪ sē, Nsyifu dí yó lésō me nénpó pè n ye Akilasilɛ. A dubi Pōte kwil. Nmo ànê ñ kyɪ Prisili me yal Wrome kwil, Yitalɪ sètáh yō, à sɔkɔ Korēnti kwil. Pole me kyɪ ȳ̀nɛ pé p̄̀ntwahnɔ késánne nénpó, té kwɔ mɔ pé sɔkɔ. ³ Té pé pól sō me t̄õ núkúle n pɪ, nê-á pɪ yèpye flo kóhnólɛ. K̄̀h pɪ sē, Pole me tē pé tyí pè t̄õle n pɪ wē tyí. ⁴ Té mɪ mɪ yòh sònó pólle, Pole sō me ȳ̀h̄̀k̄̀l̄̀ɛ n ȳ̀h̄̀ n pɔ Nsyifunɔle pé Liyel ní-nsah wòkò sɔkɔ, me n yah n kō nɛ pé pépi ànê Krekɪ névyɛ sònɔ vi mɔ.

⁵ Képah sɔkɔ, Silasɪ ànê Timote wil Masedonɪ gb̄̀nyah à pɔ. P̄̀h fyò pɔ de, Pole náh t̄õ me t̄õ yó ñt̄ɛnɛ n pɪ né Liyel wey yónkōnɔ ó náh. A sō me ké yahle n yo Nsyifunɔ tyí nɛ, Yesu-á Liyel yah t̄okɔ pɪ pwáhn̄mɔ-òlɛ. ⁶ Nte Nsyifunɔ me kè yahle ñ tyí, té ñnɛ n gbyɔ. K̄̀h pɪ sē, à ñ wil flo kwer, té yo pé tyí nɛ, pé m̄̀npunɔ kémû-á kɪ pɪ pé yēngb̄̀ɛ tyíle, péwɔ vyāh náh me ké sɔkɔ. A t̄okɔ núkúnúkú tyí, p̄̀h kɪ pé yah mɔ névyɛ t̄inne, nónó náh pɪ Nsyifunɔle. ⁷ Képah sɔkɔ, té yal nénpó à sɔkɔ dí yó t̄inne, nê-á pè n ye Tityusi-Nsyusitusilɛ. Nsyifunɔ Liyel yō sē-ò ye sō ñnɛ. N gb̄̀o sō me Nsyifunɔ Liyel ní-nsah wòkò gb̄̀pɔ sɔkɔ. ⁸ Nte Liyel ní-nsah wòkò yōtē dí Krisipusi ànê ñ no pól sē Tē ñgb̄̀ɛ Yesu yō. Korēnti kwil t̄àn nónó tɔ-á sō me Pole weynɛ n nohnɪ, pé nahnáh sē Tē ñgb̄̀ɛ yō, té wèlnw̄̀l̄̀k̄̀ínó wɛ ni sɔkɔ.

⁹⁻¹⁰ Képah t̄ɛnɛ, sō yó lék̄̀ahne, Pole wēk̄̀ínó yó wɛ, nê sɔkɔ-á Tē ñgb̄̀ɛ yo ñ tyí nɛ: «Névyɛ nahnáh kɪ n pɪ n pi ñmɔ tyíle kwil mè sɔkɔ. Képah ye, k̄̀h á vyāh vike n sah, yō n sɔkɔ nɛ n wɛkɪ, k̄̀h t̄íkí pɪ. Nmo me ále, ney náh fē ñ tē n tir n pi pólle.» ¹¹ Képah t̄ɛnɛ, Pole tē, à yi núkú ànê ñw̄̀l̄̀ó kénúkò pɪ Korēnti kwil, à nole n kwɔ Liyel weynɛ.

¹² Képah sɔkɔ, Nsyifunɔ pɔ yuku wē tyí mɔ, à tyah Polele n fwo. Té légb̄̀nɛ, Kalyō ye lésō Akayi gb̄̀nyah yah tē-òlɛ. Pè me Pole tē kyɪ ñ tyí tukey t̄ùkè-nsah sɔkɔ, ¹³ té nɛ dí mè-á me névyɛ yōle n yɪkɪ, à péle n mɔ Liyel nínó gb̄̀nt̄ɛnáh yó sɔkɔ, nê náh me núkúle pépi tyi k̄̀nsàhnólɛ. ¹⁴ Képah sɔkɔ, Pole-á me nɛ pé wey t̄okɔ, Kalyō me yo Nsyifunɔ tyí nɛ, k̄̀h

sò me pi tyíkèkì, képah náh pi, tyípekè ñgbě yóle dí mè pi, páh náhki tẽ noh pé tyí palle. ¹⁵ Nte páh se me yékâble n pi welo, ànê yni, ànê pé yěngbẽ tyi kònsàhnó yõ té; képah-á me pépile n yah kè. Péwò náh fẽ sěnkõ tukey tuke n pi ló! ¹⁶ Tẽ me pé yal tukey tükè-ńsah sòkò. ¹⁷ Képah sòkò, Sositeni nê-á sò Nsyifunò Liyel ní-ńsah wòkò yah yètěne, pé pól tuke ñmò yõ, à ñne n ko tukey tükè-ńsah sòkò. Nte Kalyõ náh dahbi wilki pé tyí ké sòkò.

Pole syínyukunole Antyosyi kwil, Siri gběnyah sòkò

¹⁸ Képah sòkò, Pole tõ wũ à sèpìn náhnáh pi Korěnti kwil. Képah náh, à wěkì ni Yesu yõ sěpú tyí nénpó ne, páh ki pé syi yuku Siri gběnyah sòkò ànê Prisili, ànê Akilasile. Tẽ à lésõ me ñ vyāh tòkò Liyel tyí. Káh pi sě, wāh pópó n sòkò, à kyi Sānkri kwil, à kyi ñ yõ kye vyāh tókónó mè yīnne.* ¹⁹ Képah náh, ñmò, ànê Prisili, ànê Akilası kyi de krótókè ñgbě yó sòkò, à yal nénpó à kyi de Yefesı kwil. Pole me ñ kómú sah nénpó, té me sòkò Nsyifunò Liyel ní-ńsah wòkò sòkò, à kyi yáhkì yāh péle. ²⁰ Képah sòkò, pé kè yah kō ñ tyí ne ñkě, à tõ sèpìn yísyó pi pépile nénpó. Nte Pole náh fẽ syi. ²¹ Tẽ me wěkì ni pé tyí, té ne ñkě, Liyel-à ki fẽ syi, sò yóle, páh ki tõ pé syi pò yah pé tyí. Tẽ de krótókè ñgbě sòkò Yefesı kwil, à sòkò.

²² Wāh kyi tiki Sesarı kwil, à doko yuku Yerusalemı kwil, à kyi weki Yesu yõ sěpú tĩnkì tyí. Wāh wil nénpó, à ñ syi tiki yuku Antyosyi kwil, ²³ à kyi tẽ yah nénpó. Képah náh, à tõ yal à kyi Kalasi gběnyah kwlo ko kō ànê Frisyi gběnyah kwlole, à ñisāh mò kō Yesu tō sáhpú sòkò.

Apolosiye Yefesı ànê Korěnti kwil

²⁴ Légbíne, Nsyifu dí yó pò Yefesı kwil. N yin ye sò Apolosiye, à dubi Alekisādri kwil. A sò wey tyí yah we yíí, té à mó tõ Liyel wey sébéynó tyi pĩ yíí. ²⁵ A lésõ kwónó we Tě ñgbě Yesu wěkì tyí yõ, té me Yesu tyíle n yo, à kwónóle n pi ké wěkì yõ, dékè sòkò ñ ni pólle. Nte Nsyõ ni sòkò wèlnwĩlkinó ó ye sò à n pne. ²⁶ Tẽ sò yóle, wāh tyah n weki ñisāhle Nsyifunò Liyel ní-ńsah wòkò sòkò sě, Prisili ànê Akilası me ñ wey noh pò tye. Képah těne, té à ye yah kyi Yesu wěkì tyi yo wah yíí à syah, wāh sò me nónó yítũri sòkò. ²⁷ Képah náh, Akayi gběnyah sókónó sòno de Apolosi sòkò. Yesu yõ sěpú nónó-á sò me nénpó, pépi me ké sóré gbah mò ñ sòkò, té sébéy wārki tekı mò Yesu yõ sěpú tyí Akayi gběnyah sòkò ne, Apolosi-à ki yini tẽ pé tyí, pé à tẽ ple. Wāh kyi yini tẽ, Liyel gbò yõ, ñ kyínó sò pi yíí yõre ñgběne Yesu yõ sěpú tyí Akayi gběnyah sòkò. ²⁸ A sò me Liyel weyne n kar, à kéle n wěki ne, Yesu-á Liyel yah tòkò pi pwáhnmo-òle. Tówũ pól yí yah, ñ wey sò me gbule kal Nsyifunò tyíle.

19

Pole yínintěnole Yefesı kwil

¹ Gbí nê-á sò Apolosi me Korěnti kwil, Pole sò me Asi gběnyah tley tantàn ko kah, à kyi de Yefesı kwil sòkò. A kyi Yesu tõ sáhpú yísyó we nénpó, ² té pé piki yah ne ñkě, páh sě Tě ñgbě Yesu yõ gbí nêne, pé se Liyel Mirki we ni? Pé me yo ñ tyí ne, pé náh Liyel Mirki yó rítě tyí yónó noh yah pólle.

* **18:18** 18.18 - Nsyifu ney-à sò ñ vyāh tòkò Liyel tyí, à náh tõ ñ yóle n kye, fók n pò no ké tyénó tyí. Yah n te Yáhnó 6.1-21.

³ Képah sɔkɔ, Pole me pè piki yah ne, òte ni sɔkɔ wèlñwìlkinó dùkù nê se pè we ni? Pè me à syah ne, Nsyɔ tyí-á. ⁴ Képah sɔkɔ, Pole tɔ̀ n sɔ̀ yo pé tyí ne, névye nónó-á fě syi pé nno vi mo, pépi-á sò Nsyɔ n wel n wilki ni sɔkɔ. Nte wăh sò me n yo névye tyí ne, nê-á kɪ n pɔ n pi péwɔ náhle, pè sě ñmo yô; ñmo nê-á Yesule. ⁵ No-á welo nópi noh sě, pè me wèlñwìlkinó we ni sɔkɔ Tě ñgbě Yesu yĩn yô. ⁶ Pole me ñ gbăñ sah pé yô té nírí pi pé tyí, Liyel Mirki me tiki pé yô. Képah tēne, pè tyah wénkáhkinóle n weki nónó-á pè nâh sè sâh,* té me Liyel tēntōnēne n we n syi n yo névye tyí. ⁷ Pé pól sò me nēpî gbōnimí kénkōle.

⁸ Képah sɔkɔ, Pole sò me n de n pɔ Nsyifunɔ Liyel ní-nsah wòkò sɔkɔ. A sò me n yăh n pɔ névyele ñsâh sɔkɔ Liyel tǔrí tyí yô, pópó ñwǒlɔ tǔnó. A sò me ñ tah sah ne, pé pé wey nóhpú sōno vi mo. ⁹ Nte tókù sò me pɔ nikisekókóle n pi, à yahle sēnóle ké yô, té me Tě ñgbě wěkì tyíle n yo n ko tówû yí yah. Kăh pi sě, Pole me pè sah, té Yesu tǔ sâhpú tē sɔkɔ pé yahle, à kyɪ yăhkile n yăh péle sōmesó kărn pí-nsah wòkò sɔkɔ, nê-á Tiranusi tyíle. ¹⁰ A képah tē pi sě ye nínó, fók Nsyifunɔ ànê nónó nâh pi Nsyifunole, té me Asi gběnyah sɔkɔ, pé pól Tě ñgbě wey we noh.

Seva dīnpì tyípínine

¹¹ Liyel sò me Pole tɔkɔ à gbìl tyísnóle n pi, ¹² fók névye pɔ tyah Pole flo ànê ñ myehtükēnēne n tɔkɔ n tũ n pɔ pé yámpú tyí, pè kǒ pè n de; ànê sétàn-à me nónó sɔkɔ, sè n wil pé sɔkɔ.

¹³ Té Nsyifunɔ yísyó sò me nónó tǔ-á sò sétàn yíninwìlkinókōnole névye sɔkɔ. Pépi tɔ me kè yah tɔkɔ ne, pé Tě ñgbě Yesu yĩn tɔkɔ kéle n pi. Pè sò me n yo sétàn tyí ne, Yesu nê tyí-á Pole n ne n yo, ñmo yĩn yô, ñkě sè wil. ¹⁴ Nsyifunɔ sɔkɔ, sárcá syínwìlkipu yǔtē nê-á pè n ye Sevale, ñmo dīnpì nēpî kwārnimi ye sò n pi képahle. ¹⁵ Nte păh képah yo sě, sétō pè syah ne, păh Yesule n pne, té tǔ pĩ névi dùkù nê-á Polele. Nte pépi-á dō, nónó se pépile ni? ¹⁶ Képah tēne, sétō-á sò dí nê sɔkɔ, à yuku ni pé sɔkɔ, té tē we pé tyí kékékèyô. A pè pi yo, fók pè to wil wòkò mè sɔkɔ à sɔkɔ wil títile. ¹⁷ Képah sɔkɔ, Nsyifunɔ nónó pól-á sò me Yefesɪ kwil, à tahlɪ nónó nâh pi Nsyifunole, păh yĩ mè noh, kè pi tíkile pé pól tyí. Pè me tyah Tě ñgbě Yesu yĩnne n gbilki. ¹⁸ Té nónó-á sò pi Yesu yô sēpúle, pé náhnâh pé tyítúkúni pínóle n yo n dal n mo n pɔ tówû yí yah. ¹⁹ Képah sɔkɔ, nónó-á sò me snèyne n pi, pé náhnâh me pé snèy pi pi sébéynó tɔkɔ pɔ tuke mo, à suke no pól yí yah. Păh sébéy nópi dro kǒ yah, sè pi pó pló kèyô tókúrí pó kwlóle.† ²⁰ Sě ye sò Liyel wey me tăhkile n we, à n tǔ n mo n yuku yahle Tě ñgbě gbò yô.

Fěkinó ñgbě nê-á pi Yefesɪ kwil

²¹ Tyi nópi pínsokonteno nâh, Pole kè yah tɔkɔ ne, păh kɪ kyɪ Masedoni gběnyah ànê Akayi gběnyah sɔkɔ, té kɪ pyě yuku Yerusalemɪ kwil. A sò me kéle n yo tole ne ñkě, păh kɪ yĩni tē nēnpó, păh yĩne pé kyɪ Wrome kwil to sɔkɔ. ²² Kăh pi sě, à me Timote ànê Yerasiti tekɪ mo Masedoni gběnyah

* **19:6** 19.6 - Yah n te 2.4. † **19:19** 19.19 - Légbine, pó pló kèyô tókúrí pó kwló (50 000) kɪ sò fě nēpî gbōnkenúkò kénkò tǔ pínó pó dyah ye gbām sɔkɔ.

sokɔ, pépi nónó-á sò ò yòhnìnmpule. Té òmɔ wɔ wũ à sèpìn yísyó pɪ Asi gběnyah sokɔ.

²³ Légbíne, fěkínó ògbě yó pɪ Yefesɪ kwil, Tě ògbě wěkì tyí sokɔ. ²⁴ Sán ywó-ò kètòndí yó lésò me pè n ye Demetriyusile. Kéne dí òkěne tăn vî yáryár yísyóle ne n ywɔ wárn vyɔɪ pèrpérle. Yefesɪ tăn tò yũkì nê-á pè n ye Artemisile, képah wòkò kètònó ye òkěne à n ne n ywɔ. Té ò tònɪbɪ sò me póle n we yíí ò tyí, tò mè pínó sokɔ. ²⁵ Sò yóle, à ò tònɪbɪ pól ye tuke, à tahl ò tò dùkù pípú pól tyí. Képah tēne, té yo pé tyí ne òkě, pé kódíbí, pé pól-á kè pī yíí ne páh me yòrele n we n yíí pé tò mè pínó sokɔ. ²⁶ Nte dí nê-á pè n ye Polele, wăh me pɔ tir nēne n pɪ, páh se me kéle n nohnɪ, té me kéle n yah té. Kéne Pole-á me névyele n kwɔ ne òkě, fal fal tănne, névyé gběnpɪnɔ yî-á séle, yò náh me sé tyí. Kéne wey mè òtē-á me névyé nahnáh yò yɪkɪ Yefesɪ kwil. Té kè náh se tō me yīn képah ó tyí, òkě káh me Asi gběnyah kwlo kan pól névyé yóle n yɪkɪ. ²⁷ Káh yò sokɔ sě, yī mè-á kɪ n syah pépi pɪ pɪ tòle n yɪkɪ dé! Kè náh se tō n yīn n pɪ képah ó tyí, pé fal fal tò yũkì Artemisi wòkò náh tō n mɔ n kō n pɪ pólle. Gbílkinó nê-á sò me n sah tò mè yò, káh kɪ yīn mɔ. Té képah-á mó tō Asi gběnyah névyé pól ànê kèkòyó névyé pól me n gbilki.

²⁸ Demetriyusi-á fyò kéne welɔ yo névyé noh sě, pé fɔkɔ kah vyăh. Pè me tyah yo tũ wòhòh ne òkě, pépi Yefesɪ tăn Artemisi tē wɔ kénkò náh me. ²⁹ Píntũnɔ mè yínpɔ kwil pól tō. Té Masedonɪ gběnyah tăn népî nímí yísyó tɔ sò yuku Polele ò kóló sokɔ Yefesɪ kwil. Pé sokɔ núkú yīn ye Kayusile, ní-ò yīn me Arisitarkɪle. Képah tēne, no núkú wě tyí mɔ, à to tuke népî nímí nópi yò, à pè tē yɔɪ sokɔ pé tówû tükè-nsah sokɔ. ³⁰ Képah sokɔ, Pole sò me ké tyí ne, pé kyɪ pé yò wilki mɔ tówû tyí. Nte Yesu tò sáhpu me kè yahle ò tyí. ³¹ Asi gběnyah né-ògbnɔ yísyó tɔ sò me, nónó-á sò Pole kódíbíle. Pépi tɔ me tēntò mɔ ò tyí, à à vi mɔ ne, à káh n kyɪ tówû tükè-nsah mè sokɔ.

³² Té légbíne, tówû mè névyé pól sò me wèkɪ fěkɪ tũ wòhòh, té pé pól tyíyónónɔ mó tō me sé tyí tyíle. Káh pɪ sě, kè pɪ fěkínóle. Névyé kan òtē náh sò me pé pónó yò pī. ³³ Nsyifu dí yó tɔ sò me pè n ye Alekisădrele. Pé no Nsyifunɔ me òmɔ kurki mɔ kyɪ sah tówû yah tīnne ne, à yo ké sokɔ. Képah sokɔ, Alekisădre me ò gbò pɪ mɔ tówû tyí. A sò me ké tyí ne, pé pé no Nsyifunɔ vyăh syi. ³⁴ Nte tówû-á fyò pɔ n pī ké sokɔ ne Nsyifu ney-á òne, pé pól núkú tō tyah yo mɔ tũ wě yò wòhòh ne òkě, pépi Yefesɪ tăn Artemisi tē wɔ kénkò náh me! Pè képah tē yo tũ sě, pópó kè syi pɔ n no lérínó nínó kénkò tyí.

³⁵ Nte ké tyé-nsah, kwil sébéy wárkí-ò dí pɔ tē we pè yīn mɔ. Képah sokɔ, té me ne òkě, Yefesɪ tăn, névyé pól-á pī ne, Yefesɪ kwil-á n syɪkɪ pépi fal fal tò ògbě Artemisi wòkòle, ànê ké tãhsè nê-á wil yínyò à pɔ syɪkɪ. ³⁶ Kè kòlì-ò náh me pólle. Képah-á, pé pé nnɔ vi. Pè káh tir yó òtē pɪ sònyah-òkěne. ³⁷ Díbí nónó-á pè tē pɔ ásò, pé náh tir yó pɪ de pépi tò wòkò tyí, pé náh se mó tō yo de pé fal fal tò yũkì mè tyí. ³⁸ Nte káh kɪ me pɪ ònî me pɪ de Demetriyusi ànê ò tò pímú tyí, tukey tükèné yòhnì-á me, tukey tükèpu

‡ 19:35 19.35 - Kwil sébéy wárkí-ò dí nê tyí-á n yo ásò sokɔ yò, né-ògbě ye sò òne kwil mè sokɔ.

mó tǒ me. Pè kyí n tǒkǒ tǔ kǒ pépi tyí kè. ³⁹ Té tyí yísyó tǒ-à kú se tǒ me pé tyí wah wah tǔne, pǎh kú fǔ pǒ sé yah yo kwil névye tuke mǒ sǒle. ⁴⁰ Pǎh yékâb nê sǒkǒ kweyne yò, tir yó nǔtǔ se me pé tyí, pé kú fǔ we yo yékâb mè yǒle nǔ? Képah-á, pǎh kú n to n kǒ yò, pǎh kú pǒ n syah n tǒkǒ péle n kǒ dé!§ ⁴¹ Welǒ nǒpi yónteno náh, à névye kǒ pé karkú.

20

Pole yúkúnóle Masedoní ànê Kresí gběnyah sǒkǒ

¹ Té fǔkínǒ mè-á pǒ yǐn mǒ gbí nêne, Pole me Yesu tǒ sǎhpú ye tuke, à sǒré mǒ pé sǒkǒ, té wǔkǐ ni pé tyí, à sǒkǒ Masedoní gběnyah sǒkǒ. ² A kéne gběnyah pól kǒ kǒ, à sǒré yah mǒ kǒ náhnáh Yesu yǒ sǔpú sǒkǒ. Wǎh yal nénpǒ, à sǒkǒ Kresí gběnyah,* ³ à kyí nǔwǒlǒ tǒnǒ pǔ nénpǒ. Képah náh, wǎh pǒ ñ vi ne, pé de krótókè nǔgbě sǒkǒ, pé yal n yuku Siri gběnyah sǒkǒ, à kè we noh ne, Nsyifunǒ-á me ñne n plǒ pèkè yǒle. Kǎh pǔ sǔ, à kè yah tǒkǒ ne pǎh kú pé syí syǒ Masedoní gběnyahle. ⁴ Té nónó-á sǒ Pole wǔkǐ kómûne, pépi we yò: Sopaterí nê-á n wil Bere kwil, té ñ sǔ yǐn me Pirusile, ñmǒ sǒ me, à tahlí Arisitarkí, ànê Sekǔdusi tyí, pépi nónó-á n wil Tesaloniki kwil, ànê Kayusile, nê-á n wil Derbú kwil, ànê Tisyikile, ànê Torofimine, pépi nónó-á n wil Asi gběnyah sǒkǒ, à tahlí Timote tyí. ⁵ Pépi me sǒkǒ ápi yahle, à kyí ále n syíkí Turasí kwil. ⁶ Búrñ sǔ-ñkǔ syáh syáhnsǒkǒnteno náh, ápi wǒ mó kyí de krótókè nǔgbě yó sǒkǒ Filipi kwil, à pé nyáh sǒ. A sèpǐn kwál pǔ té pyě de á no tnǒ Turasí kwil. Képah tǔne, á tǔ nénpǒ à sèpǐn kwárnino pǔ.

Pole-á Yetiki lékó yilki mǒ sǒ Liyel gbò yǒ, Turasí kwil

⁷ Yòh wrǒ gbǐyǐkǐ gben sǒle,† á lésǒ me tuke mǒ Tǔ nǔgbě yǒke yǒ yǐnne, té Pole me yǎhkǐle n yǎh tǒwúle. A kú sǒ n yal n pi dǐndalle Turasí kwil. Kǎh pǔ sǔ, à Liyel wey yo mó pé tyí, pópó à pǒ no tyah tónó tyí. ⁸ Té á pól sǒ me tǔkènmǒnǒle gběntǐn yǒ wòkò tǒ-ò sǒkǒ, té fòtnǒnǒ me tǔnsǎhnǒle pǐpǐ ké sǒkǒ. ⁹ Kètǔnpǐkǐ yó tǒ sǒ me ále pé n ye Yetikile. Nmǒ sǒ me kǒ tǔ fnètír vyǎh yǒ. Dǒ, dǒy pǒ mǔ ñ sǒkǒ. Nte Pole Liyel wey yǒ-á sǒ me kǒ sǔ, à pǒ dǒ, té tǔ syí yǐnyǒ wòkò tǒ-ò sǒkǒ, fǒó à pǒ syíkí sétáh. Pǎh pópó pǒ ne pé à yilki sah, pé à we kúnóle. ¹⁰ Képah tǔne, Pole tǒ tiki pǒ, té kǒ à yǒ ñ gbǎn sǒkǒ, té yo pé tyí ne: «Yé káh n ye yé yáh-ńsah tyé; à me min sǒkǒ.» ¹¹ Képah náh, à ñ syí dǒkǒ yuku nǔtǒ, pé kyí Tǔ nǔgbě yǒke yǒ wǔ tyí, té tǒ yǒ sǒkǒ Liyel wey yónóle, pópó à pǒ no tyah dal gbí tyí, té à pyě sǒkǒ. ¹² Képah sǒkǒ, no me Yetiki tǔ sǒkǒ ñ vile krémkrém ñ gbò. Yǐ mè pǔ yǐí nǔ dénǒ nǔgběne no pól tyí.

Pole wǐlnǒle Turasí kwil, à yuku Miletí kwil sǒkǒ

¹³ Pole sǒ kè yah tǒkǒ, à sǒkǒ Asǒsú kwil sǒkǒ, gbáhkǐ yǒ. A sǒ ne ápi pé yah yohnú nénpǒ, á pé twah. Kǎh pǔ sǔ, ápi me de krótókè nǔgbě sǒkǒ, à mǒ ñ yahle à kyí ñne n syíkí nénpǒ, ñ twah yǐnne. ¹⁴ Wǎh pǒ de, á pól de krótókè sǒkǒ, à yǒ sǒkǒ à kyí yǐn Mitilení kwil. ¹⁵ Képah náh, á tǒ yǒ sǒkǒ.

§ 19:40 19.40 - Yòtám nónó-á Wrome tǎnne, pépi tyí ye pé n yo ásǒ sǒkǒ ne, pǎh kú n to n kǒ, pǎh kú pǒ n syah n tǒkǒ péle n kǒ. * 20:2 20.2 - Kresí nê tyí-á n yo yò, ké yǐn ye tǒ Akayile. Yah n te 19.21. † 20:7 20.7 - Yòh wrǒ gbǐyǐkǐ gben nê tyí-á yo ásǒ sǒkǒ yò, tǔkú me n sǒ ne samidi-á, tǔkú mó me n sǒ ne dimansyi-á.

Ké sèpìn ní-ò sòlè, á kyɪ yīni tē gběnyah yó yèsreyne pè n ye Kyolè, pne yo nuyó. Ké sèpìn tǔ-ò sòlè, á kyɪ sòkò gběnyah yó gbòpò pè n ye Samoselè, pne yo nuyó. Ké sèpìn nýáh-ò sòlè, á pyě yīni tē Miletì kwil. ¹⁶ Té Pole sò mè sàlnó sòkò ne kàh kɪ fě n pɪ n pi, pé ne mè Yerusalemɪ kwil Pāntekotɪ syáh syah sòlè. Képah ye à kǔ à yǔ sòkò, à náh syǔ Yefesɪ kwille. A sǔ pǐ ne páh kɪ de nénpó, pé náh we n wil n pi súú Asi gběnyah sòkò.

Pole-á vìnmonɔ nêne Yesu yǔ sǔpú yah tām kǔ Yefesɪ kwil

¹⁷ Képah sòkò, Pole tē Miletì kwil, té tǔntǔ mɔ Yefesɪ kwil Yesu yǔ sǔpú yah tām tyí ne pè pò. ¹⁸ Páh pò yīni tē n tǔnǔ, à yo pé tyí ne: «À tǔkò nímɔ pò sǔ tyí Asi gběnyah sòkò, máh me n pɪ sǔ gbímegbí yé wró, yé se kéle n pne té. ¹⁹ Mé tǔ pɪ Tē ñgbě tyí gblǔy tǔkínmonɔ kègbɪ sòkò, à yéfi kwe. Té Nsyifunɔ tɔ mè vi n náh gbáhyí nahnáh sòkò, à yèvyǎhrɪ nahnáhle n yīni tē. ²⁰ Nte yé se pǐ ne, mé náh tir yó ntē wǔbɪ yéle nê-á kɪ fě yé tyí pekɪ n pi té. Mé sǔ mè sé pǔlle n yo yé tyí, té mè yéle n kwɔ tówú tǔkè-ntǎn sòkò ànê yé gbèn tɔ sòkò. ²¹ Mé kè yo kǔ Nsyifunɔ ànê Krekɪ névyè tɔ tyí ne, pé pè nno vi mɔ, pé mó sē ápi Tē ñgbě Yesu yǔ.

²² Nte núkúnúkú, Liyel Mirki we n kyí mɔ mé n sòkò Yerusalemɪ kwil yǔ. Mé náh pǐ tir nê tē wǔ-á kɪ kyɪ n yīni n tē n pi nénpó. ²³ Máh nê tē wǔle n pne, máh de kwil nê sòkò, Liyel Mirki ñkēne kéle n wǔkɪ ne, wǔkǔnpèkè sòkò dénó ànê yèvyǎhrɪ-á mè n syɪkɪ tē. ²⁴ Nte sépinó pól sòkò, n gblǔy min tē tyí náh me tah n tyí pǔlle. Mé náh me kéle n mɔ n kǔ kwáhtǎhle. Tir nê tyí-á me tah n tyí, képah ye pɪ n tǔ pǔntenɔle; tǔ nê-á Tē ñgbě dahbɪ n gbǔ sòkò ne mé Nìvìnì tirlè n yo n kǔ Liyel pèpɔrɪ tyí sòkò.

²⁵ Nte núkúnúkú, mé pǐ ne máh syǔ yépi nónó pól tyí à Liyel tǔrɪ tyí yo kǔ, yé náh tǔ n we n yah n pi. ²⁶⁻²⁷ Nte mé náh yé wǔbɪ Liyel dyɔ yǔ tir yó ntēne, mé ye sé pól yo sòkò yé tyí. Képah ye, mé kéle n yo n dal n mɔ yé tyí kweyne ne, yé sòkò ney nê-á kɪ se tǔ mɔ pu, ké kémú náh n pɪ n pi nímɔ tyíle.

²⁸ Yé yé gblǔy tǔnó ple, yè mó Liyel yípêy‡ tǔnó ple, Liyel Mirki-á yé sah sépi nónó yǔ ne, yé séle n tē ple. Sépi ye Yesu yǔ sǔpú tǔnkǔle, Liyel-á nónó pɪ n tyíle n pídí tǔ kwénó gbǔ yǔ.

²⁹ Mé pǐ ne, nímɔ sókóntenɔ náh, névyè yísý-á kɪ pò de yé wró gběnképèl tyí kǔle, kɪ yényèh pɪ yípêy sòkò. ³⁰ Té yépi ntē sòkò, névyè tǔkù kɪ pò yuku tyah mìnì welolè n yo, kɪ Yesu tǔ sǎhpú yǔ yɪkɪ, pé kǔ pè kɪ pé sǔ tē. ³¹ Kǎh pɪ sē, yé yé gblǔyne n kyomɪ, yè mó yé dyɔ sah ne n kwne ne, máh lésǔ yé kwɔ ye tǔnó, ké lékǎh ké gbǔntǔ, à vìnmonɔle yé nénúkù núkù pól kǔ. Té kèyǎhle n yéfi ntē n kwe ké tyí sòkò.

³² Té núkúnúkú, mé yéle n dahbɪ Liyel ànê n pèpɔrɪ wey gbǔ sòkò. Tǎhkì mè nímɔ sòkò kɪ fě yé kǔ yé kɪ yuku yahle nímɔ yǔ sǔnó sòkò, té wǎh n vyǎhle yé kǔ n pèpɔrɪ nê tyí sòkò, yé kɪ kè we wǔ tyí ànê nónó pól-á mè Liyel tyí yǔ n yǔ sǔnó yǔnne.

³³ Mé náh pǔ, ànê sǎn, ànê flo yah kǔ ñnì yó ntē tyí. ³⁴ Yé pól pǐ ne, máh tǔ pɪ n gbǎnne à yǔn n gblǔy yǔnnóle, ànê n kómú tɔ yǔnnóle kè.

‡ 20:28 20.28 - Liyel yípêy nónó tyí-á n yo ásǔ sòkò yǔ, Yesu yǔ sǔpú ye pè n ye.

³⁵ Mé kéle yé wěki tyi pól soko ne, sě-á névi yĩne à tòle n pi, à kwáhle n we à yám tǎnne n yohnu n mo, à mó ò dyo sah ne n kwne Tě ògbě Yesu wey mè tyíle wǎh nê yo ne òkě, sǎm-á me kǒnó soko, à kal wénsyinole.»

³⁶ Pole-á welo nópi yo po tyé, à kuku yĩn péle wě tyí, pé pól Liyel ni. ³⁷⁻³⁸ Tě Pole sò yo pé tyí ne, pé náh tǒ pé yèpo we n yah n pi pólle. Képah soko, pé pól tyah òne n poru n tē n po à n weki ò tyí, té n gbo yèkwori tē tyí. Képah náh, pé kyí à tekí mo, fókó krótókè tókó-nsah soko.

21

Pole dókónyukunole Yerusalemi kwil

¹ Képah soko, áyáh po we yal pé tyí, á de krótókè ògbě yó soko, à yó soko gběnyah yó soko pé n ye Kosele, pne yo niyó. Á náh kwó dah fí yó ntē soko. Ké dǐndalle, á yó soko gběnyah yó soko pé n ye Wrodesile, pne yo niyó. Áyáh wil nénpó, á yuku Patara kwil soko. ² Á kyí yĩne krótókè ògbě yóle, kè me n yuku Fenisi gběnyah soko. Á me de ké soko, à soko. ³ Á kyí syó yúkey gběnyah yóle pé n ye Syiprile, pne yo niyó, fókó á ké yó ntēne n yah. Nte á me kè mo á gběyìnè sòle, té á yah mo Siri gběnyahle, à kyí tiki ké kwil yó soko pé n ye Tirile. Krótókè mè vyó kú sò n tiki n mo n pi nénpó. ⁴ Képah soko, áyáh kyí Yesu tò sáhpú nónó we nénpó, á tē péle à sèpìn kwárnino pi. Tě kéne sèpìn soko, Yesu tò sáhpú kè yo Pole tyí Liyel Mirki gbò yó ne, à káh doko yuku Yerusalemi kwil.* ⁵ Nte sèpìn kwárnino nópi-á fyò soko, á tǒ kyí yó soko á kólóle. Áyáh n soko, díbí, ànê syó, ànê wěnpì pól kyí á gbáhkì wilki mo kwil náh òne, yóngbalí soko. Á pól me á gbètukunò di nénpó, à Liyel ni péle wě tyí. ⁶ Képah náh, á weki wě tyí, té wě fin mo. Á tékínmopu nópi me pé syí soko pé òne. Ápi me tǒ de krótókè mè soko ⁷ à yal Tiri kwil soko, pópó à kyí de kwil yó soko pé n ye Pitolemayisile. Nénpó soko ye á krótókè soko kóló yĩn mo. Á me wil krótókè soko, à kyí yah weki kó Yesu yó sèpú tyí kwil niyó, té gbìyìkì nukú pi péle.

⁸ Ké dǐndalle, á po yó soko á kólóle, à soko Sesarí kwil. Áyáh yĩni tē nénpó, á kyí twah Filipi tyí, nê-á Nìvìnì tir yó-òle. Népì kwárnimi† nónó-á lésò pé yah wilki Yerusalemi soko, à pi Yesu tēntò névyé yòhnìnmpule, pépi soko ney yó ye sò òne. ⁹ Tě syónpì népì òyèh sò me ò tyí, pé náh díbí tyí pì. Kéne syónpì sò Liyel tēntònene n syi n yo. ¹⁰ Képah soko, á me sèpìn yísyó pi nénpó. Á me nénpó, té Liyel tēntò syínyo-ò yó to wil Nsyude gběnyah, à po á we. Pé òne n ye Akabusile. ¹¹ Wǎh po á we, à Pole kó toko, à ò gblóy gbyèh ànê ò gbàn pukubi kéle, té ne, Liyel Mirki-á yo ne òkě, sǒ-á pé pukubi pé gblóyne, sěntě-á Nsyifunò kú n pukubi n pi kó mè nētēne Yerusalemi kwil, té kú ò gbàh de mo névyé kó, nónó náh pi Nsyifunole. ¹² Képah tēne, áyáh welo nópi noh sě, à tahlí Yesu yó sèpú nónó-á sò me Sesarí kwil, ápi pól Polele n ni ne, à káh doko yuku Yerusalemi soko. ¹³ Nte Pole me yo á tyí ne, sǒ se pi, té á n gbo, à n yah n kó yèkwori mó-nsahle pé soko ni? Òkě, káh kú sǒ yĩn-òkēne pé púkúbínó ó tyí, té pé ku ntēne Yesu yĩnne Yerusalemi soko, páh kè fě syi. ¹⁴ Tě áyáh ò sòno vi mo kwlo sě, á yal mo ò gbáhtēnole, té ne, Liyel dyo dyo tē ó pi!

* **21:4** 21.4 - Yah n te 20.22-24. † **21:8** 21.8 - Yah n te 6.5 ; 8.5.

¹⁵ Áyáh sèpìn nópi pɪ pɔ n dal mɔ, á á vi, té wěkì tě, à dɔkɔ yuku Yerusalemɪ sɔkɔ. ¹⁶ Té Sesarɪ kwil Yesu tò sáhpú yísyó me á sò tě. Pépi me á tě yuku dí yó ònne pè n ye Mnasõne. A sò n wil gběnyah yó sɔkɔ pè n ye Syiprile, pne yɔ niyó. A sò yĩne à twah òmɔ tyí. Kéne díne, Yesu tò sáh-ò ye sò ònne di mónóle.

Pole kyínyahnɔle Nsyaki tyí

¹⁷ Képah sɔkɔ, áyáh kyɪ yĩni tě Yerusalemɪ kwil, Yesu yò sěpú me á tǔ sah tě òvìni sɔkɔ. ¹⁸ Ké dǐndalle, Pole sɔkɔ ále Nsyaki ònne, nýãh sɔkɔ-á sò Yesu yò sěpú ònkì yah tãm to me tükènmɔnɔle pé tǔó. ¹⁹ Wãh kyɪ de, à weki pé tyí, té Liyel-á à tɔkɔ à tyi nóno pɪ névye wró, nóno náh pɪ Nsyifunɔle, à me sé pól yo wah pé tyí pnépné. ²⁰ Pãh képah noh sě, pè Liyel gbilki, té me yo Pole tyí ne, pé yúnpi Pole, à kó me n yah Nsyifunɔ nékwínkí sě Yesu yò ni? Nkě, pãh me Moyisi tyi kònsàhnó wěkùle n kɔ n yíí pé pólle dé! ²¹ Nte à yah, no-á me nêne n yo ò tyí sɔkɔ; pãh me n yo ne, Nsyifunɔ nóno pól-á me karkɪ tě tě kǔ nékáhbí wró, wãh me péle n kwɔ ne nkě, pè pé syɪ Moyisi tyi kònsàhnó náh. Wãh me n yo pé tyí ne, pè káh tǔ pé wěnpìle n kǔ, ànê pè káh tǔ Nsyifunɔ wãlle n kɔ. ²² Té pãh kɪ se mó tǔ ò pónó noh n pi. Núkúnúkú, sǔ se pé kɪ pɪ ni? ²³ Nkě, pãh kɪ nê yo n pi ò tyí, à képah pɪ. Díbí népí ònyêh-á me ásò, nóno-á pé vyãhle Liyel kǔ, té kɪ ké tyi pɪ n pi. ²⁴ Nkě, à pè tě sɔkɔ, òmɔ ànê pépi kyɪ ké tyi pɪ pé gblǔy tǔ sah Liyel yah, òmɔ mó yĩn pé ywǔ kyénó sárká gbònwílkìle. Képah sɔkɔ, no pól-á kɪ pĩ ne, pãh tyi nóno n nohnɪ ò tyí sɔkɔ, gblɔ náh séle, òmɔ nte tɔ-á me n kɔ Moyisi tyi kònsàhnó wěkì yò. ²⁵ Nte nóno tě wɔ náh pɪ Nsyifunɔle, té vi mɔ pɪ Yesu yò sěpúle, pãh nê yah tɔkɔ, pãh kè wãrkɪ tekɪ mɔ te pé tyí ne: Pè pé gblǔyne n tě sãh fálnó yíle, ànê fòfíkìle, ànê tó kwé-nké kwáhkókè kòle, ànê tónne. ²⁶ Képah sɔkɔ, dǐndalle Pole díbí nópi tě pè sɔkɔ wě tyí, à kyɪ pé gblǔy tǔ sah. Képah náh, à de Liyel ní-nsah gbô sɔkɔ. Té sò nê-á pé gblǔy tǔnsàhnó sèpìn kɪ tǔ, té pè kɪ sárká wilki n pi pé nénúkù núkú pól yĩn yò, à me ké gbíyíkì yo nénpó.

Pole těnole Liyel ní-nsah gbô sɔkɔ

²⁷ Té sèpìn kwãrninɔ nópi tyénó sɔkɔ, Nsyifunɔ nóno-á n wil Asi gběnyah sɔkɔ, pè Pole we Liyel ní-nsah gbô sɔkɔ. Pè me tówù pól kurki mɔ ò yò, té à tě. ²⁸ Pè sò me gbo mɔ tǔ ne nkě, Yisrayel tãn, pè pé yohnɪ n mɔ oo! Pè yah dí mènne, òmɔ-á n yo n ykɪ pépi Nsyifunɔ tyíle ywǔ ywǔ pól sɔkɔ, ànê tyi kònsàhnó tyíle, ànê Liyel ní-nsah gbô tyíle. A wil képah sɔkɔ, névye nóno náh pɪ Nsyifunɔle, wãh pè tě de Liyel ní-nsah gbô sɔkɔ. Liyel tyah mè nte dél kó à pɪ yò ni? ²⁹ Té Torofimi nê-á n wil Yefesɪ kwil, òmɔ ye lesó pè we ànê Polele wě tyí kwil niyó sɔkɔ. Képah ye, pè núkú we ne, Pole-á à tě de Liyel ní-nsah gbô sɔkɔ. ³⁰ Kãh pɪ sě, kwil fěkɪ. Névye me to wil ywǔ ywǔ pólle, à pɔ. Pè me Pole tě yorɪ wil Liyel ní-nsah gbô náhle, té núkú ké yey vike. ³¹ Gbí nê-á sò pè me n yah n kǔ Pole kònmɔ-nsahle, Wrome tãn sràsyíbí yòtě ògbě kè we noh ne, Yerusalemɪ kwil pól-á me fěkìnóle. ³² Nénpó swɔ, à núkú sràsyíbí ye tuke ànê sràsyíbí yòtãmne, té to sɔkɔ péle tówù mè mé-nsah sɔkɔ. Té tówù mè-á fyò sràsyíbí yòtě ògbě mè we à n pi ànê sràsyíbìle, pè núkú yal mɔ Pole kònóle. ³³ Képah sɔkɔ, sràsyíbí yòtě

̀ngbẽ me no de Polele, à à tẽ, té ne, pè à pukubi kě́lọ́ plọ́ nínóle. Té piki yah ne, nédúkú nê se nne, ànê tir nê se à pi ni? ³⁴ Nte tówú mè nénye pól yuku yo mo tũ wẽ yõ pé tyíyónónole sé tyí tyíle. Kǎh pi sě, sràsyíbí yõtẽ ̀ngbẽ mè nǎh fě tẽ ké yõ pĩ. Képah sọkọ, à ne sràsyíbí Pole tẽ kyí dah mo pé wòkò ̀ngbẽ sọkọ. ³⁵⁻³⁶ Pǎh kyí yĩni tẽ wòkò ̀ngbẽ mè yah, té Pole tyah n dọkọ ké súndọkọ-ńtǎn yõ, no pól n sò tẽ me gbo mo tũ ne, pè à ko mo oo, pè à ko mo! No-á Polele n kah n yĩki n kǒ sě, sràsyíbí kwlo pè à yõ sọkọ.

Pole-á n vyǎh kǒli sǒ

³⁷ Té gbí nê-á pè n tyah dénóle wòkò mè sọkọ, Pole me yõtẽ ̀ngbẽ mè syah ne, pé se ki fě tir yó yo n tyí ni? Yõtẽ dí ne, è, té wǎh Kreki weyne n nohnú kè! ³⁸ Nkě, Yesyipti kwil dí nê-á fěkínó pi sě yò sě yò, à tyínyèh pípú népí kẹyó nínó (4 000) tẽ sọkọ gběnni sọkọ, tẽ nǎh ñmole kè. ³⁹ Képah sọkọ, Pole à syah ne, Nsyifu ney-á péwole, pé dúbí-ńsah tótó-á Tarsu kwille, Silisi gběnyah sọkọ. Pé dúbí-ńsah kwil mè yĩn-á me wílnóle. Nkě, à n gblǒy ye, à mó ye pé kǒ pé yo mo no tyí. ⁴⁰ Sràsyíbí yõtẽ ̀ngbẽ me ké wěkìle à kǒ. Képah tẽne, Pole yuku yĩn súndọkọ-ńtǎn yõ, té n gbò pi mo no tyí, pè me yĩn súmm. A me tyah n weki pé tyí Yebre wey‡ sọkọ ne ńkě:

22

¹ «Ñ súbí ànê ní yúnpyé, yé yé gblǒy ye, yè mó noh ní tyí, nê-á mé ki yo ki ní vyǎh kǒli n pi yé tyí.» ² Képah sọkọ, pǎh Pole we à n weki pé tyí Yebre wey sọkọ sě, tyah tǒ gbah pi súmm. ³ A me yo pé tyí ne: «Nsyifu ney ye ñmole. Mé dubi Tarsu kwil, Silisi gběnyah sọkọ. Nte Yerusalemú kwil mè sọkọ ye mé kyǎh yò. Té Kamalyeli ye sò kwọ ñne. A ní kwọ yíí á nǎh tǎn tyi kǒnsàhnó wǎlle. Mé sò me gbah tẽ yíí Liyel yõ sěno sọkọ, sǒ-á yéle ké sọkọ kweyne yò. ⁴ Mé Yesu yõ sěpú fǒh, fǒó à pé túkù ko mo. Mé pé díbí ànê pé syó túkùle n tẽ n pukubi n dah n mo n pọ wòkònpèkè sọkọ. ⁵ Sárká syínwìlkìpu yõtẽ ̀ngbẽ ànê Nsyifunọ yèwǎhni pól ki fě pi ní tǎrfyòle ké sọkọ. Pépi n tẽ tyí ye lésò mé we syi sébéynóle ne mé kyí á no Nsyifunọ kǒ Damasi kwil, mé mó Yesu yõ sěpú we n tẽ n pukubi nónó-á me nénpó, mé pọ péle Yerusalemú sọkọ, mé pọ pè fǒh.

⁶ Képah sọkọ, máh me wěkì yõ, té me de n te Damasi kwille, kyòo yó núkú wil yínyõ sọkọ gbìntǒle, à pọ kwe ní yõ pèrr à ní mo gbí. ⁷ Kǎh pi sě, mé yõ syiki sétáh, té yínpǒ yó noh nê-á me n yo ní tyí ne: «Sole, Sole, kwáh nê pi té á ñne n fǒh sě?» ⁸ Mé me piki yah ne, nê se ñmole ni, Tẽ ̀ngbẽ? Kéne yínpǒ tǒ ké syi yo ní tyí ne: «Nasaretu kwil Yesu ye ñmole, nê-á á n fǒh.» ⁹ Képah sọkọ, máh sò me wěkì yõ ànê nónóne, pépi tǒ sò kyòo mè we; té nê-á n yo n mo ní tyí, pè nǎh tẽ wọ wey noh. ¹⁰ Mé me piki yah ne, tir nê se mé yíne mé pi ni, Tẽ ̀ngbẽ? A me yo ní tyí ne: «Yuku n de Damasi kwil. Té wáh yíne n tyi nónó pól pi, pè ki sè yo n syah.» ¹¹ Nte kyòo mè píkinó sò me ní yí wọ. Kǎh pi sě, áyáh me wěkì yõ ànê nónóne, pépi me ní gbò sọkọ tẽ, à de Damasi kwil.

¹² Té dí yó lésò me nénpó pè n ye Ananiyasile. Kéne dí sò me Liyel wěkì těno ple, me n tyi kǒnsàhnóle n pi sé wǎl yõ. Nsyifunọ nónó pól-á sò me nénpó, pé pól sò me n yíngbíle n yo. ¹³ Nmọ me pọ ñmọ tnô, té yo ní tyí

‡ 21:40 21.40 - Nsyifunọ wey ye sò Yebre weyne.

ne: <N yúnpi Sole, fě ne n yah n̄tõ.> Wǎh yo sě, nénpó swɔ́ n̄ yí ykí, mé me à we. ¹⁴ Képah sɔkɔ, à me yo n̄ tyí ne: <Liyel nê-á á náh tǎn n gbilki, ñmɔ ye ñ yah tɔkɔ ne á pé dyɔ yíine n pne, ànê á pé tònpi négbí* we yíne, á mó ñ vyǎh wey noh. ¹⁵ Képah ye, wáh tyi nónó we, té tyi nónó noh Liyel tònpi négbí tyí sɔkɔ, á kɪ n pi n pi sé yónwàh-òle no pól yí yah. ¹⁶ Kǎh pi sě, núkúnúkú káh n tǔ n tẽ n mo. Yuku, á yíne wèlnwìlkinóle ni sɔkɔ, á tyípèl mó yǔ mɔ ñ kǔ, Tě ñgbě Yesu yín yéngbonɔ sɔkɔ.>

¹⁷ Képah náh, mé n̄ syi sɔkɔ Yerusalemɪ kwil. Té sǔ yóle, máh me nírile n pi Liyel ní-ńsah gbô sɔkɔ, Liyel wěkínó yóle n̄ wěkɪ. ¹⁸ Mé Tě ñgbě we à me n yo n̄ tyí ne n̄kě, Yerusalemɪ kwil tǎn náh n̄ tyíyónó fě n syi n pi péwo tyí sɔkɔ. Képah-á, mé sal n wil súú Yerusalemɪ kwil sɔkɔ. ¹⁹ Nte mé me yo ñ tyí ne, á no Nsyifunɔ-á kè p̄ yí ne, máh lésǔ me n kyɪ n pɔ á Liyel ní-ńtǎn v̄i sɔkɔ, à ñmɔ yǔ sěpúle n tẽ n dah n mɔ n pɔ wòkònpèkè sɔkɔ, té péle n ko yèfǒhle; ²⁰ à tahlɪ pǎh ñ tyí yónwàh-ò Yetyěni ko mɔ gbí n̄ne, ñmɔ tɔ-á sǔ me dò. Máh sǔ me mɔ ñ kònmɔpule, té pi pé fwòmò-ñgbnɔ syíkí-òle dò. ²¹ Képah sɔkɔ, Tě ñgbě me yo n̄ tyí ne: <Fíi sɔkɔ ye mé n tekɪ n mɔ ále kwlókáhkí névye tyí. Ne n yuku!>>

²² Tówú sǔ me Pole welɔle n tǔ n sah n nohnɪ, ñte wǎh fyò pɔ welɔ n̄opi yo ne, kwlókáhkí névye tyí-á Tě ñgbě n tekɪ n mɔ péle, pè núkú gbo mɔ wòhòh ne, ñsǔntě névi-á yíne kònmòntonɔle sétáh yǔ. Á náh yíne à tẽ min sɔkɔ. ²³ Pè sǔ me kah gbo mɔ tǔ, me pé flɔle n de n milki, té me n̄ngbõne n yilki n mɔ. ²⁴ Kǎh pi sě, sràsyíbí yǔtě ñgbě ne, sràsyíbí Pole tẽ de pé wòkò ñgbě sɔkɔ, pè mó à ko yèfǒhle. Képah sɔkɔ, tir nê yín-á tówú n gbo n mɔ ñ yǔ sɔkɔ, páh kɪ ké yǔ p̄. ²⁵ Nte pǎh Pole pukubi m̄nɔle ne páh ñne n ko gbí n̄ne, sràsyíbí yǔtě dí nê-á sǔ me nénpó, à yo ñmɔ tyí ne: «Ké wěkì se me yépi tyí kɪ fě Wrome tǎn gbò mɔ yǔ ko ñ tükè-ñkě n̄tēne?» ²⁶ Dí-á képah noh sě, à kyɪ kè yo sràsyíbí yǔtě ñgbě tyí ne, tyítúkú nê se à n tyah pínóle sě nɪ? Ngbõ Wrome tǎn gbò mɔ yǔ-á dí m̄ne dé! ²⁷ Képah sɔkɔ, sràsyíbí yǔtě ñgbě pɔ Pole piki yah ne, à yo pé syah, Wrome tǎn gbò mɔ yǔ se n̄tyíno ñne nɪ? Pole me ne àwe-á. ²⁸ Pole-á yo sě, dí à syah ne, té pò ñgbě-á péwo tẽ wɔ wilki, té pi Wrome tǎn gbò mɔ yóle dé! Pole me ne, ñte péwo tẽ wɔ-á dubi kéle. ²⁹ Képah t̄ne, nónó-á kɪ sǔ yíne pè Pole ko n pi ne à wekɪ, pè gbe mɔ ñne. Té sràsyíbí yǔtě ñgbě-á kè we p̄ ne, Wrome tǎn gbò mɔ yǔ-á Polele, té pé me pè kǔ pè à pukubi, ké tiki de ñ sɔkɔ.

Pole t̄nkyinɔle Nsyifunɔ tukey tükèpu t̄nkì tyí

³⁰ Képah sɔkɔ, ké d̄indalle sràsyíbí yǔtě ñgbě sǔ me ké tyí ne pé p̄ tótó, tir nê yǔ-á Nsyifunɔ tɔkɔ Pole kǔ. Képah t̄ne, à pè kǔ pè kyɪ Pole wah mɔ, té me tukey tükèpu t̄nkì névye pól ye tuke, pépi nónó sɔkɔ-á sárká syínwìlkipu yǔt̄mne, té pè kǔ pè Pole tẽ pɔ pé n̄yó.

23

¹ Képah sɔkɔ, Pole tyah tukey tükèpu t̄nkile n yah díkídíkí, té yo pé tyí ne: «N̄ yúnpyé, mé me n̄ fɔkɔ dal mɔ n ko Liyel wěkì yǔ, pópó à pɔ no kwey tyí.» ² Pole-á yo sě, nónó-á sǔ me ñ tñô, sárká syínwìlkipu yǔt̄ ñgbě

* 22:14 22.14 - Liyel tònpi négbí nê tyí-á pè n yo yò, Yesu ye.

Ananiyasi yo pé tyí ne, pè n̄ vyāh m̄. ³ Képah sɔkɔ, Pole me yo n̄ tyí ne, sékú sò wahy nê-á n̄ne, Liyel-á kɪ m̄ n̄mɔle. Wāh me kō tē ásô, à péwɔle n̄ tuke à yīne tyi kōnsàhnóle à yo, té mó tō me sé dēlle n̄ pɪ ne pè pé m̄ kē. ⁴ Képah tēne, nónó-á sò me nénpó, pè à syah ne, Liyel sárká syínwilk̄ipu yòtē ñgbēne à n̄ gbyɔ lé? ⁵ A me pè syah ne, pé náh sò me p̄ ne sárká syínwilk̄ipu yòtē ñgbē-á n̄ne ló, pé yúnpyé. Nkē, káh me wárkínsàhnóle ne: «Káh á kwil névye yòtēne n̄ gbyɔ.»

⁶ Képah sɔkɔ, Pole-á sò me kē p̄ sah ne, tukey tükèpu t̄nk̄i tóní núkúle Sadusē névye-á, té pé tóní mē me Farisiyē névyele sē, à tyah n̄ kah n̄ wēkɪ pé nyó ne: «N̄ yúnpyé, Farisiyē névye ye n̄ dúbípúle, n̄mɔ tɔ me Farisiyē neyne. Té n̄mɔ sōnɔ-á me ké yō ne, lékyî-á kɪ n̄ yilki n̄ mɔ n̄ pi, képah yīn ye n̄ne tukey sɔkɔ ásô yò.» ⁷ Pole-á fyò képah yo n̄ te ñsɔ, yékâb ñgbē núkú de Farisiyē névye ànê Sadusē névye wró, à pé tówù gbekɪ. ⁸ Sadusē névye wɔ sò me ne, lékó yilk̄inm̄nɔ náh me, yīnyō t̄n̄pɪ yó n̄tē náh me, m̄irk̄i yó n̄tē náh me. Nte Farisiyē névye wɔ mó ne, sé pól-á me. ⁹ Káh pɪ sē, wān tō mɔ névye gbónm̄nɔ yō. Képah tēne, Liyel tyi kōnsàhnó kwópú nónó-á sò n̄ wil Farisiyē névye t̄nk̄i sɔkɔ, pépi yísyó yuku yahle kápékèyô ne, pépi náh me tyítúkù yó n̄tē p̄nó we dí mē tyí pólle. Ténkáh m̄irk̄i yó, képah náh pɪ, Liyel yīnyō t̄n̄pɪ yó-á kɪ nê yo mɔ n̄ tyí té? ¹⁰ Té yékâb-á pɔ kah pɪ sòhsòh sē, t̄ik̄i me sràsyíbí yòtē ñgbē tē ne, páh kɪ pɔ Pole yɔrɪ n̄ kōlɪ n̄ pi. Képah sɔkɔ, à me yo sràsyíbí tyí ne, pè tiki kyɪ Pole tē n̄ yal pé wró, pè yuku n̄ne pé wòkò ñgbē sɔkɔ.

¹¹ Ké lékâh-á pɔ mɔ, Tē ñgbē wil Pole yah, té yo n̄ tyí ne: «Sóré mɔ á gbl̄y sɔkɔ. Ngbò, wáh n̄ tyí yo sō Yerusalemi kwil, á yīne n̄ tō n̄ tyí yo sē Wrome kwil tɔ sɔkɔ dé!»

Nsyifunɔ-á yīnv̄i nê dahbɪ Pole gbáhk̄i sò

¹² Képah sɔkɔ, tyah-á pɔ dal Nsyifunɔ yísyó yuku Pole tyí yo syɪ wē tyí, té pé wo Liyelle ne, pé náh t̄n̄i yō yō kwáh yó n̄tē yō n̄ pi, ànê pé náh wɔ wɔ kwáh yó n̄tē wɔ n̄ pi, Pole kòn̄mɔ-ńkē sɔkɔ. ¹³ Té nónó-á sò pɪ yīnv̄i mēne, pè kah nēp̄i tikinínine. ¹⁴ Képah tē sɔkɔ, pè kyɪ wil sárká syínwilk̄ipu yòtām ànê yèwàhn̄i tyí, té yo pé tyí ne, pépi-á pé wo Liyelle kápékèyô ne, pé náh t̄n̄i kwáh yó n̄tē dah n̄ mɔ n̄ pi pé vyēy sɔkɔ, Pole kòn̄mɔ-ńkē sɔkɔ. ¹⁵ Képah-á, ńkē pépi tɔ pé vyēy pɪ núkúle ànê tukey tükèpu t̄nk̄ile, pè mó kyɪ kē yah kō sràsyíbí yòtē ñgbē tyí ne, à Pole tēkɪ mɔ pé kō. Nkē, pè kē pɪ á kɪ ne, pè sō me ké tyí ne, pé n̄ tyi sohlɪ n̄ yah palle. Nte pépi tē wɔ-á kɪ pé vi, kɪ kyɪ à syɪkɪ tē wēk̄i yah sɔkɔ, kɪ à we ko mɔ, n̄ yīn̄intē-ńkē sɔkɔ.

¹⁶ Nte Pole lèpi me yīnv̄i mē tyí we noh, té Pole nyáh sō sràsyíbí wòkò ñgbē sɔkɔ, à kyɪ kē yo à syah. ¹⁷ Képah sɔkɔ, Pole me sràsyíbí yòtē yó ye, té yo n̄ tyí ne, tir yó-á me dípír mē tyí yo yo tēne sràsyíbí yòtē ñgbē tyí. Nkē, à kyɪ n̄ne n̄ tyí. ¹⁸ Wāh yo sē, dí me kyɪ dípírl̄e, té yo pé yòtē tyí ne, Pole nê yah-á víkénóle wòkò ñgbē sɔkɔ, n̄mɔ-á ye yah péle, té kē yah kō pé tyí ne, pé pɔ dípír mēne n̄ tyí. Wāh me ké tyí ne, pé tir yó yo à syah. ¹⁹ Képah sɔkɔ, yòtē ñgbē me dípír gbò sɔkɔ tē pè kēkɪ gbòpɔle, té à piki yah ne, tir nê se n̄ tyí yo yo tēne n̄? ²⁰ A me yo n̄ tyí ne, Nsyifunɔ yísyó-á me yo sah núkú yō ne, páh kɪ pɔ à ni, à Pole tēkɪ mɔ pé kō n̄sōne tukey tükèpu t̄nk̄i

tyí, á kɪ ne pè sɔ̃ me ké tyí ne, pé ñ tyi sohlɪ n yah palle. ²¹ Té à yah, népî tikiñí dònò-á me pé vi sah, me Polele n plo pèkè yóle. Páh kè yah toko, à pé wo ne, pé náh tònì yõ yõ kwâh yó n tẽ yõ n pi, ànê pé náh wo wo kwâh yó n tẽ wo n pi, ñ kònmo-ńkẽ soko. Páh kè sah te gbáhkì núkú yõ, té me ñmo ó fěnsyino sykɪ tẽ. Nte à káh n ye pè à pilki. ²² Képah soko, sràsyíbì yõtẽ ñgbẽ me dípir fin mo, té kè gbah yo ñ tyí ne, à káh kè yãh ñnî yó n tẽ tyí ne, páh tyi nópi gbél kye péwo tyí dé!

Pole tékínmonole Sesarɪ kwil

²³ Képah soko, sràsyíbì yõtẽ ñgbẽ me sràsyíbì yõtãm népî ní mí ye po yo pé tyí ne, pè sràsyíbì népî lègbãm (200) wilki n sah, ànê sèsèn nátãm népî tikitónì pò gbãmne, ànê mààmàl nátãm népî lègbãmne (200). Pè mó pé vi sah Sesarɪ kwil soko soko tẽne yěpnì sò. ²⁴ Pè mó tã sèsèn yísyó wilki n sah, sépi po Pole twah yuku gběnyah yah tẽ-ò dí Felikisi tinnè, dlo yó n tẽ káh à we no. ²⁵ Képah tẽne, té sébéy wãrkɪ pè kò ne, pè kyɪ Felikisi kò, nê soko-á à yo ne ńkẽ: ²⁶ «Ñmo Klode Lisyasɪ ye n tã sébéy mènè á tyí, gběnyah yah tẽ-ò dí pèpey Felikisi. N wey me á tyí. ²⁷ Dí nê-á mé n tekɪ mo á tyí yò, Nsyifunò sò me à tẽ, me n yah n kò ñ kònmo-ńsahle. Nte máh noh ne Wrome tãh gbò mo yõ-á ñne, ñmo ànê ñ sràsyíbì me kyɪ à tẽ syi pé tyí. ²⁸ Nte mé sò me ké tyí ne, mé pĩ tir nê yĩn-á pè toko à kò. Képah ye, mé à tẽ kyɪ pé tukey tükèpu finkì tyí. ²⁹ Képah soko ye mé pĩ ne, páh me yékãble n pɪ Polele pé tyi kònsahnó tyí yõ, té képah tyí yõ-á pè toko à kò. Té sépi pól soko, à náh tir yó n tẽ pɪ nê-á yĩne ñ kònmonole, képah náh pɪ, ñ dáhnmonole wòkònpèkè soko. ³⁰ Képah náh, mé po noh ne, páh me yĩnvì yóle n dahbì ñ gbáhkì sò. Képah ye, mé núkú ñne n tekɪ n mo á tyí yò. Té nónó-á sò me toko à kò, mé me yo pé tyí ne, pè kyɪ ké yah yo áwo tyí.»

³¹ Képah soko, kãh yo sò sràsyíbì tyí, pè me kè pɪ sě. Pè kyɪ Pole tẽ à soko ñne lékãhne, fók à kyɪ de Antipatrìsi kwil. ³² Dindalle, pè sèsèn nátãm kò pè yõ soko ñne, té pé téló me pé syɪ soko pé sràsyíbì wòkò ñgbẽ soko. ³³ Sèsèn nátãm nópi-á fyò kyɪ de Polele Sesarɪ kwil, pè sébéy mènè gběnyah yah tẽ-ò dí kò, té Polele ñ gbò dahbì. ³⁴ Gběnyah yah tẽ-ò dí me sébéy mè kar, té Pole piki yah ne, gběnyah nê ney se ñne nɪ? Wãh noh ne Silisi gběnyah ney-á ñne, ³⁵ à yo ñ tyí ne, nónó-á toko à kò, páh kɪ po gbí nêne, páh kɪ pyè nóhnó pɪ ñ tyí. Té me yo pé tyí ne, pè à tẽ ñ yah vike n sah Yerodɪ tóri kéte soko.

24

Nsyifunò me n yah n kò Pole tükè-ńsahle

¹ Té sèpìn kwâl sókònteno náh, sárká syínwilkipu yõtẽ ñgbẽ Ananiyasi tiki po Sesarɪ kwil, ànê yèwàhnì yísyóle, à tahlɪ wey pí-ò ñgbẽ yó tyí, nê-á pè n ye Tertulusile. Pè sò me po Pole ye, gběnyah yah tẽ-ò dí Felikisi tyí. ² Képah soko, pè me Pole ye yah, té Tertulusi me de wey soko, à n toko Polele n kò ne ńkẽ, gběnyah yah tẽ-ò pèpey, yèvɪnù ñgbẽ nê soko-á péle kweyne yò, ñmo gbò yõ soko-á kè we. Wãh ñ gběnyah yah tẽ palle sò, képah-á vñmonò náhnáh dahbì ké soko. ³ Wãh n tã n sah n pɪ pépi tyí sò gbímegbí tãntàn pól soko, páh n gbah n wekɪ ñ tyí képah yĩnne. ⁴ Té à

̀n kékwe, à mó ̀n níkí kwɔ noh pé tyí kwéy. Pé náh pé wey yõ ko n pi, kè kõ kè n pɪ n pi ̀n tyí gblóvyáhríle. ⁵ Nkě, dí nê-á yò, páh kè kyomɪ we ne, wǎh me pɪ tẽ soh soh nýân tyí kõle. Wǎh me Nsyifunɔ yõle n yɪkɪ kèkõyó pól sɔkɔ. Nmo-á n tẽ névye yahle, nónó-á n kɔ Nasaretɪ kwil Yesu wěkì yõ, nê-á gbɪ náh kéle. ⁶ Wǎh sò me n yah n kõ Liyel ní-nsah gbô dèl n̄tẽ pí-nsahle, képah-á pé kõ pé à tẽ. [Páh sò ne pé à tuke à yĩne pépi Nsyifunɔ tyi kònsàhnó tyi yónóle. ⁷ Nte sràsyíbì yòtẽ ñgbě Lisyasɪ-á pɔ à tẽ syi pé tyí gbùgbù, ⁸ té ne: «Nónó-á ne Pole tyípínó náh me ple, pé kyɪ tɔkɔ à kõ Felikisi tyí.»] Képah náh, Tertulusi t̄o ne, núkúnúkú ñmo n̄tẽ Pole piki yah ̀n gblɔy, képah sɔkɔ, wǎh kɪ pĩ ne, tyi nónó yĩn-á pépi pɔ tɔkɔ à kõ, gblɔ-á séle. ⁹ Képah t̄ene, Nsyifunɔ me dí wey sò so mɔ ne, s̄e-á kè we.

Pole-á ̀n vyǎh kõlɪ s̄o tukey sɔkɔ

¹⁰ Képah náh, gběnyah yah t̄e-ò dí me ̀n gbò pɪ mɔ Pole tyí, à weyne à kõ. Képah sɔkɔ, Pole me ne: «Mé pĩ ne áwɔ-á ápi no tukey tükè-òle ké ye náhnáh-á yò. Képah ye, ní nɪ me yínnóle kɪ ní vyǎh kõlɪ á yah sɔkɔ. ¹¹ Nmo dókónpɔnɔle Yerusalemɪ sɔkɔ, ne mé pɔ Liyel gbilki, kè náh t̄onì kah sèp̄in gbõninóle. Áwɔ n̄tẽ kɪ f̄e ké n̄y tẽ, kɪ ké gbɪ pĩ. ¹² Pè náh ní we mé me yékâble n pɪ ñn̄i yó n̄t̄ene Liyel ní-nsah gbô sɔkɔ, képah náh pɪ Liyel ní-nt̄ân v̄i sɔkɔ, képah náh pɪ kwil f̄i yó n̄t̄e sɔkɔ. Mé náh se mó t̄o tówù kurki mɔ tir yó n̄t̄e sɔkɔ. ¹³ Té pǎh pɔ tɔkɔ ñne n kõ yò, tir nê me pé kɪ f̄e yo nê-á n wěkɪ ne gblɔ-á pé tyíyónó nópile? ¹⁴ Nte nê t̄e-á mé kɪ n yo n pi, képah ye yò, mé me t̄ole n pɪ ní náh t̄an Liyel tyí wěkì mè yõ, wěkì nê-á pépi ne gbɪ náh kéle. Nte tyi nónó pól-á wǎrkɪ tyi kònsàhnó ànê Liyel t̄entò syínyopu sébéynó sɔkɔ, ñmo s̄enó me sé pól yõ. ¹⁵ Nmo s̄onɔ-á me Liyel yõ nê tyí sɔkɔ, pépi t̄o s̄onɔ me képah ó yõ ne, népéplɔ ànê nétúkúnì pól lékyî-á kɪ yilki mɔ. ¹⁶ Képah ye, mé me gbah t̄e ní f̄okɔ dal mɔ n kɔ Liyel yah ànê névye yah sɔkɔ gb̄imegbí, wényo-nsah k̄ene. ¹⁷ N pónó nê tyí-á mé yo yò, ye náhnáh sókóntenɔ náh ye mé pɔ Yerusalemɪ sɔkɔ, à pɔ ní kwil névye yohnɪ mɔ pólé, té sárkánó wilki Liyel tyí. ¹⁸ Képah sɔkɔ ye sò pé pɔ we ñne Liyel ní-nsah gbô sɔkɔ, mǎh ní gblɔy t̄o sah gbí n̄ene. Tówù náh sò me ñne, ànê gbrögbrö yó n̄t̄e náh sò me n pɪ. ¹⁹ Té Asi gběnyah Nsyifunɔ yísyó wɔ sò me. Mǎh sò me tir yó pu pɪ pé we, pépi ye náhkɪ pɔ ásò, à pɔ tɔkɔ ní kõ áwɔ tyí d̄o. ²⁰ Képah náh pɪ, Nsyifunɔ nónó-á ásò yò, pǎh lésò ní t̄e kyɪ pé tukey tükèpu t̄inkì tyí, lékàh-à kɪ me we ní tyí, pé kè yo kè! ²¹ Tyínúkú yó ó ye lésò mé yo gbǎp pé tyí tukey tükèpu yah sɔkɔ ne ñk̄e, mǎh s̄e ké yõ ne lékyî-á kɪ n yilki n mɔ n pi, képah yĩn-á ñne tukey sɔkɔ kweyne yò dé!»

²² Té kwil yah t̄e-ò dí Felikisi sò me T̄e ñgbě Yesu wěkì dukù pĩ ȳí. Kǎh pɪ s̄e, à tukey mè kur mɔ sah náh t̄in yõ, té ne sràsyíbì yòtẽ ñgbě Lisyasɪ-á kɪ pɔ gbí n̄ene, páh kɪ pé tir mè yah wah. ²³ Té me ne, sràsyíbì yòtẽ dí ñ syɪ n kyɪ Pole dah mɔ wòkònpèkè sɔkɔ. A mó ye à kõ à ne n me ̀n gblɔy yõ kwéy. A kǎh ̀n tyí névye yĩni mɔ ̀n pónyòhn̄inmɔnɔle.

Pole Liyel wey yónóle Felikisi ànê Drusili tyí

²⁴ Sèp̄in yísyó sókóntenɔ náh, Felikisi pɔ de ànê ̀n kyɪ Drusilile. Té Drusilile, Nsyifu ney ye sò ñne. Képah sɔkɔ, Felikisi pé kõ pé Pole ye yah, à pɔ Yesu Krista yõ s̄e dukù tyíle n yǎh ̀n tyí. ²⁵ Nte Pole-á pɔ tyah n yǎh

gbì wě̀kì kò òkù pèpèy tyí yò gbí nêne, ànê gblöy ténó tyí yò, ànê Liyel névyè pò n tuke òkù tyí yò, képah sòkò, tíkí Felikisi tē, à mē yo Pole tyí nē, núkúnúkú tēne, wǎh kɪ fē n yuku, té pǎh pò wró wē, pǎh kɪ tǒ yo mò n tyí. ²⁶ Té n sònò sò mē ké yò tǒlè nē, Pole-á kɪ pé kǒ n pi pólè; képah ye, à sò mē nne n tǒ n ye fárfár pè yáhkìlè n yǎh n pò nne.

²⁷ Pè ye nínó pɪ képah tē sòkò sē. Képah nǎh, yòtē késǎn yó pò Felikisi swò tǒkò pè n ye Porsiyusi Fesitusilè. Té Felikisi-á sò mē ké tyí nē pé Nsyifunò dyò yí pɪ sē, képah ye à Pole sah wòkònpèkè sòkò.

25

Pole n gblöy tyí dahbí Wrome kwiltām yòtē Sesar gbò

¹ Képah nǎh, gběnyah yah tē-ò Fesitisi* pónó sèpìn tǒ-ò sòlè Sesarɪ kwil sòkò, à òkò yuku Yerusalemɪ kwil. ² Képah sòkò, sárká syínwilkɪpu yòtām ànê Nsyifunò né-ngbnò kyɪ n tyí nē nkē, Pole-á tyítúkúnì pɪ. ³ Té tyah nne n gbah n ni nē, à n gblöy ye pé tyí, à mó Pole kǒ à pò Yerusalemɪ kwil, pé n tyi sohlɪ n yah palle. Nte kègbì tē yò, yínvɪ ye sò pè n pɪ nē, pé à wē ko mò wě̀kì yah. ⁴ Nte Fesitisi mē pè syah nē, Pole-á mē dáhnmonòlè wòkònpèkè sòkò Sesarɪ kwil. Té péwò n̄tē tǒ nǎh tǒ n mò n pi pé syínsòkò-nsah nénpó. ⁵ Nkē, pé yah tām nónó-à kɪ fē n tē n pi, pè péwò sò tē pé tiki yuku Sesarɪ kwil. Pole-à kɪ se mē tyítúkú yó pɪ pè wē, pǎh kɪ kyɪ nénpó, pé kɪ n tǒkò à kǒ.

⁶ Képah sòkò, Fesitisi nǎh tǒ tē mò nénpó à kah sèpìn kwärtǒnò, képah nǎh pɪ, gbām yò sòkò, té n syɪ sòkò Sesarɪ kwil. Ké d̄indalle, à mē kǒ tē tukey tükè-nsah sòkò, té tēntò mò nē pè pò Polelè. ⁷ Pole-á pò gbí nêne, Nsyifunò nónó-á sò wil Yerusalemɪ kwil, pè pò à mò gbí, té tyah lékàhle nne n kǒ képékèyô tyi nǎhnáh sòkò. Té tir yó n̄tē nǎh mē pé tyíyónó nópi sòkò, nê-á wě̀kɪ nē gblò-á sélè. ⁸ Képah sòkò, Pole mē tyah n gblöy vyǎhle n kǒlɪ nē, pé nǎh tyítúkú yó n̄tē pɪ à de Nsyifunò tyi kònsàhnó tyí, képah nǎh pɪ Liyel ní-nsah gbô tyí, képah nǎh pɪ Wrome kwiltām yòtē Sesar tyí. ⁹ Nte Fesitisi wò sò mē ké tyí nē, Nsyifunò pé yíngbíle n yo. Kǎh pɪ sē, à Pole syah nē, à se kɪ fē syi kyɪ Yerusalemɪ sòkò, n tukey kyɪ n tuke péwò yí yah nɪ? ¹⁰ Wǎh yo sē, Pole mē yo n tyí nē, Sesar tukey tükè-nsah yó sòkò-á péle yò, n̄mò tyí-á pé tukey yíne kè tuke. Nsyifunò-á yò, pé nǎh tyítúkú yó n̄tē pɪ pé tyí. Yòtē dí, n̄mò n̄tē tǒ p̄nyíno-á mē ké sòkò ó. ¹¹ Nkē, pé tyí-à kɪ mē kah, ànê pé mē tir yó pɪ nê-á yíne kũne, pé nǎh mē yahle pé kúnó yò dò. Nte pǎh tǒkò péwòlè n kǒ tyi nónó sòkò, gblò-à nkēne sélè, n̄n̄i yó n̄tē nǎh fē pé gbàh de mò pè kǒ n pi. Pǎh mē ké tyí nē, pé tyí tukey kyɪ n tuke Sesar tyí. ¹² Képah sòkò, Fesitisi ànê n tukey tükèpu finkì mē wē wē. Pǎh tyē, à mē yo Pole tyí nē, wǎh fyò Sesar yín yo tē, wǎh kɪ kyɪ n̄mò tyí Wrome kwil sòkò.

Akripa mē Polelè n piki n yah

¹³ Sèpìn yísyó sókòntenò nǎh, yòtē dí Akripa ànê n dósè Berenisi pò yah gběnyah yah tē-ò dí Fesitisi tyí, Sesarɪ kwil. ¹⁴ Pè kɪ sò sèpìn yísyó pɪ n pi nénpó. Kǎh pɪ sē, Fesitisi mó núkú Pole tyí wē kǒ mò yǎh Akripa tyí nē

* **25:1** 25.1 - Fesitusilè, Wrome nēy ye nne. Nmò ye sò Wrome kwiltām yòtē Sesar sah Nsyude gběnyah yah tē-òlè.

ńkě, Felikisi-á dí yó dah mọ sah wòkònpèkè sọkọ ásò. ¹⁵ Té páh pọ yuku Yerusalemı kwil, sárká syínwìlkìpu yòtām ànê Nsyifunọ yèwàhnì-á me pọ n tọkọ ònne n kọ pé tyí, té me kéle n yah n kọ pé tyí ne, pé à mọ kù kọ. ¹⁶ Nte páh kẹ yo pé tyí ne, kẹ náh n pı sě pépi Wrome tǎn wěkì sọkọ. Pé náh wòkònpèkè sọkọ neyne n mọ kùne n kọ, né pé náh wěkìle à kọ, à n yo yo tẹ yo nénye yíi yah, nónó-á tọkọ à kọ. ¹⁷ Képah sọkọ, kéne no me pọ ànê péwọle ásò sọkọ. Péwọ náh sò me ké tyí ne pé tir mè sah mo. Képah-á, ké dīndal nítēne pé núkú yuku tukey tükè-nsah sọkọ, té ne pè pọ kéne dīne. ¹⁸ Péwọ tẹ-á sò me n sò ne, nénye nónó-á tọkọ à kọ, páh kı pọ tyítúkúnì ñgbnọ duke duke kwāh n pi ne, sépi-á à pi. Nte páh pọ, kẹ náh pı sě. ¹⁹ Páh me pọ yékâb yísyó óle n pi ònne pé yěngbě Liyel wěkì tyí sọkọ ànê Yesu yó tyí sọkọ nê-á lésò ku, té Pole tǔ me n yo ne, wǎh me min sọkọ. ²⁰ Kǎh pı sě, péwọ náh sò pı, páh ne yí mè dùkù wah n pi sǔ. Képah sọkọ, pé me Pole piki yah ne, à se kı kyı Yerusalemı kwil, ñ tukey kyı tuke nénpó ni? ²¹ Nte Pole me ne, páh me ké tyí ne pé tẹ ásò, pé tyi yah mó pọ kyı wah Wrome kwiltām yòtē Sesar tyí. Kǎh pı sě, pé me ne pè à dah mọ sah wòkònpèkè sọkọ, fók kẹ pọ nọ ñ tékínmọnọ tyí Sesar tyí. ²² Képah sọkọ, Akripa me yo Fesitusi tyí ne, péwọ tọ-á me ké tyí ne dí mè pọ ñ tyi yǎh pé noh. Képah tēne, Fesitusi me ne ńkě, ńsò nítē ó sọkọ, wǎh kı pọ ñ tyi yǎh à kı noh.

²³ Dīndalle, Akripa ànê Berenisi pé mọ wil yòtǔrí flo sọkọ, té sràsyíbì yòtām ñgbnọ ànê kwil né-ñgbnọ me pé sò tẹ, pè yuku tukey tükè-nsah wòkò sọkọ. Képah sọkọ, Fesitusi pè kọ pè pọ Polele. ²⁴ Wǎh pọ, Fesitusi me de wey sọkọ té ne, yòtē dí Akripa, ñmọ ànê nónó pól-á me péle ásò sọkọ yò, pé pól-á me dí mène n yah kẹ. Nsyifunọ tówù pól-á pọ wil pé tyí ñ tyí sọkọ Yerusalemı, ànê fók ásò tọ sọkọ. Páh me gbo mọ tǔ ne, à náh yīne sàhnóle min sọkọ pólle. ²⁵ Nte péwọ tẹ wọ náh tir yó we ñ tyípínì sọkọ, nê-á yīne ñ kònmọnole. Té wǎh fyò ñ gblǔy tyí dahbı Wrome kwiltām yòtē Sesar gbò, képah-á pé ne, páh kı à tekı mọ à kọ. ²⁶ Té tir nê tẹ tótó-á pé kı wǎrkı, kı à tekı mọ n pi Wrome kwiltām yòtē Sesar tyí, pé náh me képah pı. Képah-á pé pọ ñne pé tyí ànê ñmọ nítē tọ tyí ñ wahle yòtē dí Akripa. Páh ne, pǎh kı à piki yah te, pé tẹ we tir yó we n wǎrkı ñ tyí sọkọ, pé à tekı n mọ Sesar tyí. ²⁷ Péwọ tẹ tyí ké yah náh, à wòkònpèkè sọkọ ney tekı mọ Wrome kwiltām yòtē tyí, té à náh mó tǔ tẹ tyi yah we yo tekı mọ ñ tyí, nónó yīn-á pè tọkọ à kọ.

26

Pole-á ñ tyípínì yǎh sǔ yòtē dí Akripa tyí

¹ Képah sọkọ, yòtē dí Akripa yo Pole tyí ne, wey-á me ñ tyí, wǎh kı fě ñ vyǎh kǔlì. Wǎh yo sě, Pole me ñ gbò yǔ, té tyah ñ vyǎh kǔlínóle pé tyí ne ńkě, ²⁻³ yòtē dí Akripa, ñmọ-á pépi Nsyifunọ tyídì pólle n pne ànê tyi nónó yò-á pè yékâble n pi. Képah-á, ñvìnì ñgbě-á kéle péwọ tyí kweyne, kı pé vyǎh kǔlì tyi nópi pól sọkọ, Nsyifunọ-á n tọkọ péle n kọ tyi nónó sọkọ. Páh ñne n ni, à ñ gblǔy ye, à mó noh pé tyí.

⁴ A tọkọ pé kètēnpìkì gbí dùkù tyí, páh sò me pé minne n pi dùkù nēne pé kwil tǎn wró ànê Yerusalemı sọkọ, Nsyifunọ pól-á képahle n pne. ⁵ Páh péle n pne di mónóle. Páh kı me ké tyí, páh kı fě pé kèdùkù yo nítēne ne,

Farisiyě névye ònkì sòkò nɛy-á péle, ònkì nê Liyel wěkì tyí-á kah tah. ⁶ Nte Liyel-á n vyāh tókò pé nāh tǎn tyí nê tyí sòkò, péwò gbò sàhnó-á me ké yò, képah yīn-á péle tukey sòkò nùkúnúkú yò. ⁷ Té pépi yìkìni gbõninó gbò sàhnó-á me ké yò nɛ, kǎh kɪ n pɪ n dal n mɔ n pi, té me gbah tē à Liyelle n gbilki ké lékǎh, ké gbìntǔ. Képah yò gbò sàhnó yīn-á Nsyifunò tókò péwò kò yò, yòtē dí Akripa. ⁸ Nte kwāh nê se pɪ, té ké fěnsyino tǔ kah tah pé no Nsyifunò tyí nɛ, Liyel-á lékyíle n yilki n mɔ nɪ?

⁹ Péwò n̄tē tɔ-á sò me n sò nɛ, páh yīne pé tyi pól pɪ, pé Nasaretɪ kwil Yesu yīn yò sēnó yah kò. ¹⁰ Sárká syínwìlkìpu yòtām-á ké wěkìle pé kò te gbí n̄nɛ, páh Yesu yò sēpú náhnáh tē dah mɔ wòkònpèkè sòkò. Té pàh sò sò péle n ko n mɔ fyéle, péwò kè fē n syi. Képah-á pé pɪ Yerusalemɪ kwil. ¹¹ Páh sò me n de n kò pépi Nsyifunò Liyel ní-ńtǎn v̄i sòkò, à Yesu yò sēpúle n tē n fōh, té me ké tyí nɛ pé pè kyí mɔ, pè Yesu yò sēnó yal mɔ. Té pé fòkò vyāhñkǎhnm̄nɔ tē tyí péle, páh n̄kēne pé nyáh sò n̄ kyɪ péle n fōh kwìlókǎhkínò tɔ sòkò.

¹² Sē-á sò yóle, sárká syínwìlkìpu yòtām me tēnwɛnò àn̄ê wěkìle pé kò, pé yuku à n yuku Damasɪ kwil. ¹³ Nkē, yòtē dí Akripa, páh sò me wěkì yò gbìntǔ pǔle, té me kyòò yó wɛ kè wil yīnyò, nê-á piki kal gbīne, à pɔ kwe péwò àn̄ê pé wěkì kómú yò p̄err, à pé mɔ gbí. ¹⁴ Képah tēne, pé pól syikɪlɪ sètáh té péwò me yīnpǔ yó noh kè me n yo pé tyí Yebre wey sòkò nɛ n̄kē: «Sole, Sole, kwāh nê pɪ té á n̄ne n fōh sē? Ngbõ gbò nê-à yahle nāh v̄inóle, képah ye n kwò dé!» ¹⁵ Kǎh pɪ sē, pé me piki yah nɛ, nê se ñmole nɪ, Tē ñgbē? Á me yo pé tyí nɛ: «Yesu ye ñmole, nê-á á n fōh. ¹⁶ Nte yuku n yīn á gbyēh yò. Máh ní gbl̄oyne n̄ wěkɪ tir nê yīnne, képah wɛ yò: Mé nɛ á pɪ ní t̄onp̄ile. Sò-á á wɛ n̄ne yò, á kɪ kéle n yah n yo n kò, à tahlɪ tyi nónó tɔ-á mé kɪ pɔ n̄ wěkɪ n pi náhle. ¹⁷ Mé kɪ n̄ pwah mɔ wilki Nsyifunò àn̄ê kwìlókǎhkínò névye gbò, pépi nónó tyí-á mé n tekɪ n mɔ ále. ¹⁸ Mé ále n tekɪ n mɔ pé tyí nɛ, á kyɪ pé yí yɪkɪ, pè kò pè wil fēntú sòkò pè pɔ kyòò yah. Pè mó wil sètǎn yòtē yòrɪ sòkò pè pɔ Liyel tyí, pé tyíp̄el kò sè yò mɔ pè kò, pè mó kyɪ tē-ñsah wɛ Liyel wēnp̄i wró, nónó-á me Liyel tyí yò ñmò yò sēnó yīnne.»

¹⁹ Pole-á Tē ñgbē Yesu welò n̄opi yo te, à n̄ syɪ yo Akripa tyí nɛ n̄kē, yòtē dí, páh tyi nónó noh, té tyi nónó wɛ wěkínó m̄è sòkò nê-á n wil Liyel tyí, pé nāh yahle sé p̄inóle. ²⁰ Té Damasɪ tǎn ñgbò tyí-á pé yo séle. Képah nāh, pé me sè yo Yerusalemɪ tǎn tyí, àn̄ê Nsyude gbēnyah tǎn pólle, à tahlɪ kwlo kwlo t̄éló tyí. Páh kè yo pé pól tyí nɛ, pè pé nno vi mɔ, pè mó Liyel wěkì tē. Nkē, pè tyíp̄épl̄ole n pɪ, nónó-á n wěkɪ nɛ gbɪ yò, pé nno-á vi mɔ. ²¹ Té képah yò sòkò-á Nsyifunò tē péle, gbí nê-á sò pé me Liyel ní-ñsah gbò sòkò. Páh sò me n yah n kò pé kònm̄-ñsahle. ²² Nte Liyel yòhn̄nm̄nɔ gbò yò, páh me min sòkò à pɔ syɪ kwey tyí. Té páh tǔ ásò sòkò yò, gblo yo yīnne tahlɪ àn̄ê yām tǎn tyí. Liyel t̄ent̄ò syínyopu àn̄ê Moyisi-á tyi nónó tyí yo nɛ, sǎh kɪ pɔ n pɪ n pi, pé nāh tir yó n̄tē yo kah mɔ sépi yò, sépi nónó-á yo nɛ n̄kē: ²³ Liyel nɛy yáhntók̄nɔ-á kɪ yèvyāhrɪ pɪ kɪ ku. Té ñmò-á kɪ n pɪ n pi négbenne, kɪ yilki mɔ lékyí sòkò. Wǎh kɪ pɔ pwáhn̄m̄nɔ tyí yo wah kyòò pépi Nsyifunò tyí àn̄ê névye t̄éló tyí.

24 Té Pole-á me ò tyi yah yónó sòkò sě me ò vyähle n kòli, Fesitusi weki páhpáh ò yò ne òkě, ò yògbèkè náh me, ò kárn pínó kèpèkè-á ò yògbèkè yuku. 25 Nte Pole me yo ò tyí ne òkě, yòtě pèpèy, pé yògbèkè náh yuku dé! Gblò ànê yèsrey welò ó kókó-á pé n weki. 26 Nkě, tyi nópi sòkò yó òtě náh pi sètìn sò sòkò, pé sěno-á me ké yò ne, yòtě dí Akripa òtě pínó-á me sé sòkò dò. Kèpah-á, pé kò pé kéle n yo n dal n mò ò yah sòkò nìsähle. 27 Nte yòtě dí Akripa, à kó sě Liyel tēntò syínyopu welò yò ni? Péwò tē-á pì ne wáh sě sé yò. 28 Kèpah sòkò, Akripa me yo Pole tyí ne, káh kú ne pé mò kwéy, wáh náhki núkú péwò vi mò pi Yesu yò sě-òle.* 29 Pole me yo ò tyí ne, káh kú se pi núkúnúkú ò, káh kú se mò ò, péwò tē-á me Liyelle n ni ne, kè káh yìn òmò òtě ó tyí, òkě nóno pól tó-á me pé welòle n nohnì kweyne yò, pé pól pi péwò tyí kòle, Yesu yò sěpúle, té kárn wò káh mò pépi tyí.

30 Kèpah náh, yòtě dí Akripa yuku, ànê gběnyah yah tē-ò dí Fesitusile, ànê Berenisile, à tahlì nóno pól-á sò me kòntěnole péle. 31 Nte páh wil, pé tyah n yo wě tyí ne, dí mè náh tir yó òtě pi, nê-á yìne ò kònmònole, kèpah náh pi, ò dáhnmònole wòkònpèkè sòkò. 32 Kèpah sòkò, Akripa me yo Fesitusi tyí ne, dí mè à sò me ò tukey tyí dáhbì-òkěne Wrome kwiltám yòtě Sesar gbò sòkò, wáh yìne fìnmònole.

27

Fesitusi ne pè sòkò Polele Wrome kwil

1 Kèpah sòkò, káh pò sah núkú yò ne, áyáh kú yuku n pi Wrome kwiltám yòtě ògbě Sesar tyí Yitalì gběnyah sòkò, pé me Pole ànê wòkònpèkè sòkò névyè yísyó dahbì sràsyíbì yòtě yó gbò, ne à sòkò ále. Dí mè yìn ye sò Nsyulyusile. Nmò ye sò Wrome tãn sràsyíbì tìnkì yó yòtěne nê-á pé n ye Wokustile. 2 Kèpah tēne, á de Adramiti kwil krótókè ògbě yó sòkò, à sòkò. Krótókè mè kú sò n syò n pi Asi gběnyah krótónè yìn-òtàn sòkò. Arisitarkì sò me ále, nê-á n wil Masedonì gběnyah kwil yó sòkò pé n ye Tesalonikile. 3 Ké dindalle, á kyì de Sidò kwil. Nte Nsyulyusi sò me Pole tēno plè. Káh pi sě, à wèkìle Pole kò ne, à kyì yah ò kódíbì tyí, pé kò pé à we n yohnì n mò. 4 Kèpah náh, áyáh yal nénpó, yáhkì sò me ále n fwo. Káh pi sě, á syò gběnyah yó gbòpò pé n ye Syiprile, pne yo niyó. Kèpah sò me yáhkì yah kò sah á tyí kwéy. 5 Té yò sòkò pne yo sòkò, à syò Silisi gběnyah ànê Pãnfili gběnyah gbòpò, à kyì tiki Mira kwil, Lisi gběnyah sòkò. 6 Áyáh me nénpó, Wrome tãn sràsyíbì yòtě me Alekisãdri kwil krótókè ògbě yó we, nê-á kú sò n yuku n pi Yitalì* gběnyah sòkò. A me á dah mò kèpah sòkò. 7 Á sèpìn náhnáh pi, té á náh sò me fě n to súú. Á yèvyährì kah pi, té pyè yìni tē Knidi kwil dé-òsahle yúkey. Nte yáhkì-á sò me ále n fwo nénpó tìn yúkúnóle sě, gběnyah nê-á pé n ye Kretile pne yo niyó, á syò kèpah dónmò-òsah yó gbòpò pé n ye Salmonene. Nénpó sò me yáhkì yah kò sah á tyí kwéy. 8 Á yèvyährì pi nénpó sókò-òsah sòkò, à kyì yìni tē Kretì fí yó sòkò pé n ye Krótónè yìn-òsah pèpèyne. Lastì kwil me nénpó tñ.

* 26:28 26.28 - Wró mè sòkò, névyè sòno me sé tyí tyíle. Túkù sòno sòkò, kó ye Akripa Polele n ko. Túkù sòno sòkò mó, Pole wey ò nu tē. * 27:6 27.6 - Yitalì gběnyah sòkò ye Wrome kwille.

⁹ Légbíne, wró náhnáh sò me sòkò te. Té Nsyifunò filsàhkì sò níkì tẽ gbí-á sò me sòkò te sě, yáhkí sò me kō. Káh pì sě, krótókè tónó sò me pì dlolè. Képah ye, Pole me ké gbáhdýáh di pé tyí ne, ¹⁰ pé kódíbí, péwò-á kè we te ne, krótókè tónó náh tǒ fě n yǒ n sòkò n pì, né dlo náh we ké sòkò. Té kè náh n yǐn n pì krótókè ànê ké sòkò vyó yíkínó kèpèkè ó tyí dé, pépi to min-á kì n syah n wũ ké sòkò. ¹¹ Nte sràsyíbí yǒtě dí sò me sě krótókè tó-ò dí ànê ké yǒtě wey yǒ sòkò, à kal Pole tyíle. ¹² Té Kretì gběnyah krótónè yǐn-ńsah mè náh sò me ple kwòvurì gbíne. Képah ye, névyè kan sò me ké tyí ne, káh kì fě n pì n pì, pé yǐni tẽ ké krótónè yǐn-ńsah yó sòkò pè n ye Fenikisile, pé kyì kwòvurì gbí pì nénpó. Nénpó sò me Kretì gbìyiki ùnne.

Yáhpékè yó kòńóle pne yò sòkò

¹³ Képah sòkò, yáhkí yó tyah n kō n wil fálfál yò nuyó ùnne. Képah tẽne, pè sò me n sǒ ne páh nê yah tókò, káh kì fě pì, té me krótókè yǐn mǒ mǒ vyóngbílki dǒkò mǒ, krótókè kō kè tyah n sòkò, à kyì tǒrì sòkò Kretì gběnyah gbòpòle. ¹⁴ Dǒ kwéy, yáhpékè yó kō wil ymǒ yǒ à tiki pǒ mǐ á sòkò. Yáhkí mè yǐn ye sò Yerakilõne. ¹⁵ Kè pǒ á krótókè tókò n yuku gběntěnáhle, á náh tẽ we ké yah kō. Á me á gblǒy fin mǒ kè kō. ¹⁶ Kè kyì sòkò ále gběnyahpír yó tnô pè n ye Kodale, pne yò nuyó. Kéne gběnyah sò me yáhkí yah kō sah á tyí kwéy. Káh pì sě, krótópír nê-á sò me tóhnmònsàhnóle krótókè ñgbě tyí, á gbah tẽ, à képah we yǒrì dah mǒ ké sòkò yèvyáhrile. ¹⁷ Ké dáhnmòntenò náh, á mǒle krótókè ñgbě pukubi kore vi ne kè káh kwòkì. Té tíkí-á sò me á tẽ ne á káh kyì n nir Libi gběnyah sèmiyáhrí sòkò sě, képah ye á krótókè yǒtah flo kũ, sépi nónó gbò yǒ-á ñkěne yáhkí kéle n tu n mǒ súú, té me á gblǒy fin mǒ yáhkí kō kè n yuku ále. ¹⁸ Dǐndalle, yáhkí sò me yǒ sòkò ále n kah fwo sě, káh pì sě, pè krótókè tókóbí wilki min dah mǒ pne yò sòkò. ¹⁹ Sèpǐn tǒ-ò sǒle, krótókè tǒpú tǒ me ké tǒnpìvyó túkù wilki ké sòkò, à min dah mǒ pne yò sòkò pé gblǒy. ²⁰ Kè sò me pì sèpǐn náhnáhle, té á náh gbí we yah yǐne, képah náh pì, ñwǒ kèpyele. Yáhkí sò me peke tẽ sě, fǒó á náh tǒ me pǒ n sǒ ne, áyáh kì pwah.

²¹ Káh pì sě, á sò me sèpǐn náhnáh pì yǒke yó-ńkěne. Képah sòkò, Pole me yuku yǐn no pól nuyó, té ne ñkě, pé kódíbí, pǎh sò yǐne pè sah péwò yóré yǒ, pé mó wũ Kretì gběnyah. Képah-à sò me pì, páh dlo nónó gbal, ànê yíkínó nónó-á pì pé tyí yò, sè náh náhkì pé yǐni n tẽ n pì dǒ! ²² Nte núkúnúkú, páh kéle n yah n kō pé tyí ne, pè pé nì syáh, ñkě ñnî yó ñtẽ yǒ náh yǐ n pì à wil krótókè tyí sòkò. ²³ Nkě, Liyel nê tyí yǒ-á péwòle pé tǒle n pì ñ tyí, ñmǒ yǐnyǒ tǒnpì yó-á wil pé yah lékâh mè sòkò, ²⁴ té yo pé tyí ne: «Káh tíkí pì, Pole! Á kì n yǐn n pì Wrome kwíltãm yǒtě Sesar yah sòkò, kì á yótyí yo ñ tyí. Té névyè nónó pól-á me n yuku ále krótókè sòkò, áwò gbò yǒ, pé sòkò yó ñtẽ yǒ náh n yǐ n pì.» ²⁵ Képah-á, péwò Pole sěń-á me Liyel yǒ ne, káh kì n pì n pì sǒ-á ñ yǐnyǒ tǒnpì yo kéle pé tyí. Képah-á, pè pé nì syáh pé kódíbí. ²⁶ Nte krótókè tẽ wò-á kì kyì n yúkì n pì pé tyí yo nuyó kwil yó sòkò dé!

²⁷ Légbíne, yáhkí sò me yǒ sòkò ále n fwo n yuku sě pne yò yǒ, nê-á pè n ye Mediteranune, fǒó à pǒ syì ké sèpǐn gbònyáh-ò sǒ lékâh tyí. Té lèni

mónó wró sòkò, krótókè tópurì sò kè sò nɛ, áyáh mɛ de n tɛ kènkwàh yòlɛ, ²⁸ té yóntí sãh sãh kwàh min dah mɔ yɔ sòkò, té kè wɛ ké súkúlínó mɛ métérnó yògbãm pò kwárninɔlɛ. Áyáh yuku yahle kwéy, pè tɔ kè min dah mɔ, té kè wɛ ké súkúlínó mɛ métérnó túkúrí pò kwärtõnɔlɛ. ²⁹ Pè sò mɛ tíkíle n pɪ nɛ, krótókè káh pɔ kyɪ syɪ dyèh yísyó tyí, kè yíkɪ. Képah ye, pè krótókè yĩn mɔ mɔ vyóngbíl ònyèh dah mɔ krótókè náh ònnɛ, té mɛ tyah dálnó ólɛ n dɛkɪ. ³⁰ Ntɛ krótókè tópurì sò mɛ n yah n kɔ tó-rísahle. Káh pɪ sɛ, pè krótópír tiki mɔ yɔ yò, té nɛ páh nɛ pé krótókè yĩn mɔ mɔ vyóngbíl dah mɔ krótókè yah ònnɛ. ³¹ Képah sòkò, Pole mɛ yɔ sràsyíbí ànê pé yòtɛ dí tyí nɛ òkɛ, díbí nópi-à kɪ wú-òkɛnɛ krótókè sòkò, pépi náh tɛ wɛ n pwah n pɪ dé! ³² Képah sòkò, mɔ nónó-á sò tɛ sah krótópírle, sràsyíbí núkú sépi kòlɪ mɔ kè kɔ kè sòkò.

³³ Képah náh, tyah-á pópó n dal, Pole kè yah kɔ no pól tyí nɛ òkɛ, pè yòke yò. A nɛ òkɛ, ké sèpìn gbõnyáh-ò-á kweynɛ yò, pé yáh-rísah mɛ tyɛ tɛ pópó, pè náh mɛ fɛ yòkelɛ n yò. ³⁴ Ntɛ yòke vyáh-á mó tɔ mɛ pé min pwáhnó tyí sòkò. Képah-á, páh kéle n yah n kɔ pé tyí nɛ, pè yòke yò. Nkɛ, pé sòkò nɛy yó rítɛ yòyén pò núkú fyé náh n mɔ n pu n pɪ. ³⁵ Képah yóntɛnɔ náh, Pole búrn tɔkò, té wɛkɪ Liyel tyí no pól yí yah, té kè kwò à tyah n tah. ³⁶ Képah sòkò, no pól nɪ sũ, pé tɔ mɛ yòke yò. ³⁷ Névyɛ nónó-á sò mɛ krótókè mɛ sòkò, á pól sò mɛ népí lègbãm tikitõní pò gbãm pò kénúkòlɛ (276). ³⁸ Á pól-á yò tɔ tɛ gbí nɛnɛ, á sèmukò wilki min dah mɔ yɔ sòkò krótókè kɔ kè pɪ fáhfáh.

Krótókè tyí yíkinóle pne yɔ sòkò

³⁹ Képah tɛnɛ, tyah-á pɔ dal krótókè tópurì náh sò mɛ kènkwàh yò yah pĩ. Páh pɔ yɔ kéngbárkì yó kyomɪ wɛ, nénpó mɛ wényín-rísahle, pè nɛ páh kɪ yuku yah nénpó krótókèlɛ, káh kɪ fɛ n pɪ n pɪ. ⁴⁰ Képah sòkò, pè krótókè yĩn mɔ mɔ vyóngbíl dɛ mɔ sè kɔ sè wũ pne yɔ sòkò. Té núkú yò sòkò krótókè yah tɛ tɛ yí tɔ wah mɔ, ké yah tɛ yinnɛ. Té mɛ fwɔ toh yínyò, krótókè yah ònnɛ, yáhkí kɔ kè kéle n tu n mɔ, té pé yah mɔ à yɔ kéngbárkì mènɛ n yíkɪ. ⁴¹ Ntɛ pè kyɪ yĩni tɛ yóntáh sèmyáhrí fĩ yó tyí, à nir ké sòkò. Krótókè yah ònn sò mɛ kyɪ di sèmyáhrí sòkò, fókò kè náh mɛ fɛ n yike, té níkwíl mɛ ké náh ònnɛ n mɪ n kwòkɪ n pɔ. ⁴² Képah sòkò, sràsyíbí sò mɛ n yah n kɔ wòkònpèkè sòkò névyɛ kònmɔ-rísahle. Tíkí sò mɛ pè tɛ nɛ, pè káh pɔ n yò n wil n to n pwah. ⁴³ Ntɛ sràsyíbí yòtɛ dí-á sò mɛ ké tyí nɛ, pé Pole pwah mɔ sɛ, à pè yĩni mɔ képah pínóle. Té nɛ, yɔ yònpnèpu ògbò yòkò de yɔ sòkò, pè kènkwàh yòlɛ n yíkɪ. ⁴⁴ Té mɛ nɛ, no téló sésárnɔ tɔkò, képah náh pɪ, krótókè kwókínóle, pè dɔkò sépi yò, pè nɛ n yò n yuku. Sɛ ye kè pɪ, té no pól yĩni tɛ kènkwàh yò sòkò krómkróm pé vyele.

28

Pole-á nê pɪ gběnyah yó sòkò pè n ye Maltile, pne yɔ niyó

¹ Képah sòkò, áyáh pwah sɛ, á kè noh nɛ pne yɔ niyó gběnyah mɛ yĩn-á Maltile. ² Kéne kwíl tãn mɛ á tɔ sah tɛ yíi palle. Té pũ-á sò mɛ n pɪ, té vɪrɪ mɛ n pɪ sɛ, pè mɛ nyàh mɔ tíi á pól kɔ á mɛ tuke mɔ tɛ n wɛnɛ. ³ Képah sòkò, Pole-á kyɪ lésópí kwel nɛ pé pɔ mɔ nyàh sòkò, nyàh swòò-á kyɪ sé tyí,

wáhnpo yó wil sé sɔkɔ à Pole kɔ̃, fɔ́ɔ à toh mɔ̀ n̄ gbò tyí. ⁴ Kwil mè tǎn-á wahy we tóhnmɔ̀nɔ̀le n̄ gbò tyí sɛ̃, pè tyah n yo wɛ̃ tyí ne, tòtò náh me ké sɔkɔ pólle, dí mè-á nékókè mɔ̀ yah. Wǎh sɛ́nsɔ̃ pwah pne yo gbò sɔkɔ ó, òtè pépi sétò nê-á gbɛ̀le n wah, képah tɛ̃ wɔ̀ náh à sah n pi min sɔkɔ dé! ⁵ Képah sɔkɔ, Pole wahy mè mir dah mɔ̀ nyàh sɔkɔ. Té syéhéh kwéy n̄tɛ̃ náh kyɪ Pole wil tyí. ⁶ Té kwil tǎn sò me syíkíntɛ̃nóle n pi ne, dɔ̀ páh kɪ à we à kɪ me tyah n sɛ̃, képah náh pi, kɪ sykɪ n ku n pi nɛ́npó swɔ̀. Nte pǎh képah sykɪ tɛ̃ wrétété, pè pɔ̀ p̄ ne, pèkè yó n̄tɛ̃ náh à nɔ̀ n pi. Kǎh pi sɛ̃, pè pé vyɛ̃y vi à tyah n yo ne, tò yó-á òne.

⁷ Té nýǎh sɔkɔ-á sò ále, fí yó sò me nɛ́npó tnô, nê-á pne yo nyó gbɛ̃nyah mè yòtɛ̃ dí tyíle. Kéne dí yīn ye sò Publiyusile. Nmɔ̀ me á tɔ̀ sah tɛ̃ palle n̄ kódíbi sɔ̀, té á kɔ̀ á twah n̄ tyí à sèp̄n tɔ̀nì pi. ⁸ Té kéne dí sú sò me yam pèkì yò. N̄ wil sò me vyǎh, té n̄ fɔkɔ̀ tɔ̀ me kye. Képah tɛ̃ne, Pole me kyɪ yah n̄ tyí, té n̄ gbǎn sah n̄ yò à Liyel ni n̄ tyí, à à de mɔ̀. ⁹ Képah náh, kéne kwil yámpú téló tɔ̀ me pɔ̀ Pole tyí, té pɔ̀ dénmɔ̀nɔ̀ we. ¹⁰ Kǎh pi sɛ̃, á yò yò nɛ́npó sɔkɔ kègbɛ̀le. Té áyáh pɔ̀ n tyah sókónóle, yī nónó yétô-á sò me á tɛ̃, pè sé pólle á kɔ̀.

Pole yīn̄tɛ̃nɔ̀le Wrome kwil

¹¹ Képah náh, n̄wɔ́lɔ̀ tɔ̀nó sókónteno sɔkɔ, á me de sɔkɔ Alekisǎdri kwil krótókè ògbɛ̃ yó sɔkɔ, nê yīn-á kèn̄n̄ne. Képah sò me kwòviri gbí tyénó sykɪ tɛ̃ Maltɪ gbɛ̃nyah sɔkɔ. ¹² Áyáh kyɪ yīni tɛ̃ Sirakusi kwil, á tɛ̃ nɛ́npó à sèp̄n tɔ̀nì pi. ¹³ Áyáh yal nɛ́npó, à tyah n tɔ̀ri n yuku krótókèle yo vyǎh tyí, pópó à kyɪ de Wregbyo kwil. Ké d̄indalle, yáhkí kɔ̀ wil á náh t̄inne à pɔ̀. Kǎh pi sɛ̃, sèp̄n níni wró, á yīni tɛ̃ Pusɔli kwil, té wil krótókè sɔkɔ. ¹⁴ Áyáh kyɪ nɛ́npó, á kyɪ Yesu yò sɛ̃pú yísyó we. Pépi me á ni, á kɔ̀ á wũ à sèp̄n kwǎrnino pi pé tyí. Képah náh, á sɔkɔ Wrome kwil. ¹⁵ Té Wrome kwil Yesu yò sɛ̃pú-á fyò á p̄nó noh, pé túkù pɔ̀ á yohni, fɔ́ɔ Apyusi yòhntàhkì sɔkɔ; pé túkù mó pɔ̀ á yohni fí yó sɔkɔ pè n ye Népan twáh-n̄t̄an tɔ̀n̄ne. Pole-á fyò pè we sɛ̃, à wekɪ Liyel tyí, ànê n̄ ni sũ.

¹⁶ Képah tɛ̃ne, áyáh yīni tɛ̃ Wrome kwil, pè ké wɛ̀kìle Pole kɔ̀ à kyɪ tɛ̃ n̄ tyí wòkò sɔkɔ, té sràsyí yó kɔ̀ à òne n kyom̄.

Pole Liyel wey yónóle Wrome kwil

¹⁷ Képah sɔkɔ, sèp̄n tɔ̀nì-á sɔkɔ, Pole Nsyifunɔ̀ yah tǎm ye n̄ t̄inne. Pǎh pɔ̀ tuke mɔ̀, à yo pé tyí ne, pé no, pé náh sɛ́nsɔ̃ tir yó n̄tɛ̃ pi de pé no Nsyifunɔ̀ tyí, pé náh pé náh tǎn wǎl d̄el pi, òtè pè pé tɛ̃ Yerusalemɪ sɔkɔ, té pé dahbi Wrome tǎn gbò sɔkɔ. ¹⁸ Nte Wrome tǎn-á pé piki yah te gbí n̄ne, pè náh pé tyípíní yó n̄tɛ̃ we, nê yīn-á pé yīne pé ko mɔ̀. Kǎh pi sɛ̃, pè me ne páh péle n fin n mɔ̀. ¹⁹ Té Nsyifunɔ̀ me képah yahle. Képah-á, pé gbò yīi náh, pé me pé gblɔ̃y tyí dahbi Wrome kwiltǎm yòtɛ̃ Sesar gbò. Nkɛ̃, tókónkɔ̀nɔ̀ tɛ̃ wɔ̀ náh pé ne pé tɔkɔ̀ pé no Nsyifunɔ̀ kɔ̀ dé! ²⁰ Képah yīn-á pé kɔ̀ pé kè yah kɔ̀ ne, pé pè we, pé mó yáhkì yǎh péle. Yisrayel tǎn gbò sàhnó-á me pwáhn̄mɔ̀-ò nê yò, òmɔ̀ yīn-á k̄arn nóp̄ile mónóle péwɔ̀ gbǎn sɔkɔ yò. ²¹ Képah sɔkɔ, pè me yo Pole tyí ne, sɛ́béy yó n̄tɛ̃ náh wil Nsyude gbɛ̃nyah, à pɔ̀ pépi tyí òmɔ̀ Pole tyí sɔkɔ. Pé no Nsyifunɔ̀ sɔkɔ yó n̄tɛ̃ náh mó tɔ̀ wil nɛ́npó, à pɔ̀ tir yó yo pé tyí n̄ tyí sɔkɔ, képah náh pi, à n̄ yípo yo

pépi tyí. ²² Nte pépi-á pĩ ne, wě̀kì nê sòkò-á ònne, pãh me kéle n fwo ywõ ywõ pól sòkò. Képah-á, òmò sòkò-á nêne, pãh me ké tyí ne pé kè noh òn vyãh sòkò. ²³ Képah tẽne, pè me wẽ wénó yòh mò wẽ tyí Polele.

Lésò-á pò nò, wãn tǒ mò pé wílnó yò, à pò Pole tyí ò twáhntě-ònsah sòkò. A me tyah à Liyel tǒrí tyíle n yo n wah pé tyí, à tòkò séngbõ tyí, pópó à pò nò ònví tyí. A sò me de Moyisi tyi kònsàhnó ànê Liyel tẽntò syínyopu welo sòkò, à Yesu tyíle n yo pé tyí ne, pè kè fẽ syi. ²⁴ Képah sòkò, túkù òn tyi yónó fẽ syi, òn te túkù mó sè yahle. ²⁵ Nte pãh tẽ wẹ̀kì sah kwlo núkú yò, té n karkì gbí nêne, Pole tǒ tyínúkú yó yo pé tyí ne, gbì-á Liyel Mirki wey mènne, nê-á lésò Liyel tẽntò syínyo-ò Yesayi yo pé nãh tãn tyí ne òkè:

²⁶⁻²⁷ «Kùkùtãhkì me de no nópi nno sòkò.

Pè me pé níkíló tah tũ,

té pé yí vike sah;

ne òkè pé yí káh kwáh yó òtẽ we,

pé níkíló káh tir yó òtẽ noh,

pé nno kò sè pò n ye kùkùtãhkì pínóle,

pé mó vi mò òmò Liyel wě̀kì tẽ,

ò kò mé pè we pwah mò.

Képah ye, kyì n yo pé tyí ne,

pãh kù n nohn tẽ wole, té pè nãh ké tyí yah we n pi.

Pãh kù n yah dyèh sè yò, té pè nãh kwáh yó òtẽ we n pi.»*

²⁸ Képah yónteno nãh, Pole tǒ yò sòkò yo pé tyí ne: «Yé pĩ ne, Liyel-á pwáhnmonò wey tekì mò névyè tò tyí, nóno nãh pì Nsyifunole. Pépi tẽ wo kù kè noh n pi.» [²⁹ Wãh képah yo sè, Nsyifunò yuku sòkò, té me yékãble n pì n yuku kápékèyò pé wẽ wró.]

³⁰ Képah nãh, Pole ye nínó tũ ò wòkò sòkò, wãh sò nê tòkò de tẽ. Nóno pól-á sò n wil n pò òn tyí, à sò me pé pólle n tẽ palle. ³¹ A sò me Liyel tǒrí tyíle n yo névyè tyí, té me Tẽ òngbẽ Yesu Krista tyíle nole n kwò ònsãh sòkò. Nnì yó òtẽ nãh sò me òn yahle n kò ké pínóle.

* **28:26-27** 28.26-27 - Yah n te Yesayi 6.9-10.

Pole sébéy tékínmònlé Wrome tãn tyí

Tyàh-nsah weyne

Liyel ye Pole yah wilki ne à pi Yesu tẽntò névile nê-á kɪ Nìvìnì tirlɛ n yo névye tyí nónó náh pi Nsyifunólɛ. Yah n tɛ Wrome tãn 1.5; Kalatɪ tãn 2.9. Nmɔ Pole ye wãrkɪ tɛkɪ mɔ sébéy mènɛ Yesu yõ sɛpú tyí, nónó-á me Wrome kwil sɔkɔ. Nósyó ye we yo pé tyí Nìvìnì tirlɛ Yesu tyí sɔkɔ, té pè me kè fɛ syi. Képah sɔkɔ, Pole me sébéy wãrkɪ tɛkɪ mɔ pé tyí ne, páh me ké tyí ne pé pɔ pé ùnne, pé pɔ sóré mɔ pé sɔkɔ pé mó yõ sɔkɔ pé kólólɛ.

Kwónó nê-á à me n pi, képah yah ye à yo pé tyí ò sébéy mè sɔkɔ.

A ne níkɛ Nsyifunò ò, ànê nónó náh pi Nsyifunólɛ ò, pé pól-á tyípɛl pi, pè kɔ pè náh we de Liyel tɔrí sɔkɔ. Nte pé pól tyí-á nɔ Liyel tyí. Wãh me ké tyí ne pè pé nno vi mɔ. Pè yal n mɔ tyípɛl pínólɛ, pè mó sɛ Yesu Krista yõ. Nmɔ-á ku pé tyípɛl yinne. Páh kɪ sɛ òmɔ yõ, òmɔ gbò yõ páh kɪ pi négbólɛ Liyel yah sɔkɔ. Yòbènrɪ-á Liyel pi pé tyí kéle. Névi nê-á sɛ Yesu yõ, tɛ wɔ náh tɔ me n pi tyípékè ànê kũ mno sɔkɔ. Tɛ-á kɪ n kɔ Tɛ ògbɛ Yesule kúmm, té Liyel Mirki kɪ òne n yohnɪ n mɔ. Yah n tɛ Wrome tãn 1-8.

Pole tɔ Nsyifunò Yesu yáhlenɔ tyí yo ò sébéy sɔkɔ. Liyel-á yòbènrɪ nêne n pi, kè n tɛ n pne tyí pól tyí. Képah ye, à ne pé Liyel yáhlenɔ náh n yõ n sɔkɔ n pi. Yah n tɛ Wrome tãn 9-11.

A tɔ kè yo ne, núkúnúkú Liyel-á me sãmne n mɔ névye pól sɔkɔ nónó náh pi Nsyifunólɛ. Páh yĩne pè pé minne n pi yályál Liyel yah, nê tyí-á nɔ Liyel tyí. Yah n tɛ Wrome tãn 12-15.

Sébéy tyé-nsah sɔkɔ, Pole ne páh me ké tyí ne pé yuku Wrome kwil sɔkɔ, nénpó tãn kɔ pè pé we yohnɪ mɔ pé kɔ pé yõ sɔkɔ Yesɪpayĩ yamana sɔkɔ. A ne páh n wekɪ Yesu yõ sɛpú pól tyí Wrome kwil sɔkɔ, nónó-á pé nérpínólɛ.

¹ Nmɔ Pole nê-á Yesu Krista tɔnpɛle, òmɔ ye n wãrkɪ n tɛkɪ n mɔ sébéy mènɛ yé tyí. Liyel ye òmɔ ye pi Yesu tẽntò névile. A ní wilki sah ne mé pé Nìvìnì tirlɛ n yo. ² Liyel-á ò vyãh kɔ sah kénɛ Nìvìnì tir nê tyí sɔkɔ, à lésò syõ ò tẽntò syínyopu tyí à ké tyí yo sah ò wey sébéy sɔkɔ ògbò dùkùle. ³ N Pídí tyí ye kè n yo, nê-á ápi Tɛ ògbɛ Yesu Kristale, òmɔ nê-á pi yòtɛ dí Davidi pétó náhkìle ò pónDubino sɔkɔ névile. ⁴ Té wãh pɔ ku, té ò lékó-á yilki mɔ, képah sɔkɔ Liyel Mirki me kè wɛkɪ ne Liyel Pídí-á òne, tɛnwɛnɔ-á me ò tyí. ⁵ Nmɔ gbò yõ ye òmɔ yòbènrɪ we à pi ò tẽntò névile, kɪ yìkìnì pól yohnɪ mɔ pè kɪ pi òmɔ yõ sɛpúle kɪ n sah ò tyí yõ, ò yĩn kɔ kè kɪ n gbilki. ⁶ Kénɛ yìkìnì sɔkɔ névye ye yépi tɔle, Yesu Krista-á yépi nónó ye pi ò tyíle. ⁷ Yépi nónó pól tyí-á nɔ Liyel tyí Wrome kwil sɔkɔ, té à me yé ye ne yé yé minne n pi péwɔ tyí yõ, yépi tyí ye mé n tɛkɪ n mɔ sébéy mènɛ. Mé kéle n yah n kɔ ápi Sú Liyel ànê Tɛ ògbɛ Yesu Krista tyí ne, pè yòbènrɪ ànê yèvinɪne yé kɔ.

Kyɪ n yah dékè me Pole tɛ Wrome kwil Yesu yõ sɛpú tyí

⁸ Yesu Krista gbò yõ, mé n wekɪ ní Sú Liyel ògbò tyí yépi pól tyí sɔkɔ, yé Liyel yõ sɛnó tyí-á sɔnpɛle me n yo kèkòyó pól sɔkɔ. ⁹ Mé me tòle n pi Liyel tyí ní nɪ pólle ò Pídí Nìvìnì tir yónó sɔkɔ. Nmɔ nɛ ye ní tãrfyòle ne

gbímegbí, máh níríle n pi, máh níkēne ne n me yé tyíle n yo pé tyí. ¹⁰ Máh níkēne ne me kéle n yah n kō pé tyí gbímegbí ne, péwo dyo yíi tē-à kú nê, pé wēkì yíkú mō ní kō sē mé n kyí n yah yé tyí. ¹¹ Yé náh we di, pō n yah dékè me ní kah tē yé tyí. Képah soko, Liyel Mirki-á nēne ní kō, mé kú pō kéle yé kō, nê-á kú tãhkìle yé kō. ¹² Képah ye kú á kō á kú sóri we mō wē soko à yuku ápi Liyel yō sēnó tyí ònne. ¹³ N yúnpyé, mé me ké tyí ne yé kè pí ne máh kè yah kō gbáhyí náhnáhle ne mé pō yé ònne, mé pō tò we n pi yōre-á me nê tyí, sō-á mé pi kéle yìkìni téló ònne. Nte ké wēkì náh me tē we we, fókó à pō syí núkúnúkú tyí yò. ¹⁴ Mé yīne mè Nìvìnì tirlé n yo yí pípú ànê yí pí-ńkēpú tyí, ànê kãrn pípú ànê kãrn pí-ńkēpú tyí. ¹⁵ Képah ye, ké dékè me yíi ní soko ne mé pō Nìvìnì tir yo yépi tō tyí, yépi nónó-á me Wrome kwil soko.

Tãhkì nê-á me Nìvìnì tir soko

¹⁶ Nìvìnì tir yónó sen náh me nímo tē. Liyel tãhkì ye kéle nê-á névyé pólle n pwah n mō nónó-à sē ké yō. Kè tyah Nsyifunō ñgbò tyí, té pyē yīni tē névyé tyí nónó náh pi Nsyifunole. ¹⁷ Yé náh we di, képah ye n wēkì kéle ne Liyel-á me névyéle n pi négbólle ñ yah soko ñ yō sēnó gbò yō. N yō sēnó ó gbò yō ye kè n pi, sō-á kéle wárkínsàhnóle Liyel wey sébéy soko ne: «Névi nê-à pi négbíle Liyel yō sēnó gbò yō, tē kú min yèsyìkì we képah gbò yō.»*

Névyé pól me tyípékè mō soko

¹⁸ Yé yah, névyé Liyel yah tíkí pí-ńkē ànê pé tyítúkúnì pínó pól yīnne, Liyel tē yīnyō té ñ fókòvyáhnì pé wēkì, pãh sōnpíle pé tyítúkúnì tōkō à gbí yah vike. ¹⁹ Yé náh we di, névi-á fē nê pí n pi Liyel tyí soko, ké sēndì náh pépile dò. Liyel ye kéle pé wēkì. ²⁰ Liyel tyi nónó-á sè náh n we yīne, sépi nónó-á pi ñ tēpnènéle nê-á me tyé-ńkēne, ànê wãh me òkù nēne tótó; sépi me fē n pne ñ tyípínó gbò yō à tōkō kèkōyó mō gbí òkù tyí. Kãh pi sē, lénò náh fē n we n pi névyé tyí pólle. ²¹ Pé ye Liyel pí, té pé náh fē syi gbilkínó sah ñ yō nê-á yīne ñne. Pèpōri pínó wey nê-á yīne ñ kōnóle, pé náh kéle à kō. Nte pé pyē sōnō wãnne pé gblōy pilki, à pi lékám kē névyéle à de fēntú soko. ²² Pé gblōy tē pínó soko lékám névyéle, pé pyē pi nēwãnne yò sō. ²³ Gbilkínó nê-á yīne sàhnóle kú-ńkē Liyel yō, pé képah vi mō n sah névyé, ànê kèpye, ànê gbyèhnyèh yí, ànê til til yí kètò pínsàhnónó yō. Té névyé ànê kéne gbēnkýo nópi pól kú mó tō pō n ku n pi.

²⁴ Képah ye Liyel ye pé kō pé pé pōpōle n pi, képah nê dékè-á me pé soko, fókó à pō senné n pi pé gblōy tyí. ²⁵ Gbí nê-á yo Liyel tyí soko, pé képah vi mō pi mìnne. Pé mō mō Liyel sah té ñ yí mónó wole n gbilki, té tòle n pi sépi tyí. Nte ñmō ye mó tō yīne gbilkínóle tyé-ńkēne. Amiina! ²⁶ Képah ye, Liyel me ye pé kō pé sen tyi óle n pi nónó dékè-á me pé soko. Pé syó me pèkì yah tyi vi mō ké gbēntēnáh yō, me n sē wēne. ²⁷ Sē ó ye, díbí tō me pèkì yah tyi vi mō ké gbēntēnáh yō. Pé náh tō me n sē syóle. Sēnóle wēne, képah lédórí ó ye me n ko péle. Sen pí-ńkē tir ye pé me n pi wē tyí, té mó pé mónpuno lédyáhnì we nê-á yīne péle. ²⁸ Pãh yahle Liyel pínóle sē, à me ye pé kō pé pé sōnō tókúnì sò tē à pí-ńkē tyíle n pi. ²⁹ Tyíknèni duke pól ye pé me n pi, ànê tyítúkúnìne, ànê yísesúkúle, ànê

* 1:17 1.17 Yah n te Yabakuki 2.4.

népékèlè. Dyóyókè ó ye pé tòlè, à tahlì nékókè mónó tyí, ànê mēwéyng, ànê yínví pínóle, ànê nétúkùnì tyi pínóle, ànê mìnì sàhnóle névyè yō, ³⁰ ànê névyè tyí yónkònóle. Pè pɪ Liyel sépébúle, ànê vyáhsenóhkípúle, ànê gblǒy gbílkípúle, ànê wèngbìl wékípúle, ànê pèkè yah wénpɪpule, ànê dúbípú tyí yáhlepule. ³¹ Pè pɪ lékám kě névyèle. Pàh nê yo, pè náh kéle n pɪ. Kùkùtáhkì névyè ànê nēpíkòbɪ ye péle. ³² Té pè mó tǒ pĩ ne Liyel-á me kè yo sah ne, sēnkno tyi pípú-á yīne kònmònole. Nte képah fyé yō, pè me yō sòko tyi nópi pólle n pɪ. Té pè náh me yīn sépi ó tyí dé, pè me mò sēnkno tyi pípú tǒle.

2

Liyel-á kɪ tukey nê tuke n pi

¹ Áwɔ nê-á lékàhle no télóle n kǒ, wáh kɪ sǒ me nédúkú nēne, lénò wé-ńsah náh me á tyí. Á náh we di, wáh lékàhle no télóle n kǒ, lékàh ye á á gblǒyng n kǒ, áwɔ tǔ-á sǒnpíle me n pɪ pé tyí kǒle, áwɔ nê-á lékàhle péle n kǒ. ² Api pĩ ne níkě nónó-á kéne tyi dükùle n pɪ, Liyel-á kɪ pè tuke n pi à yīne gbɪ wěkìle. ³ Áwɔ nê-á lékàhle kéne tyi pípúle n kǒ, té mó tǒ me sēnknole n pɪ, á se me n sǒ ne wáh kɪ n pwah n pi Liyel tukey sòko? ⁴ Képah náh pɪ, Liyel pèpɔrɪ ñgbě, ànê ñ fòkòpènɔrɪ, ànê ñ sómnó se á yahle mónkònóle? Á náh pĩ ne Liyel pèpɔrɪ mē-á kɪ ñ kǒ á kɪ á nɪ vi mò kɪ tyípèl pínó yal mò di? ⁵ Nte á níkisekókó ànê á nɪ táhntúnɔ yīnne, á me Liyel plǒle n gbah n yɔrɪ n mò á gblǒy yō, nê-á kɪ n pɔ n pi ñ fòkònyàhnì sǒle, sǒ nê-á à kɪ névyè tuke n pi à yīne gbɪ wěkìle. ⁶ A kɪ nénúkù núkú pól dyah à yīne pé tyípínìne. ⁷ Nónó-á me gbah tē tyípéplǒle n pɪ, ne pé kyɪ yō yǒnó we, gbílkínó mó ne n sah pé yō, ànê pé mó tyé-ńkě min we, à kɪ tyé-ńkě minne pépi kǒ. ⁸ Té névyè nónó-á yahle sàhnóle ñ tyí yō, té gbɪ wěkì kóló yahle té pèkè pínó sǒ tē, à kɪ ñ fòkònyàhnì pépi wěkɪ, té kɪ fóhnó sah pé yō. ⁹ Yèvyàhrɪ ànê tíkì kèpékè kɪ pɪ tyítúkùnì pípú pól tyíle. Kè kɪ tyah Nsyifunɔ ñgbò tyí, té kɪ pɔ yīni tē névyè tyí nónó náh pɪ Nsyifunɔle. ¹⁰ Nte gbílkínó, ànê yō yǒnó, ànê yèvnɪ kɪ pɪ tyípéplɔ pípú nénúkù núkú pól tyíle. Kè kɪ tyah Nsyifunɔ ñgbò tyí, té kɪ pɔ yīni tē névyè tyí nónó náh pɪ Nsyifunɔle. ¹¹ Yé náh we di, Liyel náh névyèle n wah.

¹² Névyè nónó pól-á pè náh Moyisi tyi kònsàhnóle n pne té tyípèl pɪ, kéne tyi kònsàhnó vyàh náh n we n pi pépi tyí yíkínó sòko. Nte nónó pól-á tyípèl pɪ té me Moyisi tyi kònsàhnóle n pne, pépi kɪ n tuke n pi à yīne képahle. ¹³ Moyisi tyi kònsàhnó tyíyónó nóhpú náh Liyel n yah négbólóle dé. Ké tyíyónó pípú ye. ¹⁴ Névyè nónó-á pè náh pɪ Nsyifunɔle, pépi náh Moyisi tyi kònsàhnóle n pne, té pé kɔ dükù mó tǒ pɔ yīne Moyisi tyi kònsàhnó yóréle. Káh pɪ sē, képah n wěkɪ ne páh pèpeyng n pne pé gblǒy, Moyisi tyi kònsàhnó kēne pé tyí. ¹⁵ Pè me kéle n wěkɪ képah sòko ne, Moyisi tyi kònsàhnó-á nê yo ne kè ne n pɪ, káh me pé nno sòko. Pé sǒno sòko, kèyàhle pè n ne n me lékàhle pé gblǒyng n kǒ, kèyàhle ñ te n ne n me gbule pé gblǒyng n kǒ. ¹⁶ Nìvìnì tir nê-á nímo n yo, à yīne képahle, Liyel kɪ syō Yesu Krista tyí kɪ névyè tuke n pi pé sèfìn sǒ tyi pól tyí sòko. Lésòle, tyi nópi kɪ wilki mò kwèy.

Nsyifunɔ náh me Moyisi tyi kònsàhnó wǎlle n kɔ

¹⁷ Yépi nónó-á ne Nsyifunɔ-á yéle, yé me yé gbò sah Moyisi tyi kònsàhnó yõ, té yé gblɔyne n yõ n sah ne Liyel-á me yépile. ¹⁸ Té Liyel dyɔ yíí-á nêne, yé kéle n pne kyó! Yáh kwónó nê we Moyisi tyi kònsàhnó sɔkɔ, képah gbò yõ, yé pèpeyne n pne dò. ¹⁹⁻²⁰ Kéne kwónó gbò yõ, yé ne yé pnènó-á syi ké yín tyí, ànê yáh gbɪ pĩ dal mɔ, té núkú yuku yítũbi yahle n tẽ, té me kyòole n mɔ fěntũ sɔkɔ névyé tyí yé yo kè? Yé me vɪnmɔnɔle lékám kě névyele n kɔ, té me wěnpĩ yrɔle n kwɔ yé yo kè? ²¹ Yé me no télóle n kwɔ, té yé náh yé gblɔy wɔle n kwɔ kè? Yé me névyele n kwɔ ne pè káh yĩbele n yĩ, té yépi wɔ n yĩ kè? ²² Yé ne fòfíkì káh ne n pɪ, té yépi wɔ kéle n pɪ kè? Yé ne fal fal tãn tyí náh nɔ yé tyí pólle, té mó tɔ tãn vɪ yĩle n yĩ n tɔkɔli kè? ²³ Yé me yé gblɔyne n yõ n sah ne yáh Moyisi tyi kònsàhnóle n pne, té mó tɔ me sé dèlle n pɪ. Liyel náh yé n yilo yò di? ²⁴ Yé náh we di, kè me wárkínsàhnóle Liyel wey sébéy sɔkɔ ne: «Yépi Nsyifunɔ ye yìkìni téló kɔ pè Liyel yĩnne n yɪkɪ.»*

²⁵ Gbɪ tẽ wɔ ye, yõre me kòkè tyí yáh me fě n kɔ Moyisi tyi kònsàhnó wǎl yõ. Nte yáh me sé dèlle n pɪ, yé kòno pɪ nònóle. ²⁶ Kò-ńkě névi nê tẽ-à fyò n kɔ Moyisi tyi kònsàhnó wǎl yõ, Liyel kɪ tẽ mɔ kɔ kènkòbe sɔkɔ. ²⁷ Yépi Nsyifunɔle, Moyisi tyi kònsàhnó wárkínsàhnó me yé tyí, ànê yé se mó tɔ kòkè tɔ kɔ. Té képah fyé yõ, yé me Moyisi tyi kònsàhnó dèlle n pɪ. Káh pɪ sě, kò-ńkě névyé nónó-á me Moyisi tyi kònsàhnó wǎlle n kɔ, pépi ye kɪ pɔ lékàhle yé kɔ n pɪ. ²⁸ Yé náh we di, névi kòno náh n pɪ tẽne Nsyifule. Kòkè kòno nótólí tɔ náh n pɪ névile Nsyifule. ²⁹ Liyel-à névi nê nɪ vi mɔ, tẽ wɔ ye n pɪ Nsyifu yèsyìkìle. Kòkè yèsyìkì tole, Liyel Mirki ye n pɪ kéle nɪ sɔkɔ, Moyisi tyi kònsàhnó náh. Nsyifu yèsyìkìle, Liyel ye n sɔ nne, névi náh.

3

Névyé pól me pìlkínó sɔkɔ

¹ Wáh pɪ Nsyifule té kòkè kɔ, yõre se me ké tyí? ² Ké yõre me gblò yey yey pólle. Pépi ñgbò gbò sɔkɔ ye Liyel dahbɪ ñ weyne. ³ Nte à, pépi sɔkɔ tókù-á yahle kólóle ké wěkì yõ, képah se kɪ pɔ Liyel tɔ kɔ à kɪ yahle kólóle ñ tyi yónó sò? ⁴ Jú dé! Névyé pól sénsò me m̀nyobe, ñte kè yĩne kè ne me pìkínóle ne Liyel wɔ-á n kɔ ñ tyíyónó sò, sɔ-á kéle wárkínsàhnóle ñ wey sébéy sɔkɔ ne:

«Á tyíyónó yĩne kè kè wěkɪ ne gbɪ yó-ò-á ále.

Páh ále n tuke, gbɪ yĩne kè we á tyí.»*

⁵ Nte ápi kěkínó-à kɪ pɔ kè kɔ kè we pĩ ne Liyel-á me tómm à, á kɪ tɔ yo sɔ wé? Képah se n wěkɪ ne Liyel náh me n kɔ gbɪ wěkì yõ, wáh ñ fòkònyàhnì sɔkɔ fòhnóle n sah á yõ? — Névi yòtàhsyi sò òkù ye mé yah té kéle n yo. — ⁶ Jú dé! Káh me sě, té Liyel kɪ tuke sɔ kèkòyó névyele wé? ⁷ Nte ñmò m̀nì yónó-à kɪ me kè wilki mɔ ne Liyelle, gbɪ Liyel-á nne ñ yín kɔ kè kɪ n gbilki à, sɔ pɪ té lékàh kɪ tɔ ñmòle n kɔ á kɪ ne tyípékè pí-ò sɔ ríne? ⁸ Té névyé yín yíkípú yísyó ne, ápi-á me n yo ne pèkè-á yĩne kè ne n pɪ, nê-á kɪ n pɔ n pɪ pèpɔrile. Lékah ye yĩne kéne névyé òkù kònole.

* **2:24** 2.24 Yah n te Nsyeremi 52.5. * **3:4** 3.4 - Yah n te Gbálnó 51.6.

9 A yĩne à yo sɔ̃ yò wé? Api Nsyifunɔ se fónfó névyé téló yò? Pólle! Yé náh we di, mé ye kè yo wah te ne Nsyifunɔ ànê nónó náh pɪ Nsyifunɔle, pé pól-á me tyípékè mɔ sɔkɔ, ¹⁰ sɔ̃-á kéle wárkínsàhnóle Liyel wey sébéy sɔkɔ ne:

«Négbí náh me pólle.

Nénúkù ntě fyé náh me.

¹¹ Lékám névi náh me pólle.

Nnî yó ntě náh me Liyelle n yah n kɔ̃.

¹² Pé pól ye wěkì pèpey fin mɔ, té me mɔ pu wě tyí.

Ney náh me nê-á me tyípépěyne n pɪ.

Nénúkù ntě fyé náh me.†

¹³ Pé yĩngbãhlo me léyâl yey yíkínmònsàhnó sɔ̃.

Pě névyele n vi n tě pé nénpóríle.‡

Pé vyěy welo me wahy sohri sɔ̃.§

¹⁴ Plo yénmɔɔ welo ànê wènpèl ó n ne n wil pé vyěy sɔkɔ.*

¹⁵ Kàh pɪ nékókè mó-ńsah yúkúnó wɔle, pé gbáhkì n ne n sal képah sɔ̃.

¹⁶ Pépi syɔ̃-ntàn pól sɔkɔ, pě yíkínó ànê pèkè ó kókóle n pɪ.

¹⁷ Yèvunɪ wěkì těne, pé náh képahle n pne.†

¹⁸ Pè náh Liyel yah tíkíle n pɪ pólle.»‡

¹⁹ Nte á mó tɔ̃ pĩ ne, Moyisi tyi kònsàhnó-á tyi nónó pólle n yo, sàh me sé yey mɔ sé wàl kópú òinne pé vyěy tũ yĩnne, ànê lékàh we yĩnne kèkòyó névyé pól tyí Liyel yah sɔkɔ. ²⁰ Képah ye, nnî yó ntě náh n pɪ n pi négbíle Liyel yah sɔkɔ Moyisi tyi kònsàhnó gbò yò.§ Yé náh we di, Moyisi tyi kònsàhnó yòre-á nêne, tyípékè ye kè névyele n wěkɪ.

Névyé-á n pɪ négbíle dùkù nêne Liyel yah sɔkɔ

²¹ Nte núkúnúkú, Liyel ye kè wěkɪ ne páh me névyele n pɪ négbíle pé yah sɔkɔ. Moyisi tyi kònsàhnó vyãh náh me ké sɔkɔ. Kéne tyi kònsàhnó ànê Liyel tẽntò syínyopu sébéynó ntě kè yo ó. ²² Yesu Krista yò sɛnó gbò yò ye Liyel névyele n pɪ négbíle n yah sɔkɔ. Nê tẽ-à fyò sɛ Yesu Krista yò, Liyel tẽ pɪ négbíle n yah sɔkɔ. Yé náh we di, wáhkì náh me ké sɔkɔ dò.

²³ No pól ye tyípêl pɪ, pé kɔ̃ pé tekɪ Liyel tɔ̃rí sɔkɔ. ²⁴ Nte Liyel yòbènɔri pɪ pé tyí, à pé pɪ négbíle n yah sɔkɔ nònóle Yesu Krista gbò yò, nmo nê-á pwah mɔ péle tyípékè sɔkɔ. ²⁵ Yesu Krista ye Liyel tɔkɔ kɔ̃ sárkále, ne n tó kwénó gbò yò, nónó-á sɛ n yò, pé tyípêl yò n mɔ pé kɔ̃. Képah ále n wěkɪ ne Liyel-á me tómm. Ngbòle, à náh lésò me névyé tyípèlle n mɔ n kɔ̃,

²⁶ à lésò me sómnóle n pɪ. Nte núkúnúkú, à me séle n mɔ n kɔ̃, té mó tɔ̃ me névyele n pɪ négbíle n yah sɔkɔ, nónó-á sɛ Yesu Krista yò. Képah n wěkɪ ne wãh me tómm té me névyele n pɪ négbíle n yah sɔkɔ. ²⁷ Gblòy gbílkí-ńsah se tɔ̃ me névi tyí? Ó̃ dé. Nte kwãh nê pɪ wé? Kè náh tɔ̃ me á kɪ ne pé tyípínì sɔ̃ me n mɔ n kɔ̃, Yesu Krista yò sɛnó ye me n mɔ n kɔ̃

képah ye. ²⁸ Yé náh we di, ápi kɪ fě kè yo ne névi Liyel yò sɛnó ó gbò yò-á tẽ n pɪ négbíle Liyel yah. Kè náh me á kɪ ne Moyisi tyi kònsàhnó wàl kóló gbò yò sɔ̃. ²⁹ Tòdĩ Liyelle, Nsyifunɔ ó Liyel se òne? No téló tɔ̃ Liyel náh

† **3:12** 3.10-12 - Yah n te Gbálnó 14.1-3 ; 53.2-4. ‡ **3:13** 3.13 - Yah n te Gbálnó 5.10. § **3:13** 3.13 - Yah n te Gbálnó 140.4. * **3:14** 3.14 - Yah n te Gbálnó 10.7. † **3:17** 3.15-17 - Yah n te Yesayi 59.7-8. ‡ **3:18** 3.18 - Yah n te Gbálnó 36.2. § **3:20** 3.20 - Yah n te Gbálnó 143.2.

̀nne di? Awe, no téló to Liyel ye ̀nne, ³⁰ ̀nmo ó-á sɔ́npíle pɪ Liyelle. Nmo ye kɪ Nsyifunɔ pɪ négbíle n yah sɔkɔ n yɔ́ sɛ́nɔ́ gbò yò, té kɪ tɔ́ no téló to pɪ négbíle n yah sɔkɔ n yɔ́ sɛ́nɔ́ gbò yò. ³¹ Nte kãh pɪ sɛ́, Liyel yò sɛ́nɔ́ se me pɔ́ á kɔ́ á me Moyisi tyi kònsàhnóle n pɪ yòre kɛ́ kwáhle? ́́ó dé, yòre ye pyè á kéle n kɔ́ yò nkɛ́.

4

Liyel yò sɛ́nɔ́ gbò yò ye Abrahamu pɪ négbíle

¹ Sɔ́ me ápi kɪ yo Abrahamu tyí sɔkɔ, ̀nmo nê-á á náh neyne? Kwáh nê me à fɛ́ we n yɛ́ngbɛ́ táhkìle? ² Abrahamu tyípínì yìn-à sò ne Liyel à pɪ négbíle n yah sɔkɔ, à náhki sò fɛ́ n gblɔ́yne n yò n sah kè. Nte à náh fɛ́ képah pɪ Liyel yah sɔkɔ dé. ³ Kè me wárkínsàhnóle Liyel wey sébéy sɔkɔ ne nkɛ́: «Abrahamu sɛ́ Liyel yò, Liyel mó à pɪ négbíle.»* ⁴ Nte kãh me tò pínó wɛ́kì yò, tònpi ye n we n tò pínó lédyáhníne. Nónó náh à we kéle dé. A yíne ké wénóle. ⁵ Nte sɛ́ náh kéle Liyel tɛ́ wɔ́ tyí dé. Névi nê-à sò tòle n pí-̀nkɛ́ne té fyò me sɛ́ n yò, ̀nmo nê-á tyípêl pípúle n pɪ négbíle, képah gbò yò à tɛ́ pɪ négbíle.

⁶ Liyel-á névye nónóne n pɪ négbíle n yah sɔkɔ pé tyípínì mónkò-̀nkɛ́ne, yòtɛ́ dí Davidi pé nìvìnì wénó tyí yo ne nkɛ́:

⁷ «Névye nónó pílkí-̀ntàn-á yò mo pé kɔ́, té pé tyípêl me niri pé tyí, pépi tyí no.

⁸ Tɛ́ ̀ngbɛ́-à névye nónó tyípêl mónkò-̀nkɛ́ne, pépi tyí no.»†

⁹ Kéne nìvìnì mène, Nsyifunɔ ó tyí náh kéle dé, nónó náh pɪ Nsyifunɔle pépi to tyí ye. Á kè yo sɛ́ yò ne, Abrahamu Liyel yò sɛ́nɔ́-á à pɪ négbíle Liyel yah. ¹⁰ Nte gbí nê me Liyel pɪ ̀nne négbíle? N kò-̀nkɛ́ gbí sɔkɔ se, tɪ́ n kòntenɔ́ náh sɔkɔ se? ́́ó, n kòntenɔ́ náh sɔkɔ náh dé, n kò-̀nkɛ́ sɔkɔ ye. ¹¹ Képah náh sɔkɔ ye Liyel à kɔ́ à kòkè kò. Kéne kòkè kéle n wɛ́kɪ ne wãh à pɪ négbíle n yah sɔkɔ n yò sɛ́nɔ́ gbò yò n kò-̀nkɛ́ gbí sɔkɔ. Kãh pɪ sɛ́, kò-̀nkɛ́ névye nónó-á sɛ́ Liyel yò, té pɪ négbíle Liyel yah, Abrahamu pɪ pépi súle Liyel yah. ¹² Té pɪ kènkòbe to súle, nónó-á pé náh me n yah pé kònsó ó tyí, pé me sɛ́ Liyel yò Abrahamu tyí kòle gbí nê-á à náh tɔ́nì sò me kò.

Abrahamu Liyel yò sɛ́nɔ́ gbò yò ye Liyel n vyãhle ̀nmo ànê n náh tãn kɔ́

¹³ Yé yah, Liyel-á n vyãhle Abrahamu ànê n náh tãn kɔ́ ne páh kɪ kèkɔ́yóle pé kɔ́, kè náh pɪ á kɪ ne Abrahamu-á n kɔ́ tyi kònsàhnó wãl yò képah yìn sɔ́ dé, n pínó yìn ye négbíle Liyel yò sɛ́nɔ́ gbò yò. ¹⁴ Liyel-á n vyãh kɔ́ nê tyí sɔkɔ, kãh sò me pɪ ne tyi kònsàhnó wãl kónó gbò yò sɔ́ képah n we, yò se náhki tɔ́ me n yò sɛ́nɔ́ ànê n vyãh kónó mè tyí? ¹⁵ Yé náh we di, tyi kònsàhnó ye n yilki n mo Liyel fòkòvyãhníne. Tyi kònsàhnó-à n kne nýãh sɔkɔ, ké dél náh fɛ́ n pɪ nénpó. ¹⁶ Liyel-á n vyãh kɔ́ nê tyí sɔkɔ, n yò sɛ́nɔ́ gbò yò ye képah n we. Képah kɪ pɪ yòbènrúle Abrahamu náh tãn pól tyí. Té kè náh pɪ ne tyi kònsàhnó wãl kópú ó tyí sɔ́ à pɪ kéle dé. Nónó pól to-á sɛ́ n yò Abrahamu tyí kòle, pépi pól tyí ye à pɪ kéle. Yé náh we di, Abrahamu

* **4:3** 4.3 - Yah n te Yenesɪ 15.6. † **4:8** 4.7-8 - Yah n te Gbálnó 32.1-2.

ye á pól súle, ¹⁷ sǎ-á kéle wárkínsàhnóle Liyel wey sébéy soko ne: «Áwo ye mé pɪ kwlo kwlo náhnáh.»‡ Nmo ye ápi súle Liyel yah soko, wáh sǎ nê yõ. Nmo Liyel ye n yilki n mo lékyúle, té yúle n mo ñ vyāh weyne nónó náh sò me. ¹⁸ Tir nê-á kè náh sò me gbò sah sah tǎne ké yõ, Abrahmɪ ñ gbò sah képah yõ. A sǎ Liyel yõ, képah yinne Liyel me à pɪ kwlo kwlo náhnáh névye súle, sǎ-á lésò à yo kéle ñ tyí ne, ñ náh tân-á kɪ pɪ dò.‡ ¹⁹ Té légbíne, Abrahmɪ sò kè we ne páh wah mo náhnáh. A sò me ye lèkwě vyāh yah soko. N kyɪ Sara to pìkì sò soko te. Nte képah fyé yõ, wǐlkinó náh pɪ ñ Liyel yõ sǎnó soko. ²⁰ A náh tòtò pɪ sǎnóle Liyel vyāh kǎnó mè yõ. Nte à tǎhkì we Liyel yõ sǎnó gbò yõ, à Liyelle n gbilki. ²¹ N sǎnyĩno sò me ké yõ ne, Liyel-á ñ vyāh kǎ tir nê tyí soko, tǎnwenò-á me ñ tyí kɪ fě kè pɪ. ²² Képah ye, Liyel me à mo kǎ négbíle ñ yah soko.

²³ Té kǎh wárkɪ sah Liyel wey sébéy soko ne: «Liyel à mo kǎ négbíle.» Kè náh pɪ ne Abrahmɪ ó yĩn sǎ dé; ²⁴ ápi to yĩn ye, ápi nónó Liyel yõ sǎnó-á kɪ n mo n kǎ n pi, áyáh sǎnpíle sǎ Liyel yõ nê-á Tǎ ñgbě Yesu lékó yilki mo. ²⁵ A lésò ko mo ápi tyípél yinne, té Liyel me ñ lékó yilki mo ápi pɪ yinne néglóle Liyel yah soko.

5

Névye wró kwrónmɔnɔle Liyelle ñ yõ sǎnó gbò yõ

¹ Ápi-á pɪ néglóle Liyel yah ñ yõ sǎnó soko sǎ, yèvɪnɪ we á wró ñne á Tǎ ñgbě Yesu Krista gbò yõ. ² Yòbènoɪ nê wěkì-á yɪkɪ mo á tyí té ále ké soko yò, ñmo ye dah mo ále ké soko Liyel yõ sǎnó gbò yõ. Té á gbò sàhnó-á me ké yõ ne áyáh kɪ Liyel tǎrí we n pi, kè me yǎnóle á tyí. ³ Té à wil képah soko, yèvyāhrɪ nǎtǎ to pínó me yõ yǎnóle ápi tyí. Yé náh we di, á pɪ ne ríkě yèvyāhrɪ pínó-á névile n pɪ gbáhntě-òle, ⁴ gbáhntěno mó névile n pɪ tǎnwe-òle mónyahno gbíne. Névi-à pɪ tǎnwe-òle mónyahno soko, ñmo gbò sàhnó n ne n me Liyel yõ. ⁵ Nte ápi ñgbèkì-á me Liyel soko dùkù nēne, à kéle á wěkɪ ñ Mirki gbò yõ wáh képah nēne á kǎ. Képah ye névi nê-à ñ gbò sah ñ yõ, sen náh tǎ tǎ n pi.

⁶ Yé náh we di, Liyel-á gbí nê yah toko sah, kǎh pɔ no, Krista ku tyípél pípú pwah n mo yinne. Té légbíne, ápi lésò me tǎhkì kǎne á soko. ⁷ Névi nê-á kɪ fě syi n ku n pi négbí yinne, tǎ wénó kɪ tah. Gbòkénpɪ ñnɪ kɪ fě fě syi ku pèpɔɪ pí-ò wo yinne. ⁸ Nte Liyel-á kéle á wěkɪ dùkù nēne ne á tyí-á no pé tyí, kè we yò: Ápi lésò me á tyípél soko sǎ té Krista ku á pwah n mo yinne. ⁹ Té núkúnúkú, áyáh fyò pɪ té néglóle Liyel yah soko Krista kúnó gbò yõ, Liyel fòkòvyāhnɪ wo yah se pyě à kɪ n ye n pi kǎnóle á tyí? ¹⁰ Áyáh lésò me Liyel sépébi, à á wró tǎ sah ñne ñ Pídí kúnó gbò yõ. Té ñ Pídí tǎ-á fyò me min soko, à se kɪ pyě n ye n pi á pwáhnmɔnɔle? ¹¹ Té kè náh yĩn képah ó tyí dé, kè tǎ me yõ yǎnóle á tyí Liyel yah soko Tǎ ñgbě Yesu Krista yinne, ñmo nê-á á wró tǎ sah Liyelle.

Tyi nónó-á we Adama tyí sōwāh ànê nónó-á we Yesu tyí sōwāh

¹² Yé yah, nénúkù yó yĩn ye tyípekè de kèkōyó. Kéne tyípekè ye yɔɪ mo kǎne. Té névye pól me kǎ mno soko, pé pól-á sǎnpíle tyípekè pɪ... ¹³ Moyisi tyi kǎnsàhnó pɔ tyípekè we kèkōyó. Ké pó-ńkě gbíne, tyípekè mè náh sò me

‡ 4:17 4.17 - Yah n te Yenesɪ 17.5. § 4:18 4.18 - Yah n te Yenesɪ 15.5.

n mo n kô. ¹⁴ Té sépinó pól soko, à toko Adama gbí tyí, pópó à po no Moyisi gbí tyí, névye pól sò me kú mno soko. Pè náh sénsò tyípekè pɪ Adama tyí kôle ñmo nê-á Liyel dêl pɪ, ñte kú sò me péle n tẽ. Névi nê-á sò yĩne à po, Adama pɪ ñmo kêtòle.

¹⁵ Nte tyípekè nê-á pɪ, kè náh me sãh yah yah tẽne yòbènrɪle Liyel-á nẽne n pɪ. Gbɪ ye, nénúkù tẽ wɔ tyípekè yĩn ye névye náhnáh ku ó; ñte Liyel-á yòbènrɪ nê pɪ á tyí, ànê wãh syõ Yesu Krista to gblõy núkúni tyí à pèpɔrɪ nê pɪ nékwĩnkí tyí, sépi ye kal. ¹⁶ Liyel-á pèpɔrɪ nê pɪ, ké swɔ náh me núkúle nénúkù tyípekè mè tyíle. Yé náh we di, nénúkù tyípekè yĩn ye lékàh we. Nte névye tyípèl náhnáh pɪntenɔ náh ye Liyel yòbènrɪ pɪ pé tyí à pè pɪ néglólè ñ yah soko. ¹⁷ Gbɪ tẽ wɔ ye nénúkù tyípekè ye mo névyele kú mno soko ó, ñte Liyel-á yòbènrɪ ñgbẽ pɪ nónó tyí à pè pɪ néglólè ñ yah soko, pépi kɪ me min soko Yesu Krista gblõy núkúni gbõ yõ, kɪ tórɪle n pɪ. ¹⁸ Sõ-á nénúkù tyípekè pínó lékàhle no pól yĩni tẽ, sẽ ó ye, nénúkù tyípépɛy pínó yĩn ye no pól kɪ fẽ pɪ néglólè, nê-á kɪ pè kô pè kɪ tyé-ńkẽ min we. ¹⁹ Sõ-á nénúkù Liyel yóré yáhlenɔ po kéne névye náhnáh kô pè pɪ tyípèl pípúle, sẽ ó ye, nénúkù Liyel yóré fẽnsyino yĩn ye névye náhnáh kɪ pɪ néglólè Liyel yah soko. ²⁰ Tyi kònsàhnó tẽ wɔle, képah ye po tyípèl kô sè kwel. Té tyípèl-à kwel nýãh soko, Liyel n mó yòbènrɪ pɪ nénpó soko nê-á kal sépile. ²¹ Kãh pɪ sẽ, sõ-á tyípekè névye pól dahbɪ kú mno soko, sẽ ó ye, yòbènrɪ nê-á Liyel n pɪ névye tyí à péle n pɪ néglólè, képah to kɪ tyé-ńkẽ minne pé pól kô ápi Tẽ ñgbẽ Yesu Krista gbõ yõ.

6

Nê-à kwɔ mo Yesu Kristale, tẽ kɪ min pɪ òkù kɪ vi mo pɪ sãne

¹ Sõ me ápi kɪ yo yò wé? Á se yĩne à yõ n soko tyípèl pínó soko, Liyel kô à yòbènrɪle n gbah n pɪ á tyí? ² Ó dé! Ápi á náh vi tyípèl pínó kô á kɪ ne á sõ ku. Té á kɪ pɪ sõ té kɪ tõ po á minne n pɪ tyípèl pínó soko? ³ Yé náh pĩ ne, ápi nónó pól-á wel wilki ni soko à kwɔ mo Yesu Kristale, á wèlnwĩlkinó mè-á me á kɪ ne kúnó sõ ápi to ku ñne wẽ tyí di? ⁴ Wèlnwĩlkinó mè soko, ápi to ye ku ñne wẽ tyí, té yĩ ñne wẽ tyí. Té ñ lékó-á yilki mo Sú Liyel tẽnweno ñgbẽ gbõ yõ sõ, sẽ ye ápi to min pɪ òkù vi mo pɪ sãne. ⁵ Yé náh we di, áyáh fyò kwɔ mo ñne à kú òkù núkú ku, ápi to lékyî kɪ po n yilki n mo n pɪ ñmo tyí kòle. ⁶ Á yĩne à pĩ ne áyáh sò me n pɪ òkù nẽne ñgbòle, áyáh képah kwɔ mo syɪ Kristale dahni yõ à ké tyí yɪkɪ, té we wil tyípekè yõrɪ soko. ⁷ Yé náh we di, névi nê-à ku, tẽ vyãh n de tyípekè pínó soko. ⁸ Té áyáh fyò ku ànê Kristale wẽ tyí, á sɛnó me ké yõ ne áyáh kɪ á min pɪ ñne wẽ tyí. ⁹ Ápi pĩ ne Krista lékó-á yilki mo, à náh tõ n ku n yah n pi, kú náh tõ tẽ we n pi ñ tyí. ¹⁰ Wãh kú nê ku yò, tyípèl tyí yɪkɪ yĩn ye kúmm à ku. Nte núkúnúkú wãh me min soko, à me ñ minne n pɪ Liyel tyí yõ. ¹¹ Sẽ ó ye, yépi to yĩne yè pĩ ne yáh yé náh vi tyípèl pínó kô á kɪ ne yé sõ ku, té me min soko Liyel tyí yõ yé wró kwɔnmɔno gbõ yõ Yesu Kristale.

¹² Gbí nê-á ye me min soko kèkõyó mè soko yò, yé káh tõ ye tyípekè po fyãh yé yõ, kè po yéle n mo yé dyo dyo tyi pínó soko dé. ¹³ Yé káh tõ yé wil gbẽnsê tãntãne tyípèlle n pɪ á kɪ ne tyípekè sõ n tẽ yé yahle dé. Nte yé yé gblõyne Liyel kô. Yé me á kɪ ne yé sõ ku té yé lékyî me yilki mo. Yé yé wil

gběnsê tãntãn pól fin mɔ Liyel kɔ sè pɪ tyígbló pɪ pɪ tɔnpiyile. ¹⁴ Tyípékè náh tɔ n dɔkɔ n tɛ n pi yé yɔ pólle. Yé náh tɔ me Moyisi tyi kònsàhnó gbò sò sɔkɔ dò. Liyel-á yòbènrɪ nêne n pɪ yé tyí, kèpah gbò sò sɔkɔ ye yéle.

Gbi wěkì kólóle Liyel yah sɔkɔ

¹⁵ Á yĩne à yo sɔ yò wé? Áyáh fyò me yòbènrɪ gbò sò sɔkɔ, té á náh tɔ me Moyisi tyi kònsàhnó gbò sò sɔkɔ, kèpah se yó n wěkɪ ne tyípèl pínó wěkì-á yɪkɪ mɔ á tyí? Jɔ dé! ¹⁶ Yé náh pĩ ne níkě yáh tòle n pɪ ònî yó tyí yòbɪ sɔ yéle, té n sah ònî tyí yò, yè n pɪ tɛ yòle kègbɪ yò di? Sɛ́ ó ye, yáh n sah tyípékè tyí yò, yè n pɪ kè yòbulɛ, ànê kè n pɔ kũne. Té yáh n sah Liyel tyí yò, yè n pɪ ònî yòbulɛ, ànê kè n pɔ gbi wěkì kólóle. ¹⁷ Yé lésò me tyípékè yòrɪ sɔkɔ. Nte yáh kwónó nê we, kèpah gbò yò, núkúnúkú yé me n sah Liyel yóré yò yé nno pólle. Káh pɪ sɛ́, á ye wɛkɪ Liyel tyí. ¹⁸ Yé wil tyípékè pínó sɔkɔ, té de gbi wěkì kóló sɔkɔ. ¹⁹ Yépi tyi yah yáhnkwlonɔ ye ní kɔ mé tyi nópile n yo à yĩne névyɛ pɪ dùkùle yò. Ngbòle lésò, yáh yé wil gběnsê tãntãn pólle pòpò ànê tyítúkúnine n pɪ, à Liyel dèlle n pɪ sɔ; núkúnúkú, yé séle gbi wěkìle n kɔ, yè n ne n me wìkìnsàhnóle Liyel tyí yò.

²⁰ Yáh lésò me tyípékè yòrɪ sɔkɔ gbí nêne, ney náh me yéle n kyĩ n mɔ ne yé gbi wěkìle n kɔ. ²¹ Kéne tyi nóno-á lésò yé n pɪ, kwáh nê me yé we sɔkɔ sé sɔkɔ, à wil sen tyí sɔkɔ, nê-á me yé yò kwey mè sɔkɔ? Sépi tyé-ńsahle kũ ye dò. ²² Nte núkúnúkú, Liyel-á yé wilki tyípékè yòrɪ sɔkɔ, yé me tòle n pɪ òmɔ tyí, nê-á kɪ yé kɔ yé kɪ me wìkìnsàhnóle ònî tyí yò, té kɪ tyé-ńkě min we n pi kè tyé-ńsah. ²³ Yé náh we di, tyípékè lédyáhnine, kũ ye. Nte Liyel-á kwáh nêne n yĩ névyɛle n kɔ, tyé-ńkě min ye. A kèpahle névyɛle n kɔ pé wró kwrónmɔnɔ gbò yò Yesu Kristale, òmɔ nê-á ápi Tɛ ngbène.

7

Yesu yò sɛ́pú wìlnóle Moyisi tyi kònsàhnó yòrɪ sɔkɔ

¹ N yúnpyé, yé tyi kònsàhnóle n pne. Kèpah ye, máh kɪ nê yo n pi yé tyí, kè sèndì náh yéle. Névi tɛ-à fyò me min sɔkɔ, à me tyi kònsàhnó gbò sò sɔkɔ. ² Sɛ́ ó ye, sê nê-à de pe tyí, ònî pe tɛ-à fyò me min sɔkɔ, à me òmɔ tyí yò fúr wěkì sɔkɔ. Nte tɛ pe-à fyò pɔ yah kwɔ, à kɪ me ònî gblɔy yò fúr wěkì sɔkɔ. ³ Té wáh de dí káhkí tyí té ònî pe sah min sɔkɔ, à kɪ n ye fòfɪnpile. Té ònî pe-à fyò pɔ yah kwɔ, à kɪ me ònî gblɔy yò fúr wěkì sɔkɔ. Wáh de dí káhkí tyí, fòfíkì náh kèpahle. ⁴ Kèpah núkú ó ye ní yúnpyé, yépi wró-á kwɔ mɔ Kristale, kè me á kɪ ne yé tɔ sɔ ku ònî. Káh pɪ sɛ́, yé náh tɔ me Moyisi tyi kònsàhnó gbò sò sɔkɔ. Nte ònî lékó-á yilki mɔ, yé me òmɔ tyí yò núkúnúkú, nê-á kɪ á kɔ á kɪ Liyel dyɔ dyɔ tyile n pɪ. ⁵ Yé náh we di, áyáh lésò me á dyɔ dyɔ tyile n pɪ gbí nêne, Moyisi tyi kònsàhnó lésò me tyípékè dékè kɔ kè á tɛ, á kɔ á me tyile n pɪ nóno-á kɪ kũne á yĩni n tɛ n pi. ⁶ Nte núkúnúkú kwáh nê yòrɪ sɔkɔ-á lésò ále, áyáh á náh vi kè kɔ á kɪ ne á sɔ ku, á ye wil Moyisi tyi kònsàhnó gbò. Té núkúnúkú á kɪ tòle n pɪ Liyel tyí pɪ dùkù késánnɛ ònî Mirki gbò yò. Kè náh tɔ n pɪ n pi òngbò tyí kòle gbí nê-á sò á me Moyisi tyi kònsàhnó wárkìnsàhnó gbò sò sɔkɔ.

Moyisi tyi kònsàhnó-á tir nêne n pi

⁷ Sõ me ápi kɪ yo yò wé? Tyípékè se Moyisi tyi kònsàhnóle? Jú dé! Sépi gbò yò ye nímɔ pĩ tyípékèle. Sépi-à sò me yó-ńkēne ne ńkē: «Káh yíwilkìle n pɪ!» Mé se nàhkɪ pĩ ne tyípékè-á yíwilkì pínóle? ⁸ Káh pɪ sě, tir kònsàhnó mē ye wēkì yɪkɪ mɔ tyípékè kō kē we syō à nímɔ mɔ yíwilkì duke pól pínó sɔkɔ. Yé náh we di, Moyisi tyi kònsàhnó-à sò me n kne, tãhkì náh n we n pi tyípékè sɔkɔ. ⁹ Moyisi tyi kònsàhnó pó-ńkē gbíne, nímɔ sò me min sɔkɔ. Nte tir kònsàhnó-á fyò pɔ, tyípékè tãhkì we ¹⁰ à pɔ nímɔ min syi. Kéne tir kònsàhnó nê-á sò yíne kē pɔ nímɔ kō mē min we, képah ye pyě pɔ kũne nímɔ yīni tē yò sō. ¹¹ Tyípékè ye syō tir kònsàhnó tyí à nímɔ pilki, té kũne n yīni tē.

¹² Káh pɪ sě, Liyel tyi kònsàhnó pól me yályál. Sè me gbɪ wēkì yō, té mó tō me ple. ¹³ Sépi nónó-á me ple, sépi se n mɔ nímɔle kũ sɔkɔ? Jú dé! Tyípékè ye. Sě ye kē wēkɪ dal mɔ ké gblɔy dükùle kwèy. Kē pil pèpey náh, té n fike ko. Sě ye tyípékè pil pèpey náh té gbah peke tir kònsàhnó gbò yō.

Névyé me tyípékè mɔ sɔkɔ

¹⁴ Á pól pĩ yíi ne Moyisi tyi kònsàhnó-á wil Liyel tyí. Nte nímɔ gblɔy dyɔ dyɔ tyi pínó sɔkɔ, mé me yō sō ńne pē tē yām tyípékè tyí. ¹⁵ Kēgbɪ yō, máh nēne n pɪ, mé náh ké dükùle n pne. Máh me ké tyí ne mé pèpey nê pɪ, mé náh képahle n pɪ. Té n dēl-á nē wɔle, mē n pyě képahle n pɪ. ¹⁶ Nte máh n dēl tɪrle n pɪ, mé sah ké yō ne Moyisi tyi kònsàhnó-á me ple. ¹⁷ Káh pɪ sě, nímɔ náh n pɪ kéle yò dé, tyípékè nê-á n sɔkɔ, képah ye n pɪ kéle. ¹⁸ Yé náh we di, tyípépěy yó ntē náh me n gblɔy dyɔ dyɔ tyi sɔkɔ. Tyípépěy pínó sōnɔ me n sɔkɔ, té ké fēnpɪnɔ tãhkì náh n we n sɔkɔ. ¹⁹ Máh me ké tyí ne mé tyípépěy nê pɪ, mé náh kéle n pɪ. N té n pyě pèkè wɔle n pɪ nê tyí náh nɔ n tyí. ²⁰ Nte máh n dēl tɪrle n pɪ, nímɔ náh n pɪ kéle yò dé, tyípékè nê-á n sɔkɔ, képah ye n pɪ kéle. ²¹ Máh nē kyɔmɪ we n gblɔy sɔkɔ, kē we yò: Máh me ké tyí ne mé tyípépěy pɪ, pèkè ó n ne n yīn n yah. ²² Liyel tyi kònsàhnó tyí nɔ yíi n tyí n nɪ pólle. ²³ Nte mé kē kyɔmɪ we ne, sépi nónó tyí-á nɔ yíi n tyí, máh ne mé sé wǎlle n kɔ, kwáh yó n we n sɔkɔ nê-á me séle n fwo. Kéne kwáh ye mɔ sah ńne tyípékè yōri sɔkɔ. ²⁴ N yām pínó dükù tēne n yah yò lé! Nê tē ó kɪ pɔ we syi fin mɔ ńne kéne kwáh tyí, képah nê-á n mɔ n yō kũne? ²⁵ Liyel ye, ápi Tē ngbē Yesu Krista gbò yō. Gbílkinó ne n sah n yō képah yīnne.

Máh ne mé kē yo yòtukule, Liyel tyi kònsàhnó wǎl kóló tyí me n tyí n nɪ sɔkɔ. Nte n gblɔy dyɔ dyɔ tyi pínó sɔkɔ, mé me tyípékè yōri sɔkɔ.

8

Névi nê-á ye Liyel Mirki kō kē n yahle n tē

¹ Núkúnúkú tēne, nónó wró-á me kwrónmɔnɔle Yesu Kristale, Liyel tukey náh tō n sykɪ n pi pé yō. ² Yé náh we di, Liyel Mirki nê-á minne névile n kō tē wró kwrónmɔnɔ gbò yō Yesu Kristale, képah ye we wilki nímɔle tyípékè ànê kũ mɔ sɔkɔ. ³ Moyisi tyi kònsàhnó náh sò fē képah pɪ n pi dò. Névyé gblɔy dyɔ dyɔ tyi pínó sò me kǎn pɪ kéle képah ye. Káh pɪ sě, Liyel me n Pídí tekɪ mɔ à pɔ dubi névi wil dükùle n tyí ápi tyípél pípú tyí kōlɔ, té ku ápi tyípél yīnne, sé tyí we n yɪkɪ yīnne névyé sɔkɔ. ⁴ Ápi nónó-á á dyɔ yíi

tyi we ye, té Liyel Mirki sò tẽ. Liyel kè pı ne á fẽ tyi kònsàhnó tyíyónóle n pı. Képah ye à kǔ à képah pı. ⁵ Yé náh we di, névi nê-à ye n dyo yíi tyi yah syi n tyí, tẽ sǔnǔ n ne n me n dyo yíi tyi ó yǔ. Nê-à mó ye Liyel Mirki yah syi n tyí, tẽ sǔnǔ n ne n me Liyel Mirki dyo yíi tyi ó yǔ. ⁶ Wáh á dyo yíi tyi sò tẽ, ké syi-nsah n pı kũne. Té wáh Liyel Mirki dyo yíi sò tẽ, ké syi-nsah n pı yèvını ànê tyé-ńkẽ min wénóle. ⁷ Kègbı yǔ, névye nónó dyo yíi tyi-á yah syi pé tyí, Liyel sépébi ye péle pǎh sǔnpıle yahle sàhnóle Liyel tyi kònsàhnó yóré yǔ. Pè náh fẽ sé wǎh kǔ ńtẽne dò. ⁸ Té névye-à pé gblǔy dyo yíi tyile n pı, Liyel yí náh n yuku péle. ⁹ Yépi tẽ wǔle, yé náh me yé gblǔy dyo yíi tyile n pı. Liyel Mirki dyo yíi tyi ye yé me n pı, képah nê-á me yé sǔkǔ. Krista Mirki-à n kne névi nê sǔkǔ, tẽ náh me n tyí yǔ. ¹⁰ Krista-à me yé yahle n tẽ, yé kı sésǔ pǔ kũ n pi ó, nte Liyel Mirki gbǔ yǔ, yé pı néglóle Liyel yah sǔkǔ à tyé-ńkẽ min we. ¹¹ Liyel nê-á yilki mo Yesu lékóle, n Mirki-à kı me yépi tǔ sǔkǔ, yáh sǔ pǔ ku, yé lékyı kı yilki mo kı tyé-ńkẽ min we.

¹² Képah ye n yǔnpyé, á yĩne à Liyel Mirki dyo yíi tyile n pı, á náh tǔ yĩne à á gblǔy dyo yíi tyile n pı. ¹³ Yáh yé dyo yíi tyile n pı, yé kı ku. Nte Liyel Mirki gbǔ yǔ yáh yé dyo yíi tyi we ye, yé kı tyé-ńkẽ min we. ¹⁴ Yé náh we di, Liyel Mirki-à nónó yahle n tẽ, Liyel wǔnpı ye péle. ¹⁵ Liyel-á n Mirki nêne yé kǔ, kè náh yéle n mo yǔrı pínó sǔkǔ ànê tíkí pínó sǔkǔ dé. Képah ye pı yéle Liyel wǔnpıle, té yé fẽ n yo yǔnpǔ nǔgbẽne ne: «Bǔ, ápi Sú!» ¹⁶ Liyel Mirki mè ńtẽ ye á kǔ á sǔ yíi ké yǔ ne Liyel wǔnpı-á ále. ¹⁷ Té áyáh fyǔ pı n wǔnpıle, á vyǎh kı we pèpǔrı sǔkǔ, wǎh n vyǎhle n wǔnpı kǔ nê tyí sǔkǔ. Liyel-á pèpǔrı nê pı Krista tyí, ápi tǔ vyǎh kı we ké sǔkǔ. Áyáh fyǔ me yèvyǎhrıle n pı wẽ tyí Kristale, gbılkinó kı n sah n pi á yǔ nne wẽ tyí.

Gbılkinó nê-á kı pǔ n we n pi

¹⁸ Mé pı ne áyáh me yèvyǎhrı nê sǔkǔ kwey mènne, képah náh me sǎh n yah yah tẽne gbılkinó nǔgbẽ nê-á kı pǔ n sah n pi á yǔ ńsǔne. ¹⁹ Liyel wǔnpı-á kı gbılkinó we n pi sǔ, képah ye n yí mónónǔ pól me n deki. ²⁰ Yé náh we di, Liyel yí mónónǔ pól me yǔre ké tǎhkı yó gbǔ sǔ sǔkǔ. Pépi dyo dyo tẽ náh ne kè pı sǔ dé. Nê-á sah péle ké gbǔ sǔ, nmo ye pı kéle. Nte gbǔ sǎh-nsah tǔ me pé tyí. ²¹ Sǔ yó me n pi, Liyel yí mónónǔ pól kı pǔ n wilki n pi yǔrı sǔkǔ yíkínó pí-ò gbǔ. Té kı gbılkinó we wẽ tyí Liyel wǔnpıle. ²² Nte à pǔ syı kwey mè tyí, á pı ne Liyel yí mónónǔ pól-á me n gbı kúrntèsè tyí kǔle yèvyǎhrı tẽ tyí. ²³ Té kè náh yĩn pépi ó tyí dé, Liyel-á n Mirkile nǔgbòle ápi nónó kǔ, ápi tǔ me n gbı á fǔkǔ táhló sǔkǔ, me gbıyıkıle n sykı sǔ nê-á Liyel kı kè wẽkı n pi ne áyáh pı pé wǔnpıle, té kı pwáhnmo n we dal mo. ²⁴ Yé náh we di, á ye pwáhnmo n we. Té kè me á kı ne sǔ-á ńkẽne névi n gbǔ sah kwáh yó pónweno yǔ. Nte wáh kè we syi te, à náh tǔ n gbǔ sah n pi ké pónweno yǔ dò. Wáh kè we syi te, à kı tǔ n gbǔ sah sǔ ké pónweno yǔ? ²⁵ Nte áyáh tǔnı me kwáh nê wénsyi-ńkẽne, ǎ sǔmnó pı n té á gbǔ sah ké pónweno yǔ.

²⁶ Sǔ ó ye, Liyel Mirki tǔ me ápile n yohnı n mo á tǔnkwlónǔ yĩnne. Yé náh we di, ápi náh pı nê-á yĩne nínóle. Nte Liyel Mirki me nírlıle n pı ápi tyí nê-á ápi náh fẽ ké dükı yah yo. ²⁷ Té Liyel nê-á névye fǔkǔ táhlóle n

pne, ò Mirki-á me nêne n yah n kô, òmò kéle n pne. Yé náh we di, ò Mirki níriile n pi Yesu yô sêpú tyí à yíne òmò dyo yíi tēne.

²⁸ A mó tō pī tole ne Liyel tyí-á no nónó tyí, ǎ tyi pólle n pi pépi tyí pekú yinne, pépi nónó-á à ye à yíne wǎh kè yah tǎkǎ sah sǎ. ²⁹ Liyel-á nónó yah wilki ògbò dükùle, à ye kwǎh tē kè yah tǎkǎ tole ne pǎh yíne pè pi pé Pídí tyí kǎle, òmò kǎ à pi pé pól nénkyíle. ³⁰ Wǎh kwǎh tē nónó yah tǎkǎ, à ye pè ye tole. Wǎh nónó ye, à ye pè pi négló tole ò yah sǎkǎ. Wǎh nónó pi néglóle ò yah sǎkǎ, à ye yô yǎnóle pè kǎ.

³¹ Sǎ me ápi kí yo yò wé? Liyel-á me ápile, nê kí fē á fwo? ³² Nmò nê-á à náh ye ò yēngbē Pídí kǎnóle, à à mò kǎ kǎ ápi pól yinne. A kí pi sǎ té à náh yí téló pólle á kǎ à n tahlí n pi òmò gbò yô. ³³ Liyel-á névyé nónó yah wilki, nê tē kí pò n tǎkǎ péle n kǎ? Liyel ye pi névyele néglóle ò yah sǎkǎ. ³⁴ Nê kí tō fē Liyel tukey kǎ kè kí syíkí pé yô? Yesu Krista ye ku, té kè náh yín képah ó tyí dé, ò lékó yilki mò. Yé náh we di, à me tēnóle Liyel gbòyò sǎle, té me níriile n pi ápi tyí. ³⁵ Ápi tyínòno nê-á me Krista sǎkǎ, kwǎh yó ntē náh fē ké yah kǎ n pi. Yèvyǎhrí ò, tíkí képékè ò, fóhnó ò, kwékí ò, kwǎh kē ò, dlo ò, kǎ ò, sé sǎkǎ yó ntē náh fē ké yah kǎ n pi. ³⁶ Kè me wǎrkínsàhnóle Liyel wey sébéy sǎkǎ ne níké: «Áwò yinne, ápi me kǎ dlo sǎkǎ sǎmesó. Pè me ále n pi á kí ne yípêy sǎ pè tē n yuku kò-nsah sǎkǎ.»* ³⁷ Nte sépi pól sǎkǎ, á tyí-á no Liyel nê tyí, òmò gbò yô á pi tēpnèpu ògbnóle. ³⁸⁻³⁹ Gbú yô, ápi tyínòno nê-á me Liyel sǎkǎ, té à syǎ á Tē ògbē Yesu Krista tyí à kéle á wēkí, ní sēnyíno me ké yô ne, kwáhmóní yó ntē náh fē ké yah kǎ n pi. Káh kí sǎ kǎne ò, káh kí sǎ minne ò, káh kí sǎ yínyò tǎnptíle ò, káh kí sǎ yǎtǎrínóle ò, káh kí sǎ kwey gbí tyile ò, káh kí sǎ nsǎ tyile ò, káh kí sǎ tēpnènónóle ò, káh kí sǎ yínyò tǎhkínóle ò, káh kí sǎ sétáh sǎwǎh tǎhkínóle ò, sé sǎkǎ yó ntē náh fē ápi tyínòno yah kǎ n pi ò tyí.

9

Yíkí nê névyé-á Liyel yah tǎkǎ

¹ Krista tyí yô ye níne. Képah ye, máh kí nê yo n pi, gbú ye kéle, mìnì náh me ké sǎkǎ. Liyel Mirki ye ké sǎno dahbí te ní sǎkǎ ne nê-á mé kí n yo n pi, gbú-á kéle. ² Yèkwòrú ògbē me ní sǎkǎ. N ní me n suke gbímegbí. ³ Yé náh we di, máh me nê tyí, òmò tyí sǎ nǎhkí yíkí ànê ní wró mó gbe Kristale ní yúnpyé swò sǎkǎ, pé pwah n mò yinne, pépi nónó-á ní yíkí névyele. ⁴ Pépi ye Yisrayel nolé, Liyel-á nónó pi ò wēnpíle. A yô yǎnóle pè kǎ, té yégbékè kwò mò péle gbáyí nǎhnáhle, té tyi kǎ sah pè kǎ, té ò ní dükùle pè wēkí, té ò vyǎhle pè kǎ. ⁵ Abrahmí, ànê Yisakí, ànê Nsyakóbipi ye pé náh tǎnne. Yíkí núkú ye péle Yesule wǎh pò sétáh yô. Nmò ye Liyelle, nê-á me yíyìn pól yô. N yín ne n gbilki gbímegbí. Amiina!

⁶ Máh nê yo sǎkǎ yǎtah, képah náh n wēkí ne Liyel náh n kǎ ò tyíyónó sǎ. Nte Yisrayel no pól náh pi Yisrayel no yèsyìkìnìne Liyel yah sǎkǎ. ⁷ Sē ó ye, Abrahmí wēnpí pól tǎ náh pi ò wēnpí yèsyìkìnìne. N pídí Yisakí wò wēnpí ye kí n mò n kǎ ò pétóbéle sǎ-á Liyel yo kéle ò tyí. ⁸ Máh ne mé kè yo palle, wēnpí nónó-á dubi gbòyne, pépi náh Liyel wēnpíle. Nónó-á dubi à yíne Liyel vyǎh kǎnóle, pépi ye ò wēnpíle. ⁹ Yé yah, Liyel lésǎ ò vyǎhle

* 8:36 8.36 Yah n te Gbálnó 44.23.

Abrahmı kō ne nkē: «Gbĩ yó y'nkō gbĩne, mé kı nı syı pō á tĩne, té Sara kı me dınpir we dubi.*» 10 Tōo náh dé, yé yah Wrebeka tō tyıle kè: Api suto Yisakı mè ye dubi à kō dınpı nēpı nımıne nónó-á kēnıne. 11-13 Gbı nê-á wēnpı nōpı náh tōnı dubi, pè náh tyıtúkunı pı, pè náh tyıpéplō tō pı. Nte Lıyel me yo Wrebeka tyı ne: «Wēnpı nōpı soko, nēnkıyı tē kı pō pı gbē tē yōle.»† Kè tō me wárkínóle Lıyel wey sébéy nte soko ne nkē: «Nsyakobı wo tyı ye nō nı tyı, Yesayu náh»‡ Yé náh we di, képah n wēkı ne névi tyıpınó náh Lıyel n yah n tē tē yah n wilkı. Névi nê-á n dyo, tē wo ye à n yah n wilkı.

14 Sō me ápi kı yo yò wé? Lıyel náh me n kō gbı wēkı yō di? A me n kō gbı wēkı yō kè. 15 Yé náh we di, à yo Moyisi tyı ne: «Máh me ké tyı ne mé pēpōrı pı névi nê tyı, më kè pı tē tyı. Té máh me ké tyı ne mé névi nê yám yah, më tē yám yah.»§ 16 Káh pı sē, képah náh n wil névi dyo yıı tē soko, képah náh pı n gbáhtēno soko dé. Nte kè n wil Lıyel ó tyı, nê-á névi yámne n yah. 17 Kè me wárkínsahnóle Lıyel wey sébéy soko ne, Lıyel-á yo Yesıptı yōtē dí tyı ne: «N tēnweno wēkı yın ànê nı yın wil yın ye kēkōyó pól soko, nı kō mé n pı yōtēne.»* 18 Káh pı sē, káh Lıyel dyo, à nı yám yah, té káh n dyo à nı pı kükütáhkı névıle.

19 Gbòkēnpı tükü kı fē ne, kwáh nê se pı té Lıyel kı tō n tōko névyele n kō nı? Nê se kı fē n dyo dyo tyı yah kō nı? 20 Nte nê tē ó me áwōle, té á kı pō Lıyelle n kōlı? Pın se kı fē ké mó-ò pıki yah ne, kwáh nê se pı té á pé mō sē nı? 21 Pnı mó-ò tyı náh n fáhrıle di? A kı fē tyıgbı pı pı pın mō kéle, té kı tō fē nıyán tyı pı pı pın mō kéne fáhrı óle. 22 Lıyel me ké tyı ne pé pé fòkòvyáhnı wilkı mō, pé mó pé táhkı wēkı. Té wáh mó tō sō yıne à n foko vyáh névye nónóne, à sómnó pı té n gblōy ye náhnáh pé tyı. 23 Nte n tōrí-á me gblò dukü nēne, à sō me ké tyı ne pé kéle no téló wēkı, wáh pépi nónó yám yah té pé yah wilkı sah n tōrí soko de yıne. 24 Té kéne névyele, ápi ye. A náh á yah wilkı Nsyıfuno ó soko dé, nte à tükü yah wilkı yıkını téló soko, 25 sō-á Lıyel kè yo sah Wose sébéy soko ne: «Névye nónó náh sō me nımo nole, mé kı péle n ye nı nole. Yıkı ne tyı náh sō nı tyı, mé kı kéle n ye nı dyo yıı yıkıle.»† 26 Té nıyáh soko-á lésō kè yo pé tyı ne nımo no náh péle, nēnpó mè ó soko ye tō pé kı ye péle Min nētē Lıyel wēnpıle.»‡ 27 Yesayı tō mó yo Yısayel no tyı soko ne nkē: «Yısayel névye-á sō me dò pne yo gbòpō sēmıyáhrı sō, kwéy ó ye kı n pwah n pi pé soko. 28 Yé náh we di, Tē NGBÉ Lıyel-á tyı nónó yo, à kı sè pı dal mō súú sétáh yō.»§ 29 Té Yesayı tō lésō kè yo sah ne nkē: «Tyı pól tyı tēnwē-ò Tē NGBÉ Lıyel-á sō me á tükü sah-nkēne min soko, á duku náhkı to Sodomı ànê Gbomōrı névye tyı kōle.»

30 Sō me ápi kı yo yò wé? Névye nónó náh pı Nsyıfunole, pè pı néglóle Lıyel yah n yō sēnó gbò yō, pépi nónó-á pé náh sō me kéle n yah n kō. 31 Té Yısayel no nónó wō-á pyē sō me n yah n kō ne pé pı néglóle Lıyel yah Moyisi tyı kōnsahnó wál kóló gbò yō, pé náh we pı néglóle képah gbò yō. 32 Sō pı té pé náh we pı néglóle wé? Pé náh sō me kéle n yah n kō Lıyel

* 9:9 9.9 Yah n te Yenesı 18.10. † 9:11-13 9.11-13 Yah n te Yesesı 21.23. ‡ 9:11-13 9.11-13 Yah n te Malakı 1.3. § 9:15 9.15 - Yah n te Yálnó 33.19. * 9:17 9.17 - yah n te Yálnó 9.16. † 9:25 9.25 - Yah n te Wose 2.25. ‡ 9:26 9.26 - Yah n te Wose 2.1. § 9:28 9.27-28 - Yah n te Yesayı 10.22-23.

yõ sě́nó gbò yõ, pè sò wε ne nkě pé tyípinì-á kɪ fě pé pɪ négbí́lɛ Liyel yah képah ye. Pé gbáhkì ye pyě pè mɪ pé wilki n mɔ mɔ dáhkì tyí yò sǎ. ³³ Kéne dáhkìlɛ, Yesu Krista ye. Képah tyí ye wárkínsàhnó́lɛ Liyel wey sébéy sɔkɔ ne nkě: «Yé yah, mé kɪ gbáhkì mɪ mɪ dáhkì yó sah Siyõ kwil sɔkɔ. Névyɛ wilki n mɔ mɔ tédáhkì yó ye kéle. Nte névi nê-à ñ gbò sah ké yõ, sen náh tě tě n pi.»*

10

¹ N yúnpyé, máh me nê tyí ní nɪ póllɛ, képah ye ne Nsyifunɔ pwáhnmonɔ wε. Mé me Liyellɛ n ni pé tyí képah tyí sɔkɔ. ² Yé náh wε di, mé kɪ fě kè yo ne páh me gbah tě yíi Liyel wě̀kì kóló sɔkɔ, ñte páh me kéle n pɪ yítũri sɔkɔ. ³ Liyel-á névile n pɪ négbí́lɛ ñ yah sɔkɔ òkù nêne, pè náh kè pĩ. Té pé yěngbě́ tyíle n pɪ, té Liyel tyí wɔ yahle. ⁴ Krista ye pɔ Moyisi tyi kònsàhnó tyi pɪ syi sé yĩn tyí. Névi nê-à sě́ Krista yõ, tě kɪ pɪ négbí́lɛ Liyel yah sɔkɔ.

⁵ Névi-á fě n pɪ n pi négbí́lɛ tyi kònsàhnó gbò yõ òkù nêne, Moyisi-á nê wárkɪ ké tyí sɔkɔ kè wε yò: «Névi nê-à tyi kònsàhnó sɔkɔ tyíyónó́lɛ n pɪ, tě kɪ ñ minne n pɪ sépi gbò yõ.»* ⁶ Nte névi-á n pɪ négbí́lɛ Krista yõ sě́nó gbò yõ òkù nêne, kè me yónó́lɛ képah tyí sɔkɔ ne: «Káh ne n sǎ á fɔkɔ sɔkɔ ne: «Nê kɪ òkɔ kyɪ yĩnyõ?»» Nê kór-á, kɪ kyɪ Krista kǎ à kɪ tiki pɔ. ⁷ Képah náh pɪ: «Nê kɪ tiki yuku sétáh sǔwáh?» Nê kór-á, kɪ kyɪ Krista kǎ à kɪ wil lékókwíl kɪ òkɔ pɔ. ⁸ Nte tir nê me tǔ yónó́lɛ wé? Kè me yónó́lɛ ne: «Liyel wey me á tnô. Kè me á vyáh sɔkɔ ànê á nɪ sɔkɔ.» Kéne weyne, Yesu Krista yõ sě́nó wey ye kéle, áyáh me nêne n yo n kǎ.† ⁹ Wáh kè yo á vyáhle ne Tě ñgbɛ-á Yesu Kristalɛ, té sě́ ké yõ á nɪ sɔkɔ ne Liyel-á ñ lékó yilki mɔ, á kɪ pwáhnmonɔ wε. ¹⁰ Wáh sě́ Liyel yõ á nɪ sɔkɔ, képah ále n pɪ négbí́lɛ; ànê wáh kè yo á vyáhle, képah ále n pwah n mɔ. ¹¹ Á náh wε di, kè me wárkínsàhnó́lɛ Liyel wey sébéy sɔkɔ ne névi nê-à sě́ Krista yõ, sen náh tě tě n pi. ¹² Káh pɪ sě́, wáhkì náh me Nsyifunɔ wró ànê nónó náh pɪ Nsyifunɔlɛ. Tě ñgbě́ núkú ó ye me pé pól tyí, nê-á pèpɔrɪlɛ n pɪ no pól tyí nónó-á ñne n ye n gbo. ¹³ Yé náh wε di, kè me wárkínsàhnó́lɛ Liyel wey sébéy sɔkɔ ne nkě: «Névi nê-à Tě ñgbě́ ye gbo, tě kɪ pwáhnmonɔ wε.»

¹⁴ Nte sǎ me pè kɪ ye gbo ñne, né pè náh sě́ ñ yõ? N tyí wénnoh-ńkěne, pè kɪ sě́ sǎ ñ yõ? Pè kɪ wε noh sǎ ñ tyíle né ney náh ñ tyí wε yo pé tyí? ¹⁵ Té sǎ me Liyel wey kɪ yo, né névi náh tekɪ mɔ ké yo yĩnne? Képah ye kè me wárkínsàhnó́lɛ Liyel wey sébéy sɔkɔ ne nkě: «Kè me ñìvì̀nìne wáh Nìvì̀nì tir yópú wε pè pé gbáhkì tɔkɔ n pi.»‡ ¹⁶ Nte no pól se yó Nìvì̀nì tir fě syi? Yé yah, Liyel tě̀ntò syíno-ò Yesayi lésò me píkinyahnó́lɛ n pɪ ne nkě: «Tě ñgbě́, ápi-á tir nêne n yo, nê sě́ ké yõ?»§ ¹⁷ Sě́ ye Krista yõ sě́nó n wε Nìvì̀nì tir nóhnó sɔkɔ. Té Nìvì̀nì tir mène mó, Yesu Krista tyí yónó ye. ¹⁸ Nte à; pè náh ñ tyí yónó noh yah di? Pè kè noh kyó! Kè me yónó ńtě́ne Liyel wey sébéy sɔkɔ ne nkě: «Pé yĩnpǔ me n òkɔ sétáh yõ pól sɔkɔ, pé wey me n yĩni n tě́ kèkǔyó tǎntàn pól tyí.»* ¹⁹ Nte à; Yisrayel no náh lésò Liyel wey mè syíkí-ńsah pĩ di? Moyisi mó tǔ kwáh tě́ kè yo ne Liyel-á ne

* **9:33** 9.33 - Yah n te Yesayi 28.16 ; 8.14. * **10:5** 10.5 Yah n te Levitiki 18.5. † **10:8** 10.8 Yah n te Tǔnyonɔ 30.12-14. ‡ **10:15** 10.15 Yah n te Yesayi 52.7. § **10:16** 10.16 Yah n te Yesayi 53.1.

* **10:18** 10.18 Yah n te Gbálnó 19.5.

ńkě: «Mé kɪ kè pɪ yé kɔ̃ yé kɪ yìkì fòrɔɔ yó yèwanne n yah. Yìkì nê névyé-á lékám kě névyéle, mé kɪ kè pɪ yé kɔ̃ yé kɪ pé dyɔle n yɔ.»† 20 Yesayi ò nɪ syãh kè yo òtẽne ne Liyel-á ne ńkě: «Névyé nónó náh sò me òmɔle n yah n kɔ̃, pépi ye we òne. Névyé nónó náh sò me kwãh yó òtẽne n yah n kɔ̃ ò tyí, mé ò gblɔyne pépi wěki.» 21 Nte Yisrayel no tẽ wɔ tyí sɔkɔ, Yesayi ne Liyel-á ne ńkě: «Gbĩmegbí mè n ne n me ò gbãn yiki mɔ pé syiki n tẽ, pépi nónó-á òhnì-ńkě ànê kèlékě névyéle.»‡

11

Liyel náh ò náh vi Yisrayel no kɔ̃

1 Nte-à, Liyel se ò náh vi ò no Yisrayel tãn kɔ̃? Ó̃ dé! Yé náh we di, òmɔ tɔle Yisrayel ney ye dò. Abrahmɪ náh ney yó ye òne, nê-á wil Běnsyame yìkì sɔkɔ. 2 Liyel náh ò náh vi ò no kɔ̃ wãh kwãh tẽ nónó yah wilki sah dé. Yé se kɪ ne yé pínó náh me ké sɔkɔ ne, kãh me wárkínsàhnóle Liyel wey sébéy sɔkɔ ne Yeli-á sò me n tɔkɔ Yisrayel nole n kɔ̃ Liyel tyí 3 ne ńkě: «Tẽ ògbě, pé ye á tẽntò syínyopu ko mɔ, té sárká súkénkɔ-òtãn yiki nónó-á me áwɔ tyí yò. Nmɔ ó wũ ò gblɔy, té pé tɔ me n yah n kɔ̃ ò kònmɔ-òsahle.» 4 Nte sò me Liyel yo ò tyí? A ne: «Mé ye díbí nêpì kèyò tónó kyegbãm (7 000) wilki sah ò gblɔy tyí, nónó-á pé náh gbètukunɔ di fal fal tò Baal yah sɔkɔ à kè gbilki.» 5 Képah núkú ó ye kwey mè tɔ sɔkɔ, névyé kwéy yísyó me wũ tẽ Liyel-á yòbènrɪ pɪ nónó tyí à pé yah wilki. 6 Nte yòbènrɪ-à kɪ nê Liyel pɪ pé tyí à pé yah wilki, pé tyípinó gbò yò náh mó tɔ kè. Kàh me sépi gbò yòle, yòbènrɪ náh mó tɔ dò. 7 Sò me ápi kɪ yo yò wé? Yisrayel no-á nêne n yah n kɔ̃, pé pól náh kè we. Nte Liyel-á nónó yah wilki pé sɔkɔ, pépi ó we kéle té téló wɔ ò me tah tũ 8 sò-á kéle wárkínsàhnóle Liyel wey sébéy sɔkɔ ne: «Liyel ye pé pɪ tòròò. A pé yí pɪ sè náh me n yah, té pé ò pɪ sè náh me n nohnɪ, fók à pɔ syɪ kwey mè tyí.» 9 Yòtẽ dí Davidi tɔ tɔ kè yo ne ńkě: «Pé yòke yĩne kè pɪ pé tyí pé tẽ tẽ vyóne, ànê pé tẽ tẽ kéyne, ànê pé wilki n mɔ mɔ kwãhle, kɪ pé tyítúkúnine pé dyah. 10 Pé yí mó ne me syĩ, pé káh fě ne n yah, pé mó ne me kwónó sɔkɔ gbĩmegbí tókóbí sò me pé yò. 11 Nte-à, Yisrayel no-á pé gbáhkì mɪ syiki sě-à, pé se kɪ wũ tẽ sě kúmm? Sě tẽ wɔ náh dé. Nte pépi-á pilki, yìkìni téló mó pwáhnmɔnɔ we, pépi Nsyifunɔ kɔ̃ pé pé yèwanne n yah. 12 Nte pépi-à pílkinó-à kɪ me pɪ pèpɔrɪ wénóle kèkòyó névyé tyí, té pé tɛnkwlɔnɔ me pɪ pèpɔrɪ wénóle yìkìni téló tyí à, pépi-à pwáhnmɔnɔ we tɛ, képah náh n pɪ n pi pèpɔrɪ ògběne kal di?

Névyé pwáhnmɔnɔle nónó náh pɪ Nsyifunɔle

13 Yépi nónó náh pɪ Nsyifunɔle, yépi tyí ye mé n yo wey mène núkúnúkú. Yesu tẽntò névi ye òmɔle nê-á me tòle n pɪ yépi yĩne. Tò mè me yò yónóle òmɔ tyí, 14 nê-á kɪ á no Nsyifunɔ kɔ̃ kè kɪ yìkìni téló yèwanne n yah, ò kɔ̃ mé kɪ pé túkú we pwah mɔ. 15 Yé náh we di, Liyel-á pé gbɛ milki képah-à me kèkòyó névyé wró tɔ sah Liyelle à, wãh tɔ pɔ pé ye kwró òne, kè kɪ pɪ sò wé? Kè náh n pɪ n pi á kɪ ne lékyí sò yilki mɔ di?

† 10:19 10.19 Yah n tɛ Tónyɔnɔ 32.21. ‡ 10:21 10.21 Yah n tɛ Yesayi 65.1-2.

16 Sèmukɔ pye nónó-á ko gbrole, sépi-à kɩ me wilki sah Liyel tyí yõ, sé téló pól to me n tyí yõ. Séswô sémîn-à me sàhnóle ñmɔ tyí yõ, ké yìngbàn to kɩ me n tyí yõ. 17 Nsyifunɔ me wólíví séswô sónó sɔ, té Liyel me ké yìngbàn kɔlɩ. Té nónó náh pɩ Nsyifunɔle, pépi mó me á kɩ ne kyèh sɔko wólíví séswô sɔ, nê-á Liyel ké yìngbàn kɔlɩ kyɩ pukubi wólíví yòhkì sónó tyí. Yáh Liyel yòbènɔrɩ nê we, képah n wil Nsyifunɔ tyí sɔ-á wólíví séswô sónó ñikì n yohnɩ n mɔ yìngbàn púkúbínóle. 18 Képah ye, yìngbàn nónó-á Liyel kɔlɩ kwe, yé káh séle n yilɔ. Yé káh yé gblɔyne n yõ n sah, yépi tyí náh sémînne, pépi tyí ye séle. 19 Yé kɩ fẽ ní syah ne, Liyel-á yìngbàn nópi kɔlɩ to té yépi we pukubi. 20 Gbɩ tẽ wɔ ye, pépi Liyel yõ sɛ-ńkẽ ye Liyel kɔ à pè kɔlɩ to té yépi we pukubi pé swɔ sɔko yé Liyel yõ sɛnó gbò yõ. Yé náh yĩne yé yé gblɔyne n gbilki. Kè pyè yĩne kè ne n me tíkile yé tyí ńtẽne ńkẽ. 21 Yé náh we di, Liyel-à me yè-ńkẽne séswô sónó yìngbàn kɔlɩnóle, yépi wɔ se pyè à kɩ we ye yáh sɛ-ńkẽne n yõ? 22 Yé yah, Liyel ple, té mó tɔ peke. A peke pílkípú yõ, té n pɩ ple yépi tyí. Nte yé yĩne yé ne n me n pèpɔrɩ mène n pne gbímegbí. Képah-à pí-ńkẽne, yé to kɩ kɔlɩ milki. 23 Nte Nsyifunɔ to-à kɩ pé kèlékẽ pínó yal mɔ té sɛ Liyel yõ, Liyel kɩ pè tɔ pukubi séswô sónó tyí. Tɛnwɛnɔ me ñmɔ tyí kɩ n syɩ pè tɔ pukubi. 24 Yé náh we di, yépi nónó náh pɩ Nsyifunɔle, yé me á kɩ ne kyèh sɔko wólíví séswô sɔ, nê-á Liyel ké yìngbàn kɔlɩ kyɩ pukubi wólíví yòhkì sónó tyí. Nsyifunɔ mó me wólíví séswô sónó yìngbàn tyí kɔle nónó-á Liyel kɩ pè tɔko pukubi sé séswô tyí.

Nsyifunɔ pwáhnmonɔle

25 N yúnpyé, mé kɩ Liyel tir wòbìnsàhnó yó tyí yah yo wah yé syah, sɔnko yé káh n pɔ yé gblɔyne n tɔko n pɩ yĩ pípúle. Yé yah, Yisrayel no tókù kɩ wũ tẽ níkisekókó pínó sɔko, pópó kɩ pɔ nɔ gbí nê-á nónó náh pɩ Nsyifunɔle, pè kɩ pwáhnmonɔ we, té kɩ de Liyel no sɔko. 26 Képah sɔko, Yisrayel no pól kɩ pyè pwah sɔ-á kéle wárkínsàhnóle Liyel wey sébéy sɔko ne ńkẽ: «Pwáhnmonɔ-ò kɩ wil Siyò kwil sɔko. A kɩ pɔ Nsyakɔbɩ no tyípèl tókóbí tẽ yõ pé yõ. 27 Nmɔ Liyel-á kɩ pɔ pé tyípèl yõ mɔ pè kɔ, té kɩ yégbékè nê kwɔ n mɔ n pi péle, képah ye yò.» * 28 Yah yóle, Liyel sépébi ye Yisrayel nɔle páh sɔnpíle Nìvìnì tir yahle, té képah wɔ mó nekɩ yépile. Nte yah yóle, pépi ye sò à yah tɔko pɩ n nɔle. Pé tyí nɔ n tyí pé náh tãn yĩnne. 29 Yé náh we di, Liyel-à kwáhle névi kɔ, à náh n yahle n vi kéle n syɩ pólle. Wáh névi nê ye, à náh n nahle n vi tẽne n kɔ pólle. 30 Ngbòle, yé lésò me Liyel yóré yahle. Nte núkúnúkú, Nsyifunɔ to-á n yóré yahle, à me yépi yãm yah. 31 Sɛ ó ye, Liyel yóré nê-á pè yahle núkúnúkú yò, té Liyel me yépi yãm yah, pépi to yãm yah yĩn ye à pɩ képahle. 32 Yé náh we di, Liyel ye no pól kɔ pè n yóré yahle pé pól yãm we n yah yĩnne.

33 Liyel pèpɔrɩ me gbò dé! Lékám me yíi n sɔko, n fɔko se mó tɔ me dényĩnɔle. N tyi tẽ dùkù náh fẽ n pĩ, n syò-ńtãn to náh fẽ n pĩ ló.

34 Kè me wárkínsàhnóle Liyel wey sébéy sɔko ne ńkẽ:

«Nê tẽ wɔ me Tẽ ñgbẽ sɔnɔle n pne wé?

Nê tẽ wɔ kɩ fẽ vɩnmɔnɔle à kɔ?†

35 Nê kwáh yóle à kɔ,

* 11:27 11.27 Yah n te Yesayi 59.20-21. † 11:34 11.34 - Yah n te Yesayi 40.13.

té à pɔ ké lédyáhníne tẽ kɔ náhle?»‡

³⁶ Yé náh we di, yíyìn pól wil ñmɔ tyí. Nmɔ mónó ye sé pólle. Sé pól me ñmɔ tyí yõ. Gbilkinó ne n sah ñ yõ gbímegbí. Amiina!

12

Min pínó késáñne Liyel wěkì kóló sɔkɔ

¹ N yúnpyé, Liyel pèpɔri pínó yinne ápi tyí, mé kéle n yah n kɔ yé tyí ne, yé yé gblɔyne Liyel kɔ yé sɔ pi sárkále ñ tyí. Yè mó yé minne n pi yályál ñ yah sɔkɔ, nê-á kɪ ñ yí yuku. Képah ye Liyel gbilki òkù pèpɔyne, yáh yíne yè nêne n pi. ² Yé káh kèkòyó névyele n yah n pi. Nte yé ye Liyel kɔ à lékám késáñne yé kɔ sɔnko yé vi mɔ. Képah sɔkɔ, tyi nónó tyí-á me Liyel tyí, yé kɪ tẽ we séle n wah n pne. Sépi ye pi tyi tyíplɔle, ànê nónó tyí-á nɔ ñ tyí, ànê nónó-á sòhkì kěne.

³ Liyel-á yòbènrɔ nê pi ñmɔ tyí, képah yinne mé kéle n yo yé nénúkù núkù pól tyí ne, yé káh yé gblɔyne n gbilki n kah n mɔ. Yé ye gblɔy tìkínmɔnɔ sɔnɔ ne n me yé sɔkɔ, à yíne Liyel-á ñ yõ sɛnóle yé nénúkù núkù pól kɔ sɔ. ⁴ Yé náh we di, wil gběnsé núkù núkù ye á pól tyí, té tãntãñne sé tyí ò, nónó-á sé pól pi pi tyi me sé tyí tyíle. ⁵ Sɛ ó ye, ápi to me ò, nte á pól pi wil gběnsé núkùle tyí kòle á wró kwrónmɔnɔ gbò yõ Kristale. Á pól kwrɔ mɔ pi núkùle wil gběnsé tãntãñ tyí kòle nónó yétò-á me wěne n tẽ. ⁶ Liyel-á pèpɔri pi á tyí à nónóne á kɔ, sè me sé tyí tyíle. Nê tyí-á kɪ me Liyel tẽntònè syínyonɔle, tẽ kéle ne n pi à yíne Liyel yõ sɛnó wěkìle. ⁷ Nê tyí-á kɪ me sɔnmɔnɔle névyé tyí, tẽ ne n so n mɔ pé tyí. Nê tyí-á kɪ me névyé kwónóle, tẽ névyele n kwɔ. ⁸ Nê tyí-á kɪ me névyé vɛnmɔnɔle, tẽ névyele n vi n mɔ. Nê tyí-á kɪ me pèpɔri pínóle névyé tyí, tẽ kéle ne n pi fòkòpènrɔ sɔkɔ. Nê tyí-á kɪ me névyé yah tɛnóle, tẽ gbah tẽ ké sɔkɔ. Nê tyí-á kɪ me névyé yãm yáhnóle, tẽ kéle n pi ñvìnì sɔkɔ.

⁹ Yé yíne yé tyí nɔ wě tyí fòkòkwĩnkì kěne ké sɔkɔ. Yé pèkè pínó yal n mɔ pnépné, yè mó pèpɔrile n pi. ¹⁰ Yé ye yé tyí nɔ wě tyí yúnpíkì núkù tyí kòle. Yé gbah tẽ yè yòyenne n sah wě yõ. ¹¹ Yé kléykléyne n pi, yé káh pi gbãndal névyele. Yé tòle n pi Tẽ ñgbě tyí yé nɔ pólle. ¹² Yé gbò sàhnó-á me nê yõ, yé ne n me ñvìnì sɔkɔ képah yinne. Yé sómnole n pi yèkwɔri gbíne. Yé gbah n tẽ níri pínó sɔkɔ. ¹³ Yé yé yúnpyéle n yohni n mɔ pé fyãh-ntãñ sɔkɔ, yé mó népãñne n tẽ plé.

¹⁴ Nónó-á yéle n fòh, yé sãmmne n mɔ pé sɔkɔ. Yé sãmmne n mɔ pé sɔkɔ, yé káh léplɔle n ye n mɔ pé yõ. ¹⁵ Nónó-á me ñvìnì sɔkɔ, yé ne n me ñvìnì sɔkɔ péle wě tyí. Nónó-á mó me gbní sɔkɔ, yé ne n me gbní sɔkɔ péle wě tyí. ¹⁶ Yé yé fókósɔnɔ pi núkùle. Yé káh pi gblɔy gbílkipúle, yé ye gblɔy tìkínmɔnɔ tyí nɔ yé tyí. Yé káh yé gblɔyne n pi yí pípúle.

¹⁷ Yé káh ñnì yò ñtẽ pèkè pínó wó de ñ sɔkɔ. Yé pèpɔrile n pi no pól tyí. ¹⁸ Káh kɪ me yépi tẽ ó sɔ, yé gbah n tẽ yé minne n pi yèvini sɔkɔ ànê no pólle káh kɪ fɛ n pi n pi. ¹⁹ N nénónó, yé káh ne yáh yé gblɔy vyáhle n syi, yé kè toh Liyel syi. Yé náh we di, kè me wárkínsàhnóle Liyel wey sébéy sɔkɔ ne, Tẽ ñgbě-á ne ñkè: «Ñmɔ tyí ye vyãh syínóle, ñmɔ ye n de wóle.»*

²⁰ Té tã yo ké fí yó sɔkɔ ne: «Á sépe-á me kwekɪ sɔkɔ, yí à kɔ à yõ; wáh me

‡ 11:35 11.35 - Yah n te Nsyɔbi 41.3. * 12:19 12.19 - Yah n te Tõnyonɔ 32.35.

níkì sòkò, yí à kǒ à wò. Wáh képah pí, kè me á kú ne nìségbnò sǒ á kwe mǒ n yǒnù yǒ.»† ²¹ Káh n ye pèkè kǒ kè fyǎh á yǒ sòkò, nte áwò fyǎh ké yǒ sòkò á pèpey pínó gbò yǒ.

13

No pól yĩne pè ne n sah kwil yòtãm yóré yǒ

¹ Těnweno yó se me né kè náh wil Liyel tyí? Névyé nónó-á me tǒrí yǒ, Liyel sahki sòkò ye péle dò. Képah ye, no pól yĩne pè ne n sah kwil yòtãm yóré yǒ. ² Kǎh pí sě, névi nê-à yòtãmne n fwo, Liyel yóré ye tě n yahle. Té nê-à se mó tǒ Liyel yóréle n yahle, pèkè ye tě n yori n mǒ n gblǒy yǒ. ³ Tyípéplò pí-ò náh yĩne tukey tükèpu yah tíkí pínóle. Tyítúkúnì pí-ò wò ye yĩne pé yah tíkí pínóle. Wáh kú me ké tyí ne á káh yòtãm tíkíle n pí, tyípéplòle ne n pí, képah sòkò pè kú ále n sò. ⁴ Á náh we di, Liyel tò sòkò ye yòtãmne á tyí píki yĩnne. Nte wáh tyítúkúnìne n pí, pé tíkí yĩne kè n tě. Dípíyì náh pè kǒ nònóle dé, těnweno me pé tyí Liyel tò mè sòkò kú fě fóhnó sah pèkè pí-ò yǒ, kú Liyel yro wilki tě sòkò. ⁵ Képah ye á yĩne n ne n sah pé tyí yǒ. Liyel fòkòvyǎhnì yah tì to yĩn ó náh dé, á nù to me kéle ále n wěki ne képah-á ple. ⁶ Képah to yĩn ye yě mórúle n mǒ. Té nónó-á mó n syi séle, Liyel tò sòkò ye péle ké tǒ n sah n pí yĩnne. ⁷ Kwáh nê-à yĩne névi nê kǒnóle, kéle tě kǒ. Mórúle mórí syí-òle n kǒ, n té làpole làpo syí-òle n kǒ. Wáh yĩne n névi nê yah tíkí pí, tě yah tíkí pí. Wáh yĩne n yòyén sah névi nê yǒ, kè sah tě yǒ.

Yé tyí-á yĩne kè nò wě tyí sǒ

⁸ Nnì yó ntě kǒli káh we yé yǒ sòkò. Yé ye wě tyínono ó kǒli ne n me yé yǒ. Á ní-ò tyí-à me nò á tyí, Moyisi tyi kǒnsàhnó wǎl pól ye á kò dal mǒ. ⁹ Kǎh yo Moyisi tyi kǒnsàhnó sòkò ne, ney káh fòfikì pí, ney káh nékókè mǒ, ney káh yĩbe yĩ, ney káh n yí wil n ní-ò kwáh tyí, à tahlù tyi nónó téló to tyí-á yónóle ké sòkò, sépi pól ye tir kǒnsàhnó núkú mè tuke mǒ yo ke núkúle ne níkě: «Á ní-ò tyí yĩne kè nò á tyí á gblǒy tyí kǒle.»* ¹⁰ Tyínono névi náh n pí n dah n mǒ névi tyí. Tyínono-à me névi nê sòkò, tě me Moyisi tyi kǒnsàhnó wǎl pólle n kò n dal n mǒ.

¹¹ Gbì nê sòkò-á ále, yé kè pǐ ó. Pwáhnmonò me yúkey ále núkúnúkú à kal gbí nê-á lésò á sě Krista yǒ. Képah ye, do n yuku gbí nò. ¹² Tyah kah te, tyah dal gbí me yúkey. Á ye fěntù tyi we n ye. Liyel-á nēne á kǒ kyòo yah tò pí yĩnne, ¹³ à mó képahle kyòo yah tyípínó óle n pí. Á ye káh n pí yèwònpìbìle, á ye káh mó tǒ sètènìne n pí. Á ye káh n pí fòfìnpìbìle, á ye káh n pí prònpìbìle. Á ye káh mǎlle n kǒli, á ye káh yíwilkìle n pí. ¹⁴ Yé ye yé tyípínó pól ne me Tě ngebě Yesu Krista tyí kǒle. Yé káh n ye yé dyo dyo tyi pínó fyǎh yé yǒ, kè pò yé mǒ tyítúkúnì pínó sòkò.

14

Káh á yúnpìle n tuke

¹ Névi nê Liyel yǒ sěno-à me yúkú-níkēne yahle, yé tě těno ple. Yé káh tě sònole n kǒli. ² Sǒ kénkǒ-á nnì Liyel yǒ sěno-à yuku yahle tě kǒ à me

† **12:20** 12.20 - Yah n te Sèmìrn 25.21-22. * **13:9** 13.9 Yah n te Levitiki 19.18.

fě yíyìn pólle n yõ, té nê Liyel yõ sěńó náh mó yuku yahle, kè me tě kõ à me kò yahle; ³ yíyìn pól yó-ò káh kò kò-ńkě névile n yilo, kò kò-ńkě névi to káh mó yíyìn pól yó-òle n tuke. Yé náh we di, Liyel me tě tě ple dò. ⁴ Nte nê me áwòle, té á kɪ pɔ ñnî yó tǒnpile n tuke? Wàh kɪ sǒ me n pɪ ple ò, à náh me n pɪ ple ò, képah me ñ yòtě díne n yah kè. Nte à kɪ pɪ ple n pi. Yé náh we di, tǎhkì me Tě ñgbě tyí kɪ fě à kõ à kɪ n pɪ ple. ⁵ Túkù tyí sèpìn me sé tyí tyíle, túkù tyí sè me núkúle. Nte nê-à sǒ me nêne n sǒ, tě sěnyĩno ne n me ké yõ. ⁶ Névi nê-á me sèpĩnne n mɔ n kǒ, Tě ñgbě tyí ye tě n pɪ kéle. Nê-à me yíyìn pólle n yõ, Tě ñgbě tyí ye tě n pɪ kéle. Yé náh we di, Liyel yĩn ye tě n gbilki. Nê-à se yíyìn pólle n yó-ńkěne, Tě ñgbě tyí ye tě n pɪ kéle. Liyel yĩn ye tě tɔ n gbilki. ⁷ Yé náh we di, ápi sɔkɔ yó ńtě náh me min sɔkɔ ñ gblǒy yĩnne, ànê ñnî yó ńtě náh n ku n pi ñ gblǒy yĩnne. ⁸ Áyáh me min sɔkɔ, Tě ñgbě tyí yõ ye ále min sɔkɔ. Áyáh se ku, ñmɔ tyí yõ ye á ku. Képah ye, á me min sɔkɔ ò, á ku ò, Tě ñgbě tyí yõ ye ále. ⁹ Krista ye ku té ñ lékó me yilki mɔ, nê-á à kõ à pɪ lékyî ànê vye Tě ñgběne. ¹⁰ Nte áwò-á dò, kwáh nê pɪ té á á yǔnpile n tuke? Té áwò tɔ-á dò, kwáh nê pɪ té á á yǔnpile n yilo? Liyel kɪ pɔ á pól tuke n pi dò. ¹¹ Yé náh we di, kè me wárkínsàhnóle Liyel wey sébéy sɔkɔ ne ńkě: «Ñmɔ nê-á TÈ NGBÈNE mé me min sɔkɔ. No pól kɪ gbètukunɔ di ńmɔ yah sɔkɔ, ànê no pól kɪ ńmɔle n gbilki.»* ¹² Káh pɪ sě, á nénúkù núkú pól kɪ á tyípínó yah yo n pi Liyel tyí á gblǒy.

¹³ Képah ye, á ye yal mɔ wě tükèńóle, yè mó kè yah tɔkɔ ne ñnî yó ńtě káh tir yó pɪ nê-á kɪ yé yǔnpi yó yõ yɪkɪ, képah náh pɪ tě syɪkɪ mɔ Liyel yõ sěńó sɔkɔ. ¹⁴ Á wró kwrónmɔnɔ gbǒ yõ Tě ñgbě Yesule, ńmɔ kè pĩ, ànê ń sěnyĩno me ké yõ sɔkɔ ne ńkě, kwáh yó ńtě náh me sɪlkĩńóle Liyel yah sɔkɔ ké gblǒy sě. Nte névi nê-à n sǒ ne kwáh nê-á me sɪlkĩńóle, kè n pɪ sɪlkĩńóle tě tyí Liyel yah sɔkɔ. ¹⁵ Káh n pɔ á yõke yĩnne á yǔnpi mɔ yèkwɔrɪ sɔkɔ, á náh tǒ me n kɔ tyínɔnɔ wěkì yõ dò. Káh n pɔ á yõke yĩnne névi min kǒ kè mɔ pu, Krista-á ku ñmɔ nê yĩnne. ¹⁶ Kwáh nê-á kwáh pèpeyne áwò tyí, képah káh pɔ pɪ yínyíkìle dé. ¹⁷ Yé náh we di, Liyel tǒríle, yõke ànê wɔ wɔ yí náh. Gbɪ wěkì, ànê yèvinɪ, ànê ñivìnì ye kéle Liyel Mirki gbǒ yõ. ¹⁸ Névi nê-à tǒle n pɪ Krista tyí sěntěne, Liyel yí n yuku těne, ànê névye ñ yíngbúle n yo. ¹⁹ Képah ye, áyáh ne yèvinɪ ànê wě yah yúkúnó we n pi sǒ, á ye képahle n yíki. ²⁰ Á náh yĩne ñ pɔ Liyel tǒle ne n yɪkɪ yõke yĩnne. Gbɪ ye, yíyìn pól tě wɔ me yályál Liyel yah ó; ñte wáh kwáh yóle n yõ nê yónó-á kɪ fě pɔ á yǔnpi yó syɪkɪ mɔ Liyel yõ sěńó sɔkɔ, képah náh ple. ²¹ Nê-á ké pèpeyne, tir nê-á kɪ fě á yǔnpi syɪkɪ mɔ Liyel yõ sěńó sɔkɔ, kè se kò kònóle ò, kè se tǒ wónóle ò, kè se tyi dükù nêne, káh kéle n pɪ. ²² Áwò sěńó-á me nê yõ à yuku nénpó tĩnne, ye képah tě áwò ànê Liyel wró. Nê-à tyile n pɪ wáh me nónóne n yah ne sáh me ple, té à náh me lékàhle ñ gblǒyne n kǒ, tě tyí nɔ. ²³ Nte névi nê-à kwáh yóle n yõ té me ké tyíle n sǒ tǒtò, lékàh me tě tyí Liyel yah sɔkɔ, wáh sǒnpile kéle n pɪ té kè náh me pɔ yĩne Liyel yõ sěńó wěkìle. Tyi nónó pól-á n pɪ nónó náh me Liyel yõ sěńó wěkì yõ, tyípèl ye séle.

* **14:11** 14.11 - Yah n te Yesayi 45.23.

15

Wě tēnplēnōle

¹ Āpi nónó Liyel yō sēnó-á yuku yahle, á ye á no téló yótyíle n twah pé tyí. Á ye káh á dyo yíi tyi ó yah wũ. ² Nê mē nê mē, à ñ ní-ò tyí pekí pekí tyile ne n pɪ à kō à ne n yuku yahle Yesu yō sēnó soko. ³ Krista n̄tē fyé náh ñ dyo yíi tyi pí-ńsah yah kō. Kè me wárkínsàhnóle Liyel wey sébéy soko ñ tyí soko ne n̄kē: «Liyel, á gbyòpu-á ñ gbyo gbyo nónóne, sè vi kwĩnki n̄mo yō.»* ⁴ Tyi nónó pól-á wárkínsàhnóle Liyel wey sébéy soko ñgbò dùkùle, sè wárki ne sè pɪ kwónóle ápi tyí. Sépi gbò yō, á kɪ gbah tē ànê sóré kɪ we á soko, á yáh-ńsah kō kè náh n tyē n pɪ. ⁵ Liyel nê-á névile n pɪ gbáhntē-òle ànê sóré névile, mé kéle n yah n kō ñ tyí ne à yé sōno pɪ nùkùle, yé mó Krista pɪ dùkùle n yah n pɪ. ⁶ Képah soko, yé pól kɪ yé vyāh pɪ nùkùle kɪ Liyelle n gbilki, ñmo nê-á á Tē ñgbē Yesu Krista Súle. ⁷ Képah ye, yé wě tē ple sō-á Krista yé tē ple à gbílkinóle n sah Liyel yō.

⁸ Máh nēne n yo yé tyí, kè we yò: Liyel n kò ñ tyíyónó sò. Wāh ñ vyāhle Nsyifunó náh tãn kō tir nê tyí soko, Krista pɔ pɪ pé tōnpule à képah pɪ pé tyí. ⁹ A wil képah tyí soko, yìkinì téló tɔ yĩn ye à pɔ, pè kō pè kɪ Liyelle n gbilki ñ fòkòpènrɪ yĩnne, sō-á kéle wárkínsàhnóle Liyel wey soko ne n̄kē: «Képah ye mé kɪ ále n gbilki yìkinì téló névye nyó, té kɪ ále n gbɪ.»† ¹⁰ Kè tō me yónóle ké fí yó soko ne n̄kē: «Yìkinì téló névye, yé ñvìn̄ne n pɪ wě tyí Liyel nolē.»‡ ¹¹ Té tō me yónóle ne n̄kē: «Yìkinì téló névye, yé pól Tē ñgbēne n gbilki. No pól mó ñ gbilki gbilki yìle n gbɪ.»§ ¹² Yesayi tɔ kè yo ne n̄kē: «Nsyese pétó nàhkì kɪ pɔ yuku kɪ yìkinì pól névye yah tē, té pè kɪ pé gbò sah ñ yō.»* ¹³ Liyel nê-á névi gbò sàh-ńsahle, mé kéle n yah n kō ñ tyí ne à ñvìn̄n̄ ñgbē mo yé soko, à mó yèvin̄ne yé kō yáh sōnp̄ile sē ñ yō. Képah soko, yé kɪ yé gbò sah yíi ñ yō ñ Mirki tãhkì gbò yō.

Pole sébéy wárkinó yōle

¹⁴ N̄ yũnp̄yé, n̄mo sē yíi ké yō ne pèpɔrɪ pípu-á yéle, yáh tyi pólle n pne, ànê yáh kɪ fē v̄n̄m̄on̄le wēne n kō. ¹⁵ Nte yé dyo to n kō yĩn ye n̄ kō mé tyi tókù wárki ñsàhle tãntãn yísyó soko. Liyel gbò yō ye mé pɪ képahle, ñmo nê-á pèpɔrɪ pɪ n̄mo tyí, ¹⁶ à n̄ pɪ Yesu Krista tōnpule névye wró, nónó náh pɪ Nsyifunóle. Liyel tō kêtár ye mé n pɪ ñ ñvìn̄n̄ tir yónóle. Képah soko, nónó náh pɪ Nsyifunóle, pè kɪ pé gbl̄oyne Liyel kō kɪ pɪ yályál ñ yah ñ Mirki gbò yō, pè kō pè kɪ pɪ Liyel dyo yíine. ¹⁷ N̄ wró kwrónm̄on̄o gbò yō Kristale, máh tō nēne n pɪ Liyel tyí, kè me yō yōnóle n̄ tyí. ¹⁸ Kéne tō ye Krista n̄mo tɔko à pɪ névye wró nónó náh pɪ Nsyifunóle. Mé se kɪ tō kèyáh yo kah mo képah yō? Nmo ye pè kō pè n sah Liyel tyí yō, n̄mo vyāh wey ànê n̄ tyíp̄in̄n̄ gbò yō, ¹⁹ ànê gb̄il tyi ñgbn̄o náhnáh soko Liyel Mirki tãhkì gbò yō. A tɔko Yerusalem̄i kwil tyí ànê ké gbòplo kwlole, f́ó à kyɪ soko Yiliri mara pól soko, mé ñvìn̄n̄ tir yo yíi Krista tyí soko. ²⁰ Té mé kè yah tɔko à ñvìn̄n̄ tirlē n yo tãntãn nónó soko-á Krista yĩn náh yo yah. ñvìn̄n̄ tir-á yo soko te tãntãn nónó soko, mé náh sò me ké tyí ne mé kè yo n̄n̄p̄ó

* **15:3** 15.3 - Yah n te Gbálnó 69.10. † **15:9** 15.9 - Yah n te Gbálnó 18.50 ; 2 Samuyel̄i 22.50.
‡ **15:10** 15.10 Yah n te T̄nyon̄o 32.43. § **15:11** 15.11 Yah n te Gbálnó 117.1. * **15:12** 15.12 Yah n te Yesayi 11.10.

ńtõ, á kɪ nɛ ñnɪ wòkò sètyah yõ sõ mé n mɔ n dohnɪ. ²¹ Té máh tõ nê pɪ yò, kè mɛ yínénóle Liyel weyne nê-á wárkínsàhnóle nɛ ńkě: «N tyí náh yo sah nónó tyí, pépi ye kɪ wɛ ñnɛ. Nónó-á pè náh ñ tyí noh yah, pépi ye kɪ ké òkù pĩ.»†

Pole mɛ Wrome kwil yúkúnó tyíle n sõ

²² Kéne tõ ye kò ní yahle gbáhyí náhnáhle ní kò mé náh mɛ tẽ wɛ kyɪ yé ònne. ²³ Nte núkúnúkú, ní tõ ye tye mara mɛ sòkò. Té ké ye náhnáh ye yò, yé òn kyɪ dékè mɛ ní kah tẽ. ²⁴ Máh kɪ pɔ n yuku Yesupayí yamana sòkò, mé kɪ yín yah yé tyí kɪ yé dékè ku yah kwéy, yé mó yòhnìnmonɔ pɪ ní tyí ní kò mɛ fẽ n yõ n sòkò ní kólóle kéne yamana sòkò. ²⁵ Nte núkúnúkú, sókónó ye ñne Yerusalemɪ kwil sòkò kɪ kyɪ Yesu yõ sɛpú yohnɪ mɔ nɛnpó. ²⁶ Yesu yõ sɛpú nónó-á mɛ Masedoni ànê Akayi sòkò, pépi ye kè yah tɔkò à pé gbàn yí yísyó tuke mɔ wẽ yõ, Yesu yõ sɛpú yãm tãn yohnɪ n mɔ yinne Yerusalemɪ sòkò. ²⁷ Pè kè yah tɔkò pé gblõy. Nte gbɪ yõ, ké kòlɪ ńtẽ sò mɛ pé yõ. Yah kè; Nsyifunɔ gbò yõ ye névye nónó náh pɪ Nsyifunɔle pé tɔ vyãh wɛ Liyel tyi sòkò. Pépi tɔ mó yinne pè Nsyifunɔle n yohnɪ n mɔ pé gbàn yíle kè. ²⁸ Máh pɔ kéne tyi nópi yah wah tɛ à gbàn yí tükènmɔnɔ nópile pè kò tɛ, té n sòkò Yesupayí yamana sòkò, mé kɪ syõ yé tyí. ²⁹ N sɛnyĩnɔ mɛ ké yõ nɛ máh pɔ yé ònne, Krista-á kɪ sãm mɔ yíí á sòkò.

³⁰ N yúnpyé, ápi Tẽ ñgbẽ Yesu Krista yín yõ, ànê Liyel Mirki-á tyínɔnɔ nê dahbɪ yé sòkò, sépi yinne, mé kéle n yah n kò yé tyí nɛ, yé so mɔ ní tyí náhnáh Liyel nínó sòkò. ³¹ Yé Liyelle n ni ñmɔ tyí ní kò mɛ wɛ n pwah Nsyude mara Yesu yõ sɛ-ńkɛpú tyí, ànê yòhnìnmonɔ nê-á mé syi n yuku kò-ńsah Yerusalemɪ kwil sòkò, Yesu yõ sɛpú kè fẽ n syi ñvìnì sòkò. ³² Képah náh, Liyel-à kɪ fẽ syi, mé kɪ yíni tẽ yé ònne ñvìnì sòkò kɪ pɔ mɪ yah kwéy. ³³ Liyel nê-á yèvnɪ nɛtɛnɛ, mé kéle n yah n kò ñ tyí nɛ à nɛ n mɛ yé pólle. Amiina.

16

Wékínóle névye tyí

¹ Mé á dósê Febele n dahbɪ yé gbò, ñmɔ nê-á yòhnìnmonɔ-òle Sãnkɪ kwil Yesu yõ sɛpú ònkì sòkò. ² Yé ñ tɛnó ple Tẽ ñgbẽ yín yõ, ñ yõ sɛpú-á wɛnɛ n tẽ sõ. Yé mó ñnɛ n yohnɪ n mɔ tyi tyi pól sòkò yé yétò-à syi ñ tyí. Yé náh wɛ di, à ye névye náhnáh yohnɪ mɔ sòkò, té ñmɔ tɔ yohnɪ mɔ.

³ Yé wɛkɪ Prisili ànê Akilasɪ tyí, pépi nónó-á ñmɔ tõ pɪ mune Yesu Krista tyí. ⁴ Pè ye ku farkɪ ñmɔ min pwáhnmonɔ-ńsah. Nmɔ ó náh n kò péle pèpɔrɪ pínó weyne dé, Yesu yõ sɛpú ònkínó pól nónó-á pè náh pɪ Nsyifunɔle, pépi tɔ mɛ pé pèpɔrɪle n pne. ⁵ Yé wɛkɪ Yesu yõ sɛpú ònkì tɔ tyí, nónó-á wɛnɛ n tuke n mɔ pé gbò sòkò. Yé wɛkɪ ní nénóní Yepayinɛtɪ tyí, ñmɔ nê-á pɪ négbenne à sɛ Krista yõ Asi mara sòkò. ⁶ Yé wɛkɪ Mari tyí, ñmɔ nê-á tõ kah pɪ yé tyí. ⁷ Yé wɛkɪ Andronikusi ànê Nsyunyasi tyí, pépi nónó-á ñmɔ tyí névyele té á wòkònpèkè pɪ wẽ tyí péle. Yòyén mɛ n sah n yíí pé yõ pé no Yesu tɛntò névye sòkò. Pépi ńtẽ pɪ Yesu yõ sɛpúle ñmɔ yah sòkò. ⁸ Yé wɛkɪ Anpiliyatusi tyí ñmɔ nê tyí-á tah yíí ní tyí Tẽ ñgbẽ wɛkì kóló sòkò. ⁹ Yé wɛkɪ Yuribẽ tyí, ñmɔ nê-á á tõ pɪ mune Krista tyí. Yé mó wɛkɪ ní nénóní

† 15:21 15.21 Yah n tɛ Yesayi 52.15.

Syitakisi to tyí. ¹⁰ Yé weki Apelesi tyí, ñmɔ nê-á ñ yín-ńsah filki viki Krista yõ sɛnó sɔkɔ. Yé weki Arisitobuli gbô tãn tyí. ¹¹ Yé weki Yorodyõ tyí, ñmɔ nê-á ñ tyí névile. Yé weki Narsisi gbô tãn tyí, nónó-á sɛ Tě ñgbě yõ. ¹² Yé weki Tirifeni ànê Tirifosi tyí, pépi nónó-á tò pɪ Tě ñgbě tyí. Yè mó weki ñ kósê Persidi tyí, ñmɔ nê yi-á tò kah pɪ Tě ñgbě tyí. ¹³ Yé weki Wrufusi tyí, ñmɔ nê yín-á me wìlnóle Tě ñgbě tò pínó sɔkɔ. Yè mó weki ñ yú tyí, ñmɔ nê to-á pɪ ñmɔ yúne. ¹⁴ Yé weki Asékriti tyí, ànê Flekõle, ànê Yeremesile, ànê Patrobesele, ànê Yeremasile, à tahlɪ á yúnpyé nónó-á me péle wě tyí. ¹⁵ Yé weki Filolokɪ ànê Nsyuli tyí, ànê Nere, ànê ñ dósèle, à tahlɪ Wolépasɪ ànê Yesu yõ sɛpú pól tyí, nónó-á me péle wě tyí. ¹⁶ Yé weki wě tyí tyínɔnɔ sɔkɔ. Yesu yõ sɛpú tĩnkínó pól n weki yé tyí.

Pole me vɪnmɔnɔ téyne n kɔ

¹⁷ Ñ yúnpyé, mé kéle n yah n kɔ yé tyí ne kwónó nónó-á yé we sɔkɔ, névye nónó-á me yuku sɛpile n fwo, té gbékínóle n dah n mɔ yé wró, yé yé gblõyne n tɛ péle. Yé káh péle n tĩnki. ¹⁸ Kéne névye nópi dùkùle kè; yé káh we ne ápi Tě ñgbě Krista tyí-á pè n pɪ tòle dé, pé kèkurn ye pè n yĩki. Vyáhsesyírí sɔkɔ, pè ñpì-ńkê névye yõ yiki pé yínvĩ welole. ¹⁹ Yáh me n sah Tě ñgbě tyí yõ dùkù nêne, no pól me kéle n pne. Képah ye ñ nɪ me vínóle yéle náhnáh. Nte mé me ké tyí ne yé lékám we yé tyípeplole n pɪ. Yé ne n me yályál, yé káh tyítúkúnine n pɪ. ²⁰ Liyel nê-á yèvinɪ nètêne, dõ kwéy, à kɪ sètàn yòtɛ tyí yiki pɪ yé gbáhkì súnsàh-ńsahlɛ. Mé kéle n yah n kɔ ápi Tě ñgbě Yesu tyí ne à yòbènrɪ pɪ yé tyí.

²¹ Timote nê-á ñ tò pɪ mûne, à n weki yé tyí, à tahlɪ Lusiyusi, ànê Nsyasõ, ànê Sosipaterɪ tyí, pépi nónó-á ñ tyí névyele. ²² Nmɔ Terityusi nê-á pè ñ kɔ mé sɛbéy mè wãrkɪ, ñ to n weki yé tyí Tě ñgbě yín yõ. ²³ Kayusi nê tyí-á ñmɔle twáhntɛnóle, té Yesu yõ sɛpú tĩnkì wěne n tuke n mɔ n pɔ ñ tĩnne, à n weki yé tyí. Kwil pó màr-ò dɪ Yerasɪtɪ ànê á yúnpɪ Kwaritusi n weki yé tyí. ²⁴ [Mé kéle n yah n kɔ ápi Tě ñgbě Yesu tyí ne à yòbènrɪ pɪ yé pól tyí. Amiina!]

Gbílkinó sàhnóle Liyel yõ

²⁵ Gbílkinó ne n sah Liyel yõ. Tɛnwɛnɔ me ñ tyí kɪ fɛ táhkùle yé kɔ à yĩne Nìvìnì tir nêne mé n yo yé tyí Krista tyí sɔkɔ. Sèfìn sò tir ye lésõ kéle ñgbò dùkùle, ²⁶ té pɔ wilki mɔ núkúnúkú kwèyy kyòo yah, Liyel tɛntò syínyopu tyi wárkínsàhnó gbò yõ. Tyé-ńkê Liyel ye lésõ pè kɔ pè kè wãrkɪ sah sɔnko yĩkìñì pól névye kè we n pĩ. Képah sɔkɔ, pè kɪ sɛ Liyel yõ té kɪ n sah ñ tyí yõ. ²⁷ Liyel núkúní nê-á lékám ó ñ tów, gbílkinó ne n sah ñmɔ yõ gbímegbí Yesu Krista gbò yõ. Amiina!

Pole sébéy tékínm̄on̄ole Korēnti tãn tyí

Tyàh-nsah weyne

Korēnti kwille, kè me pne yreyno nínó yísyó wró, pè n ye Yesye ànê Yadratikile. Gbò yĩ yĩ wǎl ñgbno nónó pól-á sò syõ kéne kwil, kéne kwil tãn ye sò n yah sé yõ. Kreki névye móntě-nsah kedyâh yó ye sò nénpóle. Nte Wrome tãn pò kè sò, té tõ pé syi kè tõ m̄. Korēnti kwil tãn tyí, lékõló wǎl kó-ńtãn sò tno kah m̄. Kǎh pĩ sě, tyídĩ duke pól sò n we nénpó, ànê lékám dukeno pólle, à tahlı tãn gbilki gbilki wǎl duke náhnáh tyí. Té gbò yĩ-nsah kwil ye tõ sò kéle.

Pole-á lésõ n yuku ñ kóló ke ní-ò soko, à kyı níwǎló gbõnkwärtõno pĩ nénpó. Té Nivini tir we yo, névye kõ pè we sě Yesu yõ nénpó. Nónó-á sě Yesu yõ, Nsyifuno ye sò pé tükùle. Té pé kanne, Nsyifuno náh péle. Tahlı ànê yõtãm náh sò me fwóo pé soko. Pé kan sò me yãm tãnne. Pè sò pé gblõyne n pĩ lékám ñgbno névyele. Kǎh pĩ sě, pè sò me nivini soko, té me n sò ne pǎh me pé gblõy yõ, ànê lékám-á me pé tyí.

Ye yísyó sókónteno náh, Pole-á pópó n soko ñ kóló ke tõ-ò soko, sébéy nê-á yò, à kè wǎrki Yefesı kwil soko, à tekı m̄ Korēnti tãn tyí.

Nte dí yó lésõ me pè n ye Apolõsile. A n wil Alekisãdri kwil. Wǎh pò kyı Yefesı kwil, Prisili ànê ñ pè Akilası nê-á Pole kóđine, pépi me à kwó, té sóré m̄ ñ soko à kõ à kyı sèpĩn yísyó pĩ Korēnti kwil.

Kè me á kı ne Pole sõ sébéynó yísyó wǎrki tekı m̄ Korēnti tãn tyí, nónó-á sé tyí yah náh me we kwey m̄ soko, à wil 1 Korēnti ànê 2 Korēnti tyí soko.

Tyino nínó yĩn ye sò Pole wǎrki tekı m̄ 1 Korēntile:

- Pole lésõ tyi yísyó we noh Korēnti kwil Yesu yõ sèpú tyí soko, nónó-á me yèkworile n m̄ ñ soko.

- Korēnti tãn lésõ nósyó tekı m̄ ne, pè pò sébéy yóle Pole kõ, nê soko-á pè me kè yah kõ ñ tyí ne, à pé vi m̄ tyi náhnáh soko.

A wil képah soko, Pole-á kwónó nónó pĩ, Yesu yõ sèpú tükù sò me sè yahle, ànê pè náh me kè fě syi ne Yesu tẽntõ névi-á ñne. Kǎh pĩ sě, Pole me de yo kéne tyi soko náhnáh ñ sébéy m̄ pól soko.

1 Korēnti sébéy m̄ne, kè v̄nm̄on̄o náhnáhle n kõ, nónó-á kı fě Yesu yõ sèpú t̄nk̄inó yohnı m̄ kwey gbĩ m̄ soko.

Liyel yé yah tẽ ké kárnó soko.

¹ Nm̄o Pole nê-á Liyel ye pĩ Yesu Krista tẽntõ névile à yĩne Liyel dyo yĩ tẽne, nm̄o ànê á yĩnpi Sositenı ye n tekı n m̄ sébéy m̄ne ² yépi Yesu yõ sèpú t̄nk̄i tyí, yépi nónó-á me Korēnti kwil. Yépi nónó-á me w̄lkinsàhnóle Liyel tyí yõ té me kwrónm̄on̄ole Yesu Kristale, yépi ye Liyel ye à tahlı Yesu yõ sèpú pól tyí tãntãn pól soko. Yépi pól me Tě ñgbě Yesu Krista yĩnne n ye n gbo. Nm̄o ye yépi TÈ NGBENE ànê ápi t̄o Tě ñgběne. ³ A kéle n yah n kõ Sú Liyel ànê Tě ñgbě Yesu Krista tyí ne, pè yòbènrı ànê yèvinıne ye kõ.

⁴ Liyel ye yòbènrı pĩ yé tyí, yáh sõnpile me kwrónm̄on̄ole Yesu Kristale. Képah ye, mé n weki Liyel tyí gbĩmegbĩ yépi yĩnne. ⁵⁻⁶ Yesu Krista tyí nê-á

yo wah yé tyí, kè ye tẽ-nsah we yé nno soko. Képah gbò yò soko ye yé we kwro mo Kristale, té Liyel me pèpori dukeno pól pi yé tyí, yé kò yé wey dùkù pólle n pne, ànê pnèno duke pólle yé tyí. ⁷ Kãh pi sê, Liyel pèpori yó ntê nah yah kwlo yé tyí, yépi nonó-á me á Tẽ ngbẽ Yesu Krista syinpono syiki tẽ. ⁸ Liyel ye ki tã yé pi gbáhtẽpule, fókú ki po syi Tẽ ngbẽ Yesu Krista syi n po sò tyí. Képah soko, yé ki pi wényo-nsah kẽne yé tyí lésòle. ⁹ Liyel n ko ñ tyiyónó sò, ñmo nê-á yé ye po kwro mo ñ Pídí Yesu Kristale, nê-á á pól Tẽ ngbẽne.

Gbékínó nê-á de Yesu yò sêpú wró Korēnti kwil soko

¹⁰⁻¹¹ N yũnpyé, mé noh Klowe no yísyó tyí ne yékâb-á me de yé wró. Képah ye, ápi Tẽ ngbẽ Yesu Krista yĩn yò, mé kéle n yah n kò yé tyí ne, yé yé vyãh pi nukúle. Yé kãh n ye gbékínó ne me yé wró. Yé yé sòno ànê yé tyi yáhtokonono pól pi nukúle. ¹² Nê-á mé n yo yé tyí gbékínó mè tyí soko, kè we yò: - Túkù ne nkẽ, ñmo Pole nah névye-á pépile. - Túkù me ne Apolosi nah névye-á pépile. - Túkù mó ne Pyeri nah névye-á pépile. - Túkù wo mó ne Krista nah névye-á pépile.

¹³ Yépi tẽ se me n sò ne Krista-á me tókinóle? Pole se pè syi dahnú yò yé yĩnne? Pole yĩn yò se pè wel wilki yéle ni soko? ¹⁴ Mé n weki Liyel tyí, máh sònpíle mé nah ñnî yó ntê wel wilki ni soko yépi soko, à wil Krisipusi ànê Kayusi tyí soko. ¹⁵ Kãh pi sê, ñnî yó ntê nah fẽ n yo n pi ne, ñmo yĩn yò-á pè pé wel wilki ni soko. ¹⁶ Ìsò, ní dyo to kò ne máh Sitefanasi ànê ñ no to wel wilki ni soko. Té à wil pépi tẽ tyí soko, ní dyo nah tã me n kwne ne máh ñnî yó wel wilki ni soko. ¹⁷ Krista nah ñmo tekú mo ne mé wèlnwilkínóle n pi ni soko dò, à ní tekú mo Nivini tir yo yĩnne, nê-á kè nah yĩne kè ne n yo à yĩne névi yòtàhsyi yípî dùkùle, Krista syínó kò kè po pi yò kẽne dahnú yò.

Krista syínó Liyel tẽnwenó ànê ñ yípîle n wèki

¹⁸ Yah, wãh ne Krista-á ku dahnú yò, kè n pi n tẽ nêwõré welole névye yah, nonó-á me mónpono wèkì yò Liyel tyí tĩnne. Nte ápi nonó-á me pwáhnmono wèkì yò, ápi tẽ wo tyí, Liyel tẽnwenó ye kèle. ¹⁹ Yé nah we di, kè me wárkínsàhnóle Liyel wey sébéy soko ne nkẽ:

«Mé ki yĩ pípú yípî yiki,
té ki lékám névye lékám niri.»*

²⁰ Nte yĩ pípú tã nyãh, ànê kãrn ngbno pípúle, à tahlú kwey gbĩ vyãhsensyírípu tyí wé? Liyel kè wèki pnéyy ne yípî nê-á me kèkõyó mè névye soko, nêwõré-á kéle dò.

²¹ Kèkõyó névye ànê pé yípî fyé yò, pè nah tẽ we Liyel dùkù pĩ ñ yípî soko. Kãh pi sê, ñ wey nê-á n yo té kéle nêwãn weyne pé yah, nonó-á sê ké yò, Liyel kè yah tãko à pépi pwah mo képah gbò yò. ²² Nsyifunó tẽ n ne n me ké tyí ne gbil tyi pi pé we, té Kreki névye wo n mó n ne n me yípîle n yah n kò. ²³ Nte ápi tẽ wo me Krista tyíle névyele n kwò, nê-á Liyel ney yáhtokonole pè syi dahnú yò. Kè me yò yíkínó weyne Nsyifunó tẽ sòno soko. Nêwõré weló mó kéle névye tyí nonó nah pi Nsyifunóle. ²⁴ Nte Liyel-á nonó ye pwah mo Nsyifunó soko, ànê no téló soko, pépi tẽ wo tyí,

* 1:19 1.19 - Yah n te Yesayi 29.14.

Liyel tēnweno ànê ò yípî ye Kristale. ²⁵ Yé náh we di, Liyel tyípinì nónó-á nēwōré tyile névye sōno soko, sè yípî tyile kal névi yípile, té ò tyípinì nónó-á ò tēnkwlono n wēki névye sōno soko, sé to tēnweno kal névi tēnweno.

²⁶ N yúnpyé, Liyel-á yépi nónó ye, yé yé gblōy kèdùkù yah kè. Kèkōyó névye-á nónóne n yah yípî névyele, ànê tēpnèpule, ànê né-ngbno, sēnkno névye náh me fwóo yé soko. ²⁷ Nte tyi nónó-á kèkōyó névye me n yah nēwân tyile, sépi ye pyē Liyel yah toko à sene yī pípú tē. Té tyi nónó-á pè me n yah tēnkwlono tyile, sépi ye à yah toko à sene tēnwepu tē. ²⁸ Tyi nónó-á kèkōyó névye me n yilo, sè náh me kwáh yóle pé yah, pè náh me séle n mo n kō, sépi ye Liyel yah toko à sé téló tyí yiki, pāh me nónóne n mo n kō. ²⁹ Képah soko, Liyel némóní yó ntē náh tē we ò gblōy yō n sah n pi Liyel yah soko. ³⁰ Nte Liyel gbō yō soko ye yéle kwrónmonole Yesu Kristale. Té Yesu Krista wō gbō yō soko ye ápi me yípî mē we, nê-á wil Liyel tyí. Nmō gbō yō ye tō á pi négblóle Liyel tyí, té me wílkínsàhnóle òmo tyí yō. Té à me á pwah mo á tyípél soko. ³¹ Képah ye, «Névi nê-à me ké tyí ne pé pé gblōy gbilki, Tē ngbē-á tyi nónó pi ápi tyí, tē ò gblōy gbilki sépi yinne.»† Sē ye kéle wárkínsàhnóle Liyel wey sébéy soko.

2

¹ N yúnpyé, Liyel tir nê-á sō me wōbínsàhnóle, máh kyi yé tinne à kyi ké tyí yo wilki mo yé tyí gbí nēne, mé náh sō me kéle n yo yé tyí wēngbīl soko, ànê névi yòtāhsyi yípî soko. ² Mé náh sō me tir yó ntē we yo yo tēne yé tyí yō-á me nê tyí, à wil Liyel ney yáhtokono Yesu tyí soko, ànê ò syínó tyíle dahni yō soko. ³ Nmō sō me yé wró soko tǎhkì kēne ní soko, té tíki me ní tē, ànê ní wil me n syah. ⁴ Máh sō me kwónó nēne n pi, té Liyel wey nēne n yo, névi yòtāhsyi yípî náh sō mé n pi séle à yé sōno n vi n mo. Liyel Mirki ye sō n wēki ò tēnweno. ⁵ Káh pi sē, kè náh pi ne névye yípî gbō yō sō yé sē Yesu yō dé, Liyel tēnweno gbō yō ye.

Yípî nê-á n wil Liyel tyí

⁶ Nónó Yesu yō sēno-á de yīn, á me pépile n kwō yípile nê-á ké gblōy kèkōyó névye ànê pé yòtām tyile, pépi nónó min-á ki n tye n pi. ⁷ Ápi me yípile névyele n kwō nê-á wil Liyel tyí, képah nê-á sō me wōbínsàhnóle. Kèkōyó mó-ńkē gbí dùkù soko ye lésō Liyel yah toko sah kéle, ápi yō yō yīne. ⁸ Kèkōyó yòtām soko yó ntē náh kè pī. Pāh sō me kè pī, pè náh náhkì Tē ngbē syi n pi dahni yō, òmo nê-á tōrí nétēne. ⁹ Tyi nópi pi à yīne sō-á lésō kéle wárkínsàhnóle Liyel wey sébéy soko ne níkē:

«Névi yí náh tē yah nê yō,
ò níki náh nê noh yah,
nê sōno náh de yah ò soko,
sépi ye Liyel yah sah névye kō, ò tyí-á no nónó tyí.»*

¹⁰ Yé náh we di, Liyel tyi nópile á wēki ò Mirki gbō yō. Liyel Mirki ki fē tyi pól sohlí, káh sō Liyel fókósōno ntē tole. ¹¹ Né áwo ó náh, ònî yó ntē náh fē á sōno pī n pi. Né Liyel Mirki to ó náh, ònî yó ntē náh fē Liyel sōno pī n

† **1:31** 1.31 - Yah n te Nsyeremi 9.23. * **2:9** 2.9 - Yah n te Yesayi 64.3.

pi. ¹² Nte Mirki nê tẽ wɔ-á ápi sɔkɔ, Liyel Mirki ye; kèkõyó tyí náh. Liyel-á yòbèncɔrɪ pɪ ápi tyí à yí nónónɛ á kɔ, n Mirki gbò yò sɔkɔ ye á fẽ pĩ yíí séle. ¹³ Té á náh me sé tyile n yo à yĩne névi yòtàhsyi yípi kwɔ dukùle dé, Liyel wey ye ápi n yo à yĩne Liyel Mirki-á kéle á wẽkɪ sɔ. Té Liyel Mirki-á me nónó sɔkɔ, pépi tyí ye à n ne n yo n wah Liyel Mirki tyile. ¹⁴ Névi yòtàhsyi sɔnɔ dukù kókó tẽ ó-à me névi nê sɔkɔ, tẽ náh Liyel Mirki tyile n fẽ n syi. Tẽ n tẽ sé dukù pĩ n kwɔ. Kàh pɪ sɛ, sè n ne n me nêwõré tyile tẽ yah. Nte Liyel Mirki gbò yò ó ye, névi sé dukùle n pne. ¹⁵ Nte Liyel Mirki-à me névi nê sɔkɔ, tẽ wɔ ye kɪ fẽ tyi pól dukù kyɔmɪ pĩ, té ney náh fẽ tẽ wɔ dukù kyɔmɪ n pĩ n pi. ¹⁶ Kè me wárkínsàhnóle Liyel wey sébéy sɔkɔ ne níké: «Nê tẽ wɔ me Tẽ ñgbẽ sɔnɔle n pne wé? Nê tẽ wɔ kɪ fẽ vɪnmɔnɔle à kɔ?»† Nte yé yah, Krista sɔnɔ ye ápi sɔkɔ.‡

3

Liyel wey yópú tò-á nêne

¹ N yúnpyé, mé náh lésò tẽ we Liyel wey yo yé tyí, sɔ-á mẽ kéle n yo névyé tyí, nónó-á Liyel Mirki me pé yahle n tẽ. Nte mé kè yo yé tyí, sɔ-á mẽ kéle n yo névyé tyí nónó-á nê ó-à tẽ dyɔ à n pɪ. Kàh pɪ sɛ, yé lésò me píyírínɔle Yesu Krista yò sɛnó sɔkɔ. ²⁻³ Yáh lésò me píyírínɔle sɛ, yòke tíntí kɪ lésò kãn pɪ yéle, képah ye mé lésò yènikile yé kɔ. Nte à pɔ syi kwey mè ntẽ tyí, nê ó-à yé dyɔ yè n pɪ. Képah ye, kè kɪ tɔ kãn pɪ yéle. Yé yah kè, sɔ-á yúnwõrí ànê mál tẽne fyò yé wró sɔkɔ yò, nê ó-á yé dyɔ képah ye yé me n pɪ, ànê névi yòtàhsyi pɪ dukù ye yé sɔkɔ. ⁴ Sɔ-á yé túkù tyah n yo ne, Pole náh névyé-á pépile, túkù me ne, Apɔlɔsɪ náh névyé-á pépile, névi yòtàhsyi pɪ dukù ye yé n pɪ.

⁵ Nê me Apɔlɔsɪle? Anê nê me nímo Polele? Tõnpɪbɪ ye ápile, nónó gbò yò-á yé sɛ Tẽ ñgbẽ yò. A nénúkù núkú pól tãn ye á n pɪ, à yĩne Tẽ ñgbẽ-á nónó sah á kɔ. ⁶ Nmo ye sò mɔ, Apɔlɔsɪ me kè pu. Nte Liyel ye pɪ kéle kè kyãh. ⁷ Nmo nê wɔ-á pɪ kéle kè kyãh, ñmɔ ó kɪ n mɔ n kɔ. Névi nê-á sɔ kéle, ànê nê-á pu kéle, pépi náh n mɔ n kɔ n pi. ⁸⁻⁹ Api pól pɪ tò pípúle Liyel tyí. Képah ye névi nê-á sɔ mɔ, ànê nê-á pu kéle, pépi pól me núkúle. Té pé nénúkù núkú pól kɪ pɔ pé tãn pínó lédyáhní we n pi à yĩne pé tãn pínóle. Yépi ye pɪ Liyel swáhle.

Yépi ye tɔ pɪ ñ wòkòle nê-á à me n mɔ. ¹⁰ Liyel-á yòbèncɔrɪ nê pɪ ní tyí, képah gbò yò sɔkɔ, mé tẽ we wòkò sètyah wilki wòkò mónpnè-ò pèpey tyí kòle. Té képah yò sɔkɔ ye ñnì me n mɔ n dohnɪ. Nte nê-à n mɔ n dohnɪ ké yò, tẽ kyòmìnóle n pɪ ñ mɔ dukù sɔkɔ. ¹¹ Sètyah nê-á wilki te yò, ñnì yó náh tɔ fẽ kèyãh wilki n pi à wil képah tyí sɔkɔ, képah nê-á Yesu Kristale. ¹² Wòkò sètyah nê-á wìlkìntenɔle yò, sɔ-á túkù-à me kéle n mɔ n dɔkɔ mo mo yíle sɔ-á sãnne, ànê wárrne, ànê dyèh pèplɔle, té túkù me kéle n mɔ n dɔkɔ mó-ńkè yíle sɔ-á léslóle, ànê ñdrɔle, képah náh pɪ filkókórile, ¹³ kèkõyó tukey tuke sɔ ye, nénúkù núkú pól-á tãn nónó pɪ sɔkɔ, sah kɪ me ple, sé gbɪ kɪ pĩ. Lésò kɪ me nyàh sɔ, nê-á kɪ no pól tãn gbɪ yah, kɪ sé dukù wẽkɪ. ¹⁴ Nê tò pínó-à súké-ńkène, tẽ kɪ ké lédyáhní we. ¹⁵ Nte nê tyí-à suke,

† 2:16 2.16 - Yah n te Yesayi 40.13. ‡ 2:16 2.16 - Tẽ ñgbẽ ànê Krista sɔnɔ me núkúle.

tě tě wɔ kɪ pwah ó, té à náh ké lédyáhní wɛ n pi. A kɪ núkú mɛ á kɪ nɛ nyàh sɔkɔ sɔ à yĩkɪ to wil n gbò kókóle.

¹⁶ Yé se yó pĩ nɛ yépi Yesu yõ sěpú tĩnkĩ-á Liyel ní-ńsah gbòle, ànê n Mirki-á mɛ déntěńóle yé sɔkɔ té. ¹⁷ Liyel ní-ńsah gbò mɛ sàhnóle Liyel tyí yõ, képah nê-á yépile. Képah ye, névi nê-à Liyel ní-ńsah gbò yɪkɪ, Liyel kɪ tě tyí yɪkɪ.

¹⁸ Nnĩ yó ntě káh n gblɔy tɔ mɔ. Yé sɔkɔ nê-à mɛ n gblɔyne n pi yĩpĩ névile à yĩne kèkòyó névyɛ yíyáhnóle, tě n gblɔy vi n mɔ n pi nɛwòle à yĩne névyɛ yíyáhnóle, à mó Liyel yĩpĩ wɛ. ¹⁹ Yé náh wɛ di, kèkòyó névyɛ yĩpĩle, nɛwòré ye kéle Liyel yah sɔkɔ dò. Kè mɛ wárkínsàhnóle Liyel wɛy sébéy sɔkɔ nɛ nkě: «À yĩ pĩpúle n mɔ n tě pé lékámkãm sɔkɔ.»* ²⁰ Té tɔ mɛ wárkínsàhnóle ké fĩ yó sɔkɔ nɛ nkě: «Tě ngbě yĩ pĩpú sònɔle n pne. A pĩ nɛ sè náh fě tir yó ntě pɛkɪ n pi.»† ²¹⁻²² Káh pi sě, nnĩ yó ntě káh n gblɔyne n yõ n sah nɛ páh mɛ yáhnkò náh, képah náh pi yáhnkò wɔ náh. Nmɔ Pole ò, Apɔlɔsɪ ò, Pyɛrɪ ò, kèkòyó ò, min képah náh pi kũ ò, kwey gbĩ tyi ò, nsò tyi ò, sépi ànê ápi pólle, yépi tyí ye. ²³ Nte yépi mɛ Krista tyí yõ, Krista wɔ mó mɛ Liyel tyí yõ.

4

Pole ànê Korēnti tãn wró tyile

¹ Yé yĩne yé pĩ nɛ Krista tɔnpɪbɪ-á ápile, ànê tyi nónó-á lésò wɔbìnsàhnóle, Liyel-á séle ápi gbò dahbɪ, á kɔ á syi n yo. ² Nte tyi-à dahbɪ nê gbò, kè n nɛ n mɛ yáhnkònɔle tě tyí nɛ à nɛ n mɛ tómm sé pínó sɔkɔ. ³ Nmɔ tě wɔ tyí, yépi képah náh pi tukey tükèpu-à kɪ sɔ lékàh, képah náh pi lénòle nne n kɔ sɔ, képah náh mɛ tir yóle nmɔ yah. Nmɔ tě wɔ náh mɛ lékàh, képah náh pi lénòle n gblɔyne n kɔ. ⁴ Tòtò náh mɛ nmɔ nɪ sɔkɔ pólle nɛ máh tyípekè pi. Nte képah náh n wěkɪ nɛ lékàh ké névi-á nne tě wɔle. Tě ngbě ó ye kɪ fě lékàh, képah náh pi lénòle nmɔ kɔ. ⁵ Képah ye, yé káh nmɔ dyàh tě lékàhle névyɛle n kɔ ké gbí nó-ńkě sɔkɔ. Yé n pónó syɪkɪ. Nmɔ kɪ pɔ sètĩn sò tyi wilki mɔ kwèyy, té kɪ névyɛ fɔkɔ sònɔ wilki mɔ kégbó. Képah sɔkɔ, yõ yõnó nê-à yĩne nêne, tě kɪ kè wɛ Liyel tyí.

⁶ N yũnpyé, yépi yĩn ye mé Apɔlɔsɪ ànê n gblɔy pi dùkù tɔkɔ à yé wěkɪ, nê-á kɪ yé kɔ yé kɪ pĩ nɛ tyi nónó-á wárkɪ, nnĩ yó ntě náh yĩne à nɛ n pi n kah n mɔ sépi yõ. Képah sɔkɔ, nnĩ yó ntě náh n gblɔy gbílkínó sɔkɔ, nnĩ yó tɔkɔ fónfó pi n kal n pi n ní-òle. ⁷ Kwáh nê kɪ n kɔ á kɪ kal no télóle? Kwáh nê tě mɛ á tyí, né Liyel náh n kɔ kéle? Nte kɔnó à kéle à, sɔ pi té á á gblɔyne n gbilki á kɪ nɛ Liyel kósyĩ n kɔ kéle? ⁸ Yĩ nónó pól-á yé n yah n kɔ, yé ye núkú sè wɛ te yé yo kè? Yé pi te tahbɪle yé yo kè? Yòtòrí ye núkú yé mɛ n pi ápi kěne yé yo kè? Yáh nàhkɪ sò mɛ wɛ pi yòtàmne ápi tɔ náh kɪ mɛ yòtòrí sɔkɔ yéle. ⁹ Nkě kè mɛ nmɔ tě tyí, á kɪ nɛ Liyel sɔ ápi Yesu těntò névyɛ pi no pól náh névyɛle. A pi névyɛ sɔ nónó-á kɪ pɔ n ko n mɔ n pi. Káh pi sě, á pi syáh syah yíle kèkòyó pól tyí, yĩnyõ tɔnpɪbɪ tɔkɔ dohnɪ névyɛ yõ. ¹⁰ Ápi pi nɛwànnɛ Krista yĩnne, té yépi mɛ pi yĩ pĩpúle Krista sɔkɔ yé yo kè? Ápi pi tɛnkwlɔpule, té yépi mɛ pi tɛnwɛpule yé yo kè? Ápi

* **3:19** 3.19 - Yah n te Nsyɔbɪ 5.13. † **3:20** 3.20 - Yah n te Gbálnó 94.11.

με yilónóle n we, té yòyén me n sah yépi yõ yé yo kè? ¹¹ Yé náh we di, fós à pò syi núkúnúkú mè rítě tyí, kwekɪ ànê níkì me ále n kwlo. Mò mò flo náh me á tyí. Á me kole n syi, té tẽ-nsah náh me á tyí. ¹² Á me tôle n pi kétãhkìyô á gbãñne, à á yõ yõ tẽne n we. Pàh ále n gbyo, ã sãmne n mò pé soko. Pàh ále n fõh, ã kè fẽ n syi. ¹³ Pàh á tyíle n yo n ko, ã wènpèplòle n wekɪ pé tyí. Á me pi tẽ kèkõyó yésyî ànê ké yítúkúnìne névyé tyí, pópó à pò syi núkúnúkú mè tyí yò.

¹⁴ Nte mé náh me tyi nópìle n wãrkɪ n tekɪ n mò yé tyí ne mé senné yé tẽ dé, gbáhdyáh ye mé n di n sah kéle yé tyí, yépi nóno tyí-á nò yíí n tyí á kɪ ne n wènpì sò. ¹⁵ Yé yah, Nìvìnì tir yónó gbò yõ soko ye yé pi nmo wènpìle à sè Yesu Krista yõ. Képah ye, nmo me n mò kò á kɪ ne yé sú sò. Nóno-á me yéle n kwò Yesu Krista tyile, pàh sò me nò népì kèyò kwólòle ò (10 000), yé pì ne sú núkú tẽ ó-á yé tyí. ¹⁶ Képah ye, mé kéle n yah n kò yé tyí ne, yé nmo pi dukùle n yah n pi. ¹⁷ Képah yìn ye tõ mé Timotele n tekɪ mò yé tyí, nê-á me n pídí sò. N tyí nò yíí n tyí. Tẽ ñgbẽ wèkì kó-ò pèpey ye ñne. Nmo ye kɪ pò yé dyole n to n kò máh me Krista wèkìle n kò dukù nêne, sò-á mé kéle Yesu yõ sèpú tìnkìnó pólle n yah n kwò n kò tàntàn pól soko.

¹⁸ Nte yé tókù me n sò ne mé náh n syi n pò n pi yé tìnne, té me yuku pé gblòyne n yõ n sah. ¹⁹⁻²⁰ Nte kàh kɪ nò Tẽ ñgbẽ tyí, mé kɪ n syi pò yé tìnne núkúnúkú. Wèngbìl wékìnó náh n wèkɪ ne Liyel tórì névi-á ále, Liyel tãhkì nê-á á soko, képah ye n wèkɪ kéle. Képah ye, máh pò pò, kè náh n yìn n pi gblòy gbílkípú wèngbìl nóhnó-ó tyí dé, tènwenò-à kɪ me pé tyí, mé kɪ kè pì. ²¹ Máh kɪ kènpyãhñí tóko pò yé tyí, képah náh pi máh kɪ pò yárr yé tyí tyínòno soko, nê tẽ me yé n yah n kò?

5

Pí-ńkê tyi nóno-á sò Yesu yõ sèpú tókù me n pi

¹ Kè me n nohnɪ ywõ ywõ pól soko ne níkê, pròprò pínó-á me yé wró soko. Pròprò pínó yó nítě-á me yé wró soko, nê-á Yesu yõ sè-ńkèpú nítě náh fẽ syi sènkò pi n pi. Pè ne yé soko yó nítě-á me n sú kyɪ tóko. ² Té sépinó pól soko, yé tõ me yé gblòyne n yõ n sah n kò kè? Kè pyè sò yĩne kè pi yíí yèkwòrɪle yé tyí, yé kò yè kéne tẽ yìni n wilki yé wró. ³ Nmo tẽ wò náh me yéle fí núkú soko. Nte mé me yéle sòno soko. Képah ye, nmo tẽ wò lékàhle yí mè pí-ò kò te, á kɪ ne mé sò me yé wró soko. ⁴⁻⁵ Yáh pò wè take mò, nmo tó kɪ me yéle sòno soko. Sènkò névi tẽne, yé Yesu Krista yìn ànê n tènwenòle à wilki yé wró, yè n gbàh de n mò sétàn yòtẽ kò. Kàh tẽne n kwlo, à kɪ pí-ńkê tyi pínó yal mò n min kò kè kɪ we pwah, Tẽ ñgbẽ Yesu syi n pò sòle.

⁶ Yé gblòy gbílkínó mè yah náh. Yé se yó pì ne, kókónó kwéy ó-á n doko mífáhkì pólle té.* ⁷ Yé kéne tyípékè wilki n to yé wró, képah nê-á me n tõ n mò kókónó tyí kòle. Képah soko, yé kɪ me wásáá kókónó kân búrn tyí kòle. Krista lésò fẽ syi pè kò pè à ko mò Nsyifunò yõri tyénó syáh kèpó tyí kòle ápi tyípèl wu n to yìnne á tyí. Kàh pi sè, yé me wásáá kókónó kân búrn tyí kòle. ⁸ Yé ye à tyípèl duke pól wilki n to á min soko, à mó ne n

* **5:6** 5.6 - Kókónó kwéy mífáhkì pól dókónó nê tyí-á n yo ásò soko yò, képah dukù ye Wìn n ne n yo pé sèmirkì yó soko ne, yúkúnkáh núkú-á n pò yo pólle.

με yályál néglólé kókónó kãn búrn tyí kōle, nê-á pè n ne n tah Nsyifuno yōri tyénó syáh soko.†

⁹ Máh lésō sébéy nê wārki tekı mo yé tyí, mé lésō yo ké soko ne yé káh ne n pi n soh prònpıbıle. ¹⁰ Nte kèkōyó névyé tyí soko náh lésō rıne dé. Kèkōyó mè prònpıbı, képah náh pi ké yısesúkú névyé, ànê ké yıpú, képah náh pi, ké sãh fálpú tyí soko-à sò rıne, yé náh nãhkı sò fẽ n wũ n pi kèkōyó mè soko dò. ¹¹ Nte sẽ náh dé. Mé ne névi nê-à n gblōyne n ye Yesu yō sẽ-òle, té me pròpròle n pi, képah náh pi, yısesúkúle n pi, képah náh pi, sãhle n fal, képah náh pi, névyé tyıle n yo n ko, képah náh pi, sètēnıne n pi, képah náh pi, me yıbele n yı, yé káh ne n pi n soh sēnkō neyne pólle. Yé káh yōke nıtēne n yō wẽ tyí tēne. ¹²⁻¹³ Té Yesu yō sẽ-ńkēpú tükénó tẽ wole, nımo tō náh képahle. Liyel ye kı tuke péle. Nte kè me wārkinsàhnóle Liyel wey sébéy soko ne rıké: «Yé népékè yıni n wilki yé wró.»‡ Káh yo sẽ à, yé náh yé tınkı névyé tuke n pi di?

6

Yesu yō sēpú pındenole wẽ tyí

¹ Kwáh nê pi té tir-à de yépi Yesu yō sēpú soko yó ànê n ní-ò wró, yé yé tınkı névyé sah, n té kè toko n kyı ne n tuke Yesu yō sẽ-ńkēpú tyí? ² Yé náh pı ne rıké, Yesu yō sēpú-á kı pò kèkōyó névyé tuke n pi di? Nte yépi-à me pò n tuke n pi kèkōyó névyéle, tyıpı wò se yé kı tẽ tuke kwlo? ³ Yé náh pı ne rıké, áyáh kı yınyō tònpiıbı nıtē tuke n pi di? Té kèkōyó mè tyi wole pyé á kı pò tuke kwlo nı? ⁴ Nte sēnkō tir-à we yé wró soko, névi nê-á Yesu yō sēpú náh me nne n mo n kō, yé n pyé n kyı nımo toko n pò ne, à pò kè tuke nı? ⁵ Sen ye kéle yé tyí dé. Yépi tẽ wró soko, lékãm névi yó nıtē náh núkú me, nê-á kı fẽ yé wró tyi yah wah lé? ⁶ Tir se yıne kè we yé soko yó ànê n ní-ò wró, kè syı n pò n yıni n tẽ tukey tükè-nsah soko, fóó Yesu yō sẽ-ńkēpú nıtē to pò pi ké tükèpule?

⁷ Nte yáh fyò me wẽ tēne n ye n tuke n pò, képah yé tēnkwlōnō wēkı te dò. Kwáh nê pi té pãh tyíkēkı pi yé tyí, ànê pãh yé gbãh yı yı toko, yé n tẽ yé nno tẽ n kwlo? ⁸ Té yépi ye mó tō n pi kēne tyıknēnı ànê yıbe tyıle yé yınpyé Yesu yō sēpú tyí. ⁹ Yé náh pı ne tyıknēnı pıpú náh n de n pi Liyel tōrı soko di? Yé káh yé gblōy tō mo ló. Prònpıbı, ànê sãh fálpú, ànê fòfınpıbı, ànê díbí wẽ tókópú, ¹⁰ ànê yēnwóbé, ànê yısesúkú névyé, ànê sètēnı pıpú, ànê névyé tyí yónkòpu, ànê névyé yō syıkıpúle, pépi soko yó nıtē náh n de n pi Liyel tōrı soko. ¹¹ Té yé yah, sēnkno névyé ye sò yé tükùle ñgbòle. Nte Tẽ ñgbẽ Yesu Krista ànê Liyel Mirki gbò yō soko, yé pi yályál. Yé me wılkinsàhnóle Liyel tyí yō. Yé pi néglólé Liyel yah soko.

Yesu yō sẽ-ò gbēnsê-á pi Liyel tyıle òkù nēne

¹² Kè me yónóle ne rıké: «Tyi pól pınó gbãh me dénmonole nımo tyí.» Nte yōre náh n we sé tükù soko. «Tyi pól pınó gbãh me dénmonole nımo tyí.» Nte nımo náh n pi n pi sé soko yó nıtē yōle ló. ¹³ Kè tō me yónóle ne rıké: «Yōke me kèkürkı yıne, kèkürkı to mó me yōke yıne.» Nte Liyel kı pò sé nınó pól tyí yıki n pi. Nte névi wil gbēnsê tẽ wò náh mo pròprò pi yıne

† **5:8** 5.8 - Nsyifuno yōri tyénó syáh-à sò de n te, Nsyifuno pé gbèn kókónó dyı pól kwe, n té n tyah kókónó kãne n yō. Pẽ képah tēne n pi sẽ, n kè wēkı ne, tyıpèl nóno pól-á sò pé pi, pãh sè milki.

‡ **5:12-13** 5.12-13 - Yah n te Tōnyono 17.7.

dé, Tě ñgbě tyí yõ ye kè mɔ. Tě ñgbě tɔ ye mó n yah ké yõ. ¹⁴ Liyel ye yilki mɔ Tě ñgbě Yesu lékóle. A kɪ ápi tɔ lékyî yilki n mɔ n pi ñ tɛnwɛnɔ gbò yõ. ¹⁵ Yé se yó pĩ nɛ, yé wil gběnsênóle, Krista wil tãntãnnó-á té. Mé pi sɔ mèn n pɔ Krista wil fĩ yó tɔkɔ n pɔ n kwɔ n mɔ prònpɪ wille? Pólle, mé náh képah pi n yah n pi. ¹⁶ Yé se yó pĩ nɛ, névi nê-à sɛ prònpɪle, pé ními-á kwɔ mɔ pi wil gběnsê núkúle té. Kè mɛ yónó ntɛne Liyel wey sébey sɔko nɛ ñkě, pé ními-á kwɔ mɔ pi wil gběnsê núkúle.* ¹⁷ Nte névi nê tɛ wɔ-à ñ gblɔyne Tě ñgbě Yesu kɔ, tɛ sɔnɔ vi n mɔ n pi núkúle Tě ñgbě Yesu tyíle. ¹⁸ Yé yé náh vi pròprò pínó kɔ. Tyípèl téló nónó-á névi n nɛ n pi, tɛ wil gběnsê vyãh náh n we sé sɔko. Nte pròprò pínó tɛ wɔle, ñ tɛ mɛ n pi n de ñ wil gběnsê tyí. ¹⁹⁻²⁰ Yé se yó pĩ nɛ, yé wil gběnsê-á Liyel Mirki mé-ńsahle té. Liyel ye yé kɔ ñ Mirkile, nê-á déntɛnóle yé sɔko. Tě ñgbě ye yé dwe dántãhle. Kãh pi sɛ, yé tyí náh yé gblɔyne dò. Képah ye, yé yé wil gběnsê pi ñ gbilki gbilki kwãhle.

7

Fúr tyi òkù yónóle

¹ Yáh tyi nónó piki yah í tyí yé sébey sɔko, sépi yah ye mé kɪ yo yé syah núkúnúkú yò. Yé nɛ ñkě* kãh sò fónfó dí tɛ sê tókó-ńkɛne. ² Nte pròprò pínó yah kɔ yĩnne, kè ye fónfó dí mèn dí mèn, à sê tɔkɔ, ànê sê mèn sê mèn, ñ tɔ mó de pɛ tyí. ³ Dí-á yĩne nê pínóle ñ kyɪ tyí tɔ sɔko, à kéle n pi ñ tyí. Sê tɔ-á yĩne nê pínóle ñ pɛ tyí tɔ sɔko, ñ tɔ kéle n pi ñ tyí. ⁴ Sê tyí yõ náh ñ wil gběnsêle dé. Ñ pɛ tyí yõ ye kéle. Dí tɔ tyí yõ náh ñ wil gběnsêle dé. Ñ kyɪ tyí yõ ye kéle. ⁵ Yé káh pèkì kãm wɛne, né kè náh pi yé ními yãhntɔkɔnɔle níri yó we n pi yĩnne wró kwéy yó ó sɔko. Nte képah-à sɔko tɛ, yé yé syɪ pèkì kwɔ mɔ. Képah-à pí-ńkɛne, yé kɪ pɔ n syah n tɛ n kwɔ, sétãn yòtɛ kɔ à kɪ syɔ-ńsah we kɪ yé wilki mɔ. ⁶ Nte ñmɔ-á nê yo yé tyí yò, kyĩnmonɔ náh dé, syɔ-ńsah yó wɛkì ye mé yé kɔ. ⁷ Kàh ñmɔ tɛ ó sɔ, mé sò mɛ ké tyí nɛ no pól nɛ mɛ lédyónine ñmɔ tyí kɔle. Nte Liyel ye no pól mɔ ànê pé tɛnwɛ-ńtãne. A tir yó pínó tɛnwɛnɔle ñnì kɔ, ñte kèyãh pínó tɛnwɛnɔle ñ ní-ò kɔ.

⁸ Nte nê-á mé kɪ yo lédyóni ànê pékúsyɔ tyí, képah ye yò. Pãh tɛ lédyónine ñmɔ tyí kɔle, képah kɪ plɛ. ⁹ Nte pãh kɪ pĩ nɛ pé náh fɛ pé gblɔy tɛ n pi, pé fúr pi. Fúr pínó ye fónfó kal, ñ tɛ lédóri kɔ kè nɛ n ko.

¹⁰ Té nónó-á fúr pi tɛ, máh kɪ nê kɔ n sah pé kɔ n pi, ñmɔ náh n kɔ n sah kéle pé tyí dé. Tě ñgbě ye n kɔ n sah kéle pé tyí nɛ ñkě, sê náh yĩne à yal ñ pɛ tyí. ¹¹ Wãh se mó yal ñ pɛ tyí, à náh tɔ yĩne à de pɛ káhkí yó tyí, à yĩne à ñ syɪ yuku ñ pɛ tyí, pé kyɪ pé wró tɔ n sah. Nte dí tɔ káh mó ñ kyɪ wilki.

¹² Nte nê-á mé n yo no téló tɛ wɔ tyí yò, Tě ñgbě náh n yo képahle dé. Ñmɔ ye n yo kéle nɛ ñkě, Yesu yõ sɛ-ò dí yó tyí sê-à mɛ nê náh pi Yesu yõ sɛ-òle, té kɛne pi mɛ ké tyí nɛ pé tɛ ñ tyí, à káh à wilki. ¹³ Yesu yõ sɛ-ò sé yó tɔ tyí pɛ-à mɛ nê náh pi Yesu yõ sɛ-òle, té kɛne dí mɛ ké tyí nɛ pé tɛ ñne wɛ tyí, à káh yal ñ tyí. ¹⁴ Yé náh we di, Yesu yõ sɛ-ò pi mèn gbò yõ sɔko ye ñ pɛ kɪ mɛ yúkey Liyelle, ànê Yesu yõ sɛ-ò dí mèn tɔ gbò yõ sɔko ye ñ kyɪ

* **6:16** 6.16 - Yah n tɛ Yɛnɛst 2.24. * **7:1** 7.1 - Túkù sɔnɔ sɔko, Pole ye yo wey mènɛ nɛ ñkě, kãh sò fónfó dí tɛ sê tókó-ńkɛne.

kɪ me yúkey Liyelle. Nkě kàh pí-ńkēne sě, pé wěnpì kɪ me á kɪ ne pé wró sǒ do Liyelle. Nte kègbɪ tě yǒ sɔkɔ, pè ye me yúkey Liyelle. ¹⁵ Nte kàh me pɪ Yesu yǒ sě-ńkē ney tě wɔ ne páh pé ní-ò Yesu yǒ sě-òle n yahle, yé ye à kǒ à kè pɪ. Kàh pɪ sě, ò ní-ò Yesu yǒ sě-ò nê-á pe képah náh pɪ kyɪle, ñmɔ kɪ we wũ ò gblǒy yǒ sɔkɔ. Yèvinɪ sɔkɔ tě yĩn ye Liyel ye ále dò. ¹⁶ Nkě à, áwɔ nê-á kyɪle, á se sě ké yǒ ne wáh kɪ tě we á pe min pwah mɔ? Tĩ, áwɔ nê-á pele, á se sě ké yǒ ne, wáh kɪ tě we á kyɪ min pwah mɔ?

Swɔ nê sɔkɔ-á lésò ále té Liyel ò ye pɔ ò gblǒy tyí, tě képah ó sɔkɔ

¹⁷ Nte sépi pól sɔkɔ, Tě ñgbě Liyel-à nê sah swɔ nê sɔkɔ, kè yĩne kè yĩne tě tyí. Nê-à sǒ me swɔ nê sɔkɔ té Liyel à ye pɔ ò gblǒy tyí, à yĩne à ne n pɪ à yĩne képahle. Kéne pɪ òkù ye mé me n yo Yesu yǒ sěpú ònkínó pól tyí. ¹⁸ Névi nê-à sǒ me kǒnóle té Liyel à ye, tě tě kǒnóle. Nê tɔ-à sǒ me kǒ-ńkēne té Liyel à ye, tě tɔ káh ne páh kǒkèle n kǒ. ¹⁹ Á kǒ ò, á náh kǒ ò, yǒ náh me képah tyí. Yǒ-á me nê tyí, képah ye Liyel tyi kǒnsàhnó wǎl kólóle. ²⁰ Nê-à sǒ me swɔ nê sɔkɔ té Liyel à ye pɔ ò gblǒy tyí, tě yĩne à tě képah sɔkɔ. ²¹ Wáh sǒ me yǒle té à ò ye, káh n ye kè ále n yo. Nte gblǒy yǒ wéntěno yòbènrɪ-à mó wil mɔ á yǒ, káh n ye kè n kal. ²² Yé náh we di, névi nê-à sǒ me yǒle té Tě ñgbě à ye, ò tyípèl yǒrɪ n tyɛ. Yé náh we tole à, névi nê-à sǒ me ò gblǒy yǒ té Tě ñgbě à ye, à n pɪ Krista yǒle. ²³ Tě ñgbě yé dwe wilki yǒrɪ sɔkɔ dántáhle. Képah ye, yé káh rítǒ n pɪ ònî yó rítě yǒle gbógbó. ²⁴ Nte ní yúnpyé, yáh lésò me swɔ nê sɔkɔ té Liyel yé ye pɔ ò gblǒy tyí, yé yĩne yè tě képah ó sɔkɔ.

Fúr-á n pɔ n pɔ tyi nónónɛ

²⁵ Névyɛ nónó-á pé náh tǒnì fúr pɪ, Tě ñgbě náh tir yó yo ní tyí pé tyí sɔkɔ. Nte Tě ñgbě pèpɔrɪ gbò yǒ, mé pɪ névi yóle nê-á yé kɪ fě sě ní yǒ. Képah ye, mé kɪ ní yěngbě sǒno yo yé tyí fúr tyí sɔkɔ. ²⁶ Tyi-á me tě tah sǒ kwey gbì mè sɔkɔ, ñmɔ sǒno sɔkɔ, yé nénúkù núkú pól-à tě sǒ-á yéle, képah kɪ nekɪ kal yéle. ²⁷ Wáh kɪ me sê tokɔ tɛ, káh à fin n mɔ. Wáh kɪ se mó tǒnì me sê tókó-ńkēne, sê tókó-ńkē fǒnfǒ. ²⁸ Dí-à sê tokɔ, képah náh pɪ sēnpir-à de pe tyí, tyípékè tě wɔ náh pé pɪ dé. Nte nê tě wɔ-á me ké sɔkɔ, ké pípú kɪ kwlónóle n we. Képah yah ye mé me ké tyí ne mé n kǒ yé tyí.

²⁹ Ní yúnpyé, mé kéle n yo yé tyí, tyah me n tyah sókóntenɔle. Képah ye, à tokɔ núkúnúkú tyí, sê-à me nê tyí, tě ne n me á kɪ ne, sê kósyì me ò tyí. ³⁰ Nê-à me gbní sɔkɔ, tě ne n me á kɪ ne à kósyì me gbní sɔkɔ. Nê-à me nìvìnì sɔkɔ, tě ne n me á kɪ ne à kósyì me nìvìnì sɔkɔ. Nê-à me yídwenène n dwe, tě ne n me á kɪ ne ò tyí kósyì yídwenè nópilɛ. ³¹ Nê-à me kèkǒyó mè nɔlɪle n yǒ, tě ne n me á kɪ ne à kósyì me ké nɔlɪle n yǒ. Wáh n yah yò, kèkǒyó mè náh tǒ n mo n pi ló.

³² Mé me ké tyí ne yé fókósǒno káh kwel. Névi nê-à sê tókó-ńkēne, tě ò fókole n sǒ Tě ñgbě tǎn tyí sɔkɔ. Á n ne n me Tě ñgbě nìvìnì pí-ńsahle n yah n kǒ. ³³ Nte sê-à me névi nê tyí, tě ò fókole n sǒ kèkǒyó tyi yǒ. Á n ne n me ò kyɪ nìvìnì pí-ńsahle n yah n kǒ. ³⁴ Kàh pɪ sě, ò nɪ n ne n me n yil n kǒ yey nínine. Tě sēnpir, képah náh pɪ sê nê-à dé-ńkēne pe tyí, Tě ñgbě tǎn yah syi tě tyí. Tě ò gblǒy kǒ n dal n mɔ Tě ñgbě tǎn pínó sɔkɔ. Nte sê pètě tě wɔle, kèkǒyó tyi yah syi òmɔ tyí. Á n ne n me ò pe nìvìnì pí-ńsahle n yah n kǒ. ³⁵ Mé náh tyi nópɪ yo yé tyí yé fikéntěno yĩnne dé, yé yohnɪ n

mɔ yĩn ye mé n yo séle yé tyí. Képah ye, nê-á pèpeyne, mé me ké tyí ne yé képahle n pi, képah nê-á Tě ñgbě ó tãn yah wúnóle. ³⁶ Kètēnpìkì nê-á pĩ ne pé ségbíní dékè-á me péle n ko,† té páh kɪ n to n kō, páh kɪ n syah n pi n de ñ tyí, té tyi-á yĩne sè ko sé wàl yō, tẽ à fur ñ dyo ó. Tyípékè náh kéle. ³⁷ Nte kètēnpìkì nê-á kè yah tɔko ñ nɪ sɔko ney fyàh-ñkēne ñ yō, té ne páh kɪ fẽ tẽ pé gblɔy tyí lédórí náh fẽ pé fwo pèkì kō kè n we n pi pé wró pé ségbíníne, tẽ pi ple. ³⁸ Képah ye, nê-á ñ ségbíní fur, tẽ pi ple. Té nê-á ñ ségbíní fúr-ñkēne, tẽ wo pi ple kal.

³⁹ Sê pe-à fyò me min sɔko, à yĩne à ne n me ñmɔ ó tyí. Nte ñ pe-à po yah kwɔ, à kɪ fẽ de pe yó tyí nê tyí-á nɔ ñ tyí, tẽ-à fyò me Yesu yō sě-òle. ⁴⁰ Nte ñmɔ tẽ ó sɔnɔ sɔko, wàh wũ dé-ñkēne pe tyí, képah ñivìni kɪ kal ñ tyí. Nmɔ fókósɔnɔ ye mé yo yé tyí yō. Nte ñmɔ sɔnɔ sɔko, Liyel Mirki me ñ sɔko.

8

Sãh fálnó kò tyí yónóle

¹ Á ye á fɔko mɔ n yah núkúnúkú à yuku sãh fálnó kyo tyí tĩnne. Gbɪ tẽ wo ye yé yo ne á pól-á me tyile n pne ó. Té kéne tyi pnèno wo ye mó tō n mɔ névile gblɔy gbilkínó sɔko. Nte tyínɔnɔ wo yah yúkúnóle névile n kō. ² Névi nê-á me n sō ne páh tyile n pne, tẽ náh tōni me kwàh yóle n pne wàh sō yĩne à sè pĩ sō. ³ Nte Liyel tyí-à nɔ névi nê tyí, Liyel tēne n pne.

⁴ Nte à yuku sãh fálnó kò kònó tẽ tyí tĩnne, á se yĩne à séle n ko? Á pĩ ne fal fal tōle, kwàh yó náh kéle kèkōyó sɔko, Liyel núkú ó-á me. ⁵ Gbɪ tẽ wo ye, yiyin náhnáh me yinyō ànê sétáh yō, nónó-á tókù me séle n tɔko n pi pé liyelnole. Nte liyelno ànê tãm náhnáh-à sō me pé tyí, ⁶ ápi tẽ wo tyí, Liyel núkú ó ye me, ñmɔ nê-á á Súle. Nmɔ ye mɔ yiyin pólle, ápi me ñmɔ tyí yō. Sě ó ye, Tě ñgbě núkú ó tɔ ye me, nê-á Yesu Kristale. Nmɔ gbò yō sɔko ye yiyin pól me, ànê ápi tɔle min sɔko.

⁷ Nte fal fal tãnne, Yesu yō sěpú tókù náh pĩ ne kwàh yó náh séle. Pé tókù lésò dar kah mɔ sãh fálnó tyile. Té pépi sɔko nónó tẽ Yesu yō sěno-à fyò yúkú-ñkēne yahle, pàh sãh fálnó kòle n ko, pè n ne n sō n kyɪ n po sãh fálnó tyí sɔko. Kàh pi sě, pè n ne n sō ne tyípékè-á pé n pi kò mè kònóle.

⁸ Yòke náh ápi nɔ n de n pi Liyelle dò. Ké yó-ñkē náh kwàh yó wilki n pi á sɔko, ké yónó tɔ náh se mó tō kwàh yó dohnɪ n pi á yō. ⁹ Sé kònó gbàh sénsò me dénmɔnɔle yé tyí ó, ñte yé kyòmìnóle n pi, képah káh po tókùle n syikɪ n mɔ, nónó Yesu yō sěno náh me yuku yahle. ¹⁰ Sō-á áwo nê-á tyile n pne, ñnì yó-à ntyínɔ kyɪ ñ we tō wòkò sɔko á me yòkele n yō, té tẽ Yesu yō sěno náh me yuku yahle, sō me kè kɪ pi? Kè náh sóré mɔ n pi tẽ sɔko, à kō à sãh fálnó kòle n ko n pi di? ¹¹ Kàh pi sě à, ñmɔ nê-á ñ Yesu yō sěno náh me yuku yahle, ñ min náh n mɔ n pu n pi áwo tyi pnèno gbò yō sɔko di? Té á yúnpi ye mó tō ñne, ñmɔ nê tɔ yĩn-á Yesu Krista ku. ¹² Yàh n pi n de yé yúnpyé tyí sěntēne à pé sɔnɔle n yikɪ pé tyi yah wé-ñkē yĩnne, Yesu

† 7:36 7.36-38 - Wró mè sɔko, névye sɔnɔ me sé tyí tyíle. Tókù ne Pole-á ne ñkē, nê-á pĩ ne ñkē pé pisè pe tyí dé-ñkē yah náh, té à syi po n dye, té wàh yĩne à de pe tyí, tẽ ñne pe kō à yĩne ñ dyo dyo tēne. Tyípékè náh kéle. Nte nê-á kè yah tɔko ñ nɪ sɔko ney fyàh-ñkēne ñ yō, ne ñkē páh kɪ fẽ pé pisè tẽ sah à náh n de n pi pe tyí, tyi vi sɔko-á tēne. Képah-á, nê-á ñ pisèle pe kō, tẽ-á pi ple, té nê-á se ñ pisèle pe kō-ñkēne, tẽ-á pi ple yíí.

Krista tyí ye yé n pi n de dé. ¹³ Mâh ne yôke yó yô, té képah ní yúnpí yó yô yíki n mo n pi tyípékè pínó soko, mé kí kè we ye gbógbó. Képah soko, mé náh tẽ yô yíki n mo n pi tyípékè pínó soko.

9

Pole pi dùkùle

¹ N yúnpyé, gblöy yô névi náh ríne di? Yesu tẽntò névi náh ríne di? Mé náh Yesu we yíne, ñmo nê-á á Tẽ ñgbẽne di? Ñmo tò pínó gbò yô soko náh yé we sã Tẽ ñgbẽ yô di? ² Yáh fyò me Tẽ ñgbẽ Yesu yô sãnó soko, képah kéle n wẽki ne ñ tẽntò névi-á ríne. Képah ye, tókù-à sã ké pí-íkẽne ní tyí ne ñmo tẽntò névi-á ríne, yépi tẽ wo yíne yè kè pĩ. ³ Nónó-á me n tãko rímole n kô, máh ne nê yo n pi pé tyí, kè we yò: ⁴ Api náh yíne à á tãn pínó yôke yô à mó ké ni wo di? ⁵ Ké wẽkì náh me api tyí kí fẽ syó tãko Yesu yô sãpú soko, té áyâh n soko kóló soko, á fẽ n soko n pi péle, sã-á Yesu tẽntò névye téló kéle n pi, pépi nónó soko yó-á Pyerle, ànê sã-á Tẽ ñgbẽ Yesu yúnpyé kéle n pi di? ⁶ Tĩ, ñmo ànê Barnabasí ó kókó se yíne à tãn káhkínole n pi nítò à á gblöy vyãhle n yah? ⁷ Yé se kè we noh yah ne, ñnî yó-á me sràsyiyále n pi, té me yin ñ gblöy yínnóle? Tĩ, séswô só-ò náh yíne ké pye yónóle di? Tĩ, nê tẽ wo kí yípêyne n fẽ, té à náh sé yẽníkì wo n pi?

⁸ Yé káh n we ne kégbó mè tyi pi dùkù ó-á mé yah té séle n yo dé. Kè tã me sãntẽ nítẽne tótó Liyel tyi kònsàhnó soko. ⁹ Kéne tyi kònsàhnó nê-á Liyel Moyisi kô, kè me wárkínsàhnóle ké soko ne ñkẽ, nyeh-à me swãh tónó soko á tyí gbí nêne, á káh sé vyëy pukubi á sèmuko yónóle.* Yé se we ne nyeh yãm-á tẽ Liyelle à kô à képah yo? ¹⁰ Api yin náh à yo kéle di? Awe, api yin ye à yo kéle. Yé náh we à, api yin ye tyi nópíle wárkínsàhnóle nítò ne ñkẽ, sètò-à swãhle n wo, ñ sònó n ne n me ñ we we tẽ yô. Táh mí-ò tã-à mó táhle n mi, ñ sònó n ne me ñ we we tẽ yô. ¹¹ Api-á pã Liyel wey yo yé tyí, ñ tyí kô kè we de yé nno soko à; áyâh sò me yé gbãñ yíle á gblöyne n pu, kè se yíne kè yé gbãñ du? ¹² Ké yah-à kí nê fyò névye tókù me sãnknole n pi yé tyí à, api wo se pyé? Té képah fyé yô, api náh kwâh yó nítẽ syi yé tyí. Nte api náh sò me ké tyí ne kè fẽkínó dahbi Nìvìnì tir yónó soko Yesu Krista tyí yô. Képah ye, á me tyi pól sro. ¹³ Té yé pĩ tãle ne ñkẽ, Liyel ní-nsah gbò tò pípúle, Liyel ní-nsah gbô-á n yah pé vyãhle. Sárká syínwìkìpu tã-á pé we we tẽne n we sárká yí soko. ¹⁴ Sã ó ye, Tẽ ñgbẽ kè yo ne ñkẽ, Nìvìnì tir yónó soko-á Nìvìnì tir yópú kí n yô.

¹⁵ Nte ñmo yôke yó nítẽ náh wil képah soko. Mé náh mó tã me tyi nópíle n wáarki n tekí n mo yé tyí ne mé yé kô séle dé. Máh kéle n pi nònóle, té me nìvìnì nêne n we ké soko, káh nê n tẽ n syi n pi ní tyí, mè n ku nítẽne. ¹⁶ Kè nò ní tyí ò, kè náh nò ní tyí ò, mé yíne mè yo óle Nìvìnì tir yo. Képah ye, ké yónó náh me yínyáhkì tirlé ñmo tyí. Té pèkè me ní yô, mâh yahle ké yónóle. ¹⁷ Ñmo-à sò me yah tãko tò mène, à ní gblöy mo ké pínó soko, mé náhki ké yôre we. Nte kònsàhnó ye Liyel kô sah ní kô kéle mé n pi. Képah ye, ní pi pi tò ó ye mé n pi. ¹⁸ Nte ñmo we we tẽ wo nêne wé? Nìvìnì nê-á me ní soko ní kô mé Nìvìnì tirlé n yo névye tyí nònóle kwâh yó yáhnkô-íkẽne ké soko, képah ye ní we we tẽne.

* 9:9 9.9 - Yah n te Tõnyono 25.4.

¹⁹ Nn̄t̄ yó nt̄ē yõ náh n̄ne dé, mé me n̄ gbl̄y yõ. Nte mé n̄ gbl̄y p̄i no pól yõle ne mé pé yõ vi n mo pé k̄õ pè p̄i Yesu yõ s̄p̄úle. ²⁰ Mâh me Nsyifuno s̄ok̄o, m̄ē n̄ minne n p̄i pé tyí k̄õle ne mé pé yõ vi n mo pé k̄õ pè p̄i Yesu yõ s̄p̄úle. Pépi nónó-á Moyisi tyi k̄õnsàhnó wâl kópúle, m̄ē n̄ minne n p̄i pé tyí k̄õle n̄ pé yõ we n vi n mo, té sé wâl kó-ò náh mó t̄õ n̄ne dé. ²¹ Mâh s̄õ me tyi k̄õnsàhnó wâl kó-ńk̄ēp̄ú s̄ok̄o ò, m̄ē n̄ ne n p̄i pé tyí k̄õle, n̄ pé náhnáh yõ we n vi n mo. Té képah náh n w̄ēk̄i ne, Liyel tyi k̄õnsàhnó wâl kó-ńk̄ē névi-á n̄ne dé. Mâh fyò me Krista tyi k̄õnsàhnó wâl t̄ēne n k̄o, képah n w̄ēk̄i ne, Liyel tyi k̄õnsàhnó wâl-á mé n k̄o. ²² Névyē nónó Yesu yõ s̄ēnó náh yuku yahle, mâh me pé s̄ok̄o, m̄ē n̄ minne n p̄i pé tyí k̄õle ne mé pé yõ vi n mo pé k̄õ pè p̄i Yesu yõ s̄p̄úle. Mâh s̄õ me nédúké nónó s̄ok̄o ò, m̄ē n̄ gbl̄y p̄i p̄i òk̄ùnó pólle pé ȳinne, ne mé pé t̄úkù yõ we n vi n mo pé k̄õ pè p̄i Yesu yõ s̄p̄úle. ²³ Mé me tyi n̄opi pólle n p̄i N̄iv̄n̄i tir yónó yah yuku ȳinne, ne p̄ep̄ori n̄ē-á me ké s̄ok̄o, n̄ vyāh we ké s̄ok̄o.

²⁴ Yé se p̄i ne ńk̄ē w̄ē k̄alnó tóló t̄ópú pól-á ńk̄ēne ne n me n to k̄éntáhk̄i s̄ok̄o, té pé n̄énúkù ó-á n we ké yõrele té? Yépi to ne n to t̄ē tyí k̄õle ké yõre we ȳinne. ²⁵ W̄ē k̄alnó tóló t̄ópú kwlónóno pól f̄ē n syi yõ ȳnó p̄o n we ȳinne, n̄ē-á k̄ē náh n mo n pi. Nte ápi kéle n p̄i yõ ȳnó p̄o n we ȳinne, n̄ē-á k̄i me k̄úmm. ²⁶ Képah ye n̄mo to me n to, té mé náh me n to n dah n mo dé. Mé me gb̄õnkukuri syí-ò yó s̄õ, n̄ē-á à náh n syi n dah n mo. ²⁷ N̄mo n̄ē-á Liyel weyne n yo no t̄éló tyí, mé me n̄ wil gb̄ēns̄ele n f̄õh n̄ gbl̄y t̄ēnó s̄ok̄o, ne mé k̄áh n p̄o n tek̄i yõ ȳnó s̄ok̄o.

10

Yisrayel no p̄i òk̄ùle gb̄ēnni s̄ok̄o

¹ N̄ ȳunpyé, n̄ē-á á s̄útóbé ȳini t̄ē Moyisi gb̄i s̄ok̄o, mé me ké tyí ne yé yé dyo sah ne n kwne kéle. Pé pól s̄õ me n k̄o n̄ȳirk̄i fob s̄õ, té de kah pne yónsyāh s̄ok̄o pé t̄õ. ² Pé pól de s̄ok̄o n̄ȳirk̄i fob s̄ok̄o àn̄ē pne yónsyāh s̄ok̄o w̄elnw̄ilk̄inó tyí k̄õle, à p̄i Moyisi s̄õ t̄ēp̄úle. ³ Pé pól yõke n̄úkù yõ w̄ē tyí, n̄ē-á wil Liyel tyí, ⁴ té me w̄o w̄o ni n̄úkù we w̄o, n̄ē-á wil Liyel tyí. Tédáhk̄i yó s̄ok̄o ni ye s̄õ kéle. Kéne tédáhk̄ile s̄õ, Krista ye n̄ē-á me n yuku péle. ⁵ Nte pé kan náh s̄õ p̄i négl̄óle Liyel yah.* K̄áh p̄i s̄ē, pè ku kwe gb̄ēnni s̄ok̄o. ⁶ Kéne tyi ye p̄i, à ápi ȳi ȳk̄i, n̄ē-á k̄i á k̄õ á ȳi náh t̄õ n wil n pi tyítúkùn̄i p̄inó tyí pépi tyí k̄õle. ⁷ Yé k̄áh p̄i s̄āh f̄álp̄úle pépi t̄úkù tyí k̄õle, pépi nónó tyí-á yónóle Liyel wey sébéy s̄ok̄o ne ńk̄ē: «T̄ówú ye k̄õ t̄ē à n yõ, té n w̄o, képah náh té yuku à syáhle n syah.»† ⁸ Á ye k̄áh á gbl̄y p̄i pr̄õnp̄ib̄ile, s̄õ-á lésõ pé t̄úkù kéle n p̄i, té n̄ép̄i k̄eyõ gb̄õnúkù kyegb̄ām (23 000) me ku pé s̄ok̄o gb̄iȳik̄i n̄úkùle.‡ ⁹ Á ye k̄áh T̄ē ñgb̄ēne n mo n yah, s̄õ-á lésõ pé t̄úkù p̄i kéle, té vyeh me pè kwāk̄i ko.§ ¹⁰ Yé k̄áh Liyel s̄eyòk̄ele n yo s̄õ-á lésõ pé t̄úkù kéle n p̄i, té ȳinyõ t̄õnp̄i n̄ē-á n̄ékók̄ele n mo, ñmo me p̄o pé duku to.*

¹¹ Tyi n̄opi ye pè ȳini t̄ē, à névyē ȳi ȳk̄i. Ápi nónó-á me k̄ek̄ȳó tyénteno gb̄i me s̄ok̄o yò, ápi ȳin ye pè tyi n̄opi w̄ark̄i, à gb̄áhd̄yāh di sah á tyí.

* **10:5** 10.5 - Yah n te Yáhnó 14.22-24 ; 28-38. † **10:7** 10.7 - Syáh n̄ē tyí-á n yo ásô s̄ok̄o yò, pé t̄õ yah s̄ok̄o ye s̄õ pè syah syáh m̄ēne. Yah n te Yáhnó 32.1-6. ‡ **10:8** 10.8 - Yah n te Yáhnó 25.1-9. § **10:9** 10.9 - Yah n te Yáhnó 21.4-7. * **10:10** 10.10 - Yah n te Yáhnó 16 ; 17.

12 Képah ye, nê-à me n sô ne páh me we su yĩn palle, tẽ kyòmìnóle n pi, à káh pɔ yõ sykɪ. 13 Tõnmɔnɔ nónó-á yé yĩni tẽ yah, sɛnkno ye n nɔ névi yòtàhsyile. Nte Liyel n kɔ n tyíyónó sò. A náh n ye tõnmɔnɔ yó nítẽ kɔ kè kán pi n pi yéle. Té tõnmɔnɔ-à yé we, à kɪ tɛnwɛnɔle yé kɔ yé kɪ kè fwo, té kɪ yé wɛkɪ syõ-nsahle, yáh ne we n wil n pi ké sɔkɔ sò.

A ye káh ne n pi n soh tãnne

14 N yúnpyé pèplo, yé yé náh vi tãn tyi kɔ pnépné. 15 Nmɔ me yéle n mɔ n kɔ yĩ pípú sɔkɔ. Képah ye, tyi nónó-á mé n yo yé tyí, yé sò n yah sé tyí yõ yé gblɔy. 16 Liyel yòke yõ gbíne, áyáh nkẽne wɔ wɔ kwáh nê wɔ á wékinteno náh Liyel tyí, képah kéle n wɛkɪ ne áyáh pi núkúle Yesu Kristale n tó kwénó gbò yõ. Búrn nê tɔ-á nkẽne à n kwɔkɪ n dibi n tah wɛ tyí, ké tɔ ále n pi núkúle Yesu Krista wil gbɛnsêle. 17 Búrn núkú ó ye me. Té ápi pípi nópi pól me kéne búrn núkú mè óle n tah. Képah ye, kè me á kɪ ne á pól sò pi wil gbɛnsê núkúle.

18 Tir nê-á me n pi Yisrayel no nyó, yé yé fɔkɔ mɔ n yah képah tyí yõ kè. Pé sárká súkénkɔ-nsah me Liyel tyí yõ. Képah ye, yípɛy nónó-á pè n ko ké yõ sɔkɔ, pé nónó-á sé kyɔle n ko, pè me núkúle Liyelle. 19 Képah se n wɛkɪ ne máh ne yõre-á me tãn ànê sãh fálnó kyɔ tyí? 20 Jõ dé, mé ne sãh fálpú-á sãhlo nónóne n fal, sétãn tyí-á pè n fal séle, Liyel tyí náh. Mé náh me ké tyí ne yé pi núkúle sétãnne gbógbó. 21 Yé náh fẽ Tẽ ñgbɛ wóh sɔkɔ wɔ wɔ kwáh wɔ n pi, té tõ yé yah vi n wɔ n pi sétãn tyí sɔkɔ. Yé náh fẽ ne n yõ n pi Tẽ ñgbɛ tyí, té tõ yé yah vi kyɪ n yõ n pi sétãn tyí. 22 Tĩ, Tẽ ñgbɛ nê-á ne á ne n me péwɔ ó tyí yõ, ñmɔ vyãh sò se á n yah n kɔ nòh-nsahle? Ápi tãhkɪ se kal n tyíle?

Gbilkínóle n sah Liyel yõ, á tyípínì pól sɔkɔ

23 Kè me yónóle ne nkẽ: «Tyi pól pínó gbàh me dénmonɔle.» Nte yõre náh n we sé túkú sɔkɔ. «Tyi pól pínó gbàh me dénmonɔle.» Nte sé túkú pínó náh yah yúkúnóle névile n kɔ. 24 Nnì yó nítẽ káh n gblɔy pékí-nsah óle n yah n kɔ dé, yé no téló pékí-ntãnne n yah n kɔ n kal. 25-26 Kè me wárkínsàhnóle Liyel wey sébéy sɔkɔ ne nkẽ: «Tẽ ñgbɛ tyí ye sétáh ànê ké sɔkɔ yíyĩn pólle.»† Képah ye, yĩ nónó pól-á fyò me yãbri sɔkɔ yòh sɔkɔ, yé kɪ fẽ sé pólle n yõ. Kè náh yĩne kè ne n me yótókóbíle yé tyí, yé kɔ yé pikinyahno yó nítẽ pi sé wíl-ntãn tyí sɔkɔ. 27 Yesu yõ sɛ-ńkẽ névi yó-à n ye yòke yónóle, té á fẽ syi kyɪ, wáh yé nónó tɔkɔ pɔ, séle n yõ fwòó. Kè náh yĩne kè pi yótókóbíle á tyí n kɔ n pɔ pikinyahno yóle n pi sé wíl-ntãn tyí sɔkɔ. 28 Nte nnì yó-à yo á tyí ne nkẽ, kò mène, sãh fálnó kò-á kéle, tẽ wɔ yĩnne ànê ké tyí sɔnɔ yótókóbí yĩnne, káh kè kɔ. 29 Sɔnɔ yótókóbí nê tyí-á mé yo ásò sɔkɔ yò, áwɔ tyí sɔkɔ náh íne dé, nê-á yo n syah kéle, tẽ wɔ tyí sɔkɔ ye íne. Nte nnì kɪ fẽ ne kwáh nê se pi té nnì fɔkɔ sɔnɔ yótókóbí yĩnne, péwɔ náh fẽ pé dyɔ dyɔ tyi pi n pi nɪ? 30 Páh wɛkɪ Liyel tyí yòke nê yĩnne, té fyò kéle n yõ, ney se yĩne à pé tyíle n yo kéne yòke yónó yĩnne, képah nê yĩn-á pé wɛkɪ Liyel tyí nɪ?

31 Nte sɛ náh dé, wáh kwáh nêne n yõ ò, wáh kwáh nêne n wɔ ò, wáh se tir dùkú nêne n pi ò, ye Liyel yĩn ne n gbilki ké sɔkɔ. 32 Kè se Nsyifunó ò,

† 10:25-26 10.25-26 - Yah n te Gbálnó 24.1.

kè se nónó náh pɪ Nsyifunɔle ò, kè se Yesu yõ sěpú t̃inkìle ò, yépi tyípínó káh pé sɔkɔ yó ntě yõ yɪkɪ n mɔ tyípekè pínó sɔkɔ. ³³ Yé n̄mɔle n yah n pɪ. N̄mɔ n̄kěne n gbah n tẽ n̄ no pól n̄v̄n̄n̄ne n pɪ tyi pól sɔkɔ. N̄mɔ náh me n̄ gbl̄ɔy pékí-ńsahle n yah n k̄ɔ dé, n̄te mé me nékw̄inkìle n yohnɪ n mɔ pé we n pwah n mɔ ȳinne.

11

¹ Yé n̄mɔ pɪ dùkùle n yah n pɪ, s̄ɔ-á mé Krista pɪ dùkùle n yah n pɪ.

Dí ànê sê gbl̄ɔy tẽ dùkùle Liyel ni gb̄íne

² Mé yéle n s̄ɔ nahnáh, yáh s̄ɔnp̄íle yé dyɔ sah n kwne n̄mɔ tyíle gb̄ímegb̄í, tẽ se t̄ɔ me n kɔ tyi yónó w̄al yõ, máh kwónó we sépi nónó yõ à pɔ yé kwɔ. ³ N̄te mé me ké tyí ne yé kè p̄i tɔle ne n̄kě, sê yòt̄ě-á d̄íne, díbí pól yòt̄ě mó Yesu Kristale, Yesu Krista wɔ yòt̄ě mó Liyelle. ⁴ Képah ye, dí nê-à yókúrí kw̄inki sah té nírile n pɪ, képah náh pɪ té me Liyel t̄ěnt̄òle n syi n yo, n̄ yòt̄ě ye à n yilo. ⁵ N̄te sê nê-à n̄ yõ de mɔ sah té nírile n pɪ, képah náh pɪ à Liyel t̄ěnt̄òle n syi n yo, n̄ yòt̄ě ye à n yilo. Kè núkú me á kɪ ne n̄ yõ s̄ɔ à kye mɔ. ⁶ Sê nê-à ne m̄onsɔr tẽ n pɪ n̄kěne, à n̄ yõ kye. N̄te sen-à ne sê tyí n̄ yõ kyénóle, képah náh pɪ ké kónóle, à káh kè de n mɔ n sah kè.

⁷ D̄íne, Liyel kètò ye n̄ne, ànê à Liyel yõ ȳn̄óle n w̄ekɪ. Képah ye, à náh ȳíne yókúrí kw̄ínkínsahnóle. N̄te sê wɔ dí yõ ȳn̄óle n w̄ekɪ. ⁸ Kèk̄oyó mɔ gb̄íne, dí náh wil sê sɔkɔ, sê wɔ ye wil dí sɔkɔ. ⁹ Dí náh mɔ sê ȳinne dé, n̄te sê mɔ dí ȳinne.* ¹⁰ Képah ye, ȳinyõ t̄onp̄ɪbɪ ȳinne, kw̄ah yó ȳíne kè ne n me sê yõ sɔkɔ, nê-á kɪ n̄ ȳín-ńsahle n w̄ekɪ.

¹¹ N̄te sépino pól sɔkɔ, ápi nónó t̄ě-á me T̄ě n̄gb̄ě w̄ek̄ile n kɔ, á ye p̄i ne n̄kě, dí yét̄ô-á me sê tyí, sê tɔ yét̄ô mó me dí tyí. ¹² Yé náh we di, sê wil dí sɔkɔ, té sê ye mó n dubi d̄íne. N̄te Liyel ye pɪ sépi pólle s̄ě.

¹³ Yépi ntě kè s̄ɔ n yah kè; ké yah se sê Liyelle ne n ni n̄ yòle d̄énm̄onsahnóle? ¹⁴ A ȳíne kégbó dùkùle, yé náh p̄i ne n̄kě dí-à yòyùkù mɔ, sen-á kéle n̄ tyí di? ¹⁵ N̄te yòyùkù mónóle, yõ ȳn̄ó ye kéle sê t̄ě wɔ tyí. Liyel kéle à k̄ɔ, n̄ yõ yah vike ȳinne. ¹⁶ Névi nê t̄ě wɔ-à kɪ t̄ɔ me n yah n k̄ɔ yék̄ab pí-ńsahle ȳi m̄e tyí yõ, t̄ě p̄i ne n̄kě, s̄ě-á ápi n pɪ kéle à tahlɪ Yesu yõ s̄ěpú t̄ink̄ínó pól tɔ tyí.

T̄ě n̄gb̄ě yòke-á ȳíne kè ne n yõ dùkù n̄éne

¹⁷ Té yah, máh tyi nónó tɔ yo n pɪ yé tyí núkúnúkú, sè we yò: Yé w̄ě t̄uk̄èn̄m̄on̄on̄ɔ me yényêhle n pɪ n kal yé tyí p̄ep̄eyne. Képah ye, mé náh f̄ě yé s̄ɔ n pɪ képah sɔkɔ ló. ¹⁸ Ké gbenne, p̄e ne yáh w̄ě tuke mɔ, gbékínó n ne n me yé wró. Té n̄mɔ s̄énó me ké yõ ne gb̄i-á me pé wey sɔkɔ. ¹⁹ N̄te gbékínó dùkù yó t̄ě wɔ ȳíne kè we yé wró sɔkɔ, á k̄ɔ à Yesu yõ s̄ěpú k̄egblo p̄i n wah yé sɔkɔ. ²⁰⁻²¹ N̄te gbékínó nê tyí-á mé n yo yé wró sɔkɔ, yáh w̄ě tuke mɔ T̄ě n̄gb̄ě yòke yõ gb̄íne, yé n̄núkù núkú pól n núkú n ȳikɪ n kyi yé ȳengb̄ě yòkeno tɔkɔ n yõ. Képah sɔkɔ, t̄úkù n w̄ũ kw̄ek̄ile, té t̄úkù n ne n me s̄et̄èn̄i sɔkɔ. Kàh pɪ s̄ě, T̄ě n̄gb̄ě yòke t̄ě wɔ náh t̄ɔ kéle yé n yõ légb̄íne dé. ²² Gb̄èn náh me yé tyí nónó sɔkɔ-á yé kɪ f̄ě yòkele n yõ, té kɪ n wɔ di? T̄i, Yesu yõ s̄ěpú t̄ink̄i se yé n yilo, té me ké tyí ne yé senne kw̄ah k̄ěpú t̄ě?

* **11:9** 11.9 - Yah n te Yenesɪ 2.18-23.

Sõ me mé kɪ yo yé tyí yò wé? Mé se yĩne mè yé sō? Pólle, mé nãh yé sō n pi képah soko ló.

²³ Yé yah, Tě ñgbě-á nêne ñmɔ kwɔ té mé me kéle yé kwɔ, kè we yò: Tě ñgbě Yesu-á kɪ sò n dahbɪ n pi gbò soko sò nê lékâhne, lésòle à búrn tɔkɔ, ²⁴ té wekɪ Liyel tyí, té me kè kwɔkɪ dibi pé tyí, té me n yo pé tyí ne: «Ñyole, ñmɔ wil ye, nê-á kɪ kò yépi yĩne. Yé kéle n pi, yè yé lékám sah ñmɔ tyíle.» ²⁵ Yòke yóntenɔ nãh, à tɔ wóh tɔkɔ sěntě óle ðivěne ké soko, té yo pé tyí ne: «Ñyole, ñmɔ tó ye, nê-á kɪ kwe yépi yĩne, kɪ pi yégbéke kwrónmɔnɔ késãne Liyel ànê névye wró. Yé kéle n pi, yè yé lékám sah ñmɔ tyíle, gbímegbí yãh kéle n wɔ.» ²⁶ Yé yah, gbímegbí yãh búrn mène n tah té ðivě mène n wɔ gbí nêne, Tě ñgbě kúnó tyí ye yé me n yo, fóó kɪ po syi ñ syĩpɔnɔ tyí.

²⁷ Képah ye, névi nê-à búrn mène n tah té ðivě mène n wɔ, té tẽ pi ðukù nãh me ple, tẽ me pèkèle n pi Tě ñgbě wil ànê ñ tó tyí píndenɔ soko. ²⁸ Nénúkù núkú pól yĩne pé pé gblɔy ðukù kyɔmɪ yah palle, pè mó pyě búrn mè tah, pè mó ðivě mè wɔ. ²⁹ Yé nãh we à, névi nê-à búrn mè tah té ðivě mè wɔ, té tẽ nãh sè mɔ kò Tě ñgbě wille, tẽ me pèkèle n yɔrɪ n mɔ ñ gblɔy yò. ³⁰ Képah yĩn ye yámpú ànê néfukulóle pípi yé wró, té yé nãhnãh ntě me ku. ³¹ Áyãh me n sò n yah palle á gblɔy tyí soko, Liyel tukey nãh n syɪkɪ n pi á yò. ³² Nte Tě ñgbě nãh me ké tyí ne ápi tɔ tyí kyɪ yɪkɪ wě tyí ànê kèkòyó névyele, képah ye à kò à ápile n fòh á kwɔ yĩne. ³³ Képah ye ñ yúnpyé, yãh tuke mɔ Tě ñgbě yòke yò yĩne, yé pól wě syɪkɪ. ³⁴ Kwɔkɪ-à me nê tẽ, tẽ yò ñ tĩne. Kàh pi sě, yé nãh Tě ñgbě pèkè yɔrɪ n mɔ n pi yé gblɔy yò yé wě tükènmɔnɔnɔ soko. Tyi téló nónó-á wũ, mãh pɔ pɔ yé tĩne gbí nêne, mé kɪ sépi tyí yah wah.

12

Liyel Mirki-á tyi nónó pínó yòbènrɪle névile n kò

¹ N yúnpyé, Liyel Mirki-á tyi nónó pínó yòbènrɪ tẽ wɔle névile n kò, mé nãh me ké tyí ne yé ne n me sé yítũri soko. ² Yépi ntě pĩ ne gbí nê-á lésò yé nãh tɔnì Liyel pĩ, vĩ-ñsah yó ntě nãh sò me yé tyí né tãn yah ó tónkõnɔ nãh tɔò, sépi nónó-á sè nãh fě n wekɪ. ³ Képah ye, mé kéle n yo n yíi yé tyí ne Liyel Mirki-à me névi nê yahle n tẽ, tẽ nãh fě n yo n pi ne ñkě Yesu tyí yɪkɪ; ànê ney tɔ nãh fě n yo n pi ne ñkě Yesu-á Tě ÑGBĒNE né Liyel Mirki nãh tẽ tẽ yahle.

⁴ Tyi duke nãhnãh pínó yòbènrɪ kɪ fě we, ñte kéne Liyel Mirki núkúní ó ye séle névyele n kò. ⁵ Liyel tãn duke me dò, ñte Tě ñgbě núkúní tyí ye sé pólle á n pi. ⁶ Tãn pi ðukúnó me dò, ñte Liyel núkúní ó ye sé pól pínó tãhkìle nénúkù núkú pólle n kò. ⁷ Liyel Mirki ye tir fěnpɪnɔ yòbènrɪle nénúkù núkú pólle n kò, no pól tyí pekɪ yĩne. ⁸ Liyel Mirki ñkěne yòbènrɪle ñnî kò, à n ne n wekɪ yípi soko, té kéne Mirki ó ntò yòbènrɪle ñnî kò, ă tyile n pne n yo. ⁹ Kéne Liyel Mirki ó ye tò ñkěne yòbènrɪle ñnî kò, à n sě yíi Tě ñgbě yò, kéne Liyel Mirki núkúní n tò yòbènrɪle ñnî kò, ă yámpúle n de n mɔ. ¹⁰ Kě yòbènrɪle ñnî kò, ă gbíl tyile n pi, ñ té yòbènrɪle ñnî kò, ă Liyel tẽntòle n syi n yo. Kě yòbènrɪle

̀n̄n̄i k̄õ, ă Liyel Mirki tyípin̄ine n wah n pne sétãn tyí s̄ok̄o. Kě yòbènr̄ule ̀n̄n̄i k̄õ, ă wénkáh̄k̄ile n weki nê-á à nãh kè sãh, ñ té yòbènr̄ule ̀n̄n̄i k̄õ, à n f̄ẽ sé yahle n yo. ¹¹ Kéne Liyel Mirki núkúni ó tò vyãh ye sépi pólle. Kě tyi f̄ẽnp̄ino yòbènr̄u dibi nénúkù núkù pól k̄õ, à ȳine nê-á ké dyo.

Yesu yõ s̄ẽpú-á tok̄o sãh névi wil gb̄ẽns̄ele dùkù n̄ene

¹² Névi wil gb̄ẽns̄ele, núkú ye kéle. Nte tãntãn me dò ké tyí. Ké tãntãn dò fyé yõ, wil gb̄ẽns̄e núkú ye kéle. Névyé nónó to-á me kwr̄ónm̄onole Yesu Krista s̄ok̄o, s̄ẽ ó ye pépi tole. ¹³ Yé nãh we di, kè se Nsyifun̄o ò, kè se nónó nãh pi Nsyifun̄ole ò, kè se yõbi ò, kè se gbl̄oy yõ névyé ò, Liyel Mirki núkú mè ó gb̄õ yõ s̄ok̄o ye á pól wèlnw̄ilk̄inó we, à pi wil gb̄ẽns̄e núkúle. Kène Liyel Mirki mè ye me á pól s̄ok̄o.

¹⁴ Wil gb̄ẽns̄ele, tãntãn me dò ké tyí, f̄í núkú ó nãh ké tyí. ¹⁵ Gbáh̄k̄i-à s̄õ me ne péwo nãh fyò pi gb̄õle, wil gb̄ẽns̄e tyah yó nãh mó péle, képah se nãhki kè k̄õ kè nãhki gbe wilki wil gb̄ẽns̄e s̄ok̄o? ¹⁶ Níkí-à s̄õ me ne péwo nãh fyò pi ȳine, wil gb̄ẽns̄e tyah yó nãh mó péle, képah se nãhki kè k̄õ kè nãhki gbe wilki wil gb̄ẽns̄e s̄ok̄o? ¹⁷ Wil gb̄ẽns̄e pól-à s̄õ me ȳine, kè nãhki n nohn̄i s̄õ? Ké pól-à s̄õ me níkīle, kè nãhki pãnne n tok̄o s̄õ? ¹⁸ Nte Liyel ye wil gb̄ẽns̄e tãntãn pól mo ké s̄ok̄o, à ȳine ñ dyo dyo t̄ene. ¹⁹ Wil gb̄ẽns̄e pól-à s̄õ me f̄í núkú óle, wil gb̄ẽns̄e nãh nãhki n me n pi. ²⁰ Nte s̄ẽ nãh dé, wil gb̄ẽns̄ele, núkú ye kéle, té tãntãnne dò ké tyí. ²¹ Kãh pi s̄ẽ, ȳí nãh f̄ẽ n yo n pi gb̄õ tyí ne, ké yét̄õ nãh me pé tyí. Yõ to nãh f̄ẽ n yo n pi gbyêh tyí ne, sé yét̄õ nãh me pé tyí. ²² Nte wil gb̄ẽns̄e tãntãn nónó ñt̄ẽ wo-á pyé á ki ne sohki kósyi me sé s̄ok̄o, yét̄õ me sé tyí. ²³ Wil gb̄ẽns̄e tãntãn nónó-á sé nãh me n mo n k̄õ n ȳí, sépi ye pyé à n ne n t̄õ n sah n t̄ẽ. Sé nónó-á sé tyí yónó me senn̄e, à n ne n yah n dah n mo ȳí sépi tyí s̄ok̄o, ²⁴ té nónó wo-á me palle, à n pyé sépi sah. Wil tãntãn nónó-á á nãh me séle n mo n k̄õ kwãh yóle, Liyel-á wil gb̄ẽns̄e mo, à gb̄ilk̄inó sah kal sépi yõ. ²⁵ Kãh pi s̄ẽ, wil gb̄ẽns̄e tãntãn nãh w̄ene n we n mo. Sé pól me w̄ẽ t̄enó ple dùkù núkúle. ²⁶ Ké tyah yó-à me kwlónó s̄ok̄o, sé téló to n ne n me n kwlo kéle w̄ẽ tyí. Té gb̄ilk̄inó-à mó n sah ké tyah yó yõ, sé téló to n mó ké ñiv̄ini pi kéle w̄ẽ tyí.

²⁷ Nte yé yah kè, yépi ye Krista wil gb̄ẽns̄ele dò. Yé nénúkù núkú pólle, Krista wil gb̄ẽns̄e f̄í yó ye yéle. ²⁸ Yé nãh we di, Liyel me nósyó wilki sah Yesu yõ s̄ẽpú t̄ink̄i s̄ok̄o pé tyí tyíle: Gbenn̄e, à Yesu t̄ent̄õ névyé yah wilki. Ní-òle, à Liyel t̄ent̄õ syínyopu yah wilki. T̄õ-òle, té kwópú yah wilki. Képah nãh, gb̄ilnp̄ibi me syi. Té me yámpú f̄ẽndenm̄on̄o yòbènr̄ule tükù k̄õ, té névyé yòhn̄inm̄on̄o yòbènr̄ule tükù k̄õ, té névyé yah t̄enó yòbènr̄ule tükù k̄õ, té yòbènr̄ule tükù k̄õ pè f̄ẽ wénkáh̄k̄inole n weki nónó-á pè nãh sè sãh. ²⁹ No pól se yó pi Yesu t̄ent̄õ névyele, képah nãh pi Liyel t̄ent̄õ syínyopule, képah nãh pi kwópúle, képah nãh pi gb̄ilnp̄ibule? ³⁰ T̄i, no pól se yó pi yámpú dén̄opule, képah nãh pi wénkáh̄k̄inó wékípule nónó-á pè nãh sè sãh, képah nãh pi wénkáh̄k̄i nópi yah yópule? ³¹ Kãh pi s̄ẽ, tir nê f̄ẽnp̄ino-á ki névi yohn̄i mo kal, yé képah yòbènr̄u yah n k̄õ.

Nte mé ki t̄õ yé w̄eki w̄ek̄i yóle nê-á ple kal sé télóle.

13

Wě wró tyínɔnɔlɛ

¹ Nmo-à kɪ sɔ́ névye welɔlɛ n wekɪ, à tahlɪ ȳinyõ tɔ̀npɪbɪ welɔ́ n̄tẽ tyí, té tyínɔnɔ́ náh mé n̄ sɔkɔ́, mé mé á kɪ ne n̄tey yó sɔ́ mɔ́ tũ, képah náh pɪ kěnkěkì yóle. ² Nmo-à kɪ sɔ́ mé Liyel tẽntò welɔlɛ n syi n yo, Liyel-à kɪ sɔ́ me tyi pólle n wěkɪ nónó-á sɔ́ me wɔ̀bɪnsàhnóle, ànế n̄mo-à kɪ sɔ́ me tyi pólle n pne, Liyel yõ sɛ́nó-à kɪ sɔ́ mé n̄ sɔkɔ́ nê-á ymɔle n tɔkɔ́ n yal sé mé-n̄tã́n sɔkɔ́ té tyínɔnɔ́ náh mé n̄ sɔkɔ́, kwáh yó náh n̄ne. ³ Nmo-à kɪ sɔ́ n̄ gbã́n yí pól dibi kwéndébé kɔ́ ò, n̄mo-à kɪ sɔ́ n̄ wil gběnsế n̄tẽ kɔ́ pè suke nyàh sɔkɔ́ ò, té tyínɔnɔ́ náh mé n̄ sɔkɔ́, kè náh tir yó pekɪ n pi n̄ tyí.

⁴ Tyínɔnɔ́-à me névi nê sɔkɔ́, tẽ tyile n sro, ă yòhn̄n̄mɔnɔle n pɪ, à náh yíwilkìle n pɪ, à náh n̄ gblɔ́yne n wěkɪ, à náh n̄ gblɔ́yne n gbilki. ⁵ Tyínɔnɔ́-à me névi nê sɔkɔ́, tẽ náh sen tir yó n̄tẽne n pɪ, à náh n̄ wíl-n̄sah óle n yah n kɔ́, à náh n̄ fɔkɔle n vyãh, ànế à náh ney tyíle n tẽ n sah n̄ fɔkɔ́. ⁶ Tyínɔnɔ́-à me névi nê sɔkɔ́, tyíkěkì pínó náh n pɪ n̄v̄n̄n̄ tirlɛ n̄ tyí, gbɪ wěkì kóló n̄v̄n̄n̄ne n̄ne n kɔ́. ⁷ Tyínɔnɔ́-à me névi nê sɔkɔ́, tẽ tyi pólle n yõ n mɔ́. Tyi tyi pól sɔkɔ́, à n ne n me sɛ́nóle Liyel yõ, n̄ yáh-n̄sah náh n tye, ànế à n ne n me gbah n tẽ.

⁸ Ȳin náh me tyínɔnɔ́ tyí. Liyel tẽntòné syínyonɔ́ kɪ pɔ́ tye, wénkáhkínɔ́ wékínó kɪ pɔ́ yal mɔ́, pn̄nó tɔ́ kɪ pɔ́ tye. ⁹ Ápi pn̄nó náh dal mɔ́, ànế á Liyel tẽntòné syínyonɔ́ tɔ́ náh dal mɔ́. ¹⁰ Nte sé pín̄dalmɔnɔ́ gbí-à kɪ se Liyel tyí gbí n̄ne, légbíne sépi nónó-á sè náh dal mɔ́, sè kɪ tye. ¹¹ Máh lésò me wěnpirlɛ gbí n̄ne, n̄ wekɪ òkù, ànế n̄ sòno òkù, ànế n̄ tyi yah òkù pól sò me wěnpir tyí kɔ́le. Nte máh pɔ́ wah mɔ́, mé wěnpì tyi yal mɔ́. ¹² Núkúnúkú, ápi me tyile n yah ȳirkòò, á kɪ ne dwɔ́ldyáh ñ̄ròò yó sɔkɔ́ sɔ́ á n yah séle. Nte á kɪ pɔ́ sè we n pi kyòo. Núkúnúkú, n̄mo pn̄nó náh dal mɔ́. Nte mé kɪ pɔ́ sè p̄́ sɔ́-á Liyel n̄ne n pne.

¹³ Núkúnúkú, tyino t̄nó n̄opi wɔ́ ye sépi náh n tye n pi: Liyel yõ sɛ́nóle, yáh-n̄sah tyé-n̄kẽne, ànế tyínɔnɔ́le. Nte nê-á kal sé pólle, képah ye tyínɔnɔ́le.

14

Liyel Mirki-á tyi nónó pínó yòbènrɔlɛ n kɔ́ Yesu yõ sɛ́pú t̄nkì yohnɪ n mɔ́ ȳinne

¹ Yé gbah n tẽ, yé tyí nɔ́ wě tyí. Liyel Mirki-á tyi nónó pínó yòbènrɔlɛ n kɔ́, yé sé tɔ́ yah n kɔ́, té ké nê wɔ́-á Liyel tẽntò syínyonɔ́le, yé képah wɔ́ gbah n yah n kɔ́ n kal. ² Yé náh we à, névi nê-à wénkáhkìle n wekɪ nê-á à náh kè sãh, Liyel tyi wɔ̀bɪnsàhnó ye n̄kẽne à n ne n yo Liyel Mirki gbò yõ, nónó-á névye náh séle n nohnɪ. Kàh pɪ sɛ́, névye tyí náh tẽ n ne n yãh dé, Liyel tyí ye. ³ Nte névi nê wɔ́-à Liyel tẽntòle n syi n yo, névye tyí ye tẽ n ne n yo n mɔ́, n̄ yah yúkúnóle péle n kɔ́, n̄ té sòréle n mɔ́ pé sɔkɔ́, n̄ té pé nnɔle n sũ. ⁴ Té nê-à wénkáhkìle n wekɪ nê-á à náh kè sãh, tẽ me n̄ gblɔ́y ó yah yúkúnóle n yah n kɔ́. Nte nê-à Liyel tẽntòle n syi n yo, tẽ wɔ́ me Yesu yõ sɛ́pú t̄nkì pól yah yúkúnóle n yah n kɔ́.

⁵ Yé pól-à sɔ́ me wénkáhkínɔ́le n wekɪ nónó-á yé náh sè sãh, kè nàhkɪ ple ó; n̄te yáh kɪ Liyel tẽntòle n syi n yo, képah kɪ nɔ́ kal n̄ tyí. Névi nê-à

wénkàhkíle n wekɪ nê-á à nàh kè sãh, té ké yah nàh tẽ we yo Yesu yõ sěpú tĩnkĩ wěkɪ kè kɔ̃ kè yah yúkúnóle pè kɔ̃, yõre nàh me tẽ sɔkɔ à nɔ Liyel tẽntò syínyò-òle.

⁶ N yúnpyé, sɔ̃-á mäh ntyĩno pɔ yah yé tyí, té wénkàhkíle n wekɪ yé tyí, tir nê me kè kɪ pekɪ yé tyí, né kè nàh pɪ tir yóle Liyel n wěkɪ mé yo yé syah, képah nàh pɪ pnèno yóle, képah nàh pɪ Liyel tẽntòle mé syi yo yé tyí, képah nàh pɪ kwónó yóle mé yé kɔ̃. ⁷ Yé yah yímónne kè, sɔ̃-á yíkile, képah nàh pɪ gbrèyne; sàh n mónwàhnmɔ-ńkēne, nɛy se kɪ fě sé yì dükù pĩ? ⁸ Té kèpɔ̃ nê-á ńkēne pè n fɪbɪ n yo névyé tyí ne pè yuku n sɔkɔ mékì fwó-ńsah, képah-à ntyĩno fɪbɪnwàhnmɔ-ńkēne, nê tẽ wɔ kɪ n vi mékì fwo yinne? ⁹ Sě ó ye, yé nénporí-à wénkàhkínɔ yísyóle n wekɪ nónó-á névyé nàh me séle n nohnɪ, tyi nónó-á yé n yo, pè kɪ pĩ sɔ̃ séle? Wékínmíndahnmɔno ye yé kɪ n wekɪ n min n dah n mɔ ni sɔkɔ. ¹⁰ Welɔ duke me dò kèkòyó, mé nàh sé dan n̄tēne n pne. Nte kór me sé núkú núkú pól tyí. ¹¹ Nte mäh wey nēne n nòhnì-ńkēne, ké wékí-ò n pɪ nékàhne n tyí, n̄mɔ tɔ n mó n pɪ nékàhne tẽ tyí. ¹² Képah ye, Liyel Mirki-á tyi nónó pínó yòbènrɪle n kɔ̃, yáh me sépi yáhnkɔ̃no sɔkɔ yò, sé nónó-á Yesu yõ sěpú tĩnkĩle n yuku yahle, yé sépi nàhnàh yah n kɔ̃.

¹³ Kàh pɪ sě, nê-à wénkàhkíle n wekɪ nê-á à nàh kè sãh, tẽ kè yah n kɔ̃ Liyel tyí à ké yah yónóle à wěkɪ. ¹⁴ Yé nàh we di, nírí pínó sɔkɔ wáh wénkàhkíle n wekɪ nê-á á nàh kè sãh, n̄ n pĩ á nɪ sɔkɔ ne wáh me nírile n pɪ, n̄te wey nê-á á n wekɪ, áwɔ n̄tẽ nàh kéle n nohnɪ. ¹⁵ Nte sɔ̃ me mé yĩne mè n pɪ wé? Mé kɪ nírile n pɪ wénkàhkí sɔkɔ Liyel Mirki gbò yõ, té kɪ kéle n pɪ n̄ noh noh wey tɔ sɔkɔ. Mé kɪ yìle n gbɪ wénkàhkí sɔkɔ Liyel Mirki gbò yõ, té kɪ n gbɪ n̄ noh noh wey tɔ sɔkɔ. ¹⁶ Kàh pí-ńkēne sě, té á weyne Liyelle n kɔ̃ wénkàhkí ó sɔkɔ, nónó-á me ké sèndìle, pépi kɪ pɪ sɔ̃ té kɪ yohnɪ syi yo ne Liyel á wey mè tẽ, wáh kɪ sɔ̃ me n tɔ̃ n sah n wekɪ Liyel tyí sɔ̃ n̄ pèpɔrɪ pínó yinne? ¹⁷ Á Liyel tyí tɔ̃nsàhnwekɪno mè-à kɪ sɔ̃ me ple sɔ̃, kè nàh yah yúkúnóle téló kɔ̃ n pi.

¹⁸ N̄mɔ n wekɪ Liyel tyí, mäh sɔ̃npúle n wekɪ wénkàhkí sɔkɔ à kal yépi pólle. ¹⁹ Nte mäh me Yesu yõ sěpú tĩnkĩ wró, mäh welɔ kwól wekɪ nónó-á névyéle n kwɔ, képah tyí nɔ n̄ tyí kal welɔ kèyò kwól (10 000) wékínó yõ wénkàhkí sɔkɔ.

²⁰ N yúnpyé, yé káh ye yé tyi yah dükù ne me wěnpì tyí kòle. Kàh me pèkè pínóle, yé ne me wěnpì yró tyí kòle. Nte tyi yah dükù tẽ wɔ sɔkɔ, yé ne me yèwàhnì tyí kòle. ²¹ Kè me wárkínsàhnóle Liyel wey sébéy sɔkɔ ne Tẽ n̄gbě Liyel-á ne ńkē: «Yìkì yó névyé ye mé kɪ kɔ̃ pè kɪ yo mɔ no n̄opi tyí wey yó sɔkɔ, nê-á pè nàh kéle n nohnɪ. Nte képah fyé yõ, pè nàh fě syi n noh n pi n̄ tyí.»* ²² Képah ye, wénkàhkí wékínóle nê-á á nàh kè sãh, kè Liyel tãhkìle Yesu yõ sě-ńkēpúle n wěkɪ. Nte Yesu yõ sěpú yohnɪ n mɔ yĩn nàh kéle. Liyel tẽntòne welɔ syínyono wɔle, képah Liyel tãhkìle Yesu yõ sěpúle n wěkɪ. Nte Yesu yõ sě-ńkēpú yohnɪ n mɔ yĩn nàh kéle.

²³ Sɔ̃-á Yesu yõ sěpú tĩnkĩ pól-à ntyĩno me tuke mɔ, té yé pól núkú tyah wénkàhkínóle n wekɪ à, nónó-á me ké sèndìle, képah nàh pɪ Yesu yõ sě-ńkēpú yísyó-à pɔ de nénpó, pè nàh yé pɪ n pi vɪnpɪbɪle di? ²⁴ Nte kàh me Liyel tẽntòne welɔle yé pól n syi n yo, névi nê-á me ké sèndyàhle, képah

* **14:21** 14.21 - Yah n te Yesayi 28.11-12.

náh pɪ Yesu yõ sɛ-ńkɛ névi nê-à de pɔ nɛnpó, yé wɛlɔ nɔpi pól nóhnó kɪ à kɔ à kɪ pĩ ne páh pèkè pɪ, pé tyí-á kah. ²⁵ N fókósõnɔ wõbìntɛnó pól kɪ wilki mɔ kènkwãh yõ kwèyy. Képah sɔkɔ, à kɪ kɔ kwĩnki ñ yah di sétáh kɪ Liyel gbilki, té kɪ n yo ne, kègbɪ tɛ yõ Liyel-á me yé wró sɔkɔ.

Yesu yõ sɛpú ònkì-á yĩne pè ne n pɪ sɔ páh wɛ tuke mɔ

²⁶ Sɔ me á yĩne à ne n pɪ wé, í yúnpyé? Yáh tuke mɔ ne yé Liyel ni gbí nêne, ñnî kɪ fɛ yìkì gbɪ, ñnî mó kwónó kɔ, ñnî mó Liyel tyi wɛkínóle n we n yo, ñnî mó wénkáhkíle n wɛkɪ, ñnî mó wénkáhkí mɛ yahle n yo. Sépi pól yĩne sè yah yúkúnóle Yesu yõ sɛpú ònkìle n kɔ. ²⁷ Nósyó-à me ké tyí ne pé wénkáhkínóle n wɛkɪ, kè káh kah nɛpĩ ními, képah náh pɪ tɔmí yõ. Pè mó wɛne n sykɪ n wɛkɪ. Té ñnî mó ne me, nê-á kɪ fɛ sé yahle n yo. ²⁸ Nte sé yah yó-ò-à mé-ńkɛne, wénkáhkí wékí-ò mɛ yĩne à ñ vyãh vike Yesu yõ sɛpú ònkì wró. Tɛ Liyelle n ni ñ fɔkɔ táh, ñ gblɔy tyí. ²⁹ Nónó-á Liyel tɛntò syínyopule, pépi nɛpĩ ními, képah náh pɪ tɔmí wɔ yĩne pè wɛkɪ, tɛlɔ mó ne n me pé wɛlɔle n sohlɪ n yah. ³⁰ Nte Liyel-à tir yóle ñnî yó wɛkɪ, nê-á sò me n wɛkɪ, ñmɔ yĩne à ñ vyãh vike, tɛ mó ñ tyí yo. ³¹ Yé pól kɪ fɛ Liyel tɛntònè wɛlɔle n syi n yo nénúkù núkúle, nê-á kɪ no pól kɔ pè kɪ kwónó wɛ, ànê sórè kɪ de pé sɔkɔ. ³²⁻³³ Liyelle, tyífɛ tyí náh nɔ ñ tyí. Tir tɔnsàhnɔnɔ tyí nɔ ñ tyí, yévɪnɪ Liyel ye ñne. Képah ye Liyel tɛntònè syínyopu yĩne pè ne me n fyãh n pne pé gblɔy yõ.

Sɔ-á kéle Yesu yõ sɛpú ònkínó pól sɔkɔ, ³⁴ wɛ tükènmɔnɔnɔ pól sɔkɔ, syó yĩne pè tɛ syísyí. Pè náh yĩne yóndahnɔnɔle wɛy sɔkɔ. Pè yĩne pè tɛ gblɔy tíkínmɔnɔ sɔkɔ, sɔ-á tyi kònsàhnó yo kéle. ³⁵ Páh me ké tyí ne pé tir yó ònkù pĩ, pè pé pɛbɪ piki yah gbèn sɔkɔ. Ké yah náh sè ne n yo n dah n mɔ wɛy sɔkɔ Yesu yõ sɛpú ònkì sɔkɔ. ³⁶ Liyel wɛy sɔ se tyah yépi tyí? Yépi ó se noh kéle? ³⁷ Névi nê-à me n sɔ ne Liyel tɛntò syínyo-ò-á péle, képah náh pɪ, Liyel Mirki-á me pé yahle n tɛ, wɛy nê-á mé n wãrkɪ n tɛkɪ n mɔ yé tyí yò, tɛ yĩne à kè fɛ syi ne Tɛ ñgbɛ tir kònsàhnó-á kéle. ³⁸ Nte névi nê-à képah mónkò-ńkɛne, Liyel náh mó me tɛne n mɔ n kɔ ló.

³⁹ Káh pɪ sɛ í yúnpyé, yé Liyel tɛntònè wɛlɔ syínyonɔle n yah n kɔ, té yé káh wénkáhkí wékínó tɔ yah kɔ. ⁴⁰ Nte tyi pól yĩne sè ne n pɪ sé yah yõ, ànê sè mó ne n tɔ n sah n pɪ.

15

Nìvìnì tir-á nê yo Krista lékó yìlkinmɔnɔ tyí sɔkɔ

¹ N yúnpyé, mé me ké tyí ne mé yé dyɔ to kɔ Nìvìnì tir mɛ tyíle, nê-á mé yo sɔkɔ yé tyí, képah nê-á yé kè fɛ syi té me ké wɛkìle n kɔ n yíí. ² Képah gbò yõ sɔkɔ, yé kɪ pwáhnɔnɔ wɛ, yáh kɪ n kɔ ké wɛkì yõ máh kè yo sɔ yé tyí. Káh kɪ pí-ńkɛne sɛ, ké yõ sɛnó kɪ pɪ yõ kɛne yé tyí.

³ Nmɔ-á kwónó wɛ nê yõ, képah ñgbò ye mé yé kwɔ ne Liyel ney yáhtɔkɔnɔ-á ku ápi tyípɛl yĩne. Sɛ ye kéle wárkínsàhnóle Liyel wɛy sɛbéy sɔkɔ. ⁴ Mé tɔ kwónóle yé kɔ ne wáh yí, té ké sèpìn tɔ-ò sòle ñ lékó me yilki mɔ. Sɛ ye kéle wárkínsàhnóle Liyel wɛy sɛbéy sɔkɔ. ⁵ A ñ gblɔyne Pyerɪ wɛkɪ, képah náh té gblɔyne pé nɛpĩ gbõnimí* wɛkɪ, pépi nónó-á ñ

* **15:5** 15.5 - Nɛpĩ gbõnimí nónó tyí-á n yo ásò sɔkɔ yò, yíndyíni ye sò kéle Yesu tɛntò névyé tyí. Páh sɔ me tú-ńkɛne, pè péle n ye sɛ.

těntò névyelē. ⁶ Képah náh, à pɔ̀ n̄ gblɔ̀yne n̄ tò sáhpú népí kyekwé (500) kahn̄i wěki fí núkú sɔ̀kɔ̀. Pépi kan me min sɔ̀kɔ̀ kwey nɔ̀ yò, té pé tókú wɔ̀ ku. ⁷ Képah náh, té n̄ gblɔ̀yne Nsyakí wěki, té me n̄ gblɔ̀yne n̄ tǎntò névyelē pól wěki. ⁸ Pépi pól tyí sókóntenɔ̀ náh, à me n̄ gblɔ̀yne n̄mɔ̀ tɔ̀ wěki, n̄mɔ̀ nê-á piri kòndal-ńkě tyí kòlē. ⁹ Nmɔ̀ ye Yesu tǎntò névyelē sɔ̀kɔ̀ tyí tǎnē. Mé náh yīne yénóle Yesu tǎntò névile, máh sǎnpíle fóhnó sah n̄ yò sǎpú tǎnkí yò. ¹⁰ Nte máh swɔ̀ nê sɔ̀kɔ̀ kweyne yò, Liyel pèpɔ̀ri gbò yò sɔ̀kɔ̀ ye ríne ké sɔ̀kɔ̀. Pèpɔ̀ri nê-á à pɔ̀ n̄mɔ̀ tyí, kè náh sɔ̀kɔ̀ de ni sɔ̀kɔ̀. Yé náh we di, n̄mɔ̀ ye tò pɔ̀ kal á no tǎlɔ̀ pólle. Nte n̄mɔ̀ tǎ wɔ̀ tǎhkí náh n̄ pɔ̀ kéle dé, Liyel-á pèpɔ̀ri nê pɔ̀ ní tyí, képah gbò yò sɔ̀kɔ̀ ye mé n̄ pɔ̀ kéle. ¹¹ Képah ye, kè sǎ n̄mɔ̀ ò, kè sǎ pépi ò, kéne Nìvìnì tir mè ó ye á pól me n̄ yo. Képah yò ye mó tǎ pépi tɔ̀ me sǎ.

Lékyî pónyilkinmɔ̀nɔ̀le

¹² Ápi-á kéle n̄ yo n̄ wah ne ńkě Krista lékó-á yilki mɔ̀, sǎ me té ye tókú ne lékyî náh n̄ yilki n̄ mɔ̀ n̄ pi? ¹³ Lékyî-à kɔ̀ me pɔ̀ n̄ yilki n̄ mɔ̀ n̄ pi ńkěne, Krista lékó tɔ̀ náh mó yilki mɔ̀ dò. ¹⁴ Té wah me yíkinmɔ̀-ńkěne, ápi Nìvìnì tir yónóle, nònó ye kéle, yépi tɔ̀ Krista yò sǎnóle mó, nònó ye ké tɔ̀le. ¹⁵ A wil képah sɔ̀kɔ̀, káh sò me gbile ne lékyî náh n̄ yilki n̄ mɔ̀ n̄ pi, mìnì yónsáhpú ye ápi n̄tǎne Liyel yò sɔ̀kɔ̀, áyáh sǎnpíle ne wáh Krista lékó yilki mɔ̀, té à náh se mó tǎ kè pɔ̀. ¹⁶ Lékyî-à kɔ̀ me n̄ yilki n̄ mɔ̀ n̄ pi ńkěne, Krista lékó tɔ̀ náh mó yilki mɔ̀ dò. ¹⁷ Té Krista lékó-à kɔ̀ me yíkinmɔ̀-ńkěne, yé sǎnóle n̄ yò, nònó ye kéle. Yé me sǎ yé tyípél sɔ̀kɔ̀. ¹⁸ Té névyelē nónó-á sǎ Krista yò té ku, pépi tɔ̀ tyí ye mó yíkí. ¹⁹ Káh kɔ̀ me ápi á gbò sah Krista yò, á min pɔ̀ yīnne kékoyó mè tǎ ó sɔ̀kɔ̀, yám pípú ye ále à kal no pólle.

²⁰ Nte gbɔ̀ yò sɔ̀kɔ̀, Krista lékó ye yilki mɔ̀ gbenne lékyî sɔ̀kɔ̀, nê-á kéle ále n̄ wěki n̄ dal n̄ mɔ̀ ne névyelē nónó tó-á ku sɔ̀kɔ̀, pé tɔ̀ lékyî-á kɔ̀ pɔ̀ yilki mɔ̀. ²¹ Yé náh we di, nénúkú yó yīn ye névyelē pólle kú mɔ̀ sɔ̀kɔ̀ yò. Té nénúkú yó tɔ̀ gbò yò ye névyelē pól lékyî kɔ̀ pɔ̀ yilki mɔ̀. ²² Sǎ-á Adama náh tǎn pól n̄ ku, sǎ ó ye Krista yò sǎpú pól tɔ̀ kɔ̀ tyé-ńkě min we. ²³ Nte no pól lékyî kɔ̀ yilki mɔ̀ syɔ̀ yuku wě náh, káh yīne sǎ. Krista n̄gbò lékó ye yilki mɔ̀. Képah náh, n̄ syɔ̀ n̄ pɔ̀ gbíne, nónó-á me n̄mɔ̀ tyí yò, pépi tɔ̀ lékyî kɔ̀ yilki mɔ̀. ²⁴ Képah náh, tyi tyi pól tyé gbí kɔ̀ nɔ̀. Képah tǎne, Krista kɔ̀ me névyelē fnèpu ànê tǎrínɔ̀, ànê tǎhkínó duke duke pól tyí yíkí, té kɔ̀ yòtǎrí dahbɔ̀ Sú Liyel gbò. ²⁵ Yé náh we di, Krista yīne à ne n̄ me tǎrí yò, fók kè pɔ̀ n̄ nɔ̀ gbí nê-á Liyel kɔ̀ sǎpébi pól pɔ̀ Krista gbáhkí súnsàh-nsahle.† ²⁶ Kú ye kɔ̀ pɔ̀ sǎpé tǎyne, nê tyí-á kɔ̀ yíkí. ²⁷ Liyel yíyìn pól pɔ̀ Krista gbáhkí súnsàh-nsahle.‡

Nte káh yo sǎ, pé náh ne Liyel tɔ̀-á dé, n̄mɔ̀ Liyel nê-á yíyìn pól pɔ̀ Krista gbáhkí súnsàh-nsahle. ²⁸ Yíyìn pól-à kɔ̀ pɔ̀ Krista gbáhkí súnsàh-nsahle gbí nêne, n̄mɔ̀ Krista nê-á Pídíne, à kɔ̀ n̄ gblɔ̀y tiki mɔ̀ Liyel yah, n̄mɔ̀ nê-á yíyìn pól pɔ̀ Krista gbáhkí súnsàh-nsahle. Képah sɔ̀kɔ̀, Liyel kɔ̀ tǎrí tɔ̀kɔ̀ dal mɔ̀ yíyìn pól yò.

²⁹ Nte à, lékyî-à pɔ̀ n̄ yilki n̄ mɔ̀ n̄ pi ńkěne, névyelē nónó-á pé gblɔ̀yne n̄ wel n̄ wilki ni sɔ̀kɔ̀ lékyî yīnne, pé se náhki kéle n̄ pɔ̀? Lékyî tǎ-à me pɔ̀ n̄ yilki n̄ mɔ̀ n̄ pi ńkěne, sǎ pɔ̀ té pé gblɔ̀yne n̄ wel n̄ wilki ni sɔ̀kɔ̀ pépi yīnne wé? ³⁰ Té lékyî-à kɔ̀ me n̄ yilki n̄ mɔ̀ n̄ pi ńkěne, sǎ pɔ̀ té ápile dlo sɔ̀kɔ̀

† 15:25 15.25 - Yah n̄ te Gbálnó 110.1. ‡ 15:27 15.27 - Yah n̄ te Gbálnó 8.7.

gbĩmegbí wé? ³¹ N yũnpyé, sǎ-á kéle gbule ne ní nĩ-á me vínóle yéle Yesu Krista yǎ sǎnó yĩnne, sǎ to ye kéle gbule ne swǎswǎ pólle máh me kũne n do n yah. ³² Gbǎnképèl nónó-á sǎ me Yefest kwil sǎkǎ, máh mékì fwo séle dükù nēne nēnpó, kàh sǎ me ne kèkǎyó mè sǎkǎ min pĩ yĩn tǎ ó sǎ, yǎre nē me mé nǎhki we ké sǎkǎ? Nte kàh me pĩ ne lékyĩ tǎ nǎh pǎ n yilki n mǎ n pi, á ye ne n yǎ à mó ne n wǎ kè, n̄sǎne á kĩ se pǎ n ku n pi tǎ.

³³ Yé káh yé gblǎyne n tǎ n mǎ dé, n̄gbǎ wáh nétúkù pĩ á kǎ-òle, á á yǎ yĩki dé! ³⁴ Mé kéle n yo yé tyí, túkù me yé sǎkǎ, pè nǎh Liyelle n pne. Nte yé pól sen ye kéle dǎ. Yé tǎ n tǎ kègbĩ yǎ, yé yèsrey tyile n pĩ káh yĩne sǎ, yé mó pèl pínó yal n mǎ.

Lékyĩ yĩlkinmǎnɔ wil gbǎnsé dükùle

³⁵ Nnĩ kĩ fǎ n piki n yah ne, lékyĩ se kĩ yilki mǎ sǎ nĩ? Wil gbǎnsé dükù nē se kĩ me pé tyí nĩ? ³⁶ Lékám kǎ névi! Wáh sèmuǎ pi duku mǎ, kàh fi, dúkúnmǎnɔ mè ye n̄kǎne n ku dǎ. ³⁷ Wáh n̄kǎne nē duku n mǎ, sèmuǎ pi yǎ ó ye. Kè kĩ fǎ pĩ kwlǎle, képah nǎh pĩ sèmuǎ káhkĩle, n̄kǎ yǎhkì tǎ wǎ nǎh n̄ n duku mǎ kè n fi dé. ³⁸ Képah nǎh, Liyel kè kǎ kè n fi n wil yǎhkìle à yĩne n̄ dyǎ dyǎ tǎne. Sèmuǎ pye duke pól yèh me sé tyí tyíle.

³⁹ Wil gbǎnsé dükù núkù nǎh min sǎkǎ yĩ pól tyí. Névyé wil gbǎnsé me ké tyíle, gbǎnkyǎ tyí me ké tyíle, kèpye tyí me ké tyíle, yǎnkyǎ tyí me ké tyíle. ⁴⁰ Yĩnyǎ yĩ to me, sétáh yǎ yĩ me. Nte yĩnyǎ yĩ plénó me sé tyíle ànē sétáh yǎ yĩ tyíle. ⁴¹ Gbĩ plénó me ké tyíle, n̄wǎ plénó me ké tyíle, n̄wǎ kèpye plénó me sé tyíle. Té n̄wǎ kèpye túkù n̄tǎ plénó tǎ sé gblǎy sé túkù tyíle. ⁴² Sǎ ye lékyĩ yĩlkinmǎnɔ to kĩ pǎ n pĩ n pi. Wil gbǎnsé nē-á kĩ n pyǎh n pi, képah kĩ yĩ, té kĩ pǎ yilki mǎ pĩ wil gbǎnséle nē nǎh tǎ n pyǎh n yah n pi. ⁴³ Kàh n yĩ gbĩ nēne, kè n ne n me kètúkùyǎ sohki kǎne. Nte kàh pǎ yilki mǎ, kè n ne n me kètǎr ó, tǎhkìle ké sǎkǎ. ⁴⁴ Kè n yĩ wil gbǎnsé gbǎyne, nte n pǎ n yilki n mǎ wil gbǎnsé késǎnne Liyel Mirki gbǎ yǎ. Wil gbǎnsé gbǎy me, wil gbǎnsé késǎn to me Liyel Mirki gbǎ yǎ. ⁴⁵ Yé nǎh we di, kè me wǎrkínsǎhnóle Liyel wey sébéy sǎkǎ ne n̄kǎ: «Négben nē-á Adamale, négbǎy ye n̄mǎle, nē-á min dah mǎ n̄ sǎkǎ.»§ Nte Adama téy wǎle,* Liyel Mirki me n̄mǎ sǎkǎ, nē-á minne n kǎ. ⁴⁶ Wil gbǎnsé késǎn nē-á we Liyel Mirki gbǎ yǎ, képah nǎh pǎ gbenne dé, wil gbǎnsé gbǎy ye pǎ gbenne. Képah nǎh, nē-á we Liyel Mirki gbǎ yǎ, képah pyé pǎ. ⁴⁷ Puri ye mǎ Adama gbenne, sétáh névi ye n̄mǎle. Adama ní-ò wǎle, n̄mǎ wil yĩnyǎ. ⁴⁸ Nē-á wil sétáh sǎkǎ, sétáh yǎ névyé me n̄mǎ tyí kǎle. Nē-á wil yĩnyǎ, yĩnyǎ tyínɔ mó me n̄mǎ tyí kǎle. ⁴⁹ Ayáh pĩ sétáh yǎ névi mè kètǎle dükù nēne, sǎ ó ye á kĩ tǎ pǎ n pĩ n pi yĩnyǎ névi mè to kètǎle.

⁵⁰ Yé yah, nē-á mé n yo yé tyí ní yũnpyé, kè we yǎ: Wil gbǎnsé gbǎy nǎh fǎ n de n pi Liyel tǎrĩ sǎkǎ. Pyǎh pyǎh kwáh to nǎh fǎ tyé-n̄kǎ min we.

⁵¹⁻⁵² Yé yah, mé kĩ tir wǎbìnsǎhnó yǎ yo yé syah: Á pól tǎ wǎ nǎh n ku n pi dé. Nte kèpǎ téy-à pǎ fĩbĩ, á pól kĩ viri nēnpó swǎ, yĩ víkényikunmǎnɔ wró. Kàh fĩbĩ gbĩ nēne, lékyĩ kĩ yilki mǎ, té pè nǎh tǎ n ku n yah n pi. Nte ápi nónó-à me min sǎkǎ, ápi kĩ viri. ⁵³ Pyǎh pyǎh kwáh yĩne kè vi mǎ pĩ pyǎh-n̄kǎ kwáhle. Té ku ku kwáh mó vi mǎ pĩ kú-n̄kǎ kwáhle. ⁵⁴ Nte pyǎh

§ 15:45 15.45 - Yah n te Yenesi 2.7. * 15:45 15.45 - Adama téy nē tyí-á n yo ásǎ sǎkǎ yǎ, n̄mǎ ye Kristale.

pyãh kwãh mē-à pɔ vi mɔ pi pyãh-ńkē kwãhle, té ku ku kwãh mē me vi mɔ pi kú-ńkē kwãhle, légbíne Liyel wey sébéy sɔkɔ tir wárkínsàhnó mē ki wil, nê-á yo ne ńkē: «Kũ tyí ye yɪki. Gbò ye syi ké tyí pnépné.»† 55 «Kũ, nyãh me á tēnwenɔle? Kũ, á kókè mɔ mɔ sòhki nyãh?»‡ 56 Névyé tyí pékè pínó ye kũ sòhkile, tyi kònsàhnó mó tãhkile tyí pékèle n kò. 57 Nte á ye wɛki Liyel tyí, ñmɔ nê-á tēnwenɔle á kò tyi nópi yò á Tē ñgbē Yesu Krista gbò yò.

58 Képah ye ní yúnpyé pèplo, yé yé tah n sah yé ne me yínnóle gbáhkì núkú yò. Yé wãnne n mɔ yé gbáhtēnɔ yò Tē ñgbē tò pínó sɔkɔ. Yè mó pĩ ne yáh kwlónó nēne n pi Tē ñgbē tò sɔkɔ, kè nãh n pi n pi nònóle.

16

Pó mórí nê-á yah kò Yesu yò sēpú ònkì yohu n mɔ yinne, nónó-á me Yerusalemi kwil

1 A yuku pó mórí wɔ tyí ònkì, nê-á ki Yerusalemi kwil Yesu yò sēpú yohu n mɔ, máh vinnmɔnɔle Kalasi mara Yesu yò sēpú ònkínó kò ne pè kè pi sò, yépi tò kè pi sēntēne. 2 Dimansyi sònó pólle, nê gbò-à nɔ nēne, à kè wilki n kēki n sah gbòpɔle. Yé káh ñmɔ pónó óle n syiki pó mórí mónóle. 3 Képah sɔkɔ, máh pɔ pɔ, mé ki sébéynó wárki té ki sépi ànê pó nópile yé névyé yáhnwilkínsàhnó gbò dahbi, pè kò pè ki kyi sè kò Yerusalemi sɔkɔ. 4 Káh ki se me nɔ ñmɔ tò kyínó tyí, á ki wēki pi núkúle.

Kóló nónó-á me Pole gbáhkì sò

5 Mé ki n pɔ n pi yé ònkì. Máh ki n pi, mé ki sɔkɔ Masedonɪ marale. Képah ye mé ki kah té ki de yé ònkì. 6 Máh ki pɔ, kè ki fē pi mé ki sèpìn yísyó pi yé tyí. Gbòkénpi mé ki kwòviri gbí pól nte pi n pi yé tyí. Képah sɔkɔ, yé ki fē yòhnìnmmɔnɔ pi ní tyí ní kò mé ki yò sɔkɔ ní kólóle nēnpó. 7 Kèpàhpíkì sɔkɔ, mé nãh me ké tyí ne mé n pɔ n yah n sɔkɔ yé tyí yínyò. Tē ñgbē-à ki fē syi, mé ki wũ ki wò yó pi yéle.

8-9 N fwópú sēnsò me dò Yefesɪ kwil sɔkɔ ó, nte wēki ñgbē yó me we yiki mɔ ní tyí ní tò we n pi yinne nēnpó. Képah ye, mé ki tē nēnpó ki syi pɔ nɔ Pãntekɔti syáh syáh sò tyí.

10 Timotele, Liyel tò ye à n pi ñmɔ tyí kòle. Képah ye wáh ki pɔ pɔ yé ònkì, yé ñ tēnó ple tiki kò kè káh à tē yé wró sɔkɔ. 11 Nnì yó nte káh ñne n yilo dé. Nmɔ me ñne n syiki ànê ní yúnpyé Yesu yò sēpúle. Képah ye, wáh ki pɔ n yal yé ònkì, yé yòhnìnmmɔnɔ pi ñ tyí ñ kóló yinne à kò à pɔ ní tnò yèvini sɔkɔ.

12 Té á yúnpì Apòlòstì wòle, mé sò kè yah kò ñ tyí gbáhyí náhnáhle ne à kyi yé ònkì ànê Yesu yò sēpú télóle. Té à nãh sò me ké tyí pólle ne pé kyi yé ònkì núkúnúkú. Nte wró-à pɔ we ñ tyí, à ki pɔ yé ònkì sò yóle.

Wey syi-ñsahle

13 Yé káh yé dyɔ mɔ n fwɔ n tē. Yé su yin gbáhkì núkú yò Liyel yò sēnó sɔkɔ. Yé yé ni syãh, yé mó yé tah n sah. 14 Yé tyi pólle n pi tyínɔnɔ sɔkɔ.

† 15:54 15.54 - Yah n te Yesayi 25.8. ‡ 15:55 15.55 - Yah n te Wose 13.14.

¹⁵ N yũnpyé, Sitefanasi ànê n no ye pi négbrole à pi Yesu yõ sěpúle Akayi mara sɔkɔ. Pè tɔ me pé gblɔy kɔ yĩ me Yesu yõ sěpúle n yohni n mɔ. Yé pínó se yó me ké sɔkɔ té. Képah ye, mé kɔ tɔ kè yah kɔ yé tyí ne, ¹⁶ yé ne n sah sěnkno névye tyí yõ, à tahlɔ nónó tɔ-á me tãn nópilɛ n pi péle me n kwlo.

¹⁷ Sitefanasi ànê Fortunistasi, ànê Asyayikusi ménóle nne ásô, kè ní nɔ vi yĩ. Pè ye me pɔ yé swɔ tɔkɔ. ¹⁸ Pè nɔmɔ nɔ de à tahlɔ yépi tɔ tyí tyí. Yé yĩne yè fě sěnkno névye yĩgbíle n yo.

¹⁹ Asi mara Yesu yõ sěpú tĩnkĩnó n wɛkɔ yé tyí. Akilasɔ ànê Prisili à tahlɔ Yesu yõ sěpú nónó-á Liyelle n ni n pɔ Akilasɔpi gbô, pé pól n wɛkɔ yé tyí Tě ñgbě yĩnne. ²⁰ Yé yũnpyé Yesu yõ sěpú nónó pól-á me nne ásô, pé pól n wɛkɔ yé tyí.

Yé pól wɛkɔ wě tyí tyínɔnɔ wɛy pèpɛyne.

²¹ Yé yah, nê-á mé n wãrkɔ n tɛkɔ n mɔ yé tyí ní gbòle, kè wɛ yò: Nɔmɔ Pole n wɛkɔ yé tyí.

²² Tě ñgbě Yesu tyí-à nɔ-ńkěne névi nê tyí, mé me ké tyí ne tě tyí yɔkɔ. Maranata. [Pàh ne Maranata-á, ké kór ye: Tě ñgbě, pɔ!]

²³ Mé me ké tyí ne Tě ñgbě Yesu yòbènɔri pi yé tyí!

²⁴ Yé pól tyí nɔ ní tyí Tě ñgbě Yesu Krista yĩnne.

Pole sébéy ní-ò tékínm̀oǹole Korēnti tãn tyí Tyàh-̀nsah weyne

Wey k̀oǹole

¹ Nmo Pole nê-á Yesu Krista tēntò névile à yīne Liyel dyo yī tēne, nmo ànê á yūnpi Timote ye n teki n mo sébéyne Yesu yō sēpú tīnkì tyí Korēnti kwil soko, ànê Yesu yō sēpú pól tyí nónó-á me Akayi mara pól soko. ² Á kéle n yah n kō Sú Liyel ànê Tē ngbē Yesu Krista tyí ne, pè yòbènrì ànê yèvinine yé kō.

Pèp̀ori pínó wey k̀oǹole

³ Mé n weki Liyel tyí, nmo nê-á ápi Tē ngbē Yesu Krista Súle. Nmo ye Súle nê-á névye yāmnē n yah. Névyē nno dé-ò Liyel ye nne. ⁴ Nmo ye ápi nno dé-òle á yèkworì tyino pól soko, sōnko nónó pól-á me yèkworì soko, ápi to fē pé nno de sō-á à ápi nno de. ⁵ Áyáh me yèvyāhrile n gbah n we n yuku sō Krista tyí kōle, sē ye Krista to mó me á nnole n gbah n de n yuku sē. ⁶ Áyáh yèvyāhrile n pi, yépi nno de yīn ye ànê yé pwáhnmono yīnne. Á nno-à de, sōré mo yīn ye yé soko sōnko yépi to fē yèvyāhrile n sro ápi-á nónó dùkù sro soko. ⁷ Ápi yáh-̀nsah náh me tyénole à yuku yépi tyí tīnne. Á pī ne sō-á yé yèvyāhrile n pi ále wē tyí, sē-á yé nno to ki n de n pi ále wē tyí.

⁸ Á yūnpyé, áyáh yèvyāhrì nê we Asi mara soko, á náh me ké tyí ne yépi tē ké yītūri soko. Kéne yèvyāhrì mè kǎn pi ápile à pò kah mo á yáh-̀nsah kō kè tyē, fóó á sō me n sō ne kǎh ki á yō yī.

⁹ Á sēnyīno sō me ké yō ne tir yó náh á kúnó dùkù ku n pi. Képah ye á me á sōno toko to á gblóy yō, té kè sah Liyel yō nmo nê-á lékyīle n yilki n mo. ¹⁰ Nmo ye ápi pwah mo kū mè dùkù gbō. Á ki tō á pwah n mo n pi. Á gbō sàhnó me n yō ne, wǎh ki á pwah n mo n pi rítō. ¹¹ Sónmono ye yépi to me n so mo á tyí yáh nírile n pi á tyí. Kǎh pi sē, á ki pèp̀ori we Liyel tyí nékwīnkí nírí pínó gbō yō. Té névye náhnáh to ki we weki n tyí ápi yīnne.

Pole v̀inmono dah mo n kóló tyí soko

¹² Ápi nìv̀inì yō-á nēne, kè we yò: Á kè pī á sōno soko ne áyáh me á foko dal no pólle yǎryǎr pí-̀nkēne, nte áyáh me sēntēne n pi n kal yépi wo tyí. Liyel yòhǹinmono gbō yō ye á kō á tē we képah pi, névi lékām gbō yō náh.

¹³ Ápi to náh kwâh yó wǎrki teki mo yé tyí nê-á yé kar té ké kór pī kwlo. N sēnyīno me ké yō ne, yáh ki fē nyō to kar ki ké kór pī yī. ¹⁴ Yé me tyi nópi dùkùle n pne kwéy. Tē ngbē Yesu syi n pò sōle, yé yō ki yō ápi yīnne, ápi to yō ki mó yō yépi yīnne. ¹⁵ N sēnyīno sō me képah yō, képah ye mé ne mé pò yépi ngbò tīnne kè kō kè pi yòbènrì ke ní-òle yé tyí. ¹⁶ Nmo sō me ké tyí ne máh ki n soko Masedoni mara soko, mé n pò n wil n soko yé tyí. Té máh ki ní syi, mé n pò n wil yé tyí rítō yé kō yé ní yohni n mo mé we n yō n soko ní kólóle Nsyude mara soko. ¹⁷ Nte kǎh pò pi mé náh tē we pò yé tīnne, képah se n wēki ne máh me tyile n yah n toko n dah n mo sē? Képah náh pi, máh me tyile n yah n toko ní yah yīne; mǎh ne àwe-á, dō mè n

tõ ne ðõ-á? ¹⁸ Liyel ye ní tàrfyòle ne áyáh wey nê yo yé tyí, kǒnvinwékunɔ náh kéle. ¹⁹ Nmo, ànê Silas, ànê Timote-á Liyel Pídí Yesu Krista wey nêne n yo yé tyí, kǒnvinwékunɔ wey náh kéle dé, gbɩ kókó ye kéle. ²⁰ Yé náh we di, ñmo gbõ yõ ye Liyel vyāh kǒnó tyi pól yīne n tē. Nmo gbõ yõ ye tō ápi amiinala n yo à gbílkinóle n sah Liyel yõ. ²¹ Liyel ye kō ápi ànê yépile tǎhkìle á wró kwrónmɔnɔ gbõ yõ Kristale. Nmo ye wilki sah ále n tyí yõ. ²² À á pɔkɔ mɔ à á pɩ n tyíle. Té n Mirki dah mɔ á sɔkɔ nê gbõ yõ-á á pī ne, wǎh n vyāhle á kō yī nónó tyí sɔkɔ, áyáh kɩ sè we n pi. ²³ Liyel ye ní tàrfyòle, máh kɩ me mìnì yo mè n ku. Yé yõ wilki yīn ye tir sɔkɔ ní kō mé náh ní syɩ pɔ Korēnti kwil sɔkɔ. ²⁴ Á náh me n yah n kō ne á tir yó kǎhlɩ n sah yé yõ à yuku yé Liyel yõ sǎnó tyí tīnne dé. Yòhnìnɔmɔnɔ ye á n yohnɩ n mɔ yéle sǎnko nìvìnì we yé sɔkɔ, yáh sǎnpíle me yé tah sah Liyel yõ sǎnó sɔkɔ.

2

¹ Nmo kè yah ní gblɔy ne yõ náh me ké tyí mé n syɩ n pɔ yé tīnne mé pɔ yèkwɔrɩ yɔrɩ mɔ yé yõ n̄tõ. ² Nmo-à kɩ yèkwɔrɩ mɔ yépi sɔkɔ, nê kɩ pɩ n̄mɔ nìvìnì yòle, né yépi náh máh yèkwɔrɩ mɔ yépi nónó sɔkɔ? ³ Mé sébéy mè wǎrkɩ tekɩ mɔ yé tyí, sǎnko mé káh pɔ yé tīnne yé tókù kō pè yèkwɔrɩ mɔ ní sɔkɔ, pépi nónó-á sò yīne nìvìnì mónóle ní sɔkɔ. Mé kè pī yī ne, máh me nìvìnì sɔkɔ, kè n pɩ nìvìnìne yépi tɔ tyí. ⁴ Nmo-á sébéy mēne n wǎrkɩ gbí nēne, ní nɩ sò me yíkínóle, ní lékǎm sò me vye fěkɩ té yétí me n kah n kwe. Yèkwɔrɩ náh sò mé n yah n kō mó-nsahle yé sɔkɔ dé, mé sò me ké tyí ne yé pī, yé tyí-á me nɔ ní tyí à kyɩ syɩ n̄yāh tyí.

⁵ Yèkwɔrɩ-à we n̄n̄i yó gbõ yõ, n̄mɔ tyí náh tē pɩ dé, yé pól yõ ye tē yɔrɩ mɔ kéle. Nte áyáh ne á káh kè yo n kah mɔ, á kɩ ne yé pól yõ-á tē yɔrɩ mɔ kéle. ⁶ Kéne tē tēne, tówû-á kɩ lékǎh nēne à kō, képah kɩ yīne n̄ne. ⁷ Képah ye, yé yīne yé yõ mɔ tē kō yé mó n̄ nɩ de, sǎnko yèkwɔrɩ káh pɔ n̄ yáh-nsah tye n kah mɔ.

⁸ Mé kéle n yah n kō yé tyí tɔle ne, yé kéle tē wěkɩ ne n tyí-á me nɔ yé tyí. ⁹ Máh sébéy mēne n wǎrkɩ n tekɩ n mɔ yé tyí yõ nê yõ tɔle, mé sò me ké tyí ne mé yé gbɩ yah, yáh kɩ me n sah ní yóré yõ tyi tyi pól sɔkɔ. ¹⁰ Yáh yõ mɔ névi nê kō, n̄mɔ tɔ kɩ yõ mɔ tē kō. Té yáh we mé yõ mɔ n̄n̄i kō, yépi yīn ye mè n pɩ kéle Krista yah sɔkɔ. ¹¹ Képah sɔkɔ, sétǎn yòtē náh syõ-nsah we à tē we n pi á tyí. Á pól n̄ yah mó-nsahle n pne dò.

Pole sɔnɔ fěkínóle Tite tyí sɔkɔ

¹² Máh yīni tē Turasɩ mara sɔkɔ Yesu Krista Nìvìnì tir yó-nsah, mé kè we Liyel ké wěkɩ yɩkɩ mɔ ní kō palle. ¹³ Nte mé náh ní yūnpi Tite we n̄n̄pó sɔkɔ. Kǎh pɩ sē, ní sɔnɔ náh sò me tēnóle fí núkú sɔkɔ. Képah ye, mé me wěkɩ ni n̄n̄pó tãn tyí, té sɔkɔ Masedonɩ mara sɔkɔ.

Tēnwɛnɔ nê-á n we Yesu Krista gbõ yõ

¹⁴ Gbílkinó ne n sah Liyel yõ, ñmo nê-á á pɩ tēnwɛpule á wró kwrónmɔnɔ gbõ yõ Kristale. Á á kō á Krista dùkùle n yo n tō n mɔ n kō tǎntǎn pól sɔkɔ, sǎ-á làsèkwèl pǎn n tō n mɔ tyah pól sɔkɔ. ¹⁵ Ápi pɩ làsèkwèl pǎn pènèkì tyí kōle Liyel tyí, á wró kwrónmɔnɔ gbõ Kristale. Névyé nónó-á pwáhnɔmɔnɔ wěkì yõ, ànê nónó-á me tyí yíkínó wěkì yõ, pǎn mè me n yīni n tē pé pól tyí. ¹⁶ Tókù tyí, á me n pō kétukùyô nê-á n pɔ n pɔ kūne. Tókù tyí mó, á me n pō palle nê-á n pɔ n pɔ minne. Nte nê tē wɔ kɩ fě képah pɩ wé?

17 Névye náhnáh με Liyel wey tɔkɔ gbòle n yĩ. Ápi tẽ wɔ náh με pépi tyí kòle. Liyel ye tɔ ápile, képah ye á με á fɔkɔ dal mɔ ò weyne n yo ò yah sɔkɔ, á wró kwrónmɔnɔ gbò yò Kristale.

3

1 Ápi se tɔ yĩne á gblɔy òkù yónóle yé tyí? Képah náh πι, á se yĩne à sébéy yó wárkɪ yé kò à á gblɔy òkù yo yé syah, sɔ-á tókù kéle n πι? Tĩ, yépi se κɪ wárkɪ á kò sébéyne, nê sɔkɔ-á yé κɪ με ápi òkù yo? 2 Yépi ye ápi sébéy mène. Kè με wárkínóle á nno sɔkɔ. No pól kéle n pne, té kéle n kar n pne. 3 Kè με píkinóle ne yépi-á sébéy mène, nê sɔkɔ welo-á Krista á kò á wárkɪ. Wárkínó mène, min nétẽ Liyel Mirki gbò níy ye, wárkɪ wárkɪ kwáh níy náh. Dyèh fábkó fábkó yò sɔkɔ náh kéle wárkínóle dé, névye nno sɔkɔ ye.

4 Krista gbò yò ye á sěnyĩnɔ με kéne welo yò Liyel yah sɔkɔ. 5 Ápi-á tyi nónoné n πι yò, á yěngbẽ tẽnwenɔ náh á fẽ n πι séle dé, Liyel kónó ye. 6 Nmɔ ye á kò tẽnwenole á fẽ yégbékè kwrónmɔnɔ kėsán tyile névyele n kwɔ. Kéne yégbékè kwrónmɔnɔ náh n wil tyi kònsàhnó wárkínsàhnó sɔkɔ dé, Liyel Mirki tɔ vyāh ye kéle. Yé náh we di, tyi kònsàhnó nê-á wárkínsàhnóle, képah n πɔ n πɔ tyí yíkinóle. Nte Liyel Mirki wɔ minne n kò. 7 Tyi kònsàhnó wɔ nê-á n πɔ n πɔ tyí yíkinóle, ké wárkínmɔnɔ gbĩne dyèh fábkó fábkónó yò, Liyel tɔrí sò με tiki πɔ Moyisi yèpɔ kò kè n tẽ, fók Yisrayel no náh sò με fẽ n yah n dah n mɔ ò yah sɔkɔ. Té kéne tɔrí náh mo pólle. 8 Nte Liyel Mirki tẽ wɔ-á tɔ nêne n πι, képah náh Liyel tɔrí wẽkɪ n kal n πi di? 9 Tyi kònsàhnó wāl kónó nê-á n πɔ n πɔ tyí yíkinóle, gbílkinó-à we képah tyí sɔkɔ, gbɪ wẽkì kónó wɔ se pyè. 10 Á κɪ fẽ yo rítene ne tɔrí nê-á sò με ghen tène, nukúnúkú tyí-á képah tɔkɔ yò. 11 Gbílkinó-à με sah mó-ńkẽ kwáh yò, mo mo tyí wɔ se pyè.

12 Á gbò sàhnyĩnɔ με képah yò, képah ye á nɪ με yĩnnóle. 13 Ápi náh με πι Moyisi tyí kòle, nê-á sò fwɔ vike tũ ò yah sɔkɔ sɔnko Yisrayel no káh ò yèpɔ ténó yal n mɔ gbí πĩ, képah nê-á sò mo mo tyí náh kéle. 14 Nte pè με sě fěntũ sɔkɔ. À πɔ no kwey tyí, pàh tyi kònsàhnó kedyāhle n kar, kéne fwɔ mè n ne n με fókóntütěnlóle pé yah sɔkɔ. Kè náh tɔkɔ to pé yah. Né nê náh ò wró kwɔ mɔ Kristale, kè náh n tɔkɔ n to tẽ yah. 15 Gbɪ yò à πɔ syɪ kwey tyí, pàh Moyisi tyi kònsàhnóle n kar, fwɔ mè n ne n με pé lékām yah fɔkɔ n tũ n sah. 16 Nte nê wɔ-à sě Tẽ ñgbẽ yò, fwɔ mè n tɔkɔ n to tẽ yah sɔkɔ. 17 Tẽ ñgbẽ nê tyí-á n yo ásò, Liyel Mirki ye. Nte Liyel Mirki-à με ñyāh sɔkɔ, névye n ne με pé gblɔy yò nénpó. 18 Fwɔ náh με víkěntũnole ápi tẽ wɔ yah. Á òkù με Tẽ ñgbẽ tɔríle n wẽkɪ. Á vi mɔ πι Tẽ ñgbẽ tyí kòle. Wān με n mɔ n yuku á tɔrí yò. Tẽ ñgbẽ tɔ vyāh ye képahle, òmɔ nê-á Mirkile.

4

Pole ànê pé no-á fòhnó nóno we

1 Liyel ye ápi yām yah té tɔ mè dahbɪ á gbò, képah ye á kéle n πι wílúnì kěne. 2 Sen tyi nóno-á névye n ne n wõbɪ n πι, ápi sépi we ye. Á με á tyile n πι yĩnvì kěne, á náh με Liyel wey kórlé n vi n mɔ pólle. Gbɪ ye ápi me n yo tótó, sɔnko névye pól sě á yò Liyel yah sɔkɔ. 3 Nte ápi-á Nìvìnì tir nène n yo, képah-à κɪ tɔ mé-ńkěne kyòò, tyí yíkípú tyí ye kè náh με kyòò. 4 Sétān yòtẽ nê-á kèkòyò mè tòle, òmɔ ye fěntũ mɔ pé yah. À kàh-nsah tũ

pé tyí, sǒnko Nìvìnì tir-á Krista tǒrí kyòo nêne n wěki, pè káh fě képah we. Té Liyel kètò ye mó tǒ Kristale. ⁵ Ápi gblǒy tyí náh á n yo n kǒ dé, Yesu Krista tyí ye á n yo n kǒ ne òmò-á Tě ògběne. Ápi tě wò pì tǒnpùbule yé tyí Yesu Krista yǐnne. ⁶ Yé náh we di, Liyel nê-á yo ne òkě kyòo mò fěntũ sòko, òmò ye kǒ mò kyòole ápi nno sòko, sǒnko névye ò tǒrí we nê-á me n tě Krista yèpò sòko. ⁷ Kéne tahrì mè ye ápi kǒ, ápi nónó-á sohki kěne á sòko puri pǐn tyí kǒle, sǒnko névye pǐ ne òkě ténweno ògbě mè náh wil ápi tyí, káh wil Liyel tyí. ⁸ Fǒhnó me n sah ápi yò yey yey pólle, òte á náh me tě kwlò. Á lékám me vye fěki, òte á yáh-ńsah náh tye. ⁹ Pè me kǒ á náh à ále n fǒh, òte Liyel náh ò náh vi á kǒ. Pè á mi min, òte á náh ku. ¹⁰ Yesu-á fǒhnó we à ku dùkù nêne, képah ye me ápile n we sǒmesǒ. Képah ye ki névye kǒ pè ki pǐ ne áyáh me á min sòko òmò gbò yò. ¹¹ Né ápi náh ku, gbímegbí á ki me kǔne n do n yah Yesu yǐnne. Á wil gběnsê nê-á mó sohki kěne, kè ki min we òmò gbò yò. ¹² Káh pì sě, ápi me wě sòko kǔne, yépi mó me tyé-ńkě minne n we. ¹³ Kè me wǎrkínsàhnóle Liyel wey sébey sòko ne òkě: «Mé sě Liyel yò, képah ye ò kǒ mé ò weyne n yo.» Sě ye ápi to sě ò yò, képah ye á kǒ á ò weyne n yo. ¹⁴ Yé náh we di, á pǐ ne Liyel nê-á yilki mò Tě ògbě Yesu lékóle, wǎh ki ápi to lékyî yilki mò, té ki kyí ápi ànê yépi sah ò tǒ. ¹⁵ Yépi yǐn ye tyi nópi pól ápile n we. Té képah sòko ye mó Liyel ki yòbènrì náhnáh pì névye tyí, sǒnko pè ne n wěki ò tyí, pè mó òne n gbilki.

Káh n ye á wil ku, noli dò me ò syiki tě

¹⁶ Képah ye kè náh me wílúnine ápi tyí pólle. Á wil gběnsê tyí-à ki sǒ me n yiki n yuku, á min tě wò me n gbah n pì n yuku sǎnne sǒmesǒ. ¹⁷ Yé náh we di, mó-òkě yèvyǎhrì kwéy nê-á ápi yò núkúnúkú yò, képah náh me sǎh yah yah tēne tyé-ńkě yò yǒnó nê-á á ki pò n we n pì képah tyí sǒwǎh. ¹⁸ Yí-á yí nónóne n we n pne, sépi náh ápi me n yah n kǒ. Kè náh yí nónóne n we n pne, sépi ye á me n yah n kǒ. Yí-á n tě n pne yí nónó yò, sépi náh n mo. Nte kè náh n tě n pne nónó yò, sépi n ne n me tyétyénì kěne.

5

¹ Wil gběnsê nê-á ápi min tě-ńsahle sétáh mè yò sòko yò, ké tyí-à pò yiki, Liyel ki min tě-ńsah yó yah á kǒ yǐnyò, nê-á ki me kǔmm yò sòko. Kéne tě-ńsah mène, névi gběnpurì náh kélé. ² Nte núkúnúkú, ké sòko de déké me á kah tě, képah ye á me n gbí ké yǐnne. ³ Áyáh ki we de ké sòko, á wil títì náh tǒ n we n pì. ⁴ Wò nê pól-á á min ki n pì n pi sétáh mè yò sòko, á ki me gbínó sòko tókópékè sǒ á yò. Min tě-ńsah nê-á á tyí sétáh mè yò, kè náh me á ki ne á sǒ me ké tyí yíkí-ńsahle n yah n kǒ dé. Yíkí-ńkě min tě-ńsah nê-á Liyel ki á kǒ n pi yǐnyò, á me ké tyí ne képah pò yiki yiki tyí mè swò tǒko. ⁵ Liyel ye sépi pól yah sah ápi yǐnne. Pèpòri nónó-á à ki n pì n pi á tyí, ò Mirki ògbò ye à tekì mò á kǒ sé sòko. ⁶ Képah ye, á sěnyĩno me ké yò gbímegbí ne á min tě-à ki fyò tě á wil gběnsê mè tě sòko, á wró-á me dónóle Tě ògběne. ⁷ N yò sěno gbò yò ye á me n yuku yahle, ò wénó gbò yò náh. ⁸ Á sěnyĩno me ké yò, képah ye á me ké tyí ne á min yal wil gběnsê mè sòko, kè kyí n tě Tě ògbě tǒ. ⁹ Nte káh ki se we wil ò; káh ki se we wil-ńkěne ò; áyáh pì sǒ té á tyí n no n pi Tě ògbě tyí, képah ye á me n yah n kǒ. ¹⁰ Yé náh we di, á pól yǐne Krista á take. Képah sòko, nê-à ki

με πέπευ πι κέκωϋό με σοκω, à κι à dyah kéλε. Nê-à κι mó με πέκè πι, à κι à dyah kéλε.

Ápi wró kwrɔ mo Liyelle Krista gbô yô

¹¹ Kwâh nê-á Tě ñgbê yah tíkí pínóle, ápi kéλε n pne. Képah ye, á με n yah n kô ne á névye sônɔ vi mo pé ñ yah tikíle n πι. Ápi fí yó nítě nâh me Liyel pu. Té ñmo sônɔ σοκω, yépi to api pĩ yĩ. ¹² Á gblöy dùkù nâh tō á n yo yéle n syah, ñte syô-ñsah ye á yéle n kô yè fě yé gblöyne n gbilki ápi yĩnne. Képah σοκω, wényo-ñsah κι we yé tyí yĩ yah pípú tyí. ¹³ Ápi yôgbèl-à κι sô me yuku, Liyel yĩn ye. Nte á yah-à κι se mó με gbréy, yépi yĩn ye. ¹⁴ Krista tyínɔnɔ ye yah syi ápi tyí, ápi nóno-á pĩ ne nénúkú-á ku no pól swɔ σοκω. Kâh πι sě, kè με á κι ne no pól to sô ku. ¹⁵ À ku no pól yĩnne sônko nóno-á με min σοκω, pé kâh pé minne n πι pé gblöy yĩnne, nê-á ku té ñ lékó yilki mo, pé kéλε n πι ñmo yĩnne. ¹⁶ Kâh πι sě, núkúnúkú tēne á nâh tō ñnî yó nítě yah n πι à yĩne névi yôtàhsyi yáhnóle. Áyâh sô sô me Kristale n yah sě, núkúnúkú á nâh tō me ñne n yah sě. ¹⁷ Névi nê wró-à με kwrónmɔnɔle Kristale, tē ni n vi n mo. Á ñ πι dùkù kedyâh fĩn n mo, ñ té πι dùkù késân toκω. ¹⁸ Liyel tō vyâh ye sépi pólle, ñmo nê-á ápi wró kwrɔ mo ñne Krista gbô yô, té με wró kwrónmɔnɔ tō dahbi ápi gbô. ¹⁹ Yé nâh we di, Liyel nâh kékôyó névye tyípêl mo kô, à syô Krista tyí à pé wró kwrɔ mo ñne, té με wró kwrónmɔnɔ tyí yónó dahbi ápi gbô ne, á névye wróle n kwrɔ n mo péwɔle. ²⁰ Krista yĩn yô ye ápi με n weki. Kè με á κι ne Liyel sô n yo n mo névye tyí ápi gbô yô. Képah ye á kéλε n yah n kô yé tyí Krista yĩn yô ne, yé yé wró kwrɔ n mo Liyelle. ²¹ Krista nê-á à nâh tyípékè πι yah, Liyel ñmo twah mo ápi tyípêlle, sônko ñmo gbô yô, ápi to πι yályál Liyel yah σοκω.

6

¹ Ápi-á πι Liyel tō πι mùne sě, képah ye á kéλε n yah n kô yé tyí ne wâh yôbènrɔ nê πι yé tyí, yé kâh ye kè πι yô kēne. ² Yé nâh we di, Liyel ne nkē: «Tyah-á sô με palle gbí nēne, mé á nírí tē. Pwâhnmɔnɔ sôle, mé ñ yohnɔ mo. Tyah πέπευ gbí mè ye núkúnúkú yò. Yah, pwâhnmɔnɔ yòh ye kweyne.»*

³ Á nâh με ké tyí ne á ñnî yó nítě yô yiki, ñnî kô à po wényo-ñsah we á tō tyí σοκω. ⁴ Nte tyi tyi pól σοκω, ápi με á gblöyne n wēki Liyel tōnpɔbi kègblɔle. Á με gbah tē yèvyâhrɔ, ànê yèkwɔrɔ, ànê tíkí kèpékèle n sro nâhnâh. ⁵ Á ko syi, té wòkònpèkè πι. Pé névye mo á yô, té á mo tãn pèl pínó σοκω. Á nâh με n we n do, yòke to nâh με n we n yô. ⁶ Á με tôle n πι Liyel tyí fokɔle píkínóle ànê á lékãm pólle. Á με tyile n sro με pépɔrɔle n πι Liyel Mirki gbô yô. Tyínɔnɔ yèsyìkì με á σοκω, ⁷ ànê gbɔ welɔ ye á me n yo Liyel tãhkì gbô yô. Gbɔ wèkì kóló ye ápi πι á méfwó yíle à á sépébúle n fwo, té á gblöy yòle n syki. ⁸ Névye á doκω n mo, képah nâh πι pé á kô fě. Pé á yígbúle n yo, képah nâh πι pé á yípolle n yo. Pé ále n πι mìnnyobele, té gblɔ yópú ye mó tō ále. ⁹ Pé ále n πι pé kósyì á pĩ, té pé mó tō ále n pne kyó. Pé ále n πι lékyî sô ále té vye ye mó tō ále. Pé fòhnóle n sah á yô, té pé nâh ále n ko n mo. ¹⁰ Pé yèkwɔrɔ tyile n πι á tyí, té gbíme gbí à n ne me

* 6:2 6.2 Yah n te Yesayi 49.8.

nìvìnì sòkò. Pě ále n tókò n pɪ yãm tãnne, té á mó tǒ me névye náhnáhle n pɪ tahbule. Pě ále n pɪ kwâh kěpúle, té yíyìn pól mó tǒ me á tyí.

¹¹ Korēnti tãn, gbɪ ye ápi n yo yé tyí. Á á fòkò dal mɔ yéle. ¹² Ápi náh á fòkò kwĩnki yéle. Yépi ye yé fòkò kwĩnki ápile. ¹³ Sú-á nkěne tyile n yo n wěnpì tyí sǒ, sě ye mé me n yo tyile yé tyí. Yé yĩne yè kè pĩ á tyí, yépi to mó yé fòkò dal n mɔ yĩ ále.

Kyòò ànê fěntũ náh fě n kwɔ n mɔ

¹⁴ Yé káh ne n pɪ n soh Yesu yǒ sě-ńkěpúle tir yó ńtě sòkò. Gbɪ wěkì kóló ànê tyítúkùnì pínó náh me wěkì núkú yǒ. Kyòò ànê fěntũ náh fě n kwɔ n mɔ. ¹⁵ Krista ànê sètãn yǒtě wró náh fě n kwɔ n mɔ. Yesu yǒ sě-ò ànê Yesu yǒ sě-ńkě névi wró náh fě n kwɔ n mɔ. ¹⁶ Fal fal tãn náh fě n kwɔ n mɔ Liyel ní-ńsah gbô sòkò. Yé náh we di, ápile, Liyel ní-ńsah gbô ye ále à yĩne Liyel-á kè yo sǒ ne nkě:

«Mé kɪ tě péle té kɪ me péle pé kó-ńtãn sòkò.

Mé kɪ pɪ pé Liyelle, té pè kɪ mó pɪ ní nòle.»

¹⁷ Képah ye Tě ñgbě Liyel ne: «Yé wil kéne névye wró, yè gbe n tě yé tyíle. Yé káh n tũ kwâh yó ńtě tyí nê náh me yályál ñmɔ yah, képah sòkò ñmɔ kɪ mó yé tě ple.

¹⁸ Mé kɪ pɪ yé Súle, té yé kɪ mó pɪ ní dīnpì ànê ní syónpile.» Sě ye Tě ñgbě yo, ñmɔ nê-á tãhkì nětěne.»

7

¹ N nénónó, Liyel vyãh kǒnó nópìle, ápi to vyãh me sé sòkò. Képah ye, tyi nónó pól-á silki sah á wil ànê á minne, á ye sè wu n to á gblǒy sòkò, á mó ne n me yályál Liyel yah n yah tíkì pínó sòkò.

Nìvìnì nê-á we Pole sòkò Korēnti tãn-á pé gblǒy tiki mɔ

² Yé ye á tyí nɔ yé tyí. Ápi náh pɪ de ñnî yó ńtě tyí. Á náh ñnî yó ńtě gbô tye. Á náh sykɪ ñnî yó ńtě yǒ. ³ Yé káh we ne máh me sèpile n yo à lékàhle yéle n kǒ dé. Mé kè yo sah te yé tyí ne á min pól sòkò, yé tyí-á me nónóle á tyí kũ ńtě fyé náh fě á wró ykɪ. ⁴ N sěnyĩnɔ me yé yǒ, ní nɪ me vínóle yéle. Yé tyí pɪ yĩ nɪ dénóle ní tyí. Yèkwɔrɪ duke pól sénsǒ me ále n we, ñte képah fyé yǒ, nìvìnì me kah mɔ ní sòkò. ⁵ Áyáh fyò pɔ de Masedonɪ mara sòkò, yèvyãhrɪ duke pól núkú sykɪ á yǒ, á náh we mɪ yah kwéy ńtěne. Mál ye yey yey pólle, tíkì we á sòkò. ⁶ Nte Liyel nê-á těnkwlɔpu nɪ dé-òle, à Tite tekɪ mɔ ápi kǒ á nɪ kǒ kè de. ⁷ Kè náh me ne Tite pónó ó sǒ ápi nɪ kǒ kè de, yáh sǒré nê mɔ n sòkò képah to ye. Tite pɔ yo á syah ní we dékè-á me yé kah tě sǒ, ànê yèkwɔrɪ nê-á me yé sòkò, ànê yáh me yuku yĩn sǒ à ní vyãhle n syi. Képah wãn gbah mɔ ní nìvìnì yǒ.

⁸ Máh sèbéy nê tekɪ mɔ yé tyí, mé pĩ ne kãh yèkwɔrɪ mɔ yé sòkò. Nte ké tékɪnmɔnɔ náh pɪ nãhnpĩne ñmɔ tyí. Té máh pɔ kè kyomɪ we ne kãh yèkwɔrɪ mɔ yé sòkò wró kwéy ó sòkò, kè pɪ nãhnpĩne ní tyí. ⁹ Nte núkúnúkú, kè me nìvìnìne ní tyí. Kãh yèkwɔrɪ mɔ yé sòkò képah yĩn náh dé, yèkwɔrɪ mɔ-á vɪnmɔnɔ nê dahbɪ yé pɪ òkù sòkò, képah yĩn ye. Yé yèkwɔrɪ mɔ sǒ me yĩnénóle Liyel tyí. Kãh mó pɪ sě, á náh pèkè yó ńtě pɪ yé tyí. ¹⁰ Yé náh we di, yèkwɔrɪ nê-á me yĩnénóle Liyel tyí, képah névi pɪ òkùle n vi n mɔ à ñne n mɔ pwáhnmɔnɔ wěkì yǒ, kè náh n pɪ nãhnpĩne tě tyí. Nte kèkǒyǒ tyi sǒnɔ-á yèkwɔrɪ nêne n mɔ névi sòkò, képah ye n pɔ

n po kũne. ¹¹ Yèkwɔɔri nê-á me yínénóle Liyel tyí, kãh vinnmɔnɔ nê dahbi yé sɔko yé kè we yò:
 Yé me yé gblɔy kɔ yí.
 Yé me gblɔy yele n yah n kɔ.
 Yé fɔko me vyãh yí yé gblɔyne yí mè sɔko.
 Tíkí me yé tẽ pèkè pínóle.
 N we dékè me yé tẽ.
 Yé me gbah tẽ yí Liyel wèkì kóló sɔko.
 Yé me ké tyí ne fõhnó sah lékàh névi yò.
 Yé kè wèkì dal mɔ ne yé vyãh nãh me yí mè sɔko pólle. ¹² Nmɔ nãh sébéy mè wãrkì tekì mɔ tyítúkù pí-ò yinne, képah nãh pi tyítúkù-á pi névi nê sɔko tẽ wɔ yinne dé, mé kè tekì mɔ ne yé kè pì Liyel yah sɔko ne ápi tyí-á me tah yí yé tyí.
¹³ Yáh nê pi, képah ápi nno de kègbile, té kè nãh yin képah ó tyí dé, yáh Tite ni sũ n ni kɔ kè vi sɔ, kè wãn mɔ ápi nìvìnì yò. ¹⁴ Mé lésò ní gblɔy yò sah kwéy Tite tyí yé tyí sówãh. Nte yé nãh mó senne ní tẽ. Áyáh dar té gbile n yo sɔ yé tyí, sɛ ye á yo yé yingbìle Tite tyí, té à mó ntyínɔ kyì kè we sɛ. ¹⁵ Yáh à tɔ sah tẽ té yòyen sah n yò sɔ, n dyɔ me n kwne kéle, képah ye yé tyí gbah nɔ yí n tyí. ¹⁶ Kè me nìvìnìne ní tyí, à tẽ we ní gbò sah yé yò tyi tyi pól sɔko.

8

Masedonì Yesu yò sɛpú ònkì-á pó mórí nê mɔ

¹ N yúnpyé, Liyel-á yòbènrì nê pi Masedonì Yesu yò sɛpú ònkìnó tyí, á me ké tyí ne á kè yo yé syah. ² Yèkwɔɔri duke náhnãh sò pè yini tẽ, nte képah fyé yò, nìvìnì sò me kah mɔ pé sɔko. Yãm sò me kah peke pé yò, nte képah fyé yò, pè pi yínkɔpu kègbìle. ³ Nmɔ ye pé tàrfyòle ne pãh kè pi à syi pé gbò yin tyí, fókú à kah mɔ pé gbò yin nte yò à yine pé dyɔ dyɔ tẽne. ⁴ Té me kè gbah yah kɔ ápi tyí ne á ye pé gbò dahbi á tyí yòhninnmɔnɔ mè tékinnmɔnɔ sɔko Nsyude mara Yesu yò sɛpú tyí. ⁵ Ápi-á sò me nêne n yah n kɔ, pè kè pi kah mɔ képah yò nte. Pè pé gblɔyne Liyel ngbò kɔ, képah nãh, té pé gblɔy dahbi ápi to gbò sɔko à yine Liye dyɔ yí tẽne. ⁶ Képah ye, á me Titi ni ne wãh pó mórí syínó tò nê tyah yé ònne, à kè pi n dal n mɔ. ⁷ Sɔ-á yéle yahle tyi pól sɔko yò: Liyel yò sɛnóle yé sɔko, yé n wekì n pne, yípi yé sɔko, sórèle yé sɔko yin kène, à tahlì névyé tyínɔnɔ nê-á á dahmò yé sɔko, képah yinne á me ké tyí ne yé ne n me yahle pó mórí mónó mè to sɔko. ⁸ Kyínmɔnɔ nãh mé n kyì n mɔ yéle máh képahle n yo dé. Nte máh no téló gbáhntène tyile n yo yé tyí, mé me ké tyí ne yépi to kè wèkì ne tyínɔnɔ kègbì-á me yé sɔko. ⁹ Tẽ ngbè Yesu Krista-á pèpɔri nê pi, yé kéle n pne. Yé nãh we di, nno nê-á kwãh nètène, à fẽ syi n gblɔy pi yãm neyne sònko yépi pi kwãh nátãmne. ¹⁰ Nmɔ sònɔ-á nêne, yí mè tyí ònne, képah ye mé n yo yé tyí. Képah me yínénóle yépi tyí yépi nónó-á pi gbrole yán ònkùle à pó mórí mè mɔ, té kè nãh yin képah ó tyí dé, ké pínó yáhntòkɔnɔ wil yépi tyí. ¹¹ Kãh pi sɛ, núkúnúkú yé tò mè pi n dal n mɔ. Yáh kè yah tɔko sònɔ pèpeyne sɔ, yé kè pi n dal n mɔ sɛ à yine yé gbò yinne. ¹² Yé nãh we di, wãh yí kɔ á gbò yinne à yine wãh kè yah tɔko sɔ, képah tyí nɔ

Liyel tyí. Kwâh nê nâh me á tyí, à nâh képah níyne n tẽ. ¹³ Mé nâh yo ne yé yé gblõy mo yãm soko no téló tyí pekú yinne dé. Nte mé me ké tyí ne yé kè pi yé pól ne n me núkúle. ¹⁴ Kwey mèn soko, kwâh me yépi gbò. Képah ye, kwâh nâh me nónó tyí, yé péle n yohnu n mo. Kwâh-à mó sò nêne me pépi tyí té ki n kne yépi tyí, pè ki yé yohnu mo. Kàh pi sɛ, yé pól ki me núkúle, ¹⁵ sɔ-á kéle wáarkínsàhnóle Liyel wey sébéy soko ne: «Nê-á sò kwel dò, wã nâh wũ ñ tyí. Nê-á sò kwel kwéy, ñ tyí nâh tekí.»*

Titi ànê ñ kómûne

¹⁶ Liyel yin ne n gbilki, ñmo nê-á yé yòhnìnmono dékè dahbi Titi ni soko, sɔ-á sò à kè dahbi ápi nno soko. ¹⁷ Áyáh nê yah kɔ ñ tyí, à kè fɛ syi. Té yé yòhnìnmono dékè-á sò me ñ ni soko sɛ, à núkú kè yah tɔko ñ gblõy rítene ne, páh ki yuku yé ñinne. ¹⁸ Á me á yúnpí yó tɔle n tekí n mo ñne wɛ tyí, nê-á Yesu yò sɛpú ñnkínó pól me ñ yíngbúle n yo Nìvìnì tir yónó tyí soko. ¹⁹ Té à wil képah soko, ñmo ye tɔ Yesu yò sɛpú ñnkínó yah wilki ne à ápi tekí mo á kyí pèpɔri tò mèn pi. Tɛ ñgbɛ yin gbilki yin ye ápi n pi tò mènne à kéle n wɛki tɔle ne tò mèn pínó tyí-á me no á tyí. ²⁰ Á me tyi pólle n pi tɔle ne, pò ñgbɛ nê tyí-á dahbi á gbò, á ké tyi tɔ sah pi pɔ tye á káh yínyíkì we ké tyí soko. ²¹ Á me ké tyí ne á ne n tɔ n sah n pi Tɛ ñgbɛ yah soko, té kè nâh yin képah ó tyí dé, á me ké tyí ne á ne n tɔ n sah n pi névye tɔ yah soko. ²² Á ye á yúnpí yó tɔle n tekí mo péle wɛ tyí. Á à we mo yah gbáhyí náhnáhle, té sé pól soko á kè we ne gbáhntɛ-ò-á ñne. Nte à tɔ me gbah tɛ kal núkúnúkú, wãh sɔnpíle me sɛ yí yépi yò soko. ²³ Titi tɛ wɔle, ñmo kó-ò ye ñne, à me tɔle n pi ànê ñmɔle wɛ tyí yépi yinne. Nte á yúnpyé téló wɔle, Yesu yò sɛpú ñnkínó ye tekí mo péle, Krista yin gbilki yinne. ²⁴ Képah ye, yé kéle pè wɛki ne pé tyí-á me no yí yé tyí, sɔnko Yesu yò sɛpú ñnkínó kè we, pè mó pĩ ne gbi-á me á tyí á yéle n sò.

9

Yesu yò sɛpú ñnkí yòhnìnmonole Yude mara soko

¹ Yòhnìnmono nê-á ki n tekí n mo n pi Yude mara Yesu yò sɛpú tyí, yò nâh me ké tyí mèn sébéy tɔ yé tyí képah tyí soko. ² Mé pĩ ne yáh me ké tyí ne yé kè pi. Mé me yéle n sò rítene Masedoni mara Yesu yò sɛpú tyí, me n yo pé tyí ne, Akayi mara Yesu yò sɛpú-á me pé gblõy vi te yòhnìnmono pi yinne fókó yán dùkùle. Kàh pi sɛ, yépi nónó-á me kéne mara soko, yépi gbáhntɛno mèn sórè mo névye kan soko. ³ Mé á yúnpyéle n tekí n mo yé tyí, sɔnko máh me yéle n sò sɔnó nêne yí mèn tyí soko, kè káh pɔ pi yò kɛne. Nte yè ne n me yé gblõy vi sah kègbi yò sɔ-á mé yo kéle. ⁴ Kàh ki pi dùkù yóle, té Masedoni mara tãn-à ki pónó yí ñmɔle, té pɔ ne yah yé nâh me yé gblõy vi sah, kè ki pi sen ñgbɛne ápi tyí áyáh sɔnpíle kàh sɛ yé yò. Té yépi rítè wɔ tyí ye kè ki pi sennè. Nte mé nâh me ké tyí ne mé képah yo. ⁵ Képah ye, mé kè sò ne máh yíne mé á yúnpyé nɔpi ni pè mo ñmo yahle, pè pɔ pò mórí mèn tyí yahle n wah yáh yé vyáh kɔ nê tyí soko; sɔnko máh ki pópó n pi, ké tyí yah ne n me wáhntɛnɔle, nê-á ki kè wɛki ne yáh kè pi yé dyo dyo tɛne, kyínmono nâh pè kyí mo yéle. ⁶ Yé se kè pĩ ne, névi

* 8:15 8.15 Yah n te Yálnó 16.18.

nê-à duku mɔ kwéy, tẽ n pɔ sèmukɔ kwéy tɔkɔ; té nê-à duku mɔ dò, tẽ n pɔ sèmukɔ dò tɔkɔ té.

⁷ Yé nénúkù núkú pól yĩne yé kɔ à yĩne yáh kè yah tɔkɔ sɔ yé nno sɔkɔ. Ney káh kɔ à mó tɔ ké nàhnpĩne n gbo, képah náh pɪ, pè sɔ tẽ kyĩ mɔ. Yé náh we di, nê-á n yĩ n kɔ nìv̀ǹǹ sɔkɔ, òmɔ tyí nɔ Liyel tyí. ⁸ Tẽnwenɔ me Liyel tyí kɪ fẽ pèpɔrɪ duke pól pɪ yĩ yé tyí, sɔnko yĩ nónó pól yétô-á me yé tyí, sè ne n me yé tyí gbímegbí ànê dòhnò tole, yé kɔ yé fẽ pèpɔrɪ duke pólle n pɪ, ⁹ sɔ-á kéle wárkínsàhnóle Liyel wey sébéy sɔkɔ ne:

«À n nle n dal n mɔ n yĩ n kɔ,

à n yĩ yãm tãnne n kɔ n yĩ.

ò fòkòpènrɪ tyí yĩn náh me.»

¹⁰ Liyel nê-á kwáhdúkúle sètòle n kɔ, té n yò yò yòkele òne n kɔ, òmɔ ye kɪ kwáhdúkúle yépi kɔ n pɪ, té kɪ kè kɔ kè kɪ kwel, kɪ wãn mɔ yé fòkòpènrɪ pínó yò. ¹¹ A kɪ yé pɪ kwáh nátãmne gbímegbí, sɔnko yé fẽ fòkòpènrɪle n pɪ tyé-ńkẽne. Képah sɔkɔ, yáh yĩ nónóne ále n kɔ á névyele n kɔ n pɔ, pé nahnáh kɪ wekɪ Liyel tyí sépi yĩnne.

¹² Yé náh we di, yé pò mórí mè kɪ Yesu yò sèpú yohnu mɔ. Té kè náh n yĩn n pɪ képah ó tyí dé, kè kɪ névyé nahnáh kɔ pè kɪ pèpɔrɪ pínó weyne Liyelle n kɔ. ¹³ Yòre tò nê-á yé pɪ, pàh kɪ kè we pè kɪ Liyel yĩn gbilki yáh sɔnpíle pɪ néglóle à fẽ syi tò pɪ Krista Nìv̀ǹǹ tir yónó sɔkɔ. Pè kɪ tɔ Liyel yĩn gbilki yáh sɔnpíle yé gbàn yile pépi ànê no téló pól tɔ yohnu mɔ. ¹⁴ Pè kɪ níri pɪ yé tyí, kɪ pé tyínɔnɔle yé wèkɪ yòbènrɪ ògbè mè yĩnne, Liyel-á nê pɪ yé tyí. ¹⁵ Gbílkinó ne n sah Liyel yò ò pèpɔrɪ ògbè pínó yĩnne, nê-á ké kénkò náh me.

10

Pole me lékàhle ò tyí yónyíkípule n kɔ

¹ Òmɔ Polele, pè ne mäh me yé tnô mè n ne n wekɪ dáb dáb, té mäh gbe mɔ yéle mè n ne n wekɪ fyòr̀r̀ fyòr̀r̀. Yesu Krista népír pínó ànê ò nìgbèk̀ yĩn yò, ² òmɔ Pole kéle n yah n kɔ yé tyí ne, yé yé gblöy ye, mäh kɪ pɔ pɔ yé tnô, yé káh ní kɔ mè pɔ ne n wekɪ fyòr̀r̀ fyòr̀r̀ yépi tɔ tyí, sɔ mé me kè sɔ sah pɪ pɪ tẽne névyé tyí nónó-á me n sɔ ne névi yòtàhsyi pɪ dùkù-á ápi sɔkɔ. ³ Gbɪ ye névyé tẽ wɔ ye ále ó, òte áyáh mék̀ ò sɔkɔ yò, névi yòtàhsyi tãhk̀ náh á n fwo kéle. ⁴ Api-á mék̀le n pɪ méfwóyì nónóne, névi gbènrɪnɔ náh séle, sè n wil Liyel tyí. Tãhk̀ me sé sɔkɔ kɪ fẽ Liyel sépébi tyí ykɪ ànê sɔnɔ tókúnne. ⁵ Kéne méfwóyì gbò yò, ápi me gblöy gbílkipú tãhk̀le n ykɪ pépi nónó-á sò me káh-nsah tũ névyé tyí ne pè káh Liyel pĩ. Á me névyé yòle n vi n mɔ pè kɔ pè n sah Krista tyí yò. ⁶ Yáh kɪ pɔ n sah palle Krista tyí yò gbí nene, ápi náh tɔ nòhnì-ònkè tir sah kè n sɔkɔ n pɪ fóhnó kène ké tyí sówãh. ⁷ Yé yí-á me tyi nónó yò, yè tyile n yah n tɔkɔ à yĩne sépi óle. Nte nê-à me sè ké yò ne páh me Krista tyí yò, tẽ yĩne à kè pĩ yĩ tole ne sɔ-á péle Krista tyí yò, sè ó-á ápi tole ò tyí yò. ⁸ Tẽ ògbè tẽnwenɔle á kɔ ne á yé yohnu mɔ yé yuku yahle. Á náh kéle á kɔ yé tyí ykɪ yĩnne. Té òmɔ-à kɪ sɔ me ní gblöy yò sah kah mɔ kwéy képah tyí sówãh, kè náh me senne òmɔ tyí. ⁹ Kè náh me á kɪ ne sébéy nópi sɔ mé n wárkɪ n tekɪ n mɔ yé tyí à tíkile n mɔ yé sɔkɔ dé. ¹⁰ Yé náh we di, tókù ne mäh me fí yéle té sébéyne n tekɪ n mɔ yé tyí mè n ne n nɔ n wekɪ fyòr̀r̀ fyòr̀r̀ ké sɔkɔ,

té mâh pɔ yé tnô mè n pɪ tɛnkwlɔ-òlɛ, wɛnfi ó-á mè n nɛ n wɛkɪ. ¹¹ Névi nê-á n yo képahle, tɛ yĩnɛ à kè pĩ nɛ sɔ́-á ápi wɛkɪ tekɪ mɔ á sébéynó sɔkɔ, áyâh pɔ yé ònne sɛ́-á á kɪ n wɛkɪ.

¹² Névyɛ nónó-á mɛ pé gblɔ́y yígbíle n yo, ápi náh á nɪlɛ n syãh à á gblɔ́ynɛ n sãh pépɪlɛ. Lékám kɛ́ névyɛ ye pélɛ, nónó-á pé gblɔ́y tɔkɔ pɪ sãh sãh dúlɛ à wɛnɛ n sãh kélɛ. ¹³ Yín-rísah nê-á mɛ ápi tyí, ápi tɛ wɔ náh á gblɔ́y gbilki n kah n mɔ n pi képah yô. Tò nê-á Liyel dahbɪ á gbò, nê gbò yô-á á yĩni tɛ́ yé ònne, ápi kɪ á gblɔ́ynɛ n gbilki à yĩnɛ képahle. ¹⁴ Á náh n kah n mɔ n pi képah yô, á kɪ nɛ á kósyɪ pɔ yé ònne. Ápi ñgbò ye pɔ yé ònne à pɔ Yesu Krista Nìvìnì tir yo yé tyí. ¹⁵ Á náh n kah n mɔ n pi képah yô, kɪ pɔ á gblɔ́ynɛ gbilki no téló tò pínó yĩnɛ. Nte á mɛ kɛ́ tyí nɛ yé yuku yahle Yesu yô sɛ́nó sɔkɔ, sɔ́nko wãn mɔ á tò yô yé ònne à yĩnɛ yín-rísáh nê-á á kô. ¹⁶ Képah náh, á kɪ fɛ́ Nìvìnì tirlɛ n yo n kô tãntãn téló sɔkɔ nónó-á sé gblɔ́y yépi ònne. Á náh ñnì yó ñtɛ́ tò pínó tɔkɔ á gblɔ́y gbilki n pi. ¹⁷ Kè mɛ wárkínsàhnólɛ Liyel wɛy sébéy sɔkɔ nɛ: «Névi nê-á mɛ kɛ́ tyí nɛ pé pé gblɔ́y gbilki, Tɛ́ ñgbɛ́-á tyi nónó pɪ ápi tyí, tɛ́ ñ gblɔ́y gbilki sépi yĩnɛ.»* ¹⁸ Névi nê-á ñ gblɔ́ynɛ n sô, kè náh pɪ á kɪ nɛ ñmɔ sɔ́ négbíle dé, Tɛ́ ñgbɛ́-á névi nê-á n sô, ñmɔ ye négbíle.

11

Pole ànê névyɛ nónó-á pé gblɔ́ynɛ n pɪ Yesu tɛ́ntò névyɛlɛ

¹ Yé náh wɛ di, mé mɛ kɛ́ tyí nɛ yé ñ ví tyi sómno pɪ yah sɛ́ kwéy. Úú, yé ñ sómno pɪ. ² Mé mɛ yé gbí mɔ sah pɛ núkú ó tyí, nê-á pɪ Kristalɛ, kɪ pɔ yéle à kô n pi dí tyí pĩ-ńkɛ́ sɛ́npir sɔ́ nê-á mɛ yályál Liyel yah. Képah ye, yé tyí mɛ ñ nɪlɛ n yɔrɪ sɔ́-á kè Liyel nɪlɛ n yɔrɪ. ³ Nte tíkí mɛ ñ tɛ́ nɛ yé sɔ́no káh pɔ vi mɔ, kè pɔ yé wró kwɔ́nɔmɔnɔ pɛpɛy mè gbɛkɪ ànê Kristalɛ, sɔ́-á wahy Awa vi tɛ́ lékámkám sɔkɔ. ⁴ Yé náh wɛ di, névi yó-à pɔ Yesu káhkí yó tyíle n yo yé tyí, nê-á mɛ ñ gblɔ́y áyáh nê tyí yo yé tyí, yé kè fɛ́ n syi. Névi yó-à pɔ mírkí káhkí yó tyíle n yo yé tyí, nê-á kè gblɔ́y Liyel Mirkilɛ yáh nê tyí noh ápi tyí, yé kè fɛ́ n syi. Névi yó-à pɔ nìvìnì tir káhkí yó tyíle n yo yé tyí, nê-á kè gblɔ́y Nìvìnì tirlɛ yáh nê tyí noh ápi tyí, yé kè fɛ́ n syi. ⁵ Nte nónó-á Yesu tɛ́ntò névyɛ ñgbnɔlɛ yé tyí yé yo, ñmɔ náh mó tɔ́ mɛ fí yó wɛ, ñyãh-á pè fónfó ñmɔ yô. ⁶ Máh kɪ sɔ́ mɛ wɛy yah wé-ńkɛ́nɛ, pnèno tɛ́ wɔ mɛ ñ tyí à yuku Liyel tyí ònne. Á ye képah dùkùlɛ yé wɛkɪ dal mɔ tyi tyi pól sɔkɔ. ⁷ Máh Liyel Nìvìnì tir yo yé tyí ñónólɛ, té ñ gblɔ́y tiki mɔ yé yô yô yĩnɛ, tyípékè se pyè mé pɪ képahle? ⁸ Yesu yô sɛ́pú ònkínó yísyó ye yín ñmɔ yínnólɛ ñ kô mé tɛ́ wɛ pɔ tò pɪ yépi wró à yé yohnɪ mɔ. ⁹ Máh lésò mɛ yé ònne gbí nê-á, yí túkù yétò lésò mɛ ñ tɛ́, ñte mé náh sè syi ñnì yó ñtɛ́ tyí. Á yúnpyé nónó-á wil Masedonɪ mara sɔkɔ, pépi sò mɛ ñ yétò yí pólle ñnɛ n kô képah ye. Tyi pól sɔkɔ, mé náh sò mɛ kɛ́ tyí nɛ mé pɪ yótókóbíle ñnì yó ñtɛ́ tyí, té mé kɪ tɔ́ gbah n tɛ́ n pi sɛ́. ¹⁰ Gbɪ yó-ò ye ñnɛ Krista gbò yô: ñnì yó ñtɛ́ náh fɛ́ yô yónó mè wénó yah kô n pi ñ tyí Akayi mara pól sɔkɔ. ¹¹ Kwáh nê pɪ té mé képahle n yo? Yé tyí náh mɛ no ñ tyí képah se? Liyel ñtɛ́ pĩ nɛ yé tyí-á no ñ tyí dò. ¹² Máh mɛ nê-á n pɪ yò, mé kɪ yô n

* **10:17** 10.17 Yah n tɛ́ Nsyeremi 9.23 ; 1 Korēnti tãn 1.31.

sokɔ n pi ké pínóle, kɪ névye kùrn kah nónó-á me syõ-ñsahle n yah n kõ kɪ pé gblõy gbilki, ne páh pɪ núkúle ápile. ¹³ Kéne névye nópíle, nósýó ye nónó-á me pé gblõyne n pɪ Yesu tẽntõ névyele. Pè n ne n vi n syɪkɪ névye yõ, ñ té pé gblõyne n pɪ Yesu Krista tẽntõ névyele. ¹⁴ Nte képah náh me gbẽndùnĩne dò. Yé náh we di, sétãn yõtẽ ñtẽ to ñ gblõyne n viri n pɪ yĩnyõ tõnpɪle, nê-á me kyòo dò. ¹⁵ Képah ye ñ tõnpɪbɪ to-à pé gblõyne n pɪ gbɪ Liyel tõnpɪbɪle, kè náh me gbẽndùnĩne. Pè kɪ pé tõ pínó lédyáhní we n pi ké tyé-ñsah sokɔ à yĩne pé tyípínĩne.

Pole-á yèvyãhrɪ nónó pɪ Liyel tõ sokɔ

¹⁶ Mé kɪ n syɪ kè tõ yo yé tyí ne, ñnĩ yó ñtẽ káh ñmɔle n yah vɪnpɪle. Nte yáh kɪ se me n sõ sɛ, yé ñ tẽ vɪnpɪ tyí kõle, ñ to mó ñ gblõy we n gbilki kwéy kè. ¹⁷ Nte máh kɪ nê yo n pi, mé náh me kéle n yo Tẽ ñgbẽ-á me ké tyí sõ dé, mé me kéle n yo vɪnpɪ tyí kõle sõnko mè ñ gblõy we n gbilki. ¹⁸ Névyé nahnáh-á fyò me pé gblõyne n gbilki kèkõyó dékè tyi yĩnne, ñmɔ to kɪ ñ gblõy gbilki. ¹⁹ Yépi nónó-á lékãm névyele, kè yé dyo yé fẽ syi à vɪnpɪbɪ sómnóle n pɪ. ²⁰ Yè n fẽ n syi pè kõ pè yéle n pɪ yõbɪ tyí kõle, ñ té ne n syɪkɪ yé yõ, ñ té yéle n yĩ, ñ té yéle n yilo, ñ té yé létáhlóle n kõli. ²¹ Máh nêne n yo yò, kè me senné yé tyí. Kè ye á tẽnkwlɔnɔ wẽkɪ.

Nte képah fyé yõ, ñnĩ-à kɪ fẽ syi ñ gblõy gbilki n pi tir yó tyí sokɔ, ñmɔ to kɪ fẽ sɛntẽ pɪ, máh kɪ sõ me n wekɪ vɪnpɪ tyí kõle. ²² Pépi-à kɪ se me Yebrenine, Yebreke ye ñmɔ tɔle. Páh kɪ se me Yisrayel nolé, Yisrayel ney ye ñmɔ tɔle. Páh kɪ se me Abrahamɪ náh tãnne, ñ náh ney ye ñmɔ tɔle. ²³ Páh kɪ se me Krista tõnpɪbɪle ò, mé kɪ tõ kè yo á kɪ ne vɪnpɪ sõ ñne. Ñmɔ tõ pɪ kal pé pólle, té yèvyãhrɪ pɪ kal pé pólle, té de wòkònpèkè sokɔ à kal pé pólle, té ko syi kal pé pólle, té kũ dlo gbal gbáhyí nahnáhle à kal pé pólle. ²⁴ Nsyifunɔ ñ ko yèfõh yí yõgbãm pó kwãryãhle, fóó gbáhyí kwɔlɔ. ²⁵ Wrome tãn n ko yèfõhle gbáhyí tõnó.

Névye ñ minki dyèhle ke núkúle.

Krótókè tiki de yah ñne yo sokɔ ke tõnó,

ànê yo ñ yõ farkɪ yah gbìyìkɪ núkú ànê lékãh núkú wró sokɔ.

²⁶ Ñ kóló nahnáh sokɔ,

mé dlo gbal yrey yúkúnó kàh-ñtãn sokɔ,

té de wil névye yõ vɪnsyɪkɪpu dlonɔ sokɔ.

Mé sò me dlo sokɔ ñ yìkɪ névye Nsyifunɔ wró sokɔ,

té me dlo sokɔ nékáhbí wró,

Mé sò me dlo sokɔ kwil nɪyó,

té me dlo sokɔ gbẽnnɪ sokɔ.

Mé sò me dlo sokɔ pne yo sokɔ,

té me dlo sokɔ ñ yúnpyé mìnnyobe wró.

²⁷ Mé tãnkýèh nahnáh pɪ à yèvyãhrɪ pɪ sokɔ. Mé yah sõ lékãhlo nahnáhle, té kwèkɪ ànê níkɪ sómnó pɪ. Yõke yah kwɔlɔ yah ñ tyí gbáhyí nahnáhle, mé tẽ kwèkɪ sokɔ. Mé tẽ yah viri sokɔ, té tẽ yah flo kéne ñ tyí.

²⁸ Nte nê ñtẽ tyí-á me tah yíí ñ tyí, ñ vyãh náh syɪ képah tyí dé: Képah nê-á pɪ fókósõnɔ nê-á me ñ sokɔ à yuku Yesu yõ sɛpú tĩnkɪnó tyí tĩnne. ²⁹ Ñnĩ-à me tẽnkwlɔnɔ sokɔ, ñmɔ to n pɪ tẽ tyí kõle tẽnkwlɔ-òle. Ñnĩ-à tyípèkè pɪ, ké ñmɔle n yo. ³⁰ Máh kɪ sõ me yĩne mè ñ gblõy gbilki, mé kɪ ñ gblõyne

n gbilki n tēnkwlɔnɔ tyí sɔkɔ. ³¹ Liyel nê-á Tě ñgbě Yesu Súle, ñmɔ pĩ ne mìnì náh mé n yo. Sãm ne me mónóle n sɔkɔ gbímeɓbí. ³² Máh sò me Damasi kwil sɔkɔ gbí nêne, yòtē dí Aretasi-á kwiltē nê wilki sah nēnpó, ñmɔ sò me pè kò pè kwil dé-ńtãnne n syiki ñmɔ tē yinne. ³³ Nte pè me n dah mɔ gbétó yó sɔkɔ à wilki mɔ sétir pwàhle à tiki mɔ kwil kēnkahnne n kò mé we pwah n gbò.

12

¹ Nmɔ se yĩne mè n gblɔyne n gbilki? Yò kě ye képahle. Nte képah fyé yò, máh wěkínó nê we, té pnèno nê we wil Tě ñgbě tyí, mé kɪ sépi tyí yo. ² Mé Krista yò sē-ò yóle n pne, ké ye gbɔnyáh ye yò, — à yò dɔkɔ sɔkɔ yinyò léyy tē-nsah sɔkɔ. Ténkàh à yò dɔkɔ sɔkɔ n wil gběnsê tole ni? Ténkàh wěkínó ye à we ni? Nmɔ tē wɔ náh pĩ. Liyel ó ye n pne kéle. — ³⁻⁴ Gbɪ ye, mé pĩ ne dí mè-á yò dɔkɔ yuku fóó yinyò pal tē-nsah. Ténkàh à yò dɔkɔ sɔkɔ n wil gběnsê tole ni? Ténkàh wěkínó ye à we ni? Nmɔ tē wɔ náh pĩ. Liyel ó ye n pne kéle. Té à me welo yísyó noh nónó-á sè náh fē n yo, ké wěkì náh me névi tyí kɪ fē n syi sé yò. ⁵ Nmɔ kɪ fē n gblɔy gbilki sēnkò névi tyí sɔkɔ. Nte mé náh n gblɔy gbilki n pi n tir yó ńtē yinne né n tēnkwlɔ-ńtãn ó yĩn náh. ⁶ Máh sò sò me ne mé n gblɔy gbilki, mé náh n mɔ n kò n pi vɪnpɪle. Yé náh we di, gbɪ ye mé náhkɪ n yo. Nte mé me n gblɔyne n tē képah pínóle, sɔnko yáh nê we té nê noh n tyí, ñnì yó ńtē káh pɔ n sò kah mɔ sépi yò, ⁷ ànê mé káh n pɔ n gblɔyne n gbilki wěkínó mè wénó yinne nê-á pɪ gbille. Fóhnó yó me sah ñmɔ wil gběnsê yò, á kɪ ne sétàn yòtē sò tekɪ mɔ n yinyò tɔnpi yóle ne à pɔ n yah kò mé káh n pɔ n gblɔyne n gbilki. ⁸ Mé Tě ñgbě ni ke tɔnó ne, à fóhnó mè wró gbɛ mɔ ńne. ⁹ Nte à me yo n tyí ne: «Ñmɔ-á pèpɔri nê pɪ á tyí, képah kɪ yĩne ále. Á tēnkwlɔnɔ sɔkɔ ye ñmɔ n wěkɪ n yĩ n tãhkìle.» Képah ye, ñmɔ me ké tyí ne mé n gblɔyne n gbilki n tēnkwlɔnɔ wɔ sɔkɔ, sɔnko Krista tãhkì ne n me n sɔkɔ. ¹⁰ Képah ye, Krista yinne máh me tēnkwlɔnɔ sɔkɔ, képah náh pɪ pàh ńne n gbyo, képah náh pɪ máh me kwlónó sɔkɔ, képah náh pɪ pàh ńne n fòh, képah náh pɪ tíkì kèpékè-à me n sɔkɔ, mè n ne n me nìvìnì sɔkɔ. N tēnkwlɔnɔ gbí ye tãhkì n we n sɔkɔ.

Pole yáh-nsah me tyē Korēnti tãn Yesu yò sēpú tyíle

¹¹ Mé we pɪ lékám kě névi sò ńne. Té képah wil yépi tyí. Yépi ye sò yĩne ñmɔ yingbí yónóle. Yé náh we di, máh kɪ sò me tir yóle n pékì-ńkēne, nónó-á yé n ye Yesu tēntò névyɛ ñgbnɔle, pè náh fónfó ñmɔ yò. ¹² Gbɪ yò, mé sómnó pɪ yé tĩnne à gběndùnì tyi pɪ, ànê gbɪl tyi duke náhnáhle, ànê tyítãhnìne, nónó-á n wěkɪ ne Yesu tēntò névi-á ńne. ¹³ Mé se Yesu yò sēpú tĩnkínó téló tɔkɔ fónfó pɪ yéle tir yó sɔkɔ? Máh yahle ne yé káh yĩn n yinnóle képah ó náh di? Yé képah yò mɔ n kò, mé náh pɪ ple yé tyí. Yesu yò sēpú tĩnkínó téló fónfó yé yò tir nê sɔkɔ? ¹⁴ Yé yah, ñmɔ me n gblɔy vi te gbáhyí tɔ-ò pónó yinne yé tĩnne, té yé náh n yĩn n pi n yinnóle. Yé náh we di, yépi ye mé n yah n kò, yé gbàn yí náh. Wěnpì náh yĩne pè gbàn yíle n yah n sah pé dúbípu tyí. Dúbípú ye yĩne pè ne n yah n sah pé wěnpì tyí. ¹⁵ Nmɔ kɪ fē syi kɪ n gbàn yí ànê n min tɔ kò yépi yinne. Yé tyí-á sɔnpule kah nɔ n tyí, képah se kɪ kwáh wilki ñmɔ tyínɔnɔ sɔkɔ yé tyí? ¹⁶ Gbɪ ye

̀n̄n̄i yó n̄tē náh yīn n̄ yīnnóle. Nte yé túkù me n yo ne lékámkām névi-á n̄ne, máh yéle n yō yīnv̄i sòkò. ¹⁷ Máh nónó tō tek̄i m̄o yé tyí, mé se syō pépi tyí à yé yō? ¹⁸ Mé Tite gbah tē ne à kyí yé t̄inne. Mé á yūnpi yó to tek̄i m̄o n̄ne n̄e tyí-á lésō mé yo yé tyí. Tite se me p̄o yéle n yō? Nm̄o sōno àn̄e n̄m̄o tyí náh p̄i n̄úkúle di? Á k̄o òkù t̄o náh p̄i n̄úkúle di? ¹⁹ Yé me n sō di mónóle ne ápi-á me gb̄ile á gbl̄oyne n k̄o yépi yah sòkò. Nte sē náh dé, tyi nónó-á á n yo, Liyel yah sòkò ye á n yo séle á wró kwrónm̄o gbō yō Kristale. N̄ n̄énónó, ápi me sé pólle n yo yépi Liyel yō s̄nó yah yuku yīnne. ²⁰ Tíkí me n̄ tē ne máh k̄i p̄o yé t̄inne mé káh n p̄o yé we máh me n sō s̄, yépi t̄o káh n̄m̄o we yáh me n sō s̄. Tíkí t̄o me n̄ tē ne mé káh n p̄o mál we yé wró, àn̄e yūnw̄orí pínóle, àn̄e f̄òk̄onvyàh̄n̄i pínóle, àn̄e wē fwónóle, àn̄e wē tyí yónk̄onóle, àn̄e yīn yìk̄i pínóle, àn̄e gbl̄oy gb̄ilkínóle àn̄e tyíf̄e pínóle. ²¹ Tíkí t̄o me n̄ tē ne máh k̄i p̄o yé t̄inne, n̄ Liyel káh n p̄o n̄ yilo yé wró sòkò, àn̄e mé káh n p̄o n gbo névye yīnne, nónó-á lésō tyípékè p̄i n̄gbòle, té pè náh me yal m̄o p̄p̄ò pínóle, àn̄e pr̄òpr̄ò pínóle, àn̄e sèn pí-ńk̄ē tyi pínóle.

13

Pole-á v̄inm̄o t̄ey àn̄e wey n̄ene Korēnti tǎn k̄o

¹ N̄ gbáhyí t̄ò-ò ye n pi yé t̄inne. Tyi pól k̄i n wah à yīne t̄arf̄yò nép̄i n̄imí, képah náh p̄i t̄ómí vyàh weyne. ² N̄ pónyahno ke ní-ò sòkò, mé lésō gbáhd̄yàh di névye tyí nónó-á s̄o tyíp̄el p̄i sòkò n̄gbòle àn̄e no t̄éló t̄o tyí. Té kweyne mé náh me yé wró, nte mé t̄o ké gbáhd̄yàhle n t̄o n di yé tyí ne, m̄ah n̄i syi p̄o, mé náh t̄o n̄n̄i yó n̄tē yām yah n pi. ³ Yé me ké tyí ne yé kè p̄i Krista-à k̄i me n syō n̄m̄o tyí à n yo n m̄o yé tyí. T̄enk̄w̄o-ò náh n̄ne yé tyí. Á k̄i n̄ t̄enweno w̄ek̄i yé wró sòkò. ⁴ Gb̄i tē w̄o ye, n̄ t̄enklw̄ono sòkò ye à syi dahni yō. Nte à me min sòkò Liyel t̄enweno gbō yō. Ápi wró kwrónm̄o gbō yō n̄ne, á t̄o me t̄enklw̄ono sòkò. Nte Liyel t̄enweno gbō yō, á me min sòkò n̄ne. ⁵ Yé yé gbl̄oy sohl̄i n yah yè p̄i yáh k̄i me yé minne n p̄i Liyel yō s̄nó sòkò. Yé k̄i kè we p̄i ne Krista-á me yéle. Gb̄i náh di? Káh mó pí-ńk̄ēne sē, gbl̄oy sóhl̄inyahno m̄e náh sòkò ké w̄ek̄i yō yé tyí. ⁶ Nte n̄m̄o s̄nó me ké yō ne, yáh k̄i kè we p̄i ne Liyel yō s̄nó-á me á sòkò. ⁷ Á me Liyelle n ni yé tyí s̄nko yé káh tyípékèle n p̄i. Á náh me ké tyí ne á kéle n w̄ek̄i ne t̄enweno-á me á tyí, nte á me ké tyí ne yé tyípépl̄o óle n p̄i, ápi-á s̄o me tē klw̄o. ⁸ Yé náh we di, gb̄i fwo fwo t̄àhk̄i náh me á sòkò. Gb̄i tyí ye á me n so n m̄o. ⁹ Ápi-à me tē kw̄lo gb̄i n̄ene, té yépi me tē we, ké ne me n̄iv̄in̄ine ápi tyí. Áyáh me n̄ene n ni Liyel tyí képah ye ne, yé Liyel yō s̄nó ne n yuku yahle. ¹⁰ Képah ye n k̄o mé sébéy m̄ene n tek̄i n m̄o yé tyí té n̄i sah f̄í yéle, s̄nko máh k̄i p̄o p̄o yé t̄inne, Tē n̄gb̄e t̄enweno n̄ene n̄i k̄o, mé káh n p̄o képah t̄ok̄o n peke yé yō. Yé náh we di, à kéle n̄i k̄o ne mé yé yohni m̄o yé Liyel yō s̄nó k̄o kè ne n yuku yahle. Á náh kéle n̄i k̄o yé tyí yìk̄i yīnne. ¹¹ Ké tyé-ńsah sòkò n̄i yūnpyé, yé tē n̄iv̄in̄i sòkò, yé mó gbah n tē n p̄i wényo-ńsah k̄ene ye tyí. Yé s̄óréle n m̄o wē sòkò, yé mó ne n sah wē tyí yō. Yé yé minne n p̄i yèvin̄i sòkò, képah sòkò tyín̄o àn̄e yèvin̄i Liyel k̄i me yéle. ¹² Yé w̄ek̄i wē tyí tyín̄o wey p̄ep̄eyne. Yesu yō s̄p̄ú pól n w̄ek̄i yé tyí. ¹³ Mé kéle n yah n k̄o Tē n̄gb̄e Yesu Krista tyí ne, à yòb̄en̄or̄i p̄i yé tyí, Liyel mó tyín̄o dahbi yé sòkò, n̄ Mirki mó yé wró kw̄o n m̄o.

Pole sébéy tékínmòṅṅṅ Kalatu tãn tyí

Kalatu tãn wìl-̀nsah kwil yĩn ye sò Kolele ñgbòle. Kéne kwil ye pè n ye Frãnsile kwey mè sòkò. Pãh yal nénpò, pè kyɪ tẽ Asi minerɪ sòkò, képah nê-á pè ye Tirki yamanale kwey mè sòkò. Pole-á kyɪ kéne kwlo kò kò gbí nêne à Nìvìnì tir yo pé tyí, névye náhnáh fẽ syi sã Yesu yõ. Képah náh, nósýó kyɪ pè vi tẽ. Pè sò me kyɪ n yo pé tyí ne pãh yĩne pè Nsyifunò tyi kònsàhnó wãlle n kò, ànê pãh yĩne pè pé dínpile n kò à yĩne sã-á Moyisi tyi kònsàhnó yo kéle.

Pole-á kéne welò noh sã, à sébéy wãrkɪ tekɪ mɔ pé tyí à yo pé tyí ne, pè náh tã yĩne pè ye névye pè kyɪ mɔ pè kò pè Nsyifunò tyi kònsàhnó wãlle n kò káhkáh. Nkẽ kéne tyi kònsàhnó gbõ yõ náh pè pɪ néglólòle Liyel yah sòkò dé, Yesu yõ sãno gbõ yõ-á pè pɪ néglólòle Liyel yah.

Pole sébéy tyàh-̀nsah sòkò, à kè yo wẽkɪ dùkù nê-á Yesu à ye pɪ ñ tẽntò névile, ànê wãh ñ Nìvìnì tirlè à wẽkɪ dùkù nêne. A tã kè yo tɔle ne péwo ànê Yesu tẽntò névye téló tó-á pɔ wẽ we. Pé wẽ wénó sòkò, pãh kè yo pé tyí ne kwónó nê-á pé me n pɪ Nìvìnì tir yõ, kãh me n pɪ ké yah yõ. Yah n te Kalatu 1-2.

Pole syõ Vyãh kónó kedyãh wey tyí, à kè wẽkɪ ne névi nê-à sã Yesu yõ, tẽ-á kɪ pwáhnmòṅṅ we. Yesu Krista kúnóle dahɪ yõ, képah gbõ yõ-á pépi me pé gblõy yõ, pé náh tã me tyi kònsàhnó yõri sòkò. Yah n te Kalatu 3-4.

Pole sébéy tyé-̀nsah sòkò, à ne pépi min pɪ dùkù-á yĩne kè kè wẽkɪ ne, pãh me pé gblõy yõ, yõri sòkò náh péle. Pé ye ye Liyel Mirki pé yahle n tẽ, pé káh tã tyípèlle n pɪ. Pé pé minne n pɪ Yesu tyí kòle, pé tyí mó nɔ wẽ tyí.

Pole me kéle n wẽkɪ ne Yesu tẽntò névi-á péle

¹ Nmo Pole nê-á Yesu tẽntò névile, mé náh pɪ Yesu tẽntò névile névye gbõ yõ, képah náh pɪ ñnì yó yòhnìnmòṅṅ gbõ yõ dé. Nte Yesu Krista ànê Sú Liyel gbõ yõ ye mé pɪ kéle, ñmò nê-á Yesu lékó yilki mɔ wilki lékyí sòkò.

² Nmo ànê ní yũnpyé nónó pól-á me ásò, ápi ye n tekɪ n mɔ sébéy mène Kalatu mara Yesu yõ sãpú tĩnkìnó tyí. ³ Á kéle n yah n kò Sú Liyel ànê Tẽ ñgbẽ Yesu Krista tyí ne pè yòbènrɪ pɪ yé tyí, pè mó yèvinine yé kò.

⁴ Krista ye ñ gblõy kò pè à ko mɔ ápi tyípèl yinne, ne pé á wilki kèkõyó mè pèkè sòkò à yĩne Liyel-á me ké tyí sã, ñmò nê-á á Súle. ⁵ Gbílkinó ne n sah ñmò yõ gbímegbí. Amiina!

Kalatu tãn náh vìnólè Nìvìnì tir kò

⁶ Liyel nê-á ye yéle Yesu Krista pèpɔri gbõ yõ, yáh yé náh vi ñmò kò súú té tir káhkí yó sò tẽ, nê-á mìnyoobe ne képah-á Nìvìnì tirlè, képah pɪ gbẽndùnìne ñmò tyí. ⁷ Té kè náh me á kɪ ne Nìvìnì tir káhkí yó sã me dé, òò, ñte nósýó ó ye me, nónó-á me fẽkìnóle n dahɪ yé wró sòkò, me n yah n kò ne pé Krista Nìvìnì tir vi mɔ. ⁸ Nte ñnì yó, képah náh pɪ ápi n̄tẽ, képah náh pɪ yĩnyõ tònpi yó fyé-à pɔ Nìvìnì tir káhkí yó yo yé tyí, nê-á kè náh me núkúle ápi-á nê yo yé tyí, tẽ tyí kɪ yɪkɪ. ⁹ Á kè yo sòkò te, té mé kɪ tã ní syɪ kè tã yo núkúnúkú ne, ñnì yó-à Nìvìnì tir káhkí yó yo yé tyí, nê-á kè náh me núkúle yáh nê fẽ syi sòkò te, tẽ tyí kɪ yɪkɪ. ¹⁰ Nte núkúnúkú, ñmò

náh me n yah n kǒ ne névye íne n sǒ dé, mé me ké tyí ne Liyel íne n sǒ. Névyé dyo yíi tǔ náh ímɔ n yah n kǒ pí-ísahle. Képah-à nê sǒ mé n yah n kǒ, mé náh náhki n me n pi Krista tǒnpile.

Pole-á pi Yesu tǔntǔ névile òkù nêne

¹¹ N yúnpyé, mé kéle n yo n dal n mɔ yé tyí ne, Nìvìnì tir nê-á mé yo yé tyí, kè náh wil névye tyí dé. ¹² Névi náh yo n syah kéle, ònì yó ítǔ náh mó tǔ kwɔ íne kéle. Nte Yesu Krista ye n wǔki kéle.

¹³ Nmɔ-á sǒ me Nsyifunɔ Liyel nínó wǔkile n kɔ gbí nêne, máh sǒ me n pi òkù nêne, yé ké tyí yónó noh. Mé sǒ me Yesu yǔ sǔpú tǔnkile n kah n fǒh, fǒó me n yah n kǒ pé duku tó-ísahle. ¹⁴ Mé sǒ me á kǒ Nsyifunɔ náhnáh yah tǔnne ápi Nsyifunɔ Liyel nínó wǔkì kóló sɔkɔ. Mé sǒ me gbah tǔ kal péle kéne wǔkì kóló sɔkɔ, képah nê-á á súbì wǔdyàhle. ¹⁵ Nte Liyel ye ímɔ yah tɔkɔ n dúbì-íkǔ gbí òkùle, té n ye n tǔ pi yinne n pèpɔri gbò yǔ. ¹⁶ Té wǔh pɔ kè yah tɔkɔ à n Pídíne n wǔki, té ne mé n tyíle n yo n kǒ névye tyí nónó náh pi Nsyifunɔle, kǎh pi sǔ, mé náh kyi vǔnmɔnɔ yah kǒ ònì yó ítǔ tyí. ¹⁷ Mé náh mó tǔ òkɔ yuku Yerusalemì sɔkɔ à kyi wil Yesu tǔntǔ névye tyí nónó-á tǔ tyah ímɔ yah dé. Mé yǔ sɔkɔ Arabi yamana ògbò sɔkɔ. Képah náh, mé n syi pɔ Damasi kwil sɔkɔ. ¹⁸ Té ye tǔnó sókónteno náh, mé kyi Yerusalemì sɔkɔ, á kyi wǔ we pí ànê Pyerile, té tǔ òne wǔ tyí à sèpǐn gbǔnkwló pi. ¹⁹ Nte à wil òmɔ ànê Tǔ ògbǔ gbǔndí Nsyaki tyí sɔkɔ, mé náh tǔ Yesu tǔntǔ névi yó ítǔ we. ²⁰ Tyi nónó pól-á mé n wǔrki n teki n mɔ yé tyí yò, Liyel ye ímɔ tǔrfyòle ne mìnì náh mé n yo. ²¹ Képah náh, mé me sɔkɔ Siri yamana ànê Silisi mara sɔkɔ. ²² Nte Nsyude mara Yesu yǔ sǔpú tǔnkínó náh sǒ me íne n pne yí yah. ²³ Pè sǒ noh óle ne, névi nê-á sǒ n fǒh péle ògbòle, wǔh me n syi Krista yǔ sǔnó tyíle n yo, képah nê tyí-á lésò à n yah n kǒ yíkí-ísahle. ²⁴ Képah sɔkɔ, pé sǒ me Liyelle n gbilki ímɔ tyí sɔkɔ.

2

Yesu tǔntǔ névye wǔ wénóle Yerusalemì kwil sɔkɔ

¹ Képah náh, ye gbǔnyáh sókónteno sɔkɔ, mé tǔ yuku Yerusalemì kwil sɔkɔ ànê Barnabasile. Mé Tite tǔ tǔ dohnì n gblǔy yǔ à sɔkɔ. ² Liyel ye wǔki íne tir yóle n kǒ mé òkɔ yuku Yerusalemì sɔkɔ. Té máh tǔ nê pi sɔkɔ te, ànê máh me nê pínó sɔkɔ, mé náh sǒ me ké tyí ne sè pi yǔkǎne. Képah yinne, máh yini tǔ, mé kyi wil Yesu yǔ sǔpú yah tǔm tyí pé yahle, té máh Nìvìnì tir yo òkù nêne névye tyí nónó náh pi Nsyifunɔle, mé ké yah yo pépi tyí. ³ Nte ímɔ kó-ò Tite nê ítǔ-á Nsyifu náh òne, pé náh à kyí mɔ à kǒ à kǔkè kǔ. ⁴ A yúnpyé nétúkùnì yísyó sǒ me ké tyí ne Tite kǔkè kǔ. Pépi ye sǔ pɔ de fǔki á wró sɔkɔ, Yesu Krista-á pɔ á we wilki tyi kǔnsàhnó yǔri nê sɔkɔ, képah ségblo ye pé pɔ yáh-ísah té me ké tyí ne pé á tǔ dahbi kéne yǔri sɔkɔ. ⁵ Nte ápi sǒ me ké tyí ne Nìvìnì tir nê-á gbule, kè tǔ ké òkùle yépi yinne. Képah ye, á náh kè fǔ syi pé tyí. A náh sah pé tyí yǔ kwéy ítǔne. ⁶ Nte nónó-á no me n yah yah tǔmne, yín-ísah nê-á sǒ me pé tyí, képah náh me tir yóle ímɔ tyí. Liyel náh ònì yó ítǔne n tɔkɔ fǔnfǔne n pi n ní-òle ò. Kéne névye nǔpi ítǔ tǔ náh mó tir yó we yo dohnì n Nìvìnì

tir yónó yõ. ⁷ Nte pè pyè kè we pĩ òtẽne ne, Liyel-á kè dahbi ñmò gbò ne mé Nìvìnì tirlè n yo névye tyí nónó náh pĩ Nsyifunòle, sã-á à kè dahbi Pyeri gbò ne à kéle n yo Nsyifunò tyí. ⁸ Yé náh we di, Liyel nê-á pĩ Pyerile tẽntò névile Nsyifunò tyí, ñmò ó ye pĩ ñmò tòle tẽntò névile névye tyí nónó náh pĩ Nsyifunòle. ⁹ Képah sòkò, Nsyakì ànê Pyeri ànê Nsyõpi nónó-á yah tãmne Yesu yõ sěpú tĩnkì sòkò, pépi me kè pĩ ne Liyel-á pĩ ní tyí yòbènrile à ní dah mò tò mè pínó sòkò. Káh pĩ sě, pè me yuku pò gbàn dahbi wèkì ñmò ànê Barnabasì tyí, à kè wèkì ne á pól-á pĩ tò núkú pípúle péle. Képah tẽne, á me yo sah núkú yõ péle ne, ápi-á kì á yah mò névye tĩnne nónó náh pĩ Nsyifunòle, té pépi kì mó pé yah mò Nsyifunò tĩnne. ¹⁰ Té pè kè yah kò á tyí wòle ne, á á dyò sah ne n kwne pépi Yesu yõ sěpú tĩnkì yãm tãn tyíle Yerusalemì sòkò. Páh kè yo sã, képah ye mé me n pĩ ní nì pólle.

Pole me lékàhle Pyerile n kò Antyosyì kwil sòkò

¹¹ Képah náh, Pyeri-á pò pò Antyosyì kwil sòkò gbí nêne, à pí-ńkě tyi pĩ. Káh pĩ sě, mé lékàhle à kò no pól yí yah. ¹² Yé náh we di, gbí nê-á lésò Nsyakì tẽntò névye náh tñnì me pò Antyosyì sòkò, Pyeri sò me n yõ wě tyí ànê á yũnpyé Yesu yõ sěpúle, nónó náh pĩ Nsyifunòle. Té no nòpi-á fyò pò yĩni tẽ, à núkú ñ gbe á yũnpyé Yesu yõ sěpú nópìle, nónó náh pĩ Nsyifunòle. A náh tñ me n yõ péle wě tyí Nsyifunò yah tiki tẽ tyí.* ¹³ Nsyifunò téló to mó kò ñ náh pí-ńkě tyi nòpi pínó sòkò, fókò pè Barnabasì rítè to yõ yíkì mò ké sòkò. ¹⁴ Nte Nìvìnì tir nê-á gbule, máh fyò pò kè we ne pè náh me n kò képah wèkì yõ, mé núkú yo Pyeri tyí no pól yí yah sòkò ne ńkě: «Áwò nê-á Nsyifule, wáh pò ásò sòkò, á á náh vi Nsyifunò tyi kònsàhnó wàl kò, té n kò á yũnpyé Yesu yõ sěpú tyí kòle nónó náh pĩ Nsyifunòle. Té yõ nê yõ me, á kì pò pépi wòle n kyĩ n mò n mò Nsyifunò tyi kònsàhnó wàl kóló sòkò núkúnúkú wé?»

¹⁵ Gbì tẽ wò ye Nsyifunò ye ápile á wìl-ñsah sòkò, nékàhbí náh ále pépi nónó-á pè n ne n ye Moyisi tyi kònsàhnó dèl pípúle. ¹⁶ Nte á pól pĩ ne Moyisi tyi kònsàhnó wàl kóló náh fě névi yó rítè pĩ négbíle Liyel yah sòkò, fókò névi nê ó-à sě Yesu Krista yõ. Ápi to me ké tyí ne á pĩ négbíle Liyel yah sòkò Yesu Krista yõ sěpú gbò yõ, té kè káh pĩ ne Moyisi tyi kònsàhnó wàl kóló pèpey gbò yõ sã. Nnì yó rítè náh se fě n pĩ n pi négbíle Liyel yah sòkò, képah gbò yõ té. Nte á pól pĩ ne Moyisi tyi kònsàhnó wàl kóló náh fě névi yó rítè pĩ tómm Liyel yah sòkò, fókò névi nê ó-à sě Yesu Krista yõ. Ápi to me ké tyí ne á pĩ tómm Liyel yah sòkò Yesu Krista yõ sěpú gbò yõ, té kè káh pĩ ne Moyisi tyi kònsàhnó wàl kóló pèpey gbò yõ sã. Nnì yó rítè náh se fě n pĩ n pi tómm Liyel yah sòkò, képah gbò yõ té. ¹⁷ Nte áyáh n yah n kò pí-ñsahle tómm Liyel yah sòkò á wró kwrónmòno gbò yõ Kristale, té kè kè wèkì ne Moyisi tyi kònsàhnó dèl pípú-á ápi tòle, képah se yó n wèkì ne Krista-á á mò tyípékè pínó sòkò? Pólle! ¹⁸ Nmò-à rityĩno ní náh vi Moyisi tyi kònsàhnó wàl kò, té tñ pò ní syi pò séle n kò à, mé náh ní gblòy wèkì sé dèl pí-òle di? ¹⁹ Moyisi tyi kònsàhnó wàl kóló tyí tĩnne, ñmò me ne kókè

* **2:12** 2.12 - Nsyifunò yah tiki pínó nê tyí-á n yo ásò yò, Nsyifunò pól náh pè n ye dé. Pé nónó-á sě Yesu yõ, té mó tñ me ké tyí ne Nsyifunò tyi kònsàhnó wàl ne n kò káhkáh, pépi ye pè n ye.

sõ ñne. Moyisi tyi kònsàhnó ñtẽ ye pɪ képahle ñ kò mé ñ minne n we n pɪ Liyel tyí yõ. Nmo ànê Kristale, á tóu ye syɪ dahnɪ yõ wẽ tyí. ²⁰ Mé sènsõ me min soko ó, ñte ñmo náh n tẽ ñ gblõy yahle dé, Krista ye n tẽ ñ yahle. Máh min soko wil gbẽnsêle ñ tyí núkúnúkú yò, mé me ñ min pólle n pɪ Liyel Pídí Krista yõ sɛnó soko, ñ tyí-á nò ñmo nê tyí, fóó à fẽ syi pè à ko mo ñmo yinne. ²¹ Yé náh we di, kàh sò me pɪ ne névi-á kɪ fẽ pɪ négbíle Liyel yah Moyisi tyi kònsàhnó wàl kóló gbò yõ, yõ se náhkɪ sò me Krista kúnó tyí? Nmo náh Liyel pèpɔɪ yahle n pi dé!

3

Pole-á Kalatu mara tãn yah yo dùkù nêne

¹ Kalatu mara tãn, yé lékám tekɪ kah mo; nê yɪkɪ yé yõle? Té Yesu Krista dahnɪ yõ kúnó tyí mó tã yo wah yé wẽkɪ palle. ² Nê ó-á mé me ké tyí ne mé piki yah yé tyí képah ye yò. Tyi kònsàhnó wàl kóló gbò yõ se yé we Liyel Mirkile? Jõ dé, Nìvìnì tir yõ sɛnó gbò yõ ye yé we kéle. ³ Yé lékám tékínó se yini tẽ nénpó tyí? Yáh nê tyah Liyel Mirki táhkìle, yé se me n sò ne yáh kɪ fẽ kè syi yé yẽngbẽ táhkìle? ⁴ Nte à, tyi nónó pól soko-á yé de wil soko, sè se pɪ yõ kɛne? Sè náh fẽ n pɪ n pi yõ kɛne dé. ⁵ Liyel nê-á yé kò ñ Mirkile, té me gbìl tyile n pɪ yé wró soko, yé tyi kònsàhnó wàl kóló yin se à n pɪ kéle? Jõ dé, Nìvìnì tir yõ sɛnó yin ye.

⁶ Kè me yónóle Liyel wey sébéy soko ne ñkɛ: «Abrahmɪ tẽ wo sɛ Liyel yõ, képah yinne à pɪ négbíle Liyel yah soko.»* ⁷ Yé yine yè kè pɪ ne ñkɛ, Yesu yõ sɛpú-á Abrahmɪ náh tãne. ⁸ Liyel kè yo Abrahmɪ tyí ne: «Mé kɪ syõ áwo tyí kɪ sãm mo yikini pól soko.»† Képah ye, kè lésò me wárkínsàhnóle Liyel wey sébéy soko ne, névye nónó náh pɪ Nsyifunole, Liyel-á kɪ pè pɪ tómm Liyel yõ sɛnó gbò yõ. ⁹ Sõ-á Abrahmɪ sɛ Liyel yõ té à me sãm mo ñ soko, sɛ ye névi nê to-à sɛ Yesu yõ, Liyel kɪ sãm mo tẽ soko ñmo tyí kòle.

¹⁰ Kè me wárkínsàhnóle Liyel wey sébéy soko ne, névi nê-á tyi kònsàhnó tyiyónó pól wàlle n kó-ñkɛne, pèkè-á me tẽ yõ.‡ Képah ye, nónó pól gbò sàhnó-á me tyi kònsàhnó wàl kóló ó yõ, pèkè me pé yõ. ¹¹ Kè me wárkínsàhnóle Liyel wey sébéy soko ne ñkɛ: «Liyel yõ sɛnó gbò yõ ye tómm kɪ min yèsyìkì we.»§ Képah ye, kè me píkínóle ne ñnì yó ñtẽ náh fẽ n pɪ n pi tómm Liyel yah soko tyi kònsàhnó gbò yõ. ¹² Nte tyi kònsàhnó wàl kóló náh me núkúle Yesu yõ sɛnóle dò. Kè me wárkínsàhnóle Liyel wey sébéy soko ne, névi nê-à tyi kònsàhnó wàlle n kò, sépi gbò yõ-á tẽ kɪ me min soko.* ¹³ Krista ye ápi yõ dwe wilki tyi kònsàhnó pèkè gbò, wáh sɔnpí fẽ syi pèkè twah ñ yõ ápi yinne. Kè me wárkínsàhnóle Liyel wey sébéy soko ne, pàh névi nê gbèl séswo tyí, pèkè-á me tẽ yõ.† ¹⁴ Sɛ ye kè pɪ té sãm nê-á mo Abrahmɪ soko, Yesu Krista gbò yõ, kè yini tẽ névye tyí nónó náh pɪ Nsyifunole. Té Krista yõ sɛnó soko ye ápi Liyel Mirki we, Liyel-á ñ vyáh kò nê tyí soko.

Moyisi tyi kònsàhnó náh fẽ n pɔ Liyel vyáh kónó vi n mo n pi

* **3:6** 3.6 - Yah n te Yenesɪ 15.6. † **3:8** 3.8 - Yah n te Yenesɪ 12.3. ‡ **3:10** 3.10 - Yah n te Tõnyono 27.26. § **3:11** 3.11 - Yah n te Yabakuki 2.4. * **3:12** 3.12 - Yah n te Levitiki 18.5. † **3:13** 3.13 - Yah n te Tõnyono 21.23.

15 N yĩnpyé, mé kɪ wey mè yo kɪ yĩne névyé pɪ dùkùlɛ. Sɔ̄-á névi-à n̄ fɔkɔ wɛkɪ n̄ kú-ńkɛ̄ sɔkɔ, tyi nónó-á ńkɛ̄ne tɛ̄ n yo, ńńî yó rítɛ̄ náh sé dùkùlɛ n kɔ n pne, képah náh pɪ kɪ fɛ̄ kwáh dohnɪ sé yõ. 16 ǾhǾ, sɛ̄ ye Liyel vyāh kǔnó tɔlɛ Abrahmɪ ànê n̄ náh ney tyí. Kè náh yo ne Liyel-á n̄ vyāhle Abrahmɪ ànê n̄ náh tân kǔ, á kɪ ne n̄ náh tân sǔ me dò dé. Kè yo ne, n̄ náh ney-á. Képah n wɛkɪ ne nénúkù tyí-á n yo, nê-á pɪ Kristalɛ. 17 Yé yah, nê-á sǔ mé me ké tyí ne mé yo kè we yò. Liyel-á sǔ n̄ vyāh kǔ sah tir nê tyí sɔkɔ, ye kyeyéh yõgbām sókǔntɛnɔ náh, Moyisi tyi kǔnsàhnó náh fɛ̄ n pɔ képah kò kè kǔ kè n pɪ n pi yõ kɛ̄ne dò. 18 Yé náh we di, Liyel-á n̄ vyāh kǔ pèpɔrɪ nê tyí sɔkɔ, képah-à me n we n pne Moyisi tyi kǔnsàhnó wǎl kóló gbǔ yõ, vyāh kǔnó gbǔ yõ náh mó tǔ kè n we dò. Nte Liyel vyāh kǔnó gbǔ yõ ye à pèpɔrɪ pɪ Abrahmɪ tyí.

19 Nte tir nê yĩn me Liyel tyi kǔnsàhnóle á kǔ? A sǔ képahle á kǔ dohnɪ, nê-á kɪ sǔ n̄ dɛ̄l tyilɛ ále n wɛkɪ, pópó kɪ pɔ nɔ Abrahmɪ náh ney dúbínó tyí, Liyel-á lésõ n̄ vyāh kǔ nê tyí sɔkɔ. Yĩnyõ tǔnɔpɪbɪ ye sǔ syõ wey syĩnyo-ò‡ tyí, à tyi kǔnsàhnó mènɛ névyé kǔ. 20 Té kǎh nénúkù ólɛ, á se kɪ fɛ̄ ne ney pɔ de yo n̄ wró sɔkɔ? Nte Liyelle, núkú ó ye ñne dò.

21 Képah se n wɛkɪ ne Moyisi tyi kǔnsàhnó-á me Liyel vyāh kǔnóle n fwo? Pólle! Kǎh sǔ me pɪ ne tir kǔnsàhnó yó sǔ névyé kǔ, nê-á kɪ sǔ fɛ̄ pé min pwah mɔ, névyé náhkɪ sǔ fɛ̄ pɪ tómm Liyel yah sɔkɔ kénɛ tir kǔnsàhnó gbǔ yõ sɔkɔ dò. 22 Nte Liyel wey ne ńkɛ̄, kèkǔyó névyé pól-á me tyípekè mɔ sɔkɔ. Kǎh pɪ sɛ̄, Liyel-á n̄ vyāh kǔ tir nê tyí sɔkɔ, á kɪ kéle Yesu yõ sɛ̄pú kǔ pé sɛ̄nó gbǔ yõ Yesu Krista yõ.

23 Krista yõ sɛ̄nó gbǔ-á pópó n se, á lésõ me Moyisi tyi kǔnsàhnó ñgbò gbò sǔ sɔkɔ à légbíne n syɪkɪ. 24 Kǎh pɪ sɛ̄, Moyisi tyi kǔnsàhnó ye lésõ n wɛkɪ ále wɛkɪ pèpeyne, pópó à pɔ yĩni tɛ̄ Krista pónó tyí, á kǔ á we pɪ tómm Liyel yah Krista yõ sɛ̄nó gbǔ yõ. 25 Nte Krista yõ sɛ̄nó gbǔ-á fyò se te, tyi kǔnsàhnó vyāh de á yah tɛ̄nó tyí sɔkɔ. 26 Núkúnúkú, Yesu Krista yõ sɛ̄nó gbǔ yõ, yépi pól pɪ Liyel wɛ̄npilɛ. 27 Yépi nónó pól-á wel wilki ni sɔkɔ, yé pɪ núkúle Kristalɛ. Krista pɪ dùkù ye yé sɔkɔ tótó. 28 Képah ye, kè se Nsyifu ò, kè se névi nê náh pɪ Nsyifulɛ ò, kè se yõ ò, kè se névi nê náh pɪ yǔlɛ ò, kè se dí ò, kè se sê ò, núkú ye yé pólle yé wró kwrónmɔnɔ gbǔ yõ Kristalɛ. 29 Té yáh fyò pɪ Krista tyíle, Abrahmɪ náh tân ye yéle nónó-á kɪ pèpɔrɪ we n pi, à yĩne Liyel-á n̄ vyāhle Abrahmɪ kǔ sǔ.

4

1 Máh me nêne n sǔ, kè we yò: Gbɛ̄nyõ-à me wɛ̄npirlɛ gbí nêne, à n ne me núkúle yǔlɛ n̄ tahrɪ nɛ̄tɛ̄ fyé yah yõ. 2 Kǎh pɪ sɛ̄, n̄ tɛ̄nsàhpu ànê n̄ tyi yah wàhpu n ne n yah n dah n mɔ n̄ tyí sɔkɔ, pópó n̄ pɔ n nɔ n̄ yah syíkínó gbí tyí, n̄ sú-á nê yah tɔkɔ sah. 3 Sɛ̄ ye, gbí nê-á ápi tɔ lésõ me wɛ̄npɪ sǔ, á lésõ me kǔ kèkǔyó tyi náh, té me pɪ tɛ̄ yǔbulɛ sé tyí. 4 Nte gbí nê-á sǔ Liyel syɪkɪ tɛ̄, légbí-á pɔ nɔ, à n̄ Pídí tɛkɪ mɔ kèkǔyó. Pídí mè pɔ dubi sê yó tyí, té sǔ me Nsyifunɔ tyi kǔnsàhnó wǎlle n kɔ, 5 névyé yõ we n dwe n wilki yĩnne Nsyifunɔ tyi kǔnsàhnó wǎl kóló yǔrɪ sɔkɔ, ànê á pól we n pɪ yĩnne

‡ 3:19 3.19 - Wey syĩnyo-ò nê tyí-á n yo ásò sɔkɔ yò, Moyisi ye.

Liyel wẽnpìle. ⁶ Nte ò wẽnpì ye òtyĩno yéle kè. Yé náh we à ò Pídí Mirki dah mɔ á pól nno sɔkɔ, nê-á òkẽne á kɔ à n ne n yo yĩnpɔ̀ òngbẽne ne: <Bɔ̀, òmɔ Sú!>* ⁷ Kãh pì sɛ, yɔ̀bì náh tɔ̀ ále; Liyel pye ye ále. Té áyáh pì ò pyele sɛ, kèpah ye ápi tɔ̀ kì pèpɔ̀ri we òmɔ tyí.

Pole yáh-nsah tyénóle Kalati tãn tyíle

⁸ Ngbòle, gbí nê-á yé náh lésò me Liyelle n pne, yé lésò me yòrile n pì yí yísyó tyí sé gbílkinó sɔkɔ, té Liyel náh se mó tɔ̀ séle sé wíl-nsah. ⁹ Nte núkúnúkú, yé Liyel pì. Té mé kì tɔ̀ fɛ yo ne Liyel-á n pne yépile òkɛ. Yé se tɔ̀ yĩne yé yé syi n tɔ̀ n de kène yòri sɔkɔ, yé kène yò kɛ yíle n gbilki sépi nónó-á sohki kène? ¹⁰ Yé me sèpìn, ànê òwɔ̀lɔ̀, ànê tyi túkù pì gbí, ànê ye wɔ̀ túkùle n mɔ̀ n kɔ̀. ¹¹ É! Yé tyí me òmɔ yáh-nsah tyé dé. Máh yèvyãhrì tɔ̀ nê pì yépi yĩne, kè náh n pì n pi ònóle lé?

¹² Òmɔ ò gblɔ̀y pì yépi tyí kɔ̀le. Kèpah ye ò yũnpyé, mé yéle n ni ne, yépi tɔ̀ yé gblɔ̀y pì òmɔ tyí kɔ̀le. Yé náh pì de yah ò tyí dò. ¹³ Yépi òtɛ pì ne, Nìvìnì tir yónó gbenne yé tyí, yam gbò yò-á mé we yo kéle yé tyí. ¹⁴ Té ò wíl gbẽnsê yam mè yáhnó náh sò me nɔ̀. Té kèpah fyé yò, yé náh fɛ syi ò yilo, yé náh ò sohlì. Nte yé pyé ò tɔ̀ sah tɛ Liyel yĩnyò tònpi yó sò òne; á kì ne Yesu Krista òtɛ sò òne. ¹⁵ Nìvìnì lésò me yí yé sɔkɔ légbíne. Té òyãh me yé mɔ̀ kène nìvìnìne núkúnúkú wé? Mé kéle n yo kègbì yò ne, kãh sò me fɛ n pì n pi, yáh nãhki sò me yé yí gbahlì wilki ò kɔ̀. ¹⁶ Nte núkúnúkú, ò gbì yónó yĩne yé tyí, mé kì pì yé sépele lé?

¹⁷ Nòsyó me gbah tɛ ne páh me yé sò tɛ, òte yé tyí sòno pèplo náh me pé sɔkɔ dé. Pè me ké tyí ne pé òmɔ ànê yépi wró gbekì, yépi mó gbah tɛ pépi sò tɛ. ¹⁸ Yãh gbah tɛ tyípèplo sò tɛ gbímegbí, tyípépɛy ye kéle. Té kè náh yĩne kè ne n pì yãh òmɔ we gbí nê óle dé. ¹⁹ Ò wẽnpì, mé tɔ̀ me n kwlo yé tyí sɔkɔ kúrntɛsè sò, pópó kì pɔ̀ nɔ̀ gbí nê-á yé pì òkù kì vi mɔ̀ pì Krista tyí kɔ̀le. ²⁰ Nte ò yáh-nsah me tyé yé tyíle. Kèpah ye, mé sò nãhki ò gblɔ̀y we yé wró sɔkɔ núkúnúkú òtɛne, mè tyi òpi we n yo yé tyí òkù yóle.

Gblɔ̀y yò ménó se fónfó, tì, yòri se fónfó?

²¹ Yépi nónó-á me n yah n kɔ̀ tɔ̀nkò-nsahle Moyisi tyi kònsàhnó náh, yé se kì fɛ yo òmɔ tyí ne kãh tyi nónó yo, yé náh sè we noh? ²² Kè me wárkínsàhnóle Liyel wey sébéy sɔkɔ ne, wẽnpì népì ními-á lésò me Abrahami tyí. Núkúle, yò pì Akar pídí-á, ní-ò me Sara pídíne, nê-á yò náh òne.† ²³ Piri nê-á pɔ̀ dubi yò pì Akar tyí, òmɔ dubi à yĩne névi yòtàhsyi yáhtɔ̀kɔ̀nɔ̀le. Nte piri nê-á pɔ̀ dubi Sara wɔ̀ tyí, òmɔ dubi à yĩne Liyel-á sò ò vyãh kɔ̀ sò. ²⁴ Tyi òpíle yò kè; tir yó ye sè ále n wɛkì. Syó òpi tyi me yégbékè kwrónmɔ̀no duke nínóle ále n wɛkì. Akar ye yégbékè kwrónmɔ̀no gbenne, nê-á we Syinayi yòlì yò. Yòbì ye òmɔ me n dubi n mɔ̀. ²⁵ Òmɔ ye Syinayi yòlìle, nê-á me Arabi yamana sɔkɔ. Á kì fɛ à tɔ̀kɔ̀ sãh Yerusalemi kwille kwey mè sɔkɔ. Yé náh we di, Yerusalemi kwil tɔ̀ me yòri sɔkɔ ànê ké névyele. ²⁶ Nte Yerusalemi nê-á me yĩnyò, kèpah náh me yòri sɔkɔ. Kèpah ye ápi yúne. ²⁷ Yé yah, kè me wárkínsàhnóle Liyel wey sébéy sɔkɔ ne òkɛ: <Ne n me nìvìnì sɔkɔ pikãnsè, áwɔ̀ nê-á á náh sò me pile n we.

* **4:6** 4.6 - Bɔ̀, òmɔ Sú nê-á Liyel Mirki á kɔ̀ á n yo áso sɔkɔ yò, á dyo ye kè n to n kɔ̀ ne Liyel-á á Súle. † **4:22** 4.22 - Yah n te Yenesi 16 ; 17 ; 21.

Ne n syo n wilki n mo nivini tẽ tyí, áwɔ nê-á á náh pi dúbínó yónó pĩ.
Yé náh wɛ di, sê yáhlensàhnó pye kɪ dò kal
pètẽ tyíle.‡

²⁸ Nte yépi wɔle, ní yúnpyé, yé dubi à yĩne Liyel vyāh kǒnóle, sǒ-á Yisakile.
²⁹ Piri nê-á lésǒ dubi à yĩne névi yòtàhsyi yáhtɔkɔnɔle, ñmɔ lésǒ me ñ ñ-
òle n fõh, nê-á dubi Liyel Mirki gbò yõ. Té sě ó ye kéle kwey mè tɔ sɔkɔ.
³⁰ Nte sǒ me Liyel wey sébéy yo wé? Kè ne níké: <Yõ pi pídí náh yĩne gběki
yónóle wě tyí pídí yóle, nê yú náh me yõle. Képah ye, yõ pi yĩni ànê ñ pídí
tɔle.‡[§] ³¹ Kǎh pi sě, ní yúnpyé, yõ pi pye náh ápile dé. Sê nê pye-á ápile, yõ
náh ñne.

5

Yé se kɪ yé syi de yõri sɔkɔ ntõ?

¹ Krista me ké tyí ne á ne n me á gblõy yõ sɔkɔ, képah ye à kǒ à á wilki
yõri sɔkɔ. Té yé yé tah n sah, yé kǎh n tǒ yé syi n de yõri sɔkɔ.

² Nmɔ Polele, yé noh ní tyí yò: Yáh kɪ kòkè kǒ, Krista náh tir yó pekɪ n
pi yé tyí.* ³ Mé kéle n yo yé tyí ntõ ne, névi nê tẽ-à kɪ fyò kòkè kǒ, wǎh kɪ
Moyisi tyi kǒnsàhnó pól wǎlle n kɔ kǎhkáh. ⁴ Yépi nónó-á me n yah n kǒ ne
yé pi néglóle Liyel yah Moyisi tyi kǒnsàhnó wǎl kóló gbò yõ, yé gblõy ye
yé gbe Krista náh. Yé vyāh náh tǒ me Liyel pèpɔri tyí sɔkɔ. ⁵ Ápi tẽ wɔle,
á me ké tyí ne á pi néglóle Liyel yah sɔkɔ ñ yõ sěno gbò yõ. Képah sǒno
ye Liyel Mirki dahbi ápi sɔkɔ, té á me kéle n dekɪ náhnáh. ⁶ Yé náh wɛ di,
névi nê wró tẽ-à fyò me kwronmonɔle Kristale, tẽ kòkè kǒ ò, tẽ náh kòkè
kǒ ò, tir yó náh képahle. Nê-á ké yóle, Liyel yõ sěno yĩne kè ne n wěki tyi
pi dukù sɔkɔ, tyínɔno sɔkɔ.

⁷ Yé lésǒ me n yuku yahle palle. Nte nê tẽ ó pɔ kǒ yé yahle yé kǒ yé gbi
wěki fin mɔ wé? ⁸ Liyel nê-á yé ye pi ñ tyíle, ñmɔ tẽ wɔ náh se yiki yé yóle
té. ⁹ Pè náh ne kókónó kwéy ó-á n dɔkɔ mífáhkì pólle di? ¹⁰ Té sépino pól
sɔkɔ, ñmɔ gbò sàhnó me yé yõ Tẽ ñgbě gbò yõ ne, yé náh n fě n syi kǎhkí
vi n pi. Nte névi nê-á n yiki yé yóle, tẽ-à ké se me nédúkú nêne, fǒhnó kɪ n
sah n pi tẽ yõ. ¹¹ Nmɔ tẽ wɔle ní yúnpyé, kǎh sǒ me pi ne kòkè kǒnó tyí sǒ
tǒ mé me gbah tẽ n yo ne kè ne n pi, yõ se náhki me ké tyí pè ñne ne n fõh
ntõ? Kègbi yõ, képah tyí-à tǒ sǒ ne mé me gbah tẽ sě, Krista dahni yõ syínó
se náhki me yõ yíkínóle ñnî yó ntẽ tyí ntõ? ¹² Nónó-á n dahbi fěkínóle yé
wró, pè kǎh yĩn kòkè kǒnó ó tyí dé, pè pé tyínó kǒl n to pnépné ntẽne kè.

¹³ N yúnpyé, gblõy yõ wɛ n tẽ yĩn ye Liyel ye yéle. Nte yé kǎh núkú sah
képah yõ, yé mó yé dyɔ dyɔ tyile n pi dé. Yé wěne ne n yohni n mɔ tyínɔno
sɔkɔ. ¹⁴ Yé náh wɛ di, Moyisi tyi kǒnsàhnó tyi pól ye tir kǒnsàhnó núkú mè
tuke mɔ yo ke núkúle ne níké: «Á ní-ò tyí yĩne kè nɔ á tyí á gblõy tyí kǒle.»†
¹⁵ Nte yáh wěne n nwǎhki, té wěne n kɔ sě à; yáh kɪ yé gblõy tẽ-ńkěne, yé
kɪ pɔ wě tyí yiki.

‡ 4:27 4.27 - Yah n te Yesayi 54.1. § 4:30 4.30 - Yah n te Yenesi 21.10. * 5:2 5.2 - Kòkè kǒnó nê
tyí-á Pole n yo ásò sɔkɔ yò, kè náh me á kɪ ne à sǒ ne kòkè kǎh ne n kǒ dé. A ne névi nê-à ñ sǒno
sah kòkè kǒnó yõ ne képah-á kɪ pé pi négbule Liyel yah, Krista náh tir yó pekɪ n pi tẽ tyí. † 5:14
5.14 - Yah n te Levitiki 19.18, ànê Marki 12.31, ànê Likyi 10.27.

¹⁶ Yé noh ní tyí yò: Yé ye Liyel Mirki yé yahle n tẽ. Képah sɔkɔ, yé náh tɔ yé gblɔy dɔɔ yíi tyi pi n pi. ¹⁷ Yé náh we di, névi gblɔy dɔɔ yíi tyile, Liyel Mirki dèl tyi ye sépile. Liyel Mirki tɔ dɔɔ yíi tyi-á mó tyi nónónɛ, névi dɔɔ yíi tyi náh sépile. Té sépi tẽ-á pi wẽ sépébíle sɛ, képah ye yé kɔ yé náh yé gblɔy dɔɔ yíi tyile n pi n pne. ¹⁸ Nte Liyel Mirki-à kɪ fyò yé yahle n tẽ, tyi kònsàhnó vyãh kɪ de yé tyí sɔkɔ.

¹⁹ Nte á gblɔy dɔɔ yíi tyi-á tyi nónónɛ, á pól séle n pne. Sè we yò: fòfíkì pínóle, pòpò pínóle, ànê pròprò pínóle, ²⁰ ànê sãh fálnóle, ànê kló pínóle, ànê népékè pínóle, ànê mékì pínóle, ànê yúnwõrí pínóle, ànê fɔko vyãhnóle, ànê wẽ fwónóle, ànê gbékínóle, ànê gbékínóle tɪntɪnne, ²¹ ànê yíwilkìle, ànê sètɛnì pínóle, ànê yèwò pínóle, ànê sé sɛnkno dukele. Mé ké gbáhdýáhle n di yé tyí, máh sò kè di sah sɔkɔ yé tyí ngbò dùkùle sɔ ne, névyé nónó pól-á n pi sɛntɛne, pé sɔkɔ yó rítè náh n de n pi Liyel tɔrí sɔkɔ. ²² Nte tyi nónó-á n pi Liyel Mirki yah tɛnó sɔkɔ, sè we yò: Tyínɔnɔle, ànê nìvìnìne, ànê yèvinìne, ànê sòmnole, ànê pèpɔri pínóle, ànê yãm yáhnóle, ànê gbɪ wɛkì kólóle, ²³ ànê gblɔy yele, ànê gblɔy tɛnóle. Sépi pólle, tyi kònsàhnó náh me séle n fwo. ²⁴ Névyé nónó-á me Krista tyí yò, pépi ye pé gblɔy dɔɔ yíi tyi, ànê pé dékè tyi, ànê pé yíwilkì tyi pól syɪ dahnɪ yò, à sè ko. ²⁵ Liyel Mirki nê-á minne á kɔ, á ye ye képah kɔ kè á yahle n tẽ kè. ²⁶ Á ye káh pi gblɔy gbílkípúle, à ne n pi n de wẽ tyí, képah náh pi, à wẽ dyɔle n yò.

6

¹ N yúnpyé, yãh sɔ nnî yó we tẽ à me tyítúkù yóle n pi, Liyel Mirki-á me yépi nónó yahle n tẽ, yépi tẽ tẽ mámmám yè pɔ òne wɛkì pèpey yò. Yé nénúkù núkù pól mó yé gblɔyne n kyɔmɪ, yé tɔ káh pɔ de tyítúkùni pínó sɔkɔ. ² Yé wẽ yótókóbíle n twah. Yãh képahle n pi, yé me Krista tyi kònsàhnó wãlle n kɔ. ³ Névi yó-à ò gblɔyne n dɔkɔ n sah, té kwãh yó náh mó tɔ òne, tẽ me ò gblɔyne n tɔ n mɔ. ⁴ Nénúkù núkù pól yĩne pé pé tyípínì kyɔmɪ n yah palle. Nê nɪ-à me fɛ n vɪ n pi ò gblɔyne, ò nɪ vɪ ò gblɔyne, à káh ò gblɔyne n tɔkɔ n sãh ò ní-òle. ⁵ Yé náh we di, nénúkù núkù pól-á tyi nónó pi, pé kɪ yĩn sé yótyíle.

⁶ Névi nê-à ále n kwɔ Liyel weyne, á yĩne ò tɛne n yohnɪ n mɔ tyi tyi pól sɔkɔ. ⁷ Yé káh yé gblɔyne n tɔ n mɔ ló, pé náh kóle Liyelle n ko. Névi-à sèmuco nê duku mɔ, képah ye à kɪ tɔkɔ. ⁸ Névi nê-à ò gblɔy dɔɔ yíi tyile n pi, gblɔy dɔɔ yíi tyi yòre ye tẽ kɪ we, képah nê-á tyí yíkínóle. Nte nê-à Liyel Mirki dɔɔ yíi tyile n pi, Liyel Mirki dɔɔ yíi tyi yòre ye tẽ kɪ we, képah nê-á tyé-ńkê minne. ⁹ Á ye káh yal mɔ tyi pèplo pínóle. Yé náh we di, áyãh tyi pèplo pínó yálnmɔ-ńkêne, á kɪ pɔ ké yòre we ké gbí pèpey sɔkɔ. ¹⁰ Képah ye, áyãh tyípépɛy pí-ńsah we, á ye kéle n pi no pól tyí. Té á ye kéle n pi n kal á yúnpyé Yesu yò sɛpú wɔ tyí.

Pole wey tyé-ńsahle

¹¹ Yáh wãrkínó mè we kéle yěhyěh yò, òmɔ ye n wãrkɪ kéle ò gbòle. ¹² Gblɔy wɛkínó tyí-á nɔ nónó tyí, pépi náh me ké tyí ne pé fòhnó we Krista dahnɪ yò kúnó tyí yónó yĩnne. Képah ye pé yépile n kyĩ n mɔ n mɔ kòkè kòno sɔkɔ. ¹³ Kéne névyé nónó rítè-á me kònole, pé náh me Moyisi tyi

kònsàhnó wàlle n kò ò. Pè me ké tyí óle ne yé kòkè kò, pé kò pé pé gblòyne n we n gbilki képah yinne. ¹⁴ Nte ímò tẽ wòle, mé náh ní gblòy gbilki n pi tir yó ntẽ yinne à wil Tẽ ògbẽ Yesu Krista dahni yò kúnó tyí sòkò. Nmò dahni yò kúnó yin ye ímò kò mé kèkòyó tyile n yah yò kẽ tyile, té kèkòyó névyè tò mó me ímòle n yah sɛntɛne. ¹⁵ Névi kòno ànê ò kò-òkène, yò náh me sépi tyí. Yò-á me nê tyí, képah ye pi vinnonò nê-á Liyel dahbi tẽ ni sòkò. ¹⁶ Nónó pól-á me n kò képah wèkì yò, pépi ànê Liyel no pòlle, pépi nónó-á Yisrayel nolè, mé kéle n yah n kò Liyel tyí ne à yèvinne pè kò à mó pé yãm yah.

¹⁷ A tókò núkúnúké tyí, ònì yó ntẽ káh tò ímòle n kwò. Nítbó nónó-á ímò wil sòkò, sépi n wèkì ne máh pi Krista tyíle. ¹⁸ N yúnpyé, mé kéle n yah n kò Tẽ ògbẽ Yesu Krista tyí ne à yòbènrì pi yé tyí. Amiina!

Pole sébéy tékínmonole Yefesú tãn tyí

Pole wékínóle Yefesú tãn tyí

¹ Nmò Pole nê-á pɪ Yesu Krista tẽntò névile à yĩne Liyel nìvìnìne, nmo ye n tekɪ n mɔ sébéy mènne névye tyí nónó-á pɪ Liyel nole Yefesú kwil sɔkɔ, té me n kɔ palle pé wró kwrónmonɔ gbò yò Yesu Kristale. ² Mé kéle n yah n kɔ á Sú Liyel ànê Tẽ ñgbẽ Yesu Krista tyí ne, pè yòbènrɪ pɪ yé tyí pè mó yèvinine yé kɔ.

Liyel-á pèpɔrɪ nónónne n pɪ ápi tyí Krista yò sɛnó gbò yò

³ Gbílkinó ne n sah Liyel yò, nmo nê-á á Tẽ ñgbẽ Yesu Krista Súle. A ye sãm mɔ á sɔkɔ Krista yò sɛnó gbò yò, à pèpɔrɪ duke duke pól pɪ á tyí nónó-á wil yĩnyò sɔkɔ. ⁴ Kèkòyó mó-ńkê gbí òkùle, Liyel sò ápi yah tɔkɔ pɪ ñ tyíle Krista gbò yò sɔkɔ, ne á pɪ yályál wényo-ńsah kɛne á tyí péwo yah sɔkɔ. Tyínɔnɔ sɔkɔ, ⁵ Liyel sò kwãh tẽ kè yah tɔkɔ ne páh kɪ ápi pɪ pé wɛnpìle Yesu Krista gbò yò. Yé náh we di, képah ye sò à pɪ à yĩne ñ dyo yíi tẽne. ⁶ Á ye ñne n gbilki ñ pèpɔrɪ yĩnne, wãh nê pɪ á tyí ñ nìdè Pídí gbò yò. ⁷ Nmò tó kwénó gbò yò ye á we wil pèkè sɔkɔ, té á tyípèl me yò mɔ á tyí. Sɛ ye Liyel pɪ yòbènrɪ ñgbẽne á tyí, ⁸ képah nê-á à pɪ á tyí náhnáh à yípí ànê lékámne á kɔ yíi. ⁹ Sètìn sò tir nê tyí-á nɔ ñ tyí, à sò képah yah tɔkɔ sah ñgbò òkùle. Núkúnúkú, à kéle á wɛkɪ. Krista gbò yò ye sò à yah tɔkɔ tyípépɛy mènne. ¹⁰ Ké pɪ gbí-à pɔ nɔ, à kɪ yíyìn pól tuke mɔ nónó-á me yĩnyò ànê sétáh yò, nénúkù kɔ à kɪ pɪ sé yòtẽne, nmo nê-á Kristale. ¹¹ Á wró kwrónmonɔ gbò yò Kristale, nê-á sò á we we tẽne, Liyel ye kéle á kɔ. A sò kwãh tẽ á yah tɔkɔ sah ñ tyíle. Nmò nê-á Liyelle, ñ dyo yíi tir ye à n ne n pɪ à yĩne wãh kè yah tɔkɔ sɔ. ¹² Képah ye, ápi nónó ñgbò-á á gbò sah Krista yò, á ye gbílkinóle n sah Liyel yò. ¹³ Yépi tɔle, yé wró kwrónmonɔ gbò yò Kristale, yé gbɪ wey we noh, képah nê-á Nìvìnì tirlè, nê-á yéle n pwah n mɔ. Nmò yò sɛnó gbò yò ye tɔ, Liyel-á ñ vyãhle yé kɔ ñ Mirki nê tyí sɔkɔ, à kéle yé kɔ à yé pɔkɔ mɔ. ¹⁴ Liyel Mirki nê-á à á kɔ, képah ále n wɛkɪ ne wãh ñ vyãhle ñ no kɔ yí nónó tyí sɔkɔ, áyáh kɪ sè we n pi. Képah á nule n sũ ne áyáh kɪ sè we n pi, áyáh sò nêne pwáhnmonɔ we pnépné. Képah sɔkɔ, gbílkinó-á kɪ n sah Liyel yò.

Pole niri pínóle Yefesú tãn tyí

¹⁵ Képah ye, nmo tɔ-á fyò noh ne yáh me sɛ Tẽ ñgbẽ Yesu yò, ànê ñ yò sɛpú tyí-á me nɔ yé tyí, ¹⁶ gbímegbí, mè n ne n wɛkɪ Liyel tyí yé tyí sɔkɔ, ñ té ñne n ye n gbo yé tyí. ¹⁷ Mé kéle n yah n kɔ á Tẽ ñgbẽ Yesu Krista Liyel tyí, nmo nê-á tɔrɪ nétẽne, ne à lékám Mirkile yé kɔ nê-á kɪ Liyel òkùle yé wɛkɪ té kɪ yé kɔ yé kɪ à pĩ yíi. ¹⁸ A mó yé lékám yɪkɪ mɔ, sɔnko wãh yé ye ne yé yé gbò sah kwãh nê yò sɔkɔ yé fɛ ké òkù pĩ; ànê wãh me yípéplɔ nónó yah sah ñ no kɔ, yé sé tɔ pĩ. ¹⁹ Yè mó pĩ gbíl tɛnwɛnɔ nê-á à me yah sah á kɔ ápi nónó-á Yesu yò sɛpúle. Kéne tɛnwɛnɔ mè ye Liyel tò pɪ tãhkùle, ²⁰ wãh Krista lékó yilki mɔ gbí nêne té à kɔ à kɔ tẽ ñ gbòyò sòle

yǐnyõ sɔkɔ. ²¹ A me tǎnóle tǔrí, ànê tǎhkì, ànê tǎnwenɔ, ànê yǔtǔríno pól yõ sɔkɔ. Nónó yni-á me wil kweyne, ànê nónó yni-á kɪ n wil n pi n̄sõne, ñmo me pépi pól yah sɔkɔ. ²² Liyel yíyìn pól pi Krista gbáhkì súnsáh-ñsahle, té à pi n̄ yõ sǎpú tǐnkì pól yǔtǔ ñgbǎne, ²³ pépi nónó-á n̄ wil gbǎnsêle. Krista me tǎnóle pépi sɔkɔ n̄ tǔó, ñmo nê-á Liyel to me tǎnóle n̄ sɔkɔ n̄ tǔó.

2

Tyé-ñkê min nê-á n we ñnóle Krista yõ sǎnó sɔkɔ

¹ Ñgbòle, yé lésõ me lékyî tyí kǔle yé tyítúkúni ànê yé tyípêl pínó yinne. ² Kéne tyípêl sɔkɔ ye sò yé me n pi yé minne ñgbòle, gbí nê-á yé me kèkõyó mè tǎhkì yǔtǔ sò tǔ. Kéne yǔtǔ me tǔle n pi tyah kènkǎh sɔkɔ. Ñmo ye me Liyel tyí yáhlepu yahle n tǔ kwey mè sɔkɔ yò. ³ Api to pól sò me pépi tyí kǔle, me á dyɔ yíi tyi óle n pi. Tir nê-á sò nɔ á wil gbǎnsê tyí ànê áyáh nê sò we ne kǎh me ple, képah ye à n ne n pi. Áyáh sò pi sǔ, képah ye Liyel pèkè kɪ sò á nɔ n pi no tǔlɔ tyí kǔle. ⁴ Nte Liyel ñgbèkì tɔɔ. Á tyí kah nɔ n̄ tyí, ⁵ képah ye, áyáh lésõ me lékyî tyí kǔle á tyítúkúni pínó sɔkɔ gbí nêne, à minne á kǔ wǔ tyí ànê Kristale. — Yǔbènɔri ye Liyel pi yé tyí à yé pwah mɔ. — ⁶ Á wró kwrónmɔnɔ gbò yõ Kristale, Liyel ye á wilki kú sɔkɔ ñmɔle wǔ tyí, té á sah yǐnyõ tǔrí sɔkɔ ñne wǔ tyí. ⁷ Pèpɔri nê-á Liyel pi api tyí á wró kwrónmɔnɔ gbò yõ Yesu Kristale, à kè pi n̄ yǔbènɔri ñgbǔ wǔkɪ yinne gbímegbí no pól tyí. ⁸ Yé náh we di, yáh sǔ Liyel yõ, à me yǔbènɔri pi yé tyí à yé pwah mɔ. Pwáhnmɔnɔ mè náh wil yépi tyí dé, Liyel yǐnkõnɔ ye kéle ⁹ Yépi tǎhkì pínweno náh kéle dé. Kǎh pi sǔ, ñn̄i yó n̄tǔ náh fǔ n̄ gblǔy gbilki n pi. ¹⁰ Yé náh we di, Liyel mónó ye ále. A ye á mɔ á wró kwrónmɔnɔ gbò yõ Yesu Kristale tyípéplɔ pi yinne Liyel-á nónó yah sah ñgbò dùkùle ne á pɔ séle n pi.

No pól pi núkúle Yesu Krista yõ sǎnó gbò yõ

¹¹ Yépi nónó-á lésõ Nsyifunɔ n ye kǔ-ñkê névyele, té me pé gblǔyne n ye kènkòbele ké n̄tǔbó yinne nónó-á me pé wil sɔkɔ, yáh lésõ me dùkù nêne légbíne, yé yé dyɔ sah ne n kwne képahle. ¹² Légbíne yé lésõ me fíi Kristale. Yé lésõ me népânne, yé náh me kwrónmɔnɔle Liyel no sɔkɔ. Liyel-á n̄ vyáhle n no kǔ ne páh yí nónóne pè kǔ pé Yégbékè kwrónmɔnɔ gbò yõ péle, yé vyáh lésõ de sé tyí sɔkɔ. Yé lésõ me kèkõyó sɔkɔ gbò sáh-ñsah kéne yé tyí. Liyel náh lésõ me yé tyí. ¹³ Nte núkúnúkú, yé wró kwrónmɔnɔ gbò yõ Yesu Kristale, yépi nónó-á sò me fíi, yé nɔ de Liyelle Krista tó kwénó gbò yõ. ¹⁴ Ñmo ye api yèvinne. Ñmo ye Nsyifunɔ ànê nónó náh pi Nsyifunɔle pè kwrɔ mɔ pi yíkì núkú névyele. Dyóyókì nê-á sò me kǔkɪ tyí kǔle, me Nsyifunɔ ànê nónó náh pi Nsyifunɔle pé wró gbekɪ sah, à ye pɔ kéne kǔkɪ sɔ to n̄ kúnó gbò yõ. ¹⁵ A ye Moyisi tyi kǔnsáhnó ànê sé wǎl kɔ dúkúnó pól yín mɔ. Ñmo gbò yõ, à Nsyifunɔ ànê nónó náh pi Nsyifunɔle, pé kwrɔ mɔ pi yíkì núkú névyele, yèvinɪ kǔ kè we pé wró. ¹⁶ A Nsyifunɔ ànê nónó náh pi Nsyifunɔle pé pól kwrɔ mɔ pi wil gbǎnsê núkúle n̄ kúnó gbò yõ dahni yõ, té pé wró kwrɔ mɔ pi núkúle Liyelle. A dyóyókì to tyí tyí yíkɪ n̄ syínó gbò yõ dahni yõ. ¹⁷ A pɔ yèvinɪ welɔ yo yé tyí yépi nónó-á sò me fíi, ànê nónó-á sò me yúkey. ¹⁸ Yé náh we di, Krista gbò yõ ye Nsyifunɔ ànê nónó

náh pɪ Nsyifunɔɛ, á pól kɪ tẽ we yĩni tẽ Sú Liyel tnô ñ Mirki núkúní mè gbò yõ sɔkɔ. ¹⁹ Kǎh pɪ sě, yépi nónó náh pɪ Nsyifunɔɛ, népân náh tõ yéle, wô yah tǎn náh yéle. Yé pɪ kwil núkú tǎnne ànê Liyel yõ sěpúle. Té pɪ Liyel nolɛ. ²⁰ Yé me á kɪ ne wòkò yó sõ pè mɔ nê sètyah-á pɪ Yesu tẽntõ névyɛ ànê Liyel tẽntõ syínyopulɛ, té Yesu me pɪ ké dáhgbúle ñ wahle. ²¹ Nmɔ Yesu gbò yõ sɔkɔ ye wòkò kɪ yĩn gbáhngbáh, té kɪ kyǎh kɪ pɪ Liyel ní-ńsah gbòle, nê-á me Tẽ ñgbě tyí yõ. ²² Yé wró-á kwrɔ mɔ ñmɔle, yépi tɔ ye pɪ gbô mè fí yóle, kɪ we kwrɔ mɔ no téló sɔkɔ kɪ pɪ tẽ-ńsah yóle, ńyǎh sɔkɔ-á Liyel kɪ me tẽnóle Mirki sɔkɔ.

3

Pole-á kɪ tò nê pɪ n pi névyɛ yĩnne nónó náh pɪ Nsyifunɔɛ

¹ Képah ye, ńmɔ Pole nê-á me wòkònpèkè sɔkɔ Yesu Krista tò yĩnne, ànê yépi yĩnne, yépi nónó náh pɪ Nsyifunɔɛ... ² Liyel-á ñ pèpɔrɪ pínó sɔkɔ tò nê dahbɪ ní gbò yépi tyí pekɪ yĩnne, mé sě ké yõ ne yáh képah tẽ wɔ noh ó. ³ Liyel ye syõ wěkínó yó tyí à ñ sètɪn sò tirlɛ ní wěkɪ, sõ-á mé yo sɔkɔ kéle yé tyí kwéy sébéy mè yòtah sɔkɔ yò. ⁴ Yáh kɪ kéle n kar, yé kɪ pĩ ne sètɪn sò tir nê-á me Krista tyí sɔkɔ, ké sèndyáh náh ńne. ⁵ Liyel náh sò kéne sètɪn sò tirlɛ ñgbò tǎn wěkɪ, sõ-á à kéle Yesu tẽntõ névyɛ ànê Liyel tẽntõ syínyopu négló wěkɪ núkúnúkú ñ Mirki gbò yõ. ⁶ Sètɪn sò tir mè we yò, ne Nìvìnì tir gbò yõ, nónó náh pɪ Nsyifunɔɛ, pé pól-á kwrɔ mɔ Nsyifunɔ sɔkɔ kɪ gběkɪ núkú yõ n pi péle, té kɪ n pi n pi gběnsê núkúle péle. Té Liyel-á ñ vyǎh kõ tir nê tyí sɔkɔ Yesu Krista gbò yõ, pé tɔ vyǎh-á kɪ n we n pi ké tyí sɔkɔ. ⁷ Liyel-á ñ tẽnpnèné gbò yõ yòbènrɪ nê pɪ ńmɔ tyí, képah gbò yõ sɔkɔ ye ńne Nìvìnì tir yónó tò sɔkɔ. ⁸ Nmɔ nê-á Yesu yõ sěpú pól nétéyɛ, ńmɔ ye we yòbènrɪ mène kɪ Yesu pèpɔrɪ tyíle n yo névyɛ tyí nónó náh pɪ Nsyifunɔɛ. Kéne pèpɔrɪ mène, yĩn náh me ké tyí. ⁹ Liyel-á kɪ sètɪn sò tir mè pɪ n pi dükù nêne, mé yĩne mè kéle névyɛ wěkɪ n yíi palle. Nmɔ nê-á yíyìn pól mó-òle, à ye képah wòbɪ sah ñgbò dükùle tyé-ńkêne, ¹⁰ sǎnko à tɔkɔ núkúnúkú tyí, yípi nê-á n wil Liyel tyí, yòtǎm pól ànê kèkõyó tǔrí nónó-á me tòle n pi yĩnyõ sɔkɔ, pé pól tẽ we kè pĩ Yesu yõ sěpú tĩnkɪ gbò yõ sɔkɔ. ¹¹ Sépi pól pɪ à yĩne Liyel-á sò nê yah tɔkɔ sah tyé-ńkê, té pɔ kè pɪ á Tẽ ñgbě Yesu Krista gbò yõ. ¹² Áyáh á wró kwrɔ mɔ Kristale té sě ñ yõ, képah gbò yõ, wěkɪ me yíkínmɔnɔle á tyí kɪ fě no de Liyel tnô nìsǎh sɔkɔ. ¹³ Kǎh pɪ sě, ńmɔ-á me yèvyǎhrɪ nêne n pi yé yĩnne, yé káh ye képah yé wil ku. Képah ye kɪ yõ yǎnóle yé kõ.

Tyínɔnɔ nê-á me Krista sɔkɔ

¹⁴ Képah ye, mé kɪ gbètukunɔ di Sú Liyel yah sɔkɔ, ¹⁵ ñmɔ nê gbò yõ-á kètlo pól me sétáh yõ ànê yĩnyõ. ¹⁶ Ñ tǔrí me gblò. Képah ye, mé kéle n yah kõ ñ tyí ne à tǎhkìle yé kõ ñ Mirki gbò yõ, sǎnko tǎhkì ne n me yíi yé sɔkɔ. ¹⁷ Krista ne n me tẽnóle yé nno sɔkɔ ñ yõ sěné gbò yõ, tyínɔnɔ mó ne me yǎhnì mɔ yíi yé sɔkɔ. ¹⁸ Képah sɔkɔ, tyínɔnɔ nê-á me Krista sɔkɔ, yépi ànê ñ yõ sěpú téló pól kɪ ké yòtukuri, ànê ké yòsěkì, ànê ké kyǎhlo, ànê ké súkúlinó dükù pĩ. ¹⁹ Yé kɪ tyínɔnɔ mè dükù pĩ, képah nê-á kal pnèné duke

pólle. Képah sɔkɔ, Liyel kɪ me ñ tɔ́ yé sɔkɔ. ²⁰ Áyáh yí nónónɛ n yah n kɔ̀ ànê áyáh me nónó tyíle n sɔ̀, Liyel ye kɪ fě séle ále n kɔ̀ gbímegbí, fɔ́ kɪ kah mɔ̀ ntěne, ñ tēpnɛnɔ́ gbò yò nê-á me tòle n pɪ ápi sɔkɔ. ²¹ Yesu Krista gbò yò, gbílkinó ne n sah Liyel yò à wil Yesu yò sěpú tǐnkǐ tyí, knɔ knɔ pól sɔkɔ tyɛ tyéní kěne. Amiina.

4

Yesu yò sěpú yégbékè pínóle núkúle

¹ Nmɔ̀ nê-á me wòkònpèkè sɔkɔ Tě ñgbě tò yǐnne, mé yéle n ni yépi nónó-á Liyel ye, ne yé yé minne n pɪ à yǐne ñ yénó mène. ² Yé pɪ gblǒy tǐkínmɔpule, ànê nǐpír névyele, ànê sómnó pípúle. Yé wěne n n tē tyínɔno sɔkɔ. ³ Yáh me yèvinì nê sɔkɔ wě tyí, képah gbò yò, yé gbah n tē yé wró kwrónmɔno tē n sah Liyel Mirki-á nēne yé kɔ̀. ⁴ Yé pól pɪ wil gběnsé núkú Krista gbò yò, ànê Liyel Mirki núkú ye me. Liyel yé ye tɔle kwâh núkú yǐnne ne yé yé gbò sah ké yò. ⁵ Tě ñgbě núkú ye me, ànê Liyel yò sěnó núkúle, ànê ni sɔkɔ wèlnwǐkínó núkúle. ⁶ Liyel núkú ye me. No pól Sú ye ñne. Ñ tǔrí me no pól yò. A me tòle n pɪ no pól sɔkɔ. A me tēnóle no pól sɔkɔ. ⁷ Nte á nénúkù núkú pól ye Liyel yòbènɔrɪ we à yǐne Krista-á me ké tyí ne pé kéle á kɔ̀ sɔ̀. ⁸ Kè me wǎrkínsàhnóle Liyel wey sébéy sɔkɔ ne:

«Wǎh dɔkɔ yuku yǐnyò sě,
à sɔkɔ wòkònpèkè sɔkɔ névyele.
A tēpnɛnɔ́ yǐ névyé kɔ̀.»

⁹ Nte kwâh nê me pè n ye yǐnyò dókónyukunɔle wé? Képah ye n wěkɪ ne wǎh sò tiki yuku sétáh sòwǎh tɔ sɔkɔ. ¹⁰ Nê-á tiki pɔ̀, ñmɔ̀ ó ye tǔ dɔkɔ yuku yǐnyò léyy tē-ñsah sɔkɔ, kɪ kèkòyó pól yuku. ¹¹ Nmɔ̀ Krista ye kɔ̀ névyele tēpnɛnɔ́ duke dukele. A tókù pɪ ñ tēntò névyele, té tókù pɪ Liyel tēntò syínyopule, té tókù pɪ Nìvìnì tir yónkòpule, té tókù pɪ kwópúle. ¹² Sě ye à vi mɔ̀ Liyel nɔle pè kɔ̀ pè kɪ ñ tò pɪ dal mɔ̀, wǎn kɔ̀ kè kɪ n mɔ̀ Krista yò sěpú yò. ¹³ Kǎh pɪ sě, Liyel yò sěnó kɪ á pól wró kwrɔ mɔ̀ pɪ núkúle, té á kɪ Liyel Pídí pǐ té kɪ yuku yahle Liyel wěkǐ kóló sɔkɔ fɔ́ kɪ pɔ̀ pɪ Krista tyí kǔle. ¹⁴ Képah sɔkɔ, á náh tǔ n pɪ n tē n pɪ wěnpǐle nónó-á kwónó kètúkúni pípú ànê pé névyé vǐntěno kɪ ále n tɔkɔ n fi n kɔ̀ yǎhkǐ tyí kǔle, kɪ á mɔ̀ pílkínó wěkǐ yò. ¹⁵ Nte áyáh kɪ gbile n yo tyínɔno sɔkɔ, á kɪ yah yúkúnó we tyi pól sɔkɔ kɪ n nɔ̀ n de Kristale ñmɔ̀ nê-á yòle. ¹⁶ Nmɔ̀ gbò yò ye wil gběnsé tǎntǎn pólle núkúle. Gbèl tél-ńtǎn gbò yò ye wil gběnsé tǎntǎn pól wě tē yǐn sah. Kǎh pɪ sě, wil tǎntǎn pól-à tòle n pɪ kǎh yǐne sɔ̀, wǎn kɪ n mɔ̀ wil gběnsé yò, kè kɪ n yuku yahle tyínɔno sɔkɔ.

Min pɪ dùkù késǎnne Krista yò sěnó sɔkɔ

¹⁷ Nê-á mé n gbah n yo yé tyí Tě ñgbě wěkǐ sɔkɔ, kè we yò: Yé kǎh tǔ yé minne n pɪ Liyel pí-ńkě névyé tyí kǔle, pépi nónó-á pé lékám pé yahle n tē n mɔ̀ yòre kě tyi sɔkɔ. ¹⁸ Pé lékám me fókóntúnɔle. Liyel-á min nēne n kɔ̀, kè náh me pé tyí. Képah ye pè pɪ yah wé-ńkěpú ànê kùkùtǎhkǐ névyele. ¹⁹ Pè pɪ sen pí-ńkěpúle, pè náh n fyǎh. Té pè pɪ prònpɪbule à tyítúkúni duke pólle n pɪ yǐn kěne. ²⁰ Nte yépi tē wòle, sěntě náh yé pǐ Kristale dé. ²¹ Mé sě ké yò ne ñ tyí dùkù pól-á yo yé tyí. Té gbɪ nê-á me ñ tyí sɔkɔ, yé kwónó

we ké to yõ. ²² Yáh sò me dùkù nêne ñgbòle, yé yĩne yè képah milki. Yé yé náh vi yé pí dùkù kédyâh kǒ, képah nê-á sǒno tókúnĩne n mo yé soko, nónó-á yé tyíle n yíkí. ²³ Liyel Mirki-á lékám nêne yé kǒ, yé ye kè yé vi mo. ²⁴ Yé vi mo ne n pí pí dùkù késáñne à yĩne Liyel-á me ké tyí sǒ, yé mó ne n me tómm ànê yályál liyel yah gbí wěkì kóló gbò yõ. ²⁵ Képah yĩnne, yé mìnì yónó yal n mo, yé mó gbule n yo wě tyí. Yé náh we di, wil gběnsé núkú tàntàn ye á pólle. ²⁶ Yé fòkò-à vyāh yé káh tyípékè pí. Gbǐyí náh yĩne kè pò de yé mó ne n me fòkòvyāhni soko sě. ²⁷ Yé káh yé mo n tē tē wěkì yó ntē yíkí mo sètàn yòtē kǒ. ²⁸ Névi nê-à sò me yĩbele n yĩ, tē kè yal mo, à mó ñ gblǒy kǒ tǒle n pí ñ gbāñne yĩnví kěne, à fě kwāh we à névi yó to yohni n mo nê-á me yām neyne. ²⁹ Wèntùkù yó ntē náh yĩne kè ne n wil yé vyāh soko. Yé wènpèplo óle n wekí nónó-á kí fě névyé yohni mo, ànê nónó-á kí fě pèpòrì pí sé nóhpú tyí. ³⁰ Liyel Mirki me yé soko kètònpókó sǒ yé wil tyí, yé káh yèkwòrile n mo ké soko. Yé náh we di, képah gbò yõ soko ye yé sě yĩ ké yõ ne sǒ yó-á me n pí, Liyel-á kí yé pwah mo n pí pnépné. ³¹ Yé káh yròle n tē n sah yé fòkòni soko. Yé fòkòvyāhni, ànê mál, ànê wey sòhsòh, ànê gbyo yal n mo, à tahlí népékè pínó duke pól tyí. ³² Yé pí négbólóle, yé tyí mó ne n me nónóle wě tyí. Yé ne n yõ n mo wěne n kǒ, sǒ-á Liyel yõ mo yé kǒ Krista gbò yõ.

5

Kyòo soko kólóle

¹ Yáh pí Liyel wěnpìle nónó tyí-á no ñ tyí sě, képah ye yé ñmòle n yah n pí. ² Yé ye yé tyí no wě tyí, sǒ-á á pól tyí no Krista tyí, té à me ñ gblǒyne Liyel kǒ ápi yĩnne à pí sárkále, nê-á me n pǒ sírr té ké tyí me no Liyel tyí. ³ Yé pí Liyel nolé, képah ye fòfíkì, ànê pròprò pínó duke pól, à tahlí yísesúkú tyí, sépi soko yó ntē pínó tyí náh yĩne kè ne n nohni yé wró soko. ⁴ Sen pí-ńkě welo, ànê wèntùkùni, ànê nēwān welo to náh yĩne sè ne n wil yé vyēy soko. Nte pèpòrì pínó wey ye yé yĩne yé Liyelle n kǒ. ⁵ Yé yĩne yé kè pí yĩ ne prònpìbì, ànê nónó-á me sílkínóle Liyel yah, ànê yísesúkú névyele, pé soko yó ntē náh n de n pí Krista tǒrì ànê Liyel tǒrì soko. Yísesúkú pínóle, sǎh fálnó dùkù yó ye kéle. ⁶ Yé káh ye ñnì yó ntē kǒ à pò yé pilki ñ sǒno prènĩne. Sépi dùkù pínó ye níkěne n pò Liyel kǒ à fóhnó sah ñ tyí yáhlepu yõ. ⁷ Képah ye, yé káh ne pí n soh péle pólle. ⁸ Yé lésò me fěntù soko ñgbòle. Nte núkúnúkú yé me kyòo soko yé wró kwrónmòno gbò yõ Tě ñgběne. Kyòo soko névyé-á n pí sǒ, yé to ne n pí sě. ⁹ Yé náh we di, kyòo soko kóló ye n pò n pò pèpòrì pínóle, ànê gbí wěkì kólóle, ànê gbí yónóle. ¹⁰ Nê tyí-á no Tě ñgbě tyí, yé gbah tē kéle n pne. ¹¹ Yé káh fěntù soko tyile n pí. Yõre náh me sé tyí. Nte yé sé gbĩne n wò. ¹² Tyi nónó-á kéne névyé me n wòbì n pí, sé tyí yáhnó ntē me senne. ¹³ Nte tyi nónó gbĩ-à wò, sépi n ne n me kyòo. ¹⁴ Yé náh we di, tyi nónó gbĩ-à wò, sé dùkù n ne n pne. Képah ye, kè me yónóle ne:

«Áwò nê-á me n do, do n yuku.

Yuku n wil lékyî wró,

Krista kí kyòo mo á tyí.»

15 Yé yé pɪ dükùle n kyomɪ palle. Yé káh ne n pɪ yĩ pí-ńkẽ névye tyí kòle, yé ne n pɪ yĩ pípú tyí kòle, 16 nónó-á tir nê pínó yòbènrɪ-à fyò we pé tyí, pé kè pɪ. Yé náh we di, gbɪ nê sɔkɔ-á ále, kè náh me palle. 17 Képah ye, yé káh pɪ lékám kě névyele, òte Tě ñgbě dɔ yĩ tẽ-á nêne, yé gbah n tẽ képahle n pne. 18 Yé káh tō wɔ kè yé tẽ, képah névi tyíle n yɪkɪ. Yé ye Liyel Mirki yé tokɔ. 19 Yé sóréle n mɔ wě sɔkɔ yìgbìnì sɔkɔ yè Tě ñgbě n gbilki, yè mó yìle n gbɪ ñ tyí ñ Mirki-á nónó dahbɪ yé sɔkɔ. Yé yìle n gbɪ yè Tě ñgběne n gbilki yé nno pólle. 20 Gbímegbí ànê tyi tyi pól sɔkɔ, yé ne n wekɪ Sú Liyel tyí á Tě ñgbě Yesu Krista yĩn yõ.

Pebɪ ànê pé syó-á yĩne pè tẽ sɔ wě tyí

21 Yépi nónó-á pɪ Krista yah tíkí pípúle, yé ne n sah wě tyí yõ sɔkɔ. 22 Syó, yé ne n sah yé pebɪ tyí yõ, sɔ-á yé n sah Tě ñgbě tyí yõ. 23 Yé náh we di, dí ye sê yòtẽne sɔ-á Kristale ñ yõ sěpú tĩnkì yòtẽne, pépi nónó-á ñ wil gběnsêle té à me pɪ pé pwáhnmo-òle. 24 Syó yĩne pè ne n sah pé pebɪ tyí yõ tyi tyi pól sɔkɔ, sɔ-á Krista yõ sěpú tĩnkì n sah ñ tyí yõ. 25 Pebɪ, yé ye yé syó tyí nɔ yé tyí, Krista yõ sěpú tĩnkì tyí-á nɔ sɔ ñ tyí, fók à ñ min kɔ pé yĩne. 26 Sě ye sò à me ké tyí ne pé pé yõ sěpú tĩnkì pɪ yályál Liyel yah, ni sɔkɔ wèlnwìlkinó sɔkɔ ànê Liyel wey gbò yõ. 27 A sò me ké tyí ne pè pɔ pé yah sɔkɔ yályál syii kěne, ànê tĩkìlì-ńsah kěne, ànê yíkí-ńsah kěne, ànê wényo-ńsah kěne pé tyí. 28 Sě ye pebɪ tɔ yĩne pé syó tyí nɔ pé tyí pé gblɔy wil gběnsê tyí-á nɔ sɔ pé tyí. Névi nê kyɪ tyí-à nɔ ñ tyí, ñ gblɔy tyí ye nɔ ñ tyí. 29 Yé náh we di, ñnì yó ñtẽ wil gběnsê kó náh ñne n tẽ dò, tẽ n pyě kéle n pu ńkẽ; ñ té kè tō n sah n tẽ sɔ-á Krista tō sah tẽ ñ yõ sěpú tĩnkìle, 30 képah nê-á ápile. 31 Képah ye, dí kɪ yal ñ sú ànê ñ yú tñò, té kɪ kwɔ mɔ ñ kyle, pé ními kɪ pɪ wil gběnsê núkúle.* 32 Sèfìn sò tir ñgbě ye kéle. Té ñmɔ kéle n yo ne káh me ké yah mɔ Krista ànê ñ yõ sěpú tĩnkì tyí. 33 Nte kè me ké yah mɔ yépi tɔ tyí. Yé nénúkù núkú pól syó tyí yĩne kè nɔ yé tyí yé gblɔy sɔ, syó nénúkù núkú pól mó yòyenne n sah pé pebɪ yõ.

6

Wěnpì ànê pé dúbípú wě tẽ dükùle

1 Wěnpì, yé ne n sah yé dúbípú tyí yõ Tě ñgbě wěkì kóló sɔkɔ. Képah ye ple. 2 Yòyenne n sah á sú ànê á yú yõ. Képah ye tir kònsàhnó gbenne, vyáh kónóle tahlínóle ké tyí ne: 3 Wáh képah pɪ, wáh kɪ me nìvìnì sɔkɔ té kɪ min sěkì we sétáh yõ sɔkɔ.* 4 Dúbípú, yépi tɔ káh yèkwɔrɪle n mɔ yé wěnpì sɔkɔ. A yĩne Tě ñgbě wěkìle, yé péle n pu, yè mó kwónó pèpeyne péle n kɔ, yè mó péle n vi n mɔ palle.

Yõbɪ ànê pé nátām wě tẽ dükùle

5 Yõbɪ, yé nátām nónó-á sétáh mè yõ sɔkɔ, yé ne n sah pé tyí yõ tíkí ànê wìlsyahrɪle ké sɔkɔ. Yé kéle n pɪ yáryár dáhbí-ńkẽne ké sɔkɔ Krista tyí sɔ yé n pɪ kéle. 6 Kè káh pɪ á kɪ ne páh yéle n kyomɪ képah yĩn sɔ yé n pɪ kéle, á kɪ ne névi dɔ yĩ tẽ sɔ yé n yah kɔ pí-ńsahle dé. Yé kéle n pɪ Krista yõbɪ sɔ yéle, yè Liyel dɔ yĩ tẽne n pɪ yé nno pólle. 7 Yé tòle n pɪ pé tyí yé nno pólle, á kɪ ne Tě ñgbě tyí sɔ yé n pɪ kéle, kè káh ne n me névi tyí sɔ

* 5:31 5.31 Yah n te Yenesú 2.24. * 6:3 6.3 Yah n te Yálnó 20.12.

yé n pi kéle. ⁸ Yé yé dyo sah ne n kwne ne yé nénúkù núkú pólle, nê-à kɪ sɔ̃ me yɔ̃le ò, nê náh me yɔ̃le ò, tẽ-á kɪ ò tò pínó lédyáhní we n pi Tẽ ñgbẽ tyí. ⁹ Yépi nónó-á yɔ̃bɪ nátãmne, yépi to sɛntɛne n pi pé tyí. Yé káh díríle n kɔ pé yɔ sɔkɔ. Yé pĩ ne yépi ò, pépi ò, yé pól tyí yòtẽ yó-á me yĩnyɔ sɔkɔ, nê-á à náh ñnì yó ñtɛne n tokɔ n pi fónfó ñ ní-òle.

Liyel yɔ̃ sɛ-ò méfwóyíle

¹⁰ Ké tyé-nsah, yé ye yé tãhkì ne n wil Tẽ ñgbẽ tɛnɛnɛnó ñgbẽ tyí. ¹¹ Yé Liyel méfwó yí tokɔ, sɔ̃nko ye tẽ we sétò yĩnvĩ tyi yah kɔ. ¹² Yé náh we di, ápi mékì náh me ké yah mɔ névye tyí dé. Nte káh me ké yah mɔ nónó tyí pépi ye pi, yòtãmne, ànê tãhkìnóle, ànê névye fnèpu nónó-á me tòle n pi kèkòyó fɛntú mè sɔkɔ, ànê pèkè pi pi mréy nónó-á me tòle n pi yĩnyɔ. ¹³ Képah ye, yé Liyel méfwóyí tokɔ, sɔ̃nko yòhnpèkè sɔ-à pɔ, ye tẽ n we sépe fwo. Képah-à pi yé kɪ yĩn gbáhkì núkú yɔ. ¹⁴ Yé ne n me yé gblɔy vi n sah. Yé ye gbɪ yónó pi syĩ kɔle yé tyí, gbɪ wɛkì kóló mó pi vyɔri fwòmɔnɛne yé tyí. ¹⁵ Nìvìnì tir nê-á yèvinɛne n kɔ, ké yónó dékè ne me yé sɔkɔ yé gbyèh sɔkɔ lékyèh tyí kɔle. ¹⁶ Yé Liyel yɔ̃ sɛnó tẽ n yĩn mèmèkì swàhkì sɔ̃ yé gbàn sɔkɔ gbímeɓbí, ye fɛ pèkè pí-ò pnépèl pól swah kéle. ¹⁷ Yé pwáhnɔnɔ fɛ n syi á kɪ ne vyɔri gbétú sɔ̃ yé kwĩnki, ye mó Liyel wey fɛ n syi kèkírki sɔ̃ Liyel Mirki-á nê kɔ. ¹⁸ Yé ye yé Liyel nínó ànê yé Liyel fálnó duke pól ne n pi Liyel Mirki yah tɛnó sɔkɔ gbímeɓbí. Yé gbah tẽ ne n yuku yahle képah sɔkɔ. Yé Liyelle n ni Yesu yɔ̃ sɛpú tĩnkì pól tyí. ¹⁹ Yé níríle n pi ñmɔ to tyí, sɔ̃nko Liyel welo pèplo dahbɪ ñ vyãh sɔkɔ mäh n wɛkɪ gbí nɛne, mè n tẽ n we nìsãh we mè tyípille n yo n wah nónó-á me Nìvìnì tir sɔkɔ. ²⁰ Kéne Nìvìnì tir yah yuku yĩn ye kárnne mónóle ñ gbàn tyí wòkònpèkè sɔkɔ yò. Yé níríle n pi ñ tyí ñ kɔ mè tẽ n we kéle n yo nìsãhle káh yĩne sɔ̃.

Wey téyne

²¹ Mé me ké tyí ne yépi to pĩ ñ tyí-á me dùkù nɛne, ànê tir nê-á mé me n pi. Á yúnpɪ Tisyiki nê-á ñ nénóníne, té me tòle n pi palle Tẽ ñgbẽ tyí, ñmɔ kɪ pɔ ñ tyí kèdùkù pól yo yé tyí. ²² Nmɔ ye we tɛ n tɛkɪ n mɔ ñne yé tyí ne à kyɪ á tyí kèdùkù yo yé syah à mó yé ni sũ.

²³ Mé kéle n yah n kɔ á Sú Liyel ànê Tẽ ñgbẽ Yesu Krista tyí ne pè yèvinɪ, ànê tyínɔnɔ, ànê Liyel yɔ̃ sɛnóle á yúnpyé pól kɔ. ²⁴ Á Tẽ ñgbẽ Yesu Krista tyí-á me nónóle nónó pól tyí tyétyéní kéne, mé kéle n yah n kɔ Liyel tyí ne à yòbènɔri pi pé tyí.

Pole sébéy tékínmònòle Filipi tãn tyí

Tyàh-nsah wey

¹ Nmo Pole ànê Timotele, ápi nónó-á Yesu Krista tònpiùle, ápi ye n teki n mo sébéyne Yesu Krista yò sěpú pól tyí Filipi kwil sòkò, pépi nónó sòkò yísyó-á yah těpú ànê yòhnìnmpule, nónó-á yáhtòkònsàhnóle. ² Á kéle n yah n kò Sú Liyel ànê Tě ògbě Yesu Krista tyí ne, pè yòbènòrì ànê yèvinine yé kò.

Pole-á nírì nêne n pi Filipi kwil Yesu yò sěpú tyí

³ Gbímegbí máh sò yé tyí sòkò, mè n wẹki Liyel tyí. ⁴ Gbímegbí mě nírìle n pi yé pól tyí nìvìnì sòkò, ⁵ yáh sònpíle pi nmo yòhnìnmpule Nìvìnì tir yónó sòkò, à tòkò ké tyah sò duku tyí, pópó à pò syi nùkúnúké tyí. ⁶ N sěnyĩnò me ké yò sòkò ne, Liyel nê-á tyah tò pèpey mène yé nno sòkò, wãh kú yò sòkò kú kéle n tã n sah n pi, pópó kú pò syi ké píntenò tyí Yesu Krista syi n pò sòle. ⁷ Yé tyí nò yíi ní tyí. Képah ye, ké yah ye yé pól tyí sònole ní sòkò sěntěne. Yépi tò vyãh me yòbènòrì mè tyí sòkò, Liyel-á nêne n pi ní tyí wòkònpèké sòkò, ànê máh sò me Nìvìnì tirlè n yo n wah gbí nêne, à kéle n wẹki ne gbì-á kéle. ⁸ Liyel ye nmo tàrfyòle ne, Yesu Krista tyínòno nê-á me nmo sòkò, képah-á ní nì kò kè n yorì yé tyíle.

⁹ Máh me Liyelle n ni yé tyí tir nê tyí sòkò, képah ye yò ne: Tyínòno nê-á me yé sòkò, kè ne n yuku yahle, yé kò yé pi lékám névyele, ànê yí pípúle. ¹⁰ Képah sòkò, tyi nónó-á yíne kal, yé kú sėpíle n yah n tòkò n pne. Képah-á pi, yé kú me yályál wényo-nsah kěne yé tyí Krista syi n pò sòle. ¹¹ Képah sòkò, yé kú tyi pólle n pi gbì wẹkì yò Yesu Krista gbò yò, Liyel yin kò kè kú pi gblò, té kú n gbilki.

Nìvìnì tir yónó yah yúkúnóle

¹² N yúnpyé, mé me ké tyí ne yé pĩ ne, tir nê-á nmo yĩni tē, kãh yòhnìnmpònò pi Nìvìnì tir yónó yah yúkúnó sòkò. ¹³ Yé náh we di, yòtē dí tórí kéte nê sòkò-á nne wòkònpèké sòkò, nénpó tãn pól ànê no téló pól pĩ ne, Krista tò yin-á nne wòkònpèké sòkò. ¹⁴ N yúnpyé-á nmo we wòkònpèké sòkò sě, wãh mò pé kan Tě ògbě yò sěnyó yò. Kãh pi sě, pé nì tã gbah syãh, pè Liyel weyne n yo tíkí kěne. ¹⁵ Gbì tē wò ye, tókù me nmo dyò yò yinne Krista tyíle n yo à pé gblòyne n tòkò n pi fónfó nmo. Nte tókù tē wò me kéle n yo sònò pèplòle pé sòkò. ¹⁶ Tyínòno sòkò ye pépi n pi képahle. Pè pĩ ne Nìvìnì tir gbì yo n wah yin-á nne ásò. ¹⁷ Nte nónó tē wò-á Krista tyíle n yo à nmo n fwo, pépi sònò náh me ple. Pè me n sò ne páh kú wãh mò n pi nmo wòkònpèké sòkò dényò yèvyãhrì yò. ¹⁸⁻¹⁹ Nte képah náh me tir yóle nmo tyí. Kè sò pi sònò tókù sòkò ò, kè sò pi sònò pèpey sòkò ò, Krista tyí tē wò me n yo. Képah ye, kè me nìvìnìne nmo tyí.

Té nmo pĩ ne yépi níri ànê Yesu Krista Mirki yòhnìnmpònò gbò yò, yí mè-á me n pi nmo pwáhnmpònò wẹkì yò. Képah ye, ní nì kú tã n vi n yuku n pi yahle. ²⁰ Máh me nê syikí tē kègbile, té ní gbò sàhnó me ké yò, képah ye ne, sen káh ní tē ní tyípíní yó ntě sòkò pólle. Nmo sěnyĩnò me ké yò sòkò nùkúnúké ànê gbímegbí ne, máh se wũ min sòkò ò, máh se ku ò, képah-á

kɪ Kristale n gbilki. ²¹ Yé náh we di, ímɔ ménó yõle min sɔkɔ, Krista gbilki yĩn ye. Té kúnóle, yõre wénó ye kéle ímɔ tyí. ²² Nte min sɔkɔ tẽnó-à kɪ ímɔ kɔ mé fẽ tò we n pɪ n pi yõre-á me nê tyí, mé yĩne mè nê tẽ yah n tɔkɔ wé? ²³ Ímɔ me tɔtò sɔnɔ sɔkɔ. Mé me ké tyí ne mé yal kèkõyó mè sɔkɔ mé n kyɪ n tẽ Kristale, képah tyí me kal í tyí. ²⁴ Nte í tẽnóle min sɔkɔ, yõ me képah tyí kal yépi yĩnne. ²⁵ N sɛnó me ké yõ, ànê mé pĩ ne máh kɪ wũ, kɪ n tẽ n pi yé pólle, yé yah yuku yĩn ànê yé nìvìnì we yĩnne Liyel yõ sɛnó sɔkɔ. ²⁶ Képah sɔkɔ, ímɔ syínpɔnɔle yé tnô, kè kɪ yé kɔ yé kɪ Yesu Kristale n gbah n gbilki.

²⁷ Nê tẽ-á tah kal, yé yé minne n pɪ à yĩne Krista Nìvìnì tir yónóle. Képah sɔkɔ, máh kɪ sɔ pɔ wil yé tyí ò, máh kɪ sɔ pɔ n wìl-ñkêne yé tyí ò, mé kɪ me yé tyíle n nohnɪ ne yáh me su yĩn gbáhkì núkú yõ sɔnɔ núkúle yé sɔkɔ, té me so wẽ tyí à gbah tẽ Nìvìnì tir yõ sɛnó yah yúkúnó tyí sɔkɔ. ²⁸ Yé káh ye yé sépébí kɔ pè yé wore tir yó ntẽ sɔkɔ. Képah sɔkɔ ye pè kɪ pĩ ne pé tyí ykɪ ykɪ wèkì yõ-á péle, té yépi-á me pwáhnmɔnɔ wèkì yõ. Liyel ye n pɪ sépi pólle. ²⁹ Yé náh we di, Liyel ye yòbènɔrɪ pɪ yé tyí yé kɔ yé pɪ Krista yõ sɛpúle. Té kè náh yĩn ò yõ sɛnó ó tyí dé, yé kɪ tɔ yèvyáhrɪ tɔ we n pɪ n pi òmɔ yĩnne. ³⁰ Yépi ye me mékìle n fwo Nìvìnì tir yah yúkúnó tyí sɔkɔ ímɔ tyí kòle, sɔ-á lésò yé í we mé me ké mékìle n fwo. Té ímɔ me yõ sɔkɔ sɛ kéle. Yépi ntẽ pínó me ké sɔkɔ ó.

2

Krista gblõy tíkínmɔnɔle ànê ò né-ñgbẽ dùkùle

¹ Yé wró kwrónmɔnɔle Kristale, kè me sórèle n mɔ yé sɔkɔ. N tyínɔnɔ nê-á yé sɔkɔ, kè me yé nnɔle n sũ. Yé wró me kwrónmɔnɔle Liyel Mirkile. Yé me wẽ yámne n yah, té me pèpɔrɪle n pɪ wẽ tyí. ² Káh pɪ sɛ, núkúnúkú tẽne, yé ne n sah núkú yõ. Tyínɔnɔ dùkù núkú yĩne kè ne n me yé sɔkɔ, yé mó yé fɔkɔ táh ànê yé sɔnɔ pɪ núkúle. Yáh képah pɪ, nìvìnì ye yé kɪ mɔ yĩ ímɔ sɔkɔ. ³ Yé káh tir yó ntẽne n pɪ wẽ fwónó sɔkɔ. Yé káh yé gblõyne n wèkɪ. Yé yé gblõyne n tiki n mɔ, yé mó no télóle n tɔkɔ n pɪ fónfó yé gblõyne. ⁴ Yé sɔkɔ yó ntẽ káh ne n yah ò yèngbẽ tyi ó tyí dé, yé ne n sɔ n kal no téló tyí sɔkɔ.

⁵ Sɔnɔ nê dùkù-á sò me Yesu Krista sɔkɔ, yé ye kéne sɔnɔ dùkù nê me yépi tɔ sɔkɔ.

⁶ Ímɔ me núkúle Liyelle,

té nê-á yĩne òne, à náh sò me kéle n yah n kɔ káhkáh.

⁷ Nte à sépi pól we ye

té ò gblõy pɪ yõle,

à ò gblõy pɪ névile.

No pól sò òne n pne névile.

⁸ A ò gblõy tiki mɔ

à n sah Liyel tyí yõ,

à syi pɔ dahɪ yõ kũ ku.

⁹ Képah ye, Liyel me òmɔ dɔkɔ sah kal no pólle,

té yĩn-ísah ògbẽne à kɔ kal no téló pólle.

¹⁰ Képah sɔkɔ, yí nónó pól-á me yĩnyõ sɔkɔ,

ànê sétáh yõ, ànê lékókwíl,

sé pól kɪ sé gbètukunɔ di Yesu yah sɔkɔ,*
 11 té kɪ n yo nɛ Yesu Krista-á TĚ NGBĚNE,
 Sú Liyel yĩn kǒ kè kɪ n gbilki.

Yesu yǒ sĕpú-á yĩne pè nɛ n pɪ sǒ

12 N nénónó, máh sǒ me yé wró sɔkɔ té yé me n nohnɪ sǒ n tyí gbímeḡbí, núkúnúkú mé náh me yé wró, nte mé kéle n yah n kǒ yé tyí nɛ yé wǎn mɔ sĕ yé nòhnìnó yǒ. Yáh fyò pwah mɔ, yé tǒle nɛ n pɪ tíkí ànê wílsyahrɪ sɔkɔ képah yĩnne. 13 Yé náh wɛ di, Liyel ye n dahbɪ yé sɔkɔ tǒ pínó dékèle à yĩne ñmɔ-á me ké tyí sǒ, n té ké pínó tĕnwɛnɔle yé kǒ yé kéle n pɪ à yĩne ñmɔ-á me ké tyí sǒ. 14 Yé tyi pólle nɛ n pɪ wĕnkyǒ wékí-ńkĕne, ànê yékâb kĕne. 15 Képah sɔkɔ, yé kɪ pɪ pèkè kĕ névyele, pè náh wényo-ńsah wɛ n pɪ yé tyí. Yé kɪ pɪ Liyel wĕnpǐle, lékàh kĕ névyele kèkǒyó névyé wró, pépi nónó-á yĩnvǐ ànê népél ó pé tǒó. Yépi yĩne yè pɪ kyòole pé tyí, sǒ-á ńwǒ kèpyele kyòo yĩnyǒ sɔkɔ. 16 Té wɛy nê-á minne névyele n kǒ, yé képah yo pé tyí. Képah-à pɪ, kè kɪ pɪ yǒ yǒnóle ñmɔ tyí Krista syɪ n pɔ sǒle. Té kè kɪ tǒ kè wĕkɪ nɛ máh yèvyǎhrɪ ànê tǎn nónó pɪ sɔkɔ, sè náh pɪ yǒ kĕne. 17 Yépi-á yèvyǎhrɪ nê pɪ Liyel yǒ sĕnó yĩnne, ñmɔ-à kɪ sǒ me yĩne mè n ko n pɪ sárkále à tahlɪ képah tyí ò, nìvìnì ye kéle ñmɔ tyí. Té mé me ké nìvìnì sɔkɔ yé tǒle. 18 Yépi tǒle, yé nɛ n me nìvìnì sɔkɔ, yè ké nìvìnìne n pɪ ñmɔle wĕ tyí.

Timote ànê Yepafroditi tyípínine

19 Nmɔ gbò sàhnó me TĚ ñgbĕ Yesu yǒ nɛ máh kɪ Timote tǒ yé tyí kè náh tǒ n mo n pi. Képah sɔkɔ, wàh kɪ kyɪ yah yé tyí té n syɪ, à kɪ pɔ yé tyí kèdúkú wɛ yo n syah n nɪ kǒ kè kɪ de. 20 Yé náh wɛ di, ñmɔ ó me ñmɔ tyí nê nɪ-á me n yɔrɪ yé tyíle ñmɔ tyí kǒle. 21 No téló pól tĕ wɔ me n yah pé yĕngbĕ tyi ó tyí, pé dyɔ náh me n kwne Yesu Krista tǒ tyíle. 22 Nte Timotele, yépi nte pɪ nɛ tyípínì sɔkɔ-á à kè wĕkɪ nɛ, tǒnpi pèpey-á péle. A n gblǒy kǒ Nìvìnì tir yónó tǒ sɔkɔ ñmɔle wĕ tyí, sǒ-á wĕnpir tǒle n pɪ n sú tyí. 23 Képah ye, n tyí-à kɪ fyò pɔ sah gbáhkì núkú yǒ, ñmɔ ye mé me n yah nɛ máh kɪ núkú tǒ yé tyí. 24 N sĕnyĩnɔ me ké yǒ nɛ TĚ ñgbĕ gbò yǒ, ñmɔ nte tɔ-á kɪ pɔ yé tĩnne kè náh n mo n pi.

25 Nte mé kè wɛ, mé yĩne mè n yĩnpi Yepafroditi kǒ à n syɪ n yuku yé tĩnne. N kó-ò ye ñne, tǒ núkú pípú ànê mékì núkú fwópú tǒ ále. Yépi ye n fyǎhnó wɛ, té à wilki tǒ n tyí à pɔ n yohnɪ mɔ. 26 Yé pól wɛ dékè me à tĕ yíí, té yáh noh n yónó tyí sɔkɔ, kè me yótókóbíle n tyí. 27 Kègbɪ yǒ, à sǒ me n yɔ. Fárkɔ fárkɔ à náhkɪ ku. Nte Liyel me n yǎm yah. Té kè náh pɪ nɛ ñmɔ ó yǎm sǒ à yah dé, ñmɔ tɔ yǎm ye à yah wǎn kǒ kè náh n mɔ n pi n yèkwɔrɪ yǒ. 28 Képah ye, mé kɪ à kǒ à kɪ n syɪ yuku súú yé tĩnne, yé kǒ yáh kɪ à wɛ, kè pɪ nìvìnìne yé tyí nte, kwâh mó wilki ñmɔ tɔ yèkwɔrɪ sɔkɔ. 29 Képah ye, yé à tĕ ple nìvìnì sɔkɔ TĚ ñgbĕ yĩnne, yé mó sĕnkno névyele nɛ n sǒ. 30 Yé náh wɛ di, Krista tǒ yĩn ye à ku farkɪ. Yépi-á nɛ yé ñmɔ yohnɪ n mɔ yĩ nónónɛ, té yé náh fĕ n pɔ séle n kǒ n pi yé gblǒy, ñmɔ fĕ syi kǔ dlo gbal à sè syi pɔ n kǒ.

* 2:10 2.10 - Yah n te Yesayi 45.23.

3

Kóló pèpeyne Liyel yah soko

¹ N yúnpyé, yé ne me nìvìnì soko yé wró kwrónmɔno yinne Tě ñgběne. Máh tyi nónó yo soko te yé tyí, kè náh me kwlónóle ní tyí kɪ tɔ́ ní syi sè wārku teki mɔ yé tyí. Képah nítě ye kɪ yépi yohnɪ mɔ yéki tě wěkì pèpey yõ. ² Yé yé gblöyne n kyomɪ tontùkù pípúle, kéné pāhlóle, pépi nónó kòkè kònó-á wil fí yó ó kāmnole. ³ Ké gbi tě yõ, ápi wo ye kō kòkè pèpeyne, képah nê-á Liyel yin gbilkínóle n Mirki gbò yõ. Kè me yõ yõnóle á tyí áyáh we kwrɔ mɔ Yesu Kristale té á náh me á gbò sah á gblöy yõ. ⁴ Nnì yó tě-à fyò fě n gbò sah n pi n gblöy yõ, gbi kɪ sò fě we nɔmɔ tyí kal tēne kɪ ní gbò sah ní gblöy yõ, ⁵ nɔmɔ nê-á kō ní dúbínó sèpìn kwártɔ-ò sòle, té mó tɔ́ pi Yisrayel neyne à wil Běnsyame yìkì soko. Yebreke ye nne, ní dúbípúle Yebreni ye péle. Nsyifunɔ tyi kònsàhnó wāl kópú nónó-á pè n ye Farisi wěkì kópúle, pépi soko ney yó ye sò nne.* ⁶ Té à yuku gbáhtěno tyí ñinne kéné wāl kóló soko, mé sò me Yesu yõ sěpú ñnkile n fõh. A tɔ́ yuku kéné wāl kóló tyí ñinne, ney náh sò fě lékähle n kō n pi. ⁷ Nte kéné tyi nónó-á sò me yõre tyile nɔmɔ tyí, núkúnúkú mé me pɔ sè we syíkínó tyile Krista yinne. ⁸⁻⁹ Gbi yõ, Tě ñgbě Yesu Krista wénpĩno-á pi pèpɔri ñgbě nēne nɔmɔ tyí, képah yinne mé me tyi nòpi pólle n yah syíkínó tyile. Mé me ké tyí ne mé pi Krista tyíle, ànê ní wró mó kwrɔ mɔ nne. Képah ye ní kō mé fě syi ní náh vi tyi pól kō, té sé pólle n yah tũ yõ yì tyí kòle. Mé náh tɔ́ me n sò ne tyi kònsàhnó wāl kóló-á pi nne tómm dé. Krista yõ sěno gbò yõ ye mé pi tómm. Liyel ye n pi névile tómm Krista yõ sěno gbò yõ. ¹⁰ Nɔmɔ-á me nê tyí képah ye yò ne, mé Krista pĩ ànê tǎhkì nê-á yilki mɔ n lékóle, ànê ní vyǎh mó we n yèvyǎhrɪ pínó soko, mé mó n pi n tyí kòle n ku dùkù soko. ¹¹ Képah soko, ní sòno kɪ me ké yõ ne ní tɔ́ lékó-á kɪ pɔ n yilki n mɔ n pi.

¹² Kè náh me á kɪ ne nê-á mé n yah n kō mé sò kè we te, ànê ní tyí sò pekɪ syi ké yin tyí dé. Nte mé me yõ soko ní tólóle ne mé gbah n tě mé kè we, képah nê yin-á Krista ní ye pi nɔmɔ ó tyíle. ¹³ Jõ dé ní yúnpyé, kè náh me á kɪ ne nɔmɔ sò kè we te. Nte nê-á mé me n pi, kè we yò: Tyi nónó-á soko te, mē ní dyɔ mɔ n fwo sépi tyíle, n té yah ñin tyíle n yìkɪ. ¹⁴ Mé me n to ké yinne n yìkɪ yõre we yinne Liyel-á ále n ye ne á pɔ nê syi yinyõ, Yesu Krista gbò yõ. ¹⁵ Ápi nónó pól Yesu yõ sěno-á de yin, sě ye á yine à ne n sò. Nte sòno kǎhkí-à kɪ se me yé soko tir yó tyí soko, Liyel kɪ tɔ́ képah dùkùle yé wěkɪ. ¹⁶ Kǎh kɪ sò n pi sò, áyáh me n kɔ wěkì nê yõ à pɔ syi núkúnúkú tyí, á ye yõ soko ne n yuku yahle képah ó yõ.

¹⁷ N yúnpyé, yé nɔmɔle n yah n pi. Áyáh pi dùkù nê wěkɪ, nónó-á me képah wěkìle n kɔ, yé pépile n yah n pi. ¹⁸ Mé ye kè yo soko te yé tyí gbáhyí náhnähle, té tɔ́ me ní syi kéle n yo yé tyí gbní soko núkúnúkú ne, Yesu Krista dahni yõ kúnó-á nēne n pekɪ, névye náhnáh pi dùkù-á me kéle n wěkɪ ne pǎh me kéle n fwo. ¹⁹ Pépi tyí-á kɪ pɔ n yikɪ n pi ké tyé-nsah soko. Pé kèkurn-á pi pé liyelle. Tir nê-á senné pè tě n pi, pè n ne me pé gblöyne n gbilki képah soko. Kèkõyó yì ó tyí-á pépi n ne n sò. ²⁰ Ápi tě wo sú fó me yinyõ soko, nýǎh soko-á á pwáhnɔ-ò nê-á Tě ñgbě Yesu Kristale,

* 3:5 3.5 - Nsyifunɔ pólle, Yisrayel no ye péle. Yisrayel no pólle mó, Yebreni ye péle.

à kɪ n wil n pɔ n pi, áyáh me ñmɔ nêne n deki. ²¹ Api wil gběnsê nê-á sohki kěne, à kɪ pɔ kè vi mɔ pi ñmɔ wil gběnsê tyí kòle, nê-á gbílkínó me n sah ké yõ. N tɛnpnèné gbò yõ ye à kɪ pi képahle, nê-á yíyìn pól kò sè n sah ñ tyí yõ.

4

¹ Képah ye ní yúnpyé pèplo, yé gbah n tɛ sɛntɛne yè yé sɔno sah yí Tɛ ñgbě yõ. N nénónó, yé we dékè me ní kah tɛ. Yépi ye ñmɔ nìvìnì yòle, ànê yépi ye yõ ñmɔ yòle.

Pole-á vìnmonɔ nê kɔ

² Mé kéle n yah n kɔ Yevodi ànê Sɛtisi tyí ne, pè pé wró kwɔ n mɔ Tɛ ñgbě wěkì kóló sɔkɔ. ³ Té áwɔ nê-á tò núkú pí-ò pèpeyne ñmɔle, mé kéle n yah n kɔ á tyí ne á Yevodi ànê Sɛtisi yohni n mɔ pé wró kɔ kè kwɔ n mɔ. Yah, syó yísyó ye péle, nónó-á so mɔ ñmɔ tyí á gbah tɛ Nìvìnì tir yah yúkúnó tyí sɔkɔ. Klema to sò me péle, ànê ní tò núkú pípú télóle, pépi nónó yni-á me wárkínsàhnóle tyé-ńkě min névye yni sébéy sɔkɔ.

⁴ Yé ne n me nìvìnì sɔkɔ yé wró kwɔnmonɔ yinne Tɛ ñgběne gbímegbí. Mé kéle n tɔ n yo yé tyí, yé ne n me nìvìnì sɔkɔ. ⁵ Yé yah, Tɛ ñgbě pónó me yúkey. Yé ye no pól yéle n pne népèplo tyí sɔkɔ. ⁶ Yé káh n ye yé yáh-ńsah tye tir yó ñtɛne. Té tyi tyi pól sɔkɔ, kwáh nê yétò-à yé tɛ, yé kè ni Liyel tyí nírí pínó sɔkɔ, yé mó wɛkɪ ñ tyí ñ pèpɔri pínó yinne. ⁷ Képah sɔkɔ, ñ yèvinì nê-á kán pi névi sɔnole, képah kɪ yáh-ńsah tyénó yah kò dénóle yé nno ànê yé sɔno sɔkɔ, yé wró kwɔnmonɔ gbò yõ Yesu Kristale.

⁸ Nê-á mé kɪ yo yé tyí ké tyé-ńsah sɔkɔ ní yúnpyé, tyi nónó-á me gblɔle, té yíne gbílkínóle, ànê tyi nónó-á me tómtóm té me yályál, ànê tyi nónó tyí-á kɪ fɛ no névi tyí té à kɪ sè fɛ syi, ànê tyi nónó-á me tyípenalle té me n mɔ n kɔ, yé ye sépi ó ne me yé sɔno sɔkɔ. ⁹ Yáh tyi nónó sáh ñmɔ tyí, té nónó we tɔkɔ ñmɔ tyí, ànê yáh tyi nónó noh ñmɔ tyí, té ní we mé me tyi nónóne n pi, yé ne n kɔ sépi wàl yõ. Képah sɔkɔ, Liyel kɪ me yéle ñmɔ nê-á yèvinine n kɔ.

Pole wékínóle Filipi kwil tãn tyí, pé pèpɔri pínó tyí sɔkɔ

¹⁰ Mé nìvìnì ñgbě we Tɛ ñgbě wěkì kóló sɔkɔ, yáh sɔnpíle tɛ we kè we wěkɪ ñtɔ ne ní tyí-á me tah yé tyí. N tyí sò me tah yé tyí, ñte yé náh sò me syò-ńsah we à fɛ kéle ní wěkɪ. ¹¹ Kè náh pi ne ní fyàhnó sɔ ní kɔ mé képahle n yo dé. Máh nê sáh képah ye yò ne, kè sɔ dùkù nê óle, kè n ne n me yínénóle ñmɔ tyí. ¹² Mé ní minne n pi n pne yãm sɔkɔ, té mó tɔ kéle n pi n pne tahrɪ sɔkɔ. Tyi pól sɔkɔ ànê duke duke pól sɔkɔ, ñmɔ n fɛ ní minne ne n pi. Káh se tɛkɪ sɔkɔ ò, káh se kwɛkɪ sɔkɔ ò, mé ní gblóy dar mɔ sépi pólle. Mé ní minne n pi n pne tahrɪ sɔkɔ, té mó tɔ kéle n pi n pne fyàhnó sɔkɔ. ¹³ Mé kɪ fɛ tyi pól pi Yesu Krista gbò yõ, ñmɔ nê-á tãhkìle ñne n kɔ. ¹⁴ Nte képah fyé yõ, yé pi ple gbò dáhbínóle ní tyí ní yèvyàhrɪ gbí sɔkɔ. ¹⁵ Filipi tãn, yépi ñtɛ pínó me ké sɔkɔ ne, Nìvìnì tir yónó tyah gbíne yé ñinne, gbí nê-á sò mé yal Masedoni sɔkɔ, à wil yépi tyí sɔkɔ yépi nónó-á pi soh ñmɔle à kwáhle ní kɔ, té kwáh we syi ní tyí, Yesu yõ sɛpú ñnkì yó ñtɛ náh tɔ kwáhle ní kɔ. ¹⁶ Gbí nê ñtɛ fyé-á sò mé me Tesaloniki kwil sɔkɔ, gbáhyí núkú ó náh yé tɛkɪ mɔ ní tyí yòhnìnmɔnole. ¹⁷ Kè náh me á kɪ ne

mé sɔ̃ me ké tyí ne, yé yĩle ne n yĩ́ nne n kɔ̃ dé, òte mé me ké tyí ne wã̃n mo yé pèpɔ̃ri pínó yõre wénó yõ. ¹⁸ Yáh yĩ́ nónó pól teki mo ní tyí, mé sè we syi, kwâh yó òtẽ náh tɔ̃ me ní teki. Yepafroditi-á fyò pɔ̃ yòhnìnmonɔle ní kɔ̃, nê-á yé à kɔ̃ ne à pɔ̃ ní kɔ̃, mé núkú pɪ kwâh nétẽne. Kéne yòhnìnmonɔ mènne, tyípépěy ye kéle Liyel yah sɔko, wãh nê fẽ syi, té ké tyí nɔ̃ ò tyí. ¹⁹ Nmo Liyel nê-á tahrule ò tyí tyétyéní kě, à kɪ syõ Yesu Krista tyí, kɪ yé yétô yĩ́ pólle yé kɔ̃. ²⁰ Gbílkinó ne n sah ápi Sú Liyel yõ gbímegbí. Amiina! ²¹ Yesu Krista yĩn yõ, yé weyne Yesu yõ sěpú nénúkù núkú pól kɔ̃ ní tyí . N yúnpyé Yesu yõ sěpú nónó-á me nne ásô, pé to n weki yé tyí. ²² Yesu yõ sěpú pól n weki yé tyí, ké dú dɔko nónó-á me tôle n pɪ yòtẽ dí Sesar tyí ásô sɔko. ²³ Tẽ ògbě Yesu Krista yòbènɔrile ne n pɪ yé pól tyí.

Pole sébéy tékínmɔnɔle Kolosi tãn tyí

Pole wékínóle Kolosi tãn tyí

¹ Nmo Pole nê-á pi Yesu Krista tẽntò névile à yĩne Liyel nìvìnìne, nmo ànê á yũnpi Timote ye ² n tekɩ n mo sébéy mène yépi tyí, yépi nónó-á pi Liyel nole Kolosi kwil sɔko, té pi á yũnpyé Krista yò sěpú kègblɔle yé wró kwrónmɔnɔ gbò yò Yesu Kristale. Á kéle n yah n kɔ á Sú Liyel tyí ne, à yòbènɔri pi yé tyí à mó yèvinine yé kɔ.

Pole me weyne Liyelle n kɔ

³ Liyel nê-á á Tě ñgbě Yesu Krista Súle, gbímegbí áyâh ñne n ni, à n ne n wekɩ ñ tyí yé tyí sɔko. ⁴ Yesu Krista yò sěno nê-á me yé sɔko, ànê ñ yò sěpú tyínɔnɔ nê-á me yé sɔko, á sé tyí yónó noh. ⁵ Gbɩ wey nê-á Nìvìnì weyne, ké yínintěno gbenne yé tyí, képah sɔko ye yé noh kéle ne gbò sah-nsah yó-á me yé tyí yĩnyò sɔko, té me yé gbò sah ké yò. ⁶ Kéne Nìvìnì tir mè-á yini tẽ yépi tyí gbí nêne, kãh sò me tòle n pi n tɔ mo kékoyó tãntã pól sɔko sɔ, sě kéle yépi tɔ ònne, à tɔko sò nê-á yé kè pĩ kègbɩ yò sɔko ne Liyel-á yòbènɔri pi yé tyí. ⁷ Api nénóní Yepafratɩ nê-á me tò núkúle n pi ápile, nmo ye kɔ yéle kwónó mène. Krista tɔnpi négbí ye ñne nê-á me tòle n pi yépi tyí. ⁸ Liyel Mirki-á tyínɔnɔ nê dahbɩ yé sɔko, à ké tyí yo á tyí.

⁹ Képah ye, api tɔ-á yé tyí noh sò nêne, à tɔko lésò tyí, á náh me yal mo níri pínóle yé tyí. Á me kéle n yah n kɔ Liyel tyí ne à ñ dyo yĩne yé wěkɩ palle, yípi ànê lékám gbò yò nónó-á n wil ñ Mirki tyí. ¹⁰ Képah sɔko, yé kɩ tẽ we n ko à yĩne Tě ñgbě wěkile, kɩ ñ dyo yĩ tyile n pi gbímegbí. Yé kɩ tyípeplo duke pólle n pi, té kɩ Liyelle n gbah n pĩ n yuku yahle. ¹¹ Á me kéle n yah n kɔ ñ tyí ne à tãhkile yé kɔ tyi tyi pól sɔko, ñ tɔrí tãhkì gbò yò, sɔnko yé fě tyi pólle n sro. ¹² Yé wekɩ Sú Liyel tyí nìvìnìne, nmo nê-á tẽnwenɔle yé kɔ yé vyãh kɔ kè we ñ pèpɔri wénó sɔko, wãh képah nê yah sah ñ tɔrí kyò sɔko kɩ névyé kɔ, nónó-á me ñ tyí yò. ¹³ Á ye á yɔri tẽ syi fěntú tãhkì gbò, té á dah mo ñ nìdè Pídí tɔrí sɔko. ¹⁴ Kéne Pídí gbò yò ye á pwáhnɔnɔ we, té á tyípèl me yò mo á tyí.

Krista ye yiyin pól Tě ñgběne

¹⁵ Liyel nê-á à náh n we yĩne, Krista me nmo tyí kòle. Nmo ye Liyel Pi gbenne. Á me Liyel gbènpɩnɔ pól yò.

¹⁶ Yé náh we di, nmo gbò yò ye yiyin pól mo.

Kè se yĩnyò sɔko ò, kè se sétáh yò sɔko ò,

kè se yí nónó-á n we yĩne ò, kè se nónó náh n we yĩne ò,

kè se mréy tãhkínóle ò, kè se névyé fnèpule ò, kè se yòtãmnóle ò, kè se tɔrí yò névyele ò,

nmo gbò yò ye pé pól mo, ànê pé pól me nmo tyí yò.

¹⁷ Nmo yiyin pól dyah tẽ,

yiyin pól me nmo gbò yò sɔko.

¹⁸ Yesu yò sěpú tĩnkì yòtẽ ye ñmɔle, pépi nónó-á ñ wil gběnsèle.

Nmo ye tyãh-nsahle,

̀̀m̀o lékó ñgbò ye yilki m̀o,
sõnko ñm̀o pı gbenne tyi tyi pól soko.

19 Yé náh we di, kè ye no Liyel tyí à tẽ ñm̀o soko ñ tóó.

20 Té me ké tyí ne pé névye ànê yíyìn pól wró tó sah péwò Liyelle, Krista gbò yõ.

Liyel Pídí mè kúnóle dahnı yõ, képah gbò yõ ye yèvını we Liyel ànê no pól wró

sétáh yõ ànê yĩnyõ soko.

21 Ngbòle, yépi tó wró lésõ me gbékínóle Liyelle. Sépérı lésõ me yé wró ñne yé sõno túkúni ànê yé tyítúkúni pínó yinne. 22 Nte núkúnúkú, ñ Pídí-á wil gbẽnsê soko kũ nê ku, képah gbò yõ ye Liyel yé wró kwrò m̀o ñ gblõyne, ne yé pò yin péwò yah soko yáyal pèkè kẽne, ànê wényo-ńsah kẽne yé tyí.

23 Nte yé yĩne ye Liyel yõ sẽnó tẽ yin gbáhngbáh, yé yin dükù mó ne n me palle. Yé gbò sàhnó-á me nê yõ à tókò yé Nìvìnì tir noh sò dükù tyí, yè káh pò gbe m̀o kéle. Kéne Nìvìnì tir ye yo kèkõyó névye pól tyí, képah nê tó soko-á ñm̀o Polle.

Pole-á Liyel tó pı yèvyãhrıle dükù nêne

24 Máh me yèvyãhrı nêne n pı yépi yinne, núkúnúkú mé me képah nìvìnì soko. Yé náh we di, ñm̀o me ní gblõy kó à Krista yèvyãhrı téy tókò n pı ñ yõ sèpú tĩnkı yinne, pépi nóno-á ñ wil gbẽnsêle. 25 Nm̀o pı tònpule yépi Yesu yõ sèpú tĩnkı tyí à yĩne Liyel-á tó mè dahbı sõ ní gbò yé yinne. A kè dahbı ní gbò ne mé pé wey pól yo, 26 képah nê-á pı Liyel sètın sò tırlé, nê-á à me no pól wõbı sah kéle ñgbò dükùle, té me kéle Yesu yõ sèpú tĩnkı wò wèkı núkúnúkú. 27 Yõre ñgbẽ ànê tórí nê-á me sètın sò tir mè soko, névye tyí nóno náh pı Nsyifunole, képah ye sò Liyel me ké tyí ne pé wèkı. Sètın sò tir mè we yò: «Kristale yé wró soko, yé gbò sàhnó kı me Liyel tórí wénó yõ ñm̀o gbò yõ.» 28 Nm̀o tyí ye á me n yo no pól tyí, té me ké gbáhdıyãhle n di n sah nénúkù núkú pól tyí, té me nénúkù núkú pólle n kwò yípı duke pól soko, sõnko no pól Yesu yõ sẽnó de yin pé wró kwrónm̀onò gbò yõ Kristale. 29 Képah yin ye mé me tôle n pı, me ní tah sah syikey soko Krista tãhkı gbò yõ, nê-á me tôle n pı yĩ ñm̀o soko.

2

1 Mé me ké tyí ne yé pı ne mäh me mékì ñgbẽne n fwo yépi ànê Lawodise tãn yinne, à tahlı nóno nıtẽ tó pól-á pè náh ní we yah yĩne. 2 Mé me ké tyí ne nısãh we pé soko, pè mó pı núkúle tyínonò soko, lékãm mó ne me yĩ pé soko. Képah soko, pè kı Liyel tir wõbınsàhnó pı, nê-á pı Kristale. 3 Yõre nê-á yípı ànê pnèno soko, ké pól me wõbınóle ñm̀o soko. 4 Mé tir mène n yo yé tyí sõnko ñnı yó nıtẽ káh n pò yé pilki vyãhsesyırı soko. 5 Gbı ye, ñm̀o tẽ wò náh me yéle fı núkú soko ó, ñte mé me yéle sõno soko. Nı me vınóle yéle, mäh kè we yé me yé tah sah té me Krista yõ sẽnó koh tẽ yin gbáhngbáh.

Min pínóle Krista gbò yõ

6 Yáh fyò kè fı syi ne yé Tẽ ñgbẽ-á Yesu Kristale, yé yé minne n pı yé wró kwrónm̀onò soko ñm̀ole. 7 Yesu yõ sẽnó nê-á me yé soko, yé ye ké yãhnı

ne n me dínyĩnɔle ò sɔkɔ, yé mó yé min pólle n pɪ òmɔ tyí yõ. Yé ne me sũnyĩnɔle Yesu yõ sɛnó sɔkɔ sɔ-á pè yé kwɔ kéle, yé mó pɪ Liyel pèpɔrɪ pípú ògbnɔle. ⁸ Yé yé gblɔyne n kyɔmɪ sɔnko ònɪ yó òtɛ káh n pɔ tyídí ànê kèkõyó tyi tokɔ à yé pilki tɛ mìnì tyile, ò névi yõtàhsyi lékãmne. Sè náh me wɛkì núkú yõ Krista tyile. ⁹ Yé náh we di, Liyel me tɛnóle Krista sɔkɔ ò tɔó. ¹⁰ Yíyìn pól me yépi tyí òmɔ gbò yõ. Òmɔ ye yõtɔrí ànê tɛnwɛnɔnɔ pól yõtɛne. ¹¹ Yé wró kwrónmɔnɔ gbò yõ òmɔle, yé kòkè kò. Kéne kòkèle, névi gbò pínó náh kéle, Krista pínó ye kéle sɔnko kè á wilki á tyípékè sɔkɔ. ¹² Yé náh we di, yáh wènwìlkinó we ni sɔkɔ, kè me á kɪ ne yé lékyî sɔ yí òne wɛ tyí, tɛ me yilki mɔ òne wɛ tyí, yáh sɔnpíle sɛ Liyel tãhkì yõ, nê-á yilki mɔ Krista lékóle. ¹³ Ngbòle, yé lésò me lékyî sɔ yé tyípèl ànê kò-òkè yĩnne. Nte núkúnúkú, Liyel ye minne yé kò ànê Kristale wɛ tyí. A á tyípèl pól yõ mɔ á kò. ¹⁴ Ayáh Moyisi tyi kònsàhnó dèl pɪ tɛ lékàh nê kɪ sò pɔ á kò n pɪ, Liyel ye képah niri to á tyí, tɛ ké tyí yɪkɪ Krista syínó gbò yõ dahni yõ. ¹⁵ Yõtãm ànê tɛnwɛpu nónó-á me yĩnyõ, Liyel ye pé tãhkì tyí yɪkɪ kwèyy. À pè pɪ yèdìmòle no pól tyí à n yɔrɪ n kò wòkònpèkè sɔkɔ névyè tyí kòle Krista kúnó gbò yõ dahni yõ. ¹⁶ Káh pɪ sɛ, yé káh n ye ònɪ yó òtɛ yé tuke yòke képah náh pɪ wɔ wɔ kwáh yĩnne. Yé káh n ye tɛ yé tuke syáh yó, képah náh pɪ òwɔ sãn yó wìlnó, képah náh pɪ mɪ mɪ yòh tyí sɔkɔ. ¹⁷ Sépi pólle, yípéplɔ nónó-á me n pɪ, sépi kètò ye. Nte ké kègbɪ tɛne, Krista ye. ¹⁸ Névyè nónó-á n pɪ á kɪ ne pè sɔ me pé gblɔyne n tiki n mɔ yĩnyõ tɔnpɪbɪ yah, tɛ me gbìlkinóle n sah pé yõ, tɛ me pé tah sah pé dléy tyile n mɔ n kò, yé káh ye pé sɔkɔ yó òtɛ yé yah kò yah yúkúnóle. Pé gblɔy ye pè n gbilki pé fɔkɔ tãh tyi sɔnɔle. ¹⁹ Krista nê-á yòle, pè yahle òmɔ sò tɛnóle. Tɛ òmɔ gbò yõ ye gbèl tél-òtàn ànê yãhlɔ wil gbɛnsé tantàn pól tel sah wɛ tyí, wil gbɛnsé kò kè fɛ n kyãh à yĩne Liyel-á me ké tyí sɔ.

²⁰ Yé ku Kristale wɛ tyí, tɛ pwah mɔ wilki kèkõyó sètàn tyi tãhkì gbò. Nte kwáh nê pɪ tɛ yé tɔ yé minne n pɪ á kɪ ne yé sɔ me kéne tyi gbò sò sɔkɔ, à fɛ syi pè kò pè yéle n kyí n mɔ n mɔ sɛnko tyi sɔkɔ òtɔ wé? Pè n ne: ²¹ «Káh kwáh mè tokɔ, káh kwáh mè yõ, káh n tũ kwáh mè tyí.» ²² Kéne yí pólle, á kɪ fɛ á gblɔy tyí pekɪ séle ke núkú óle, tɛ sè kɪ pɪ yõ kɛ yíle. Névyè yah yí tyi kònsàhnó ye séle à tahlɪ pãh kwónó nónóne n kò. ²³ Gbɪ ye gbìlkinó sàhnóle yĩnyõ tɔnpɪbɪ yõ ànê gblɔy tíkinmɔnɔle sé yah sɔkɔ, ànê wil gbɛnsé fòhnóle. Sè me á kɪ ne yípí tyi sɔ séle. Nte yõre náh me sé sɔkɔ yó òtɛ tyí. Névi dyɔ yí tyi ó ye séle.

3

Min pínó kèsãnne Liyel wɛkì kóló sɔkɔ

¹ Yépi to lékyî-á fyò yilki mɔ ànê Kristale wɛ tyí, yé Liyel fò yíle n yah n kò, òyãh sɔkɔ-á Kristale tɛnóle Liyel gbòyò sòle. ² Yé ne n sò Liyel fò yí tyí sɔkɔ, yé káh ne n sò sètáh yõ yí tyí sɔkɔ. ³ Yé náh we di, yé ku tɛ yé min me wòbìnsàhnóle Krista sɔkɔ Liyel tyí. ⁴ Nte Krista nê-á yépi minne, òmɔ-à sò nêne wil mɔ, yépi to kɪ wil mɔ òne wɛ tyí ò tɔrí sɔkɔ.

Pɪ dùkù kedyãh ànê pɪ dùkù kèsãnne

⁵ Tyi nónó-á pɪ kèkõyó mè tyile, yé sépi yal n mɔ, sépi nónó-á pɪ: Pròprò pínóle, pòpò pínóle, dékè tyi pínóle, dékè tókúnìne, à tahlɪ yísesúkú pínó

tyí, kápah nê-á sâh fálnó dukù yóle. ⁶ Kéne tyi dukù ye n yorí n mo Liyel fòkònyàhnìne ò yóre yáhnlepu yò. ⁷ Ngbòle sò, yé min-á lésò me tyípekè yòrí sòkò, sèntè ye yé me n pi. ⁸ Nte nukúnúké, tyi nóno-á yé yíne ye milki, sè we yò: Fòkònyàhnìne, ànê mál pínóle, ànê népekè pínóle. Gbyo ànê wènpèkè yó nítè káh ne n wil yé vyëy sòkò. ⁹ Yé káh mìnìne n yo wè tyí. Yé nâh we di, yé yé nâh vi yé min pi dukù kedyâh kò te, à ké tyípinì pól milki, ¹⁰ té me pi dukù késánnè n pi, kápah nê-á Liyel me n vi n mo gbímegbí, sònkò ye pi òmo tyí kòle, yé mó òne n pĩ yuku yahle òmo nê-á mo yéle. ¹¹ Kápah sòkò, wâhkì nâh tó n we n pi yíkìni téló ànê Nsyifuno wró sòkò, kènkòbe ànê kò-ònkèpú wró. Kè nâh tó me á kú ne yàhnkò wò-á yí pĩ, té òyo me nâh yí pĩ. Kè nâh tó me á kú ne òyole yò-á té òyo me gblòy yò névile. Nê-á me n mo n kò, Krista ye. Nmo ye yíyìnì pólle té me no pól min sòkò.

¹² Liyel-á fyò yépi yah wilki pi ò nole, à yé pi yályál ò yah sòkò, té yé tyí me no ò tyí. Kápah ye, yé pi névye yám yáhpú, ànê pèpòri pípúle, ànê gblòy tìkìnmòpule, ànê népir névyele, ànê nóno-á tyile n sro. ¹³ Yé wè sómnóle n pi. Nnì yó-à sò pi de ò ní-ò tyí, yé yò mo wè kò. Tè ngbè-á yò mo yé kò sò, yépi to ne n yò n mo wène n kò sè. ¹⁴ Nte nê-á kal sépi pólle, yé tyí no wè tyí. Tyínòno gbò yò ye yé wró kú me kwrónmònole palle. ¹⁵ Krista yèvinì nê me yé sòkò. Liyel ye yé ye kéne yèvinì we yinne, sònkò ye pi wil gbènsè nukúle. Yé pi pèpòri pípúle. ¹⁶ Yé ye Krista wey tò pi yíi yé sòkò. Yé wène n kwò, yé mó wène n vi n mo yípi sòkò. Yé pi pèpòri pípúle Liyel tyí yé nno pólle, yé mó òne n gbal, yé ò yin gbilki gbilki yile n gbi, à tahlì Liyel Mirki-á yé nóno dahbi yé sòkò. ¹⁷ Yâh tyi nóno n yo té tyi nóno n pi, yé séle n pi Tè ngbè Yesu yin yò, yé weyne Sú Liyelle n kò òmo gbò yò.

Yesu yò sèpú wè tè dukùle kòhkí sòkò

¹⁸ Syó, yé ne n sah yé pèbi tyí yò kâh yíne sò Tè ngbè wèkì kóló sòkò. ¹⁹ Pèbi, yé ye yé syó tyí no yé tyí, yé káh peke tè pé yò. ²⁰ Wènpì, yé ne n sah yé dúbípú tyí yò tyi tyi pól sòkò. Kápah ye Tè ngbè n yah n kò yé tyí. ²¹ Dúbípú, yé káh fòkònyàhnìne n mo yé wènpì sòkò kè kò kè pò pi wilkùnìne pé tyí.

²² Yòbi, tyi tyi pól sòkò, yé ne n sah yé yòtâm tyí yò nóno-á me sétâh mè yò. Yé káh tòle n pi pé tyí pàh yéle n kyòmì gbí nê óle, á kú ne névye dyo yíi tè sò yé n yah n kò pí-nsahle dé. Nte yé yé gblòy tiki mo kéle n pi fòkò pèpèrle yâh sònpule me Tè ngbè yah tìkìle n pi. ²³ Yâh sò tò nê dukùle n pi, yé kéle n pi yé nno pólle Tè ngbè tyí sò yé n pi kéle, kè káh ne n me ne névi tyí sò yé n pi. ²⁴ Yé pĩ ne níkè Tè ngbè-á kú pò yépi to dyah n pi yípeplòle, wâh sépi nóno yah sah ò no yinne. Yé nâh we di, òmo Krista ye yòtè kègbìle nê tyí-á yé n pi tòle. ²⁵ Nte névi nê-à ò gblòy pi nétúkùle, ò nétúkùnì tyi lédyâhnì ye à kú we. Yé nâh we di, Liyel nâh wâhkìle n pi.

4

¹ Yòtâm, yé yé yòbìle n tè n ple gbi wèkì yò sòkò, yé mó yé dyo sah ne n kwne ne yòtè yó-á me yépi to tyí yínyò sòkò.

Pole-á vinnòno nóno kò

² Yé gbah n tẽ níri pínó sòkò. Yé nírilé n pɪ yè pépɔri pínó weyne Liyelle n kɔ̃. ³ Yé Liyelle n ni ápi tɔ tyí sɔ̃nko à wěkì ykì mɔ á kɔ̃ à fě n weyne n yo, ànê mè fě sètìn sò tir tyíle n yo nê-á Liyel wɔ̃bɪ sah Krista sòkò. Képah nê yĩn-á nne wòkònpèkè sòkò. ⁴ Yé Liyelle n ni ní tyí sɔ̃nko à ní yah tẽ ní kɔ̃ mè fě sètìn sò tir mènne n yo n wah, máh yĩne mè kè yo sɔ̃.

⁵ Yé yé minne n pɪ lékámne Yesu yò sě-ńkěpú wró. Syɔ̃-nsah-à fyò we yé tyí pépɔri pɪ pɪ tēne pé tyí, yé kè pɪ pé tyí. ⁶ Yé ye yé welo nóhnó nɔ névye tyí, ànê yòre mó ne n me sé tyí. Névi nê-á píkinyahnɔ pɪ, yé ké yah tɔ n sah n yo tẽ tyí.

Wey kɔ̃nóle

⁷ A yúnpɪ Tisyiki nê-á ní nénóníne ànê ní kó-òle té me tòle n pɪ palle Tě ñgbě tyí, ñmɔ kɪ pɔ ní tyí kèdùkù pól yo yé tyí. ⁸ Nmɔ ye we te n tekɪ n mɔ ñne yé tyí ne à kyɪ á tyí kèdùkù yo yé syah à mó yé nɪ sũ. ⁹ Wonesimi tɔ me ñne, ñmɔ nê-á á yúnpile nê-á me tómm, té pɪ á nénóníne. Yépi sòkò yó ye ñne. Tyi nóno pól-á me n pɪ ásò, pè kɪ pɔ sè yãh yé syah.

¹⁰ Arisitarkɪ nê-á me wòkònpèkè sòkò ànê ñmɔle, à n wekɪ yé tyí. Markɪ tɔ n wekɪ yé tyí ñmɔ nê-á Barnabasɪ tyí névile. Markɪ tyí kèdùkù yo sòkò yé tyí ne wàh kɪ pɔ yé tinnne, yé à tẽ ple. ¹¹ Yesu nê-á pè n ye Nsyusitusile, à n wekɪ yé tyí tole. Nsyufunɔ Yesu yò sěpú sòkò, pépi ó ye me tòle n pɪ ànê ñmɔle à Liyel tɔrí tyíle n yo. Pè ní nɪ de yíí kègbile. ¹² Yepafrasɪ nê-á yépi sòkò yóle, à n wekɪ yé tyí. Yesu tònpi ye ñne, nê-á me nírilé n pɪ yé tyí gbímegbí sɔ̃nko yè ne n me súnnyĩnɔle Liyel yò sěno sòkò, Liyel dyɔ yí tyi pól pɪ pɪ tēne. ¹³ A yèvyãhrɪ kah pɪ yépi ànê Lawodise tãn, ànê Yerapolisi tãn yĩnne. Nmɔ ñtẽ kɪ fě pɪ képah tàrfyòle. ¹⁴ Dòktôr dí Likyɪ nê-á ápi kódíne, à n wekɪ yé tyí ànê Damasile.

¹⁵ A yúnpyé nóno-á me Lawodise, yé wekɪ pé tyí à tahlɪ Nefa tyí ànê Yesu yò sěpú tĩnkì nê-á n tuke n mɔ n pɔ ñ gbô. ¹⁶ Yáh kɪ sébéy mè we kar, yé gbah n tẽ Lawodise Yesu yò sěpú tĩnkì tɔ kɔ̃ pè kè we n kar. Nê tɔ-à kɪ se mó me tekɪ mɔ pépi tyí, pàh kɪ kéle yé kɔ̃, yé kè kar.

¹⁷ Yè mó n yo Arsyipi tyí ne, Tě ñgbě-á tò nê dahbɪ ñ gbò, à gbah n tẽ kè pɪ palle.

¹⁸ Nmɔ Pole ye n wekɪ yé tyí, té kéle n wãrkɪ ní gbòle. Yé káh n ye yé dyɔ fwɔ ne máh me wòkònpèkè sòkò. Mé kéle n yah n kɔ̃ Liyel tyí ne, à yòbènɔri pɪ yé pól tyí.

Pole sébéy tékínmɔnɔle Tesaloniki tãn tyí Tyàh-nsah weyne

Pole wékínóle Tesaloniki tãn tyí

¹ Nmɔ Pole, ànê Silasi, ànê Timote ye n wãrki n tekɩ n mɔ sébéy mène yépi Tesaloniki kwil Yesu yõ sěpú tĩkɩ tyí, yépi nónó-á me Sú Liyel ànê Tě ñgbě Yesu Krista tyí yõ. Mé kéle n yah n kɔ ne Liyel yòbènɔrɩ pɩ yé tyí, à mó yèvinune yé kɔ.

Pole wékínóle Liyel tyí Tesaloniki tãn Liyel wey fěnsyinɔle tyí sɔko

² Á me n weki Liyel tyí yé pól tyí sɔko gbímegbí, té me ñne n ye n gbo yé tyí. ³ Yáh me gbah tẽ Liyel yõ sěno tyípinì sɔko, té me tòle n pɩ tyínɔnɔ sɔko, à yé gbò sah yĩ Tě ñgbě Yesu Krista yõ sɔ, Sú Liyel ye ápi tàrfyòle ne, gbímegbí á dyo-á me n kwne séle. ⁴ Á yúnpyé, yépi nónó tyí-á nɔ Liyel tyí, á pĩ ne wãh yé yah wilki pɩ ñ tyíle. ⁵ Yé nãh we di, áyáh Nìvìnì tir nê yo yé tĩnne, kè nãh sò pɩ vyãh wey gbɔy óle dé. Á sò me kéle n yo tẽnwenɔ sɔko Liyel Mirki tãhkɩ gbò yõ, té á sěnyĩnɔ me ké yõ ne gbɩ-á kéle. Áyáh á gblɔy tẽ òkù nêne yé wró sɔko yé tyí pɛki yĩnne, ké sendi nãh yéle dò. ⁶ Ápi ànê Tě ñgbě pɩ òkù ye yé me n yah n pɩ. Yèvyãhrɩ náhnãh fyé sɔko, yé Liyel wey fě syi nìvìnì sɔko, ñ Mirki-á nìvìnì nê mɔ yé sɔko. ⁷ Kãh pɩ sě, yépi ye Masedonɩ mara ànê Akayi mara Yesu yõ sěpú pól kɩ n yah n pɩ. ⁸ Yé nãh we di, à tɔko yépi tĩnne, Tě ñgbě wey me tɔ mɔ Masedonɩ mara ànê Akayi mara pól sɔko. Té kè nãh yĩn kèpah ó tyí dé, yé Liyel yõ sěno tyí tɔ me n yãh ywɔ ywɔ pól sɔko, fók kè nãh tɔ me ápi tɔ kèpah tyíle n yo n̄tẽne. ⁹ Áyáh kyɩ yé tĩnne té yé á tɔ sah tẽ palle òkù nêne, névye pól me kèpahle n yãh; ànê yáh yé nãh vi fal fal tãn kɔ té yé yah mɔ Liyel tĩnne à tòle n pɩ ñ tyí òkù nêne, ñmɔ nê-á gbɩ Liyelle té me min sɔko, névye pól me kèpah tɔle n yãh. ¹⁰ Yé me ñ Pídí Yesu syɩki tẽ ñmɔ nê-á kɩ wil yĩnyõ kɩ n pɔ n pi. Nmɔ nê-á Liyel ñ lékó yilki mɔ, ñmɔ ye kɩ ápi yõ wilki n pi Liyel tukey sɔko nê-á me n pi.

2

Pole tò pínóle Tesaloniki kwil sɔko

¹ Á yúnpyé, yépi n̄tẽ kè pĩ yĩ ne á pónó nãh pɩ nònóle yé tĩnne. ² Yé kè pĩ tɔle ne áyáh yèvyãhrɩ we sɔko Filipi kwil sɔko, n̄yãh sɔko-á pè fóhnó sah á yõ té Liyel me n̄sãh mɔ á sɔko á kɔ á me fě pɔ ñ Nìvìnì tɩrle n yo yépi tɔ tyí, gbí nê-á névye sò me ále n fwo. ³ Tyi nónó-á á n yo névye tyí, á nãh me pílkinó sɔko, yĩnvì welo nãh séle, v̄ntẽno tɔ nãh à n vi n tẽ péle. ⁴ Liyel ye kè we ne ápi-á kɩ fě Nìvìnì tir yo, té me ké tyí dahbɩ ápi gbò á kɔ á kéle n yo ké yah yõ. Névye dyo yĩ tẽ nãh ápi n yah n kɔ pí-nsahle dé, Liyel dyo yĩ tẽ ye ñmɔ nê-á ápi sònɔle n pne.

⁵ Yépi n̄tẽ p̄nó me ké sɔko ne welo nónó-á á yo yé tyí, yé vi n tẽ tẽ welo nãh séle. Liyel ye á tàrfyòle ne á nãh me n yah n kɔ yé yó-nsahle. ⁶ Ápi nãh me n yah n kɔ ne ñn̄t̄ yó n̄tẽ ále n gbilki. Kãh sɔ yépile ò, kãh sɔ no

télolè ò, á náh me n yah n kō ne ònî yó ntě ále n gbilki. ⁷ Té ápi kɪ mó tō sō fě á tǒrí sah yé yō áyáh sǒnpíle pɪ Yesu Krista tǐntǒ névyelè. Nte á yé tǐ mǎrmǎr pídúbisè-á ò pyelè n tǒ n sah n tǐ sǒ. ⁸ Yé tyí sǒ nǒ yǐí ápi tyí, képah ye á me Nìvìnì tir yo yé tyí nê-á n wil Liyel tyí. Té kè náh yǐn képah ó tyí dé, á á min ntě mǒ kǔ kō yépi yǐnne yé tyí táhnó tǐ yǐnne á tyí. ⁹ A yúnpyé, áyáh yèvyǎhrɪ ànê kwlónó nónó pɪ, yé dyo me n kwne séle kyó. Áyáh lésǒ me yé tǐnne à Nìvìnì tirlè n yo n kō yé tyí, á lésǒ me tǒ tǒle n pɪ lékâh ké gbǐntǒ à yǐn á gblǒy yǐnnólè, sǒnko à káh n pɪ n tǐ yótókóbúle yé sǒko yó ntě tyí. ¹⁰ Yépi ntě ye ápi tàrfyðlè ne, áyáh tyí nónó pól pɪ yépi Yesu yō sǐpú tyí, sé pól-á me ple, té me gbi wěkì yō wényo-ńsah kǐne; Liyel to ye á tàrfyðlè. ¹¹ Yé pǐ tǒle ne áyáh yé tǐ ple, sǒ-á súbí pé wǐnpíle n tǐ ple. ¹² A vǐnmǒnǒle yé kō, té sǒré mǒ yé sǒko, té kè gbah yo yé tyí ne yé ye yé kǒ dùkù ne n me Liyel dyo yǐí, òmǒ nê-á ye yéle ò tǒrí sǒko de yǐnne kɪ ké nǒlɪ wè yō.

¹³ Yáh Liyel wey nê noh ápi tyí, yé náh kè pɪ névi vyǎh weyne. Yé kè pɪ Liyel weyne. Té sǐ ntě ye kéle kyó. Kǎh pɪ sǐ, kè me tǒle n pɪ yé sǒko, yépi nónó-á Yesu yō sǐpúle. Képah ye, á n wɛkɪ Liyel tyí gbǐmegbí ntǒ. ¹⁴ N yúnpyé, Yesu yō sǐpú tǐnkínó nónó-á me Liyel tyí yō Nsyude mara sǒko, tir nê-á nǒ péle, sǐnkǒ ye nǒ yépi tǒle. Yé náh wè di, yé sú fǒ névyè-á yé kwlǒ sǒ, sǐ ye Nsyifunǒ kwlǒ pépi tǒle. ¹⁵ Nsyifunǒ ye kǒ mǒ Tǐ ògbě Yesu ànê Liyel tǐntǒ syínyopule*. Pè fǒhnó sah ápi to yō. Pé tyí náh nǒ Liyel tyí. Nǒ pól sǐpébi ye péle. ¹⁶ Pè me ké tyí ne pé ápi yah kō á káh Nìvìnì tir yo yǐkǐnǐ téló névyè tyí pé to kō pè wè n pwah. Kǎh pɪ sǐ, dòhnínó ó ye pè me n pɪ n yukú pé tyípèl yō. Nte ké syǐ-ńsah, Liyel fǒhnó sah pé yō.

Kyɪ n yah dékè me Pole tǐ Tesaloniki tân tyí

¹⁷ N yúnpyé, á yal yé tnô wró kwéy mè sǒko, á yǐ tǐ wǒ náh me tǐnólè yé yō ó, òte á me yé tyíle n sǒ gbǐmegbí. Yé wè dékè me á kah tǐ, képah ye á me gbah tǐ ne á yé wè. ¹⁸ A lésǒ me ké tyí ne á á syɪ n pǒ yé tǐnne, té gbáhyí náhnáh ntě ye òmǒ Pole yah kō kéle té sétǎn yǒtǐ á yah kō. ¹⁹ Ápi Tǐ ògbě Yesu syɪ n pǒ sǒle, nónó gbǒ yō me á yáh-ńsah náh n tyè n pɪ, ànê á nɪ kɪ vɪ, ànê á yō kɪ yǒ? Yépi ye. ²⁰ Kègbɪ yō, yépi yǐn ye gbǐlkinó kɪ sah ápi yō, té nìvìnì kɪ me á sǒko.

3

¹ Képah sǒko, áyáh pópó pǒ tǐ kwlǒ yé wé-ńkǐne, á kè yah tǒkǒ ne ápi-á kɪ wǔ á gblǒy Atenɪ kwil sǒko, ² té me á yǐnpi Timote tǐkɪ mǒ yé kō, òmǒ nê-á me Liyel tǒle n pɪ ápile wǐ tyí Nìvìnì tir yónkǒnǒ sǒko Krista tyí sǒko. A ne à pǒ yé yohnɪ mǒ yé tǎhkì wè Liyel yō sǐnó sǒko, à mó sǒré mǒ yé sǒko, ³ sǒnko kwey gbǐ yèvyǎhrɪ káh pǒ yé kō kwǒ. Yé pǐnó se me ké sǒko ne yèvyǎhrɪ mǐne n sǒko té á sah n pɪ té. ⁴ Yé náh wè di, áyáh lésǒ me yé tǐnne gbǐ nǐne, á lésǒ kè yo sah yé tyí ne áyáh kɪ pǒ yèvyǎhrɪ pɪ n pɪ. Képah ye pɪ yò, ké sèndì náh yéle dò. ⁵ Képah ye, mǎh pǒ tǐ sǒmnó pɪ kwlǒ, mé Timote tǐkɪ mǒ ne à kyɪ yé Liyel yō sǐnó dùkù yah n pǒ n yo ní syah.

* **2:15** 2.15 Liyel tǐntǒ syínyopu kònmǒnǒ nê tyí-á n yo ásǒ, pé pól náh pè kǒ mǒ. Pé tǔkù ye pè kǒ mǒ.

Tíkí sò me ní tẽ ne sétàn yòtẽ tǝnmɔnɔ káh ne me tẽ n we yé tyí, ápi kwlónó kǝ kè pɪ yǝ kẽne.

⁶ Nte núkúnúkú, Timote ye wil yé ònne à pɔ. A me pɔ yé yǝngbúle n yo ne Liyel yǝ sǝnó-á me yé sɔkɔ, ànê tyínɔnɔle. Nkẽ yáh me n sǝ ápi tyí sɔkɔ gbímegbí. A we dékè-á me yé tẽ, sǝ-á yépi tɔ we dékè me ápi tẽ. ⁷ Káh pɪ sǝ á yǝnpyé, áyáh sò me yèkwɔrɪ ànê yèvyâhrɪ nónó pól sɔkɔ, yé Liyel yǝ sǝnó tyí nóhnó pɪ ni dénó ñgbẽne á tyí. ⁸ Nte yáh fyò me sǝnyínɔle Tẽ ñgbẽ yǝ, á mìnì ye pyè tiki de á fɔkɔ sɔkɔ núkúnúkú yò. ⁹ Wey dùkù nê tẽ me ápi kɪ fẽ Liyel kǝ n pi yé tyí sɔkɔ yò, wáh nìvìnì ñgbẽ nêne á kǝ yépi yǝnne? ¹⁰ Ké lékâh ké gbǝntǝ, á me kéle n gbah n ni Liyel tyí ne à wèkì yɪkɪ mɔ á kǝ á fẽ pɔ yah yé tyí. Té fí nê-à kɪ me yé tekɪ Liyel yǝ sǝnó sɔkɔ, á mó yé yohɪ n mɔ ké tyí sɔkɔ.

¹¹ A kéle n yah n kǝ á Sú Liyel nítẽ tyí ànê á Tẽ ñgbẽ Yesu Krista tyí ne, pè wèkì yɪkɪ mɔ á kǝ á pɔ yé ònne. ¹² Wẽ tyínɔnɔ ànê no pól tyínɔnɔ nê-á me yé sɔkɔ, á kéle n yah n kǝ Tẽ ñgbẽ tyí ne, à wǎnne n mɔ ké yǝ á kɪ ne yé tyí-á nɔ sǝ ápi tyí. ¹³ A mó nìsâhle yé kǝ yǝ Liyel yǝ sǝnó sɔkɔ, yé kǝ yé pɪ wényo-ńsah kẽne yé tyí. Yè mó ne n me yályál á Sú Liyel yah sɔkɔ á Tẽ ñgbẽ Yesu Krista-à sǝ nêne n sɪ pɔ n yǝ n yǝn yǝ tǝnɪbɪ pólle.

4

Min pɪ dùkù nê tyí-á nɔ Liyel tyí

¹ A yǝnpyé, yáh yǝne yè ne n kɔ dùkù nêne kè mó nɔ Liyel tyí, á kéle yé wèkì te. Sǝntẽ nítẽ ye yé me kɔ ó, nte á tǝ kéle n yah n kǝ yé tyí Tẽ ñgbẽ Yesu yǝn yǝ ne, yé gbah n tẽ wǎn mɔ ké yǝ. ² Áyáh vǝnmɔnɔ nónóne yé kǝ à wil Tẽ ñgbẽ Yesu tyí, yé séle n pne. ³ Liyel-á me nê tyí, kè we yò: A me ké tyí ne yé ne n me yályál péwɔ yah, yé káh pròpròle n pɪ, ⁴ yé nénúkù núkù pól mó yé gblǝyne n tẽ fòfíkì pínóle. ⁵ Yé káh ye lédórí tẽ n we yé tyí sǝ-á kè Liyel pǝ-ńkǝpúle n fne. ⁶ Nnì yó nítẽ káh n pɪ n de n ní-ò tyí à yuku képah tẽ tyí ònne. Liyel náh n ye képah tẽ wɔ dénóle dé. A lésò kè yo yé tyí, té ké gbáhdyâh tɔ di sah te yé tyí dò. ⁷ Liyel náh á ye pǝpǝ pɪ yǝnne dé, à á ye ne á ne me yályál péwɔ yah. ⁸ Káh pɪ sǝ, névi nê-à vǝnmɔnɔ nǝpɪ yahle, névi náh tẽ yahle dé, Liyel ye tẽ yahle, ñmɔ nê-á n Mirki dah mɔ yé sɔkɔ.

⁹ Liyel tyí ye yé we kwónóle à yuku wẽ tyínɔnɔ tyí ònne. Képah ye, yǝ náh me ké tyí mè n tǝ tir yó wǎrkɪ n tekɪ n mɔ yé tyí képah tyí sɔkɔ. ¹⁰ Masedonɪ mara Yesu yǝ sǝpú pól tyí me nɔ yé tyí. Képah kéle n wèkì ne yáh me tyínɔnɔ mè wèkìle n kɔ. Nte á yǝnpyé, á tǝ kéle n yah n kǝ yé tyí ne, yé tǝ wǎn mɔ ké yǝ. ¹¹ Yé yèvinɪ yáhnkǝnɔ pɪ yé tǝle. Yé káh yé pɪ pɪ tyi sah yè mó ne n yɔkɔ n de névyè tyi sɔkɔ. Yé yé gblǝy kǝ tǝ sɔkɔ áyáh kè yo sah sǝ yé tyí. ¹² Képah sɔkɔ, yé kɔ dùkù kɪ kèkǝyó névyè kǝ pè kɪ yǝyenne n sah yé yǝ, ànê yé náh n pɪ n tẽ n pi yótókóbìle ñnì yó nítẽ tyí.

Lékyì ànê vye tyí-á ne pɔ n pɪ n pi sǝ Tẽ ñgbẽ Yesu syínɔnɔ sɔkɔ

¹³ A yǝnpyé, yé no nónó-á pè náh tǝ me min sɔkɔ, pé tyí-á ne pɔ n pɪ n pi sǝ, ápi náh me ké tyí ne yé tẽ ké yǝtǝrɪ sɔkɔ kè pɔ n pɪ yèkwɔrɪle yé tyí névyè tyí kǝle, nónó yáh-ńsah-á me tyénóle. ¹⁴ Áyáh fyò sǝ ké yǝ ne Yesu-á ku té n lékó me yilki mɔ, á sǝnó me ké yǝ tǝle ne nónó-á sǝ n yǝ te pɔ yah

kwlo, Liyel-á kɪ pépi to lékyî yilki mo pé kɔ pé kɪ me wê tyí Yesule. ¹⁵ Á kɪ tir yó yo yé syah, à yĩne Tê ñgbê wey yóle. Á ne ñkê pé syi n po sôle, ápi nónó-à kɪ me min soko, névyne nónó lékyî-á yilki mo, á náh pépi dyah tẽ n pi. ¹⁶ Yé náh we di, Tê ñgbê-à kɪ fyò po wêkì kɔ, yĩnyò tònpi yòtẽ kɪ gbo mo yĩnpò ñgbêne, té Liyel kèpò kɪ fĩbi. Képah soko, Tê ñgbê kɪ wil yĩnyò kɪ tiki po. Képah tẽne, nónó-á sò sê Yesu yò té po yah kwlo, pépi ñgbò lékyî kɪ yilki mo. ¹⁷ Képah náh, ápi nónó-à kɪ me min soko légbĩne, á to kɪ kwro mo yò doko péle wê tyí nyirn soko kɪ kyi Tê ñgbê Yesu yohni yĩnyò, té kɪ tẽ ñne kúmm yò. ¹⁸ Káh pi sê, yé wê nnole n de welo nópile.

5

Tê ñgbê syĩnponole

¹ Á yũnpyé, tyi nòpi-á kɪ po n pi n pi gbí nêne, yò náh me ké tyí mè n tɔ tir yó wãrki n tekɪ n mo yé tyí sépi tyí soko. ² Yépi ntẽ pínó me ké soko ne Tê ñgbê syi n po sò-á kɪ névyne kwokɪ n tẽ n pi yẽnwó pónó tyí kòle lékâhne. ³ Gbí nê-á névyne kɪ me n yo ne, yèvinu-á me, dlo náh tɔ me, légbí ye tyí yíkínó kɪ núkú pé kwokɪ tẽ sê kúrkì tẽno tyí kòle, té pé náh tẽ we n wil n pi ké soko pólle. ⁴ Nte yépi wole á yũnpyé, yépi to se yó me fẽntú soko kene gbìyìkì kò kè kɪ po yé kwokɪ n tẽ n pi yẽnwó tyí kòle? ⁵ Yé náh we di, yépi pólle, yé foko me dálnóle. Yé me tyile n pi kyòo soko. Ápi tyípinì náh me fẽntú soko. ⁶ Képah ye, á yé káh ne n do no téló tyí kòle. Á ye ne me n yah, à mó á gblõyne n kyomɪ sètènì pínóle. ⁷ Yé náh we di, lékâh yé doy dópú n ne n do, ànê lékâh ye sèwobɪ to sètènìne n pi. ⁸ Nte ápi nónó-á pi tyah kyòo soko névyele, á ye káh sètènìne n pi. Á ye ye Liyel yò sẽnó ànê tyínɔɔ ne n me á soko á kɪ ne vyori fwòmɔɔ sò á mo. Á gbò sàhnó mó ne me pwáhnɔɔ yò á kɪ ne vyori gbétú sò á kwĩnki. ⁹ Yé náh we di, Liyel náh ápi mo ne pé po á fõh dé. Nte à me ké tyí ne á pwáhnɔɔ we á Tê ñgbê Yesu Krista gbò yò. ¹⁰ Nmò ku ápi yĩnne, sɔnko áyâh sò me min soko ò, áyâh sò ku ò, à ne n me ñmole wê tyí. ¹¹ Képah ye, yé sórèle n mo wê soko, yé wãnne n mo wê tãhkì yò Liyel yò sẽnó soko, sò-á yé me kéle n pi yò.

Pole-á vinnɔɔ téy ànê wey nêne Tesaloniki tãn kɔ

¹² Á yũnpyé, á kéle n yah n kɔ yé tyí ne nónó-á me gbah tẽ yé yahle n tẽ, té me yéle n vi mo Tê ñgbê wêkì kóló soko, yé yòyenne n sah pé yò. ¹³ Yé yòyenne n sah n yíí pé yò tyínɔɔ soko pé tò yĩnne. Yé ne n me tno soko wê tyí yèvinu soko. ¹⁴ Á yũnpyé, á kéle n yah n kɔ yé tyí ne, yé ne n wekɪ gbãndal pípú yò, yé nìsãhle n mo tíkì pípú soko, yé mó tẽnkwlópule n yohni n mo. Yé no pól sómnóle n pi. ¹⁵ Yé yé gblõyne n kyomɪ, ñnî yó ntẽ káh pèkè wóle n de pèkèle. Nte yé pèpey ó pí-nsahle n yah n kɔ wê tyí, ànê no pól tyí gbĩmegbí.

¹⁶ Yé ne n me nìvìnì soko gbĩmegbí. ¹⁷ Yé Liyelle n ni kúmm. ¹⁸ Tyi tyi pól soko yé ne n wekɪ Liyel tyí. Képah ye Liyel n yah n kɔ yé tyí ne yé ne n pi Yesu Krista yò sẽnó soko.

¹⁹ Yé káh Liyel Mirki yah kô tò pínóle, ²⁰ yé káh Liyel tẽntò syínyopu welo tyíle n yo n ko. ²¹ Yé tyi pólle n sohlí n yah, té nónó-à me palle, yè mó sépi fẽ n syi. ²² Yé yé gblõyne n tẽ tyípêl duke pól pínóle.

²³ Liyel nê-á yèviní nètẽne, mé kéle n yah n kô ñ tyí ne à sãm mo yé min pí òkù pól sòkò. A mó yé sònò, ànê yé min, ànê yé wil gbẽnsê pí wényo-ísah kẽne sé tyí á Tẽ ñgbẽ Yesu Krista syi n pò sòle. ²⁴ Nmo nê-á n ye yéle, à n kò ñ tyíyónó sò. Nmo ye kí pí séle.

²⁵ Á yúnpyé, yé nírí tole n pí ápi tyí.

²⁶ Yé wèkí á yúnpyé pól tyí tyínòwò wey pèpeyne. ²⁷ Mé yéle n gbah n ni Tẽ ñgbẽ yín yò, ne yé sébéy m̀è kar á yúnpyé pól noh.

²⁸ Mé kéle n yah n kô á Tẽ ñgbẽ Yesu Krista tyí ne à yòbènòrì pí yé tyí.

fě wil n mo n pi ké gbí nó-ńkě soko, yé kéle n pne dò. ⁷ A me ò tǎhkìle tò tyah té sèfìn sò soko. Té ò tǎnsàh-ò-à sò nêne n kne, ⁸ légbíne à kɪ ò yò wilki mo, té Tě ògbě Yesu kɪ ò tyí yɪkɪ ò vyāh yáhfāne, té Yesu pínó tǎhkì kɪ à pyāhrɪ pnépné. ⁹ Népékè mè kɪ n pɔ n pi sétàn yòtě tǎhkìle ò soko. A kɪ gbɪl ànê gběndùnì tyi duke pólle n pɪ nónó-á névile n pilki. ¹⁰ A kɪ tyíkněni duke pólle n pɪ névye we n pilki yinne nónó-á me tyíyíkinó wěkì yò. Pé tyí kɪ n yɪkɪ n pi pǎh sǒnpíle gbɪ wěkì kóló yahle, képah nê-á kɪ sò fě pè pwah n mo n pi. ¹¹ Képah ye, Liyel ye sétò tǎhkì kò kè pɔ pè mo pílkinó soko, pè kò pè kɪ n sě mìnì tyi yò. ¹² Képah soko, nónó pól-á yahle sěnlé gbɪ yò, té tyíkněni tyí nɔ pé tyí, fóhnó kɪ sah pé yò.

Tesaloniki tân gbáhtěnlé Yesu yò sěnlé soko

¹³ A yúnpyé, yépi nónó tyí-á nɔ Liyel tyí, ké yah ye á yĩne à ne n wekɪ Liyel tyí gbímegbí yépi tyí soko. Yé nǎh we di, òmo ye yah wilki yéle tyah gbí dùkùle ne pé yé pwah mo ò Mirki gbò yò, képah gbò yò-á yé kɪ yé minne n pɪ yályál Liyel yah, ànê gbɪ yò sěnlé tɔ gbò yò. ¹⁴ Képah yĩn ye à ye yéle Nìvìnì tir nóhnó gbò yò áyáh nê yo yé tyí, nê-á kɪ yépi tɔ kò yé kɪ we de á Tě ògbě Yesu Krista tǒrí soko. ¹⁵ Kǎh pɪ sě á yúnpyé, á kéle n yah n kò yé tyí ne yé sě yí Tě ògbě yò. Áyáh kwónó nónóne yé kò vyāh wey soko, képah nǎh pɪ sébéy tóntekɪnmɔnɔ soko, yé sè koh n tě n yĩn. ¹⁶ Ápi tyí nɔ á Tě ògbě Yesu Krista ànê á Sú Liyel tyí. Pépi ye á nnólé n de tyé-ńkěne pé pèpɔrɪ gbò yò, té á kò á tě we á gbò sah yí pé yò. ¹⁷ Á kéle n yah n kò pé tyí ne pè yé nnɔ de, pè mó tǎhkìle yé kò yé fě ne n tǔ n sah n pɪ, tyípinì ànê vyāh wey soko.

3

Nírí pínó yáhnkǔnlé

¹ A yúnpyé, ké syì-nsah mé kéle n yah n kò yé tyí ne yé nírile n pɪ ápi tyí, sǒnko Tě ògbě wey tǔ mo súú, névye mó kéle n mo n kò yépi tyí kǔle. ² Yé Tě ògbě ni á tyí tǔle à kò à á pwah n mo nétúkùnì ànê népél gbò. Yé nǎh we di, nɔ pól nǎh sě Nìvìnì tir yò. ³ Nte Tě ògbě me tómm. A kɪ tǎhkìle yé kò, té kɪ yé yòle n syɪkɪ ne sétàn yòtě káh tě we yé tyí. ⁴ Tě ògbě gbò yò, ápi sěnyínó me ké yò ne áyáh nê kò sah yé kò, yáh me kéle n pɪ, té kɪ tǔ n yò n soko n pi sě. ⁵ Á kéle n yah n kò Tě ògbě Krista tyí ne, à yé yohnɪ n mo yé fě pĩ yé tyí-á nɔ sò Liyel tyí, ànê yé fě sómnlé n pɪ òmo Krista tyí kǔle.

Gbáhdýáh ònsàhnólé gbāndal pínó tyí soko

⁶ N yúnpyé, ápi-á yé kwɔ tyi nónóne, yé yúnpyé nónó-á sépi kěkɪ sah té pé minne n pɪ gbāndal pínó soko, mé kéle n yah n kò yé tyí Tě ògbě Yesu Krista yĩn yò ne, yé káh péle n tĩnki. ⁷ Yáh yĩne yé ápile n yah n pɪ dùkù nêne, yé kéle n pne kyó. Ápi nǎh á min pɪ yé wró gbāndal pínó soko. ⁸ Áyáh lésò me yé tĩnne, á nǎh kè yah kò ònì yó nítě tyí ne à ápi vyāhle n yah. Á tò pɪ, á yah vyāh, à kwɔ lékǎh ké gbìntǔ à yĩn á gblǔy yínnólé, sǒnko à káh n pɪ n tě yótókóbíle yé soko yó nítě tyí. ⁹ Ké yah ye lésò yé á vyāhle n yah. Nte ápi képah pɪ ne kè pɪ kwónólé yé tyí, yé tɔ kò yé sěnkǔle n pɪ. ¹⁰ Áyáh lésò me yé tĩnne, á ké gbáhdýáh di sah yé tyí ne, névi nê-à

yahle tò pínóle, tẽ náh yĩne yónó tɔle. ¹¹ Nte á me n nohni ne, yé túkù-á me gbandal ó yah wũ à yahle tò pínóle, té me n yɔko n de névye tyi sɔko.

¹² Kéne névye nópi tẽne, á kéle n yah n kɔ pé tyí té sóréle n mo pé sɔko Tẽ ñgbẽ Yesu Krista yĩn yõ ne, pè pé yah di tɔle n pi, pè pé yõ yõ tẽne n we pé yẽngbẽ myèh nínkwenɔ sɔko.

¹³ Yépi tẽ wɔle á yũnpyé, yé káh n yal n mo tyípeplo pínóle. ¹⁴ Tyi nóno-á ápi yo sébéy mè sɔko yò, névi nê tẽ-à kɪ fyò yahle sàhnóle sé yõ, yé tẽne n kyomi, yé káh ne n pi n soh tẽne. Képah sɔko, kè kɪ pi senné tẽ tyí. ¹⁵ Té yé káh tẽ pi yé sépe tẽ wɔle dé, yé vɪnmɔnɔle tẽne n kɔ sɔ-á yé kéle yé yũnpyéle n kɔ.

Wékínóle névye tyí ànê sãm mónóle pé sɔko

¹⁶ Mé kéle n yah n kɔ yèvinu Tẽ ñgbẽ nítẽ tyí ne, à yèvinune yéle n kɔ gbímegbí káh sɔ kɔ dùkù nê óle. Mé kéle n yah n kɔ n tyí ne, à ne n me yé pólle.

¹⁷ Wey nê-á mé yé kɔ yò, nímo Pole ye wárki kéle ní gbòle. Sẽ ye mè n ne n mo ní gbò níyne ní sébéy wárkíntekumɔnɔnɔ yõ. Nmo wárkínó ye kéle tótó. ¹⁸ Mé kéle n yah n kɔ ápi Tẽ ñgbẽ Yesu Krista tyí ne, à yòbènrɪ pi yé pól tyí.

Pole sébéy tékínmɔnɔle Timote tyí

Pole wékínóle Timote tyí

¹ N̄mɔ Pole nê-á pɪ Yesu Krista t̄ɛntò névile à ȳine Sú Liyel-á kè yah tɔkɔ s̄ɔ, ñmɔ nê-á á pwáhn̄mɔ-òle, ànê à ȳine Yesu Krista tɔ-á kè yah tɔkɔ s̄ɔ, á gbò sàhnó-á me ñmɔ nê ȳo sɔkɔ. ² Timote, áwɔ tyí ye mé n tɛkɪ n mɔ sébéy mèn̄e, áwɔ nê-á ní pídí kègbule Liyel ȳo s̄ɛnó sɔkɔ. Mé kéle n yah n k̄ɔ Sú Liyel ànê á T̄ɛ ñgb̄ɛ Yesu Krista tyí ne pè yòbènɔrɪ pɪ á tyí, pè á yām yah pè mó yèvinune ñ k̄ɔ.

Gbl̄ɔy t̄ɛnóle kwónó kètúkúnì pípúle

³ T̄ɛ Yefesɪ kwil sɔkɔ s̄ɔ-á s̄ɔ mé yo kéle á tyí máh n sɔkɔ Masedonɪ mara sɔkɔ. Névyé tókù me kwónó kètúkúnine n pɪ n̄ɛnpó, á ȳine ñ pè ȳini n mɔ ké pínóle. ⁴ Yo pé tyí ne, pè káh t̄ɛ s̄em̄irn yáhnó ànê náh t̄an ȳini tyí níy t̄ɛnó ó sɔkɔ tyé-ńk̄ɛne. Yékâb ó ye sépi n pɔ n pɔ. Sè náh névyele n yohnɪ n mɔ Liyel ȳo s̄ɛnó sɔkɔ, à ȳine Liyel-á me ké tyí s̄ɔ. ⁵ Gbáhdyâh d̄insàhnó m̄e ȳo ye ne kè tyínɔnɔ dahbɪ pé sɔkɔ, tyínɔnɔ nê-á n wil nɪ p̄ep̄ey sɔkɔ, s̄onɔ p̄ep̄ey sɔkɔ, ànê Liyel ȳo s̄ɛnó kègbɪ sɔkɔ. ⁶ N̄te névyé tókù ye k̄épah yahle, té mɔ pu à yékâb tókúnì pínó ó yah w̄. ⁷ P̄é pé gbl̄ɔy pɪ Liyel tyi k̄onsàhnó kwópúle. Té tyi nónó n̄t̄ɛ-á pè me n yo, ànê tyi nónó-á pè me névyele n gbah n kwɔ, pè náh me sé d̄úkùle n pne.

⁸ Ápi p̄i ne ńk̄ɛ Moyisi tyi k̄onsàhnó-á ple, wáh me sé tyile n pɪ s̄ah ȳine s̄ɔ. ⁹ Yé náh we di, Moyisi tyi k̄onsàhnó náh sah négb̄lɔ ȳinne dé. Nónó ȳin-á sè sah, pépi ye pɪ tyítúkúnì pípúle, ànê k̄elék̄ɛ pípúle, ànê n̄épék̄e pípúle, ànê tyíp̄el pípúle, ànê Liyel mónkò-ńk̄ɛpúle, ànê Liyel tyi mónkò-ńk̄ɛpúle, ànê súbí k̄onmɔpule, ànê yúbí k̄onmɔpule, ànê n̄ékók̄e mópúle, ¹⁰ ànê pr̄onp̄ibule, ànê díbí w̄é tókópúle, ànê syó w̄é tókópúle, ànê ȳòbɪ ȳampule, ànê m̄inyobele, ànê nónó-á péle n wo m̄in̄i tyi sɔkɔ, à tahlɪ nónó pól-á me Liyel tyi kwónóle n fwo. ¹¹ K̄ene kwónó m̄e wil N̄iv̄in̄i tir sɔkɔ, t̄órí Liyel-á nê dahbɪ n̄mɔ gbò, ñmɔ nê-á p̄ep̄orɪ Liyelle.

Krista k̄onóle p̄ep̄orɪ pínó weyne

¹² N̄mɔ n wekɪ á T̄ɛ ñgb̄ɛ Yesu Krista tyí, ñmɔ nê-á t̄ahk̄ile ní k̄ɔ. Mé n wekɪ ñ tyí, wáh s̄onp̄ule kè yah ne máh ȳine pé t̄ò pínóle, té ní tɔkɔ ñ t̄ò sɔkɔ. ¹³ T̄é n̄mɔ ye mó t̄ò l̄és̄o n yo n ko ñ tyíle, té ñne n f̄òh, té pɪ n̄épék̄ele. N̄te mé l̄és̄o me sépi pólle n pɪ ñp̄ì-ńk̄ɛ ànê Liyel ȳo s̄ɛ-ńk̄ɛ sɔkɔ, k̄épah ye Liyel me pɔ ní yām yah. ¹⁴ Ápi T̄ɛ ñgb̄ɛ ye p̄ep̄orɪ pɪ n̄mɔ tyí nahnáh, à Liyel ȳo s̄ɛnó ànê tyínɔnɔle ní k̄ɔ nê-á n we á wró kwrónmɔnɔ gbò ȳo Yesu Kristale. ¹⁵ Gbɪ ye wey mèn̄e nê-á no pól ȳine pè kè f̄ɛ syi, k̄épah nê-á yo ne Yesu Krista-á pɔ k̄ek̄oyó sɔkɔ tyíp̄el pípú pwah n mɔ ȳinne. Pépi sɔkɔ ney yó ye n̄mɔle, té n̄mɔ tyí peke kal. ¹⁶ N̄te n̄mɔ nê tyíp̄el-á kal, Liyel n̄mɔ yām yah. Á me ké tyí ne Yesu Krista ñ gbl̄ɔy p̄ep̄orɪ pínó w̄ekɪ, nê-á kɪ pɪ kwónóle névyé tyí nónó-á kɪ pɔ n s̄ɛ n pi ñ ȳo, kɪ tyé-ńk̄ɛ min we. ¹⁷ Tyé-ńk̄ɛ Yòt̄ɛ dí nê-á à náh n we, à náh n ku, ñmɔ nê-á Liyel núkúnine, mé me ké tyí ne ȳo ȳonó ànê gb̄ilk̄inó pɪ ñmɔ tyíle gb̄imegbí. Amiina.

Pole me nìsāhle n mo Timote soko

¹⁸ Nmɔ pídí Timote, Liyel tɛntò welo nónó-á yo sah á tyí soko, mé kéle n yah n kɔ ne sépi ñ yohni n mo á gbah tɛ tò pèpeyne n pi. ¹⁹ Kéle n pi Liyel yò sɛnó soko ànê sɔno pèpeyne. Túkù ye yahle sɛntɛ pínóle. Kǎh pi sɛ, pé Liyel yò sɛnó tɛ syi pé tyí. ²⁰ Pépi túkù ye Yimene ànê Alekisādrele. Mé pépi gbah de mo sétǎn yòtɛ kɔ, nê-á kɔ pi kwónóle pé tyí pè kɔ pè nǎh tɔ n yo n de n pi Liyel tyí.

2

Kwónó nê-á kɔ niri pínó tyí yò

¹ Mǎh me nê ñgbòle n yah n kɔ, képah ye ne á yáhnkɔnole n pi Liyel tyí, á ñne n ni, á ñne n fal, á mó weyne ñne n kɔ no pól yinne. ² Á ye níri le n pi yòtǎm tyí, ànê névyé pól tyí tǔrí-á me nónó gbò, sɔnko à á minne n we n pi syísyí yèvinu soko, á kɔ dùkù mó ne n me palle, à mó Liyel yah tíkile n pi. ³ Képah ye ple, ànê ké tyí no á pwáhnmo-ò Liyel tyí, ⁴ ñmo nê-á me ké tyí ne no pól pwáhnmono we, pè mó tɛ we gbile n pne. ⁵ Yé nǎh we di, Liyel núkú ó ye me. Liyel ànê névyé wró tǔ-ò núkú to ó me. Névi ye ñne. Nmɔ ye Yesu Kristale, ⁶ ñmo nê-á ñ gblɔy kɔ à névyé pól yò dwe. Gbí nê-á sò yáhtokɔnsàhnóle, kè pi képah soko. ⁷ Yesu Krista gblɔy kɔnó mè yin ye Liyel ñmo yah tɔko pi ñ wey yó-òle, ànê Krista tɛntò névile, ne névyé nónó nǎh pi Nsyifunole mé péle n kwɔ Liyel yò sɛnó ànê gbi wɛkile. Gbi ye mé n yo, mìnyo nǎh ñne.

Díbi ànê syó pi dùkùle tówù soko

⁸ Mé me ké tyí ne tǎntǎn pól soko, díbi pé gbǎn yò doko yinyò pé Liyelle n ni nnole yályál, fòkòvyǎhnì ànê mékì kɛne pé wró. ⁹ Mé me ké tyí ne syó to flole n tɔ n sah n mo kǎh yine sɔ. Pè flole n mo nónó-á kɔ fɛ pé sen yí óle yáryár dáhbí-ńkɛne ké soko. Pè kǎh yò kǎhtɔnsàhnó kèpékè, ànê sǎn yèsò yí, ànê yí kètǎrno, ànê fwòtǎhnine n yah n kɔ. ¹⁰ Nte pé gblɔy tɔnsàhnó yine kè pi tyípéplɔ pínóle, sɔ-á syó kéle n pi nónó-á me Liyel yah tíkile n pi. ¹¹ Sê yine à ñ gblɔy tiki mo tɛ syísyí pǎh ñne n kwɔ gbí ñne Yesu yò sɛpú tɛnkì wró. ¹² Mé nǎh ké wɛkile sê kɔ ne à névyele n kwɔ, képah nǎh pi à pi dí yòtɛne. A yine à tɛ syísyí. ¹³ Yé nǎh we di, Adama ñgbò ye Liyel mo, té pyè Awɔ mo dò. ¹⁴ Adama nǎh sétò pilki; Awɔ ye à pilki à kɔ à Liyel yóré yahle. ¹⁵ Nte képah fyé yò sê kɔ pi pwáhnmono we ñ pínó yinne yúne, wǎh sɛ Liyel yò, té tyínono me ñ soko, té me n kɔ yályál Liyel yah yáryár dáhbí-ńkɛne sépi pól soko.

3

Yesu yò sɛpú tɛnkì yah tɛpú-á yine pè ne n pi sɔ

¹ Yé yah, kègbu wey yó ye mé n tyah yónóle yé tyí yò. Névi nê-à me ké tyí ne pé pi Yesu yò sɛpú tɛnkì yah tɛ-òle, tò pèpey ye tɛ n yah n kɔ pí-nsahle. ² Yesu yò sɛpú tɛnkì yah tɛ-ò yine à pi wényo-ńsah kɛne ñ tyí. A yine à pi sê núkú nétɛne, gblɔy tɛnpnè-òle, nê-á me ñ tyile n pi n yine palle, me népǎnne n tɛ ple, té kɔ fɛ névyé kwɔ n pi. ³ A nǎh yine à pi sèwole, képah nǎh pi népékèle. Nte à yine à pi névile, nê-á ñ gblɔyne n ye n pne. A nǎh yine à pi mǎl kǔlì-òle, képah nǎh pi pò nǎh púkúbínmo-òle. ⁴ A yine à ne

n me ò kéte yahle n tẽ n pne palle, à mó ò wẽnpì kwɔ pè ne n sah ò tyí yõ káh yĩne sõ. ⁵ Yé náh we di, névi-à tẽ we ò kéte yahle n tẽnpnè-̀nkẽne, à kɩ pɩ tẽ kɩ fẽ Yesu yõ sěpú tĩnkĩ tẽnó ple, pépi nónó-á Liyel nole? ⁶ Tẽ náh yĩne à ne n me nésánnne Liyel wẽkì kóló sɔkɔ, sõnko gblõy gbĩlkinó káh pɔ de tẽ sɔkɔ, ò tyí kõ kè pɔ n yɩkɩ sètàn yõtẽ tyí kõle. ⁷ A wil képah sɔkɔ, Yesu yõ sě-̀nkẽpú tɔ yĩne pè ne me tẽ yĩngbĩle n yo, sõnko yílónó káh pɔ à yĩni tẽ, à kõ à pɔ tẽ sètàn yõtẽ vyóy sɔkɔ.

Yesu yõ sěpú tĩnkĩ yah tẽpú yòhnìnmpule

⁸ Sě ó ye, Yesu yõ sěpú tĩnkĩ yah tẽpú yòhnìnmpu tɔ yĩne pè pɩ néglólé ànê wékínyipule. Pè náh yĩne pè pɩ sèwɔbɩle ànê kwáh yáhnkõpule yĩnvĩ sɔkɔ. ⁹ Gbɩ nê-á pè we pĩ Liyel yõ sěno gbõ yõ, pè yĩne pè kè tẽ n sah pé sõnɔ sɔkɔ palle. ¹⁰ Ké gbenne, pè yĩne mónyahnɔle. Pĩlkĩ-̀nsah-à wé-̀nkẽne pé tyí, pè kɩ pyẽ fẽ wilki sah Yesu yõ sěpú tĩnkĩ yah tẽpú yòhnìnmpule. ¹¹ Syó nónó tɔ-á Yesu yõ sěpú tĩnkĩ yah tẽpú yòhnìnmpule, pé yĩne pè pɩ névyele nónó-á yòyén me n sah pé yõ. Pè náh yĩne pè pɩ névyé tyí yónkòpule. Pè yĩne pè pɩ gblõy tẽnpnèpule, pè mó ne n me tómm tyi tyi pól sɔkɔ. ¹² Yesu yõ sěpú tĩnkĩ yah tẽpú yòhnìnmp-ò yĩne à ne n me sè núkú nétẽne, à mó ne me tẽ we ò wẽnpì ànê ò kéte yah tẽnó tyí. ¹³ Nónó-à pé tòle n pɩ palle, pè kɩ yĩn-̀nsah òngbẽ we ké sɔkɔ, té gbõ sàh-̀nsah tɔ kɩ we pé tyí pé wró kwrónmɔnɔ gbõ yõ Yesu Kristale.

Sètìn sò tir ògbẽne

¹⁴ Mé ye sébéy mènne n tekɩ n mɔ á tyí, ònte ní sõnɔ sɔkɔ mé kɩ pɔ n yah n pi á tyí dõ kwéy. ¹⁵ Nte máh kɩ se mo pónyah-̀nsah á tyí, tyi nónó-á mé wárkɩ tekɩ mɔ á tyí, sépi kɩ ò yohnɩ n mɔ á kɩ á gblõy tẽ òkù pĩ min nétẽ Liyel no wró sɔkɔ, pépi nónó-á Yesu yõ sěpú tĩnkĩle, nónó-á gbɩ tẽnsàhpule dàhpɛ sõ.

¹⁶ Liyel-á nê yo á tyí Yesu Krista tyí sɔkɔ, tyi òngbẽ ye kéle. Liyel ò gblõy pɩ névile à pɔ sètáh yõ, nê-á Kristale. Liyel Mirki kè wẽkɩ ne négbí-á òne, yĩnyõ tònptɩ à we, ò tyí yo névyé tyí nónó náh pɩ Nsyifunɔle, névyé náhnáh sě ò yõ kèkõyó, té yĩnyõ sɔkɔ, Liyel me gbĩlkinó sah ò yõ.

4

Kwónó kètúkùnì pípule

¹ Liyel Mirki kè yo dal mɔ pnéyy ne kèkõyó-à pópó n tyɛ, névyé tókù-á kɩ Krista yõ sěno yahle, té kɩ sě mĩnyobe welo yõ, ànê kwónó nónó-á n wil sètàn tyí. ² Névyé nónó-á yĩnvĩnpɩbɩle ànê mĩnyobele, pépi nónó-á pè náh sennɛ n pne pólle, pè kɩ pé gblõy sah pépi kõ pè kɩ vi tẽ. ³ Pépi ye n kwɔ névyele ne pɛ dékè náh me sè tókì náh me, ànê yõ yõ yĩ yĩsyó-á me sè náh yĩne yónóle. Té Liyel mó tõ kéne yõ yõ yĩ mɔ ne péwɔ yõ sěpú nónó-á gbɩle n pne, pè séle n yõ pè mó pèpɔrɩ pĩnó weyɛne péle n kõ. ⁴ Liyel-á yĩ nónó pól mɔ, sè ple. Milki milki kwáh náh me sé sɔkɔ, áyáh me sè fẽ syi té me

pèpɔɾɪ pínó weyne ònne n kɔ̃. ⁵ Yé náh we di, Liyel wey ànê nírí ye n pɪ yíyìnì pólle yályál Liyel yah sòkɔ.

Yesu Krista tònpi pèpɛyne

⁶ Wáh kɪ tyi nópile á yúnpyéle n kwɔ, á kɪ pɪ Yesu Krista tònpi pèpɛyne. Á kɪ kè wěkɪ képah sòkɔ ne päh Liyel yó sě́nó welɔ ànê kwónó kègbɪ nêne ò kwɔ sòkɔ, säh de yíí á sòkɔ. ⁷ Á náh vi sèmìrn wän ànê wènwän kɔ̃, sépi nóno náh tir yóle n pekɪ Krista yó sě́nó sòkɔ. Gbah n tē ò ne n me Liyel yah tíkile n pɪ. ⁸ Wil gběnsê dàrnmonɔle tòle, yõre me ké tyí. Nte Liyel yah tíkí pínó yõre wɔ kal tyi tyi pól sòkɔ. Yé náh we di, képah gbò yó sòkɔ ye á kɪ min we kwey gbí mè sòkɔ, ànê òsò tɔle. ⁹ Wey mène gbɪ wey ye kéle, nê-á no pól yíne pè kè fě n syi. ¹⁰ Yé náh we di, ápi-à me tòle n pɪ yèvyährile, té me gbah tē sě́, képah n wěkɪ ne á gbò sàhnó-á me min nété Liyel yó, nê-á no pól pwáhnɔ-òle. Té wáh kɪ nóno pwah n mɔ n pi kal, pépi yé pɪ Krista yó sě́púle. ¹¹ Képah ye á yíne ò gbah n yo névyé tyí òte pè kwɔ kéle.

¹² Nnî yó nte náh yíne à ále n yilo wáh sɔ́npíle pɪ wěnpirle. Ye Yesu yó sě́pú tē we ále n yah n pɪ á vyäh wey sòkɔ, ànê á pɪ òkù sòkɔ, ànê tyínɔno nê-á me á sòkɔ, ànê á Liyel yó sě́nó sòkɔ, ànê á pínó sòkɔ yályál Liyel yah. ¹³ Mäh kɪ pópó n pi, gbah n tē Liyel weyne n kar tówú sòkɔ, ò té névyéle n vi mɔ, ò té kwónóle n pɪ. ¹⁴ Liyel tãhkì nê-á me á tyí, káh kè tē gbònwòkòle dé; képah nê-á á we Liyel tēntò syínyopu welɔ gbò yó, ànê Yesu yó sě́pú yah tēpú-á pé gbän sah á yó à nírí pɪ á tyí gbí nêne. ¹⁵ Liyel tãhkì mè tē gběninine, gbah n tē ké sòkɔ. Képah sòkɔ, no pól kɪ kè we ne wáh me n yuku yahle. ¹⁶ Á gblöy tēno ple, wáh kwónó nêne n kɔ ò té ké tɔ tēno ple. Gbah n tē ne n yuku yahle ké sòkɔ. Wáh n pɪ sě́, képah sòkɔ ye á kɪ á gblöy pwah mɔ, té kɪ á wey nóhpú tɔ pwah mɔ.

5

Timote-á yíne à Yesu yó sě́pú tē òkù nêne

¹ Wäh yèwähle n vi mɔ, káh ne n wèkɪ ò tyí dírí sòkɔ, ne n wèkɪ ò tyí á sú sɔ̃ òne. Kètēnpíle n vi mɔ á yúnpyé sɔ̃ péle. ² Syódíle n vi mɔ á yúbí sɔ̃ péle, ò té syónpíle n vi mɔ ké yah pèpɛy yó á dósýó sɔ̃ péle. ³ Pékúsyɔ nóno-á yòhnìnmɔpu náh me pé tyí, pé tēno ple. ⁴ Nte pékúsyɔ nóno tyí wěnpì-à me, képah náh pɪ pétóbéle, kéne wěnpì ye yíne pè pé Liyel yah tíkí pínó wěkɪ à yuku pé gbò tãn fìnne. Päh yíne pè nê pɪ pé dúbípú tyí, pè képahle n pɪ pé tyí. Yé náh we di, képah tyí ye nɔ Liyel tyí. ⁵ Nte sê nê-à me pékúsèle kègbɪ yó sòkɔ, nê-á névi náh me ò tyí kɪ à yohnɪ mɔ, òmɔ ye òkēne ò gbò sah n yíí Liyel yó sòkɔ. Á Liyelle n ye n gbo nírí sòkɔ lékäh ké gbìntò. ⁶ Nte pékúsè nê tē wɔ-à me wil gběnsê dékè tyi óle n sɔ̃, òmɔ me kúnóle té à sah vile. ⁷ Wäh yíne ò nê tɔ yo pé tyí sònkò lékäh káh pɔ we pé tyí, kè we yò. ⁸ Névi nê-à n yáhdahnɔ-òkēne ò tyí névyé tyí sòkɔ, ànê ò kéte névyé tē tyí sòkɔ, tē Krista yó sě́nó wěkì milki. Krista yó sě́-òkē névi nte fónfó òmɔ yó. ⁹ Pékúsè nê yín-à pópó n wärkɪ, à òne n mɔ n kɔ pékúsyɔ wró à yíne à ne n me ye tikitóní tē wɔ we, à mó ne me de yah pe núkú ó tyí. ¹⁰ N tyí yíne kè ne me pínóle ò tyípéplɔ pínó tyí sòkɔ. Á ne n me ò wěnpì tēno ple, à ne n me ye népân ne n twah n tyí, à ne n me Yesu

yõ sěpú gbyêhne n wu, à ne n me névye nnole n de nónó-á me yèkworì soko, à mó ne n me tyípeplo duke pólle n pi. ¹¹ Nte syópâm nónó tẽ wò-á pékúsyole, káh pépi yni wárki pékúsyò soko. Á náh we di, lédórí-à pò pé wró gbe mɔ Kristale, pè n ne n me ké tyí ne pé pé syi de pebi tyí. ¹² Káh pi sě, lékàh n we pé tyí, pãh sǒnpíle pé vyãhle Krista kǒ té pò pé syi ò náh. ¹³ Pãh se tǒ pi tò kě névyele sě, pè n wũ n tẽ gbéngbèn kǒnkǒnɔ ó soko. Pépi ye tò náh me pé tyí yò, té pè n tǒ n pi wènkwiñki wékípúle vyãhle dálnóle, ò ne n weki n min n dah n mɔ sě. ¹⁴ Képah ye, mé me ké tyí ne pékúsyò nónó-á me syópâmne, pè de pebi tyí. Pè fě wěnpì we, pè mó ne n yah n dah mɔ pé gbèn tyí soko. Sǒnko pè káh pò wěkì yiki mɔ á sèpébi kǒ pè á yínpole n yo. ¹⁵ Yé náh we di, pékúsyò tókù ye me wěkì milki te, té me sétàn yòtě sò tẽ. ¹⁶ Nte pékúsyò-à me Yesu yõ sě-ò sê nê wòkò tǎn soko, tẽ yĩne à ne n yah n dah mɔ pé tyí soko, sǒnko képah káh pi Yesu yõ sěpú ònkì yòtókóbíle. Képah soko, Yesu yõ sěpú ònkì tɔ ki mó n yah n dah mɔ pékúsyò tyí soko nónó-á nékán tǎne.

Yesu yõ sěpú ònkì yah těpúle

¹⁷ Yah těpú nónó-à me Yesu yõ sěpú ònkì yahle n tẽ palle, yòyén yĩne kè ne n sah n yíí pé yõ. Ké dú doko pé nónó-á Liyel wey yónó ànê névye kwónó tò me dahbi pé gbò. ¹⁸ Yé náh we di, kè me wárkínsàhnóle Liyel wey sèbéy soko ne, nyeh-à me swãh tónó soko á tyí gbí nêne, á káh sé vyëy pukubi ne sè káh á sè mukòle n yõ. Té tǒ me wárkínóle ne, tǒnpi-á yĩne ò tò pínó sǎr wénóle. ¹⁹ Káh n fě n syi lékàhle n syi yah tẽ-òle n kǒ ne kéne tir náh wil tǎrfyò népì ními képah náh pi tǒmí vyëy soko. ²⁰ Névi nê-à tyítúkù pi, kè yo gbáb tówú pól yí yah soko, sǒnko kè tiki mɔ téló soko. ²¹ Mé kéle n gbah n yo á tyí Liyel yah, ànê Yesu Krista yah, ànê yínyò tǒnpi wìlkínsàhnó yah soko ne, á tyi nópi pólle n pi tómm, á káh wǎhkìle n pi. ²² Káh ne n sal á gbòle n sah névi yõ ò níri le n pi tẽ tyí, ànê káh á vyãhle n dah n mɔ á ní-òle ò tyípèl pínó soko. Ne n me yályál Liyel yah soko. ²³ Wáh me n yo gbáhyí náhnáhle sě, káh ni ó kókóle n wò, òwě tǒle n wò kwéykwey á foko marku yinne. ²⁴ Névyé tókù tyípèl me sè n wilki n mɔ kwèyy pé tókè-òkè soko. Nte tókù tyí me, náh ó sè n pò n pì. ²⁵ Sě ye tyípeplo tǒle, sépi tɔ n we kwèyy yĩne, ànê nónó òtẽ fyé-á sè náh me n yah, sè náh n wũ n pi wìlkinmɔ-òkène.

6

Yõbi ànê pé yòtāmne

¹ Nónó pól-á me yǒrile n pi, pè yĩne pè pé yòtāmne n mɔ n kǒ ne pãh yĩne yòyén sàhnóle pé yõ, sǒnko áyáh kwónó nêne n kǒ, ònî yó òtẽ káh pò képah ànê Liyel tyíle n yo n ko. ² Nónó yòtām-à me Yesu yõ sěpúle, pè náh yĩne pè yo ne pé yúnpyé-á péle, pè mó yahle yòyén sàhnóle pé yõ soko dé. Pépi nónó-á pé yúnpyé pèplòle, pépi-á sǒnpíle n we pé tò pínó yòrele, pè ye pyè yĩne pè tǒle n pi n yíí pépi tyí òkè.

Mìni kwónó ànê tǎhri tyínòle

Yah, kéne tyi ye á yĩne ò nole n kwò, ò té sè kǒ n sah pè kǒ. ³ Nnî yó-à pò nole n kwò tyíkàhkìle, té kè náh me nukúle gbì weyne nê-á wil ápi Tě ògbě

Yesu Krista tyí, ànê kwónó nê-á á we Liyel yah tíkí pínó tyí yõ, ⁴ képah n wěki ne gblõy gbílkinó-á tẽ yí wõ. Npì-ñkê ney ye tẽne, nê-á yékâb pínó, ànê wěnyõ wékínó me ñ yõgbèkè yuki sah, sépi nónó-á n põ n põ mékile. Sépi ye n põ n põ yúnwõrí, ànê méwéy, ànê yrówân yónó, ànê gbyõle. ⁵ Té tõ n põ n põ yékâb kwĩnkile lékám kě névye wró, nónó-á pè náh gbule n pne pólle. Pépi tãn n ne n sõ ne Liyel yah tíkí pínóle, kwâh wénó-á me ké sòkõ. ⁶ Gbì tẽ wõ ye, Liyel yah tíkí pínóle tahrì ñgbẽ ye kéle névye tyí, nónó-á pé wénó pé yĩne n yuku. ⁷ Yé náh we di, ápi náh põ kwâh yó rítẽne kèkõyó mè sòkõ, á náh mó á syi n sòkõ n pi kwâh yó rítẽne. ⁸ Nte yõke ànê flo tẽ-à fyò me á tyí, sè yĩne sè á yí yuku. ⁹ Nte nónó-á me ké tyí ne pé pi tahbule, pépi ye n de mónyahnõ sòkõ. Tyíwân ànê yõ kě tyi sõnõ n põ pè mõ n tẽ, sépi nónó-á névyele n mõ tyí yíkinó ànê mónpunõ wěkì yõ. ¹⁰ Yé náh we di, tyípêl duke pól tyàh-ñsah n wil pó tyínõnõ sòkõ. Pó yáhnkõnõ kèpèkè tẽ tyí, tókù Liyel yõ sěno yal mõ, té kwlónó náhnáh yori mõ pé gblõy yõ.

Pole-á vinnõnõ nêne Timote kõ ñ gblõy tẽ dukù tyí sòkõ

¹¹ Nte áwõ tẽ wõ-á Liyel tyí névile, ne n to kéne tyi yah sòkõ. Ne n yah n kõ ne á pi négbule Liyel yah, á ne n me Liyel yah tíkile n pi, á ne n me sěnole Liyel yõ, tyínõnõ ne n me á sòkõ, á ne n me sónmóle n pi, á mó ne n me á gblõyne n tiki n mõ. ¹² Mékì pèpey fwo à yuku Liyel yõ sěno tyí tĩne. A pwáhnõnõ tẽ n yĩn pálle, képah nê yĩn-á Liyel ye ále, té á me fẽ syi névye náhnáh yí yah ne wáh pi Yesu yõ sě-òle. ¹³ Liyel nê-á minne yiyĩn pólle n kõ, ànê Yesu Krista nê-á yĩn Põse Pilatì yah sòkõ à Liyel yõ sěno welõ tõ sah wěki, pépi yí yah sòkõ ye mé kéle n yo á tyí ne, ¹⁴ tyi nónó-á kõ sah ñ kõ, á sé wãlle n kõ. A ne n me pilkí-ñsah kěne ànê wényo-ñsah kěne á tyí fókù kù põ nõ ápi Tẽ ñgbẽ Yesu Krista syínõnõ tyí. ¹⁵ Liyel nukúnì nê-á tyi pól tyí tẽpnè-òle, pèpõri-á n wil ñmõ nê tyí, ñmõ nê-á yõtãmnõ Yõtẽne, ànê tãmnõ Tẽ NGBÈNE ñmõ ye kù Krista kõ à kù ñ syi põ à yĩne ké gbí yáhnõkõnsàhnóle. ¹⁶ Ñmõ ó ye à náh ku n yah n pi. A me déntěnole kyòò yó sòkõ nê-á ney náh fẽ n nõ n de n pi kéle. Ney yí náh tẽ yah ké yõ, ànê ney yí náh n tẽ n yah n pi ñ yõ sòkõ. Gbílkinó ànê tãhkì ne n sah ñ mõ yõ gbíme gbí. Amiina!

Vinnõnõ nê-á yĩne tahbi kõnóle

¹⁷ Kè yo kèkõyó mè tahbi tyí ne pé káh pé gblõyne n gbilki, pé káh pé gbõ sah tahrì yõ nê-á kù n tye n pi. Nte pé pé gbõ sah Liyel yõ, ñmõ nê-á yiyĩnì pólle ápile n kõ náhnáh nê-á kù á kõ á kù me ñvìnì sòkõ. ¹⁸ Yo pé tyí ne pé tyípèplõle n pi, pé ye pé tahrì pi tyípèplõ pínóle. Pé pi fòkòpèpõri névyele nónó-á kù fẽ syi n yí n kõ. ¹⁹ Képah sòkõ, pé kù tahrì pèpey yah sah pé gblõy tyí rísò yĩnne nê-á kè náh n yuki. Sõnko pé põ min kègbì we.

Vinnõnõ téyne

²⁰ N dí Timote, tyi nónó-á áwõ gbõ dahbi, sé těno ple. Káh ne n de yékâb wân pínó sòkõ nónó náh me n yuku Liyel yõ sěno wěkì yõ, ànê káh névye welõ níne n tẽ nónó-á pé gblõy pi tyi kàhnepule. ²¹ Névye tókù ye pé gblõy pi kéne yípì mè dukù névyele, té Liyel yõ sěno wěkì milki.

Mé kéle n yah n kõ ne, Liyel ñ pèpõri pi yé tyí.

2

Pole ne Timote n̄ tah sah

¹ Áwɔ tẽ wɔle n̄ pídí Timote, yôbènɔɾɪ nê-á ápi we á wró kwrónmɔɔ gbô yô Yesu Kristale, képah yĩnne, á tah n sah yíí. ² Wáh n̄ kwónó nê noh névye náhnáh yí yah, kyɪ négblo kwɔ kéle, nónó tɔ-á kɪ t̄õ fẽ túkù kwɔ kéle. ³ Kwónó nê-á yĩne ále, kè fẽ n syi Yesu Krista sràsyi yèsyìkì tyí k̄õle. ⁴ Névi-à fyò de sràsyiyá sɔkɔ té me ké tyí ne pé pé yõtẽ ñìvìnine n pɪ, á ñ vyāh de kèkōyō tyi téló sɔkɔ. ⁵ Wẽ kálnó tóló tó-ò tɔ náh t̄õrí yókúríle n we n pne né à náh to ké wẽkì yō. ⁶ Sètō nê-á t̄õ swāhle à kwlo, ñmɔ ñgbò ye yĩne ké sémukɔ wénóle ⁷ Sō n yah n̄ welo yō, Tẽ ñgbẽ kɪ sé pól syíkí-ńsahle ñ wẽkɪ.

⁸ Káh á dyɔ fwɔ Yesu Krista tyíle, ñmɔ nê lékó-á yiki mɔ. Davidi náh ney ye ñne. Davidi náh ney ye ñne.

Sẽ ye kéle yónóle Ñìvìnì tir sɔkɔ, képah nê-á mé me n yo n k̄õ. ⁹ Kéne Ñìvìnì tir yĩn ye kwónóle n̄ yō sɔkɔ, ànê kārnnne mónóle n̄ tyí á kɪ ne pèkè pí-ò s̄õ ñne. Nte kārñ náh se yó me mɔ Liyel wey tẽ wɔ tyí té. ¹⁰ Képah ye, mé me tyi pólle n sro névye yĩnne Liyel-á nónó yah tɔkɔ, s̄õnko pé to pwáhnmɔɔ we Yesu Krista gbô yō, pé mó gbilkínó we nê-á kè náh n tye.

¹¹ Gbɪ wey yó we yò:

Áyáh kɪ me ku Yesu Kristale wẽ tyí, á kɪ me min tɔ sɔkɔ ñne wẽ tyí. ¹² Áyáh kɪ á tah sah wẽ tyí ñne,

á kɪ t̄õrí pɪ ñne wẽ tyí.

Áyáh kɪ à yahle,

ñ tɔ kɪ á yahle.

¹³ Áyáh kɪ s̄õ pí-ńk̄ẽne négblole,

ñmɔ tẽ wɔ kɪ tẽ négbíle,

à náh fẽ ñ syi n kur n pɪ.

Kwónó kètúkù fwónóle

¹⁴ Névye dyɔ to n k̄õ n mɔ kéne tyile, ñ té ké gbáhdýāh di pé tyí Liyel yah sɔkɔ ne, pé káh yékāb wānne n pɪ. Sè náh tir yóle n pekɪ. Nónó-á me séle n nohni, sè n pyẽ pépi mɔ n pu. ¹⁵ Á tah n sah Liyel yí k̄õ kè yuku ále. Pɪ t̄õnpule, nê-á gbɪ welole n yo ké yah yō, té sen náh n pɪ ñ tyí à yuku ñ t̄õ tyí t̄inne. ¹⁶ káh yáhwānne n yāh nónó-á sè náh me yuku Liyel yō s̄ẽnó tyí t̄inne. Nónó-à kéle n pɪ, pé wró n ne n gbah n gbɛ Liyelle. ¹⁷ Pé yáhwān yíkínóle n pɪ á kɪ ne nówũ-á ńk̄ẽne wille n yō s̄õ. Yimene ànê Filetɪ tɔ me kéne s̄ẽnkɔ névye sɔkɔ. ¹⁸ Pépi gbɪ wẽkì f̄in mɔ té me n yo n ne lékyî-á yilki mɔ sɔkɔ tɔ. Sẽ ye pé pɪ té névye náhnáh Liyel yō s̄ẽnó yɪkɪ.

¹⁹ Nte sépino pól sɔkɔ, Liyel-á sètýah nê wilki, képah tẽ wɔ me. Welo nónó-á me wārkínóle ké tyí yō, sè we yò:

«Nónó-á me Tẽ ñgbẽ tyí yō, à péle n pne.»

Ànê t̄õ: «Nónó pól-á Tẽ ñgbẽne n ye n gbo, pé yĩne pé tyítúkùnì we n ye.»

²⁰ Wòkò ñgbẽ sɔkɔ, s̄ān vyó ànê wārn vyó ó kókó náh me dé; sésár tyíno me, puri tyíno tɔ me. Túkù me yí t̄āhnì mɔ yĩnne, túkù mó me ñyān yí mɔ yĩnne.

²¹ Tyi nónó tyí-á mé yo, Névi nê-à sè we ye té pɪ yályál Liyel yah, tẽ kɪ me wilkinsàhnóle tyítāhnì pɪ yĩnne. Ñ yétō kɪ me yõtẽ dí tyí tyípéplɔ pɪ yĩnne.

22 Kètɛ̃npìkìnì dékè tyi we n ye. Tyi nónó-á á yĩne n yah n kɔ̃, sè we yò: Gbɪ wě̀kì kólólè, Liyel yò sě̀nó, tyínɔ̀nɔ̀lè, ànê yè̀vɪnɪnɛ. Yé sépi pólle n pɪ ànê névyelè nónó-á me Tě̀ ògbě̀ne n ye n gbo fòkò pépérle. 23 Yékâb wân pínó we n ye. Á pĩ ne sépi-á n pɔ̀ n pɔ̀ málle dò. 24 Ngbǒ Tě̀ ògbě̀ tǒnɪ náh yĩne mékì pínólè dé. À pyě̀ yĩne à ne n me népír névile no pól tyí, à mó ne n me névyè kwónó yah we, té pàh ò tyíle n yo, à tẽ̀ we kè sómnó. 25 À yĩne à ò wey kǒlìpule n tẽ̀ mármár à vɪnɔ̀nɔ̀lè péle n kɔ̃. Nê pĩ, ténkàh Liyel kɪ ye pè kɔ̃ pè kɪ pé sǒnɔ̀ we vi mɔ̀ kɪ gbɪ we pĩ té. 26 Képah-à pɪ, pé yah kɪ pɪ kyòò pè kɪ we de sétàn yòtẽ̀ vyóy sòkò, nê sòkò-á sǒ à pè mɔ̀ tẽ̀ sah pè kɔ̃ pè ò dyò yĩne n pɪ.

3

Kèkǒyǒ tyénó tyile

1 Timote, á yĩne ò kè pĩ ne kèkǒyǒ tyè gbĩne, tyah táhnónó-á kɪ n we. 2 Névyè kɪ pɪ gblǒy yò yíkípule, pò kódíbìle, wèngbìl wékípule, gblǒy gbílkípule, Liyel tyí yóndepule, dúbípú tyí yáhlepule, pèpɔ̀rɪ pĩ-ńkě̀ névyelè, Liyel tyi mónkǒ-ńkě̀pule, 3 kùkùtǎhkì névyelè, népíkòbule, névyè yĩn yíkípule, gblǒy tẽ̀-ńkě̀ névyelè, nékókè mópule, pèpɛy fwópule, 4 wě̀ náh vìpule, fòkònyǎhni névyelè, gblǒy yǒnsàhpule. Pé dyò yĩ tyi tyí kɪ nɔ̀ kal pé tyí Liyelle. 5 Pè kɪ pɪ yĩ yah Liyel yah tíkì pípule, òtè kègbɪ yò, pè náh Liyel yah tíkì pínó tǎhkì fě̀ n syi n pɪ. Káh ne n pɪ n soh sě̀nkno névyelè. 6 Pé túkù n ne n de n kɔ̃ gbèn sòkò ò syó túkùle n vi n tẽ̀, nónó lékám-á tuke. Kéne syó me tyípèl ó pé tǒó. Tyi duke pól dékè n ne n me pé sòkò. 7 Pè me sǎhnó sòkò kǔmm, òtè pè náh me fě̀ gbule n pne pólle. 8 Nsyānesɪ ànê Nsyābresɪ-á Moyisi kǒlɪ sǒ, sě̀ ye pépi tɔ̀ me n kǒlɪ gbule. Pé sǒnɔ̀ náh me palle. Liyel yò sě̀nó náh yuku yahle. 9 Ntè pè náh n yuku n pɪ yahle. Yé náh we di, no pól kɪ pé nǛwǒré we kwèyy sǒ-á Nsyānesɪ ànê Nsyābresɪ tyí pɪ.

10 Ntè áwɔ̀ Timote tẽ̀ wɔ̀ ye òmɔ̀ sèfiki mɔ̀ tyi tyi pól sòkò: Máh kwónó nê pɪ á kè fě̀ syi, té me ní pɪ dùkùle n yah n pɪ. Á ní sǒnɔ̀le n pne, ànê ní Liyel yò sě̀nó dùkùle, ànê ní tyi srónó dùkùle, ànê tyínɔ̀nɔ̀ nê-á me ní sòkò, à tahlɪ máh me gbah tẽ̀ dùkù nêne. 11 Pǎh ní fǒh dùkù nêne á kéle n pne, à tahlɪ máh yè̀vyǎhrɪ nónó pɪ Antyɔ̀syɪ, ànê Yikonyumi, ànê Lisitir sòkò. Fǒhnó nê dùkù tẽ̀ me mé náh kè we yah? Ntè Tě̀ ògbě̀ ní pwah mɔ̀ sépi pól sòkò. 12 Gbɪ yò, nónó pól-á sě̀ Yesu yò, té me ké tyí ne pé pé minne n pɪ Liyel yah tíkì pínó sòkò, pé kɪ fǒhnó we. 13 Ntè népèl ànê névyè pílkipú tẽ̀ wɔ̀ kɪ yò sòkò pèkè pínólè kɪ névyè túkù pilki, té kɪ pé gblǒy òtẽ̀ tɔ̀ pilki. 14 Ntè áwɔ̀ tẽ̀ wɔ̀-á kwónó nê we té kè fě̀ syi ne gbɪ-á kéle, kè tẽ̀ yĩn palle. Wáh kwónó mè we nê tyí, á òne n pne ó. 15 Á wě̀npir gbí dùkùle á Liyel weyne n pne. Kè kɪ fě̀ á lékám yikɪ mɔ̀ ò kɔ̃ á kɪ pwáhnɔ̀nɔ̀ we Yesu Krista yò sě̀nó gbǒ yò. 16 Liyel wey pól wǎrkɪ Liyel tǎhkì gbǒ yò. Kè wǎrkɪ névyè kwò yĩnne, ànê mìnì gbèl kye yĩnne, ànê pílkipú-ńtàn tǒ yĩnne, ànê névi mɔ̀ yĩnne gbɪ wě̀kì kóló sòkò, 17 sǒnko, Liyel tyí névi pɪ négbìle tǎn pèplò pól fě̀ n pɪ yĩnne.

4

1 Yesu Krista nê-á kɪ pɔ̀ vye ànê kyí tuke n pɪ, mé kéle n gbah n yah n kɔ̃ á tyí Liyel ànê òmɔ̀ yĩ yah, à tahlɪ ò syínɔ̀nɔ̀ ànê ò tǒrí yĩn yò ne, 2 á Liyel weyne ne n yo. Káh sǒ yè̀vyǎhrɪ gbí sòkò ò; káh sǒ yè̀vɪnɪ gbí sòkò ò;

kéle ne n gbah n yo. Névi nê-à pu pi, wẹki tẽ yõ, vìnmonole tẽ kõ, tẽ tọko yárr n kwónóle à kõ. ³ Gbĩ yó me n pi, túkù náh tõ kwónó yèsyìkì fě n syi n pi. Tyi nónó dékè-á n ko péle, pè ki kwópú kwĩnki yísyó yah nónó-á ki pọ sépi tyíle n we n yo pé tyí nónó nóhnó-á me nọ. ⁴ Pè ki pé ní tah tũ yahle gbi nóhnóle, té ki sèmìrn wọle n nohni. ⁵ Nte áwọ tẽ wọ á gblõy tẽ palle tyi tyi pól sọko. Kwónó sro, n té á gblõy kõ yĩ Nìvìnì tir yónó sọko. Pì Liyel tònpi pèpeyne.

⁶ Nmo tẽ wọ pi gbĩ nọ te sárkále. Kèkõyõ fin mọ gbĩ nọ ní tyí. ⁷ Mé mékì pèpey fwo à yuku Liyel yõ sě́nó tyí tĩnne. Tóló nê sọko-á sò nne, kè tye. Mé náh Liyel yõ sě́nó yal mọ. ⁸ Nte núkúnúkú, tẽnwenọ yõre wénó ye mé me syiki tẽ, nê-á négló yõtõrí yókúrile. Tẽ ngebě nê-á tukey tükè-ò pèpeyne, nmo ye ki ní kõ n pi kéle. Té à náh n yĩn n pi nmo ó tyí dé, nónó tọ-á me n pónó syiki tẽ nìvìnì sọko, à ki pépi tọ pól kõ kéle.

Pole me vìnmonọ téyne Timotele n kõ

⁹ Gbah n tẽ n pọ ní tĩnne súú. ¹⁰ Yé náh we di, kwey gbĩ tyi me yah syi Demasi tyí à kõ à me n náh vi ní kõ. À me sọko Tesaloniki kwil sọko. Kresā mó sọko Kalasi mara sọko, té Tite wọ me sọko Dalmati mara sọko. ¹¹ Likyi ó ye me ní tnô. Marki tẽ yè pọ wě tyí nne. N yétô me gblò ní tyí tō mē sọko. ¹² Mé Tisyiki tekì mọ Yefesi kwil sọko. ¹³ Wáh ki n pi, ní fwòmò-ngebě tọko n pọ ní kõ nê-á mé sah Karpusi tyí Turasi kwil sọko. N sébéynó tọ tọko n pọ n kõ, n té n pọ sé sêl tyínọ tọle, sépi nónó tyí-á tah kal ní tyí.

¹⁴ Kètõndí Alekisādre népékè kah pi nne. Tẽ ngebě ki à dyah n pi n tyípínìne. ¹⁵ À ápi welo kòli kah mọ. Képah ye, á tọ á gblõyne n tẽ nne.

¹⁶ Páh ní tuke sò nēne gbenne, no pól pé náh vi ní kõ. Nnì yó nte náh yo tẽ mọ nne. Mé kéle n yah n kõ Liyel tyí ne à káh kè pi tirlé pé tyí. ¹⁷ Nte Tẽ ngebě wọ so mọ ní tyí. À tǎhkìle n kõ mé fě n wey yo yĩ, té nónó náh pi Nsyifunole, pé pól kè we noh. À ní pwah mọ kyěkingbèki tyí. ¹⁸ Tẽ ngebě ki tõ ní yõ wilki n pi pèl duke duke pól sọko. Té ki ní pwah mọ ní kõ mé ki we de n tõrí sọko. Gbilkínó ne n sah nmo yõ gbimegbí. Amiina!

Wey tyé-nsahle

¹⁹ Wẹki Prisili ànê Akilasi tyí ní kõ, ànê Wonesiforu nolé. ²⁰ Yerasiti wũ Korēnti kwil sọko. Mé Torofimi wọ sah Miletì kwil sọko. À sò me n yo képah ye.

²¹ Gbah n tẽ n pọ kwònrì gbĩ nó-ńkē sọko. Yebulusi, ànê Pudēsì, ànê Linusi, ànê Klodya, ànê á yũnpyé téló pól n wẹki á tyí.

²² Mé kéle n yah n kõ Tẽ ngebě tyí ne à ne n me áwọle, à mó yòbènrìle ne n pi yé pól tyí.

Pole sébéy tékínmonole Titi tyí

Wey kǎnóle

¹ Nmo Pole nê-á Liyel tǎnpi ànê Yesu Krista tǎntò névile, Liyel ní tǎ ne mé péwǎ névye yáhntǎkǎnǎ yohni mǎ pè kǎ pè sǎ Yesu yǎ. A ní yah tǎkǎ ne mé gbǐ wǎkǐle pè wǎkǐ pè kǎ pè pé minne n pi Liyel yǎ sǎnó wǎkǐ yǎ, ² pé gbǎ sǎhnyǎnǎ mó ne me tyé-ńkǎ min wénó tyí yǎ. Liyel nê-á à nǎh mǎnǎne n yo, ñmǎ ñ vyǎhle pè kǎ kéné tyé-ńkǎ min tyí sǎkǎ kǎkǎyǎ mó-ńkǎ gbǐ òkǎle. ³ Té wǎh ñ vyǎh kǎ nê tyí sǎkǎ, ké wǎkǐ gbǐ-á pǎ nǎ, à kè wǎkǐ ñ wey gbǎ yǎ, té ní kǎ mé kéle n yo, ñmǎ nê-á á pwáhnmo-òle.

⁴ Titi, áwǎ nê-á ñmǎ píǎ kǎgbǐle ápi Liyel yǎ sǎnó sǎkǎ, áwǎ tyí ye mé n tekǐ n mǎ sébéy mǎne. Mé kéle n yah n kǎ ápi Sú Liyel ànê ápi pwáhnmo-ò Yesu Krista tyí ne, pè yǎbǎnǎnǎ ànê yǎvǎnǎne ñ kǎ.

Tǎ nê-á dahbi Titi gbǎ

⁵ Mé ye ñ sah Kretǐ mara sǎkǎ ne, tyi tǎlǎ nǎnǎ-á wǎ á sè pi n dal n mǎ, á mó yah tǎpǎ yǎsǎyǎ yah n sah n sah n kǎ kwlo kwlo pól Yesu yǎ sǎpǎ tǎnkǎnǎ yǎ sǎkǎ à yǎne mǎh sǎ kè yo sǎ á tyí.

⁶ Kéné yah tǎpǎ pól yǎne pè ne n me wényo-ńsah kǎne pé tyí, ànê pé ne n me sǎ nǎkǎ nǎkǎ nǎtǎmne. Pé wǎnpi mó ne n me Yesu yǎ sǎpǎle, pè kǎh pí-ńkǎ tyile n pi, pè kǎh pi nǎhni-ńkǎpǎle. ⁷ Yé nǎh we di, Yesu yǎ sǎpǎ tǎnkǎ kyǎmǎ-ò yǎne à ne me wényo-ńsah kǎne ñ tyí, wǎh sǎnpi le pi Yesu yǎ sǎpǎ tǎnkǎ tǎhri kyǎmǎ-òle. A nǎh yǎne à pi wǎngbǐl wǎkǐ-òle, ànê fǎkǎnvyǎhni névile, ànê sǎwǎle, ànê mǎl kǎlǎ-òle. Té kǎh ne yah n kǎ pí-ńsahle kwǎh nǎtǎne yǎnvi sǎkǎ. ⁸ A yǎne à nǎpǎnne n tǎ ple, pǎpǎy píno tyí mó nǎ ñ tyí. A yǎne à pi yǎ pí-òle, ànê négbǐle, à mó ne me yǎlyál Liyel yah, ànê gblǎy tǎnpi-òle. ⁹ Wǎle nǎnǎ-á yǎne sǎnǎle sé yǎ, à yǎne à sè koh n tǎ n yǎn à yǎne kwǎnǎ nê-á à we. Kǎpah sǎkǎ, à kǐ tǎ we Liyel weyne névyele n vi n mǎ, té kǐ wényo-ńsah tyé ñ kǎlǎpu tyí.

Liyel yǎn yǎ mǎnyobele

¹⁰ Yé nǎh we di, névye nǎhnǎh me pi gblǎy tǎkǎnmo-ńkǎpǎle, ànê wǎnfi wǎkǐpǎle, ànê névye pílkǐpǎle. Té pé kan nǎtǎ n we Nsyifunǎ Yesu yǎ sǎpǎ sǎkǎ. ¹¹ Pè me fǎkǎnǎle n dahbi kǎtǎ nǎhnǎh sǎkǎ pé kwǎnǎ tǎkǎnǎne kwǎh we yǎnne yǎnvi sǎkǎ. Kǎpah ye, pé vyǎy yǎne tǎnǎle. ¹² Pé lékǎm névi yǎ lésǎ ne ńkǎ, mǎnyobe, ànê gbǎnkǎpǎle, ànê gbǎndal névye, ànê yǎwǎnpi-á Kretǐ tǎnne. ¹³ Gbǐ ye à yo. Kǎpah ye, wekǐ n yǎ pé yǎ, pè kǎ pè Liyel yǎ sǎnǎ pǎpǎy we. ¹⁴ Pè kǎh pukubi mǎ Nsyifunǎ sǎmǎn ànê névye tyi kǎnsǎhnǎ nǎh, nǎnǎ-á sè nǎh me gbǐ wǎkǐ yǎ. ¹⁵ Tyi pól me yǎlyál névye tyí, nǎnǎ-á me yǎlyál Liyel yah. Nte névye nǎnǎ-á me sílkǎnǎle Liyel yah, té yahle sǎnǎle ñ yǎ, tyi pól me sílkǎnǎle pépi tyí. Yé nǎh we di, pé sǎnǎ ànê pé lékǎm nǎh me pǎlle. ¹⁶ Pé pé gblǎyne n pi Liyel pípǎle. Nte pé tyípǎni kéle n wǎkǐ ne pè nǎh ñne pne. Pè pi nǎtǎkǎni ànê níksǎkǎkǎ pípǎle, pè nǎh tǎ fǎ tyípǎpǎy pi.

2

Kwónó nê-á yĩne Yesu yõ sěpú ònkì kónóle

¹ Nte áwɔ tẽ wɔle, ápi sě́nó-á me nê yõ, kěpahle névyele n kwɔ. ² Yo yèwàhni tyí ne pè pé gblǒyne n tẽ n pne, pè ye yòyén ne n sah pé yõ, pè pi yèsrey névyele, pè ne me sũ yĩ́ Liyel yõ sě́nó sɔkɔ, tyínɔnɔ mó ne n me pé sɔkɔ, pè mó ne me sómnó névyele.

³ Yo syódyi tɔ tyí ne pè ye pé kɔ dukù ne me palle Liyel yah, pè káh névye yĩ́nne n yiki, pè káh pi sèwɔbile, pè névyele n vi n mɔ palle. ⁴ Syó nónó náh wah mɔ, páh yĩ́ne pè pépile n yohni n mɔ pé pebi ànê pé wěnpì tyí kɔ kè nɔ pé tyí. ⁵ Páh yĩ́ne pè pi yèsrey névyele nónó-á me tómm, té me n yah n dah mɔ pé kětlo tyí sɔkɔ. Páh yĩ́ne pè ne n me syógbłóle nónó-á me n sah pé pebi tyí yõ, sɔ́nko Liyel wey tyí káh yo ko.

⁶ Sóré mɔ kětēnpì tɔ sɔkɔ pè pi yèsrey névyele ⁷ tyi pól sɔkɔ. Áwɔ tẽ wɔ mó pi dukù pèpeyne péle n wěki á tyípéplɔ pínó sɔkɔ, ò té á fɔkɔ dal mɔ péle n kwɔ yèsyikìle. ⁸ Ye á wɛlɔ ne n me gblɔ ó sé tɔ́, wényo-ńsah kě́ne. Kěpah sɔkɔ, á sěpébi náh wényo-ńsah we n pi ápi tyí. Kè ki pi senne pé pól tyí.

⁹ Yo yõbi tyí ne pè ne n sah pé yõtām tyí yõ tyi tyi pól sɔkɔ, pè pi négbłóle pé tyí, pè káh pé yõtāmne n kɔ́li, ¹⁰ pè káh kwáh yó n tẽ yĩ́ n tɔkɔ pé tyí. Pè pé Liyel yõ sě́nó pèpeyne n wěki gbímegbí, sɔ́nko á pwáhnɔ-ò Liyel-á kwónó nêne n kɔ́, gbílkinó ne n sah ké yõ.

¹¹ Yé náh we di, Liyel ye ò yòbènrɔ wěki kěpah nê gbò yõ-á névye pól pwáhnɔnɔle n we. ¹² Kè ále n kwɔ ne á Liyel yah tíkile n pi, ànê á káh á yĩ́ne n wil kěkoyó yĩ́ tyí. Káh pi sě́, kwey gbĩ mè sɔkɔ á ki tẽ we á minne n pi gblǒy tě́nó sɔkɔ, ànê gbi wěkì yõ, ànê Liyel yah tiki pínó sɔkɔ. ¹³ Sě́ ye á yĩ́ne à nìvìnì wénó mè syiki tẽ, á gbò sàhnó-á me nê yõ, à tahlì gbìyìkì tyí, sò ye ápi Tě́ ngbě́ Liyel nê-á pwáhnɔ-ò Yesu Kristale, ò tǔrì ki n wilki n mɔ n pi. ¹⁴ A ò gblǒy kɔ́ ápi yĩ́nne à á yõ we dwe wilki tyípèl pól sɔkɔ. A me ké tyí ne pé á pi yályál pé yah, á mó ne me pé tyí yõ, á mó gbah tẽ tyípéplɔ pínó sɔkɔ.

¹⁵ Sě́ ye á yĩ́ne ò ne n wěki yòtǔrì sɔkɔ, ò sóréle n mɔ pé sɔkɔ, ò té ne n wěki pé yõ. Káh n ye ònì yó n tẽ ále n yilɔ.

3

Kɔ dukù pépeyne Liyel wěkì yõ

¹ Névye pól dyɔ to n kɔ́ ne páh yĩ́ne pè pé gblǒyne n tiki n mɔ kwil yah tām ànê yõtām yah sɔkɔ. Páh yĩ́ne pè ne n sah pé tyí yõ, pè mó pé gblǒy vi sah tyípéplɔ duke pól pi pi tě́ne. ² Pè káh wèntùkùnìne n wěki ònì yó n tẽ tyí, pè káh málle n kɔ́li. Pè pi négbłóle, pè mó névye pólle ne n tẽ mármár. ³ Yé náh we di, ngbòle, lékám kě́ ànê kélékě́ névye ye lésò ápi tɔle. A sò me mónpunɔle, me á dyɔ dyɔ tyi ànê á nìvìnì tyi yõrɔ sɔkɔ. A sò me á minne n pi pèkè pínó ànê dékè tyi pínó sɔkɔ. A sò me á dékè wilki névye sɔkɔ, té me wě́ dyɔle n yo. ⁴ Nte gbĩ nê-á á pwáhnɔ-ò Liyel ò pèpɔrɔ ànê ò tyínɔnɔle névye wěki, ⁵ à á pwah mɔ. Té kè náh pi ne á tyípéplɔ pínó yĩ́n sò dé, á yām ye à yah. A ye á pwah mɔ, té min sǎ́nne á kɔ́ à á nno wu pi yályál Liyel Mirki gbò yõ. ⁶ A syõ á pwáhnɔ-ò Yesu Krista tyí à Mirki

mè tiki mo á yõ náhnáh, ⁷ sǎnko á pín̄tɛnɔ náh négbólɛ n̄ pèpɔri gbõ yõ, à tyé-ńkē min we képah nê-á á me n deki.

⁸ Wey mènɛ, gbi ye kéle. Mé me ké tyí ne á kè gbah yo pé tyí, sǎnko nónó-á sē Liyel yõ, pè gbah tē tyípéplɔle n pi. Sépi ye ple, té sé yõre mó tō me no pól tyí. ⁹ Nte káh yõ kē yékâble n pi, ànê káh yékâble n pi névyɛ duku wíl-nsah tyí sɔkɔ. Káh málle n pi, ànê káh yékâble n pi névyɛle Moyisi tyi kònsàhnó tyí yõ. Yõre kē ànê yékâkwè ye séle. ¹⁰ Névi nê-à névyɛle n gbeki, ké gbáhdýáh di tē tyí kè nɔ ke nínóle, wáh ké nòh-ńkēne, à gbe n milki. ¹¹ Á pĩ ne kéne névi dùkù-á wēkì pèpey fin mo, wáh me tyípèlle n pi à pèkèle n yori n mo n̄ gblõy yõ.

Pole-á v̄inmɔnɔ téy ànê wey nêne Titi kō

¹² Máh ki fyò Artemasi, képah náh pi Tisyiki tekɔ mo á tyí, gbah n tē n pɔ n wil ní tyí Nikopolisi kwil sɔkɔ. Mé kè yah tɔkɔ ne máh ki kwòviri gbí pi nénpó. ¹³ Nsyenasɔ nê-á Liyel ngbò wēkì kwó-òle, yah n dah n mo ñmo ànê Apolosi kóló tyí sɔkɔ. Káh n ye kwáh yó ńtē pè tekɔ. ¹⁴ Ápi no tɔ yĩne pè pé gblõy kō n yĩ tyípéplɔ pínó sɔkɔ, sǎnko tyi nónó tyí-á me tah, pè tē n we sépi yahle n wah. Pè káh pi tē yõre kē névyɛle.

¹⁵ Névyɛ nónó pól-á me ànê ńmɔle, pè n weki á tyí. Nónó-á ápi kódíbile Yesu yõ sēnó sɔkɔ, weki pé tyí.

Mé kéle n yah n kō Liyel tyí ne à yòbènɔrɛle n pi yé pól tyí.

Pole Sébéy tékínmonole Filemo tyí

Wey kǎnóle

¹ Nmo Pole nê-á wòkònpèkè soko Yesu Krista tò yinne, nmo ànê á yǔnpi Timote ye n tekɪ n mo sébéy mène áwɔ Filemo tyí, nê-á ápi nénóníne ànê á tò pi mune. ² Á kéle n tekɪ n mo tole ápi dósê Apiya tyí, à tahlɪ Arsyipi tyí ñmo nê-á á mékì fwo mune, ànê Liyel yò sǎpú tǔnkì tyí pépi nónó-á wǎne n tuke n mo n pɔ áwɔ Filemo wòkò soko. ³ Mé kéle n yah n kǎ ápi Sú Liyel ànê Tě ñgbě Yesu Krista tyí ne, pè yòbènɔri ànê yèvinine yé kǎ.

Liyel yò sǎnó ànê tyínɔɔ nê-á me Filemo soko

⁴ Gbímegbí máh Liyelle n ni, mè n wekɪ Liyel tyí á tyí soko, ⁵ máh sǎnpíle me n nohnɪ ne Tě ñgbě Yesu yò sǎnó-á me á soko, ànê ñ yò sǎpú tyí-á me nónóle á tyí. ⁶ Mé kéle n ni Liyel tyí ne ñmo yò sǎnó nê-á ápi kwɔɔ mo pi núkúle, kè ne n yuku yahle. Tyípeplo pól nónó-á á kɪ fě pi Krista yinne, séle névyé wǎkɪ. ⁷ N yǔnpi, tyínɔɔ nê-á me á soko ñ kǎ á Yesu yò sǎpú nnole n de, kè me ñivìnine nmo tyí, té me sǎréle n mo í soko.

Pole me kéle n yah n kǎ Filemo tyí ne à Wonesimi yǎri tye

⁸ Gbɪ ye sǎnsǎ, Krista yò sǎnó gbǒ yò mé kɪ sǒ fě á pi pi tir kǎ sah ñ kǎ, ⁹ ñte tyínɔɔ yinne mé ále n ni, nmo Pole nê-á pi yèwàhle, té me rítǎne wòkònpèkè soko Yesu Krista tò yinne. ¹⁰ Mé ále n ni Wonesimi tyí soko, ñmo nê-á pi í pídíne Yesu yò sǎnó gbǒ yò wòkònpèkè soko. ¹¹ Ngbòle, à náh sǒ me tirlé n pekɪ áwɔ tyí. Nte núkúnúkú, à me tirlé n pekɪ áwɔ ànê nmo tyí. ¹² Mé kɪ í syɪ à tekɪ mo ñ kǎ, ñmo nê-á nmo wil fí yóle. ¹³ Nmo-á me wòkònpèkè soko sǎ ñivìnɪ tir yinne, mé sǒ me ké tyí ne à tǎ í tnô à tòle n pi í tyí áwɔ swɔ. ¹⁴ Nte mé náh me ké tyí ne mé tir yó pi né á náh ké wǎkì kǎ. Mé náh me ké tyí ne mé ñ kyɪ mo á tyípepǎy pi. Mé me ké tyí ne kè pi áwɔ dyɔ dyɔ tǎne.

¹⁵ Gbòkénpi Wonesimi kɪ me gbɛ mo ále wró kwéy yó ó soko, sǎnko ñ pɔ à we kúmm yò soko. ¹⁶ Yé náh we di, yǒ ó náh ñne núkúnúkú dé, à fǒnfǒ yǒ yǒ. Á pól yǔnpi ye ñne, nê tyí-á no yǐí á tyí. N tyí no yǐí nmo tyí, ñte ñ tyí ké no kal áwɔ tyí, wǎh sǎnpíle pi áwɔ yǒle té tǎ pi Yesu yò sǎ-òle.

¹⁷ Képah ye, wáh kɪ me pǐ ne á yǔnpi-á ñne, à tǎ ple nmo sǎ á tǎ. ¹⁸ Wáh kɪ me tyítúkú yó pi, képah náh pi á kǎl-à kɪ me ñ yǒ, mé kɪ yǐn sé yǐnnóle. ¹⁹ Nmo Pole ye n wǎrkɪ welɔ nópíle í gbǒle ne máh kɪ kǎlɪ mè dyah. Té á dyɔ náh mé n to n kǎ ne wáh yǐne á á minne í dyah. ²⁰ Képah ye í yǔnpi, mé kéle n yah n kǎ á tyí ne á tir mè pi í tyí Tě ñgbě yǐn yǒ. N ni de á wró kwrónmonɔ gbǒ yǒ Kristale.

²¹ N sǎnó me ké yǒ ne négbí-á ále. Képah ye, máh tyi nónónne n wǎrkɪ n tekɪ n mo á tyí yò, mé pǐ ne wáh kɪ sè pi í yóré yǒ, kɪ kah mo rítǎne.

²² Mé kè pǐ tole ne yé nírí gbǒ yǒ pǎh kɪ ñne yé kǎ. Képah ye, mé kéle n yah n kǎ á tyí ne á sǎ-ńsah yah n sah n kǎ rítǎne.

Wey tyé-ńsahle

²³ Yēpafrası n wēkı á tyí, ñmō nê-á me íne wòkònpèkè sòkò Yesu Krista yínnε. ²⁴ Markı ànê Arisitarkı, ànê Deması, ànê Likyi n wēkı á tyí, pépi nóno-á ñmō tò pı mûne. ²⁵ Mé kéle n yah n kō Tě ñgbě Yesu Krista tyí ne, à yòbènrıle ne n pı yé tyí.

Nsyaku-á sébéy nê wārki teki mo Liyel nípú tyí

N yúnpyé, yépi nónó-á sébéy mē kàrpule.

Nsyaku lésō sébéy mē wārki teki mo Liyel nípú tyí nónó-á sò me kwlo náhnáh soko. Pè sò me sē Liyel yō, nte, kwlonó sò me péle n yini n tē, ànê sétō sò me péle n fwo. Képah ye Nsyaku sébéy mē teki mo pé tyí, à sóré mo pé soko ne, pé gbah n tē Liyel yō sēnó soko. A sò me péle n vi n mo tyi náhnáh soko, ne pé tyíplolē n pi. Liyel nípú tókù sò me n yo ne páh sē Liyel yō, té pé tyípinì náh mó tō me plē. Képah ye Nsyaku kō à kè gbah yo pé tyí ne nkē, névi nê-à ne páh sē Liyel yō, té n tyípinì náh me plē, yō kē-á tē Liyel yō sēnolé.

Liyel yé yah tē ké karnó soko!

Wey kōnolé

¹ Nmo Nsyaku nê-á Liyel, ànê Tē ngbē Yesu Krista tōnpule, mé sébéy mēne n teki n mo, à n weki Liyel nípú pól tyí, nónó-á me kárkínkōnolé kékōyó soko.

Mónyahno dōhninolé n pi Liyel yō sēnó yō

² N yúnpyé, mónyahno-à sō pi yèvyāhrì dukù nê dukùle yé tyí, yé ye kè pi nivì ngbēne yé tyí. ³ Yé pī ne, yé Liyel yō sēnó-á tē we mónyahno tyí, képah soko-á yé ki pi tēpnèpule. ⁴ Nte, yé ye yé tēpnèné mē ké tō pi kyì syì ké yin tyí, yé kō yè gbèkè yī, pèkè káh tō we yé soko, ànê kwāh yó ntē káh yé teki. ⁵ Nte, yípi-à yé soko ney yó teki, tē kè ni Liyel tyí, à ki kè yī tē kō. Nmo ye n yī no pólle n kō fòkòpènorì soko, pé yah yó-nkēne. Képah ye, tē kè ni nmo tyí. ⁶ Tē tē yīne à kè ni Liyel yō sēnó soko tòtò kēne. Yah, névi nê-à tòtòle n pi, tē me á ki ne yónkwil sō, yáhkí n tōko n mo n kō yey yey pólle. ⁷ Sēnkō névi káh ne n sō ne, páh ki kwāh yó ntē we n pi Tē ngbē Liyel tyí. ⁸ Névi dukù yó ye tēne, nê lékám náh me tēnolé fí nukú, ànê à me tòtò soko n tyípinó pól soko.

Yām ànê tahrile

⁹ N yúnpyé nónó-á me yām soko, Liyel ki pō pé doko n mo n pi: Képah ye, pé ké nivile ne n pi. ¹⁰ Tē tahbi ki tye n soko n pi filfi tyí kōle. Képah ye, pé tō pé tíkínmōno nivile ne n pi. ¹¹ Sō-á gbì-à gbo, té vyāh filfi tē, sè n kōko, n du n kwe. Plé-nsah náh tō n we sé tyí. Sē ó ye, tahbi tō ki yah n kwlo n pi pé tyípinó nyó.

Mónyahno ànê tōnmōnole

¹² Yèvinì me névi tyí, nê-á nne n tah n sah mónyahno soko. Mónyahno sókónteno náh, tē ki tēnweno tōrí yókúrí we, nê-á tyé-nkē minne. Kéne tyé-nkē min tyí ye Liyel n vyāhle névye kō sah, n tyí-á no nónó tyí.

¹³ Yé pī, ney náh fē Liyel tō mo à tyípèkè pi n pi, ànê nmo tō náh mó tō nni yó ntēne n tō n mo n dah n mo tyípèkè soko. Képah ye, tōnmōno-à nē yini tē, tē káh ne, Liyel-á n tō n mo péle. ¹⁴ Nte, nê-á nkēne nénúkù nukú pólle n yorì n dah n mo tyípèkè soko, pé sōno tókúni dékè tyi ye. ¹⁵ Wāh ye

sõno tókunì nòpi kò sè tè we á tyí, sè n po tyípékè. Tyípékè-à mó gbèkè yí, kè n po kùne. ¹⁶ N yúnpyé, yé tyí no ní tyí. Yé káh yé gblöy pilki dé! ¹⁷ Ngbõ, yínkõno yi táhni pèplo pól n wil yínyõ. Liyel ye n kò ále séle, ñmo nê-á mo yínyõ kyòole. N dùkù náh n vi n mo, fěntú tyah náh me ñ soko. ¹⁸ Nte, Liyel sò me ké tyí ne, pé á sah ñ yi mónóno pól yah ùnne. Képah ye, à min sánne á kò ñ wey gbi gbò yõ.

Liyel wey nóhnò ànê ké wěkì kólólé

¹⁹⁻²⁰ N yúnpyé, yé tyí no ní tyí. Yé pĩ ne ñkě, névi foko-à vyāh, ñ tyípinì náh Liyel nule n vi. Képah ye, yé nénúkù núkú pól yĩne yè yé níne n kwo nohni súú, té yé káh ne n sal n weki sónyah-ñkěne, ànê yé foko káh ne n kwāh n vyāh.

²¹ Kàh pi sě, yé tyítúkùnì ànê népékè pínó duke duke pól yal n mo pnépné. Yé mó Liyel wey fě n syi gblöy tíkínmono soko, wāh nê dah mo yé nno soko. Képah ye ki fě yé pwah mo. ²² Yé káh yé gblöy tō mo n pi Liyel wey nóhpú óle, ñte, yé ne n ko ké wěkì yõ. ²³ Yah, nê-à kéle n nohni óle, té à náh me n ko ké wěkì yõ, tè me á ki ne ñnì yó sò, nê-á me ñ yèpòle n yah dwòlí soko sò-á kéle. ²⁴ Wāh fyò ñ gblöy yah te, té yal ké tnô, nénpó swo, ñ dyo n fwo ñ yèpo dùkùle. ²⁵ Nte, Liyel tyi kònsàhnó me túnóle, sè ki fě névyé sah pé gblöy yõ. Névi nê-à sépi tè palle, sé soko tyi nóhnmilki-ñkěne, té ñ tyile n pi sáh yo sò, tè wo ki yèvinu we ñ tyípinó pól soko. ²⁶ Nkě, nê-à me n sò ne, Liyel wěkì kó-ò-á péle, té à náh me n kyomì n weki, tè me ñ gblöyne n pilki. N Liyel wěkì ko dùkù me nònóle. ²⁷ Nte, Liyel wěkì kóló nê-á syii ñtē kěne ké soko sú Liyel n mo n kò, kè we yò: Á yĩne ñ ñgbye ànê pékúsyole n tè ple pé yèvyāhri soko, ànê káh n ye kèkòyó tyi po ñ silki Liyel yah.

2

Wāhkì pínó náh ple

¹ N yúnpyé, yāh sě tōri Tě ñgbě Yesu Krista yõ, yé náh yĩne yè neyne n wah. ² Sò-á dí yó ki fě po de yé tówù nuyó soko, té ki me sán kengbo táhni dyi, té ki me fwòtāhni mo; té yām ney yó to ki fě po de yé nuyó fwòyalle ñ wil: ³ Yāh fwòpèplo mó-ò dí wo tēnó ple, té yo ñ tyí ne, à po kò tè tè-ñsah pèpey mè soko, té yo yām ney mè wo tyí ne, à yuku yĩn tè, képah náh pi, à kò tè ásò sétáh soko; ⁴ yāh pi sě, wāhkì náh yé n pi wě wró di? Yé náh ñnì yó tōko fónfó pi ñ ní-òle yé fókósõno tókunì gbò yõ di? ⁵ N yúnpyé, yé tyí no ní tyí. Yé yé níki kwò noh. Névyé nónó-á yām tǎnne kèkòyó névyé tè tyí, pépi ye Liyel yah wilki, à pi tahbule Yesu yõ sěno soko. Anê pépi ye tō à ki kò pè ki n de n pi ñ tōri soko, képah nê tyí-á à ñ vyāhle névyé kò, ñ tyí-á no nónó tyí. ⁶ Nte, yépi-à yām tǎnne n yilo, té tahbi wole n gbilki-à; kéne tahbi tè wo náh n fōh yéle, té yéle n tè n tuke n po tukey tükè-ñtǎn soko di? ⁷ Té Krista yĩn pèpey-á yé yõ soko, pépi ye tō képah tyí yónkòpule. ⁸ Nte, Liyel tyi kònsàhnò yó me wǎrkínsàhnóle nê-á gblo kal sé no télóle. Képah n yo ne ñkě: «Ye á ní-ò tyí no á tyí á gblöy tyí kòle»*. Képah wěkì-à ki nê yé n ko, yé me n pi ple. ⁹ Nte, wāhkì tè-à ki nê yé n pi, tyípékè ye kéle. Yé me pílkinóle Liyel tyi kònsàhnó soko, yāh sōnpí yahle kólólé ké

* **2:8** 2.8 - «Ye á ní-ò tyí no á tyí á gblöy tyí kòle»: Yé ki fě kè we Likyi sébéy 10.27, ànê Marki sébéy 12.31, ànê Levitiki sébéy 19.18.

wěkì yõ. 10-11 Yah, Liyel nê-á yo ne: «Káh fòfikì pí», ñmɔ ó ye tõ yo ne: «Káh nékókè mɔ.»† Wáh sɔ́ fòfikì pí-ńkêne, té nékókè mɔ, á ye Liyel tyi kònsàhnó yahle. Képah ye, névi-à sɔ́ Liyel tyi kònsàhnó pól pí, té sé sɔko tyíyóné núkú fyé yahle, tẽ me pílkínóle sé pól sɔko. 12 Liyel tyi kònsàhnó ye sah yéle yé gblóy yõ, té Liyel kí yé tuke n yĩne n pi sépile. Képah ye, yé ye yé wey, ànê yé pídúkù ne me yínénóle Liyel tyi kònsàhnó nópíle. 13 Nkẽ, névi nê-à névyé yãmne n yáh-ńkêne, Liyel to náh tẽ yãm yah n pi tukey tuke sóle. Nte, névi nê-à névyé yãmne n yah, tẽ yõ kí yõ tukey tuke sóle.

Tyípeplo pí-ńkê Liyel yõ sɛ́nóle, yõ se me ké tyí?

14 N yúnpyé, ñnî yó-à ńtyínɔ ne, páh sɛ́ Liyel yõ, té ñ tyípínì náh me kéle n wěkì, yõ se kí we ké tyí? Kéne Liyel yõ sɛ́nó dúkù mɛ se kí fẽ à pwah mɔ? 15 Sɔ́-á, á yúnpí yó tyí flo kí fẽ n kne, ànê à náh me n we n yõ swõswõ pól sɔko: 16 Yõ se me ké tyí, wáh tẽ syah ne, à de lènóle, à mó flole n mo virule n tũ, ànê à ne n yõ n tõ; té á náh se mó tõ à kò ñ yétò yí nópíle? 17 Sɛ́ ó ye, névi nê-à ne, páh sɛ́ Liyel yõ, tir yó ńtẽ pí-ńkêne nê-á ñ Liyel yõ sɛ́nóle n wěkì, tẽ Liyel yõ sɛ́nó me kúntɛ́nóle. 18 Gbòkɛnpi ñnî yó kí fẽ ne, tókù-á me sɛ́ Liyel yõ, tókù mó me tyípeplole n pí. Káh pí sɛ́, tẽ ń wěkì ñ Liyel yõ sɛ́nóle, tyípínì kɛ́ne wé. Nmɔ wɔ kí à wěkì ń Liyel yõ sɛ́nóle ń tyípínì sɔko. 19 Wáh me sɛ́ ké yõ ne Liyelle, núkú-á ñne, kè ple. Té pĩ ne, sétàn to sɛ́nó-á me képah tẽ wɔ yõ dé. Anê, ñ yah tíkí pínó tẽ tyí, sé wil n ne n syah.

20 Lékám se me ñ tekí? Wáh me ké tyí, mé kí fẽ ñ wěkì ne, tyípeplo pí-ńkê Liyel yõ sɛ́nóle, yõ náh me ké tyí: 21 Api náh ney Abrahami-á tyípíkì nê pí, képah nê-á pí ñ pídí Yisakí dókónmɔnóle sárká súkénkõ-ńsah yõ, ne pé à ko Liyel kɔ́, sɔ́-á Liyel yo kéle ñ tyí.‡ Képah sɔko náh Liyel à pí négbíle di? 22 Á náh we di, Abrahami Liyel yõ sɛ́nó ànê ñ tyípínì sò me n ko wẽ tyí. Té, ñ tyípínì gbò yõ, ñ Liyel yõ sɛ́nó pí palle. 23 Képah sɔko ye Liyel wey mɛ pí tũ nê-á yo ne ńkê: «Abrahami sɛ́ yí ñ Tẽ ñgbẽ Liyel yõ, Liyel mó à pí négbíle», té ñne n ye ñ kóđine. 24 Yé kè we kè, névi Liyel yõ sɛ́nó ó náh dé! N tyípínì to gbò yõ ye Liyel à pí négbíle.

25 Sɛ́ ó ye tõ, fòfínpi pí nê-á lésò pé n ye Wrahbule: A lésò fẽ syi Yisrayel tɛ́ntò névyé kɔ́ pé wòbì ñ tyí. Té pé yohni mɔ, à pé mɔ wěkì yó yõ, pé kɔ́ pé to pwah.Š Kéne tyípepɛy gbò yõ ye Liyel ñ to pí négbíle. 26 Sɔ́-á névi min-à wil ñ sɔko, à n ne me kúnóle, sɛ́ ó ye tyípínì to-à n kne, névi Liyel yõ sɛ́nó n ne me kúnóle.

3

Gblóy kyòmìnóle wékínó sɔko

1 N yúnpyé, yé pínó me ké sɔko ne, ápi nónó-á pí névyé kwópúle, áyáh kí n tuke n pi kápékèyô, kí kal no télóle kè. Képah ye, yé nahnáh káh ne n yah n kɔ́ ne, yé pí kwópúle. 2 Yé pĩ ne, á nénúkù núkú pól-á n pilki nahnáh.

† 2:10-11 2.11 - Kònmɔnɔ ànê fòfikìle, sépi to me Liyel tyi kònsàhnó gbãm sɔko, Moyisi-á nónó wárkì sah Yálnó sɛ́béy 20 sɔko. ‡ 2:21 2.21 - Abrahami sɛ́ Liyel yõ, képah ye à Liyel yóré fẽ syi. Káh pí sɛ́, Liyel mó à dyah ké pèporule. Képah n we Yenesi sɛ́béy 15 ànê kí 22 sɔko. Š 2:25 2.25 - Wrahbule, fòfínpi pí ye sò ñne. Té wáh pɔ sɛ́ Liyel yõ, képah ye à kɔ́ à Yisrayel névyé yísý yohni mɔ, pé kɔ́ pé wòbì ñ tyí. N tyí me yónóle Nsyosye sɛ́béy 2 sɔko.

Nte, névi nê-à n pílki-ńkēne n vyāh wey soko, ñmo népépěy syi ké yin tyí. A ki fě tē n wil gběnsē pól to tyí. ³ Sǒ-á áyāh kàrfyē dyi sèsèn vyěy tyí ne, sè ne n nohnı á tyí, sé wil pól to yah ye ńkēne à n ne n tē kéle. ⁴ Képah náh pi, yé krótókè ñgbě tole n yah yo soko kè: Kàh sǒ me gblò sǒ, té yáhkí sǒ me kéle n tu n mo sǒ, sésár pír yó ó ye ké tó-ò n ne n tē ké yahle. Wàh me ké tyí ne, kè syō nýāh soko, kè n syō nénpóle. ⁵ Sě ó ye nénpórı tole, wil tyah yó ye tyĩ ñsǒ, té kè ké gblōyne n gbilki n kah.

Yé náh nyàh to we di? Kàh sǒ me tyĩ sǒ, kàh soh òkù ñgbě soko, kè n fě ké pól yō. ⁶ Nte, nénpórı to me kéne nyàh tyí kōle. Tyípèl nàhnáh n wil képah soko. Kè me déntěnóle wil soko, té wil téy pólle n yō. Tyípèl nónó-á n wil ké soko, ní-ńkē nyàhnpèkè soko ye sè n wil. Képah ye, ké yíkínóle n pi á min pól soko, fós kè po no á kúnó tyí.* ⁷ Yah, gběnkya duke duke pól n kwō n pne. Kèpye, ànê vyeh, à tahlı yo soko yi tyí, névi tē we sépi pól kwō. ⁸ Nte, nénpórı tē wole, ñnı yó n tē náh tē we képah kwō n pi. Kwáhpékè nê-á kè náh n tē syısyı, képah ye nénpórıle. Kè me névi ko ko sohnı óle ké tós.

⁹ Kéne nénpórı núkú me ye ápi Tē ñgbě, á sú Liyelle n gbilki, n té n tō képah óle pèkèle n ye n mo névyé yō, nte Liyel ye mó tō mo péle n kètòle. ¹⁰ Gbílkinó welo ànê pèkè yénmono welo ki n wil vyāh núkú soko ni? N yúnpyé, yé káh ne n pi sē. ¹¹ Nípénèkì ànê ni páhpáh se ki fě n wil kwlèy núkú soko? ¹² N yúnpyé, dah se ki fě we gbe sènsóké séswô soko? Tı sènsóké séswô pye se ki fě we gbe kèpōnpō séswô soko? Sě ó ye pne ni, ànê nípénèkì náh fě n wil n pi kwlèy núkú soko.

Yípî nê-á n wil Liyel tyí

¹³ Té yépi soko, nê tē me yípî névile té lékám me n soko? Tē yīne à ne n ko palle gblōy tíkínmonole n tyípínı soko, képah nê-á n wēki ne, wāh yī pı. ¹⁴ Nte, dyóyókì kèpèkè, ànê wē fwónó sōno-à kéne yé nno soko, yé káh yé gblōyne gbilki ne, yáh me yī pı. Yé káh gbile n kōli. ¹⁵ Kéne yípî mē òkù náh n wil Liyel tyí dé! Kèkōyó mē tyí ye kéle. Névi yípî ye kéle, kè n wil sétō tyí. ¹⁶ Yah, dyóyókì ànê wē fwónó sōno-à me nýāh soko, tyífě ànê tyítúkúnı duke duke pól n ne n pi nénpó soko. ¹⁷ Nte, yípî nê-á n wil Liyel tyí, képah-à me névi nê soko, ké gbenne, tē ni n ne n me yályál, ànê yèvinı tyí n no n tyí, té à n pi népépěyne. N tō náh n tah, ànê à névi yāmnne n yah, té tyípépló ó ye à n ne n pi. A náh yèwāhkì ànê fòkòpille n pi. ¹⁸ Yèvinı-á me nónó tyí, té pè me ké tōle n pi, pè ké yōre we, nê-á péle n pi néglólé Liyel yah.

4

Wàh á yí wil kèkōyó tyí, Liyel dèl ye á pi

¹ Kwàh nê n po n po yékâb ànê málle yé wró soko? Fókósōno tókúnı dékè tyi náh n fwo yéle di? ² Yé yí me n wil yí nàhnáh tyí, té yé náh me séle n we. Kàh pi sē, nékókè mo dékè yé tē. Yáh nēne n yah n kō, yé náh kéle n we. Kàh pi sē, yékâb ànê mál n pyē ne n de yé wró soko. Nte, yé náh me n ni Liyel tyí, képah ye, yé náh me kwàh yóle n we. ³ Yáh se sǒ n

* **3:6** 3.6 - Ní-ńkē nyàhnpèkèle, fí yó ye, nýāh soko-á pè n fōh tyípèl pípúle pé kúnteno náh. Sétō tē-nsah ye kéle; ñmo nê-á me ké tyí ne, pé Liyel tyípínóle n yuki. Anê ñmo ye n mo névyé nénpórıle pèkè pínó soko.

ni Liyel tyí, sɔnɔ pèplo náh nkɛne ne me yé sɔkɔ. Yé n ne n ni yé tyítúkúni dékè tyi pi yĩn óle. Képah ye, yé náh kwáhle n we. ⁴ Kwáh nê fòfínpi bi pi dùkù me yé n pi sɛ? Yé náh pĩ ne, wáh á yĩ wil kèkɔyó tyi tyí, Liyel sépe-á ále di? Nê-à kèkɔyó tyi tɛ kódi ne, tɛ ki pi Liyel sépele. ⁵ Yé se we ne, yó kɛ-á Liyel wey mène, nê-á yo ne nkɛ: «Liyel-á min nê mɔ ápi sɔkɔ, ké tyi nɔ yĩ n tyi. Képah ye, à me ké tyi ne á ne n me péwɔ ó tyi yó.» ⁶ Nte sépi pól sɔkɔ, à tɔ pèpɔri ñgbène n pi ápi tyi, sɔ-á n wey kè yo ne nkɛ: «Liyel peke gblɔy gbilkipú yó, tɛ pèpɔrile n pi gblɔy tiki n mɔpu tyi.» ⁷ Képah ye, yé ne n sah Liyel yóré yó, yé mó sétò tyi yahle, képah sɔkɔ, sétò ki to gbe mɔ yéle.* ⁸ Yé nɔ n de Liyelle, képah sɔkɔ, n to ki nɔ de yéle. Tyípèl pípi, yé yé gbàn wilki tyípèl pínó sɔkɔ. Tòtò névyé, yé yé n nɔ tɔ n sah. ⁹ Yé yĩne yé pĩ ne, yáh me pèkè sɔkɔ, yé ké nàhnpi gbo. Yé ye yé yìsyòni pi gbníle, yé nivì mó pi yèkwɔrile. ¹⁰ Yé yé gblɔy tiki mɔ Tɛ ñgbè yah, à ki yé yó yó.

¹¹ N yúnpyé, yé káh wɛ tyíle n yo n yiki. Nê-à n yúnpí tyi yo yiki, képah náh pi, à lékàh syi à kɔ, Liyel tyi kònsàhnó tyi ye tɛ yo yiki, tɛ lékàhle kè kɔ. Wáh képah pi, á se me n kɔ Liyel tyi kònsàhnó wɛkì yó? Lékhàh náh á kéle n kɔ di? ¹² Nte, Liyel ó ye sah tyi kònsàhnóle, ànê ñmɔ ó ye ki fɛ lékàhle névi kɔ. Ñmɔ ó ye ki tɔ fɛ névi pwah mɔ, képah náh pi, ki n tyi yiki. Nê me áwɔ tɛne, tɛ á lékàhle n syi á yúnpile n kɔ?

Yé káh pi gblɔy gbilkipúle

¹³ Núkúnúkú, yé noh ní tyi yò, yépi nónó-á me n yo ne kweyne, képah náh pi, ñsòne yáh ki kyi kwíl-ñgbè mè sɔkɔ, ki kyi yi núkú pi gbò yĩnó sɔkɔ nénpó ki pɔ we. ¹⁴ Nte, yé se pĩ yé min-á ki n me n pi sɔ ñsòne? Yé me á ki ne kénfáhkí tɔtɔ yó sɔ, nê-á nkɛne n mɔ nénpó swɔ, n tɛ n karkí. ¹⁵ Yé pyè tɔ sò yĩne yé yo ne, Tɛ ñgbè-à ki fɛ syi, yáh ki tɛ min sɔkɔ, tɛ ki tir mè pi, képah náh pi tir mè pi. ¹⁶ Nte, yé n pyè yé gblɔyne n gbilki yé vyáh wey sɔkɔ. Kéne gblɔy gbilkinó dùkú yó n tɛ náh ple.

¹⁷ Sépi pól sɔkɔ, névi nê-à pèpɔri pínó yah we, tɛ tɛ náh me kéle n pi, tyípekè ye tɛ n pi.

5

Tahbi-á yĩne pè nê pĩ

¹ Núkúnúkú, yépi nónó-á me tahbile, yé noh ní tyi yò: Yèvyàhnepèl nónó-á ki pɔ yé yĩni n tɛ n pi, yé ne n kah n gbo sépi yĩne. ² Yé tahrí me n pyäh, tɛ sóhrí me yé flɔle n yó. ³ Yé sán ànê yé pónɔ me n pi syímíne. Kéne syímí ye ki pɔ wilki mɔ yé gbònkòkòle, tɛ ki yé wil gbènsè yó, nyàh tyi kòle. Kèkɔyó tye gbí mè fyé nòntenɔ sɔkɔ, yépi me tahrile n yah n tuke n mɔ n sah yé gblɔy tyi kè! ⁴ Tɛ, tònpi bi nónó n tɛ-á tòle n pi yé swèy sɔkɔ, yé n yahle pé póle pé kónóle. Pépi Liyel yéngbonɔ yĩnpɔ ye n de Liyel níki sɔkɔ, ñmɔ nê-á kèkɔyó Tɛ ñgbène. ⁵ Yépi me yòtòrí yéle n yó kèkɔyó mè sɔkɔ, à yé dyɔ yĩ tyile n pi, me gbilki tɛ, á ki ne ko ko nyeh sɔ. ⁶ Yé lékàhle névyé kɔ, nónó-á pè náh tyítúkú pi. Pè mó pé gblɔy fin mɔ yé kɔ, yé pè ko mɔ.

Syíkintɛnó pi, Tɛ ñgbè Yesu syínponɔ me yúkey

* 4:7 4.7 - Sétòle, Liyel sépe ye ñne. A me ké tyi ne, pé ále n tɔ mɔ n dah n mɔ pèkè pínó sɔkɔ.

⁷ N yúnpyé, yé syíkíntě́nóle n pi, fók kè pò nò Tě ñgbě syínpono tyí. Yé yah sètòle kè, à ñkěne sèmuco pèpey wéntokono syiki n tẽ, à toko púgbro pínó tyí, pópó ñ pò n syi pútéló pínó tyí. ⁸ Tě ñgbě syínpono me yúkey; képah ye, yépi to sóré mọ yí yé gblöy sokó, yè syíkíntě́nó pi. ⁹ N yúnpyé, yé káh ne n toko wěne n kó; képah sokó, Liyel náh yé tuke n pi. Yé yah, Tě ñgbě nê-á kɪ pò á tuke n pi, à me yúkey. ¹⁰ N yúnpyé, Liyel těntò syínyopu-á lésò ñ weyne n yo n kó yèvyáhrɪ ànê syíkíntě́nó sokó sò, yé yíne yè ne n pi pépi tyí kòle. ¹¹ Yé yah, nónó-á gbah tẽ à kyɪ syi ké yín tyí, ǎ pépile n sò. Yé Nsyobɪ gbáhntě́no tyí noh ñ yèvyáhrɪ gbí sokó kè. Té tó kè we, Tě ñgbě-á tyí-ñgbno nónó pi ñ tyí ké tyé-ńsah sokó.* Yé náh we, Tě ñgbě tẽ wo névi yám yáhnó ànê ñ pèporɪ me gblò kègbɪ tẽne.

¹² Nte, í yúnpyé, sépi pól sokó, yé káh yéle n wo Liyelle, képah náh pi sétáhlɛ. Anê yé káh yéle n wo kwáh yó ńtẽne. Yé ye yé àwe ne me ké gbɪ yò, yé sò mó ne me ké gbɪ yò. Képah sokó, Liyel náh lékàhlɛ yé kó n pi.

Nírí pínóle yámpú tyí

¹³ Té yèvyáhrɪ-à me yépi sokó ney nê yò, tẽ Liyel ni. Nìvìnì-à se mó me nê yò, tẽ Liyel yín gbilki yìgbìnì sokó. ¹⁴ Yé sokó ney nê-à me n yo, tẽ Liyel nípú yah tẽpú ye, pépi kɪ pò nɪrɪ tuke ñ tyí Tě ñgbě Yesu yín yò, té kɪ Liyel ni ñ tyí. ¹⁵ Té nírí mè-à pi Liyel yò sě́nó sokó, yónwó mè kɪ pwáhnmono we, ànê Tě ñgbě Liyel kɪ à de mọ. Té wàh se me tyípél pi, à kɪ sè yò mọ à kó. ¹⁶ Képah ye, yáh me dénmono tyí, yé yé tyípél wil n syi, yè mó Liyelle n ni wěne n kó. Tǎhkì me yí négbí nírí sokó dé. ¹⁷ Yé náh Yeli we-à: Névi ye lésò ñne ápi tyí kòle. Nte, à me nírí gbah pi ne, pù káh tó pi. Pù náh mó ńtyínó pi sétáh yò, fók à pò nò ye tónó ànê tóní tyí. ¹⁸ Képah náh, à tó ñ syi Liyel ni ne, pù pi. Pù me pi, sèmuco pekɪ.†

Mónpú-ò těnpɔnɔle

¹⁹ N yúnpyé, yé sokó ney yó-à mọ pu gbɪ wěkìle, té nê me à tẽ pò ké yò, tẽ pi plɛ. ²⁰ Yé pĩ ne, névi nê-à tyípél pí-ò vi mọ pèpey pínó sokó, tẽ ñ min pwah mọ ñ kúnteno náh yèvyáhrɪ yah. Anê ñ tyípél náhnáh nópi kɪ se tó yò mọ à kó.

* **5:11** 5.11 - Nsyobule, négbí ye sò ñne: Té sétò pò à kwlo náhnáh. Nte, à n tah sah. Ké tyé-ńsah sokó, Liyel pò à yohnɪ mọ ñ yò yò. N tyí me yónóle Liyel wey sébéy yó sokó, nê-á pè n ye Nsyobɪ sébéyne. † **5:18** 5.17-18 Yeli sò pi Liyel těntò syínyo-ò ñgběne. N tyí me yónóle Yótám sébéy gben 17 ànê 18 sokó.

Nsyõ-á sébéy gben nê wārki tekı mɔ

Yesu Krista ye min nétēne nê-á Weyne

¹ Min nétē nê-á Weyne, ñmɔ tyí ye á n yo yé tyí. Nmɔ nê-á sò me tyi pól tyah gbí òkùle, ápi ñ wékínó noh, té à we yíne, té à yah díkídíkí, té tũ ñ tyí. ² Nmɔ nê-á min nétēne, à ye ñ gblöyne á wēki. Á à we, té me ñ tyíle n yo n wah. Nmɔ nê-á tyé-ńkē minne n kō, ñmɔ tyí ye á n yo yé tyí. Nmɔ sò me Sú Liyel tnô, té pɔ ñ gblöyne á wēki. ³ Áyáh ñmɔ nê we té ñ wékínó noh, ñmɔ tyí ye á n yo yépi tɔ tyí á wró kwrónmɔnɔ yinne yéle. Képah sɔkɔ, wró kwrónmɔnɔ nê-á me ápi wró ànê Sú Liyel ànê ñ Pídí Yesu Kristale, yépi tɔ ki de ké sɔkɔ. ⁴ Á ye tyi nópíle n wārki n tekı n mɔ yé tyí, nê-á ki ápi ànê yépi ñv̀̀ǹǹ kō kè ki syi ké yĩn tyí.

Kyòo sɔkɔ kólóle

⁵ Té yah, áyáh wey nê noh Yesu Krista tyí té kéle n yo yé tyí, képah ye yò: Liyelle, kyòo ye ñne. Fěntũ náh me ñ sɔkɔ pólle. ⁶ Áyáh n yo ne á wró-á me kwrónmɔnɔle Liyelle, té mó t̃ me n kɔ fěntũ sɔkɔ, m̀nyobe ye ále, á náh me gbı wēkile n kɔ. ⁷ Nte áyáh ki n kɔ kyòo sɔkɔ s̃-á ñmɔle kyòo sɔkɔ, á nénúkù núkú pól wró ki me kwrónmɔnɔle wēne. Té Liyel Pídí Yesu Krista tó ki á tyípél pól wu to á tyí.

⁸ Áyáh ne tyípékè náh me á sɔkɔ, á gblöy ye á n pilki, gbı náh me á sɔkɔ. ⁹ Nte áyáh á tyípél wil syi, ñmɔ nê-á Liyel tómmne té n kɔ ñ tyíyónó sò, á ki á tyípél yõ mɔ á kō, té ki á wu wilki á tyíkně̀ǹ pól sɔkɔ. ¹⁰ Áyáh ne á náh tyípékè pı, ñmɔ ye á n pı m̀nyole, ñ wey náh me tēnóle á sɔkɔ.

2

¹ N wēnpı, mé sébéy m̀ene n tekı n mɔ yé tyí, nê-á ki yé kō yè káh tyípékèle n pı. Nte káh se pɔ pı ññı yó tyípékè pı, wró t̃-ò me á tyí Sú Liyel yah sɔkɔ, nê-á Yesu Kristale, ñmɔ nê-á me tómm. ² Nmɔ ye ñ gblöy kō sárkále nê-á ki Liyel kō à ki ápi tyípél yõ mɔ. Té à náh ñ gblöy kō ápi ó tyípél yõnmɔnɔ yinne dé, kèkōyó névye pól tɔ tyípél yõnmɔnɔ yĩn ye à ñ gblöy kō.

Kólóle à yĩne Liyel tyi kònsàhnóle

³ Áyáh Liyel tyi kònsàhnó wälle n kɔ, képah sɔkɔ ye á ki pı ne áyáh ñne n pne. ⁴ Névi nê-à ne páh ñne n pne, té tē náh me n kɔ ñ tyi kònsàhnó wäll yõ, m̀nyo ye tēne. Gbı náh me tē sɔkɔ. ⁵ Nte nê wɔ-à n kɔ ñ yóré yõ, ñ tyí me nɔ tē wɔ tyí kègbı tē yõ. Képah sɔkɔ ye á kéle n pne ne áyáh me ñ tyí yõ. ⁶ Névi nê-à ne páh me ñ tyí yõ, Yesu-á kɔ òkù nēne, tē tɔ yĩne à ne n kɔ sēntēne. ⁷ N nénónó, tir kònsàhnó késán náh kéle mé n wārki n tekı n mɔ yé tyí dé, tir kònsàhnó kedyáh ye kéle, nê-á yo sɔkɔ yé tyí tyah gbí òkùle. Yáh wey nê noh sɔkɔ te, képah ye tir kònsàhnó kedyáh m̀ene. ⁸ Nte fí yó t̃inne, tir kònsàhnó késán ye mó t̃ kéle mé n wārki n tekı n mɔ yé tyí. Yesu ànê yépi pı òkù me képah gbıle n wēki. Yé náh we di, fěntũ me n sɔkɔ, kyòo yèsyíkì mó me pɔ te. ⁹ Névi nê-à ne páh me kyòo sɔkɔ, té mó t̃ me ñ yúnpi yó dyole n yo, tē me s̃ fěntũ sɔkɔ. ¹⁰ Névi nê yúnpi tyí-à

nɔ̀ n̄ tyí, tẽ wɔ̀ mɛ kyòò sɔ̀kɔ̀. Nn̄i yó n̄tẽ náh n̄ de n̄ pi tyípékè sɔ̀kɔ̀ n̄mɔ̀ gbò yõ. ¹¹ Nte nê-à n̄ yúnpi dyɔ̀le n̄ yɔ̀, tẽ mɛ fẽntũ sɔ̀kɔ̀. Té wáh mɛ n̄ ko fẽntũ sɔ̀kɔ̀ s̄ẽ, fẽntũ tẽ tyí, n̄ yí kɪ wɔ̀, à náh n̄ yúkú-ńsah pĩ n̄ pi.

Kèkõyó ànê Krista sépébi swah dùkùle

¹² N̄ wẽnpĩ, Yesu yĩn gbò yõ sɔ̀kɔ̀ ye yé tyípèl yõ mɔ̀ yé kõ. Képah ye mé sébéy mènɛ n̄ wárki n̄ tekɪ n̄ mɔ̀ yé tyí. ¹³ Súbí, nê-á sò mɛ tyi pól tyah gbí dùkùle, yé n̄nɛ n̄ pne. Képah ye mé sébéy mènɛ n̄ wárki n̄ tekɪ n̄ mɔ̀ yé tyí. Kètẽnpĩ, yé tẽ we pèkè pí-ò tyí, nê-á sétàn yòtẽnɛ. Képah ye mé sébéy mènɛ n̄ wárki n̄ tekɪ n̄ mɔ̀ yé tyí.

¹⁴ Yépi nónó-á wẽnpìle, nê-á Sú Liyelle, yé n̄nɛ n̄ pne. Képah ye mé sébéy mènɛ n̄ wárki n̄ tekɪ n̄ mɔ̀ yé tyí. Yépi nónó-á súbíle, nê-á sò mɛ tyi pól tyah gbí dùkùle, yé n̄nɛ n̄ pne. Képah ye mé sébéy mènɛ n̄ wárki n̄ tekɪ n̄ mɔ̀ yé tyí. Kètẽnpĩ, tãhkì mɛ yé sɔ̀kɔ̀, ànê Liyel wey mɛ n̄ tẽ yé nno sɔ̀kɔ̀, té yé tẽ we pèkè pí-ò tyí, nê-á sétàn yòtẽnɛ. Képah ye mé sébéy mènɛ n̄ wárki n̄ tekɪ n̄ mɔ̀ yé tyí.

¹⁵ Yé káh yé yí wil kèkõyó tyí, képah náh pɪ ké sɔ̀kɔ̀ kwâh yó n̄tẽ tyí. Névi nê-à n̄ yí wil kèkõyó tyí, Sú Liyel tyí náh fẽ n̄ nɔ̀ n̄ pi tẽ tyí. ¹⁶ Yé yah, tyi nónó-á mɛ kèkõyó sɔ̀kɔ̀, s̄-á gblõy dyɔ̀ yí tyi pínó dékèle, ànê yíwilkìle, ànê gblõy wẽkínóle à yuku tahrɪ tyí t̄nne, sépi sɔ̀kɔ̀ yó n̄tẽ náh n̄ wil Sú Liyel tyí. Kèkõyó sɔ̀kɔ̀ ye sè n̄ wil. ¹⁷ Té kèkõyó ànê ké yíwilkì kɪ pɔ̀ n̄ tye n̄ pi. Nte névi nê-à Liyel dyɔ̀ yí tyile n̄ pɪ, tẽ wɔ̀ kɪ tẽ tyé-ńkẽnɛ.

¹⁸ N̄ wẽnpĩ, kèkõyó tye gbí ye mɛ nɔ̀ n̄ te. Yé kè noh sɔ̀kɔ̀ te ne Krista sépe-á kɪ n̄ pɔ̀ n̄ pi. Núkúnúkú, Krista sépébi yísyó mɛ wil mɔ̀ pí. Képah n̄ wẽkɪ ne kèkõyó tye gbí sɔ̀kɔ̀-á ále. ¹⁹ Apɪ t̄nkì sɔ̀kɔ̀ ye sépébi nópi wil. Nte kègbɪ yõ, pè náh sò mɛ núkùle ápile. Pàh sò mɛ núkùle ále, pè náh náhkɪ n̄ gbe n̄ wil n̄ pi ápi sɔ̀kɔ̀. Nte kè ye sò yĩne kè pɪ s̄ẽ, nê-á kɪ kè wẽkɪ ne pé sɔ̀kɔ̀ ney yó n̄tẽ náh sò mɛ núkùle ápile kègbɪ yõ.

²⁰ Nte yépi wɔ̀le, Liyel Mirki mɛ yé sɔ̀kɔ̀ Krista-á n̄nɛ yé kõ. Képah ye yé pól kõ yé tyile n̄ pne. ²¹ Kè náh mɛ á kɪ ne yé kósyi gbule n̄ pne n̄ kõ mé sébéy mènɛ n̄ wárki n̄ tekɪ n̄ mɔ̀ yé tyí dé, yáh kéle n̄ pne, té pĩ ne mìnì yó n̄tẽ náh n̄ wil ké sɔ̀kɔ̀, képah ye n̄ kõ mé sébéy mènɛ n̄ wárki n̄ tekɪ n̄ mɔ̀ yé tyí.

²² Névi nê-à ne Yesu náh Kristale, nê-á Liyel ney yáhntɔ̀kɔ̀nɔ̀le, mìnyo yó n̄tẽ náh kah mɔ̀ tẽ yõ. Krista sépe ye t̄nɛ. Sú Liyel ànê n̄ Pídí Krista ye tẽ yahle. ²³ Yé yah, névi nê-à Liyel Pídí yahle, Sú Liyel náh mɛ t̄nɛ. Té nê-à Liyel Pídí fẽ syi, Sú Liyel mɛ tẽ wɔ̀le.

²⁴ Yépi tẽ wɔ̀le, yáh wey nê noh tyah gbí dùkùle, yé yĩne yé kè koh n̄ sah yé nno sɔ̀kɔ̀. Yáh wey nê noh tyah gbí dùkùle, yáh fẽ kè koh sah yé nno sɔ̀kɔ̀, yépi tɔ̀ wró kɪ mɛ kwónmɔ̀nɔ̀le Pídíne, ànê Súle. ²⁵ Té Pídí-á n̄ vyáh kõ nê tyí sɔ̀kɔ̀, tyé-ńkẽ min ye.

²⁶ Nónó-á n̄ yah n̄ kõ yé yõ yíkí-ńsahle, pépi tyí sɔ̀kɔ̀ ye mé sébéy mènɛ n̄ wárki n̄ tekɪ n̄ mɔ̀ yé tyí. ²⁷ Yépi tẽ wɔ̀le, Yesu-á Liyel Mirki n̄nɛ yé kõ, kè mɛ t̄nóle yé sɔ̀kɔ̀. Képah ye, kwó-ò yétò náh t̄õ mɛ yé tyí. Liyel Mirki mɛ yéle n̄ kwɔ̀ tyi pólle. Té n̄ kwónónɔ̀ pólle mó t̄õ, gblɔ̀ ye séle, mìnì náh

με sé sɔkɔ. Képah ye, yé ne με kwɔ́nmonɔle Kristale, sɔ́-á Liyel Mirki yé kwɔ kéle.

Liyel wěnpì pi òkùlè

²⁸ Núkúnúkú òtēne ní wěnpì, yé ye yé wró ne με kwɔ́nmontēnóle Kristale. Képah sɔkɔ, wáh sɔ́ nēne pɔ tiki náh á tē n pi, ànē sen náh á kɔkɔ n sah n pi n yah sɔkɔ lésòle. ²⁹ Yé se pĩ te ne wáh me tómm té. Té yé yīne yè kè pĩ tɔle ne, névi nē-à n kɔ tómm, Liyel pi-á tēne.

3

¹ Yé náh we à, á tyí kah nɔ Sú Liyel tyí, fɔ́ à ále n ye n wěnpìle. Té Liyel wěnpì tē wɔ ye òtyínɔ ále ó. Té kèkòyó névyè-á pi Liyel pí-ńkēpùle sě, képah ye pè náh fě ápi tɔ pĩ. ² N nénónó, Liyel wěnpì ye ále núkúnúkú, òte áyáh kɔ pɔ n pi n pi kwáh nēne òsòne, képah náh tònì me wilki mɔ te. Nte á pĩ ne Krista-à pɔ wil mɔ gbí nēne, áyáh kɔ à we wáh me òkù nēne. Képah ye, á kɔ me òmɔ tyí kòle. ³ Névi nē gbò sàhnó-à me képah yò sɔkɔ Krista tyí, tē n gblɔy tɔ n sah yályál Liyel yah sɔkɔ, sɔ́-á Kristale yályál. ⁴ Névi nē-à tyípékèle n pi, tē me Liyel tyi kònsàhnó dèlle n pi. Tyípékè pínóle, Liyel tyi kònsàhnó dèl pínó ye kéle. ⁵ Nte yé pĩ ne Krista pónó yò-á pi tyípèl tēnyònóle névyè yò. Tyípékè náh me òmɔ sɔkɔ pólle. ⁶ Névi nē-à me Krista tyí yò, tē náh tyípékèle n pi. Nte nē-à tyípékèle n pi, tē náh à we yah, à náh òne n pne. ⁷ N wěnpì, yé káh ye ònì yó òtē yé pilki. Névi nē-à n kɔ tómm, négbí ye tēne Krista tyí kòle. ⁸ Té névi nē-à tyípékèle n pi, sétàn yòtē tyí névi ye tēne. Yé náh we di, sétàn yòtēne, tyípékè pí-ò ye òne tyi pól tyah gbí òkùlè. Liyel Pídí-á pɔ tir nē yīnne, sétàn yòtē tyípínì yáki yīn ye. ⁹ Névi nē-à pi Liyel pile, Liyel pi òkù n ne n me tē sɔkɔ. Képah ye tē náh tyípékèle n pi. Wáh pi Liyel pile sě, à náh fě tyípékè pi n pi. ¹⁰ Liyel wěnpì ànē sétàn yòtē tyí-á n wah n pne wě sɔkɔ òkù nēne, kè we yò: Névi nē-à n kó-ńkēne tómm, Liyel tyí névi náh tēne. Névi nē tɔ yúnpi tyí-à nò-ńkēne n tyí, Liyel tyí névi náh tēne.

Wě wró tyínɔnɔle

¹¹ Yé náh we di, yáh nē noh tyah gbí òkùlè képah ye yò ne òkē, áyáh yīne á ye á tyí nɔ wě tyí. ¹² Á ye káh pi Kayin tyí kòle. Sétàn yòtē tyí névi ye sò òne. A n gběndí kɔ mɔ. Nte tir nē yīn me à kɔ mɔ òne? Nmɔ tyípínó-á sò me kètúkùyò Liyel yah sɔkɔ té n gběndí tyíle palle, képah yò ye. ¹³ N yúnpyé, kèkòyó névyè-à yé dyɔle n yɔ, yé káh n ye kè pi gběndùnne yé tyí. ¹⁴ Ápi tē wɔle, á yúnpyé tyí-á nɔ á tyí sě, á pĩ ne áyáh tē syi te kù gbò sɔkɔ, té min we. Nte tyínɔnɔ-à n kne névi nē sɔkɔ, òmɔ me kù gbò sɔkɔ. ¹⁵ Névi nē tē-à fyò n yúnpi dyɔle n yɔ, nékókè mó-ò ye tēne. Té yé se mó tɔ pĩ ne tyé-ńkē min náh me nékókè mó-ò yó òtē tyí té. ¹⁶ Yé yah, Krista-á n min kò ápi yīnne, képah sɔkɔ ye ápi me tyínɔnɔ òkù pĩ. Ápi tɔ yīne à á min kò á yúnpyé yīnne. ¹⁷ Nte kèkòyó tahrì-à me ònì yó tyí, té à n yúnpi yó we yám sɔkɔ té yahle n yám yáhnóle, Liyel tyínɔnɔ náh me tē sɔkɔ. ¹⁸ N wěnpì, ápi tyínɔnɔ káh n pi wey ànē vyáhshesýírì ó sɔkɔ dé. Á tyípínó yīne kè kéle n wěkì kègbì tē yò.

¹⁹ Képah sɔkɔ ye á kɔ pĩ ne áyáh me gbì wěkì yò, ànē á nno kɔ me yínnóle Liyel yah sɔkɔ. ²⁰ Ápi nno-à sɔ́ me lékähle ále n kò sɔ́, Liyel nē-á gbò kal,

̀nmɔ tyi pólle n pne n kal ápi nnɔle. ²¹ N nénónó, á nnɔ-à kɪ lékàhle ále n kǒ-ńkĕne, tíkí nàh á tĕ n pi Liyel yah sɔkɔ. ²² Té áyáh me ñ tyi kǒnsàhnó wàlle n kɔ, té ñ dyɔ yĩ tyile n pi, képah ye áyáh kwáhdúkú nê yah kǒ ñ tyí, à kɪ kéle á kǒ. ²³ Wáh nê kǒ sah á kǒ képah ye yò ne ńkĕ, á sĕ pé Pídí Yesu Krista yĩn yǒ, á mó ye á tyí nɔ wĕ tyí sǒ-á à kǒ sah kéle á kǒ. ²⁴ Névi nê-à Liyel tyi kǒnsàhnó wàlle n kɔ, tĕ kɪ me Liyel tyí yǒ, ànê Liyel kɪ me tĕne. Sǒ-á á kɪ pi té kɪ pĩ ne Liyel-á me ále, ñ Mirki gbǒ yǒ ye, wáh képah nêne á kǒ.

4

Liyel tyi wàhnpĩnɔle sépe tyí sɔkɔ

¹ N nénónó, névyé nónó-á ne Liyel Mirki gbǒ yǒ-á pé n yo tyile, yé káh n sĕ pé pól yǒ dé. Yé pè sohli n yah, yé ké gbɪ pĩ Liyel Mirki gbǒ yǒ-à kɪ nê ńtyĩnɔ pè n yo tyile. Yé nàh we di, Liyel yĩn yǒ m̀nyobe me tǒ mɔ pí kèkǒyó. ² Liyel Mirki-á n tĕ nónó yahle, yáh ne pè pĩ n pi dùkù nêne, kè we yò: Yáh névi nê we à me n yo ne Yesu Krista-á pi névile, Liyel Mirki ye n tĕ tĕ yahle. ³ Nte nê-à ne sĕ nàh, Liyel Mirki nàh n tĕ tĕ wɔ yahle. Krista sépe mĩrkí ye n tĕ tĕ yahle. Yé kè noh sah te ne, Krista sépe-á kɪ n pɔ n pi. Té núkúnúkú, à me te kèkǒyó ńtĕne.

⁴ Yépi wɔle ní wĕnpĩ, Liyel tyí névyé ye yéle. N Mirki nê-á n tĕ yé yahle, képah tǎhkì kal sétǎn yǒtĕ mĩrkí tyíle, képah nê-á kèkǒyó névyé yahle n tĕ. Képah ye, yé tĕnwɛnɔ we Liyel yĩn yǒ m̀nyobe yǒ. ⁵ Pépile, kèkǒyó tyí ye péle. Képah ye, pĕ pé tyile n yo à yĩne kèkǒyó névyé tyi yo dùkùle, té kèkǒyó névyé n mó pé níne n kwɔ pé tyí. ⁶ Nte ápi me Liyel tyí yǒ. Névi nê-à Liyelle n pne, tĕ ñ níkile n kwɔ ápi tyí. Té névi nê-à mé-ńkĕne Liyel tyí yǒ, tĕ nàh ñ níkile n kwɔ ápi tyí. Sĕntĕ sɔkɔ ye Liyel Mirki nê-á névyele n mɔ gbɪ wĕkì yǒ, à n tĕ n we ñne n wah sétǎn yǒtĕ tyí sɔkɔ, ñmɔ nê tyí-á névyele n pilki.

Tyínɔnɔ nê-á me Liyel sɔkɔ

⁷ Tyínɔnɔ n wil Liyel tyí. Tyínɔnɔ-à me névi nê sɔkɔ, Liyel pi ye tĕne, ànê tĕ Liyelle n pne. Képah ye ní nénónó, á ye ye á tyí nɔ wĕ tyí. ⁸ Liyelle, tyínɔnɔ Liyel ye ñne. Képah ye, á nàh fĕ n yo n pi ne wáh ñne n pne tyínɔnɔ kĕne á sɔkɔ. ⁹ Yé yah, Liyel-á kè wĕkɪ dùkù nêne ne á tyí-á nɔ pé tyí, kè we yò: Pi núkúní nê-á me ñ tyí, à à tekɪ mɔ kèkǒyó, ápi kǒ á kɪ min we ñmɔ gbǒ yǒ. ¹⁰ Tyínɔnɔ-á nêne, kè we yò: Liyel tyí-á nɔ ápi tyí dùkù nêne, képah nàh tyínɔnɔ kègbule dé. Ápi tyí-á nɔ Liyel tyí nɔ dùkù nêne, képah ye tyínɔnɔ kègbule. Yé nàh we à ñ Pídí tekɪ mɔ à pɔ pi sárkále ápi tyípél yǒ n mɔ yĩnne di? ¹¹ N nénónó, ápi tyí-á nɔ Liyel tyí sĕ à, ápi tɔ yĩne á tyí nɔ wĕ tyí mó kè.

¹² Nnĩ yó ńtĕ yĩ nàh tĕ yah Liyel yǒ. Nte ápi tyí-à me nɔ wĕ tyí, á me ñ tyí yǒ, ànê ñ tyínɔnɔ me ápi sɔkɔ yèsyíkì tĕne.

¹³ Liyel-á ñ Mirkile á kǒ, képah ye á kǒ á pĩ ne áyáh me ñ tyí yǒ, ànê wáh me ále. ¹⁴ Sú Liyel ye ñ Pídí tekɪ mɔ kèkǒyó névyé pwah n mɔ yĩnne. Ápi yĩ ye kè we, képah ye á kǒ á kéle n yo n wah. ¹⁵ Névi nê tĕ-à fyò yo ne ńkĕ Yesu-á Liyel Pídine, Liyel me tĕne, ànê tĕ me Liyel tyí yǒ. ¹⁶ Ápi tyí-á nɔ Liyel tyí dùkù nêne, ápi tĕ wɔ ye kéle n pne, ànê á sĕ ké yǒ. Liyelle,

tyínɔɔ Liyel ye ñne. Tyínɔɔ-à me névi nê sɔkɔ, tẽ wɔ me Liyel tyí yõ, ànê Liyel me tẽne.

¹⁷ Tyínɔɔ-à me yíí ápi sɔkɔ, á me á minne n pi kèkõyó Yesu Krista tyí kõle. Képah sɔkɔ, tíkí náh á tẽ n pi Liyel tukey tuke sõle. ¹⁸ Yé náh we di, Liyel tyínɔɔ-à me névi nê sɔkɔ, tíkí náh tẽne n tẽ. Té wâh me n sõ ne á tyípêl wɔ-á kɩ pɔ n de n pi á sɔkɔ, képah ye n pɔ n pɔ tikíle. Nte tyínɔɔ kègbɩ wɔ tíkí yahle n kô. Tíkí tẽ-à fyò me névi nêne n tẽ, tyínɔɔ náh me yíí tẽ sɔkɔ.

¹⁹ Liyel ñgbò ye ápi tyí nɔ ñ gblõy tyí, képah ye tyínɔɔle ápi tɔ sɔkɔ. ²⁰ Névi nê-à ne Liyel tyí-á nɔ pé tyí, té mó tõ me ñ yúnpi yó dyòle n yɔ, mìnyo ye tẽne. Tẽ yí-á me ñ yúnpi nê yõ, ñmɔ tyí-à nó-ńkẽne ñ tyí, sõ me Liyel tyí kɩ pɔ n nɔ ñ tyí, ñmɔ nê-á à náh à we yah? ²¹ Té Krista-á nê kô sah á kô, kè we yò ne ńkẽ, Liyel tyí-à me nɔ névi nê tyí, tẽ yúnpi tɔ tyí-á yĩne kè nɔ ñ tyí.

5

Yõre nê-á n we Liyel Pídí yõ sɛnó gbò yõ

¹ Névi nê-à sɛ ké yõ ne Yesu-á Kristale, nê-á Liyel ney yáhntɔkɔɔle, Liyel pi ye tẽne. Té Sú Liyel tyí-à nɔ névi nê tyí, Liyel wɛnpì tɔ tyí n nɔ tẽ tyí. ² Liyel tyí-à nɔ ápi tyí, té á me ñ tyi kònsàhnó wàlle n kɔ, képah sɔkɔ ye á kɩ pĩ ne Liyel wɛnpì tɔ tyí-á me nɔ á tyí. ³ Á náh we di, Liyel tyi kònsàhnó wàl kóló ye n wɛkɩ kéle ne ñ tyí-á nɔ á tyí. Té ñ tyi kònsàhnó náh me táhnóle, ⁴ á pól-á sɔnpíle pi Liyel wɛnpíle té n tẽ n pne kèkõyó tyí. Té tir nê-á á kô á n tẽ n pne kèkõyó tyí, á Yesu yõ sɛnó ye. ⁵ Nte nê n tẽ n pne kèkõyó tyí wé? Névi nê-á sɛ ké yõ ne Liyel Pídí-á Yesule, ñmɔ ye.

Yesu Krista tyí yónwàhnóle ne Liyel Pídí-á ñne

⁶ Yesu Krista ye pɔ wel wilki ni sɔkɔ. Képah náh, à ko mɔ ñ tó kwe. Té à náh pɔ wel wilki ni ó sɔkɔ dé, à ye pɔ wel wilki ni sɔkɔ, té ko mɔ ñ tó kwe. Kéne tyinɔ nínó ànê Liyel Mirki ye n yo n wah kéle. Yé náh we di, Liyel Mirki ye n wɛkɩ gbule gbímegbí. ⁷⁻⁸ Liyel Mirki-á nê yo, ànê ni-á nê wɛkɩ, ànê tó-á nê wɛkɩ, sépi tónó ye n yo n wah kéle. Té sé tónó pól me sah núkú ó yõ. ⁹ Névyé-á tyi nónó we té séle n yo n wah, áyâh me sépile n fẽ n syi à, ñte Liyel tyi yónwàhnó náh fónfó névyé tyí yõ di? Té Liyel ye mó tõ yo wah ñ Pídí tyíle. ¹⁰ Névi nê-à sɛ Liyel Pídí yõ, ñ tyí yónó mè ye tẽ tẽ sah ñ nɩ sɔkɔ. Nte nê-à sɛ-ńkẽne Liyel yõ, tẽ me Liyelle n pi mìnyo, wâh sɔnpíle yahle sɛnóle Liyel tyíyóné mè yõ, wâh nê yo ñ Pídí tyí sɔkɔ. ¹¹ Tyíyóné mè we yò ne, Liyel-á tyé-ńkẽ minne á kô, nê-á n we ñ Pídí gbò yõ sɔkɔ. ¹² Névi nê-à me Pídí tyí yõ, kéne min me tẽ wɔ tyí. Nte nê-à mé-ńkẽne ñ tyí yõ, min mè náh me tẽ tyí.

Tyé-ńkẽ min tyíle

¹³ Yépi nónó-á sɛ Liyel Pídí yõ, mé ye tyi nópíle n wãrkɩ n tekɩ n mɔ ye tyí, nê-á kɩ yé kô ye kɩ pĩ ne yáh tyé-ńkẽ min we. ¹⁴ Ápi sɛnyĩnɔ-á me Liyel yõ nê tyí sɔkɔ képah ye yò ne ńkẽ, áyâh kwâh nêne n ni ñ tyí té kè me ñ dyɔ yíine, á nóhnó pi á tyí. ¹⁵ Té áyâh fyò kè pĩ ne wâh me nóhnóle n pi á tyí, á pĩ yíí tɔle ne, áyâh kwâh nê ni ñ tyí, á kè we. ¹⁶ Nnî yó-à ñ yúnpi yó

we à me tyípékèle n pi, nê-á kè náh névi min tyíle n yiki Liyel yah soko, tẽ nírí pi ò tyí, Liyel ki tyé-ńkẽ minne tyípékè pí-ò mè kõ, kàh me ne tyípékè nê-á à pi, kè náh névi min tyíle n yiki Liyel yah soko. Tẽ tyípékè yó me nê-á névi min tyíle n yiki Liyel yah soko, képah dùkù tyí náh mé n yo ne yé níríle n pi ké tyí soko dé. ¹⁷ Tyi nóno pól tẽ-à fyò me tyíknènìne, tyípèl ye séle. Nte tyípèl pól náh névi min tyíle n yiki Liyel yah soko.

¹⁸ Api pĩ ne névi nê-à pi Liyel pile, tẽ náh tõ tyípékèle n pi. Liyel Pídí ńkẽne ne me tẽ yõle n syiki, képah ye pèkè pí-ò nê-á sétàn yõtẽne, à náh fẽ tir yó pi n pi tẽ soko.

¹⁹ Api pĩ ne ápi-á me Liyel tyí yõ, té kèkõyó pól tẽ wole, pèkè pí-ò mè me képahle n fne.

²⁰ Api tõ pĩ ne Liyel Pídí-á po, ànê wãh lékámne á kõ á tẽ we Liyel yèsyìkìle n pne. Nmò Liyel nê-á yèsyìkìle, ápi wró me kwrónmònole òmole ò Pídí Yesu Krista gbò yõ. Nmò ye Liyel yèsyìkìle, ànê tyé-ńkẽ minne.

²¹ N wẽnpì, yé yé gblõyne n tẽ sãh fálnó tyile.

Nsyõ-á sébéy ní-ò nê wārki tekı mɔ

Sébéy-á tekı mɔ nê tyí à weyne à kɔ

¹ Nmo nê-á nédyâhle, nımo ye n tɔ sébéy mène pi tyí, nê-á Liyel yah tɔko ànê ñ wěnpìle;* pépi nónó tyí-á nɔ yíí n tyí. Nte pé tyí náh nɔ nımo ó tyí dé. Nónó pól-á gbıle n pne, pé tyí nɔ pépi tɔ tyí ² kéne gbı gbò yò, képah nê-á me ténóle ápi sɔko, té ki n tẽ n pi á sɔko tyé-ńkêne. ³ Sú Liyel ànê ñ Pídí Yesu Krista ki yòbènrı pi á tyí, té ki á yãm yah, té ki yèvinune á kɔ, nê-á ki á kɔ á ki tẽ gbı wěki yò ànê tyínɔnɔ sɔko.

Kólóle gbı ànê tyínɔnɔ wěki yò

⁴ Kè pi nìvìnì ñgbêne nımo tyí, máh kè kyomı we ne áwɔ wěnpì túkù-á me n kɔ gbı wěki yò, à yĩne Sú Liyel-á kè kɔ sah ápi tyí sɔ. ⁵ Pi, máh me nêne n kɔ n sah á tyí núkúnúkú, képah ye yò: Yé ye á tyí nɔ wě tyí. Tir kònsàhnó késán náh kéle mé n wārki n tekı n mɔ á tyí dé. Nê-á me ápi tyí tyah gbí òkùle képah ye. ⁶ Tyínɔnɔle, Liyel tyi kònsàhnó wàl kóló ye kéle. Tir kònsàhnó mè tyí ye yo yé tyí tyah gbí òkùle ne, yé yé minne n pi tyínɔnɔ sɔko.

⁷ Névyé náhnáh me wil kwe kèkòyó pól sɔko, nónó-á me névyéle n mɔ pílkinó wàl yò sɔko. Pépi náh me kè fě syi ne Yesu Krista-á pi névile kègbı yò sɔko. Té yah, sěntě névile, névyé pílki-ò ànê Krista sépe ye têne. ⁸ Káh pi sě, yé yé gblòyne n kyomı, yé káh pɔ tekı yé tò pínó† yòre sɔko. Yé yĩne yé ké yòre we n yíí. ⁹ Krista-á kwónó nê kɔ, névi nê-à n kó-ńkêne képah wěki yò, té kè fin mɔ, tẽ wró me gbékínóle Liyelle. Nte névi nê-à n kɔ Krista kwónó mè wěki yò, tẽ wró me télnóle Sú Liyel ànê ñ Pídíne. ¹⁰ Nnî yó-à pɔ yé ònne, té ñ kwónó me ké tyíle, yé káh fě syi tẽ twah yé tyí. Yé káh weki ñ tyí pólle. ¹¹ Névi nê-à weki tẽ tyí, tẽ tɔ vyãh me ñ tyítúkúnì nɔpi pínó sɔko. ¹² Tyi náhnáh me n tyí yo yo têne yé tyí, ñte mé náh me ké tyí ne mé sè wārki n tekı n mɔ yé tyí sébéy sɔko. Mé me n yah n kɔ ne mé pɔ n wil yé tyí, mé mó sè yo yé tyí vyãhle. Képah sɔko, ápi nìvìnì ki syi ké yìn tyí. ¹³ Pi nê-á Liyel yah tɔko ásò, ñ wěnpì n weki á tyí.

* **1:1** 1.1 - Nédyâh nê tyí-á n yo ásò sɔko yò, Nsyõ ye. Té pi nê wɔ tyí-á n yo ásò, Yesu yò sěpú ònkı ye. † **1:8** 1.8 - «Yé tò pínó» nê tyí-á n yo yò, tókù ne: «Á tò pínó-á».

Nsyõ-á sébéy tǔ-ò nê wārki tekı mo

Sébéy-á tekı mo nê tyí à weyne à kǔ

¹ Nmo nê-á nédyâhle, nmo ye n tekı n mo sébéyne ní nénóní Kayusi tyí, nmo nê tyí-á no ní tyí kègbı yǔ. ² N nénóní, mé me ké tyí ne á tyi pól ne n pekı, á mó ne n me lèno soko palle, sǔ-á á min pi düküle palle Liyel yah soko.

³ N yúnpyé yısyó po yo ní tyí ne, áwo-á me gbı koh tǔ yĩn, té me n ko képah wǔkì yǔ. Képah ní ni vi kègbıle. ⁴ Mâh n nohni ne ní wǔnpi-á me n ko gbı wǔkì yǔ, tir yó ntǔ nâh ní nıle n vi n no képahle.

Kayusi ànê Nivini tir yónkõpu tyí yónóle

⁵ N nénóní, á me ápi yúnpyé Yesu yǔ sǔpúle n tǔ ple, wâh nónóne n pne ànê á nâh nónó ntǔne n pne. Á me n pi ple. ⁶ Tyínono nê-á me á soko, pè ye ké dükü yo Yesu yǔ sǔpú tǔnkı yı yah. Mé kéle n yah n kǔ á tyí ne, á yòhninmono pi pé tyí pé kóló yinne à yĩne kâh yĩne kè ne n pi sǔ Liyel wǔkì soko. ⁷ Á nâh we di, Yesu Krista yĩn ye pè n ko kóló mène, té pè nâh fǔ syi Yesu yǔ sǔ-ńkǔpú yòhninmono yó ntǔ syi. ⁸ Kâh pi sǔ, ápi ye yĩne à so mo sǔnkno névyé tyí tǔ mè soko, á tǔo pi tǔ núkú pípúle péle, à gbı wǔkile névyéle n wǔkı.

Dyotrefi ànê Demetriyusi tyípínine

⁹ Mé vyâh wey kwéy yó to wārki tekı mo Yesu yǔ sǔpú tǔnkı tyí. Nte Dyotrefi nâh me n sah ní tyí yǔ, nmo nê-á me n yah n kǔ pí-ńsahle tyi yah tǔ-òle kirkir. ¹⁰ Képah ye, mâh po po yé tǔnne, wâh me nêne n pi ápi tyí á tyí yónyıkino soko, mé ki sé pól yo wah yé syah. Té à nâh me yĩn képah ó tyí dé, à nâh me n fǔ n syi á yúnpyé Yesu yǔ sǔpú wǔkobi me n twah n tyí. Té nónó-à se tǔ ne pé péle n swah n syi, á pé yah kǔ ké pínóle, n té pè yĩni n wilki Yesu yǔ sǔpú tǔnkı soko. ¹¹ N nénóní Kayusi, kâh pèkè pínóle n yah n pi, nte pèpey wo pínóle n yah n pi. Nê-à pèpeyne n pi, Liyel tyí névi ye tǔne. Té nê-à pèkèle n pi, tǔ nâh Liyelle n pne. ¹² Demetriyusi tǔ wole, no pól me nmo yıgbıle n yo. Gbı wǔkì nê to-á à n ko, yĩn pèpey ye ké tole n tyí. Ápi to me n yıgbıle n yo, té áwo pi ne nê-á ápi n yo, gbı-á kéle.

Wey tyé-ńsahle

¹³ Tyi nâhnâh me ní tyí yo yo tǔne á tyí, té mé nâh me ké tyí ne mé sè wārki n tekı n mo á tyí sébéy soko. ¹⁴ Mé me n yah n kǔ ne mé n we kè kâh tǔ n mo. Áyâh po wǔ we, á ki yâh sé tyí yǔ vyâhle. ¹⁵ Mé kéle n yah n kǔ Liyel tyí ne à yèvinine n kǔ.

Á kódíbí n wekı á tyí. Wekı ápi to kódíbí tyí á kǔ pé nénúkú núkú pólle.